






Mag. St. Dr.














238







PHILOSOPHIAE CIVILIS  
SIVE

POLITICAE

PARS TERTIA

SISTENS  
SAPIENTIAM PVBLICAM  
IN

PERFICIENDIS CIVIVM VOLVNTATE  
EORVNDemQVE  
CORPORE ET STATV EXTERNO

---

TANQVAM  
CONTINVATIONEM SYSTEMATIS  
PHILOSOPHICI

CHRISTIANI L. B. DE WOLF

POTENTISSIMI BORVSSORVM REGIS CONSILIARII INTIMI,  
FRIDERICIANAE CANCELLARII CET.

A VT ORE

MICHAELE CHRISTOPH. HANOVIO,

GYMNASII ACADEMICI GEDANENS. PROFESS. PHILOS.  
EIVSDEMQVE BIBLIOTHECARIO.

---

CVM PRIVILEGIIS.

---

HALAE MAGDEBVRGICAE,  
PROSTAT IN OFFICINA LIBRARIA RENGERIANA:  
MDCCLVIII.



PHILOSOPHIAE CIVILIS  
SIVE

PARS TERTIA  
SISTENS  
SABINIUM RABLIAM  
IN

FORVIMOVAT

CONTINUATIONE  
TANOVAM

587400

I  
K.3

EMI Jag

1971 K 99 St. Dr.





## PRAEFATIO.



**P**rodit paulo tardius citra culpam meam  
 tertius hic Scientiæ civilis Tomus, quod  
 quomodo contigerit enarrare lubens  
 supersedebo. Continetur in illo reliqua  
 pars sapientiæ publicæ, in statu pacato  
 potissimum exserendæ. Agitur in hoc  
 statu de cura omnes atque singulos ci-  
 ves, quantum conjunctis viribus fieri potest, bean-  
 di fortunandique. Quo pacto in hunc finem fa-  
 cultates virtutesque intellectus excolendæ sint, sub  
 finem Tomi secundi jam erat ostensum. Quod  
 plu-



# P R A E F A T I O.

plura ei Tomo destinata fuerint, ex conspectus titulo patet; quæ dein mutanda fuere, cum prelum doceret, abrumpendam esse paragraphorum seriem, mutatisque numeris pro hac parte denuo ordinandam.

Hic ergo demum absolvitur, quod pars secunda capere nequivit. Scilicet felicitatis civium causa post intellectum emendanda est, & virtutibus probe excolenda voluntas. Quare primo loco sapienti opus est cura sacrorum seu religionis, qua officia erga Deum testanda, pietatisque virtutes sunt quam optime perficiendæ, earum impedimenta e medio tollenda, adminicula autem & invitamenta quam validissima adhibenda. In qua cura Deum sapienter imitandum esse docetur, nulla coactione homines ad religionem compellentem, sed animum argumentis convincentem. Neque prætereundum fuit, quid in religionum diversitate aliis aliisque casibus observandum sit; quid de religione aulica, prævalente & tolerata tenendum; quando & quomodo emigratio concedenda sit? Quid sciendum sit de templis, festis, de imperio & dominio ecclesiastico, de jure reformandi & defendendi religionem?

Curam sacrorum excipit cura sapienter perficiendi imperium sui ipsius, quo officia & virtutes erga se ipsum provehi debent, quoad ejus civitas pot-



potest. Hinc urgenda officia parentum, tutorum, magistrorum omnis vitæ generis, eruditæ quoque & adultioris ætatis, ut in regimine affectuum, & vincendis se ipsis proficiant inde a pueritia usque ad senectutem, quotquot in civitate commorantur. In primis cavendum, ne simpliciores vana veri bonique specie decepti felicitate excidant, sed potius, custodia conscientiae vera, tranquillitate animi sorte sua contenti fruantur.

Jam in virtutibus erga alios principem locum tenet justitia publica. Quæ cum omnes ad felicitatem civilem pernecessariæ sint, ideoque curandum sit, ut eas colentibus melius multo sit, quam negligentibus: hæc publica justitia in primis erga universos ab administrantibus remp. accurate est exercenda in omni ambitu suo, *intus extusque*. Tribuere utraque debet & bene & male factis, quod justum est æquumque; illis benevolentiam, munificentiam magnificentiamque in præmiis promeritis; his pro re nata magnanimitatem generosi injuriarum contemptus, & vindictam poenarum publicam debitamque. Præmia hæc redeunt ad bona fortunæ sapienter distribuenda merentibus, gratiam, dignitates civiles, redditusque publicos. Inter illas eminent nobilitas superior & inferior cum societatibus ordinibusque honorificis utriusque sexus. Poenæ e contrario constituunt mala fortunæ, dictis



# PRAEFATIO.

bonis adversa, & cohibendæ legum transgressioni sapienter adplicanda, augenda, mitiganda aut & remittenda.

Subjungenda huic est justitia & æquitas privata in pactis actibusque beneficiis ad salutem publicam attemperanda. Eaque procuranda est cum in societatibus primigeniis, conjugum, parentum & familiarum; tum in ortis inde civium societatibus inter se & cum exteris, æqua litium obortarum compositione per arbitros privatos aut e magistratu. Huc pertinent leges testamentorum, exhæredationum, legatorum donationum mortis causa & inter vivos; leges successionum ex pactis successoris & ab intestato sapienter instituendæ; leges de jure accrescendi, adeundi & repudiandi hæreditatem; leges bonorum caducorum; leges adoptionum & piarum causarum, quæque cætera his insunt & subsunt.

Non minoris momenti est cura justitiæ privatæ in contractibus omnis generis, beneficiis pariter ac onerosis. Contractibus enim beneficiis ulterior eaque mutua inest obligatio perfecta, quæ ibi non datur, ubi actus beneficis in præsens absolvi-  
tur, uti in donatione omnium aut quorundam bonorum. Contractus, quia mutuam eamque perfectam inducunt obligationem, requirunt, ut utrinque eidem satisfiat, opitulante publica auctoritate & legum executione. Conspicuum illud est in spon-  
sali.



## P R A E F A T I O.

salibus, nuptiis, matrimonio, & divortio sapienter dirigendis. Nec minus id requiri patet, in commerciis eorumque incrementis provehendis, detrimentis autem & impedimentis tollendis, ope legum mercatoriarum & nauticarum, processus brevissimi in diffidiis definiendis, juris cambialis, & remedium fraudulentiae pecuniae decoctorum.

De cæteris res æstimandi, juste & tuto alienandi, optimisque reliquis contrahendi modis itidem tam sapienter providendum est, ne facile fraus & periculum cuiquam creari possit. Attendenda hæc sunt inprimis in rerum immobilium alienatione, lege permutationis, emtionis, censitica, angariali, locationis hæreditariæ & perpetuæ, libellaria, emphyteutica, superficiei, feudali, clientelæ. Attendenda quoque sunt in alimentorum exploratione, pondere, mensura & pretio pro re nata definiendis; in securitate mutui, & rerum commodatarum procuranda; in mandatis, depositis, sequestro, & rebus pupillaribus, curandisque, ad salutem publicam dirigendis; in vulgari locatione rerum & operarum; in contractu scænebri, & usurarum modo ponendo, ne usuraria pravitas irrepat, nec multi desides usuris victitent, aut otiandi libidini indulgeatur; in societatibus, & affinibus pactis in ratas initis, in pecudum traditarum restitutionem &c. comparatis.

Neque negligenda sunt eadem in contracti-  
bus



# P R A E F A T I O.

bus propter debitorum securitatem adhibitis, veluti in pignoribus, hypothecis, fidejussionibus, expro-  
missionibus, in redemptione, constituto, delegatione,  
assignatione, cessione, novatione, transactione, qui-  
bus nonnunquam & mulctæ conventæ, atque olim  
pœna infamiæ, obstagium & similia accessere; in  
contractu æstimatorio, institorio, exercitorio, in-  
nominatoque; in quasi contractibus, negotiorum  
gestione, indebiti solutione, quasi locatione, com-  
munionem &c.; in contractibus aleam subeuntibus,  
ludis, sponfionibus, vitalitiis, ratis fodinarum, emtio-  
ne spei, v. c. missilium, emtione per aversionem, &  
fortilegiis; in servitutibus denique modisque tol-  
lendi obligationem,

Hæc, in Sectione prima hujus partis tra-  
dita, faciunt ad virtutes morales, civilibus institutis  
perficiendas. Sed præter bona animi in civitate  
amplificanda, dantur quoque bona corporis & for-  
tunæ, indidem incrementa sortitura, quæ sectioni  
secundæ substernuntur. Inter bona corporis pri-  
mum tenet locum vita, qua nil carius merito, nil  
commendatius naturâ homini esse consuevit.  
Itaque præcedit in hac discussione cura vitæ ejus-  
que præsidiorum primaria, sic sapienter instituenda,  
ut civium mors, quantum fieri potest, avertatur.  
Inde proscribenda est tum *αυτοχειρία*, tum *μονομαχία*  
omnis, utpote illicita, cum causis & fomentis ea-  
run-



# P R A E F A T I O.

rundem; tollendi sunt globi latronum, prædonum, furum, sicariorum; toleranda non sunt bella privata, & vitanda quoque publica, quantum officia permittunt. Præcavenda admodum homicidia dolosa & culposa, pocula abortus, infanticidia, supplicia plurimorum.

Curandum est impense, ut omnibus recte se gerentibus suppetant vitæ præsidia, salubris aër, victus, amictus, domus. Hinc docetur modus indagandi salubritatem aëris, conservandi eandem, & in usum vocandi, insalubritatem vero, ubi fieri potest, sanandi, substituto salubriori. Quorsum & faciunt templa sat alta & spatiosa. Majorem curam requirunt alimenta salubria & copiosa, petenda ordinario more ex annona domestica, diligenter multiplicanda & reservanda, ex re pecuaria rite curata, ex aucupiis, venationibus, & piscationibus tempestivis legibusque circumscriptis. Parem curam requirunt & potiones naturales, & arte paratæ, ne qua mors e poculis hauriatur. Extra ordinem alimenta illa aliunde sunt procuranda.

Quoties contagia pestesque vestibus, vestium materia, lectis, mercibusque aliis diffundi et e locis peregrinis afferri consueverunt? Nonne propterea opus est, ut diligenter caveatur, ne id fiat? Docendi igitur fuerunt modi sapienter obtinendi, tum ne ingruat contagium, tum ut emergens  
b quam



P R A E F A T I O.

quam primum, ac minimo, quo potest, damno extinguatur. Hanc in rem non sola magistratus cura sufficit, sed et medicis opus est revera peritis & cordatis, aut salario alendis, aut & aliis privilegiis immunitatibusque incitandis ad bene consulendum civium sanitati ac sanationi; opus est pharmaceutis, artis suæ pergnaris, medicamentisque exquisitissimis & comprobatae virtutis. Quæ cura quid requirat, prætereundum haud fuit.

Neque minus aliis morbis medendum est, qui licet non inficiant alios, tamen haud paucioribus, quam contagiosi, sanitatem eripiunt vitamque. Quatenus igitur fieri potest, ne, defectu medicinæ & sanationis sapientis, multi cives inepti redduntur ad officia, aut miseri sint, et intereant, cum sanari potuissent; eatenus debita & hujus curæ ratio est habenda, & quomodo habenda sit, non debet ignorari. Cum cæterarum artium magistri egeant adjutoribus a se alendis, quod in arte medica ita comparatum non est; præter medicos publicos admittendi sunt privati, privilegiis interim aptis donandi loco salariorum, qui curent, quæ publici curare nequeunt, & tum ægrotorum tum mortuorum publicorum vices subeant, felici praxi peritiæ suæ documenta præbituri, saltem honeste se sustentando civitati profuturi, in qua degunt.

Aliter statuendum est de chirurgis vulgaribus,



# P R A E F A T I O.

bus, venas secantibus, clysteres applicantibus, luxationes, crurifragia, vulnera &c. sanantibus, qui, quatenus constringam simul exercent, opificum potius e numero sunt, quam poliatorum. In vulnerum autem sanationibus, obductionibus, membrorum amputationibus, ob morbos simul & pericula vitæ, item vulnerum letalitem dijudicandam, adhibendi sunt medici scientiæ profundioris, qui uti examinatores ita & directores chirurgorum tum recte constituuntur, cum chirurgiæ scientiam exactius, quam chirurgi, callent. Intricatissimis casibus excutiendis & abstrusis eruendis, præter artem anatomicam, operam dabit academia scientiarum, quatenus chirurgiæ & medicinæ una operatur, aut solis hisce destinata habetur.

Adjungenda his est cura incolumitatis, integritatis membrorum organorumque, & reliquorum corporis statusque ejus bonorum, arcendorum autem his repugnantium malorum. In quorum censu cum sint pulcritudo, robur, vigor, alacritas, agilitas, dexteritas, artes mechanicæ, cujuscunque sint generis nominisque, commoditas & jucunditas vitæ innocua; patescit, quam varia & multa hæc cura comprehendat, quæ non fuere dissimulanda, sed breviter potius perlustranda. Artium quidem mediarum, humilium, & sordida-



# P R A E F A T I O.

rum quoque, idonei tamen requiruntur magistri, eorum manu & ope facta opera, quæ signari possunt, fraudum arcendarum causa signanda sunt, aut æstimanda a peritis. Cæterorum aut opifices aut venditores cum noti sint, conveniri de damno dolove poterunt, si tanti videbitur esse.

Commoditatis cura arcet molestias, quæ evitari possent, incomodaque vera, procurando abundantiam rerum utilium, naturalium artificialiumque, v. c. ædificiorum, platearum, viarum, portuum, diversiorum, utensilium, vestimentorum, lectorum, armorum, instrumentorumque, æquo pretio comparandorum. Licitæ autem iucunditatis procuratio occupatur circa oculorum, auriumque oblectamenta, circa ornamenta cujuscunque indolis receptæ, circa artes ad sensuum delinimenta facientes, circa delicias palati & res sapidas, circa abundantiam rerum suaviter fragrantium, & male olentium remotionem, denique circa res tactui molles gratasque, & recreationes corporis honestas.

Sequitur sapiens cura civium fortunæ, quæ benevolentiam, honores, opesque eorum spectat. Benevolentia complectitur post amorem favoremque, charitatem, amicitiam gratiamque, mutuis officiis provocandam, fovendam, perficiendam,  
mo-



# P R A E F A T I O.

modis breuiter enarratis. Complectitur concordiam promouendam, uti inter quascunque societates simplices, & compositas minores, & praeuendam sopiendamque discordiam, dissidentiumque litem inimicitiamue, ita inter cives universos, ad praevertendas factiones seditionesque. Eadem de causa expeditiora reddenda sunt matrimonia, sublatis mere arbitrariis impedimentis; dissolventa autem infauita, quæ scopo suo prorsus repugnant.

Ratione honorum eo vertenda est publica cura, ut virtutibus eos mereri studeant, quotquot possunt, & ut digni promerito honore afficiantur, ac ad plura merenda excitentur. Quoniam honore merentes afficiendi sint, publico declarandum est iudicio, quod cæteri sequantur reuerenturque. Quod sit collato fructu iurium honorificorum, hoc est dignitatum civilium, indiciorumque præstantiæ receptorum & honestamentorum publicorum, cujusmodi sunt insignia, tituli, ordines honorifici, locus prior in ordine sedendi, incedendi, suffragandi. Vbi cavendum, ne quis immerito aliis præferatur, ne quid fiat fomiti meritorum aduersum, & ne ignominia injuriaque impune afficiantur, suo merito honoribus condecorati.



## P R A E F A T I O.

Procuranda quoque sunt civibus subsidia, honeste rem faciendi, ditescendi & opum jacturam avertendi. Quem in finem studendum est, ut floreant artes chrematisticae, desides autem ad officium adigantur; ut colantur & ampliuntur quam optime proventus rerum naturalium, & quæ ita ulibus nondum satis aptæ sunt, arte elaborentur perficianturque, quantum par est; ut commercia externa & interna sint proficua, noxia autem impediuntur; ut tesseriis literariis & cambialibus periculum transportandæ pecuniæ in diffitis locis & coloniis caveatur. Occurrendum & medendum est pro viribus civium inopiæ & annonæ caritati, nec ferendi sunt dardanarii. Procuranda & conservanda est moneta proba & sufficiens; arcenda autem vilis, peregrina, improba, & adulterina. Avertenda sunt curate contagiorum pecuariorum, diluviorum incendiorumque damna, &, quæ averti non potuerunt, sapientibus institutis, aut omnino, aut ex majori parte, perpeffis insontibus sunt restituenda. Fugienda sunt bella, & quæ evitari non potuerunt, ita sunt gerenda, ut quam primum exoptata pace componantur. Jam quis est, quin pacem nobiscum a summo ejus datore ardentissimis precibus supplex petat exoretque?

*Nulla salus bello, pacem te poscimus omnes.*

CON-



# CONSPECTVS

## POLITICAE PARTIS III.

### SECTIO PRIMA

DE

### SAPIENTER PERFICIENDA CIVIVM VOLVNTATE.

#### CAPVT I.

De Sapienti cura sacrorum seu religionis: pag. 1.

#### CAPVT II.

De Cura sapienter perficiendi imperium sui ipsius. 116.

#### CAPVT III.

De Cura sapienter perficiendi iustitiam publicam. 186.

#### CAPVT IV.

De Cura sapienter perficiendi iustitiam privatam in actibus pactisque beneficiis. 276.

#### CAPVT V.

De Cura sapienter perficiendi iustitiam privatam in pactis onerosis seu contractibus. 349.

SECT.



SECTIO SECVNDA.

DE

SAPIENTER PERFICIENDO CIVIVM COR-  
PORE ET STATV EXTERNO.

CAPVT I.

De sapienti cura vitæ civium, ejusque præsidiorum. pag. 412.

CAPVT II.

De sapienti cura valetudinis & affinium bonorum. 462.

CAPVT III.

De sapienti cura fortunæ civium. 525.



PHILO.





PHILOSOPHIAE CIVILIS,  
SIVE  
**POLITICAE PVBLICAE**  
*PARS TERTIA,*  
DE  
SAPIENTI CVRA SACRORVM.  
SECTIO I.  
DE  
**SAPIENTER PERFICIENDA**  
CIVIVM VOLVNTATE.  
*CAPVT I.*  
DE  
Sapienti cura Sacrorum seu Religionis.

§. I.

**P**raeter intellectum emendari quoque ac perfici conjunctis viribus debet Perficienda  
civium voluntas. Salus enim ciuitatis primaria continet est civium  
(Wolffii Politicæ P. III, Sect. I, C. I.) A omni-voluntas.



omnium atque singulorum civium felicitatem, quanta conjunctis viribus haberi potest (§. 39. P. I. Polit.); eaque nisi virtutibus quibuscunque civium obtineri nequit (§. 40. *ibid.*). Neque sine virtutibus moralibus quisquam felix esse potest (§. 400. P. I. *Philos. pract. univ.*). Cum conjunctis viribus enitendum sit, ut homines in ciuitate evadant tales, quales postulat salutis publicæ consecutio conservatioque (§. 303. P. II. Polit.); ubi conjunctis viribus perficiendus erat intellectus, ita quoque junctis viribus emendari & perfici potest facultas appetendi mentis humanæ, ideoque in civitate voluntas civium & emendanda est & perficienda, quantum conjunctis civium viribus datur.

Spectatur nempe voluntas vel ut facultas, quæ ad habitus legitimos tamquam bonitatem moralem est perducenda; vel quatenus jam corrupta est, vel quatenus ultiores gradus restant bonitatis adipiscendæ. Primo casu dicitur ipsa excoli et perducì ad bonitatem; secundo emendari: tertio perfici (§. 336. *Oecon.*). Sed ad omnia ista concurrere potest & opitulari opera aliorum, & ad ipsum hoc obligat (§. 612. P. I. *Jur. nat.*): id circo conferendum est, quod in viribus habetur, ad voluntatem aliorum consociata ope excolendam, emendandam, perficiendamque subinde ulterius. Complecti omnia illa potest cura perficiendi seu corrigendi civium voluntatem. Quæ cum sapienter sit instituenda: patet, ad sapientiam publicam referendam esse curam civium suorum voluntatem omnemque appetendi facultatem perficiendi. Quod quomodo fieri possit, ulterius erit executendum.

## §. 2.

Colendo vir- Cuiuslibet civitati sapienter opera est danda, ut quicumque in ea  
tutes & su- vivunt, virtutibus cunctis et adquirendis, & exercendis perficiendisque  
giendo vitia. continenter incumbant, a vitiis vero quibuscunque arceantur absterre-  
anturque. Cuique civitati proposita est salus publica, tan-  
quam



quam finis ejusdem (§. 36. P. I. Polit.), quæ primario continet felicitatem omnium & singulorum, qui in eadem vivere cupiunt (§. 39. *ibid.*), quæ non nisi virtutibus quibuscunque obtineri potest (§. 40. *ibid.*). Cum salus publica norma sit atque suprema lex omnium in civitate constituendorum (§. 86. P. VIII. *Jur. nat.*): evidens est, cuilibet civitati primariam sapientemque dandam esse operam, ut quicunque in ea vivunt virtutes cunctas acquirere et continenter exercere ac perficere, possint debeantque.

Quoniam vitia virtutibus sunt contraria (§. 321. *seq. P. I. Phil. pract. univ.*), illa felicitati & saluti publicæ repugnant. Qua re cum felicitatis salutisque suæ studiosa civitas operam dare debeat, ut quicunque in ea vivunt, cunctas consecrari & assidue exercere possint virtutes, ut modo ostendimus: indidem consequitur, quamlibet civitatem quoque obligari ad operam, quantum sapienter potest, navandam, ut in ea degentes ab omnibus vitiis abhorreant sua sponte, aut si id nolint vel negligant, ab iisdem valide absterreantur.

Duplicis semper generis homines in civitatibus degere solent, sive cives sint sive incolæ, eorumque liberi, sive peregrini. Vnum genus pronum est ad legem naturæ servandam; alterum ab ea alienum habet animum, quorum illud virtuti deditum, hoc vitiosum appellatur. Vnde in constituenda rep. curandum est, ut qui ad legem naturæ servandam proni sunt, iuventur, nec ab aliis impediuntur; cæteri autem aut corrigantur aut vi adigantur, ut minimum actus externos ad legem naturæ componant (§. 395. P. VIII. *Jur. nat.*). Insipienter enim ejicerentur e civitate, qui tolerari & corrigi possunt, ut civitati prosint.

## §. 3.

Eum in finem adjumenta incitamenta que virtutum moralium largiuntur sunt procuranda conservanda & idem tamen augenda. Consideramus

Suppeditando virtutum



*moralium  
adjumenta.*

mus nempe emendationem voluntatis ut finem obtinendum in civitate (§. 473.), qui causis indiget mediis, quarum ope obtineatur (§. 437. *Ontol.*). Scilicet virtutibus (§. 474.), quæ nunc ut finis, iterum suis causis mediis consequendus spectantur. Hæ cum nos juvent in fine consequendo, merito adjumenta vocantur; & cum simul animum incendunt & urgeant, incitamenta dici merentur. Quia finem consequuturus non potest nolle ea, sine quibus is haberi nequit (§. 941. *Ontol.*): liquidum est, perficiendæ voluntatis civium causa adjumenta & incitamenta virtutum moralium in civitate conjunctis viribus largiter esse procuranda, conservanda atque idemtidem augenda multiplicandaque. *His jungenda sunt validissima quæque a vitiis avocamenta (§. 474.).*

Nuda hominum voluntate, soloque voto nihil efficitur nec obtineri potest, sed iis accurate utendum est subsidiis, quorum beneficio prodit quæsitum. Explorandum igitur est, quando id nondum constat, quænam sint illa, sine quibus potiri voto exoptato nequeamus. Quo facto illa comparanda & largiter subministranda his sunt, qui illorum indigent usu. Si eorum usus requiritur perpetuus, oportet, ut et adjumenta illa perpetuentur, ideoque vel conserventur, dum servari possunt, vel ubi id fieri nequit, alia in priorum locum surrogentur. Denique ubi pristina adjumenta non sufficere amplius deprehenduntur: ibi erunt aliis additis corroboranda, ideoque augenda & amplificanda pro re nata, una cum validissimis remediis vitiorum.

Præceptum nostrum etiam sic ostendatur: civitati cuique ejusque rectori curandum est, ut cives sint virtute præditi, & ne a virtutis tramite ad vitia deflectant, qui vero deflectunt, a vitiis revocentur & in viam rectam reducantur (§. 456. *P. VIII. Jur. nat.*). Curandum igitur quoque, ut cives eorumque liberi virtutibus imbuantur, quantocyus, & antequam vitiis inficiantur, nec facile a virtutibus desciscant & abdu-

can.

cantur; si vero corrumpi se passi sint, in virtutis tramitem revertantur actutum. Quæ cum libenter & libere fieri debeant, opus omnino est argumentis & documentis, animum de virtutum necessitate & utilitate summa convincentibus; opus est quibuscunque virtutum adjumentis illecebrisque, largiter adhibendis, instaurandis & subinde in mentem revocandis augendisque, ut quorumque animus ardentem constanterque summo cum prolubio in earum dulcedinem feratur, & a vitiorum fœditate abhorreat. Si quo errore, aut si qua seductione a semita virtutum recessit, conquiescendum non est, nec ulli parcendum incitamentorum ad virtutem, & avocamentorum a vitio generi, nisi re perfecta, & reducto in viam hallucinante, modo aures præbere rationibus dignetur.

Constituendum enim est, corruptionem invalescere eo usque posse, ut nec divina nec humana virtutum adjumenta, & incitamenta ad easdem, aut avocamenta a vitiis admittantur, sed respiciantur obstinate pertinaciterque. Quo casu quid præsidii restet ad ceteros saltem protegendos, & a tali contagio pesteque liberandos, suo exponetur loco.

## §. 4.

Quemadmodum adjumenta provehunt finis consecutio. Et tollendo nem: ita impedimenta faciunt, ne possit obtineri, adhibitis *impedimenta* quamquam omnibus ad eum impetrandum requisitis (§ 726. *Ontol.*). Quoniam in civitate perficiendæ civium voluntatis causa quæcunque haberi possunt virtutum moralium adjumenta sunt adhibenda (§. 375. *P. II. Polu.*): necesse quoque est, ut ejusdem finis causa impediamenta, quæ obesse virtutibus moralibus adquirendis exercendisque solent, omni virium consonatarum contentione prævideantur frangantur & e medio, quantum pote, tollantur, iisque remedia probata opponantur.

Tela prævisa minus nocent, proverbio dici solet; quod non



minus in quævis obstacula scopi conferri potest. Nam si hæc tollere, cum possis, nolis, excidis sine optato. Sed tollere non poteris, nisi quæ & cujusmodi sint, habeas perspectum, nec facilius poteris tollere, quam si optimam tollendi ea rationem præmeditatam habeas & præparatam. Quod quia fieri nequit, nisi quænam, quot, & quanta sint futura, aut oriri possint, ante exploraveris: necessitas prævidendi, præmeditandi & præveniendi, seu avertendi illa elucet. Quatenus vero arceri nequeunt, præmeditatio tamen efficere poterit, ut in promptu sint remedia, quibus eorum noxa minuatur, repellatur supereturque. Victa si fuerit, tolletur simul, ut fere idem sit, ac si non offecissent.

## §. 5.

*Quæ sint generalia virtutum subsidia.*

*Generalia harum virtutum subsidia habentur in promota bona educatione, & viva officiorum cognitione, in bono exemplo prælucente, & addita civili obligatione.* Subsidia enim virtutum moralium non sunt nisi earum adjumenta & incitamenta, quæ diximus (§. 475.); eaque vocantur generalia, si in omni virtutum genere locum habent. Constat vero ad omne genus virtutum comparandum valere bonam educationem per *Sect. II. cap. 2. Oecon.* Constat vivam officiorum cognitionem flectere animos ad actiones suas eidem conformandas (§. 244 *P. II. Phil. pract. univ.*). Constat magna exemplorum vis ad cognitionem vivam adipiscendam (§. 273. *ibid.*) & ad cognoscendum intuitive rectum agendi modum (§. 275. *ibid.*). Constat, obligationis civilis vim in mentem humanam itidem se exserere ac obligationem divinam naturalem (§. 240. *P. I. Phil. pract. univ.*), ideoque obligationem hominis fieri eo majorem & fortio rem ad flectendam ejus voluntatem. Quamobrem quando in civitate uti potest ac debet, ita promovetur quam optime bona liberorum educatio, & cognitio officiorum viva, quando a cunctis saltem multis bona præbentur aliis exempla, quando his additur efficacia civilis obligationis, fieri nequit, quin alii in vir.

virtutibus acquirendis exercendisque his adjuventur excitenturque ut civitas culta evadat (§. 53. *Jur. Gent.*). Quæ quia in omnibus virtutum speciebus locum habent, negari nequit, generalia virtutum subsidia contineri in promota valide bona educatione, & viva officiorum cognitione, item in bonis exemplis, additaque officiis naturalibus civili quoque obligatione salutis publicæ accommodata. Quæ necessaria esse in perficienda civium voluntate patet (§. 475.).

Quamdiu homines se ipsos regere, per ætatis & intellectus infirmitatem nequeunt, tamdiu maxime egent aliorum imperio & auxilio in omnibus, vitæ suæ partibus, egent ergo bona educatione, non nisi ab aliis ipsis præstanda. Hanc educationem quidem in societate æconomica præstare ipsis debent parentes eorumque vicarii. Sed & ad illius, uti cæterorum bonorum domesticæ societatis, emolumentum complementumque ineunda erat civitas, cum nec singulæ domus sibi sufficerent in cunctis, quæ ad vitæ necessitatem, commoditatem jucunditatemque, ipsamque felicitatem faciunt, nec quiete jure suo frui, quod ab aliis ipsis tribuendum est, satis tuto consequi, seque & sua adversus vim aliorum defendere valerent (§. 1. P. VIII. *Jur. nat.*); nec vici (§. 119. *seqq. P. I. Polit.*); neque pagi & oppida (§. 122. *ibid.*); nec urbes & regiones singulæ (§. 127. *ibid.*). Postea quam adolevere & virilem assecuti sunt ætatem, multi se regere nolunt, sed suis obsequendo cupiditatibus vel segnes sunt in virtutis cultura, vel ab ea alieni. Egent ergo in illo casu excitatione per aliorum exempla adhortamentaque, egent convictione animi, & obligatione externa, quam civilis societas optime præstare valet, ut cives & internis & externis incitamentis in virtutum acquisitione & exercitatione proficiant (§. 3.).

## §. 6.

*Remedia impedimentorum generalia requirunt avocamenta efficacissima a negligentia & pravitate educationis, a barbarie sectanda, & impedimentis prodendis malis exemplis. Per se patet, bonae educationi ob-*  
*torum remedia.*



stare tum neglectum ejusdem, tum pravitatem, quibus non nisi mala educatio, existit; vivæ cognitioni ob stare ignorantiam, & cognitionem mortuam (§. 244. P. II. Phil. pract. univ.), quæ pariunt barbariem moresque incultos & virtuti contrarios (§. 52. seqq. Jur. Gent.) & bonis exemplis repugnare exempla prava. Cum tollenda junctis viribus sint virtutum impedimenta (§. 4.) idque non nisi remediis, quæ dari possunt, validissimis ex asse fieri queat (§. 194. & 199. P. II. Phil. pract. univ.): perspicuum esse arbitror, utendum esse in civitate validissimis impedimentorum virtutum remediis. Qualia esse efficacissima obligationis civilis avocamenta, tum a negligentia & pravitate educationis, tum a barbarie gliscente, tum a prodendis malis exemplis, per se lucet. Vti ergo generalia virtutum subsidia ad voluntatem civium perficiendam adhibenda erant (§. 3.): ita quoque generalibus his impedimenta virtutum tollendi remediis utendum sapienter esse, relinquitur.

Removenda sunt virtutum impedimenta, quæ obstant earum acquisitioni, quæ officiunt illarum conservationi, & corruptionem civium excudunt, & quæ intensiori & amplificationi earum obices ponunt. Adquirendæ sunt virtutes in recta educatione, cui obstat ægra depravata atque neglecta, ope publica sanandæ. Adquisitæ retinendæ sunt & conservandæ, quod fieri nequit, nisi profligetur oblivio, succedens barbaries fere obbrutescens, & nisi profligentur mali exempla. Multo minus in his casibus vel intendetur gradus virtutis vel amplificabitur ejus exercitium ultra solitos cancellos.

## §. 7.

Promovenda  
honestas in-  
terna & ex-  
terna & im-  
pediendum  
contrarium.

Promovenda est publice diligenterque honestas vitæ civium cum interna, tum externa secundum sapientiæ leges; impedienda autem, quantum fieri potest, turpitudine interna & externa. Honestas enim est convenientia cum obligatione & jure naturali, seu cum debitis licitisque (§. 171. P. I. Phil. pract. univ.). Quæ interna dicitur,

citur, quatenus infert convenientiam actionum internarum mentis cum lege divina; externa autem, quatenus conformitatem actionum corporis externarum cum lege naturæ, (*per notata ad §. 456. P. VIII. Jur. nat.*) notat. Quia ad virtutem moralem requiritur constans & perpetua voluntas non agendi nisi quæ legi naturæ sunt consentanea (§. 328. *P. I. Phil. pract. univ.*), & in civitate largiter sunt procuranda quæcunque virtutum documenta, adjumenta & incitamenta (§. 3.), ideoque perficienda est bona educatio, viva officiorum cognitio, bonorum exemplorum copia cum efficaci obligatione civili (§. 5.): dispalescit sane, publice diligenterque promovendam esse honestatem vitæ civium internam, naturaliter debitæ licitisque satisfaciendam, & meliora præferentem sequioribus (§. 193. *P. I. Phil. pract. univ.*).

Enimvero vita honesta, ab honestate actionum appellata (§. 8. *P. II. Phil. pract. univ.*), perfecta non est, nisi in ipsa detur consensus omnium actionum liberarum inter se & cum naturalibus (§. 9. *ibid.*), nec sincera, nisi initia consentiunt externæ cum internis (§. 714. *ibid.*) quoties nullum officium simulationem requirit (724. *ibid.*). Quapropter quia virtutem culturus vitæ perfectæ, ideoque & honestati perfecte studere debet (§. 26. *ibid.*) publice promovenda honestas vitæ infert studium cum interna simul & externam vitæ honestatem promovendi, seu efficiendi, ut jungatur externa vitæ honestas cum interna.

Sed alia est ratio actionum internarum & externarum, quatenus ab aliis hominibus sunt dijudicandæ: dum externæ in sensu incurrunt, & certo cognosci possunt; internæ vero in mente latent, quam introspicere aliis hominibus negatum est, quod quisque in se experitur. Actus quidem externi, quibus alii læduntur, in foro humano disceptari, probari & puniri pro meritis possunt; internorum vero, quatenus latent,



seu cogitationum occultarum, pœnam iudex humanus irrogare nequit, nec irrogandi jus habet, quando casu quodam innotescunt (§. 643. P. VIII. Jur. nat.). Sapienter ergo instituendum est publicum studium promovendi honestatem vitæ externam & internam, ut scilicet respondeat naturæ actionum internarum & externarum, & salutis publicæ, tanquam normæ omnium in rep. constituendorum (§. 86. *ibid.*). Neque ideo sapienter tantum curaretur externa vitæ honestas, quæ neutiquam sufficit ad omnes injurias arcendas: cum interna honestate destituti nihil vereantur, occultas instruere machinationes fraudesque, quibus vel clam aliis noceant, vel tam callide, ne facile detegi & evinci ipsorum nequitia possit (§. 456. *ibid.* Schol.).

Cum per dictas rationes publice diligenterque promovenda sit honestas vitæ externa non tantum, sed & interna; honestati vero repugnet vitæ inhonestas (*cit.* §. 171.), quæ latinius turpitudine nominatur: apertum est, itidem sapienter publice impediendam esse turpitudinem deformitatemque vitæ civium non externam solum, verum & internam, quantum ope humana fieri potest (§. 3.). Quo efficietur, ut fugiantur illicita quæque (§. 170. P. I. Phil. pract. univ.).

## §. 8.

Promoven-  
dum deco-  
rum, impedi-  
endum inde-  
corum.

Secundario promovendum quoque est decorum vitæ & impediendum indecorum seu dedecus civitatis. Decorum enim est, quidquid arguit præstantiam libere agentis, uti indecorum, quidquid repugnat præstantiæ libere agentis, seu non convenit cuiquam eorum, quæ ipsi inesse debent (§. 194 *sq.* P. I. Phil. pract. univ.). Quia naturaliter decorum convenit cum lege naturali & honestate (§. 197. P. I. Phil. pract. univ.), & indecorum naturale cum inhonesto & turpi (§. 198 *ibid.*): planissimum est, quod de honesto & inhonesto præcipimus (§. 7.), idem etiam valere de naturaliter decoro & indecoro. Quoniam vero decorum arbitra-

bitrarium, quod vulgo decorum dici solet, nisi ex hominum opinione decere non intelligitur (§. 196. *ibid.*), ideoque & illius contrarium aliis decorum videtur: a quibus hoc ipsum indecorum appellatur (§. *eod.*): utrumque talem nexum cum lege naturali non habet, ac honestum, eaque propter sufficit, si secundaria illius promovendi ratio habeatur, quatenus præstat in his rebus non illicitis communem receptamque sequi opinionem, tanquam eam, quæ majori suffragiorum numero gaudet, quam permittere, ut singuli vel pauci se temere & arroganter præponant plurimis, eosque se deteriores statuunt & contemnunt (§. 790. et 854. *P. I. Jur. nat.*). Quod eo magis observandum est, si non tantum una civitas sed & circumjacentes aut omnes aut pleræque eandem foveant de decoro opinionem.

Dari hujusmodi decora ex arbitrio hominum pendentia, vix a quoquam in dubium vocabitur. Quis enim nescit v. c. alibi locum a manu dextra censeri honoratiorem, alibi eum, qui est a sinistra. Nonne alia alibi vestimentorum genera censentur decora & indecora? Item in eadem civitate alio tempore alia atque alia in externo cultu ornatu & apparatu putantur decere, & vicissim dedecere, & decere postea rursus. Quæ quia mutabilia sunt, modi (*Moden*) vel sæculum appellantur; licet rarius sæculum durent. Ecquis nescit tales sæculi mores cito invalescere nudo aliorum exemplo? Si in his vanis sæpe homines sunt imitatores prompti & simii, tantum non servum pecus: mores illi ad bona & honesta majori jure essent transferendi, ubi magnam ipsis parerent laudem, felicitatemque. Sed quia triplex datur virtutum genus, videlicet erga Deum, se ipsum, aliosque homines: seorsum ostendendum erit, quomodo generalia hæc præcepta in illis applicentur. Primum ergo de pietate & religione promovenda agendum erit, qua in re jus sacrorum, tanquam pars jurium majestatis (§. 945. *P. VIII. Jur. nat.*) suas tue-  
tur partes.



## §. 9.

*Promovenda  
publice est  
pietas, impe-  
dienda im-  
pietas.*

Dum cuilibet civitati opera est navanda, ut quotquot in ea degunt, virtutes cunctas acquirere, exercere continenter & perficere possint ac debeant, contra a vitiis quibuscunque arceantur absterreanturque (§. 2.); pietas autem inter virtutes primum tenet locum, virtutesque reliquas omnes ad sublimiorem evehit gradum (§. 339. § 344. P. I. Phil. pract. univ.): pronum est collectu, unamquamque civitatem obligari ad omnem movendum lapidem, ut quotquot in ea degunt pietatem addiscant, continenter exerceant, & subinde ulterius perficiant; contra impietatem fugiant, & si id sponte facere detrectent, sapienter ab eadem absterreantur (§. 457. P. VIII. Jur. nat.).

Idem & sic evincetur: publice promovenda est omnis honestas vitæ civium, cum iaterna tum externa (§. 7.). Sed ad honestatem vitæ civium omnino referenda quoque est pietas, tanquam habitus conformans actiones erga Deum legibus divinis (§. 339. P. I. Phil. pract. univ.), ideoque earum convenientiam cum legibus attributisque divinis præstans. Inde & publice promovenda est pietas, impedienda autem impietas, quantum sapienter fieri potest.

Adhibemus hic pietatem (erga Deum) in generali significato, ut quæ generatim de ipsa ostenduntur, applicari etiam ad pietatem christianam possint, licet in philosophia strictius non agatur nisi de pietate philosophica. Scilicet pietas philosophica est habitus conformandi actiones legi naturæ ope rationum, ab attributis & providentia Dei petitarum, quatenus lumine rationis innotescunt (§. 339. P. I. Phil. pract. univ.). Generatim ergo pietas erit habitus conformandi actiones suas legibus divinis ob rationes a Dei proprietatibus & operibus petitas, quæ luculenter nobis innotuerunt. Sunt enim leges divinæ non naturales tantum, verum etiam revelatæ; & quæ in Deo sunt & ab ipso facta sunt, partim lumine rationis, partim lumine revelationis nobis pate-

pateſiunt. Tam ample accepta pietas complecti ſolet omnes virtutes erga Deum, velut earundem ſumma.

## §. 10.

*Pietas includit religionem & obligatio ad pietatem inferit, obli-* *Pietas invol-*  
*gationem ad religionem.* Sive enim latius accipiatur, ſive ſtrictius, *vit religio-*  
 notat illa ſemper habitum conformandi actiones ſuas erga Deum *nem.*  
 legibus ipſius (§. 9.). Quia homo ad has actiones erga Deum  
 obligatur, ſunt illæ officia erga Deum (§. 226. P. I. Phil. præf.  
 univ.). Quorum alia directæ ſunt, quæ non niſi Dei cauſa ſu-  
 ſcipiuntur, ſeu Deum proxime pro objecto habent; alia indi-  
 rectæ, quorum objectum proximum non eſt ipſe Deus, ſed  
 ſunt res aliæ, ſcilicet vel nos ipſi, vel alii homines, attamen  
 peraguntur ex obedientia erga Deum, quæ & officia erga nos  
 & officia erga alios homines, ſeu omnes actiones noſtras ſpe-  
 ctat ut officia erga Deum ſimul (§. 173. P. III. Ethic.). Enim-  
 vero colere Deum dicitur, qui ſuas actiones edit Dei gratia (§.  
 511. P. II. Theol. nat.), ideoque agnoſcit illas Deo deberi, vel  
 Dei cauſa ita & non aliter edendas eſſe, dum agnoſcit Deum eſſe  
 in cunctis actionibus colendum (§. 124. P. I. Jur. nat.). Sed  
 modus debite colendi Deum dicitur religio (§. 512. P. II. Theol.  
 nat.) neque ab uſu abhorret, habitum debite colendi Deum,  
 interdum religionem vocari. Ita jam diluceſcit, pietatem tam  
 latius quam ſtrictius acceptam involvere religionem, ſtrictè ni-  
 mirum accepta includit religionem naturalem, latius vero ac-  
 cepta ſimul illa, quæ naturali & revelatæ religioni ſunt com-  
 munia.

Obligationem vero ad pietatem, quam evicit (§. 481.): ſimul  
 continere obligationem ad religionem, non indiget nunc ulteriori  
 probatione. Religionem rectè dici modum colendi Deum, vel  
 plenius modum debite Deum colendi, vel ex diſiſione pater,  
 qua alia dicitur naturalis alia vero revelata (§. 512. P. II. Theol.



*nat.*). Vbi apertum est, posteriorem notare illum Dei colendi modum, qui revelatus est a Deo in sacra scriptura. Proprie autem habitus non dicitur revelari, sed vel connasci, vel adquiri, vel divinitus infundi. Quia vero *Cicero de Nat. Deor. II. c. 25.* scribit, qui omnia, quæ ad cultum Deorum pertinent, diligenter retractarent, & tanquam relegerent, sunt dicti religiosi ex relegendo. Et antea dixerat, cultum Deorum esse plenissimum pietatis, quam diligentem vocat cultum, qui officium tribuit parentibus, patriæ cæterisque benevolis, *c. 53. & 22. L. 2. de invent. rhet.* & alibi maximam virtutem, matremque reliquarum. Vnde in religione pietatem, & diligentiam cultus dudum admissam fuisse perspicitur. Quia pietas illam diligentiam in religione complecti potest, malumus habitum debite colendi numen ad pietatem referre, quia aliud nomen non suppetit, usu receptum, & religionem in modo debite colendi Deum residere.

## §. II.

*Vnde oritur jus sacrorum publicum & cura.* Ex obligatione civitatis promovendi perficiendique pietatem & religionem, nascitur ipsius jus sacrorum sapiens & circa eorundem ac religionis. Obligatur enim unaquæque civitas ad omnem modum vendum lapidem, ut quotquot in ea degunt, pietatem, sibi comparent & diligenter constanterque exercent (§. 9.). Sed lex naturæ dat nobis jus ad ea, sine quibus obligationi naturali satisfieri nequit (§. 159. P. I. Phil. pract. univ.), vel generatim lex divina dat nobis jus ad omnia, sine quibus obligationi ipsius satisfieri nequit. Quamobrem nemo non videt, ex obligatione civitatis perficiendi pietatem nasci jus ad ea, sine quibus ipsi satisfieri nequit. Si ecclesia vocatur cæterus Deum eodem modo colentium, & jus circa sacra, vel sacrorum jus statuendi de iis, quæ ad cultum dei & ecclesiam spectant (§. 945. P. VIII. Jur. nat.): manifestum est, ex obligatione civitatis promovendi pietatem, & religionem (§. 10.) fluere ipsius jus sacrorum publicum.

Obligatio illa civitatis imponit necessitatem moralem eidem ex asse satisfaciendi (§. 118. P. I. Phil. pract. univ.). Quod cum

cum fieri non possit, nisi constans adsit & perpetua voluntas id quam optime faciendi, & sollicitudo animi cavendi ne quid negligatur ac secus fiat, patet, civitatem quoque obligari ad constantem & perpetuam voluntatem utendi jure sacrorum, nec minorem animorum sollicitudinem cavendi, ne quid officii negligatur, vel contra illud fiat. Illa vero constans & perpetua voluntas satisfaciendi officio, una cum sollicitudine mentis cavendi, ne quid contra illud fiat, *cura* appellatur, quæ si legibus sapientiæ conformatur sapiens dici meretur (§. 519. *P. I. Phil. pract. univ. in not.*) & (§. 678. *seqq. Psychol. rat.*). Sic intelligitur, ex obligatione civitatis perficiendi pietatem ac religionem derivari curam sapientem sacrorum & religionis; intelligitur quoque, obligari quamque civitatem ad sapientem curam sacrorum & religionis.

In cura sacrorum & religionis insistimus vestigiis, B. Baronis *de Wolff*, qui curam animæ &c. in numerum virtutum retulit duce natura rei. *P. III. Eth. §. 137.* evincit curam animæ virtutem esse ex eo, quia confertur in acquirendos, conservandos, & perficiendos habitus mentis: dixerat enim §. 134 illam esse curam, quam conferre debemus in perfectionem animæ accidentalem. Adquiescit autem in confusa curæ notione; quam ideo distinctius evolvere & dicere libuit, constantem ac perpetuam voluntatem, ut habitum illam notare, non nudam actum & operam subinde adhibitam. Præterea addidi, eam esse habitum quam optime id præstandi, circa quid versatur, v. c. in nostro casu versatur circa perficiendam religionem. E quibus multo lucidius apparet, ejusmodi curam esse virtutem. Poterat quoque diligentia vocari, quemadmodum docetur (§. 139. *l. c.*) curam animæ habentem, omnem in procuranda ejus perfectione diligentiam adhibere: & §. 133. agnoscit, quem cura animæ suæ tangit, eum sollicitum esse, ne quidquam eorum prætermittat, quæ faciunt ad mentem perficiendam, & adnotat hanc sollicitudinem præcipuam curæ partem efficere, cum cura in ge-



nere dicitur sollicitudo de re quadam, quatenus vel illius adquisitio & conservatio dubia videtur, in quam fertur appetitus, vel eventus videtur probabilis, quem averſamur. Et paullo post, cura requirit sollicitudinem: ne quid non usu facultatum nostrarum omittatur, quod ad habitum acquirendum, conservandum, vel augendum fieri poterat; vel illarum abusu committatur obſtiturum, quo minus illum consequamur, aut jam adq̄ſitum augeamus, vel periculo eum amittendi nos exponamus. Quibus hoc tantum subjungo, quia sollicitudo illa stimulus est, omnia faciendi ut expetita adipiscamur, & formidata avertamus, illam distinctam involvere cognitionem, ideoque sollicitudinem mentis seu rationalem appellari posse, ut ab illa discernatur, quæ in timore continetur & confusa nititur cognitione. Hinc quoque studium vitandi culpam, & cautionem mentis vera mala avertendi infert, quæ virtutes dici merentur (§. 181. *ibid.*). Quæ omnia ad curam religionis, tanquam virtutem civilem eamque publicam facile transferuntur.

## §. 12.

Cujus sit in  
civitate jus  
& cura sa-  
crorum?

Quia civitatis est jus & cura sacrorum (§. 11.); forma autem civitatis vel simplex est vel composita seu mixta (§. 287. & 310. P. I. Polit.): jus quoque & cura sacrorum nequit in qualibet civitate esse penes eosdem, sed dispiciendum erit, penes quos habeatur, & quid ipso pacto civitatis in eis continuatur. Erit igitur non nisi eorum, quibus ipso pacto debetur. Hi commodè Rectores Ecclesiæ vocari possunt, sive rectores civitatis simul sunt, sive minus: forma enim civitatis melius constitui nequit, quam publico pacto (§. 258. P. I. Polit.) & cuilibet civitati permittendum est, ut de summo imperio statuatur quidquid ipsi lubet (§. 264. *ibid.*). Sed jus sacrorum pars est summi imperii & jurium majestatis (§. 946. P. VIII. Jur. nat.). Inde quoque de jure atque cura sacrorum pacto civitatis est statuendum ut illud nomine ecclesiæ ita geratur ac ab ipsamet geri deberet. Non erit igitur jus & cura sacrorum in aliorum potestate, quam quibus legitimo pacto

pacto debetur. Hinc ex voluntate populi pacto declarata metiri oportet & jus & curam sacrorum in civitate, quantum ejus & cui debeatur, quod salva naturæ lege deberi possit.

In statu naturali omne jus circa sacra est penes unamquamque Ecclesiam particularem, nisi quatenus plures Ecclesiæ per pacta idem fecerunt dependens a se invicem (§. 953. P. VIII. *Jur. nat.*). Ecclesia enim spectatur ut societas hominum, qui Deum eodem modo colere volunt, seu eidem religioni addictorum (§. 484. *ibid.*), quæ quatenus in uno loco, vel una regione aut civitate continetur, particularis; quatenus vero per quasunque civitates, ubi recepta est, diffusa spectatur, universa vocatur (*ibid.*). Licet vero jus circa sacra sit penes ecclesiam, hoc tamen non officit, quo minus dicatur esse penes civitatem, si illam eidem religioni addictam ponamus. Sed quatenus finis societatis tantum statuitur esse copia vitæ præsidiorum, tranquillitatis & securitatis sufficiens (§. 13. *seq. ibid.*); eatenus jus sacrorum non est ex ipsa civitate, sed eidem pacto adjungi potest, uti placet; potest etiam ab eodem separatum statui (§. 953. P. VIII. *Jur. nat.*). Per se ita jus sacrorum non inest imperio civili, sed per pactum ad illud accedit, sive uni personæ credatur, sive plurium collegio, absoluta aut limitata ratione (§. *cit.* 953.), & ab eodem quadam tenus efficitur dependens. Quando autem quid melius sit, quæritur, recte statuitur, jus circa sacra, quatenus non modo tutelam civilem adversus hostes requirit, sed & actus continet, quorum exsecutio indiget brachio civili, ideoque consentire cum civili imperio debet, eatenus illud imperio civili subesse, & ab eodem dependere debere (§. 954. *ibid.*). Eo vero sensu civitatem in Politica accepimus, quia quod melius est etiam in civitate præferendum est (§. 193. P. I. *Phil. pract. univ.*). Ideo hoc sensu subesse jus circa sacra & curam religionis summo imperio, tanquam partem jurium majestatis & exercitii eorundem non abs re contendimus. Cujuscunque enim pacto inito jus & cura sacrorum esse debeat, semper tamen limitabitur per ea, quæ imperio civili ob arctum hujus cum illo

(*Wolfii Politica P. III. Sect. I. C. I.*)      C      nexum,



nexum, relinquenda sunt. Et pactum de cura religionis in statu naturali limitatur iis, quæ divini sunt instituti seu immutabilis legis naturæ; in statu civili vero in illis quæ salus publica requirit, v. g. quæ salutem publicam turbarent aut impedirent. Ejusmodi vero civitatem, si qua daretur, tanquam degenerem, merito hic seponimus, in qua per supinam ignorantiam nulla daretur religio.

## §. 13.

*Penes quem  
ordinarie sit  
in democra-  
tia, Aristoc-  
ratia &  
monarchia?*

*In democratia jus & cura sacrorum ordinarie est penes populum universum, in Aristocratia penes optimates, in monarchia seu regno penes monarcham. Pertinet enim ordinarie jus & cura sacrorum ad jura summi imperii h. e. majestatis (§. 946. P. VIII. Jur. nat.) & (§. 111.). Sed non datur simplex & legitima forma civitatis summiq; imperii nisi triplex (§. 298. P. I. Polit.) dum in Democratia illud sibi retinuit universus populus (§. 287. *ibid.*); in Aristocratia illud transtulit in optimates (§. 295. *ibid.*) & in monarchia in monarcham (§. 292. *ibid.*). Qua de re jus quoque & cura sacrorum in democratia ordinarie, quando civitas uni tantum religioni addicta est, est penes populum universum, in Aristocratia penes optimates, in monarchia penes monarcham.*

*Si quis hoc negaret, eo ipso negaret formam civitatis esse simplicem & legitimam, & vel corruptam quandam, uti tyrannidem, oligarchiam, & ochlocratiam afferret (§. 306. *ibid.*); vel mixtam formam (§. 310. *ibid.*), de quibus nunc sermo non est. Aut respiceret ad nudam administrationem, quæ committi Senatui, aut dictatori potest, de qua administratione & delegatione hic quoque non agi, per se patet. Quæritur enim, cujus sit jus, non cui illud delegari possit ab eo, cujus est.*

## §. 14.

*Penes quem*

*Extra ordinem sicubi sunt in populo civitatis, qui diversam a  
extra ordi- plerorumque sententia religionem profitentur, statui civili non adversam:  
pacto*

pactio conveniendum est, uti de juribus civilibus, ad quæ admittendi sint, nem seu inter vel minus, ita de jure sacrorum, ut certum sit, quantum illius civitati dissidentes. debeatur, nec ne. Potest enim alia religio in civitate tolerari, a qua salutem reip. nihil periculi metuendum; sed cum plus juris in ipsa habere nequeat, quam illis concedit civitas, diversam fovens religionem, paciscendum est, qua lege sit toleranda (§. 957. P. VIII. Jur. nat.); neque plus juris sibi civitas arrogare circa ejus sacra potest, quam pacto adquisivit, etiamsi majori gaudeat jure in religione a plerisque recepta (§. 958. *ibid.*). Quamobrem sive ab initio coeant in civitatem diversam religionem foventes, sive postea tales recipiendi sint, sive tolerandi, qui a religione recepta abierunt, modo nihil salutem publicæ adversum foveant, pacto conveniendum erit de conditionibus mutuis, quantum jurium civilium ipsis dissentientibus sit concedendum, & quantum juris sacrorum civitati ipsisve sit relinquendum.

Ipsa diversitas religionis fons est diversitatis pactorum circa curam sacrorum. Quando enim civitas non est nisi ejusdem religionis, ipsa & omnes in illa religioni favent, neque quidquam eidem adversum designabunt. Dum ita omnes in religione consentiunt: non tantum nihil adversi ipsi erit verendum, sed & omnis civitas in illius tutelam, florem & conservationem erit propensa. Aliter verò comparatum est, quando major pars civitatis aliam fovet religionem. Tum enim major pars civium, suæ addictior religioni, in illis alteri contradicit, in quibus diversitas illarum datur, atque prona erit ad illam diminuendam & tollendam. Non potest ergo eidem tantumdem curæ sacrorum tribui, quantum in casu præcedenti, sed quod conceditur, ita restringendum est pacto, ut salva manere altera religio possit. Vice versa & civitas restringere jus civitatis pariter potest, ne tantum concedat dissidentibus, quantum consentientibus in religione, præsertim si inde periculum & interitus creari plerorumque religioni possit. Ita christiani tolerant Judæos, non tamen



admittunt illos ad officia publica, ut suos cives, neque tamen imperant ipsis, ut mutent suum Sabbatum aliaque festa & ritus antiquos, sed illa permittuntur ipsorum arbitrio. Quo exemplo patet, agnosci publice, etiamsi in populo dentur, qui falsam foveant religionem, eos tamen tolerari salvo exercitio suæ religionis posse, modo caveatur, ne salutis publicæ periculum creare possint. Neque ita patrocinatur civitas falsæ religioni, potius illi ansam præbet rectiora noscendi & amplectendi; item si vel recepta civitatis seu plerorumque religio, falsa foret, inde nanciscitur præsidium rectiora discendi & adsciscendi, uti idololatræ pagani tolerando religionem christianam viam sibi aperuerunt ad errores suos abjiciendos, & ad transeundum in castra christianorum. Hunc casum etiam in simplici forma civitatis occurrere posse, nemo eorum negabit, qui concedunt, jus sacrorum per se imperio non inesse.

§. 15.

*Penes quem*

*fit in forma  
temperata?*

*In mixta & temperata civitatis forma ex pacto mixtionis temperationisque metiendum est jus cum cura sacrorum, ut cui & quantum illius debeatur, constet.* In mixta enim rep. partes jurium & imperii ipso pacto, velut certa lege sunt divisæ inter illas simplices formas, e quibus constat (§. 311. seq. P. I. Polit.) & temperatio pariter in ordinariis adstringenda est legibus pacto sancitis, in extraordinariis vero consensui aliorum obtinendo, si quidquam de illis est statuendum. (§. 53. P. II. Polit.) Respicendum ergo est pactum mixtionis temperationisque, si examinandum statuendumque sit, cujus in rep. mixta & temperata sit jus & cura sacrorum, & quantum illius civitatitribuendum vel sit vel non sit.

Pactum nempe dat legem paciscentibus non violandam. Unde si pactum mixtionis & temperationis perspectum habeatur, aut evolvatur quid in eo de jure sacrorum statutum sit, posito id nullo recentiori pacto esse mutatum, intelligetur lex, e qua jus sacrorum sit metiendum, & e qua innotescat, cui cura

cura sacrorum debeatur & quatenus quantumque seu recte & legitime, seu perperam circa religionem fiat. Uti vero pactum hoc servandum est ab illis, qui illud pepigere, ita & ab eorum successoribus, dum pro posteris simul, non vero duntaxat pro personis paciscentium initum est. Ea propter ne quidem successu temporis plus sibi arrogare; vel jus suum, extendere debet ultra id, quod est conventum & pacto acquisitum. Neque enim prævalens potentia, qua id obtineri posset, legitima violandi pacti ratio fieri potest. (§. 115. P. I. Polit.) Ob magnam varietatem temperatarum civitatis formarum radiosum foret ad ea singulatim descendere, quæ de his vel ex solemnibus pacis instrumentis v. c. Osnabrugensi, Olivenfi, cæterisque, vel ex legibus & privilegiis sacratis religionis, aliisque statutis adduci possent. Unde illa privatæ industriæ, illorumque curæ referuamus, quibus ea excutiendi in dato casu necessitas incumbit.

## §. 16.

Quia rector civitatis dicitur, cui imperium in civitate *Cura sacro-* debetur exercendumque est (§. 42. P. VIII. Jur. nat.) vel qui *rum rectori* jure imperandi in civitate gaudet, sive is sit unicus, sive plures, *civitatis sa-* sive universus populus; quidquid civitati hætenus vindicavi- *pienter ge-* mus de jure & cura sacrorum, id quoque rectori civitatis tri- *renda est.* buendum esse, conficitur eo ipso, quod civitas ibi non spectabatur, nisi quatenus summo imperio gaudet. (§. 13.) Quare & cura sacrorum seu religionis Rectori civitatis & ecclesiæ sapienter gerenda est, (§. 11.) quatenus illius est jus circa sacra (§. 946. P. VIII. Jur. nat. & §. 12.)

Quia cura religionis & sacrorum, vel potest esse penes unum, vel penes collegium plurium, vel penes universos classes religionis, vel mixtim alia pars ejus penes alios (§. 13. 15.): generatim pronuntiatum valet, penes quemcunque sit jus & cura sacrorum, & quantum illius sit penes ipsum, id tamen sapienter esse gerendum. Sapiens enim actionum directio omnibus



incumbens subsidium est adipiscendae felicitatis (§. 453. seq. P. I. Ethic.)

## §. 17.

Quid jure sa-  
crorum im-  
perari ne-  
quat.

Sed qui in civitatem coeunt, inter se pacisci nequeunt, ut de cultu Dei interno, iisque, quæ propter internum in externo aliter habere nequeunt, id pro vero habeatur, quod visum fuerit parti majori (§. 947 P. VIII. Jur. nat.): inde nec civitas nec rector civitatis imperare potest, ut habeatur pro vero & bono id, cui nec convictione nec persuasionem duce sponte assensum præbent homines in civitate degentes, vel quod eorum animus damnat.

Assensum verum extorqueri nullo modo, nullis imperiis, nullis fideiculis posse, inter omnes constat. Nequit ille obtineri, nisi rationibus vel ad convincendum, vel ad persuadendum idoneis, & ab altero admissis. In ipso errore rationes erranti videntur sufficere ad ipsis assentiendum. Quamdiu igitur non afferantur rationes, quibus alii sponte sua assensum dent, tamdiu cuique absonum videbitur postulatam cujusquam, id ipsi esse pro vero habendum, quia alter id vult aut jubet. Præterea cultus Dei internus nititur attributis Dei & legibus naturæ immutabilibus, uti patet ex P. I. Jur. nat. cap. IV. Quæ uti mutari a nullo homine possunt: ita peccaret Rector civitatis contra illa officia quidquam seu jussurus seu acturus ipse: cum obligatio legis naturæ universalis sit & non minus necessaria & immutabilis ac lex ipsa (§. 142. P. I. Phil. pract. univ.) Qua propter rectori civitatis nihil in cultus Dei interioris officia impedienda aut prohibenda licet. Si qua verò habentur in cultu externo, quæ indivulsum habent cum interno nexum, easi mutarentur, mutaretur & cultus internus neque immutabilis foret. Quocirca cum is sit immutabilis: hæc quoque mutari nullo imperio humano poterunt. Exemplo sit Daniel Propheta. Lege regia imperabatur ne quis inter mensem quidquam peteret vel a Deo vel ab homine quoquam, præterquam a Rege, leonibus obijciendus si secus ageret. Dan. VI. 7. seqq. Convictus Daniel de officio cultus divini, precandi Deum quotidie, nihil mutabat in suis moribus

ribus ter in dies Deum invocandi flexis genibus & ore verba fundendo, sic quoque, ut observari ab aliis in isto cultu posset. Malebat leonibus infons objici, quam neglectu officij, nunc nequaquam occultandi, contra Deum peccare. *Socrates* accusatus, quod Deos non censeret, quos civitas esse censuit, & nova Deorum numina introduceret, pietatem suam probavit, dæmonium suum nihil impii habere contendens; damnatus se potius amplissimis honoribus & præmiis dignum dixit, cicutamque a iudicibus propinatam lætus bibit.

## §. 18.

*Dominus conscientie* vocatur, qui imperare potest, quid *Quid sit* de morali actionum natura, sit habendum, ideoque etiam *impe-* *minus con-* rare potest statuenda de religione. Conscientia enim est *scientie*. cultas judicandi de moralitate actionum nostrarum, sintne bonæ an malæ, committendæ an omittendæ (§. 417. P. I. *Philos. pract. univ.*) Dominus vero gaudet jure statuendi de re ipsa, ejusque usu & fructu (§. 959. & 964. P. I. *Theol. nat.*) Unde cogitur, dominum conscientie imperare posse, quidquid habendum sit de moralitate nostrarum actionum, vel quæ actiones revera bonæ sint vel malæ, quænam committendæ sint vel omittendæ. Hinc ipse quoque imperare potest religionem, & quæ religio sit amplectenda nec ne.

## §. 19.

*Dominus conscientie* potest ac debet legem ferre, secundum quam *Quis consci-* conscientie sit judicandum. Potest enim dominus conscientie illi *entia leges* imperare, quid sit moraliter bonum aut malum judicandum, *ferre possit.* quid committendum omittendumve, ut in aliis rebus, ita quoque circa religionem (§. 18.). Sed quisquis imperare potest alteri, quid ipsi sit faciendum & omittendum, is gaudet jure ipsi leges ferendi (§. 677. *seqq.* P. VII. *Jur. nat.*) Inde dominus conscientie gaudet jure conscientie aliorum leges ferendi, secundum quas ipsorum conscientie sit statuendum de rebus



moralibus, agendis fugiendisve. Et si dominus esse vult ac debet, jure isto uti debet.

## §. 20.

Quid requi-  
ratur ad do-  
minum con-  
scientia?

*Dominus conscientia debet exploratum habere & hominum ani-*  
*ma & quid sit optimum factu in quovis casu.* Debet enim domi-  
nus conscientia leges ferre conscientia, secundum quas illi sit  
agendum, quod recte, fugiendum quod prave sit (§. 19.) De-  
bet ergo scire, quid in quovis casu recte aut melius quam  
aliud fiat, quid minus, cum de re sibi ignota nemo leges ferre  
possit. At si hoc scire debet, omnes quoque latebras & recessus  
animi hominum quorumvis, quorum conscientia leges  
sunt ferenda, debet habere perspectissimos, ut punire secus  
facientes, ac debebant, possit. Proinde dominus conscientia  
exploratissimam habeat omnium hominum conscientiam, vel  
omnia animi penetralia pervia sibi habeat, necesse est, ut sciat,  
quid judicent, cur judicent sic nec aliter, & quam ideo poe-  
nam mereantur, secus ac debebant judicantes agentesque sal-  
tem intra mentem; item quibus praemiis afficiendi sint, recte  
secundum normam conscientia judicantes agentesve.

## §. 21.

Deus est do-  
minus con-  
scientia.

*Solus Deus est Dominus conscientia hominum; neque tamen hoc*  
*dominium imperiumque aliter exercet, quam argumentis homini cuique*  
*suppeditatis, quibus convinci de veritate religionis & generatim officii*  
*sui possit.* Solus enim est dominus naturae universae, totius  
mundi, omniumque eorum, quae in ipso sunt, fuerunt, & esse  
debent aut futura sunt. (§. 965. P. I. Theo. nat.) Solus domi-  
nus quoque est omnium hominum. (§. 966. *ibid.*) Solus est  
omniscius (§. 302. *ibid.*) & ab omni errore immunis, (§. 294.  
*ibid.*) solus sapientissimus, quid in quovis casu optimum factu  
sit indubie perspicuus (§. 640. *ibid.*) solus quoque justissimus,  
ut poenas promeritas irrogare, & suum cuique tribuere non  
possit

possit non (§. 1070. *seqq. ibid.*) solus est optimus legislator (§. 383. *seqq.* & 905-910 P. I. *Theol. nat.*). Quare cum non nisi talis esse dominus conscientiae possit (§. 19. *seq.*): planissimum est solum Deum esse dominum arbitrumque conscientiae hominum.

Per se hoc ita notum est compertumque inter homines, ut nemini dominium rei ipsi ignotae actu tribui posse, vel ut recte exerceri dominium a nemine posse fateantur, nisi is rei satis sit peritus. Quis infanti, amenti, dormienti & cuicumque ignaro rerum e. g. nauticarum, illarum dominium exercendum committet? Quod multo magis valet, si dominium simul includat imperium, seu cum illo sit conjunctum. Tale vero est *dominium conscientiae*, quod melius *imperium conscientiae* dicatur: quia libere agunt & agere debent conscientia gaudentes.

Voluntas nostra non potest cogi (§. 927. *Psychol. empir.*) sed quidquid velle debet, id sibi mens distincte exhibere debet, ut bonum ratione sui, vel id intellectus sibi bonum esse statuere debet. (§. 892. *ibid.*) Opus ergo est argumentis distincte percipiendis, quibus agnoscat sua sponte & convincatur, id sibi omnino & indubitato esse ac fore bonum (§. 890. *ibid.*). Cum ergo Deus voluntatis hanc legem esse voluerit, ut quidquid mens distincte perspicit sibi bonum esse & se perspicere id velit, id vero nolit, quod intelligit sibi nociturum esse (§. 891. *seq. ibid.*): alia simul velle & hoc ipsum rursus nolle nequit. Inde nec aliter imperium suum in mentem humanam exercet quam per argumenta convincentia distincte proposita, inter quae etiam sunt praemia promissa & minae poenarum indubiarum.

### §. 22.

*Omnis lex divina est simul lex conscientiae.* Solus enim Deus *Lex divina* est dominus conscientiae, ideoque potest debetque hominum *est lex conscientiae* leges ferre (§. 19.) idemque pro summa in eos *conscientiae*.

(*Wolffii Politicæ P. III. S. I. C. I.*)

D

be-



benignitate quoque semper fecit. Lex enim naturæ, omnes hominum actiones naturales regens, est lex divina, & simul lex conscientiæ. (§. 521. P. I. Phil. pr. un.) Et si qua lex alia divina datur, quæ per revelationem innotuit, ea itidem lex conscientiæ esse debet. Omnis igitur lex divina est simul lex conscientiæ, obligans conscientiam ad recte judicandum de virtutibus vitiisque omnibus, & ad agendum non nisi secundum leges divinas in actionibus quoque intimis seu manentibus in animo cogitationibus, appetitionibus, aversionibusque. Hinc & quæcunque lex divina non est, illa lex conscientiæ esse nequit, nec eam obligare, nisi quatenus eadem est & convenit cum lege divina. Vicissim illa conscientia lege divina sic imbuta, sua quoque natura fertur in obligationem illam agnoscendam, & ad se applicandam, hoc est ad judicandum de suis actionibus secundum illam legem; ad approbanda ea, quæ bona sunt, & ad damnanda, quæ mala sunt. Idcirco conscientia solet saltem post factum tandem accusare & damnare mala a se perpetrata; excusare vero & approbare facta in contrario casu recte perhibetur (§. 463 - 472. seq. P. I. Phil. pract. univ.)

## §. 23.

*Homines ne- queunt do- minari con- scientia.* Nec rectores civitatum & ecclesiarum, nec gentes in universum omnes possunt esse domini conscientie ullius hominis, multo minus ullius Ecclesie. Rectores enim civitatum ecclesiarumque (§. 12.) ad unum omnes, gentesque universas non esse nisi homines, omni majus est exceptione. Conscientiæ vero dominus unus est Deus (§. 21.). Quare cum nullus homo, nulla gens, nec omnis gentium universitas, possit esse Deus (§. 28. Ontol.): nec rector ullus civitatis aut ecclesie cujuscumque, nec rectores omnium civitatum conjunctim sumti, nec ulla gens, nec omnes gentes pro civitate maxima acceptæ, dominium imperiumque conscientie unius tantum hominis, multo minus plurium, & omnium

omnium minime Ecclesiæ & omnium omnino hominum conscientiæ sibi arrogare ullo jure possunt. (§. 18. seqq.)

*Theodericus*, Gothorum rex, religionem adeo liberam esse statuit, ut nihil sit tam voluntarium, quam religio, in qua si animus averfus est, jam sublata, jam nulla est. Neminem perinde animis imperare posse ac linguis, cum mentium rex Deus sit. uti & *Seneca* L. 3. de Benef. c. 20. inquit: errat, si quis existimat servitutem in totum hominem descendere; pars melior ejus excepta est. Corpora obnoxia sunt & adscripta dominis, mens quidem sui juris. . . Corpus est, quod domino fortuna tradidit. Hoc emit, hoc vendit. Interior illa pars mancipio dari non potest. Ab hac quidquid venit, liberum est. Non enim aut nos omnia jubere possumus, aut in omnia servi parere coguntur. Contra remp. imperata non facient, nulli sceleri manus commodabunt. , - Sic & contra officia erga Deum, quæ ipsi a se deberi agnoscunt servi omnesque subditi, qui servi non sunt, dominus rectorque civitatis nihil imperare debet. Nec ullam imponere potest necessitatem credendi, quod nolit, vel quod velit quisquam, non credendi. Nec quisquam efficere potest, ut quidquam agamus contra animi sententiam. Inde *Stephanus* Rex Poloniæ crebris usurpavit sermonibus: Deum tria sibi reservasse, in quibus nec velit, nec possit habere parem, dominari conscientiæ, scire futura, & ex nihilo aliquid facere. Quemadmodum & *Maximiliano* II. imperatori, visum est, nullam intolerabiliorem esse tyrannidem quam dominari velle conscientiis. Pari jure statui potest, nullam hominum tyrannidem minus esse tolerabilem ea, quæ religioni dominari, seu religionem pro lubitu imperare nititur auderque quomodocunque.

#### §. 24.

*Religio interna non subest imperio civili cogenti nec eidem sub-* Num religio esse potest. Nimirum religio interna est modus præstandi Deo interna subcultum internum. (§. 10. & 1230. P. I. Jur. nat.). Sed cultus sit imperio Dei internus absolvitur usu interno facultatum mentis in officiis civili?



ciis erga Deum. (*ibid.*) Cujusmodi officiorum primum est agnitio Dei viva, ex convictione animi de veritatibus theologicis pendens, quæ tota quanta est res conscientiæ, pro sua convictione judicantis. Præterea libere Deus est colendus lubentia pietatis summa. Sed nec ipsæ civitates, nec earum rectores imperare possunt, ut habeatur a subditis pro vero, quod majori parti circa illam videtur, citra aut contra suam persuasione animi (§. 17.), nec dominio & imperio conscientiæ gaudent. (§. 23.) Quapropter religio interna ita non subest imperio civili, ut imperari & extorqueri in civitate degentibus posset; sed vi libertatis naturalis cujusque conscientiæ relinquendum est, ut agat quod velit modo nec agat contra jus alterius. (§. 157. *P. I. Jur. nat.*). Præterea religio interna subsistit intra actiones mentis, nec foras erumpit, cum eatenus iam sit religio interna, & cultum Dei externum efficiat. (§. 1230. *P. I. Jur. nat.*): sed internas mentis alterius actiones nemo hominum penetrare & perspicere valet, ideoque, nec tota civitas, nec illius rectores, nemine diffessuro. Sed illius arbiter unus est omnium scientissimus Deus, solus conscientiæ dominus & rector (§. 21.) Quod abunde sufficit ad perspicendum, religionem internam cogenti imperii civilis vi subesse neutiquam posse.

Potuisset ferri pronuntiatum, religionem internam non subesse imperio civili, si tale imperium intelligatur, quale id esse consuevit, quod nempe externarum actionum rationem & regimen infert. Sed ne quis hebetior existimaret, inter se dissidere curam sacrorum & hoc statutum; malui lucidius dicere sententiam. Distinguendum enim est imperium civile, quod religioni convenit, & quod eidem refragatur. Coactio & extorsio assensus per vim externam, & per quoscunque cruciatus frustra quæritur & speratur, tot persecutionibus sacrorum christianorum inter Iudæos & paganos, tot martyribus seu confessoribus suæ religionis intrepidis, nec crudelissimam mortem subire ver-

ren-

rentibus, contrarium, hoc scilicet edocentibus, assensum nulla vi extundi posse. Quemadmodum de *Anaxarcho* refert *Cicero* *L. III. de nat. Deor. c. 33.* & *L. II. Tusc. Qu. c. 22.* quod a Cyprio tyranno excarnificatus, nullum genus supplicii recusaverit. Quibus alii addunt, eum, cum in mortario tundi pistillis juberetur, dixisse: tunde, tunde *Anaxarchi* culeum, *Anaxarchum* non tundes. Hujusmodi igitur vis cogens ipseque taurus *Phalari-*dis religioni refragatur. Sapiens autem cura religionis ipsi minime refragatur, sed apprime convenit, uti mox planius dicetur. Cogenti ergo imperio civili non subest religio interna, nec subesse tanquam voluntaria potest.

## §. 25.

*Qui contra religionem internam peccant in civitate, relinquendi Peccata con-*  
*sunt divino tribunali, cujus vindictam effugere non poterunt.* Non tra religio-  
subest enim religio interna cogenti imperio civili (§. 24) & ne nem inter-  
intelligi quidem ab ullo alio homine potest, quid alius quis- nam a Deo  
piam contra illam designarit aut nunc peccet. Cum ignota ho- punienda  
minibus, ab illis puniri nequeant, nec si equuleo subjiciantur sunt,  
cogitata eorum extundi possint (§. 681. P. VIII. Jur. nat.): illi,  
qui contra internam religionem peccarunt nec agnosci pos-  
sunt, nec puniri. Relinquendi ergo sunt vindictæ numinis ani-  
morum pervestigatoris Vindicta vero divina certa est, pro-  
pter justitiam eius, vindicem necessariam (§. 1081. Theol. nat.);  
propter scientiam Dei falli nesciam (§. 302. ibid.); propter po-  
tentiam infinitam, cui resistere nulla potest ars, aut vis finita (§.  
350 ibid.); & propter summam sapientiam, aptissimo decen-  
tissimoque modo & tempore omnia peragentem (§. 640. ibid.).  
Eludere ergo vindictam divinam, quisquis internæ defuit reli-  
gioni, nulla ratione vel arte valebit.

Confessi idem sunt gentiles, uti *Sallustius Orat. 2. ad Caf.*  
mihi, inquit, pro vero constar, omnium mortalium vitam divi-  
no numine invisi; neque bonum neque malum facinus ejus-



quam pro nihilo haberi; sed ex natura diversa præmia bonos malosque sequi. Ante quem *Aristoteles* L. II. *Magn. moral.* c. 8. hoc reliquit scriptum: τον γαρ θεον αξιμεν κυριον οντα των τωστων, τοις αξιουσ αποδμεν και τ' αγαθα, και τα κακα. Talem merito statuimus dominum Deum, qui bona & mala meritis distribuat. *Seneca* vero *Quæst. nat.* L. II. c. 42. ait: utile sane erat, in tanta audacia scelerum aliquid esse adversum, quod nemo sibi satis potens videretur. . discant hoc illi, quicumque magnam potentiam inter homines adepti sunt. Cui suffragatur *Seneca Rhetor.* L. V. *Controv.* 1. Sunt Dii immortales lenti quidem, sed certi vindices generis humani, & magna exempla in caput invenientium regerunt, ac justissima patiendi vice, quod quisque alieno excogitavit supplicio, sæpe expiat suo. Sic cum everterat Gideon altare baalium, destructo simul ejus luco, exposcebatur quidem ad pœnam; sed rectiora edocebantur id flagitantes, cum si Baal Deus sit, suam agere causam ipse, & se ulcisci possit. *Judic.* VI. 30. seq.

## §. 26.

*Quæ in externo cultu Dei libera sint relinquenda.*

Quoniam ea, quæ in cultu Dei externo necessarium nexum habent cum interno, ejusdem cum interno sunt indolis Dei libera (§. 17.); & internus cultus non subest coactioni civili (§. 24.); sed qui contra illum peccant, vindictæ divinæ relinquendi sunt (§. 497.); prono inde alveo fluit, ea, quæ in religione externa necessario nexu gaudent cum interna, in debito usu pariter libera esse a coactione impertæ civilis.

Necessaria sunt in cultu externo, quæ inter dogmata religionis habentur v. g. Iudæorum festa Sabbathum, & cetera lege Mosaica ipsis injuncta. Porro quæ ex dogmatibus legitime deducuntur ut omissio sacrificiorum; & agenda, quæ dogmatibus sunt consentanea. Nec aliter statuendum si vel dogmata sint erronea, quamdiu illa ab ipsis habentur pro veris; tamdiu enim contra conscientiam erroneam agendum non est cuiquam (§. 491. P. I. *Phil. pract. un.*). Evidentiora tamen hæc sunt

sunt in veris. Sic abnegatio agnitæ veritatis religionis christianæ imperabatur primis christianis, interdicebatur ejusdem professio magnis partim præmiis promissis, partim suppliciiis propositis & inflictis jam quibusdam. Sed repugnabat abnegatio officio religionis, de cujus veritate divina erant christiani convicti; repugnabat eidem verita confessio & prædicatio. Ea propter subeunda potius erat adversitatum quarumcunque perperessio, innocentibus imminens ab errore superiorum, quam deferendum officium erga Deum. De abusu vero hic non sermonem esse, admonet debitus, quem dixi, usus.

## §. 27.

*Vera religio saltem naturalis in civitate est necessaria est, & ad Religionis in modum utilis.* Vera enim religio est modus Deum debite co-civitate nendi (§. 512. P. II. Theol. nat.). Sed ad veram religionem sal-cessitas utilitem naturalem omnes homines ac civitates obligantur (§. 9. tasque. seq.). Quare cum obligatio inducat necessitatem (§. 118. P. I. Phil. pract. univ.): naturalis hæc obligatio inducit necessitatem moralem, ad omnes homines, civitatesque eorum, pertingentem. Est igitur vera religio saltem naturalis, in qualibet civitate necessaria.

Porro religio interna includit timorem Dei filialem (§. 1234. P. I. Jur. nat.). Timor Dei vero influit in omnem virtutem (§. 339. P. III. Ethic.) & oblata occasione agendi solícite inquirat, num actio sit voluntati divinæ conformis, nec ne (§. 320. ibid.), lubentissime Deo obedit (§. 325. ibid.), & constanti solícitudine animi cavet, ne quid faciat, quod Deus prohibuit; & ne quid omittat, quod præcepit (§. 1177. P. I. Jur. nat.). Ea propter & in occultis & facile occultandis actionibus quoque veretur quidquam facere voluptati divinæ adversum, certus, nec illud inultum manere posse. Hoc cum legum divinarum custodiam promoveat & felicitatem civium (§. 40. seq. P. I. Polit.) quæ primariam salutis publicæ partem constituit (§. 39. ibid.),



39. *ibid.*), aliter non obtinendam: manifesta est necessitas utilitasque ejus timoris Dei incivitate quacunque. Præterea jurata fide opus est in civitate sæpenumero in negotiis gravissimi momenti cum publicis tum privatis, quod nemo nescit; Et in fide juranda bona religio arcer tacitas quoque exceptiones conditiones reservationes mentales fraudesque (§. 908. *seq. P. III. Jur. nat.*). Proinde ad fidem quam optimam promissis faciendam, ad dicendam in testimoniis veritatem, unde controversiarum decisio, criminum punitio, innocentiae purgatio dependet, ideoque ad multiplicem utilitatem nullo modo melius consequendam conducit jurisjurandi ipsiusque ideo veræ religionis naturæ. Admodum utilem igitur & necessarium esse liquet religionem in civitate.

Tam aperta est hæc religionis utilitas in civitate, ut ne hostes quidem omnes, inde & veræ religionis eandem in dubium vocent, sed potius fingant utilitatis civilis causa confictam esse religionem. Quod, quid aliud est, quam si dicerent, utilitatis civium causa commercium cum exteris, inprimis nauticum esse confictum? Quæ in se licita sunt & in publicum vergant commodum, illa perperam dicuntur figmenta. Multo pejus illa figmentis accensentur, quæ sunt officii erga nos aliosque. Politicæ Alexandri M. Doctor L. VIII. *Polit. c. 8.* considerans illa, sine quibus civitas esse nequit (*ὡν ἀνευ πόλις οὐκ ἂν εἴη*), & quæ in illa necessario dari debent, recenset alimenta, artes, arma, opes seu redditus (*χρημάτων εὐπορίαν*), præcipue vero curam religionis (*τὴν περὶ το θεῖον ἐπιμελείαν ἢ καλῶς ἱεράλειαν*), & justitiam. Et *Lib. VI. Polit. c. 8.* ad necessarias reip. curas refert rem divinam, bellicam, redditus publicos *cet.* Summum illud æternumque numen, quod interest animis nostris, & cogitationibus mediis intervenit, recte agnoscere, & sincera religione colere, fundamentum est & columna totius Reip. Hoc propugnaculum est & tutamen. Vnde magnum imperio robur addunt, qui non fictæ nec perfunctorie religionem colunt & tuentur.

tur. Vti contra *Seneca* canit: *ubi non est pudor nec cura juris sanctitas, fides instabile regnum est.* Cæterum quæ de vera religione dicuntur, quæ Deum colit ita uti coli vult, ad falsam & spuriam applicari nequeunt, nisi quatenus aliquid illius retinet, præstaturque aliquam dari religionem, quam nullam. Naturalem veram dici, quando convenit cum attributis vel lege Dei naturali, gentibus quibuscunque præscripta, non hic primum monetur. Vid. not. §. 484. P. VIII. Jur. nat.). Neque eidem repugnat aut repugnare potest, quod eadem Dei voluntas revelavit, & ad philosophiam referri nequit. Illa vero necessitas utilitasque non minus de interna, quam de respondente illi externa intelligenda est. Cui ex religione christiana maximum accedit pondus ex aeterna salute acquirenda.

## §. 28.

*Cura sacrorum humana sapienter Deum imitari, & restringi ad Normam curæ salutem publicam debet, ut quidquid illa salva concedi potest, concedatur. sacrorum.*

Cura enim sacrorum sapienter est gerenda (§. 487.). Deum sua providentia eandem sapienter gerere (§. 925. & 928. seqq. P. I. Theol. nat.), & cuicunque rei tantum boni tribuere, tantumque mali arcere a quavis, quantum salva summa sapientia fieri potest (§. 933. seq. ibid) ostensum est. Qua propter, quia Deum imitatur & imitari debet, quicunque pietatem colit (§. 117. P. III. Ethic.): cura sacrorum humana in quavis civitate necessaria utilissimaque (§. 27.) sapienter Deum, vel sapientiam Dei in cura religionis, imitari obligatur & studebit, officio suo satisfactura.

Enimvero Deus suam religionis curam nulla exercet violentia, licet infinita ejus vis illico extirpare funditus omnes posset, qui a religione vera vel alieni sunt, vel aberrant in ipsius cultu; potius summa longanimitate fert hominum pravitates & errores, argumenta efficacissima illis largiter offerendo, quibus convinci de religionis officiis, & in ipsius cultu proficere possint (§. 21.). Quare uti Deus tantum permittit temporis spatium (*Wolffii Politicæ P. III. S. I. C. I.*) - E - resi.



resipiscendi, & meliora amplectendi, quantum salva summa sapientia, & salva salute totius civitatis maximæ & hujus universi fieri potest: ita quoque humana religionis cura hanc normam sequi, & quæ non obsunt salutis publicæ vel quantum salva salute publica fieri potest, tantum concedere quoque in externo Dei cultu, etiamsi erroneo, debet, peccata in his sapienti Dei vindictæ relinquens, ut par est (§. 25.).

Quia cura religionis pacto inito debetur certis personis, & plerumque rectoribus civitatum (§. 484. *seqq.*), & rectoribus civitatum, cultusve divini vices Dei quam dignissime sunt gerendæ (§. 338. *P. I. Polit.*): illorum administratio imperii esse debet imitatio gubernationis divinæ, pariter in quavis civitate, ac præsertim in monarchia (§. 737. *ibid.*). Quod ex iisdem rationibus in cura religionis præcipue observandum esse, religionis natura satis superque loquitur. Præterea quoque attendendum est æquitatis principium, quod jubet in rebus licitis ea aliis præstare, quæ nobismet in pari casu positus fieri cuperemus. Multa enim dantur religionum & sectarum divortia, alia aliis majora. Quarum nulla est, quæ non in ea versetur opinione, suam esse si non prorsus optimam, saltem cæteris æquiparandam aut minime postponendam. Inde quantum juris una sibi arrogat in alteram, propterea, quia in quodam populo principatum tenet; tantumdem altera sibi arrogabit in alia regione, aut civitate, ubi ipsa plurimum potest. Ne quid ergo fiat, quod recederet a norma providentiæ divinæ circa religionem, illius imitatio rectoribus civitatum est ob oculos ponenda, cujus tolerantia minime est vulgaris; simul vero & æquitatis ratio habenda, ut quod una sibi ab aliis concedi recte velit, idem & concedat aliis, dum salus publica in nullum adducitur discrimen (§. 98. *seqq. P. I. Jur. nat.*).

## §. 29.

*Curæ religio-  
nis internæ  
convictioni*

Quia humanæ sacrorum curæ est, sapienter Deum imitari (§. 28.); Deus vero suam religionis curam ita exercet, ut argu-

argumentis homines de veritate religionis, suisque officiis in impetrande cultu divino convincat (§. 21.): in civitate quoque sapienter opera intenta est. navanda, ut qui in ea degunt rationibus solidis de veritate religionis, illiusque officiis convincantur, saltem convinci possint, modo velint.

Religio vera in exercitio virtutum & officiorum erga Deum continetur & pietatis est (§. 10.). Quamobrem uti aliæ virtutes omnes lubenter & quam optime exercent officia sua (§. 428. & 939. *Psychol. empir.*) & liberæ sunt ac esse debent (§. 941. *seq. ibid.*) & (§. 345. *P. I. Phil. pract. univ.*): ita & pietas religionis dux & mater aliunde esse nequit, quam ex hac convictione animi, felicitatis suæ valde interesse, ut ita statuatur & agatur. Hinc curandum est, ut adsint in civitate ea, unde ista convictio haberi possit ab omnibus, qui illius sunt studiosi, nec illam aspernari malunt, quam admittere & amplecti.

### §. 30.

Ecclesia est cætus hominum eodem modo Deum colen- *Ecclesia est* tium, vel eidem religioni addictorum (§. 484. *P. VIII. Jur. nat.*). *societas, unde* Jam lex naturæ præcipit, ut Deus verus eo colatur modo, qui *membrorum* ipsius essentiae & attributis convenit (§. 1229. *P. I. Jur. nat.*), *ejus obli-* & ut omnem faciamus usum facultatum nostrarum, ut plene in *gatio.* illo consentiant (§. 1162. *ibid.*), aliisque etiam bona exempla in cultu divino præbeamus (§. 930. *ibid.*), atque sic nos mutuo in illo perficiamus. Cum societas sit pactum vel quasi de fine quodam conjunctis viribus consequendo (§. 1. *P. VII. Jur. nat.*), & tot dentur societates, quot dantur fines liciti conjunctis viribus promovendi (§. 3. *ibid.*): evidens esse jam potest, dari etiam in ecclesia finem, plane legibus divinis præceptum, eumque esse commune ecclesiæ bonum, vel salutem ejus, quatenus non impeditum ad illud progressum involvit (§. 11. *ibid.*). Quod bonum per præmissa consistit in cultu Dei quam optime explendo seu in vera religione perficienda, quæ in civitate insignis est necessitatis utilitatisque (§. 27.). *Est igitur ecclesia so-*



cietas, eaque religiosa vel sacra, cujus membra seu affecla ad usum subsidiorum animos de veritate religionis & officiorum ejusdem solide convincendi & in cultu divino perficiendi ipso pacto vel quasi, quo in ea mutuo consensu seu expresso seu tacito & præsumto consensere, obligantur & obligari debent (§. 29.) & (§. 116. seq. P. I. Polit.). Vnde quoddam imperium sacrum in cultu externo nasci liquet (§. 196. seqq. P. VII. Jur. nat.): dum internus non subest imperio tali (§. 24. seq.).

Ecclesia Athenis jam Solonis ævo fuit concio seu conventus omnis populi, penes quem legitime coactum summa erat rerum totius civitatis ex Solonis lege & instituto. Ordinariarum concionum quotannis tres erant, extra ordinem vero pro rebus natis convocabantur a suis præsidibus, quæ κατεκλησιασιν dicebantur. Vid. Emmius de rep. athen. p. 31. seq. Non incommode translatum est nomen ad conciones sacras, religionis causa consociatas, quia & tum jus sacrorum faciendorum per constitutos sacerdotes erat in ipsius potestate. Hinc & jus imperii in sacris externis penes eandem erat ecclesiam. Re vera mutuo consensu circa sacra externa ordinem, & imperium, quale ad regendum cultum externum requiritur, constitui posse & debere, constat ex (§. 195. seqq. P. VII. Jur. nat.). Quo imperio affeclas ejusdem religionis teneri sequitur, sive in statu adulto initiati sint & professi suum consensum in ecclesiæ recepta instituta, sive adhuc degant sub parentum potestate, ideoque præsumto consensu, & parentum potestate ad externum cultum obligentur (§. 634. P. VII. Jur. nat.).

#### §. 31.

Vbi in civitate diversæ vigent religiones, ibi unus non est alterius vel reliquarum affeclas cogere, ut utantur subsidiis, quibus ipsius solitas religionis uti obligantur; præmiis tamen & amice allici & invitari ad eorum usum possunt. Vbi enim receptæ sunt diversæ religiones in civitate, ibi diversæ dantur dissentientesque ecclesiæ (§. 484. P.

VIII. *Jur. nat.*). Quæ cum sint cætus hominum eidem religioni addictorum (*ibid.*): sunt societates sacræ seu religiosæ (§. 30.), quæ ratione religionis sibi invicem non sunt subjectæ, sed liberæ & degunt veluti in statu naturali (§. 166-168. P. VII. *Jur. nat.*). Quare nec una religio prævalens licet, arrogare sibi potest imperium in alterius vel aliarum tanquam in suæ affectas (§. 24) cogendi eos ad usum subsidiorum, quibus convinci possunt, saltem ipsi videntur convinci posse (§. 30.). Quod ipsum in alia civitate retorsioni locum daret, & sic unaquæque sibi dominium in conscientiam a se dissidentium per nefas arrogaret (§. 23.) & (§. 195. P. VII. *Jur. nat.*).

Attamen in civitate sapienter opera navanda est, ut qui in ea degant velintque rationibus solidis de veritate religionis illiusque officiis convinci possint (§. 29.). Atque hoc fit, quando suppeditatur ipsis copia argumentorum, quibus convinci possint, modo velint, quando liber ipsis est accessus & usus eorundem, quando gratis ipsis offeruntur ea, unde ipsis innotescere possunt, & quando vel præmiis invitantur, aliisque amicis modis alliciuntur ad eorum usum. Hinc his modis naturalibus Deus est imitandus in sua cura circa religionem (§. 28.).

Pactis præterea cavendum est, ne facile officium hoc naturale migretur, uti arrogantia, ambitio, avaritia aliique affectus, & opiniones præjudicatæ dictare possunt & solent. Quo enim liquidius in his pactis illa naturalis libertas ecclesiæ est definita, eo apertior erit injuria ipsi facta, de qua conquerendum habet, & eo minus neglectus officii excusari poterit, ob duplicem obligationem, naturalem & pactitiam. Si quid aliter pacto statutum esset, (modo non sit illicitum) ac in naturali libertate continetur, eo tunc foret standum, quia pacta dant legem ea ineventibus. Vnde §. 486. ostensum est, ex pacto jus sacrorum hoc casu metiendum esse. Tenet quoque usus hoc præceptum in Judæis, quorum tolerantiam divinam & christiani imitantur.



## §. 32.

*Alendi sunt  
doctores reli-  
gionis ab  
Ecclesia.*

Quia rectori civitatis curæ esse debet, ut subditi sint pii (§. 457. P. VIII. Jur. nat.) & Deum debite colant (§. 458. *ibid.*), ideoque doctores publici sunt instituendi (§. 459. *ibid.*), iique solida notitia Dei & voluntatis ejusdem, item eorum, quæ tam ad theoriam, quam ad praxin virtutum & vitiorum, omnemque cultum divinum pertinent, instructi, ad docendum apti, & in cultu divino ac quolibet virtutum genere excellentes (§. 460 *ibid.*): satis luculenter apparet, religionis doctores publicos eligendos & vocandos ab ecclesia, ac communi sumtu alendos esse ab ecclesia, ut neglectis officiis privatis publico docendi muneri vacare licite & eo melius possint (§. 907. P. VIII. Jur. nat.).

Conferenda hic sunt, quæ de salariis Professorum in academiis doctricibus, inventricibusque dicta sunt §. 22. *seqq.* & §. 428. Cum enim par sit ratio, sive ob illa, sive ob hæc sacra docendi munera officia parandæ rei familiaris negligenda sint: non erit difficile, mutatis mutandis, eadem huc transferre. Stati quidem seu certi redditus ipsis statui possunt cum in immobilibus v. c. æde & agellis (*Huben*) tribus seu duobus ut in pagis sit, in urbibus vero in æde & parata pecunia aliqua aliquot centuriarum florenorum vel vallengium decimis. His imputantur merito privilegia & immunitates ipsis æque aut magis concessæ, quam præceptoribus & Professoribus (§. 359. §. 11. *Polit.*) & (§. 906-908. P. VIII. Jur. nat.). Reditus incerti præsertim statis accensendi itidem imputantur in salarium, capiunturque ex conjugiiis proclamandis, copulandisque, ex baptismis, sepulturis, singularibus precibus & deprecationibus, absolutionibus pœnitentium, ægrotorum consolationibus & præparationibus ad mortem, cæterisque similibus.

## §. 33.

*Partim in  
scholis &  
academiis.*

Hinc cum cæterarum veritatum virtutumque discendarum causa scholæ jam sint necessariae & academiæ (§. 313. 321. *seqq.*)

seqq. P. II. Polit.): ubi Ecclesia scholas fovet & academias, ibi simul præceptores & Professores quidam ad docendam juventutem veram religionem receptam constituendi sunt & obligandi (§. 437. P. VIII. Jur. nat.).

§. 34.

Adulti vero homines utriusque sexus, partim extra *partim do-* scholas & academias degunt, partim si ibi degunt, ubi scholæ *do-* vel & academiæ habentur, eas tamen nec frequentant, nec *mi-* frequentare propter alia negotia & impedimenta possunt. Ut hi ergo & doceantur & commonefiant publice officii sui, cultumque Deo debite præstent, & in pietate pariter ac cæteris virtutibus perficiantur, *opus est adu-* opus est adu- *torum utriusque sexus ipsorum-* torum utriusque sexus ipsorum- *que senum doctoribus sacris, qui doctores vel ministri ecclesiæ dici pos-* que senum doctoribus sacris, qui doctores vel ministri ecclesiæ dici pos- *sunt, & propterea quoque publice alendi sunt, quando ipsis* sunt, & propterea quoque publice alendi sunt, quando ipsis *cum neglectu rei familiaris muneri docendi & sacra accurate* cum neglectu rei familiaris muneri docendi & sacra accurate *perficiendi est vacandum (§. 32.).* perficiendi est vacandum (§. 32.).

Vno nomine qui religionem docent & sacra tractant, *sacerdo-* tes, aut *concionatores* dici solent, quod Græcorum *ἐκκλησιαστικὴν* exprimit, quo nomine salutabantur, qui ad congregatam populi multitudinem e suggestu verba faciebant seu concionabantur. A sacris faciendis vel faciendis rebus divinis dictus quoque est sacerdos *sacrificus*, & *sacrificulus*, munus vero sacrum vel sacerdotis, dictum est *sacerdotium*. Quia pons publicus Romæ a pontifice primum factus sacer habebatur, ejusque reficiendi cura sacerdotibus, qui sacris præerant, propria erat: dicti etiam sunt *pontifices* hi, qui sacris fuere præfecti; eorumque dignitas *pontificatus*. Hujusmodi nomina aureo latinitatis sæculo usitata, propterea retinentur in latino sermone, ne opus sit aliis præter rem fingendis, aut ex aliena lingua adsciscendis. Si quid enim pagani sibi adjunctum habuere, id emendatur puriori notione & meliori potestate ipsis subiecta. Quod de alendis sacerdotibus, eorumque salariis diximus, ex iis illustratur, quæ supra de scholarum præceptoribus, & Gymnasiorum atque Academiarum Professoribus in medio sunt posita & explanata. Sicut



Sicubi multi adhibentur ad adultos docendos, qui ruditer & paucis tantum horis per annum utcunque partes suas obeunt, ibi salariis opus non esse pro vulgari & facili opera in communes usus adhibita, ipsa ratio salariorum commonstrat.

## §. 35.

*Partes muneris sacerdotalis.*

*Munus sacerdotum generatim hic redit, ut eos, qui in civitate degunt, praesertim adultos imbuant viva cognitione rerum & legum divinarum, ut studeant illos ad virtutes quascunque argumentis exquisitis enixe & suo quoque exemplo incitare, a vitiis vero itidem revocare, atque pietatem eorum in omni cultu divino perficiant in quacunque vita humanae sorte ac fortuna. Debent enim eos potissimum, qui cum sunt adulti, cujuscunque sint sexus, publice docere officia quaecunque, inprimis cultus Deo debite praestandi, eosque in pietate caeterisque virtutibus magis magisque perficere (§. 34). Quod cum fieri melius non possit, quam si imbuantur viva cognitione Dei, ipsius proprietatum, beneficiorum, & legum subinde in animis ipsorum resuscitata & aucta; si porro studeant illis virtutes quascunque pro dignitate sua argumentis exquisitis, subinde variatis & instauratis commendare & amabiles reddere, easque suo exemplo animare exercere & praere; contra si quos corrumpi & a recto tramite deflectere animadvertunt, eos modis optimis efficacissimisque in rectam viam revocare non cessent; si praesertim pietatem eorum in cultu divino interno & externo adjuvent, provocent, firment & in quolibet fortuna ad majores subinde gradus evehere omni prudentia, ardore & industria indefessa nitantur: patescit, has esse praecipuas muneris sacerdotalis partes generales.*

Brevius partes muneris ecclesiastici ad duo capita reduci possunt, ad solidam religionis doctrinam, & curam exercitii ejusdem constantis, in se & aliis. Nam cum docere capita religionis verae non possit, nisi qui eas distincte caller solideque, opus est, ut docturus alios ipse prius ea solide cognoverit, & de illorum

rum

rum veritate convictus sit. Tum alios simili modo solide docere res divinas poterit, argumentisque rationis & revelationis; ubi hæc habetur, eos pariter convincere & viva imbuere cognitione rerum agendarum fugiendarumque in omni cultu divino. Si præterea alios non sine fructu pietatem docturus practicam, ipse recte didicit eam exercere, & ipsius praxi constanti omnis virtutis exempla dare aliis possit, tum non doctrina tantum sed & exemplo suo proderit, incirabitque alios ad se imitandum & æmulandum, ut proficiant semper in virtutibus, abhorreantque a vitiis, & ab iisdem quantocyus se reduci patiantur ad meliorem frugem.

## §. 36.

Cum & solidioris doctrinæ adulatorum, & virtutum gra- *Sacerdotes* dus dentur alii aliis superiores inferioresque, & negotia quo- *requiruntur* que circa cultum divinum tam multa occurrant, quorum alia *superiores* & *inferiores* gravioris alia levioris sunt momenti, ut alii in his, alii in illis *inferiores*. affatim habent quod agant, experientia teste: perspicuum fit, *non posse omnes sacerdotes tantum unius esse ordinis, sed alios esse superiores, alios inferiores.* Quorum illi sublimiori scientia gravioris momenti majorisque difficultatis rebus sacris pares sunt ac præfunt; hi vero tantum levioris momenti rebus sacris & faciliioribus præesse possunt ac debent.

Ita Græci habebant suos *αρχιεπισ* & *επισκοπας* vel *ιερομνημονας* & *ιεροφαντας*; Romani suos pontifices minores & majores, item maximos; Israëlita suum *גדל כהן* cæterosque *כהנים*, hoc est magnum sacerdotem & reliquos sacerdotes ac Levitas. Magnum sacerdotium (quam Philo *αρχιεπισκοπην* vocat, & tantum præstare *τη βασιλεια* censet, quantum cura rerum divinarum præstat curæ humanarum), ab Aarone cæptum erat hæreditarium & successivum fere usque ad exilium babylonicum. Sed hæc persequi nostrum non est, sufficit his satis illustrari, quæ præcipimus, in sacerdotio quoque opus esse ordine convenienti, eumque sapienter ad veræ religionis indolem majorem-

(*Wolffii Politica P. III. Sect. I. C. I.*) F que



que perfectionem esse instituendum. Idque usu etiam receptum fuisse, & etiam nunc esse, non opus est, ut pluribus exemplis corroboretur. Neque diutius his dilucidandis immorandum videtur, quia paganorum instituta antiqua vel & hodierna per- censere, non hujus loci est, sed historiae religionum, & nuda eorum censura vel & reformatio eos non esset correctura, nec aliis diffidendum est, quin ex Theologia naturali, qui velit, eam facile suscipere possit. Christianorum vero dissidia in sacris ordinibus ad Philosophiam non pertinent, sed Theologis sunt relinquenda. Pontifex maximus multis habebatur autor judex & arbiter rerum divinarum, vindex etiam contumaciae magistratum, & apud romanos quoque ab initio rerum romanarum res omnes singulorum annorum literis mandabat, efferebatque in album, & proponebat tabulam domi, potestas ut esset populo cognoscendi, ut Cicero scribit *Lib. II. de oratore c. 12.* & *Livius Decad. I. Lib. 1. & 6.* idem testatur. Idem tamen differbat a rege sacrorum, qui dicebatur. Rex enim sacrificus vel sacrificulus, post reges expulsos, inter sacerdotes perpetuum quidem obtinebat sacerdotium, immune a belli tumultu, sed ei nihil relictum fuit præter feriarum curam & jus sacrificandi in comitiis, & pontifici maximo subfuit ille rex, ut & post illum in sacris epulis accumberet, cujus uxor regina sacrorum dicta fuit. Antea ipsi reges sacrorum erant arbitri; sub consulibus Pontifices maximi petebantur e viris consularibus, qui cum galero erant carpento in capitolium vehebantur, alias lectica, item curuli sella gaudebant, lictore, & splendoris causa ad fores viridi lauro. Postea C. J. Cæsar & auguratum & pontificatum gessit, *Suetonio teste c. 13.* Lacedæmoniorum quoque rex simul rerum divinarum sacerdotio summo præerat, autore *Xenophonte de Rep. Lacon.*

## §. 37.

Sapienter

Cura sacrorum externorum summa in statu naturali est statuenda de penes unamquamque ecclesiam, nisi pacto illa eam transtulit summa sa- vel in unam personam, vel in certum collegium sive absolute, crorum cura.

lute, five certa lege (§. 953. P. VIII. Jur. nat.). Quatenus vero actus religiosi publici indigent civili & autoritate & tutela, aut eorum exsecutio brachio civili, aut generatim publicam salutem aut juvare possunt, aut turbare & impedire; eatenus imperio civili subtrahi nequeunt (§. 954. *ibid.*). Inde penes ecclesiam est, utrum & qua lege hoc jus circa sacra cum imperio civili conjunctum esse debeat, an ab eo certa lege debeat esse separatum penes omnes, vel plurium collegium, vel unum sacrorum regem (§. 955. *ibid.*). Item num per successionem imperium sacrorum externum, tanquam pars civilis imperii, devolvi in alios debeat; an per electionem seu totius ecclesie vel populi, seu quorundam prestantiorum peritiorumque; pactis sapienter est definiendum, ne facile controversiis aut abusu juris & querelis locus detur, saltem oborto tali casu prompta haberi possit medela (§. 12.).

In his legibus pactisque sancendis magna opus est sapientia & circumspeditione, ne quid fiat, cujus postea sit paenitendum. Consulenda igitur est experientia & historia multorum saeculorum, ut constare possit, quid in externo illo jure verae religioni vel obfuerit vel profuerit, quo ex alienis malis sapere & cavere similia pericula liceat, aliorum vero emolumentis uti in rem verae religionis.

## §. 38.

Sicubi civitas & ecclesia jus circa sacra simpliciter detulit rectori civitatis, vel in restrictionis lege juris circa sacra nulla fit mentio; ecclesia hoc jus sibi non reservasse intelligitur, nisi prostant rationes in contrarium. (§. 955. P. VIII. Jur. nat.). Quia tamen jure naturali, quod immutabile est, praefendum ubique est, quidquid est melius (§. 192. P. I. Philos. pract. univ.); equius est, ut rector civitatis sponte sua, imprimis rogatus, concedat, quod jure concedi potest dissidentibus in religione, quod ab initio non satis cautum est uti caveri debuisset. Cum ne quidem er-



rore & ignorantia aliorum sit abutendum, sed circa res conscientiae mitiora praevalere debeant, ne quid in Deum peccetur, denegando hominibus jus imperfectum. (§. 1053. seqq. P. IV. Jur. nat.)

Etiam ex omni deliberatione celandi & occultandi spes opinioque removenda est. Satis enim nobis persuasum esse debet, si omnes deos hominesque celare possimus, nihil tamen avarae, nihil libidinosae, nihil incontinentiae esse faciendum. Hoc inculcat Cicero L. III. de officiis c. 8. quod Cap. seq. illustrat annulo Gygis a Platone inducto. Antea c. 5. ibid. dixerat: detrahere aliquid alteri, & hominem hominis incommodo suum augere commodum, magis esse contra naturam quam mortem &c. Tolli sic convictum humanum & societatem . . . ut si unumquodque membrum corporis putaret, se posse valere, si proximi membri valetudinem ad se traduxisset, debilitari totum corpus necesse esset. Qui naturae, quae est lex divina, parere velit, nunquam committere, ut alienum appetat, & quod alteri detraxerit, sibi assumat. Etenim multo magis est secundum naturam excelsitas animi & magnitudo, comitas, justitia, liberalitas, quam voluptas, quam vita, quam divitiae, quae quidem contemnere & pro nihilo ducere comparantem cum utilitate communi, magni animi & excelsi est. Haec ille de rebus dubiis agens ita disputat, ut facile huc transferri possint. Si quis putet, haec esse adversa studio religionis verae, ad quam in civitate promovendam obligamur (§. 10.); is non consideraret modum, quo religio est curanda (§. 16.), qui convictione animi eget (§. 17. 29.), & Deum imitari debet (§. 28.), qui & in externis concedit, quae sapienter tolli nequeunt. Si pergat, praestare religionis unitatem ipsius diversitate saepe noxia; tacite sumit veritatem ejus, ceterarum autem falsitatem perniciemque, cum dissensus tantum esse possit in paucis, nec capitalibus, aut saluti publicae infestis. Si vero quoque dissensus esset in summe necessariis religionis capitibus, uti in hodiernorum Iudaeorum religione, sufficit, ista saluti publicae detrimento non esse, quae privato officio reptugnant.

gnant. Optari facilius una tantum religio potest, quam præstari, quod ne Deo quidem contigit, omnium procul dubio sapientissimo potentissimo conscientiae & religionis veræ statori vindicique. Si sperari extinctio dissidii religionum, si coacta servitia nec religionem efficiunt, nec Deo placere possunt: nil superest, nisi ut gubernatores civitatum imitentur naucleros, qui cum eo, quo cupiunt, pertingere non possunt, dirigunt cursum eo, quo tuto possunt, ne naufragium patiantur, vi tendendo, quod viribus suis est majus exemptumque.

## §. 39.

*Si quando dissidia sacerdotum ejusdem aut diversæ religionis in De sopiendis turbendam civitatis pacem vertuntur, id impediendum est in civitate, dissidiis pacem inter dissidentes tuendo, prohibitis injuriis turbarum causis, turbulentis earum autoribus, & sopiendo controversias, uti optime fieri potest.* Si quod dissidium sacerdotum ejusdem aut diversæ religionis oriatur, quod intelligitur excitare odia, factiones & turbas sectatorum; id officit publicæ tranquillitati, & facile erumpere potest in perniciem religionis aut civitatis, nisi confestim periculo occurratur. Cum tranquillitas vacuitatem a metu injuriarum poscat (§. 11. P. VIII. Jur. nat.) & finis civitatis obtineri nequeat, nisi conservetur tranquillitas (§. 13. *ibid.*), ideoque ea instituenda sint in civitate, quæ ad tuendam tranquillitatem requiruntur (§. 15. *ibid.*): curandum est in civitate, ut impediuntur illa, quæ tranquillitatem publicam sunt turbatura & jamjam otia simultates & factiones peperere. Talia sunt in nostro casu dissidia sacerdotum ejusdem religionis, quæ in turbendam civitatis pacem abitura sunt, & jam eo vertuntur. Quæ tranquillitatis turbamenta cum tolli non possint, nisi causis eorum sublati aut repressi, punitisque injuriarum autoribus aut controversias quam optime sopiendo: dilucide patet, si quando dissidia sacerdotum in turbendam civitatis pacem vertuntur;



id utique impediendum esse in civitate prohibendo deprehensas turbarum causas, arcendo injurias, pacem tuendo & sopi-  
endo controversias, quam optime fieri potest. (§. 947. P. VIII.  
*Jur. nat.*)

Duplicis generis dissidia dari solent in religione, alia placida, alia turbulenta. Placida moderate & amice geruntur, nec injuriis adversus dissidentes locum relinquunt. Turbulenta autem fervent odiis, infestationibus & injuriis mutuis. Hæc turbant tranquillitatem civitatis, ista minime. Quare dispiciendum est, quomodo priora in pacatum statum sint perducta, ut simili ratione turbulenti affectus etiam in his supprimantur & compescantur, prohibitione legali injuriarum, quæ veræ sunt, & fictionis earum ubi nullæ sunt, additis sanctionibus pœnalibus contra immorigeros, & præmiis morigerorum. Ut sopiantur controversiæ, conducit interdum illas in medio relinquere, quando neutra sententia periculum creare sentitur: interdum prohibere publicam illius sententiæ defensionem & propalationem, quæ periculosa civitati videtur; interdum moderamen tractationis injungere, ubi tantum immoderatis affectibus turbæ sunt datæ, & sententiæ dissidentes nihil periculi civitati minantur; interdum silentium utrique parti imperandum, quando frivoliæ sunt & futes controversiæ motæ.

## §. 40.

*De arcenda  
coactione  
occulta.*

*Occurrendum quoque occultatis obtentu studii veræ religionis injuriis & cogendi ad religionem modis.* Vera enim religio nequit extorqueri (§. 24), neque externa actio religiosa sine interna placere Deo potest (§. 26.). Cum vero perinde sit, siue coactio fiat vi aperta, siue rectori & clandestina, quod per se liquet: ad pacem inter dissidentes de religione servandam non tantum pertinet, ut avertatur vis aperta siue publica siue privata, ideoque manifestæ injuriæ prohibeantur & puniantur pro meritis (§. 39.); verum etiam ut omnes fraudes machinationes-  
que

que occultiores pariter arceantur, & sicubi emergant autoribus suis non sint impunes. Quare præter damni dati restitutionem coërcenda poenis demeritis, & pro re nata in exemplum aliorum exasperatis. Sic igitur occurrendum est vel obtentu studii veræ religionis adhibitis occultioribus injuriis, & cogendi diversæ religionis cætus ad suam religionem modis.

Quotusquisque non animadvertit, plus nocere hominibus fraudes occultas, quam vim apertam, quæ rarius prodire audeat. Vi aperta contra primos christianos usi sunt Iudæi & persecutores pagani, quanquam interdum, nec dolis pepercere. Acutius vero nocere illis aggressus est Julianus vario primum fraudulentarum machinationum genere, quo oblique & tectius illos a Christo avocare & ad idola colenda compellere mirifice studebat. Quæ reprehensa in illo, num in quoquam alio imitatore laudari possunt? Sunt autem hujusmodi compulsiones tectiores denegatio scholarum, in quibus liberi edoceantur principia religionis; locorum denegatio, in quibus cultus divini exercendi causa conveniant, nec ibi turbentur in suis sacris, ablatio librorum suæ religionis dogmata, preces, hymnos continentium, nec diras imprecantium dissidentibus; expulsio & punizio eorum, qui alios viva voce doceant & exhortentur, vel sacra administrent; liberorum initiatio & consecratio contra parentum voluntatem ad religionis dominantis confessionem, damnatio conjugii heterodoxorum, ademptio vitæ subsidiorum, unde honeste cum suis alantur; denegatio ejusmodi quoque honorum & reddituum, quibus nihil nocere, sed prodesse reip. possunt ac debent. Ut paucis absolvam, omnia illa huc pertinent, quæ ne Judæis quidem inter Turcas, aut Christianos negantur. Multo magis illa, quæ parum absunt ab institutis Pharaonis adversus Judæos in Agypto.

§. 41.

*Si quid commissum est a dissidentibus in religione, quod poenam Norma præmeretur, hoc non gravius puniendum est, quam si commissum esset, ab hæc dissidentibus ejus-tium.*



*ejusdem religionis socio, cujus est judex.* Delictum enim & crimen admissum hoc casu puniendum est, (§. 647. P. VIII. Jur. nat.) non religio recepta & foro divino relinquenda (§. 24. seq.). Quoniam gravitas poenae aestimanda est ex gravitate delicti (§. 626. P. VIII. Jur. nat.): patescit, maleficium admissum, quod poenam meretur, in se esse spectandum, neque referendum esse ad religionem malefici, ideoque facinus non aliter esse ulciscendum, ac si commissum esset ab eo, qui ejusdem sit religionis, cui judex est addictus. Qua de re si quid admittatur aut iam sit admissum a dissidentibus in religione, quod poenam utrique meretur, id seposita religionis consideratione, non aliter spectandum esse quam si esset religio malefici non diversa a religione judicis, itaque non gravius esse puniendum, quam si commissum esset ab homine religionis ejusdem, quam judex profiteretur.

Si spectantur dissidentes a religione dominante, ut inimici, recordandum est amoris inimicorum, lege naturali injuncti, quem & Moses inculcat *Exod. XXIII. 4. seq. vbi v. 9. vetat peregrinos, qui notant simul religione diversos, opprimere, memores suae in Aegypto calamitatis.* Inde Samaritae misericordia erga Judaeum imitanda commendatur doctore divinarum literarum *Luca X. 37.* Solet justitiae simulacrum oculis obturatis captivae ideo exhiberi, ut innuatur, ipsi personae rationem non esse habendam, sed causae, quam balance in manu examinat, ejusque momentorum rationem ipsi unice habendam, ut secundum hanc sententiam det. Dici igitur & hic potuisset, nullam religionis habendam esse rationem in exercitio justitiae, quia religio personae est affectio quatenus interna est aut externam necessario includit, imperio civili neutiquam obnoxia (§. 24. 26.). Quatenus vero religionis consortium in exercitio justitiae simul aequitatis moderamen adhibere consuevit, satius visum est, regulam justitiae erga dissidentes a religione sua subditos referre ad moderamen justitiae receptum erga religionis consortes. Sic paucis multa complecti & insinuare licet, quae singulatim persequi

sequi opus non erit. Strictim tamen nonnulla attingam. Quando a consorte religionis delictum aut crimen admissum est, hoc non tenet, nisi suum autorem, vel si plures correi dentur, suos autores, quatenus cujusque seu dolus seu culpa meretur. Nemo sanus vero id cæteris religionis sociis infontibus vitio dabit, aut illorum jura ac privilegia propterea perditæ esse statuet, qui eandem cum delinquente profitentur religionem. Inde elucescit simili modo esse statuendum, quando puniendi sunt diversæ religionis homines facinorosi. Neque quisquam Saracenus, Persa, Christianus unius vel & quorundam Judæorum scelus vertit in excidium omnium Judæorum, aut in jacturam privilegiorum ab ipsis rite partorum. Si quis religionis consors a malevolis accusatur, datur ipsi facultas se purgandi & ostendendi suam innocentiam, conceditur ipsi patronus causæ, qui libere ipsum defendat, admittuntur testes & documenta, quibus in rem suam uti potest. Si approbat suam innocentiam, absolvitur & punitur falsus accusator ac testis; sin minus, luit ipse delictum, & si vel morti sit dandus, reliquuntur bona legitimis hæredibus. Nonne similia quoque tribuuntur Judæis? Cur ergo gravius animadverterent Christiani in Christianos, quadamtenus a se dissentientes?

## §. 42.

*Religio præpollens* in civitate vocatur religio eorum, qui *Quæ religio* plurimum in civitate valent, ideoque potentior est cæteris, ut dicatur præpollens simul dici possit. *Infirmior* autem dicitur religio & *pollens*, vel ecclesia eorum, qui minus valent in civitate, quam qui addi-*infirmior*, et sunt alii religioni. Latius præpollens religio quoque vo-*quæ domi-* cari potest, quæ in pluribus vel omnibus civitatibus notis plu-*nans?* rimos & potentiōres omnibus reliquis affeclas habet. Uti quoque debilior latius dicta erit, quæ pauciores imbecillioresque habet sectatores. *Dominans* autem nonnullis dicitur religio rectoris, vel rectorum civitatis; quamquam rectius diceretur religio *aulica* seu imperantium.



Ab affeclis religionis, eorumque vel præpotentia vel imbecillitate petitam esse hanc differentiam religionis, ipsæ docent definitiones. Ratione ipsarum religionum enim aliter statuendum foret, sic nempe ut præstantissima censeretur, quæ sola esset omnium verissima & perfectissima; præpollens quæ pluribus articulis conveniret cum verissima, quam aliæ; & infirmior quæ in paucioribus quam alia ad verissimam accederet. Si verissimam naturalem quærimus, ea foret, quæ in omnibus cum lege Dei naturali consentiret; si supernaturalem, quæ cum revelatione divina exacte in omnibus conveniret. Unde quid de cæteris habendum foret, facile colligetur.

## §. 43.

*Religio aulica vel re-*  
*libus restricta legi-*  
*tatis (§. 42.).* Iam si lege nulla cautum, pacto vel mi-  
*ventum sit, ut rector civitatis ejusdem debeat esse religionis,*  
*quæ in civitate vel ab omnibus, vel a plerisque est recepta;*  
*poterit is religionem aliam pro lubitu suo amplecti (§. 959.*  
*P. VIII. Jur. nat.).* Quia quod pro arbitrio mutari potest, in  
*potestate & libertate plena agentis positum est, erit religio au-*  
*lica in hoc casu libera absolute.*

Enimvero si lege cardinali præscriptum sit & pacto conventum, ne alius imperare possit, nisi qui sit receptæ populi religioni addictus, vel prorsus, ut regnum committatur mutata religione, vel a successionem excludatur, eam mutaturus seu non amplexurus; imperaturus profiteri debet religionem receptam, ejusque fidem aliis facere, qui de ea re dubitent; mutans vero religionem amittit regnum, aut jus successionis (§. 959. *ibid.*). Ergo hoc casu religio aulica libera prorsus non est, sed legibus cardinalibus restricta ejus libertas.

Libertas hominum uti in aliis rebus, ita & in religione vel potest esse plena, vel restricta legibus. Id quod in omni socie-

tate usu venit (§. 169. P. VII. *Jur. nat.*). Manet enim restricta libertas ideo libertas, quia libertati hominis relinquitur, velitne ingredi societatem, aut si ingressus est, velitne manere in illa, nec ne. Ira quoque aulica religio, licet restricta legibus, manet libera sed non absolute & plene, uti in statu naturali: quia liberum est futuro rectori civitatis, velitne illius religionem prævalentem amplecti, aut amplexam retinere, nec ne, h. e. an malit imperium non adire aut se eo abdicare, si jam adiit illud? Neque tecta hic adest compulsio, sed consulitur illa lege libertati religionis populi, qui ita caver, ne compelli a rege possit, ad suam religionem abnegandam &c. Si enim populus sponte mutet suam religionem, mutare eandem & rector poterit, debetque, nisi malit imperio abire. Præmiis invitantur quidem homines ad aliquid agendum, non vero iisdem coguntur. Oblatum imperium dici potest summum in terris præmium, si quis id mereatur, & religio sit vera. Alias erit instar escæ, qua pisces avesque capiuntur decipiunturque: aut instar ejus, quod serpens Evæ promisit, eandem perditurus.

§. 44.

*Si populus vera religione gaudet, consultum est, ut ejus conservatio- Quando re-  
tionis suæque conscientie libertatis causa religionem aulicam restringat ad ligio aulica  
eamdem. Vigere enim debet in civitate vera religio (§. 9. seq.), & a populo re-  
sapiens ejusdem cura (§. 11. & 16.). Quam ob rem si populus ve- stringenda.  
ra gaudet religione, sapienter ipsi curandum est, ut illa conserve-  
tur in civitate & ut libertas conscientie populo salva maneat, nec  
propter eam male habeatur. Hoc autem fieri potest, si legibus  
cardinalibus religio aulica restringatur ad eandem, quam popu-  
lus fovet. Ea propter hoc casu consultum est, ut conservandæ  
veræ religionis & libertatis conscientie causa, religio aulica legi-  
bus cardinalibus restringatur conformeturque populi religioni.*

Si cui videatur superflua esse hæc cautio propterea, quia si populus constans est in religione sua, rector civitatis sponte sua aliam non est complexurus, nisi populo velit displicere, & se



periculo exponere; is unicum tantum casum cogitaret, qui forte inter Sinenſes & ſimiles gentes obtinet, quibus difficile eſt, aliam perſuadere religionem. Sed dantur alii caſus, ubi potentia rectoris civitatis tanta eſt, ut facile vi ſubigere populum & perſequi diris modis propter religionem poſſet, uti annales id factum eſſe teſtantur. Quare tutius eſt pacto & legibus firmare veræ religionis conſervationem & conſcientiæ libertatem, quam incerto eventui eandem ſubmittere. Exempla hujusmodi paſſim proſtant in Germania, Polonia, Gallia, Anglia, Suecia, Hiſpania &c. Neque tamen negaverim, idem quoque fieri poſſe, ubi religio vera non eſt, ſed dari tantum videtur. Uti ſi inter idololatrias, Mahometanos, Indos, ſimilia inſtituta darentur. Optima enim quæque per errorem aut dolum verti in abuſum poſſunt, qui genuinum uſum tollere neſcit.

## §. 45.

Quando ab ipſo Monarcha.

*Si Monarcha ſeu rex abſolutus vera gaudeat religione una cum populo ſuæ civitatis, poterit & ipſe legem ſucceſſionis ita ſancire, ne quis ipſi ſuccedendi jus habeat, niſi eadem gaudens ſemperque gaviſurus religione.* Hoc nimirum caſu Monarcha gaudet jure populi, teneturque ejusdem obligatione ſapientis curæ religionis (§. 133. P. VIII. Jur. nat.). Sed populus ſapienti curam religionem aulicam reſtringere poteſt ad veræ religionis ſuæque libertatis conſcientiæ conſervationem perpetuam (§. 44.): idem ergo quoque Monarchæ licere & incumbere liquet.

Hujusmodi exemplum occurrit in regno Daniæ, ubi Rex. Frid. III. A. 1709. regno, cujus imperium ſolutius acceperat, gratificaturus, edita *lege regia* poſteris ſuis religionem Lutheranam perpetuo amplectendam & tuendam in regno injungit, *artic. I.*

## §. 46.

Num aulica religio aliis imperet?

*Religio aulica caret jure cæteris imperandi & moleſtias exhibendi.* Neque enim eſt religio aulica niſi religio rectorum civitatis (§. 42.). Cujusmodi rectoris ſunt, monarchæ, impera-

ratores, reges, vel imperatrices & reginæ in principalibus; collegia optimatum in aristocratiis; & senatus popularis in democratiis, & horum temperamenta in formis temperatis. Enimvero Rectores civitatis non sunt domini conscientiæ & religionis (§. 23.), nec religio interna, & quæ propter illam extrinsecus sunt necessaria, non subsunt cogenti imperio civili (§. 24. & 26.). Quapropter religioni aulicæ nullum est jus religionibus cæteris, pariter receptis, vi imperandi & molestias exhibendi, ne quidem modis rectioribus & fraudulentis (§. 40.).

## §. 47.

*Religioni aulicæ nullum debetur ab aliis obsequium, nisi quod in Quantum externis pacto receptum, & sæpe numero minus est eo, quod in asseclas illi liceat in religionis aulicæ datur.* Caret enim jure cæteris imperandi (§. sacris externis?). Quare cum obsequium non debeatur, nisi cui est jus imperandi (§. 206. & 225. P. VIII. Jur. nat.): in præpatulo est, religioni aulicæ nullum deberi a reliquis obsequium.

Idem & sic ostenditur: si ponas, religionis aulicæ imperio obsequendum esse a cæteris, foret quoque illi obediendum, quando imperaret conscientiæ asseclarum ejus contraria. Foret ergo agendum contra conscientiam. Sed nefas est agere contra conscientiam licet erroneam aut dubiam (§. 441. seqq. & 448. P. I. Philos. præct. univ.). Quoniam vero pactis standum est (§. 789. P. VIII. Jur. nat.), si quid in externo cultu rectori civitatis est concessum, id ipsi debetur & præstandum erit. Inde si quid jubeat circa sacra externa, quod jure præcipere potest, ea in re ipsi utique erit obtemperandum.

Sed si rector civitatis diversam a sua religione recipiendam statuit, & pacto convenit cum illius asseclis de jure circa eorum sacra externa, ultra id quod in pacto conventum jus suum extendere nequit, etsi illud sit minus eo, quo gaudet in sacra externa suæ religionis (§. 958. P. VIII. Jur. nat.).



Consultum enim est, ne diversam religionem profitenti concedatur quidquam, quod in abusum & perniciem religionis ab aulica diversæ verti facile possit. Ea propter id, quod rectori civitatis circa interna & externa sacra pacto debetur, ut plurimum minus est eo, quod ipsi in suæ religionis externa & interna sacra firma illa spe conceditur, nunquam fore, ut eo abutatur in ipsius detrimentum.

Si generatim quæras, quid religioni aulicæ in civitate debeat, facile intelliges ex natura religionis, illi deberi liberum exercitium in aula, & quando opus est, ut sedes aulæ mutetur, & alio ad tempus transferatur, ejus liberum exercitium & ibi, citra detrimentum alterius religionis ab aulica diversæ, concedendum esse. Quare manifestum est, non licere aulicæ religioni alibi infestare & violare jura ac privilegia alterius religionis, quocunque colore & obtentu id fiat. Qui aulicæ religioni non propter perspectam ejus veritatem & præstantiam, sed aucupandæ gratiæ & fortunæ causa obsequuntur, aut obsequium simulant; hos non agere, uti par est, sed suis obsequi cupiditatibus pravis, externisque illecebris potius duci quam pietate & aliis innotescit, & vix ipsi satis dissimulare possunt. Veræ autem religioni aulicæ legitima sunt subsidia, illam populo persuadendi.

## §. 48.

*Cavendum  
periculum  
ex mutata  
religione au-  
lica.*

*Ubi libera prorsus est religio aulica, ibi prudenter cavendum est, ne illius mutatio ceteris periculosa evadat; si religio aulica libera prorsus est, rectores civitatis possunt pro suo arbitratu, aut aliorum persuasu aliam amplecti religionem (§. 43.). Esto mutata religionem ferri, seu rectorem civitatis postmutatam religionem ferri in delendam religionem pristinam, & ad compellendos subditos partim tecte partim aperte ad amplectendam religionem novam, quod factum esse, Juliani & aliorum exempla docent. Nonne ita in magnum discrimen adducen-*

*tur,*

tur, quotquot religionem novam, tanquam falsam detestantur. Si revera falsa sit, aut vix ulla, quæ adsciscenda obtruditur, nisi fama, fortuna & vita privari malint; eritne misera illa civitatis facies? Quare cum miseria prævisa & evitabilis sapienter sit avertenda quantum in potestate est (§. 183. & 613. P. I. Jur. nat.): illa quoque mala, quæ ex mutata religione aulica enasci possunt, sapienter sunt cavenda, ne civitas in illa incidat. Ubique ergo libera prorsus relinquitur religio aulica, sive ex fiducia bonæ causæ, & spe concepta, fore ut nunquam mutetur, sive ex quacunque alia ratione, ibi prudenter quantum fieri potest, cavendum esse intelligitur, ne illius mutatio, contra spem & opinionem præsentem, reliquis funesta evadat, & nimis fero credulitatis pœniteat atque neglectus cautionis.

## §. 49.

*Persecutionis periculum e mutata religione aulica proditurum ca-* Quomodo  
*veri melius nequit, quam si isto casu omnia jura & privilegia in eo statu istud pericu-*  
*relinquenda sint salva, quo fuerant ante religionis aulicæ mutationem. lum præca-*  
 Etenim si periculum est cavendum, ejusmodi illi objicienda vendum sit?  
 sunt impedimenta, propter quæ nocere nequeat, sed avertatur  
 a nobis imminens seu boni jactura, seu mali perperessio (§. 371.  
 P. I. Jur. nat.). Sed per se evidens est, si omnia pristinæ reli-  
 gionis jura & privilegia in eo flore manere debeant, quo fuere  
 ante ejus mutationem, nocere aulicæ religionis mutationem  
 non posse, & simul arceri illa mala, quæ ex persecutione reli-  
 gionis mutatæ asseclarum nasci possent. Melius ergo caveri  
 vix poterit periculum e mutata religione aulica metuendum,  
 quam si isto casu omnia jura & privilegia salva & in eo statu  
 relinquenda sint, quo fuerant ante religionis aulicæ mutatio-  
 nem. Hanc cautionem esse legitimam eo clarius patebit, si non  
 videatur solum sed sit vera religio, quæ mutata est in falsam,  
 aut



aut minus veram. Alias ipsa veritas docendo legitime vincet errores.

Ad id, quod melius est, cæteris præferendum, nos obligari, expediti juris est (§. 193. *P. I. Phil. pract. univ.*). Inde & civitatem ejusque rectorem naturaliter ad melius præferendum obligari, dubio caret. Licet igitur nihil conventum sit inter civitatem ejusque rectorem vel rectores, naturalis tamen obligatio, inita mutatione religionis aulicæ, quam veram aut veriorem mutatam esse ponimus, urget æque ac religionis natura, ut subditis relinquatur conscientiæ & religionis libertas, cum omnibus juribus, privilegiis, & consuetudinibus, antea in ipsa aula approbatis. Quod cum subditi tunc jure desiderent, ipsis lubenter erit concedendum & privilegio confirmandum. Si enim id denegaretur, ansa daretur multis internis dissidiis, & odii subditorum, unde bellum intestinum nasci posset.

Interim præstaret, illa quoque pacto & legibus cardinalibus esse provisæ, quam postea demum ingratis & invito rectore civitatis ad liquidum deduci. Plus enim libertatis tunc conceditur rectori civitatis, quam si mutaturus religionem prorsus nequeat rector civitatis manere. Ut vero lucidius constet, quid sibi velit salvus pristinae religionis status, distince explanandum est, quævis officia publica danda non essenisi pristinae religioni sincere addictis, ideoque ab illius heroibus electis, & repudiandis, si se reddant suspectos; & directionem curamque sacrorum externam iis consiliariorum collegiis totam esse permittendam, quibus ante mutationem fuerat commissæ sic, ut vel nulla confirmatione rectoris indigeant, sed ejus nomine illa per se agant, vel confirmatio ipsorum decretis nunquam possit in fraudem religionis denegari. Neque negligenda esset definitio officiorum privatorum aulicorum, ne qui illis jure hætenus gavisi sunt, plane illis insontes exuantur,  
aut

aut in posterum indigni censeantur, sed præcipuorum & lautiores redditus habentium, certus numerus debeatur pristinae religionis affectis. Pariter usus potentiae publicae restringendus itidem erit dictis modis, ne quid inde sit metuendum. Salva sic semper manent veritati sua argumenta, quibus vincere errores valer.

Illustrari hoc juvat *instrumenti pacis Westphal. artic. VII. n. 1.* ubi hæc habentur: De jure reformandi inter utramque religionem ita conventum est, ut si quis princeps vel alius territorii dominus, vel alicujus ecclesiae patronus posthac ad alterius partis sacra transferat, aut principatum vel ditionem, ubi alterius partis sacra exercitio publico de præsentis vigent, seu jure successionis seu vigore præsentis tractatus, aliove quocunque titulo nactus fuerit, aut recuperarit, ipsi quidem concionatores aulicos suae religionis citra subditorum onus aut præjudicium secum atque in residentia sua habere liceat, at fas ei non sit, vel publicum religionis exercitium, leges aut constitutiones ecclesiasticas, hæctenus ibi receptas, immutare, vel templa, scholas, hospitalia aut eo pertinentes redditus, pensiones, stipendia, prioribus adimere, suorumque sacrorum hominibus applicare, vel juris territorialis, episcopalis, patronatus aliove quocunque prætextu subditis ministros alterius confessionis obtrudere, ullumve aliud impedimentum aut præjudicium directe vel indirecte alterius sacris afferre. Et ut hæc conventio firmitus observetur, liceat hoc mutationis casu ipsis communitatibus præsentare, vel quæ præsentandi jus non habent, nominare idoneos scholarum & ecclesiarum ministros, a publico loci consistorio & ministerio, si ejusdem cum præsentantibus vel nominantibus communibus sint religionis, vel hoc deficiente, eo loco, quem ipsæ communitates elegerint; examinandos & ordinandos, atque a principe vel domino postea sine recusatione confirmandos. Additur *n. 2.* si vero aliqua communitas eveniente mutationis casu domini sui religionem amplexa petierit suo sumtu exercitium, cui

(*Wolffii Politica P. III. S. I. C. I.*) H prin-



princeps vel dominus addictus est, liberum esto, sine reliquorum præjudicio ei illud indulgere, a successoribus non auferendum. At consistoriales sacrorum visitatores, Professores scholarum & academiarum Theologiæ & Philosophiæ, non nisi eadem religioni addicti sint, quæ hoc tempore quolibet in loco publice recepta est &c. Plura exempla qui volet, partim ibidem, in antecedentibus, partim alibi passim reperiet.

## §. 50.

*Quando aulica religio simul præpollens erit diversa.*

*Dum religio aulica simul est religio totius aut majoris civitatis partis, illa simul erit præpollens; dum illa mutata est, præpollens ab ipsa erit diversa.* Etenim dum religio aulica & præpollens in civitate est eadem, necesse est, ut aulica simul sit præpollens (§. 414. P. II. Polit.). Sed dum illa est mutata, non amplius est eadem cum prævalente. Ergo præpollens religio tum ab aulica debet differre.

Non sequitur tamen, si præpollens religio civitatis differt ab aulica religione, hanc ideo esse infirmiore illa. Propter summam enim potentiam potestatemque, quæ est penes rectores civitatis, potest & solet illa non esse infirma, sed talis potius, a qua præpollenti quoque facile periculum oriatur, & metuendum sit, nisi illi sapienter obviam eatur (§. 40.).

## §. 51.

*Præpollenti religioni infirmiores non sunt subjectæ*

*Religioni præpollenti infirma, aut infirmiores, sibi plures habentur, nullum debent obsequium.* Eadem enim esse potest religio præpollens atque aulica (§. 50.). Saltem par semper ejus est ratio, ac aulicæ. Quare cum aulicæ religioni nullum a cæteris debeatur obsequium (§. 47.): nec infirma religio obligatur obedire præpollenti, neque ubi plures sunt imbecilliores, illæ præpollenti erunt subjectæ, aut ejus imperio obnoxia. Hinc nec præpollens sibi imperium in illas arrogare, eas affligere & opprimere debeat.

Ponamus falsam esse religionem infirmiore[m], nullum tamen inde nasci potest jus punitiōis, aut oppressiōis: cum falsa & errores refutando eximi animis errantium debeant, vi autem extundi inde nequeant, salva libertate menti humanæ, h. e. fere idem, ac si diceretur, salva ejus natura. Quidquid enim libere velle debet mens nostra, id oportet ut distincte cognoverit, esse sibi bonum; uti quod confuse ipsi bonum esse videtur, tantum appetit sensitivo more, sibi cum bestiis communi. Hinc & religio libere amplectenda non aliter quam distincta agnitione & convictiōe de illius veritate & salutari indole animum rite occupabit tenebitque; pro imperio autem obtrudi animo nequit.

## §. 52.

*Nec aulica nec praevalens religio præcipere & exigere potest, ut Quid exigi infirmioris aedificae suis se conforment sacris externis.* Etenim nec aulica nec praevalens religio gaudet jure infirmæ imperandi eive infirmiori molestias exhibendi (§. 46.) nec si quid hujusmodi audent, in ecclesia in firma obligatur illi obedire (§. 47.). Licet igitur religio aulica externis sacris & praevalens circa sacra externa suæ religionis aedificis imperare possit, hoc tamen non est, nisi ex pacto (§. 12.). Inde aulica & praevalens religio nihil juris habet, vel in externa infirmioris ecclesiae sacra, nisi quod illi pacto est concessum (§. 14.). Id vero pacto concedi nequit, quod cum interna religione, quatenus differt ab aulica & praevalente, arctissime est connexum, itaque nequit subijci imperio civili sine religionis everfione (§. 26.). Quapropter nec aulica nec praevalens religio id præcipere potest, ut infirmæ religionis aedificae suis utantur aut se conforment sacris externis (§. 423. P. II. Polit.), multo minus illos adigere vi potest, ad talia agenda vel non agenda, quæ ipsi habent pro peccatis (§. 419. *ibid.*), propterea quia a religione aulica vel praevalente illa recta & pulchra ducuntur.



Non valet hic argumentum a majori ad minus, ob disparitatem religionis. Concedi potest, religionem aulicam sacra externa moderari religionis aut ecclesiæ præpollentis, quando utraque est eadem, & pacto illi tale imperium est tributum. Sed qui inferre vellet, hæc vel illa rector civitatis præcipere & exigere potest in sacris externis religionis præpollentis, & vi adigere illius asseclas ad actus ejusmodi externos: ergo multo magis illa ipsi licent in asseclas ecclesiæ imbecillioris, is procul dubio male ratiocinaretur. Constat enim, hoc idem fore, acsi contenderet, imperio civili homines adigi posse ad agendum contra suam conscientiam (§. 47.), ideoque ad peccandum, quod fini civitatis repugnaret (§. 41. P. I. Polit.) & omnino nefas foret (§. 226. & 672. P. VII. Jur. nat.). Inde est, quod plerumque plus juris detur rectori civitatis in suæ religionis asseclas, quam in asseclas diversæ religionis (§. 31.) & (§. 958. P. VIII. Jur. nat.). Neque id ab usu abhorret. Judæis enim sui conceduntur dies festi, a christianis diversi, neque conformatio festorum cum festis diebus christianorum ipsis imperatur. Mahometani sua festa colentes non eo insanix procedunt, ut christianis vel Judæis injungant frequentationem suorum templorum, sacrorum, & celebrationem suorum festorum, sed permittunt & Judæis & Christianis, ut pro sua conscientia sacra sua obeant, celebrentque suos festos dies. Patet ex his num genu flexio & similia imperari & extorqueri possint in sacra processione.

## §. 53.

*Infirma religio non est opprimenda.*

*Infirma religio & ecclesia a potentiori non est opprimenda ullo obtentu.* Religio enim & Ecclesia potentior est præpollens (§. 514) item aulica, non tantum si ea simul sit præpollens, verum etiam si ab illa sit diversa (§. 40 50.). Atqui religio aulica nullum jus habet cæteris religionibus imperandi & molestias creandi (§. 46.). Idemque dicendum est de religione præpollente (§. 51. seq.). Sed per oppressionem non potest non maxima creari molestia & injuria religioni & ecclesiæ infirmæ, quod

quod per se liquet. Occurrendum vero est quibuscunque clandestinis quoque & ullo obtentu incrustatis injuriis & cogendi modis (§. 40.). Relinquitur ergo, nullo obtentu infirmam ecclesiam & religionem a potentiori esse opprimendam.

Præterea ubi in civitate diversæ vigent religiones, ibi unius non est alterius vel reliquarum assecclas cogere, ut utantur subsidiis iisdem, quibus ipsius focii uti obligantur (§. 31.); sed arbitrio ipsorum relinquendum est, utrum ipsis uti velint, nec ne (§. 29.). Iam religio quatenus est interna, nequit subesse imperio cogenti (§. 24.), neque externa quatenus necessario fluit ex interna (§. 26.). Quare cum *oppressio* religionis notet ejus violentam impeditiorem, extinctionemque, saltem quantum in se est attentatam; quæ sine coactione dira, moribusque pharaonicis, injurias summas & internecionem assecclarum quærentibus fieri nequeat: manifestum est, hisce summis injuriis, voluntati & legi divinæ e diametro oppositis, abstinendum esse, ideoque infirmam religionem a potentiori nullo obtentu esse opprimendam.

Non nisi truculenta immanitas vi aperta grassaretur more plus quam beluino in oppressiorem religionis. Inde ejus ne quidem mentionem hic faciendam duxi in præcepto. At quoniam facile obtentus & color quidam illini & adhiberi potest speciosus, quæsitæ oppressioni, illius persona hic detrahenda fuit, qua prodire possit soleatque, ne videatur esse quod est. Pharaonis obtentus erat politicus, ne populus Israëliticus jam sat numerosus prævaleret tandem Aegyptiis, aut eorum hostibus se adjungeret. Aliis potest zelus religionis obtentum præbere; aliis exemplum Judæorum idololatrias in Palæstina extirpantium; aliis promovendæ salutis publicæ ratio, quæ ex diversitate religionum facile in discrimen seditionum & bellorum intestinorum adduci posset; aliis venditata hominum æternæ salutis, & illustrationis gloriæ divinæ cura studium ac zelus converten-



di &c. Fœcundas enim fœtiones ingenii pravi quis omnes in promptu habeat? Unitatem religionis multi laudant, & quando verissimam optimamque subaudiant, non præter rem. Ea enim ut inter omnes omnino gentes liberrime obtineret, optandum esset. Quando autem quisque populus suam statuit esse optimam, ideoque in extirpandam omnem aliam grassaretur, nonne sic nequissimum omnium in omnes bellum internecinum oriretur fureretque? Parne esset ratio, si omnes civitates dirissimo inquisitionis tribunali e medio tollerent omnes a sua religione dissentientes?

## §. 54.

Quid sit tolerari & non tolerari.

Tolerari dicitur religio, cui a prævalente liber usus sacrorum suorum conceditur, præsertim publicus. Non tolerari illa, cui liber sacrorum usus in civitate denegatur. Latius quoque tolerari in civitate dicuntur, qui ex eadem non ejiciuntur; & tum non tolerantur qui ex eadem ejiciuntur seu expelluntur.

Tolerare generatim est sustinere & patienter ferre; inde *tolerantia* fere patientiæ æquiparatur, a qua tamen discerni sic potest ut hæc civilis sit virtus, in aliis ferens id, quod non prorsus rejiciendum videtur; illa ethica in se ferens, quæ mutari nequeunt, animo æquo. Refertur igitur tolerantia ad sapientem permissionem malorum saltem apparentium.

## §. 55.

Quando sufficiat curare salutem publicam secundariam.

Quatenus *salus publica primaria* & interna obtineri in civitate nequit, eatenus saltem curandum est, ut *secundaria* & externa *salus* obtineatur. Equidem *salus publica* integra non est, nisi contineat & primariam & secundariam, quanta haberi potest. (§. 38. P. I. Polit.). Primaria continet felicitatem omnium & singulorum civium, quatenus obtineri potest (§. 39. *ibid.*) ideoque est interna (§. 40. *ibid.*). Secundaria autem involvit tutam fruitionem bonorum corporis & fortunæ, quanta conjunctis viribus haberi potest (§. 42. *seqq. ibid.*) & absolvitur affluentia, tranquillitate ac

securitate civilibus (§. 46. *ibid.*). Quare opera quidem danda est in civitate, ut salus publica interna provehatur & obtineatur, quam optime fieri potest, hoc est virtutibus quibuscunque (§. 40. *ibid.*). Quatenus vero hæc obtineri civilibus adjumentis nequeunt, eatenus & salus primaria obtineri nequit, nec ultra vires obligatio locum habet (§. 209. *Philos. pr. un. P. I.*). Restat ergo, ut studeatur salutis secundariæ provehendæ, quantum junctis viribus fieri potest. Hinc quatenus salus publica primaria obtineri in civitate nequit, eatenus sufficit, si curetur, ut secundaria pro viribus obtineatur.

Indigemus hoc lemmate in sequentibus stabiliendis! Quare illud hic fuit inferendum & ex principiis partis Politicæ primæ deducendum. Si tantum hæc secundaria salus publica seu externa finis constituatur civitatis, quod tolerari potest, quando præcipue ratio habetur status externi perficiendi; ex ipsa illa salute publica sic restricta repeti hoc præceptum simpliciter potest. Sed quia primariæ salutis ratio etiam non negligenda est in politicis, malui salutem publicam præter necessitatem non efficere arctiorem ac est, sed in omni ambitu suo eam spectare.

## §. 56.

*Quæcunque religio suam salutem publicam externam vel secundariam Quæ religio non adversatur, illa est tolerabilis.* Quatenus enim salus publica sit tolerabilis. interna & primaria ex voto obtineri nequit, saltem opera danda est, ut externa & secundaria obtineatur (§. 55.). Quapropter quum religio imperari & extorqueri nequeat (§. 17. & 24.), sed delinquentes adversus illam divinæ relinquenti sint vindictæ (§. 25.), si suppeditatis veræ religionis subsidiis sponte uti nolint (§. 29. 31.): liquido apparet, ejusmodi religionem tolerari posse, quæ non adversatur externæ vel secundariæ civitatis salutem.

## §. 57.



## §. 57.

Nam tole-  
randa sit re-  
ligio nec ne,  
disquiren-  
dum.

Quia non opus est, ut omnia fiant in civitate, quæ fieri in illa possunt (§. 173. *Ontol.*), concedi nequit, omnem religionem tolerabilem in quavis civitate esse tolerandam. Ea propter si queratur, num qua religio sit in civitate toleranda, nec ne, eruendæ erunt rationes in utramque partem occurrentes, & examinandæ accurate, ut appareat, quænam præferri mereantur. Si vincant rationes pro ea toleranda facientes, sequetur eam esse tolerandam; in contrario casu vero eam non esse tolerandam. Præcipuæ autem rationes internæ habentur in dogmatibus, saltem religioni naturali consentaneis moribusque æseclarum ejus probis.

## §. 58.

Edenda pro-  
fessio dog-  
matum pro-  
piorum.

Ut judicari possit, num qua toleranda sit religio in civitate, edenda ante omnia erit sincera professio dogmatum ipsi propriorum. Etenim si queratur, num qua religio sit toleranda, illius æseclæ vel nondum sunt recepti in civitatem, vel jam dudum in illa degunt, sed nunc religionem pristinam non amplius profitentur, a qua discesserunt. In utroque casu judicare civitas ejusque rector aut senatus non poterit, sintne recipiendi & ulterius retinendi in civitate nec ne, nisi illa dogmata sincere proferantur & in medio ponantur, quæ diversa sunt a recepta dudum religione. Ex his enim perspicuum erit, num illi liber sacrorum suorum usus concedi possit, ideoque num sit tolerabilis, nec ne (§. 54.). Quo circa cum, quando queritur, num qua religio sit toleranda, eruendæ & examinandæ sint rationes (§. 57.), & inter rationes, e quibus judicandum est, num qua religio in civitate sit admittenda, primarias sint dogmata illi religioni propria (§. 512. *P. II. Theol. nat.*): evidens est, ut judicari possit, num qua religio sit toleranda in civitate, ante omnia edendam esse ab ejus æseclis sinceram professionem dogmatum sibi propriorum.

Ne vera dogmata celentur & alia eorum loco exhibeantur, obtineri potest, si sanctione pœnali ad omnia, quæ ipsis propria sunt, dogmata enumeranda obligentur, ea lege, ut si alia dein fovere deprehendantur, non tantum excidant forsitan concedendis aut concessis; sed & insuper graves incurrant pœnas ob dolum admissum.

## §. 59.

Inquirendum quoque in mores & vitam asseclarum religionis ex Quatenus & religione oriundam, ut constet, num quid periculi inde civitati sit metuen- vitæ ratio dum? Quando enim quæritur, num qua religio in civitate sit habenda? toleranda, eruendæ sunt rationes in utramque partem occurrentes, & examinandæ accurate, ut appareat, quænam præferri mereantur (§. 57.). Sed inter illas rationes præter dogmata morum & vitæ ex religione fluentis indoles magni est momenti ad salutis publicæ vel incrementa vel decrementa (§. 41, & 91. P. I. Polit.). Idcirco inquirendum quoque est in mores & vitam religioni respondentem asseclarum religionis, ut constet, num quid periculi inde civitati sit metuendum,

Pravtatem vitæ, non ex religione ipsa, sed ex illius neglectu & contemptu oriundam, non esse hic attendendam vel ex eo patet, quod in religione recepta pariter non defunt homines scelerati, qui vero tales non sunt per religionem, sed per ipsius contemptum, neglectumve. Si quid hujusmodi quoque in aliis religionis asseclis observetur, quod ipsis principiis & dogmatibus omnino adversetur, id pari æquitate non erit ipsi religioni imputandum.

## §. 60.

Si nec dogmata nec mores asseclarum alterius religionis quid- Quæ religio quam habeant, quod secundariæ salutis publicæ repugnet, cæteræque ra- sit toleran- tio- da nec ne? (Wolffii Politica P. III. Sect. I. C. I.) I



*tionem status civilis consentiant; illa religio erit toleranda; in contrario casu nequitiam erit toleranda. Est nempe religio tolerabilis, quæ saltem secundariæ civitatis salutem non adversatur (§. 56.). Si quaeratur, sitne toleranda, nec ne; rationes præcipuæ redeunt ad dogmata religioni saltem naturali consentanea, & mores probos affectuum ipsius (§. 57.). Quare si edita dogmatum sincera professione, & investigatione vitæ dogmatibus conformandæ, nihil reperiatur, unde quidquam periculi salutem civitatis saltem externæ metuendum sit; si cæteræ quoque rationes civiles, ob quas affectuæ præpollentis religionis admittuntur ad civitatem retinenturque in eadem, pares sint; nulla suppetet ratio, cur ejusmodi religionis affectuæ non essent libero religionis suæ exercitio dignandi. Concedendum ergo illis erit liberum religionis exercitium, & eorum religio erit toleranda (§. 56.).*

*Causæ externæ tolerationis esse possunt, tum rationes civiles, augendi civium numerum, locupletandi civitatem ipsorum opibus, augendi & provehendi artes, opificia & commercia, quibus dediti sunt ejus affectuæ, augendi ærarii & fisci redditus & cæteræ generis ejusdem; tum aliæ, uti spes conversionis eorum saltem in posteris, si non omnium, certe nonnullorum. Ideo enim quoque Judæi tolerantur, quorum dogmata ipsis propria falsa esse, nemo Christianorum nescit. Præterea spectandum, numqua alia civitas ipsos toleratura præsto sit, aut aliæ civitates eam religionem nullo incommodo suo tolerant, dudum tolerant? Item, si quid videatur metuendum, quo modo istud ita circumscribi, (§. 957. P. VIII. Jur. nat.) & intra concellos hujusmodi includi possit, ut metus evanescat. Sic provisum est in civitatibus Christianis, ne Judæorum infestus erga Christianos animus facile nocere, neque ac ab ipsorum doctrinis & moribus his quidquam metuendum sit. Accedunt & aliæ ratio-*

nes, quas omnes commemorare longum foret & supervacaneum vel propterea, quod ignotæ vel paucis esse poterunt, vel non iis, quorum refert, eas habere perspectas, quando hujusmodi quæstio in deliberationem venit.

## §. 61.

*Jus emigrandi latius est jus liberi discessus e civitate, salvis omnibus emigrantis juribus; strictius autem jus emigrandi dicitur jus emigrandi? idem ob denegatum religionis exercitium.* Hoc strictiori sensu illo nunc utemur, latiore suo loco adhibitori. Est vero illa emigratio vel voluntaria, vel involuntaria. Illam permittit rector civitatis sponte sua abituris, hanc imperat abituris invite. Unde discessus horum est imperatus, nisi plane coactus; illorum tantum arbitrarius. Ille expulsio vel ejectio dici potest & exilio æquiparatur (§. 145. *Jur. Gent.*); hic dimissio vel lubens emigratio.

## §. 62.

*Si qua religio non videtur esse toleranda, illius affectis concedendum est jus emigrationis.* Quibus concedendum est jus emigrationis. Etenim si qua religio non videtur esse toleranda, illi a civitate denegatur liber sacrorum usus (§. 54.); & denegato libero sacrorum usu, affectu ipsius suam religionem publice vel & privatim exercere nequeunt, quia denegatum ipsis est jus statuendi de rebus ad cultum divinum & ecclesiam pertinentibus (§. 945. *P. VIII. Jur. nat.*). Enimvero cultus Dei non minus internus quam externus est lege naturali præceptus (§. 1231. *P. I. Jur. nat.*), & homo per ipsam essentiam & naturam suam obligatur ad colendum Deum (§. 1122. *ibid.*). Quare si rector civitatis ipsi denegat liberum religionis exercitium, & cogere illum velit ad aliam religio-



nem nullo jure (§. 46.): quia Deus libere est colendus (§. 24.), ex obligatione illa ipsi nascitur jus (§. 158. seq. P. I. Phil. pract. univ.) libere discedendi ob denegatum religionis exercitium h. e. jus emigrandi (§. 61.). Cum nemini jus, quo naturaliter gaudet, denegandum sit, (§. 922. P. I. Jur. nat.): si qua religio non videtur esse toleranda, illius affectis concedendum est jus demigrationis.

Relinquo in medio, num recte civitati videatur alia religio non esse toleranda, nec ne. Si id ipsi perperam videretur, manifestum est, religioni tolerandæ aut plane veræ summam fieri injuriam, denegatione juris emigrandi. Si vero recte id videatur, quia tamen errantes cogendi non sunt, ut contra conscientiam erroneam agant, & peccent, non erit ipsis denegandum jus emigrationis. Erant Israëlitarum in Ægypto ob religionem suam Ægyptiis exosi, nec videbantur amplius esse tolerandi. Denegabatur vero ipsis demigratio a Mose & Aarone expetita obtentu sacrificii in deserto faciendi, quod e quibus rebus petendum sit, necdum scirent. Multo magis denegata esset, si eam directe & aperte rogassent. Malebant Ægyptii eos eradicatis maribus extirpare, itaque eorum bona in se derivare, & feminas ad suam religionem pertrahere. Proinde procurabat ipsis Deus demigrationem non tantum concedendam, sed imperandam tandem, ut veluti expellerentur ex Ægypto. Si suæ religionis sociis denegari potest emigratio, cogitanda est disparitas religionis (§. 47.).

### §. 63.

Quomodo illud sit certius faciendum.

Quia jus emigrandi infert jus ob denegatum religionis exercitium libere discedendi e civitate salvis emigrantium jurebus quibusque (§. 61.); & facile fieri potest, ut civitas potentior id denegat, affectando imperium conscientiarum, & inhiando bonis affectuum ejus: *legibus civitatis cardinalibus, pactisve publicis*

*cis jus demigrationis infirmiori ecclesiæ faciendum est quam certissimum.*

Si sufficeret ad hoc, ne quid fiat, scire id esse lege divina prohibitum, non opus foret his cautionibus quærendis. Facile enim ostenditur, ne infirmam quidem ecclesiam (cujusmodi erat in suis primordiis ecclesia christiana, per aliquot sæcula) a potentiori ullo obtentu esse opprimendam (§. 53.). Sed cum præjudiciorum & affectuum vis leges divinas sæpe negligat & perrumpat, iisdem opus subsidiis humanis, quibus injuriis aliis occurrendum fuit, ut bellum summopere evitetur, legibus nempe & pactis privilegiisque. Quare consultum est, ut belli evitandi causa legibus, pactis, privilegiisque firmetur & extra dubium ponatur jus emigrationis, quoad præcipua, quæ ipsi insunt, momenta. Sic factum est, & factu opus fuit in Germania, Polonia, Anglia, Belgio, Turcia & alibi passim. Sufficiat unicum exemplum ex pace Osnabrug. Art. V. n. 36. quodsi subditus, qui nec publicum nec privatum religionis suæ exercitium Ao. 1624. habuit, vel etiam, qui post publicatam pacem religionem mutabit, sua sponte emigrare voluerit, aut a territorii domino jussus fuerit, liberum ei sit, aut retentis bonis, aut alienatis discedere, retenta per ministros administrare, & quoties id ratio postulat, ad res suas inspiciendas vel persequendas lites aut debita exigenda, & sine literis commeatus adire. No. 37. terminus emigrationis præterita mutatione religionis conspicuis non minor quinquenio, futura usuris non minor triennio præfigitur, cavereturque ne emigrantibus nativitatis, ingenuitatis, opificii & honestæ vitæ testimonia denegentur, neu reversalibus inusitatis vel decimationibus substantiæ secum exportatæ, plus æquo extensis prograventur, multo minus spontaneam emigrationem suscipientibus servitutis aut ullo alio prætextu impedimentum inferatur., Diserte hæc agunt, de illis, qui nec privatum nec publicum habuere religionis exercitium.



## §. 64.

Quale jus  
emigrandi  
esse debeat?

*Jus emigrandi infert æque liberum discessum cum familia, & familiaribus, ac si discedens religioni præpollenti esset addictus.* Est enim jus liberi discessus e civitate salvis omnibus emigrantis juri-  
bus (§. 61.). Sed emigranti fas est, secum auferre suum con-  
jugem, suos liberos, cæteramque familiam, quæ cum ipso de-  
migrare velit. Fas ipsi est, sua bona mobilia, quando id ipsi  
commodum videtur, secum asportare, sin minus, & hæc, &  
immobilia permutare, æquo pretio aliis vendere, aut si vende-  
re illico nequeat, aliis locare, oppignerareque, prout opti-  
mum factu videretur. Cum in usu juris sui nemo sit impedi-  
endus (§. 180. P. I. Phil. pract. univ.), ne quid odium religionis  
depravet, normæ actionum loco erit, si id omne ipsi tribua-  
tur, quod præpollentis religionis socio emigranti ex justitia  
& æquitate tribui consuevit. Si enim religionis causa inimi-  
cus diceretur, tamen vel inimicorum amici esse debemus (§.  
633. P. I. Jur. nat.). Infert igitur jus emigrandi discessum  
cum familia & rebus familiaribus in toto itinere æque liberum,  
ac si religionis prævalentis aut aulicæ affecla demigraret.

Sic emigrarunt Israëlita ex Ægypto cum omni substantia  
sua, divinisque auspiciis loco rerum immobilium, ibi relin-  
quendarum, omnis generis res pretiosas expetierant uten-  
das, quas in solutum retinerent. Neque aliter e babylonica  
captivitate domum revertebantur. Injustum igitur foret, si  
bona seu mobilia seu immobilia quacunque cavillatione, ca-  
lumnia, falsa accusatione & damnatione, aut aperta vi illis  
eriperentur, vel quidem venditio & subhastatio concederetur,  
sed inter eos, quorum nemo verum offerret, & vix unus vel  
alter minimo aut vix ullo pretio res sibi addictas potius &  
donatas, quam emtas cuperet. His igitur similibusque odii

erga

erga ejiciendæ religionis asseclas effectibus melius vix occurreretur, ut quod legi divinæ responderet, fiat, quam si emigrantes usquequaque ut discedentes fidei socii spectentur.

## §. 65.

*Æquius esset, ut emigrantes liberi essent a censu emigrationis, vectigalibus, quam ut iisdem onerentur.* Neque enim emigratio-  
 grant fortunarum augendarum & lucri causa, neque ani-  
 mo damnum dandi & ægre faciendi civitati, e qua disce-  
 dunt, & in qua mallent manere, si conscientiæ libertas  
 ipsis uti aliis salva concederetur, ne quidem numerum ci-  
 vium ipsius minuere cupiunt, potius coguntur ob dene-  
 gatum suæ religionis exercitium (§. 61.). Sed harum cau-  
 sarum ergo census emigrationis imponi illis consuevit, ut  
 civitati compensetur damnum, ipsi non sine culpa disce-  
 dentium e discessu oboriturum (§. 404. P. VIII. Jur. nat.).  
 Quoniam hi emigrantes longe absunt ab animo civitati  
 damnum dandi; civitati jus non est exigendi, ut ipsi dam-  
 num refarciatur. Præsertim si civitas eos jubeat emi-  
 grare, non solum nullum damnum sibi e discessu oriturum  
 innuit, sed & discessum sibi profuturum magisque expedi-  
 turum esse, quam commorationem in civitate. Præterea  
 si vel non jubeantur discedere e civitate, qui diversæ sunt  
 religionis, ipsa tamen denegatio exercitii suæ religionis  
 & pietas erga Deum, officiumque Deum debite colendi  
 eos obligaret ad exeundum civitate. Sed qui pietatis  
 virtutisque colendæ causâ alienas petunt terras, uti studiosi  
 aliique perigrinantes, etiam si numquam sint redituri, non  
 solent adigi ad censum emigrationis civitati suæ relin-  
 quendum, cui malunt prodesse, quam ullatenus obesse.

Item



Item affliguntur iam illo exilio seu sponte electo seu imperato, qui religionis causa solum sibi vertendum esse sentiunt. Quia afflictis non est addenda afflictio (§. 259. P. IV. *Jur. nat.*), nec censu emigrationis, nec vectigalibus emungendi erunt emigraturi. Certe æquius foret, ut emigrantes liberi essent a censu discessus, vectigalibusque, quam ut iisdem attenuarentur.

Objici his potest, non esse gregatim e civitate discedendum, cum id sine damno civitatis fieri nequeat, idque damnum esse refarciendum, neque emigrantium sortem debere esse meliorem sorte præpollentis ecclesiæ sociorum (§. 64.). Concedimus non esse gregatim civibus abeundum e civitate, quando id fieret cum damno civitatis; ut quando ea rerum penuria est, ut extremæ vitæ necessitati discedentium in ea prospici nequeat, nihil prohibet eorum discessum (§. 408. P. VIII. *Jur. nat.*). Uti hoc casu officium erga se ipsum discessum requirit, ita quoque comparatum est, quando officium erga Deum illum requirit, & conscientiæ custodia. Quando urgetur, emigratione illa damnum dari civitati, id quodammodo concedi potest, modo & hoc concedatur damnum nulla culpa alterius datum, non esse pensandum, sed pro fortuito, vel nullo, vel bono habendum. Si aulicæ vel prævalentis religionis affectu valedicunt civitati, illos nulla urget pietatis, conscientiæ, & vitandi peccati obligatio, uti emigrantes. Unde dispar ratio disparia quoque requirit statuta & officia (§. 519.). Universim dici posset, virtutis solidæ, pietatis inprimis actiones nullo modo in civitate esse onerandas sed potius modis quibuscunque legitimis adjuvandas. Licet igitur erronea sit opinio, qua nititur pietas, tamen errare humanum est, & erroris erga Deum peccantis pœna aliunde satis certa est, & vel pœnæ loco in quibusdam dici potest.

## §. 66.

Religionem receptam, & toleratam ex parte, multum juvat Multum jam vivum exemplum rectoris civitatis, ejusque ministrorum & magistratuum religionem, cum in vero de Deo sensu, tum in recto ejus cultu promovendo. nem superio-  
Opus quidem est Præceptoribus in Scholis, Professoribus in ram exem-  
Gymnasiis & Academiis, denique sacerdotibus ecclesiæ, ad plurim.  
religionem civibus inculcandam (§. 33. seqq.). Sed uti horum  
autoritas civilis est a rectoribus civitatis & ecclesia, a quibus  
præficiuntur muneri suo & aluntur (§. 32.): ita quia Regis ad  
exemplum totus componitur orbis, vel generatim quia rectorum  
civitatis, eorum ministrorum & magistratuum autoritas  
apud populum plurimum valet, & valuit omni ævo, ratione  
tum credendorum tum agendorum in religione; sapiens sacro-  
rum cura in civitate gerenda (§. 15.) requirit, ut rectores ci-  
vitaris cum omnibus, quibus quandam partem administrationis  
reip. commiserunt, excellant in pietate (§. 1006. P. VIII. Jur.  
nat.), viva sint religionis nequaquam violandæ exempla (§. 1242.  
P. I. Jur. nat.). Quo ipso non poterunt non religionem re-  
ceptam, cui sunt addicti, plurimum juvare, cum in vero de  
numine sensu, tum in recto ejus cultu promovendis.

A religione tolerata dissentit quidem religio præpollens (§. 526); sed quatenus utraque veritate nititur, eatenus non potest non consentire. Cum in religione, quæ toleratur, itidem spectetur veritas ad minimum religionis naturalis (§. 57.); quoad veritates ipsis communes idem erit, ac si essent ejusdem religionis. Neque minus in religione toleranda spectatur probitas morum pietasque (§. 57.). Ideo & in vera probitate & pietate consensus faciet, ut ejusdem quasi sint religionis. Quo plures ergo veritates virtutesque communes habebunt religiones toleratæ cum præpollente, eo magis & toleratas religiones juvabit vivum religionis exemplum, quod rectores civitatis,



eorum ministri, & quibuscunque aliquam partem administrandæ reip. tradiderunt, iisdem præbent præeuntque cum in theoria tum in praxi veræ religionis.

In eorum exempla, qui magna aut prorsus summa pollent autoritate, dignitate & potentia, omnium ora convertuntur, ut nec facile illa latere possint, nec si laudem merentur, admiratoribus, & generatim imitatoribus carere. Omnes enim, qui placere, qui gratiam aulae & magistratuum captare, qui proficere, adspirare altius, fortunas suas tueri augere, suorumque fortunis prospicere amant, quive his contraria avertere a se suisque student, intenti in id esse consueverunt, ut suos mores fingant ex iis, quæ probantur summis illis præpotentibusque viris. Ecquantus est eorum numerus, qui his studiis ducuntur? Accedit, quod ex integritate pietatis & religionis minime fucatæ optima nascitur refutatio eorum, qui religionem pro mero figmento politico venditant, ut hoc quasi pallio eam non sine ratione negligere & aspernari videantur. Pudere certe ipsos oportet, dum hos vident vere esse religiosos, quorum gratia religionem unice confectam aut putant aut fingunt.

## §. 67.

Quisque eam  
juvat bono  
exemplo.

Sic omnes, qui in civitate degunt, aliquid bono exemplo conjungat bono ferre possunt debentque ad veram pietatem religionemque perficiendam amplificandamque. Obligantur enim omnes ad veram pietatem (§. 1128. P. I. Jur. nat.), & ad Deum omnibus actionibus suis colendum (§. 1124. *ibid.*). Præterea quoque suo exemplo aliis prodesse (§. 639. *ibid.*) ideoque bona exempla aliis præbere debent (§. 930. *ibid.*). Exemplis bonis cum quilibet se addere debeat (§. 931. *ibid.*): apertus est modus, quo quilibet in civitate degens bono exemplo aliquid conferre possit, ad pietatem religionemque veram, tum rectius docendam discendam & persuadendam, tum facilius meliusque exercendam. Omnes igitur, qui in civitate degunt, possunt ac debent ideo bono

bono exemplo se mutuo perficere in vera pietate & religione, eamque ita amplificare, quoad valent (§. 1242. *ibid.*). E contrario cavere & vitare debent, ne pravo exemplo veræ religioni pietatique obsint, suo aliorumque damno (§. 928. 930. *ibid.*), neve prava aliorum exempla sequantur (§. 931. *ibid.*) in publicæ salutis detrimentum.

Non solis parentibus studendum est, ut liberos ad veram religionem pietatemque, qua omnes virtutes efficiuntur intensiores sublimioresque, manuducant excitentque suo exemplo; nec solis cognatis, affinibus, amicis, popularibus; nec solis præceptoribus, professoribus, sacerdotibus, magistratibus rectoribusque civitatum; sed omnibus omnino, qui in eadem civitate degunt. Multum quippe conferre possunt, nisi partibus suis deesse malint ad veram religionem pietatemque colendam, honorandam, augendam diffundendamque. Notandum vero, hoc exemplum tum in doctrina, tum in vita præbendum esse. In doctrina, dum auditores veritatem ipsi recte imbibunt, & suos aliosque eandem docent, errantem amice rectius instruunt de Deo, ejus voluntate & legibus, de religione & rebus ad illam facientibus. Vnde apparet jus & necessitas privatim se invicem data opportunitate perficiendi in vero de Deo rebusque divinis sensu, & ab erroribus errantiumque consortio avocandi (§. 1234. & 1241. *P. I. Jur. nat.*). In vita partim in omnium virtutum studio, & vitiorum fuga, prælucendo aliis, partim in ipso cultu divino, attentione, reverentia, oratione, diligenti feriarum custodia, frequentatione ædium & sacrorum in iisdem peractione, in obedientia erga pia instituta exserenda; item in cultu privatori tum reliqua parte diei festi a publico cultu vacua, tum in diebus profectis, actionibusque privatissimis. Quo in exemplo quantum positum sit in utroque sexu, illa satis docent, quæ mere arbitraria sunt in civili hominum ritu vestitus, ornatus, apparatus rerum, suppellectilis similiumque. Quæ transferri posse ad pietatem religionemque tuendam & perficiendam, nemo infitias ibit, modo tantum ardoris attentionisque



veræ felicitati suæ dicare mallent, quantum commentitiæ commodare solent speciei felicitatis. Virtia fore donec homines erunt, non diffitemur, sed ostendenda sunt eorum remedia, quibus hi utuntur, qui solidiora sibi habent proposita, nec inani fucō decipi volunt.

## §. 68.

*Opus est conventibus religiosi.*

*Vt doctrina simul & bona exempla fructuosiora evadant, opus est ædificiarum sacris conventibus decentissime celebrandis.* Curandum enim est in civitate, ut qui in ea degunt, sint pii, omnibusque virtutibus excultri (§. 456. seq. P. VIII. Jur. nat.), & ut Deum debite colant (§. 458. *ibid.*). Quem in finem instituendi sunt doctores publici, qui de Deo ejusque legibus homines convincant, eosdem ad virtutes incitent & a vitiis avocent (§. 459. *ibid.*). Hoc uti doctrina, ita & exemplo suo cæterorumque omnium promovendum est (§. 66. *ibid.*). Quod ne superfluo sumtu, temporis dispendio, & insigni incommodo impediatur, opus est, ut quemadmodum in scholis & academiis congregantur auditores docendi & erudiendi, sic quoque in ecclesia tot convenient, quot simul commode ejusdem oratoris sacri facundia amplius instrui, & aliorum subsidio exemploque in religionis doctrina & exercitatione perfici longiusque progredi debent. Omnino ergo opus est religiosi conventibus, decentissime celebrandis, in quibus ista plurimum usus plurimis simul afferre possint (§. 1251. P. I. Jur. nat.).

## §. 69.

*Et locis sacris.*

Quia cultus divini eo fructuosioris causa opus est plurimorum religionis ædificiarum conventibus decenter celebrandis (§. 68.); conventus autem fieri debent in apto quodam loco, ubi scilicet immunes sint Dei cultores ab injuriis æris, aliisque noxis & cultus divini turbationibus: *apertum est, eligenda & concedenda sacris his conventibus esse quedam loca, in quibus conjunctim per-*

peragantur sacra. Cujusmodi sacris conventibus destinata & consecrata loca, merito *loca sacra* vocantur, quæ omnium usibus patent & inservire debent.

Olim hujus modi loca sacra in illis regionibus, ubi clima est calidius, fuere sub dio, sub quercu insigni, in luco sacro, etiam in specubus sat amplis, uti tempore persecutionum Christianorum primorum. Prius docet Historia Patriarcharum Genes. XII, 6. *seqq.* XVIII, 1. XXXV, 1. 7. *seq.* posterius historia ecclesiastica sacrorum Christianorum.

§. 70.

Loca sacra si privata fuerint, ipsa quoque sacra, quæ *Seu privatis;* ibi fiunt, *privata* appellantur; si publica, vocantur & *publica* *Seu publicis;* sacra; vel aliis verbis, cultus Dei publicus, ille tantum privatus. Vbi ædibus opus est, ibi cultus publicus peragitur in ædibus publicis; privatus autem in ædibus privatis.

Ita ab autoribus accipi exercitium religionis, seu cultum Dei publicum & privatum, patet ex adductis in nota ad §. 63; strictissimo sensu privatum Dei cultum quoque appellari, quo unusquisque solus per se Deum colit, docet §. 509. *P. III. Ethic.* Talem cultum quisque solus peragere potest. Tum publicus complectitur omnem cultum, quem plures familiæ conjunctim, seu magna hominum frequentia Deo præstat §. 511. *ibid.* Sed admonetur simul, ad cultum publicum requiri etiam locum publicum, & cultum domesticum a cultu publico discernendum esse, quo paterfamilias cum suis conjunctim Deum colit. Præstat ergo cultum ad locum respicere vel ædes, ubi cultus est peragendus. Quæ ædes sacræ si publicæ sint, cultus in illis perageretur publicus. Si tantum privatæ sint, cultus quoque non erit nisi privatus. Hic cultus privatus simpliciter dictus *quasi publicus* erit, quando omnes affectæ religionis illius in eisdem ædibus libere conveniendi jus habent, & communi sumtu illas ædes privatas, vel istud conclave in illis ædibus in usum sacrorum conduxerunt. Strictius ergo privatus erit cultus domesti-



cus, & strictissime cultus unci hominis tantum. Neque opus est, ut is unicus homo in civitate privatam gerat personam. Si enim vel magistratu gauderet, vel rex esset, ejus tamen cultus foret privatus, & publicus dici non posset: quia non a persona nomen habet cultus publicus, sed a loco publico, in quo exercetur, modo in illo quoque publicus habeatur conventus. Nam singularis hominis cultus in ædibus publicis, non foret nisi privatus in loco publico. Duo enim ad publicum cultum requiruntur, locus publicus, & conventus populi conjunctim Deum culturi (§. 69.). Vt privati cultus discrimen ipso nomine designetur, primum *privatum*, medium *privatiorem*, & singularem illum *privatissimum* dicere licebit. Privatissimus refertur ad Ethicam, domesticus ad æconomicam; privatus vero æque ac publicus ad politicam. Attamen privatissimum associari potest simul privatiore seu domestico, & publico, si in loco ætateque publico exercentur. Nec nihil afferre sapientia civilis potest, ad perficiendum domesticum, & privatum, privatissimumque.

## §. 71.

*Et communi  
sumtu.*

*Publicæ ædes sacræ publico ære sunt parandæ, reparandæ & restituentæ.* Nempe privatarum ædium dominium est penes unicum hominem privatum, rarius penes plures patrimonio necdum diviso gaudentes. Sed publicarum ædium dominium est penes universitatem quandam, uti pagum, oppidumque, cui sunt communes (§. 23. P. VIII. Jur. nat.). Ita publicarum ædium dominium & usus est penes ecclesiam illius religionis, quæ in illis exercetur (§. 69.). Hujus ergo sumtibus publicæ ædes sacræ sunt exstruendæ, si quo casu læsæ sint, reparandæ; si collapsæ, everse, vel incendio absumptæ, restituendæ. Neque alia esse potest ædium publicarum ecclesiæ, ac publicorum doctorum communi sumtu alendorum (§. 32.).

Vbi magna hominum est multitudo, ibi multis quoque opus est ædibus sacris pro tot hominum centuriis vel millibus, quos sufficiunt sumtibus ferendis. Quarum ordo vel est superior, vel

vel inferior. Superior continet basilicas & templa cætera. Illæ principes magnificæ vel regiæ vocantur, quæ aulicæ religioni exercendæ adhibentur & destinatæ sunt. Hæc cæteræ sunt eminentiores sacræ ædes, plurimorum perfecto cultui divino, seu omnibus religionis partibus servientes. Inferiores autem vel secundariæ non sunt destinatæ omnibus religionis actibus exercendis, sed quibuscumque tantum. Hujusmodi sunt sacella, quæ & pauciorum tantum cæterum capiunt; ædes hospitalales, similesque. Græci & romani plurima habuere templa, delubra sanæque certis diis fictis & eorum cultui consecrata. Multiplex error his suberat, ac sacrorum quoque & sacrificulorum, flaminum, cæter. diversitatem pepererat. Attamen & illa rarius privatorum, plerumque autem publicis sumtibus exstruebantur.

## §. 72.

*Ubi publici suntus ecclesiæ particularis non sufficiunt ad ædium Quando alio-  
sacrarum structuram aut restitutionem, ibi aliarum ecclesiarum ejusdem rum liberali-  
religionis præsertim liberalitas exoranda est. Ultra vires enim ne- tas implo-  
mo obligatur (§. 209. P. I. Phil. præf. univ.), et quilibet homo randa sit.  
alteri debet, quod sibi, quatenus alter id non habet in sua po-  
testate, ipse autem citra neglectum officii erga se ipsum id al-  
teri præstare potest (§. 608. P. I. Jur. nat.). Hinc & quælibet  
ecclesia eidem præsertim religioni addicta, alteri Ecclesiæ sub-  
venire sua liberalitate debet, quando illa impar est ædium sa-  
crarum structuræ. Deficientibus ergo unius Ecclesiæ sumtibus  
ad ædes sacras condendas restituendasve; cæterarum liberali-  
tas imploranda est, ut in partem sumtuum communis religio-  
nis causa faciendorum veniant, donec absolvi opus possit.*

Potissimum Ecclesiæ, eidem imperio civili tutandæ, obligan-  
tur, ad suorum religionis sociorum necessitati & impotentia  
subveniendum, ærtioris inter se commercii causa, & quod in  
simili casu vicissim aliorum auxilio egere possunt. Habenda  
vero non hominum tantum necessitatis & indigentia, sed &  
officiorum erga Deum ratio, in promovenda pietate & religione  
sua



suæ religionis consortium. Quod eo magis stringit, si non errore quodam, sed veritate nititur religio, de cuius ædibus sacris erigendis agitur.

## §. 73.

Quomodo  
sumtus pu-  
blici sint col-  
locandi?

Curandum est in civitate, ut sumtus publici, ultra necessitatem non augendi, quam optime collocentur, & quam diutissime reip. & ecclesiæ profint. Sunt enim sumtus hi onera civium, quæ ferre tenentur universi (§. 775. P. VIII. Jur. nat.), & curæ habendum est, ne onera imponantur ultra, quam salus publica exigit (§. 778. *ibid.*). Quare evidens est, necessum consultumque esse in civitate, ut ultra necessitatem non augendi (§. 376. P. II. Polit.) sumtus publici in usus optimos amplissimosque conferantur, quo & reip. & sacræ quam diutissime profint.

In omni etiam privata vita quisquis sapit, intelligit finem, ob quem Deus res a se conditas hominis potestati subjecit, ut scilicet iis ad vitæ suæ aliorumque necessitatem, commoditatem, jucunditatemque licitam uteretur, quas eo facere posse intelligit. Eadem vero obligatio cum in singulis detur, nec societate ulla nec civitate tollitur, cum sit ab immutabili lege naturæ, & dominos quoque rerum suarum stringat (§. 177. P. II. Jur. nat.). Si autem nemo re sua aliter uti debet, quam ut satisfaciat obligationi naturali, & qui aliter re sua utitur, ut repugnet is usus obligationi cuidam naturali, re sua abutitur (§. 168. *ibid.*): manifestissimum est, civitates quoque rebus suis in publica comoda datis, pariter non abuti, sed recte uti debere, uti nempe officia publica exigunt. Sed exigunt officia publica æque ac privata, ut felicitati nostræ aliorumque, quam optime & diutissime possumus, iisdem prospiciamus. Inde apparet, sumtus publicos sapienter esse erogandos, ut iisdem quam optime diutissimeque saluti rei & publicæ & sacræ prospiciatur.

## §. 74.

*Aedes sacrae ita construendae sunt, ut scopo suo quam optime respondeant, ideoque eo ampliores sint editioresque, quo plures in illis earum am- debent congregari. Aedes enim sacrae sunt aedificia conventibus pluritudine & cultus divini gratia celebrandis destinata (§. 461. P. VIII. Jur. altitudine. nat.). Quare cum omne aedificium sic sit perficiendum, ut quam aptissimum sit obtinendo, cui destinatur, scopo (§. 8. Architect. civ.): curandum quoque est in rep. ut aedes sacrae scopo suo, h. e. functionibus sacris, in cultu divino obeundis, quam sint convenientissimae, ideoque quam optime respondeant (§. 465. P. VIII. Jur. nat.).*

Vbi pauci tantum homines convenire debent, ut res divinas doceantur, ad virtutes excitentur, & a vitiis avocentur, ibi id fieri potest in conclavi aedis privatae, eos capiente. Sed ubi permagna est hominum adultorum multitudo, ibi valde molestum foret ecclesiae, si numerus doctorum alendorum ita esset multiplicandus, ut in aedibus privatis conventus sacri fieri possent. Quare cum onera publica citra & ultra necessitatem non sint imponenda (§. 778. P. VIII. Jur. nat.), & sumtus publici quam optime collocandi sint (§. 545.): aedificandae sunt aedes sacrae publicae, tantam hominum multitudinem capientes, quantae simul docendae unius viva vox mediocris claritatis sufficere possit (§. 376. P. II. Polit.), cum qui ducentos vel trecentos docet, eadem fere voce & opera bis vel ter mille homines docere possit (§. 383. *ibid.*). Cum vero haec aedes scopo suo quam optime convenire debeant, ut modo ostendimus; quod non fieret, si vel aer in ipsis respirando & effluvis tot vaporum transpirantium, sudantium & halituum haud raro grave olentium effectus redderetur & insalubris, praesertim in calore aestatis; vel compressio arte nimis constitutorum sceleribus furtivis exercendis ansam dare posset, saltem mul-

(Wolffii Politica P. III. S. I. C. I.)



ris incommoda foret: elucescit clarissime, quo plures in ædibus sacris sunt congregandi, eo illas & ampliores & altiores esse debere, ut dissipari vapores calidi noxique fursum possint, & versus fores, atque sic aer salubris conservetur.

Docuit experientia, quantum aeris consumit candelæ flamma, tantum circiter unius hominis respiratione consumi. Hinc uti flamma sensim minuitur tandemque extinguitur, quando aeris liber affluxus inhibetur, aut aer exhauritur: ita quoque homines inclusi in locum aëri non pervium primum defectionem animi & angustias, spasmosque seu convulsionem, tandem suffocationem & jacturam vitæ subeunt. Quare ne & in ædibus sacris homines aëre depravato incidant in lipothymias, saltem in varia incommoda & causas occasionesve morborum, ipsa earum structura cavendum est. Si plurium respiratio mediocris ponatur, intra secundum in homine quolibet continere duos pollices cubicos aeris, capiet illa respiratio intra horam 7200, & intra trihorium, quo circiter cultus absolvitur 21600 pollices, vel ultra  $12\frac{1}{2}$  pedes aeris cubicos. Quod si bis de die cultus ita celebretur, 25 pedes cubici aeris, a quolibet inspirabuntur & expirabuntur. Sed nisi aer ille expiratus cum alio liberiori aëre permutetur, breviter is erit ad respirandum inutilis. Ne id fiat, ponamus decies plus aeris ibi requiri, ubi is inclusus est intra ædes; pro quolibet homine 250 pedes cubici, aut si hoc nimium videtur, centum pedes cubici aeris requirentur, ut & cæteri vapores libere dissipari possint. Quanquam luhens concesserim, ad brevius tempus, quam hic sumsi, & foribus aperis aliisque spiraculis patentibus 50 pedes sufficere posse pro quolibet, ne respiratio anxiosa evadat & insalubris. In nostra hypothesis pro mille hominibus præter spatium, quod corpora eorum occuparent, requirentur 250000, saltem 100000 pedes cubici aeris. Quia aer manet inclusus in ædibus clausis, & vel ideo non ita salubris ac sub dio esse potest; retineamus pro quolibet homine ducentos pedes aeris cubicos, propter exhalationes & vapores cæteros dissipandos. Si mille homines commo-

de congregari & confidere in æde sacra debeant, demus cuique 5 pedes pro liberiori corporis situ & motu, ac scamnorum separatione. Sic opus erit spatium pro millenis 5000 pedum cubicorum. Posita longitudine interiori 100 pedum & latitudine 50 pedum, orietur spatium requisitum. Jam  $200 \cdot 1000 = 200000$ , qui numerus si dividatur per 5000, dabitur altitudo ædis 40 pedum. Si intra idem spatium compingi deberent 2000 hominum, altitudo foret duplicanda, ut 80 pedes æquaret. Certum est, quo liberior est aer & copiosior, eo minus valetudini metuendum esse. Si compendium sumtuum quæreretur, aeris ventosi liberæ perspirationi consulendum esset, aut ventilatore uno atque altero opus foret, aut caminorum focus rite ad ærem recentem pro interiori substituendum comparatis.

## §. 75.

*Durabilius vero & splendidius sapienter exstruenda sunt ædes Quomodo sacra, quam alia publicæ ædes.* Sunt enim publicæ ædes sacrae *struenda sint* publico ære parandæ & reficiendæ (§. 543.). Sed curandum *ædes sacrae* est, ut sumtus publici quam optime collocentur, & quam diutissime reip. vel ecclesiæ profint (§. 73.). Inde ædes sacrae durabilius exstruendæ sunt, quam cæteræ ædes vel privatae vel & publicæ. Accedit, quod, quo plures congregari in ædibus sacris debent, eo ampliores, altioresque & sumtuosiores esse debeant (§. 74.). Ideoque necesse sit, ut tanti sumtus faciendi sint rariores, ipsæque ædes ideo firmiores & in multa sæcula stabiliores (§. 16. seqq. *Architect. civil.*).

Simul ædes hæ sacrae publicis sumtibus & gloria numinis iisdem illustranda dignæ esse debent (§. 1147. et 1183. *P. I. Jur. nat.*). Vtriusque ratio augustiorem postulat structuram, quam si privatis sumtibus privato homini vel & magistratui ædes sint parandæ (§. 1233. *ibid.*). Quare & publicorum sumtum & gloriæ divinæ majestatisque ratio habenda juber, ut



splendidiores usibusque sacris aptiores fiant ædes sacræ, quam aliæ ædes publicæ tantis usibus non dicaræ.

Quia tamen majestas divina mente potius veneranda est, quam solum extus testanda, & in rebus corporeis ponenda (§. 1163. P. I. *Jur. nat.*), quibus tantum sacrilegorum & hostium aviditas in ista diripienda exardesceret (§. 175. P. II. *Phil. præd. univ.*): vitandus est ejusmodi splendor, qui non sapienter adhibetur, & in excessu potius subditos emungente fortunis, quam necessario & decente ornatu architectonico & usu sacrorum conspicuus foret (§. 525. P. I. *Jur. nat.*): Ideoque splendor modicus & ope architecturæ perfectæ ad necessarium in sacris usum sapienter attemperatus esse debet, non vero in pompa inutili quærendus statuendusque est.

Apparuit illud in multis templis lautissimis splendidissimisque paganis, & salomonico direptis destructisque.

#### §. 76.

#### Corollaria de ædibus sacris.

Quoniam ædes sacræ publico cultui divino in eis peragendo sunt destinatæ & fuerunt destinandæ dicandæque (§. 461. *seq. P. VIII. Jur. nat.*): eadem quoque 1) conventibus publicis ibi cultus divini publici gratia sunt adhibendæ, & perpetuo servandæ; 2) nemini fas est, eas profanis usibus invita ecclesia impendere, quod esset eas profanare (§. 482. *ibid.*); licet ecclesiæ liceat in casu necessitatis iisdem uti ad alias salutis publicæ partes consequendas (§. 366. *seqq. P. VI. Jur. nat.*); 3) membra Ecclesiæ obligari debent ad frequentandas ædes sacras, quando in illis conventus celebrantur publici cultus divini causa (§. 471. P. VIII. *Jur. nat.*); 4) doctores ecclesiæ obligandi sunt, ut in his ædibus officii sui partibus fungantur (§. 462. *ibid.*); neque 5) ferendum est, ut vel illi vel alii ejus ecclesiæ focii in privatis ædibus sacra veluti rectius curare in contemptum sacrorum publicorum audeant (§. 463. *ibid.*). Sibi ipsis enim

enim non tantum sanctitatem arrogarent cum aliorum despectu temerario; sed involarent quoque in jura ecclesiæ & magistratuum, quibus illa religionis & sacrorum curam demandavit.

De profanatione ædium sacrarum videtur monendum esse, non quemvis actum, a cultu divino alienum illas profanare, sed quosdam indirecte ad cultus divini exercitium referri. Vti si stato tempore scopis verrantur, vasa sacra, uti candelabra, baptisteria &c. repurgentur & poliantur, diebus profectis, si reparantur & agantur, quæ ad subsellia, seras, monumenta sepulcralia, altaria instruenda, ornanda, ad sepeliendas hominis exuvias corporeas pertinent. At si convivia in illis instituerentur, aut comædiæ haberentur, aut conventicula seditiosorum in illis instituerentur; utique profanatio foret aperta. Enimvero si in casu necessitatis comitia in illis salutis publicæ gratia haberentur, aut tempore incendio res incendio ereptæ illis inferrentur consensu ecclesiæ, nemo hæc profanationis loco haberet. Contigit quoque ex simili ratione, ut defensionis adversus hostes causa se in illum reciperent.

## §. 77.

Quia ædium sacrarum conservatione, reparatione, mutatione interdum & ampliatione, munditie & ornatu opus est, præficiendi ipsis rebus ædium sunt curatores idonei, & his, & custodia rerum sacrarum, & rationi sacrarum, bus administrationis rite gerendis vacantes. Etenim ædes sacræ sunt ædificia, humana ope parata, item si nondum sint, paranda reparanda, & reficienda (§. 462. P. VIII. Jur. nat.). Inde quidem universæ ecclesiæ incumbit sumtus suppeditare (§. 71.), hanc curam diligenter gerere, uti partem curæ sacrorum (§. 11). Sed quemadmodum præstat potius sacerdotibus committere functionem publicorum sacrorum, quam cuique permittere utcunque agendum, quod valeret, ordine ipsum tangente: ita quoque præstat certos statuere ædium sacrarum curatores, qui ipsis præ cæteris bene præesse possint, velintque,



& ne secus agant, publice obligentur. Hos idoneos esse patet, si intelligant ea, quæ ipsis ibi sunt curanda, custodienda & ordinanda, si pietate insignes sint & viri integerrimi, si & opibus valeant, ut si quid damni culpa quadam dederint, id refarcire ecclesiæ possint, cui ad rationes administrationis suæ reddendas statò tempore obligantur.

Hi curatores ædium sacrarum (Kirchen-Vorsteher) nonnullis vitrici Ecclesiæ dicti, egent ministerio aliorum ad negotia sua expedienda; item ad apparendum & serviendum pastoribus in sacrorum administratione, quorum hi æditui (Glöckner) vocantur, cæteri sunt vespillones, stipium collectores, custodes, janitores &c. Vbi organa musica habentur, opus quoque est organædis, cantoribus, aliisque musicis, voce & instrumentis utentibus &c. Alias saltem hymnorum causa præcentore opus est, cum puerorum, qui habentur, choro, &c.

## §. 78.

*Festa ordinaria & extraordinaria sapienter sunt instituenda.*

Quia conventus sacrorum publicorum causa in ædibus sacris celebrandi sunt (§. 68.): certo statoque opus est tempore, quo ibi conventus agantur. Hoc tempus, vel communi consensu, vel eorum, quibus cura sacrorum ab ecclesia commissæ est, consensu & auctoritate est sapienter constituendum, ut tum quoad sacra ordinaria & dies & horæ sciantur ab omnibus, quibus cultui divino est vacandum, tum quoad ea, quæ extra ordinem instituenda sunt, pariter ecclesiæ promulgentur. Quoniam dies illi, quibus cultui divino vacandum, dies festi vel festa appellantur (§. 466. P. VIII. Jur. nat.), & festa in rep. instituenda sunt (§. 467. ibid.): constat, & festa tempora ordinaria & extraordinaria sapienter esse instituenda, & Dei gloriæ dicanda, seu Deo consecranda.

Sicut onera ordinaria dicuntur, quæ perpetuus usus in administratione reip. exigit; extraordinaria vero, quæ casus quidam

emer-

emergentes exigunt (§. 779. P. VIII. Jur. nat.): ita quoque festa ordinaria sunt, quorum usus in ecclesia est perfrequens aut perpetuus; extraordinaria autem, quorum usum casus quidam emergens requirit. Quia dies festi destinati sunt conventibus sacrorum peragendorum causa celebrandis, liquet, dies profestos, qui festi non sunt, destinatos esse peragendis rebus profanis, quæ dum sacræ non directe non pertinent ad cultum divinum, sed ad negotia humana ac profana (Weltliche) domestica & civilia, ideoque vel nostri vel aliorum hominum causa suscipiuntur.

## §. 79.

*Dies festi debent simul esse dies feriati seu feriæ, quibus cessetur a negotiis profanis, citra neglectum officiorum naturalium differendis. mul sunt festi.* Dies festi enim destinati sunt conventibus cultus divini peragendi causa celebrandis (§. 466. P. VIII. Jur. nat.). Cum nec conventus illi in ædibus sacris fieri, nec cultus divinus in illis peragi possit, nisi seponantur tantisper labores dierum profestorum (Werktel-Tage), qui versantur circa res profanas, quod per se patet: cessandum utique est a negotiis profanis, dum sacra sunt peragenda, cum idem simul fieri & non fieri nequeat (§. 28. Ontol.). Sed feriari non est, nisi omittere negotia profana, vel discedere & vacare ab operibus quotidianis. Proinde dies festi & Deo dicati simul esse debent dies feriati vel feriæ; & iisdem abstinendum est a negotiis profanis, quæ salvo officio naturali differri possunt (§. 465. P. VIII. Jur. nat.).

Inde promiscue usurpari solent eodem sensu dies festi & feriati. Non ignoro, interdum distingui inter dies feriatis & festos, ita quidem, ut illis a litibus fori cessetur, & iustitium fit, his vero cultus divinus peragatur. Sed inhæremus illis, quæ Cicero L. II. de Legg. nos docet: feriarum festorumque dierum ratio in liberis requiemem habet litium & iurgiorum, in servis operum & laborum, quia compositio anni conferre debet & ad perfectionem operum rusticorum, & ad remissionem



animorum . . . & ut sacrificiorum libamenta servantur *Macrobius saturnalior. l. c. 16.* pollui ferias docet, quoties iis inditis opus fiebat, de quo erat denuntiandum, ne quid tale ageretur, & præcepti negligentem multari & piaculum debere. *Varro* autem recte negat, eum pollui, qui opus vel ad Deos pertinens fecisset sacrorum causa, vel aliquid ad urgentem vitæ utilitatem. Inde *Scævola* consultus, quid feriis agi liceret, id responsum, quod prætermissum noceret. Vti si quis trabem recti fractam fulciendo ab imminente vindicavit ruina; si bovem in specum delapsum adhibitis operis liberavit (ab interitu). Nobis sufficit hic ferias notare cessationem & quietem a laboribus domesticis, & vacationem ab operibus profanis, quæ salva lege naturali, salvoque officio nostro differri possunt. Quæ officia differri nequeunt, illa festis diebus non sunt negligenda. Ita non sunt negligenda officia erga nos, ut corpus nostrum vestiamus, lavemus, ornemus decenter, illiusque vitæ & sanitati consulamus, adhibendo necessaria alimenta & medicamenta. Nec negligenda sunt officia similia erga nostros aliosque homines, ut succurramus in vitæ sanitatisque periculis & conservatione, erogando eleemosynas &c. Nequidem negligenda sunt diebus festis officia erga pecudes & res nostras, ut illæ alantur, potentur, seu pascantur, custodiantur, & eripiantur e vitæ aliisque jacturæ & læsionum periculis; hæ pariter custodiantur, & eripiantur ex incendio, inundatione, &c. item ut hostes arceantur & eorum vis vi repellatur, incendia extinguantur, aliaque damna evitabilia avertantur, & messis, quæ diebus profestis ob pluviam non potuit colligi, sicco die festo eripiatur noxæ & perditioni, &c.

## §. 80.

*Festi dies integri sunt feriandi*

*nec ferendum, ut a quoquam profaentur, multo minus vitiis exercendi, nec diis impune insumantur. Sunt enim festi dies simul feriati, quibus profanandi. quiescendum est a laboribus profanis (§. 79.) & vacandum est cultui divino (§. 466. P. VIII. Jnr. nat.). Sed hi dies eo ipso*

*glo.*

gloriæ divinæ sunt dicandi impendendique (§. 78.), & majestas divina utique meretur, ut illi plus tribuamus, quam ulli majestati humanæ, cujus honori & cultui sæpe integri dies dicantur. Quid? quod servi dominis suis integros dies continenter servire solent, quibus tantum non debent, quantum nos omnes Deo. Fasne ideo multo magis est, ut omnes quidem dies vitæ nostræ, omnesque actiones nostras divino cultui & obsequio consecremus, alios quidem indirecte fungendo officiis erga nos & alios homines nobis ab ipso injunctis; directe vero frequentes dies integros feriatos propemodum unice officiis erga Deum publice solemniterque præstandis impendamus? Propemodum dico, ut innuam, quantum salvis officiis reliquis non negligendis fieri potest (§. 79). Quod cum publice fieri debeat, consociatas eorum actiones requirit, qui eandem religionem profitentur (§. 34. *seqq. P. I. Polit.*): festi dies integri ab omnibus ejusdem religionis sociis, quoad per cætera officia licet (§. 79.) feriandi sunt. Quod uti urget ratio naturæ legi consentanea, ita in societate ecclesiastica pacto & legibus est firmandum, æque ac officia erga alios civilia in civitate, boni communis causâ (§. 396. *P. VIII. Jur. nat.*), adjectis quibus opus est obligandi præfidiis (§. 471. *ibid.*). Sed eligendus est hujusmodi dies, qui post labores ordinarios, per aliquot dies continuatos, convenit relaxationi humanæ.

Quia per evicta festi dies integri sunt feriandi, ideoque conventus publici diebus festis non sunt negligendi (§. 470. *P. VIII. Jur. nat.*), illi, qui temere obstinateque eos negligunt, pœnis coercendi, & vi adigendi erunt, ut illis debite intersint (§. 471. *ibid.*). Sed procul dubio negligunt eos, quotquot eos usibus & operibus profanis temere impendunt (§. 482. *ibid.*), multoque magis, quotquot eos pravis sceleratisque actionibus pessimo exemplo tribuant, & profanantes foveant. Quod

(*Wolffii Politica P. III. S. I. C. I.*) M cum



cum fini ecclesiæ, pacto & legibus ecclesiasticis repugnet evidenter, & negligentes in officiis pactisque præstandis vi adigendi sint in civitate, ut minimum actus externos ad legem naturæ componant (§. 395. *ibid.*), nec leges & pacta violent: manifestum est, ferendum non esse, ut festi dies a quoquam ejusdem religionis affecta profanentur.

Denique quia ostendimus ferendum non esse, ut affecta religionis festos dies profestis laboribus impendendo profanent, & in rep. pariter ac in ecclesia ad legem naturæ servandam proni juvandi sunt, nec permittendum est, ut ab aliis impediantur; ad vitia autem proclives ab illis absterrendi, & si sponte obedire nolint recta docentibus & præcipientibus, vi adigendi sunt, ut minimum actus externos officiis conforment (§. 395. *ibid.*): luculenter patet, nequaquam impune violandam esse feriarum sanctitatem, & pessimo exemplo plane vitiis contaminandam. Vitiis ergo exercendis impendentes festos dies pro meritis puniendos esse, evictum habetur.

Diserte loquimur de ejusdem religionis sociis: quia nullum imperium in conscientiam alterius religionis hominum datur, nec Judæis a quoquam vitio verritur, si quamdiu Judæi manent festo christianorum die laboribus suis profestis operam dent. At si ejusdem religionis socius profanare festos suæ ecclesiæ dies audet, & vel plane nullis vel aliis diebus ferari veller a laboribus profestis, is eo ipso immorigerum ageret, & refractarium, nisi pœna se corrigi patitur, ab ecclesia excludendum.

§. 81.

*Dies festi lubenter & la-*  
*te sunt cele-*  
*brandi.*

*Dies festi non metu pœna sed summa animi lubentia & lætitia*  
*benter & la-sunt obeundi & Deo sacrandi.* Ferendum quidem non est, ut quisquam ecclesiæ affecta petulanter & præfracte diem festum profanet, potius eo adigendus est, ut actus saltem externos cultus divini edat (§. 80.). Enimvero ejusmodi actus externi

invi-

inviti aut fere extorti non sunt actus pietatis, nec talis cultus, qui Deo placere possit, qui omni opum vi est colendus (§. 1162. P. I. *Jur. nat.*). Ecclesiæ autem, rectori civitatis, & cuique in ea degenti opera est navanda, ut pius sit, & Deus recte colatur (§. 457. *seq. P. VIII. Jur. nat.*), ideoque doctores publici docere & convincere auditores suos debent, Deum animo lubenti lætoque esse colendum (§. 459. *ibid.*) & (§. 1139. & 1145. P. I. *Jur. nat.*). Non igitur metu pænæ, sed summa animi lubentia & lætitia dies festi sunt obeundi, Deoque sacrandi & celebrandi.

Non præteriit hoc veteres, qui inde festos lætosque dies conjungunt, ut per posterius prius explicatius dicunt, sed & docent, festis diebus solemnem lætitiā fuisse proditā sacrificiis, epulis, ludisque in honorem deorum peractis. Et quod mire ris, festus, festior, festissimus dies ipsis est lætus, lætior, lætissimus. Habet quoque mens humana, quod festis diebus gaudeat, si recte pensitat, cur a profestis laboribus quiescat. Videlicet non tantum gloriæ divinæ illustrandæ, sed & suæ felicitatis augendæ causa, quod corpori consulitur quiete & otio a laboribus ærumnosis, vires ejus reparando (§. 80.), pascendoque mentem dapibus multo præstantioribus, & augendo ejus vires profectusque in omni genere virtutum, felicitatis suæ genitricum nutricumque. Quid his jucundius, quid lætius contingere ipsi potest, si non cæcutit in iis, in quibus clarissima luce opus est, si unquam & usquam? Qui aliter obeunt festos dies, male feriantur & parum aut nihil meliores sunt ferias negligentibus & prave impendentibus; cum, si non semper humanam, certe divinam vindictam non possint non incurrere, se reddere infelices, ac se probare ineptos stolidosque, quos dicunt male feriatos.

## §. 82.

Quolibet quidem die quoddam tempus cultui divino recte destinatur, totus tamen dies septimus quisque ordinariis festis sapienter est re-festa sapienter servatur. Scilicet est Deus cuique quotidie & in omnibus actionibus



*quoque die  
habentur.*

nibus suis colendus (§. 1124. P. I. Jur. nat.), & quisquis eum in omnibus actionibus suis colit, is est pius (§. 1127. *ibid.*). Cum quilibet homo pius esse debeat (§. 1128. *ibid.*), cum rectori civitatis opera sit navanda, ut cives singuli fiant pii (§. 457. P. VIII. Jur. nat.) & Deum quoque publice colant (§. 458. *ibid.*): docendi quidem per doctores publicos obligandique sunt cives, ut quotidie certum tempus v. c. matutinum primum, vespertinum ultimum, & intermedium laboribus quotidianis interjectum idoneis momentis cultui divino infumant (§. 459. *ibid.*). Inde & in scholis & in templis urbium, ubi multi alii possunt doctores, aliquid quidem tempus quotidie impendendum est institutioni & exercitio pietatis cultusque divini minus solemni eorum, qui his per alia officia interesse possunt, aut & debent, ut profectus in virtutum quarumque studio, & vitiatorum fuga excolantur promoveanturque. Enimvero nec sine neglectu multorum officiorum erga se aliosque, nec satis digne divina maiestate fieri potest, ut cultus publicus & solemnis, quotidie ab omnibus obeatur, quam optime fieri potest, teste experientia, locuplete & harum rerum hujus vitæ magistra. Quare solemnior ille cultus publicus, integros dies requirens Deo sacrandos (§. 80.), certos postulat dies & ordinarios & extraordinarios, sapienter in republica ordinandos (§. 78.) & profectis interserendos. Ordinarium autem festorum & frequentia fuit sectanda & ordo facilis, perpetuus ac naturæ consentiens, qualis melior non occurrit, quam si labores per sex dies continuarentur, & septimus fieret festus ordinarius.

Potissimum enim occurrendum fuit errori in festorum ordinariorum computo, & efficiendum, ut ad certum revocari is posset criterium & ex eo in fastis prædici, ac retrorsum exputari. Hujusmodi criterium habebatur in revolutione lunæ  
cir-

circa terram synodica, quæ quatuor habet notabilia momenta: novilunium, plênilunium & duos quadrantes. In conjunctionibus seu noviluniis quoque Ecclipses contingunt in terra, ope lunæ suis etiam fixis periodis gaudentes. Luna vero quotidie gradus  $13^{\circ}$ ,  $10'$  &  $35''$  in cælo emetitur, ut si quis error unquam contingeret, is facile corrigi ope lunæ posset. Jam in quovis mense synodico 4 & in anno solari quovis 52 hebdomades circiter habentur minutiis per diem intercalarem sublati. Inde septimus quisque dies quadrantem faciens mensis solaris sapienter ordinarius dies festus fuit constitutus. Neque videtur a ratione alienum, septimum quemque diem & hominum & jumentorum, hominis laboribus adhibendorum, recreationi per quietem a labore defatigante, melius convenire, quam alium ullum, cum & medici diem septimum in morbis sæpe criticum experiantur, & opera dei omnia in se sapientissime consentiant maxima cum minimis, mediocribusque. Labor diurnus durare nequit nisi  $3\frac{1}{2}$  horarum parte vacetur; duplum hujus vacationis diebus respondet continuatis.

Scrutati hic sumus rationes ordinariorum festorum naturales, quæ ita simul comparatæ, ut ubivis terrarum pleræque locum habeant, quod in primis de mensibus eorumque 4 partibus compertissimum habetur. Neque hæc recedunt ab iis, quæ in revelatione divina docemur. Condidisse enim Deus legitur sidera ad discrimen ponendum inter diem & noctem, & ut sint signa festorum (statorum temporum) dierum & annorum *Genes. I, 14.* Inprimis de Luna dicitur *Psal. CIV, 19.* eam ad condicendum tempora, ad statuta & festa tempora signanda factam esse. Norunt enim, qui hebræam linguam callent, *למנוחה* sæpe de condito & festo tempore usurpari. Deinceps statim Deus legitur septimum diem, quo cessavit ab opera creationis, sanctificasse & ad cultum suum destinasse, ut primus statim dies vitæ humanæ esset Dei cultui & gratis pro creatione, omniumque bonorum,



quibus gaudet, largitione persolvendis consecratus. Hinc Sabbathum homines bono institutum dicitur *Marc. II, 27*; alii quoque beneficium mannae ejus causis addunt.

§. 83.

Quando festa  
extraordina-  
ria institu-  
enda?

Festa extraordinaria instituuntur vel ob exorandam numinis benignitatem in conferendis Ecclesiae bonis & avertendis malis insolitis, vel ob gratias pro insignibus beneficiis Deo habendas. Extra ordinem enim festi dies constituuntur ob casus rarius emergentes (§. 78.). Enimvero illiusmodi casus vel boni sunt quoad nos, vel mali seu nobis adversi. Priores nobis profunt, suntque Dei beneficia; posteriores nobis nocent, saltem molesti sunt, ideoque vel poenae sunt vel adversitates, a Deo immissae, dum, qui casus dicitur vel fortuna ratione hominum, apud Deum talis non est (§. 342. P. I. Theol. nat.). Cum omnes casus subsint providentiae divinae (§. 932. *ibid.*), quibus utitur ad gloriam suam manifestandam (§. 653. *ibid.*): utique propter casus toti civitati aut Ecclesiae funestos avertendos omnium precibus & supplicationibus in publicis conventibus est implorandus. Propter eos vero, quibus insignia beneficia in nos sunt collata, publicae ipsi gratiarum actiones sunt decernendae persolvendaeque. Quo majora igitur & graviora sunt mala a civitate & ecclesia propulsa vel avertenda; quo insigniora & extantiora ac rariora sunt benefacta seu jam exhibita, seu exhibenda universae civitati & ecclesiae: eo solemnior esse debet publica supplicatio, deprecatio & actio gratiarum, eoque magis par est, ut eum in finem extraordinaria festa sapienter instituantur (§. 78.).

Quemadmodum quotidiana, frequentiora & solita Dei munera, quibus singulos universosque afficit, cumulat & beat, hujusque modi mala, quae propulsa, avertitque, ne nos feriant, aut quibus universos liberat, festis ordinariis sunt recolenda pia mente aut expetenda vel deprecanda: ita quae extra ordinem insolito eximioque modo in nos conferuntur bona, & a nobis vel aver-

avertuntur vel auferuntur mala, quando singulis universisque obveniunt, merentur festorum extraordinariorum celebrationem. Extra ordinem ut celebrari intelligantur, variis modis effici potest. Partim huc facit dies ab ordinario diversus; partim plures, quam unus dies, partim solennitates & ritus ab ordinariis recedentes illud commonstrant. Ita v. g. Judæorum novilunia *Numeror.* X, 10. XXIIIX, 11. & dies expiationis *Levit.* XXIII, 24. 27. die notabantur a sabbatis diverso; item festum novi anni civilis antiquum *Levit.* XXIII, 24. & festum novi anni sacri *Exod.* XII, 2. Majora festa erant tria pascha, pentecoste, & festum tabernaculorum, quorum primo ac ultimo septem dies dicabantur, quorum primus & octavus cæteris solemnior *Levit.* XXIII. Quibus dein accessere festum Purim *Ephes.* XII, 18. *seqq.* & festum encæniorum *Johann.* X, 22. Denique huc quoque pertinet annus sabbaticus seu Jubilæus, per integrum annum festivus. Apud Romanos calendæ Junoni erant sacræ; idus Jovi; cerealia & ambarvalia petendæ messis lætioris causa; vulcanalia pro avertendo urbis incendio; saturnalia pro libertate, vel servis pileo ad tempus donatis; lemuria pro depellendis spectris nocturnisque terriculis; natalis invicti pro felicibus anni auspiciis; palilia pro salubri pecudum pastu, felici partu, & tabe lupisque prohibendis. Taceo festa sæcularia, triumphos, ludos & similia, quæ dabunt autores, qui de festis romanis commentati sunt. Quinquatribus, Minervæ dicatis quinque sacri erant dies; saturnalibus & compitalibus triduum; sigillariis septem dies. Generatim supplicationes & ludi vel placandæ numinis divini iræ vel saluti populi &c. destinabantur.

## §. 84.

*Festis tam ordinariis quam extraordinariis alia atque alia tradenda sunt dogmata, scopo ipsorum respondentia, æque ac presenti rerum personarumque conditioni, ut præcipua quotannis, & quoties opus est, inculcentur. Festa enim sunt dies cultui publico Dei destinati (§. 466. P. VIII. Jur. nat.), & ordinaria quidem usus sunt* *Quenam in singulis festis docenda sint & agenda? per-*



perpetui & frequentis; extraordinaria autem usus infrequentioris ob casus rariores eximios rerum seu prosperarum seu adversarum (§. 78.). Sed in se festa potissimum differunt pro diversitate dogmatum, quæ in iis publice proponuntur (§. 469. *P. VIII. Jur. nat.*). Quamobrem ordinariis festis diebus tractanda sunt dogmata & exercitia eorum, quæ perpetui sunt usus in cultu divino; eaque cum directa, quæ Dei naturam & voluntatem, nostraque erga ipsum officia solemnia, tum indirecta, quæ de officiis erga nos aliosque, & generatim de virtutum quarumque studio & vitiorum quorumque fuga animos convincunt, & in eorum præceptorum officiorumque exercitio perficiunt. Hinc doctores publici, in civitate instituendi, sunt obligandi, ut festis ordinariis cæterus suos de Deo ejusque voluntate, de virtutibus & vitiis quibuscunque, & de cultu in his Deo præstando rite instituunt, ad virtutem incitent, revocent a vitiis, & in hoc usu officiorum eos quam optime regant perficiantque (§. 459. *ibid.*). Distribuenda igitur sunt dogmata quotannis eum in modum, ut singulis festis alia atque alia dogmata ordinaria eo ordine proponant, quo præcipua quotannis absolvere, & præ cæteris ea toties, quoties opus est, inculcare possint, quorum inculcatio frequentior, pro rerum præsentium & personarum conditione intelligitur requiri.

Cum festis extraordinariis insolita Dei beneficia sint celebranda aut expetenda, & insolita, quæ universos seu premunt seu terrent, pericula & cruciamina amovenda & propulsanda (§. 83.): illorum quoque discrimen internum pendebit a docendis, inculcandis, exercendisque illis officiis, quæ ipsorum scopus peculiaris, rerumque ac personarum præsens ratio potissimum requirit (§. 469. *P. VIII. Jur. nat.*).

Sic extraordinaria Judæorum festa anni versaria recolebant miraculosam ex Ægypto liberationem festo paschatis & azymorum.

rum. Quo festo uti primitiæ messis simul offerebantur, ita festo pentecostes memoria lætæ legis in deserto, & messis peractæ triticeæ grata lætaque mente recolebatur. Festo tabernaculorum libabatur aqua & refricabatur memoria tentoriorum in deserto, & postea introductionis in Palæstinam. Quibus diebus cantabantur psalmi eo destinati, legebantur & explicabantur oracula divina, de his promulgata. Sabbathis vero consuetis legebantur & explicabantur sacri codicis loca recitata ex ordine præscripto. Neque minus constat, Christianorum sacra & ordinaria & extraordinaria ante & post meridiem suis gaudere locis scripturæ sacræ, aptis ad dogmata & officia ordinaria & extraordinaria dilucidanda & inculcanda.

## §. 85.

*Quidquid diebus festis conjunctim in exercitio religionis fieri, & Quenam in ad communes usus conferri potest, illud ut quam optime fiat, curandum. festis conjunctim.* Festa enim sapienter instituenda & gloriæ Dei dicanda sunt (§. 78.), ut in illis conventus sacrorum publicorum causa celebren-  
tur (§. 68.). Sacra autem publica consistunt in exercitio cultus divini publici (§. 481. & 945. P. VIII. Jur. nat.) & (§. 69.), ad quem celebrandum omnes obligantur (§. 1251. P. I. Jur. nat.). Cum religio sit modus Deum colendi (§. 512. P. II. Theol. nat.), non privatim tantum sed & publice; liquet, exercitium cultus divini publici simul esse exercitium religionis. Cum omnes in civitate degentes bono saltem exemplo aliquid ad veram pietatem religionemque perficiendam & amplificandam conferre possint & debeant (§. 67.); cum rectores civitatis obligentur, ad curandum, ut id fiat (§. 456. seqq. P. VIII. Jur. nat.), & ut præferatur quod melius est (§. 192. P. I. Phil. pract. univ.): dubitari nequit, quin curandum sit in civitate, ut quidquid conjunctim in exercitio religionis fieri & ad communes usus conferri potest, id ipsum quam optime fiat.



Tenenda est hæc regula communis: quidquid in exercitio religionis conjunctim, (uno scilicet eodemque animo, ardore, studio & concordia actu) fieri potest, & quidquid ad communes usus conferri a singulis potest, illud, ut quam optime fiat, curandum & singulis & universis. Cuique enim sua actio sive erga se, sive erga alios perficienda est, quantum valet: multo igitur magis actiones & officia erga Deum quam optime peragi, & quam fieri in ista imbecillitate nostra potest perfectissime edebent. Cum & ad perficiendos alios obligemur, & ope aliorum virtutis & exempli nostras actiones perficere debeamus, simul liquet, probe attendendum esse, ut in cultu Dei publico actiones nostræ majestati divinæ conformentur quam dignissime & decentissime fieri potest, ideoque ut conjunctis viribus, & studiis, actionibusque ad commune bonum conferatur, quidquid virium nostrarum modulum non excedit.

## §. 86.

*Specialia in cultu interno* possunt officia, quæ tam ad perficiendum publicum Dei cultum internum, & *externo* quam externum pertinent, ideoque haud perfunditorie procuranda sunt ab iis, quorum muneri hæc sunt demandata, & quorum nonnullæ in explendis illis partes continentur. Ne longi simus, præcipua tantum quædam subministrare veluti per lancem saturam liber. Opera danda est cuique, ut Deum colat in omnibus suis actionibus publicis & privatis (§. 1124. P. I. Jur. nat.), easque propterea decernat & peragat per rationes ab attributis operibusque divinis petitas (§. 1125. *ibid.*); ut magis subinde magisque proficiat in viva Dei agnitione (§. 1129. & 1159. *ibid.*) saltem eandem idemtidem reperat ejusque memoriam instauret; ideoque Deum agnoscat ex se ipso & ex omnibus, quæ a Deo unquam accepit, & accipit continenter (§. 1135. *ibid.*), ex aliis quoque hominibus, & rebus, quæ sunt in hoc universo (§. 1131. *ibid.*), propterea quoque exactius contemplando (§.

1132. *ibid.*); ut aptus evadat ad perfectionem Dei summam pro suo quoque modulo manifestandam veluti vivo ejusdem speculo (§. 1134. *ibid.*) usu debito observationum experimentorumque ad ampliandam firmandamque agnitionis majestatis divinæ, in finibus & usibus rerum naturalium innumeris conspiciendæ (§. 1136. *seqq. ibid.*); ut & alios, quantum potest, ad idem illud aptos reddere nitatur, viva illos imbuendo tantæ majestatis cognitione (§. 1141. *ibid.*), tollendo ejus impedimenta & errores quoscunque (§. 1142. *ibid.*).

Opera danda, ut suam aliorumque voluntatem in cultu divino perficiat, conciliando ipsi habitu, non agendi, nisi quod Deus vult, nec omittendi, nisi quod Deus fieri non vult (§. 1145. *ibid.*), abnegandi se ipsum propriamque voluntatem (§. 1146. *ibid.*); ut verbis factisque testetur convictum se esse de majestate divina (§. 1147. *ibid.*); ut gloriam Dei omni contentione animi promoveat, ejusque observationem impediat fugiatque (§. 1148. & 1154-1160. *ibid.*); ut in colendo Deo omnem præstet facultatum suarum usum, consensumque plenissimum (§. 1162. *ibid.*); ut omnem detestetur hypocrisin (§. 1163. *ibid.*); ut Deo plus quam cuiquam alii obediat ipse & alios obedire jubeat curetque (§. 1165. *seqq. ibid.*); ut summam ex Deo voluptatem capiendo, eum super omnia amet ipse & amari ab aliis curet (§. 1172. *seqq. ibid.*); ut maxima solitudine cavendo, ne quid ab ipso aliisque fiat quod ipsi displiceat, eum summopere timeat (§. 1179. *ibid.*); ut maximi faciendo Deum actibus internis & externis eum super omnia revereatur (§. 1181-1183. *ibid.*) & aliis itidem reverendum esse persuadeat verbis factisque; ut se totum, suos, resque suas omnes providentiæ divinæ committendo, Deo ex asse confidat (§. 1187. *ibid.*) eandemque fiduciam & in aliis accendat augeatque (§. 609. *ibid.*), fugiat vero vitium illud, quod ex errore fuit (§. 1194.



*ibid.*) vel in se aliosque confert, quod non nisi Deo debetur (§. 1196 *ibid.*), vel Deo diffidit & in adversitate meliora desperat (§. 1188. *seqq. ibid.*); ut dubios eventus providentiæ divinæ committat ipse, & committendos esse alios doceat (§. 1192. *ibid.*); nec se angat propter futura (§. 1197. *ibid.*), sed potius sua sorte contentus, in providentia divina adquiescat (§. 1198. *ibid.*), & pro certissimo habeat, quidquid a Deo fit, saltem permittitur in hoc universo, id fieri quam rectissime (§. 1200. *ibid.*), nec offendatur, si bonis mala, malis bona evenire videantur (§. 1202. *ibid.*), suæque & suorum mala idcirco animo ferat æquissimo (§. 1203 *ibid.*) & rite applicet ad suam suorumque felicitatem provehendam.

Opera danda, ut numen divinum celebret publice, quam optime potest, per se aliosque & cum aliis conjunctim (§. 1205. *seqq. ibid.*); ut quidquid bonorum sibi aliisque collatum videt, id omne Deo acceptum referat datori conservatorique (§. 1208. *ibid.*); ut Deo gratias agat summas tum ob bona sibi aliisque collata, tum ob mala, quæ imminebant, aversa, & quæ aderant, depulsa (§. 1212. *seqq. ibid.*); ut ea, quibus ipse & alii indigent in posterum, bona expetenda & mala avertenda, decen-  
tissime expetendo, Deum ardentem invocet & exorare studeat (§. 1220. & 1223. *seqq. ibid.*); ut Deo totus semperque vivat (§. 1228. *ibid.*), gloriæ ipsius per omnes actiones suas internas & externas illustrandæ intentus (§. 1233. & 1236. *ibid.*), & in aliis quoque idem docendis, & ad idem excitandis assiduus (§. 1241. *seq. ibid.*); ut librorum de Deo ejusque cultu agentium lectioni publicæ, & viva voce talia docentium auditioni vacet (§. 1243. *ibid.*); ut cantibus sacris hymnisque componendis, si potest, saltem utendis & canendis, ceremoniisque idoneis attendendis studeat (§. 1245 - 1250. *ibid.*); ne temere negligat conventus cultus divini gratia celebrandos (§. 1251. *ibid.*); ut  
ab-

abhorreat ipse & avocet alios ab omni superstitione (§. 1256. *ibid.*), idololatria (§. 1262. *ibid.*), blasphemia (§. 1158. *seq. ibid.*), impietate (§. 1152. *ibid.*) atheismo, Deismo (§. 1142. *ibid.*) & generatim omni eo, quod enumeratis aliisque pietatis & genuini cultus divini partibus repugnat.

His, quæ ratio docet, adjungenda a christianis sunt ea perfectiora, quæ revelatio divina subministrat, ut defectus religionis naturalis tollantur & ad altiora cultus Dei publicus adscendat. Quæ quoniam hujus loci non sunt, merito relinquuntur illis, quorum est ea pandere, & quam optime instituere, administrare & exercere; licet ab eorum numero nos non esse excludendos gaudeamus.

## §. 87.

Quoniam conventus publici certis tantum horis celebrantur, nec per totum diem continuari, nec ab omnibus semper frequentari ob legitima impedimenta possunt, experientia teste: ne quid integri diei feriatiōi temere detrahatur (§. 80.), libri partim divini, partim humani, de rebus divinis consignari & in sat magna copia præstare debent, quos domi legere possint debeantque, ulterius animum suum & suorum in pietate exculturi. Qui enim per se talia meditari & ordine proferre ac docere nequeunt, illi per alios ea in re sunt juvandi, qui vel conscribant ab ipsis legenda, vel legant sui aliorumque causa ab aliis conscripta (§. 608. *P. I. Jur. nat.*). *Cultus divini continuatio domestica.* Curandum igitur est in civitate, ut exiguo pretio vendi & comparari possint a patre vel matrefamilias libri divini pro omnium usibus diligenter impressi; curandum, ut conscribantur a viris doctis alii libri, pietatem virtutem ac religionem solide & jucunde inculcantes; curandum, ut dudum vel & nuper alibi conscripti & jam impressi invehantur habeanturque a quo pretio venales: nec permittendum, ut publice aut privatim disseminentur ore aut scriptis, quanquam impressis, opiniones religioni & bonis



*bonis moribus adversæ* (§. 457. *seqq. P. VIII. Jur. nat.*). Sicubi id permittitur, ibi remedia his malis opponenda sunt quam validissima. Neque id tantum valet de diebus festis, sed etiam de profestis, quatenus & eorum pars cultui Dei privato in legendis precibus, interpellationibus, gratiarum actionibus, concionibus, aliisque piis meditationibus, & cantandis hymnis est tribuenda (§. 82).

Nec tantum homines rudes libris ad pietatem excitandam & promovendam compositis juvandi sunt in omni statuum & eventuum varietate; sed ipsi quoque docentes gregarii in scholis & ecclesia iisdem sunt instruendi, ne facile aberrare possint in docendis magni momenti veritatibus, præstantiorum doctorum exempla intuenso imitandoque. Ex iisdem quoque eximii doctores publici ansam captare possunt, ea, quæ forte proprium ingenium non suppeditasset, rectius, copiosius & utilius pertractandi. Ne quid dicam de libris divinis & symbolicis, aliisque publica autoritate vel eruditissimis pro norma cultus divini præscriptis, adhibendisque.

## §. 88.

*In quo consistat contemptus religionis?*

Sicut neglectus publici cultus divini temerarius non nisi ejusdem religionis affectis imputari potest (§. 80.): ita quoque contemptus ejusdem non in nudo neglectu est ponendus præsertim eorum, qui alterius sunt religionis in civitate toleratæ; sed in actibus externis, meritum honorem ipsi aperte denegantibus. Si ejusdem religionis socius nude negligit cultum Dei publicum, etiam si id temere & illegitime facit, is omittit illum, cum præstare deberet, sed nondum propterea eum contemnit (§. 787. *P. I. Jur. nat.*), verum potest aliquid humani passus esse quadam seu oblivione, seu erronea opinione, aliave levi culpa. Sic & si omittit religionis suæ deprædicationem laudemque, non ideo eam contemnit (§. 792. *ibid.*). Sed requiruntur ad contemptum verba aliave actiones externæ, quibus manifesto derogatur illi honor,

nor, quem meretur, nec tantum tribuitur laudis, quantum meretur. Vtroque casu verum ipsi pretium, quod erat tribuendum, aperte denegatur (§. 790. *ibid.*). Quod si fiat ex ignorantia vel errore vincibili, culpam continet; si serio contra veram animi sententiam, malitiæ debetur. Errori & culpæ esse ignoscendum medendumque, malitiam vero puniendam, ex moralibus liquet.

Si diversæ religionis; quæ, quia salvam relinquit salutem publicam certe externam secundariamque (§. 56.), toleratur in civitate, affecta alteri religioni denegat pretium, quod ipsi debetur, is quidem contemnit illam sed ex errore. Qui error quoniam toleratur in rep. per hanc hypothesin; & contemptus ille est tolerandus, dum per religionem, quam fovet, aliter judicare nequit. Quid quod ne quidem necesse est, ut eam contemnat, sed vel in medio suoque pretio relinquere eam, vel suam sibi meliorem esse, secum reputare potest. Quemadmodum suum vitæ genus sectans, alia vitæ genera propterea non spernit, sed suo æstimat pretio, etsi suum sibi melius convenire statuit. Quare de religione diversa eadem æquitas injungenda est (§. 1084. *seq. P. VIII. Jur. nat.*), ut citra contemptum relinquatur cuique quod suum est, & satis habeant affectæ, quod sua placita & sacra fovere, exercere, explicare suis, confirmare & libere profiteri, iisque adhærere possint cum suis, quamdiu lubet. Quatenus ab aliis dissentiant, eadem utendum est modestia & æquitate, qua ipsimet ab aliis judicari velint, neque si alii secus agant, par pari est referendum (§. 810. *P. I. Jur. nat.*). Quæ ut rectius observentur, ipso pacto caveri & restringi ita dissensus debet, ut injuriæ expers civili concordie attemperetur (§. 958. *P. VIII. Jur. nat.*). Quod contra pactum fit, meretur poenam consuetam (§. 41.).

Quia



Quia contemptus est denegatio honoris meriti, meritæque laudis (§. 791. not. P. I. Jur. nat.), & is, qui denegat alteri quidpiam honoris laudisve, quod non meretur, eum non contemnit: manifestum est, religionis contemptum dici non posse denegationem ejus, quod ipsi nec inest nec debetur. Ponamus falsam inesse religioni, quæ evicta sunt & demonstrata, qui falsis denegat veritatem, judicat recte meritoque, nec aliter judicare potest. Ut si christianus de hodiernorum Judæorum principio, quo contendunt, Messiam nondum venisse, statuatur, quod res est, illud scilicet verum non esse, is proprie non contemnit illud, sed rejicit ut falsum, nec salva veritate aliter statuere potest. Tribuit illi, quidquid meretur, quod v. g. ante nativitatem nostri servatoris, id recte dici potuerit; post eam falso dicatur & credatur; tantum abest, ut illi quidquam, quod meretur, detrahat. Lubens concedit, hodiernos Judæos id credere, ea in re a christianis dissentire, multaue alia inde derivare.

§. 89. *Quid sit vera religio.*

*Vera religio-  
nis contem-  
tus non est  
tolerandus.*

*Vera autem religionis contemptus utique prohibendus, nec ferendus est, non tantum in affectis ejusdem religionis, sed & in dissidentibus, quatenus is adversatur vel secundaria civitatis saluti. Vera enim religio non est, nisi modus Deum colendi naturæ divinæ conformis, isque partim naturalis, ex indubiis rationis sibi relictae principiis demonstrandus; partim revelatus, tantum ex supernaturali operatione petendus (§. 484 not. P. VIII. Jur. nat.). Quia civitati in primis studendum est, ut cives sint pii, & Deum recte colant (§. 457. seq. P. VIII. Jur. nat.), quod sine vera religione fieri nequit: in civitate veræ studendum est religioni, eique ideo quod meretur pretium est statuendum. Quod cum fieri nequeat, si contemnatur, oppido liquet, contemptum veræ religionis in civitate non esse admittendum (§. 472. ibid.), sed prohibendum, pœnisque compescendum, quas meretur (§. 88.).*

*Quod uti expeditæ veritatis est, quando agitur de affectis ejusdem religionis (§. 80.): ita & affectæ religionis diversa,*

sæ, quæ toleratur, tum secedunt vel a pacto, vel ab officio civis, cum eorum contemptus veræ religionis adversatur quoque secundariæ civitatis saluti (§. 55. seq.). Primariæ civitatis saluti eum repugnare, constat ex §. 39. 41. P. I. Polit.). Sed dum ne secundaria quidem salus per illum contemptum salva manet, læditur vel affluentia rerum necessaria, vel tranquillitas securitasque (§. 46. *ibid*): contemptus ille tolerandus non est, utpote bono publico admodum adversus (§. 88.). Dum tolerandus non est, nec impunitas illi concedenda, nec disseminatio, sed utrique potius pœnis convenientibus occurrendum.

Paucis tantum enucleandum videtur, quomodo contemptus veræ religionis officere possit saluti civitatis externæ sive secundariæ. Scilicet affluentia repugnat fanaticum dogma, non esse laborandum ne quidem nutrimentorum & vestitus causa, sed unice vacandum esse cœlestibus curis, cætera sua sponte a Deo adjici, & vel dormientibus datum iri. Quod si omnes, vel plurimi statuerent & vacunæ litarent, qui fieri posset, ut civitas omnium rerum affluentia gauderet? Tranquillitati repugnaret dogma de communione rerum omnium, uxorum quoque, dam-nans proprietatem dominiumque. Eidem & securitati simul repugnaret dogma, bellum vel defensivum aut in se aut die festo esse illicitum; hæreticos & paganos esse extirpandos; licere bellum omnium in omnes; jura metienda esse ex potentia &c. Summum gradum contemptus religionis sistit atheismus & Deismus, omnem tollens obligationem divinam & religionem (§. 411. & 529. P. II. Theol. nat.), idcirco neuiquam tolerandus, nisi clam foveatur & inter paucos, nec disseminetur in vulgus (§. 473. P. VIII. Jur. nat.). Dum tolerandus non est hujusmodi contemptus religionis, coërcendus erit, pœnis promeritis, & reliquis nihil proficientibus, exilio tandem, quo ejiciatur ex civitate.

## §. 90.

Datur quoque imperium & dominium ecclesiasticum. Ecclesia Datur impe-  
(Wolffii Politica P. III. S. I. C. I.) O enim rium & do-



*minium ec-  
clesiasticum.*

enim est societas hominum eidem religioni addictorum (§. 484. *P. VII. Jur. nat.*) & (§. 30). Jus autem, quod universis in singulos convenit in societate, imperium est (§. 212. *P. VII. Jur. nat.*), vel si hoc mavis, imperium est jus dirigendi actiones liberas singulorum sociorum ad societatis salutem (§. 194. *ibid.*). Quapropter & ecclesiæ jus est dirigendi actiones singulorum religionis affectuum ad ecclesiæ salutem, quod jus recte vocatur imperium ecclesiasticum. Datur ergo imperium ecclesiasticum.

Quia ecclesiæ sunt res sacræ, cultui divino dicatæ, & ecclesiasticæ, aliis ecclesiæ usibus destinatæ (§. 481-485. § 507. *ibid.*). Sive illæ communi sumtu sint comparatæ, sive liberalitate opulentorum donatæ, ecclesia ejus loci merito illas suas vocat (§. 675. *P. II. Jur. nat.*): gaudet ecclesia jure de illarum rerum substantia, usu & fructu id statuendi, quod saluti ejus respondet. Sed jus statuendi de re ipsa ejusque usu & fructu est dominium (§. 959. *P. I. Theol. nat.*). Gaudet igitur ecclesia suo dominio rerum, uti imperio personarum, eoque itidem ecclesiastico. Vtrumque complectitur *jus sacrorum* (§. 945. *P. VIII. Jur. nat.*).

#### §. 91.

*Et jus ferendi  
leges eccle-  
siasticas.*

*Ab imperio ecclesiastico pleno pendet jus sapienter ferendi leges ecclesiasticas.* Cujus enim est imperium, ejus quoque est potestas legislativa (§. 813. *P. VIII. Jur. nat.*). Quamobrem cujus est imperium ecclesiasticum, ejus quoque est potestas ferendi leges ecclesiasticas. Si jus imperandi est penes universos, erit illud imperium ecclesiasticum populare; si illud est penes optimates, erit aristocraticum; si est penes unum, erit monarchicum (§. 953. *ibid.*). Quolibet igitur casu ab imperio ecclesiastico pleno dependebit potestas vel jus ferendi sapienter leges ecclesiasticas cujuscunque generis, easque muniendi san-

sanctionibus pœnalibus, & præmiis, denique uti par est, easdem exsequendi, & mutandi pro re nata.

Legibus ecclesiasticis describuntur jura & officia personarum ecclesiasticarum; cultus Dei exterioris rationes, series & ritus; rerum sacrarum & ecclesiasticarum destinationes & usus genuini. Cum privilegia sint leges & prærogativæ aliis non concessæ (§. 853. *seq. P. VIII. Jur. nat.*): ab imperio ecclesiastico dependent quoque privilegia ecclesiastica qualiacunque. Omitto cætera hinc facile derivanda, ipsumque imperium eminens ecclesiasticum, quod in casu necessitatis de persona ecclesiastica statuit, quod salus ecclesiæ requirit. v. g. si ipsi potestas ecclesiastica sit adimenda, si abducenda sit, veluti in Patmum, securitatis causa &c.

§. 92.

*Restringitur autem imperium ecclesiasticum ad cultum Dei exter-* *Limites im-*  
*num duntaxat:* quia cives inter se convenire nequeunt, ut de *perii eccle-*  
 cultu Dei interno, & quæ propter internum aliter se habere *fastici.*  
 nequeunt in externo, pro vero habeatur id, quod visum fue-  
 rit parti majori (§. 947. *P. VIII. Jur. nat.*). Quare *extendi hoc*  
*imperium nequit ad cultum Dei internum,* sive in rebus cognoscen-  
 dis, sive agendis occupetur; *neque ad ea in cultu divino externo,*  
*quæ cum interno ita connectuntur, ut salvo illo aliter habere nequeant*  
 (§. 24). Si qua tamen de his controversia oboriatur, neutri  
 quidem parti imperari potest, ut ideo alterius partis sententi-  
 am amplectatur, quia plerique eidem assentiuntur, aut quia id  
 jubet superior (§. 39). Vbi vero odia, dissidentiumque fa-  
 ctiones, & turbationes publicæ salutis inde metuendæ sunt,  
 ibi *salva libertate sentienti sapienda est controversia boni publici ergo.*  
 Frustra nimirum tentata convictione animorum per solidas ra-  
 tiones, pro re nata liberum relinqui potest cuilibet parti, ut  
 suam sententiam proponere & rationibus communire ac tueri  
 possit, citra ullam contumeliam & insectationem parti adversæ



molestam; vel ut de controversia recens mota in cultu publico, concionibus & scriptis taceatur seu utrinque, seu ab ea parte, quæ novare quidpiam præter rem, litremque inutilem ferere censeretur.

Provisionalem vocare solent hanc litis motæ compositionem (§. 947. *seqq. P. VIII. Jur. nat.*), quando illa e re ecclesiæ & civitatis esse intelligitur: quia non tollit illam e medio, sed tantum cavet, ut manentes in suo dissidio nihil salutis publicæ adversum impliceant, nec odiis, & affectibus quidquam dent exemplo nocituro, & in turbas abituro. Quam tum demum gravior excipere solet sententia, v. c. suspensionis, & remotionis a sparta, aut & exilii, prout rationes flagitare mitiora aut graviora deprehenduntur.

§. 93.

*Limites domini ecclesiastici.*

*Dominium item ecclesiasticum restringitur ad usum rerum sacrarum & ecclesiasticarum genuinum.* Sunt enim hæ res ecclesiæ sui loci, manentque ejus etiamsi nemo eorum superfit, qui eas vel compararunt, vel donatas acceperunt (§. 508. *P. VIII. Jur. nat.*). Neque ecclesiæ aliud jus est iis utendi, quam ut adhibeantur ad eum usum, cui sunt sapienter destinatæ (§. 509. *ibid.*). Qui usus cum sit legitimus & genuinus, patet, dominium ecclesiasticum restringi ad usum rerum sacrarum & ecclesiasticarum genuinum. Quapropter & res illas pro lubitu alienare, item ad usus deteriores transferre non licet (§. 510. *ibid.*). Neque ab his, qui nunc vivunt, in præjudicium ecclesiæ futuræ de illis quidquam est decernendum, cui pariter ac præsentī infervire debent (§. 511. *ibid.*). Nisi res illæ jam inutiles aut superfluæ per alias factæ sint, & aliarum penuria postulet, ut vendantur, quanti possunt, aliæque necessariae earum loco comparentur (§. 512. *seq. ibid.*). Occurrit & in hisce dominium eminens, per quod in casu necessitatis eas alienare & in alius eccle-

ecclesiæ aut civitatis necessitates impendere licet (§. 514. seqq. *ibid.*).

§. 94.

*Mutata religione erronea, vel ceremonia quadam, dicandæ sunt Mutata reli-  
res sacræ & ecclesiastica hujusmodi usibus rectoribus, quibus eas desti- gione vel ce-  
natura fuisse videntur haud immerito earum auctores, si ista præscivissent. remonia.*

Inservire enim illæ res constanter debent salutis ejus ecclesiæ, cujus sunt, vi primæ institutionis destinationisque (§. 481. & 485. P. VIII. Jur. nat.), nec sunt profanandæ (§. 482. & 509. *ibid.*). Vti populus manet, licet in alia migret loca, vel formam reip. mutet (§. 504. seq. *ibid.*): ita quoque ecclesia manet, quamlibet sede religione & ceremonia mutata, retinetque res suas (§. 493. seqq. & 508. *ibid.*). Jam erroneam commutare religionem cum vera, in officio est (§. 396. seqq. P. I. Polit.) & (§. 89). Ceremoniam, & quidquid in cultu Dei externo pluribus modis fieri potest, sapienter pro re nata aut omnium aut plurimorum consensu mutare licet (§. 950. seq. P. VIII. Jur. nat.). Quocirca cum dominium ecclesiasticum tantum restringatur ad usum rerum genuinum, quo indiget ecclesia (§. 93.): obsecrum censeri nequit hoc scitum, mutata religione erronea, vel ceremonia quadam, dicandas esse res eidem antea consecratæ, hujusmodi usibus, quibus ceu genuinis & rectoribus jam indiget ecclesia. Cumque humanius sit, consecratori illarum rerum potius tribuere studium veritatis, quo erroribus suis agnitis illico nuntium potius mitteret, quam in agnito errore perseveraret; rectius creditur, si hæc præscivisset, quæ nunc aperta sunt; illum utique in meliores potius quam deteriores usus res consecraturum fuisse, aut si nunc interesset rebus humanis, id jam facturum esse. Qua propter iis præsertim usibus res illas dicandas esse, liquet, quibus consecrator ipse eas jam esset dedicaturus.



## §. 95.

*Quid sit jus  
reformandi.*

*Jus reformandi* est jus religionem emendandi, quatenus indiget emendationis. Si quacunque de causa corrupta est vel tota religio, vel ex parte, corruptio illa tollenda est ope emendationis, meliora in locum depravatorum substituentis. Si corrupta est religio in dogmatibus sive theoreticis, sive practicis, reformanda sunt dogmata corrupta, h. e. erronea, obscura, ambigua, periculosa. Si corrupta est in vita & moribus, reformandi sunt mores asecularum, cujuscunque sint sexus, ætatis, status & conditionis. Si corruptæ sunt ceremoniæ, earum opus erit reformatione. Hinc in aprico est, quid sit reformatio universalis & particularis; quid reformatio theoretica & practica, quid reformatio morum & ceremoniarum seu rituum.

Esse hanc reformationem sacram seu ecclesiasticam, ipsa res docet, & ab eadem differre reformationem civilem, literariam & artium quarumcunque. De civili capienda sunt verba *Plinii in Panegyrico Trajani c. 53.* Vt ostendam, quam longa consuetudine mores principatus parens noster reformet & corrigat.

## §. 96.

*Ubi locum  
habeat jus  
reformandi?*

*Nequit exerceri jus reformandi, nisi evicta religionis falsitate & corruptela.* Neque enim hic est jus reformandi nisi jus emendandi religionem, quatenus ea eget emendationis (§. 95.). Sed in iis, quæ vera sunt in dogmatibus, & recta in moribus, vita & ritibus, nihil est, quod egeret emendatione. Inde eorum mutatio fieret in pejus, essetque depravatio & corruptio, deformatioque, neutiquam vero reformatio dicenda. Neque sufficit, aliquid in religione falsum & corruptum videri aut dici, sed oportet, ut falsitas, error, corruptio pravitasque demonstretur, antequam de reformatione cogitetur. Dispalescit ergo, jus reformandi exerceri non posse, nisi evicta religionis falsi-

fallitate, hallucinatione & corruptela, saltem quatenus est emendanda.

Pulcrum reformationis nomen facile imponit ingeniis quoque minime obtusis, ut nodum in scirpo vel quærant, vel videre sibi videantur, suosque errores aliis affingant, dum aliorum mentem & verba non satis perspexere. Nusquam id frequentius contingit, quam ubi animus est in juvenili fervore, aut ambitiosus, nec satis in veritatum abstrusorum latifundio & solidiori nexu & analogia subactus; vel ubi laborat ignorantia, confusione, erroribus & præjudiciis. Quo plura sunt, quæ ignorat, quæ confundit, in quibus errat, præconceptisque indulget opinionibus, eo vituperabit, damnabit & melius se perspicere, sibi aliisque persuadere niteretur. Neque eo secius in apparente reformatione, vera autem depravatione, multum sibi videbitur præstitisse ac meruisse.

§. 97.

*Reformatio non debet in contrarium mutare nisi certo falsa* & *Quid per remala.* Debet enim esse emendatio eorum quæ indigent emendationem dationis (§. 95). Sed in theoria non indigent emendatione, sit mutan- nisi quæ falsa sunt & erronea opinione pro veris habentur; dum? in praxi vero non nisi corrupta & depravata, ideoque mala. Vitroque autem non tantum specie tenus falsa & corrupta corrigenda sunt, sed quorum falsitas & corruptela est indubia & evicta (§. 96.). Patefcit ergo reformatione non esse in contrarium mutanda, nisi certo falsa & prava seu corrupta.

Est quidem reformatio quædam mutatio, sed non qualiscunque, verum meliora surrogans deterioribus. Omnis enim mutatio rem aliter determinat, ac ante erat comparata. Sed si vergat in deterius, ea mutatio non est nisi corruptio. Si autem pristinis seu mutatis meliora substituit, emendatio est, qualis ad reformationem est adhibenda (§. 95.). Si opineris falsa mutari posse in magis falsa, & mala in deteriora, animadvertes, non fieri ibi mutationem nisi in homogeneum, hic autem in reformatione-



matione fieri debet in heterogeneous h. e. in contrarium errorum falsorum & pravorum. Vnde consulto adhibui mutationem in contrarium. Est ubi fit mutatio boni in id, quod est melius; sed ea non est reformatio, verum nuda emendatio seu perfectio ulterior consummatioque.

## §. 98.

Quomodo  
tollendi sint  
abusus?

Sunt quoque abolendi abusum quantocyus, argumentis evincendo eorum pravitatem, & quando his non obtemperatur, infligendo autoribus eorum pœnas illis detestandis pares. Abusus enim vertit rem in malum, quæ erat vertenda in bonum, præstat aliquid mali loco boni, quod poterat præstari, nocetque cum potuisset prodesse (§. 646. P. I. Theol. nat.). Vfus præstat boni quidquam & perficit res alias, cum abusus eas depravat deterioresque reddit, ac alias fuissent. Abusus ergo corrumpit rei usum, aut prorsus eum tollit. Est igitur abusus non nisi usus corruptus & revera depravatus, ideoque malus. Sed certo mala sunt reformanda (§. 96.), ideoque mutanda in contrarium, & sic abolenda, ut quantocyus cessent esse, sit vero eorum contrarium (§. 97.). Constat igitur jure reformationis quoque abusus religionis vel in religione obortos esse tollendos quam primum.

Enimvero, ut abusus aboleantur, convincendi sunt animi argumentis idoneis de pravitate abusus, quæ intelligatur mereri omnium detestationem. Quare ut lubenter fugiant homines abusum, instruendi convincendique sunt de illius turpitudine, noxa & perniciæ, quam afferre suis autoribus aliisque valet, nisi omittatur, eique sufficiatur verus usus, ad perficiendum autorem aliosque tendens (§. 646. P. II. Theol. nat.).

Si qui vero sunt hebetiores, quum ut ista capiant, vel si sunt inescati apparentibus abusus deliciis, & pravæ consuetudinis dulcedine; si sunt immorigeri obstinati in sectando abusu,

abusu, & negligendo eo, quo possent resipiscere: nil restat nisi ut pœnis promeritis, & quæ sufficere possint ad avocandos eorum animos ab abusu, coërceantur, ut saltem externos abusus actus fugiant (§. 395. P. VIII. Jur. nat.).

§. 99.

Præstat autem prævertere abusum, quam abolere, cavendo ne *Quomodo irrepat & invaleseat.* Sunt quidem abusus, dum adsunt vel in- *præverten-* valuer, quantocunque fieri potest studio abolendi (§. 98.). *di?* Sed si id agatur, ne irrepere & invalescere possint, nulla opus est abolitione, qua tollantur: uti non opus est sanatione morborum, si præcaveantur, ne ingruant, nec opus est debellatione hostis, si caves, ne quis tibi hostis existat, fiatque. Præstat ergo cavere, ne abusus oriatur, h. e. prævertere abusum, quam abolere.

Sed prævertere abusum atque ita eum avertere, ne vel oriatur, nemo valet, nisi qui solícite caver, ne unquam irrepat, & postquam irrepsit sensim invaleseat apud se aliosque, teste experientia. Non obrepet autem abusus his, qui de ejus vitiositate sunt in antecessum dudumque convicti, qui & norunt & fugiunt ansas & lubrica in abusum prolabendi, ideoque a pravo consortio abhorrent, & ab affectuum suorum præcipitio.

Quando lolium non debet oriri, semina ejus sunt arcenda, nec in agrum recipienda vel serenda, aut si propullulet, in prima herba suffocandum. Ita quoque abusus non orietur, si nulla ejus semina & causæ admittantur, quæ sunt in ignoratione, confusione, errore, vel malitia & aliorum seductione. Quibus procul esse jussis, nec nascetur, nec succrescet abusus, sed genuinus usus observabitur arridebitque. Sicubi tamen quidpiam seminis ejus irrepsit, si germinare inceperit, & folia protrudere, in prima herba erit conculcanda, aut eradicanda & evellenda antequam adolescere, se late diffundere & plura alia pro-

(Wolffii Politicæ P. III. S. I. C. II.)

P

crea.



creare possit. Si quis nihilominus invaluit, is demum tollendus erit, quando præcaveri non potuit. Est hoc eo magis curandum, quo facilius est, ut vel optima quæque in abusum trahantur, genuino usu neglecto.

## §. 100.

*Religio est  
defendenda  
modis dignis.*

*Est § defensio religionis sapienter curanda.* Tanta est vis depravationis humanæ, ut plurimi indulgere suo genio malint, quam religionis legibus subiecti esse, nisi obloqui experientiæ velimus. Inde varii nascuntur hostes religionis, cujusmodi sunt non tantum omnem rejicientes religionem; verum etiam falsam & erroneam foventes, cujus zelo inducti alios mirum quantum persequi non verentur; & impii ac scelerati quicunque. Hi debellant & impugnant veram religionem ejusque assecclas, quantum possunt, modis innumeris. Opus igitur est defensione sapienti, ne supplantetur vera religio, sed ut potius vincat triumphetque (§. 973. seqq. P. I. Jur. nat.).

Quatenus ergo religio vera oppugnatur erroribus & calumniis, contra ipsam clam vel palam divulgatis; eatenus defensio absolvetur errorum solida refutatione (*Logic. P. II. Sect. IV. c. 2.*), & apologiis calumnias denudantibus (§. 1039. seqq. P. I. Jur. nat.), veritatum autem, innocentiae & virtutum dilucidatione & comprobatione evidenti & immota (*Log. P. II. Sect. IV. c. 3.*).

Quatenus malitia sceleratorum contra illam grassatur, magistratus & Dei imploranda est justitia, æque ac contra persecutores in lucem protrahendos (§. 1051. *Logic.*), quibus & nulla nocendi occasio suppeditanda, adhibitis, quibus licet, eos placandi modis (§. 49.). Quæ vero mutari nequeunt, ea patienter sunt ferenda, tanquam calamitas a Deo permessa, & ipsius providentiæ commendanda (§. 1077. seq. *Logic.*).

Qua-

Quatenus denique vi aperta urgetur religio, cedendum est vi majori, cui resisti nequit, emigratione expetita (§. 61. 64. seq.); cui resisti potest, adversus illam utendum est subsidiis solitis vim avertendi, cogente autem necessitate vis vi repellenda est (§. 1101. P. I. Jur. nat.), cum nemo vi compellendus sit ad amplectendam religionem alterius (§. 259. Jur. Gent.), & libertas conscientiae non subdit imperio civili (§. 21. seqq.).

## §. 101.

Si bello injusto impetitur religio, opus est defensione armata, seu *Bello inter-*  
*bello defensivo*, si id nullo modo averti potest, & *consul. um. deprehen-*  
*ditur.* Quisquis enim bello impetitur praesertim injusto, ei *sivo.*  
 uti licet bello defensivo (§. 615. & 629. Jur. Gent.), quando avertere mitioribus modis bellum offensivum non potuit (§. 982. seqq. P. I. Jur. nat.). Si nulla restat ratio avertendi belli ingruentis, quo non quaeritur nisi oppressio religionis, nec spes hostibus resistendi vana est (§. 503. P. I. Polit.), consultum erit, forti bello defendere religionem & conscientiae libertatem, qua hominibus nihil solet esse carius acceptiusque.

Quae religionis causa geruntur bella, ea vocari solent *bella religionis*; quorum pertinaciam, summamque in ipsis virium contentionem olim observarunt multi & proverbio adhibuerunt. Ita Cicero L. III. de Natura Deor. c. 40. Lucilium inducit dicentem: vehementius tu, Cotta, quidem invehus es in eam Stoicorum rationem, quae de providentia Deorum ab illis constituta est. Sed quoniam advesperascit, dabis nobis diem, ut contra ista dicamus. Est enim mihi tecum pro aris & focis certamen, & pro deorum templis atque delubris, proque urbis muris, quos sanctos dicitis, diligentiusque urbem religione, quam mœnibus cingitis. Quae deserui a me, dum quidem spirare poterō, nefas judico. Et in Philipp. VIII. c. 3. Quae est, inquit, in medio belli causa posita? Nos deorum immortalium templa, nos muros, nos domicilia sedesque populi romani, penates,



aras, focos, sepulcra majorum, nos leges, judicia, libertatem, conjuges, liberos, patriam defendimus. Catilina quoque apud *Salustium* c. 59. suos ad fortitudinem accendens, rogat, meminerint se pro patria, pro liberis, pro aris atque focis suis cernere.

## SECTIO I.

## CAPVT II.

DE

Cura sapienter perficiendi imperium  
sui ipsius.

§. 102.

*Virtutes erga se conjunctim sunt perficiende.*

**V**irtutes erga se ipsum in civitate sapienter sunt provehenda. Re-  
ctori enim civitatis curæ esse debet, ut subditi sint vir-  
tute præditi, & ne a virtutis tramite ad vitia deflectant,  
qui autem deflectunt, a vitiis revocentur & in viam rectam re-  
ducantur (§. 456. P. VIII. *Jur. nat.*). Inde cuilibet civitati sa-  
pienter opera est navanda, ut, quicumque in ea degunt, virtu-  
tibus cunctis acquirendis, exercendis perficiendisque continen-  
ter incumbant, a vitiis vero quibuscunque arceantur absterre-  
anturque (§. 2.) Cum virtutes erga se ipsum secundæ sint a  
virtutibus erga Deum (§. 1145. *seq. P. I. Jur. nat.*), & normæ vir-  
tutum erga alios homines (§. 608. *seq. ibid.*): utique & earum  
cura in civitate qualibet est pernecessaria, itaque opera danda,  
ut quantum conjunctis viribus fieri potest, sapienter provehan-  
tur perficianturque; vitia autem ipsis opposita, h. e. vitia erga  
sefe, præcaveantur, arceantur emendenturque.

Si cui mirum videatur, hic agi de virtutibus erga nos ipsos,  
cum in Politica non agendum sit nisi de virtutibus civilibus, quæ  
sunt virtutes erga alios, inprimis erga civitatem (§. 10. P. I.  
*Polit.*):

*Polit.*): is velim secum perpendat, virtutem politicam esse eam, qua indigemus ad salutem publicam (omnium & singulorum) consequendam (*ibid.*). Cum ad salutem publicam primariam obrinendam tuendamque omnibus opus sit virtutibus (§. 401. *ibid.*): virtutes erga se exulare ex philosophia civili nequeunt, sed tractari inter præsidia communis omnium felicitatis merentur. Præterea illæ virtutes hic non considerantur, quatenus vel in statu naturali & in solitudine quisque eas sectari & colere debet suæ felicitatis causa; sed quatenus aliorum, omnium scilicet in civitate degentium, opera viribusque conjunctis sunt adjuvandæ in acquisitione, exercitio, conservatione & amplificatione; & quatenus ad salutem publicam sapienter sunt excolendæ, dirigendæ subindeque perficiendæ. His vires privatae singulorum impares, publicæ autem omnium vires paresprehenduntur, ideoque huc sunt conferendæ.

## §. 103.

*Redeunt virtutes erga se ipsum omnes ad imperium vel regimen Ideoque im-*  
*sui ipsius.* Etenim virtutes erga se ipsum sunt habitus quam *perium sui*  
 optime præstandi officia erga se ipsum (§. 226. & 321. *P. I. ipsius.*  
*Phil. pract. univ.*). Officia autem erga se ipsum sunt actiones  
 ad quas homo ideo obligatur, ut se statumque suum perficiat,  
 vel ut actiones suas determinet per easdem rationes finales, per  
 quas determinantur naturales (§. 167. *ibid.*) item ad fugienda  
 his contraria (§. 168. *ibid.*). Quoniam ergo in iisdem actio-  
 nes suas conformare debet legi divinæ (§. 321. *ibid.*): regere  
 se ipsum, suasque actiones dirigere obligatur secundum leges  
 divinas; vel si hoc mavis, componere easdem ad Dei volun-  
 tatem. Id vero est, quod salutamus regimen vel imperium sui  
 ipsius. Vnde patescit, omnes virtutes erga se ipsum redire  
 ad habitum vel artem regendi se ipsum, vel suas liberas actio-  
 nes secundum Dei voluntatem, quem brevius nuncupamus im-  
 perium sui ipsius.



Equidem certum est, imperium simpliciter dictum notare jus determinandi pro lubitu alterius actiones (§. 194. P. VII. Jur. nat.), sed tum sermo est de imperio aliorum, non sui ipsius. De quo dudum *Cicero Tuscul. II. c. 20.* reliquum est, inquit, ut tute tibi imperes; quanquam hoc nescio, quomodo dicatur, quasi duo simus, ut alter imperet, alter pareat. Non inscite tamen dicitur. Est enim animus in partes tributus duas, quarum altera rationis est particeps, altera expers. Cum igitur præcipitur, ut nobismet ipsis imperemus, hoc præcipitur, ut ratio coërceat temeritatem. Est in animis omnium fere natura molle quiddam, demissum, humile enervatum quodam modo & languidum, senile. Si nihil aliud, nihil esset homine deformius. Sed præsto est domina omnium & regina, ratio, quæ connixa per se & progressa longius fit perfecta virtus. Hæc ut imperet illi parti animi, quæ obedire debet, id videndum est viro. Quonam modo inquires? Velut dominus servo, veluti imperator militi, velut parens filio. Si turpissime se illa pars animi geret, quam dixi esse mollem, si te lamentis muliebriter lacrymisque deder, vinciat & constringatur amicorum propinquorumque custodiis: sæpe enim videmus fractos pudore, qui ratione nulla vincerentur. Ergo hos quidem, ut famulos, vinclis prope ac custodiis arceamus. Qui autem erunt firmiores, nec tamen robustissimi, hos admonitu oportebit, ut bonos milites, revocatos, dignitatem tueri. (Addit multa de dolore domando a viris ope pudoris). In quo viro perfecta erit sapientia, is sic illi parti inferiori imperabit, ut justus parens probris filiis. Nutu quod volet conficiet, nullo labore, nulla molestia. Eriget ipse se, suscitabitur, instruet, armabit, ut tanquam hosti, sic obsistat dolori, &c. *Horatius* similiter animum rege, jubet, qui nisi paret imperat *Epist. L. I. 2.* Rursus *Cicero L. IV. Epist. ad famil. 14.* agitur præclare, si nosmet ipsos regere possumus, ut ea, quæ partim jam adsunt, partim impendent, moderate feramus. Alio nomine vocatur hæc virtus *temperantia* latius accepta (§. 352. *Oecon.*), aut *charitas sui ipsius*.

## §. 104.

*Strictius hic notat imperium sui virtutes erga se morales, vel Strictius suo-  
erga animum suum. Antea jam egimus de virtutibus intellectus rum affe-  
in civitate perficiendis. Hic non agitur nisi de virtutibus vo-  
luntatis, vel de cura voluntatem civium virtutibus perficiendi  
(§. 1. seq.). Quæ virtutes quia appellantur morales, imperio  
sui, vel arte regendi se ipsum hic innuimus virtutes erga se  
morales, sive virtutes erga animum suum h. e. suam volunta-  
tem & recte gerendi personam sibi a Deo impositam (§. 426. P. III.  
Ethic.). Includimus tamen simul virtutes erga voluntatem alio-  
rum immo omnium civium, quatenus illa virtutibus erga sese  
est perficienda, viribus consociatis (§. 220. seqq. P. I. Phil. pract.  
univ.).*

Potissimum enim notare solet imperium rationis in affectus  
suos, in cupiditates pravas. Ratio enim præesse debet sensui,  
& voluntas appetitioni averfationique sensuali, in primis mode-  
rari debet affectuum imperium, ne in prava degeneret, in quæ  
pronissimus esse solet. Quod luculentum est ex Scholio §. 103.  
Recte Ciceroni de Juvent. l. c. 2. cupiditas cæca ac temeraria do-  
minatrix animi vocatur. Atque de amicitia c. 22. stabilitas ami-  
ciæ confirmari potest, cum homines benevolentia conjuncti  
primum cupiditatibus iis, quibus cæteri serviunt, imperabunt.

## §. 105.

*Antea omnia notitia sui distincta quam optime in civitate est per-  
ficienda. Perficiendæ enim sapienter sunt virtutes erga se ipsum est notitia  
(§. 102.) & ars imperandi sibi met (§. 103.) suisque cupidita-  
tibus affectibusque (§. 104.). Prima autem virtus erga se  
ipsum est notitia sui, eaque distincta, ut habitus spectata (§. 1.  
seqq. P. IV. Ethic.); eaque cæterarum virtutum erga se morali-  
um scaturigo (§. 22. seq. ibid.), indeque & artis recte gerendi  
personam sibi impositam (§. 17. seq. ibid.), quæ sine imperio  
sui*



sui obtineri atque exerceri nequit (§. 104.). Cogitur hinc, ante omnia notitiam sui distinctam in civitate conjunctis viribus esse perficiendam.

Enucleat caput primum P. IV. *Ethica*, quæ ad notitiam sui distinctam, quoniam confusa parum prodest, & errorum genitrix sæpicule evadit, comparandam & excolendam proprio Marte valent. Hic de illis agendum erit, quæ civitatis ea in re sunt partes. Harum aliæ privata præstari possunt opera; aliæ publica egent autoritate. Quilibet civis uti naturaliter obligatur (§. 614. P. I. *Jur. nat.*) ad perficiendam notitiam sui aliorum non-nihil conferre potest, partim suo exemplo prælucente, quid accurata notitia sui involvat & præstet; partim privata institutione, amica admonitione, exhortatione, persuasione, commendatione & laude aliorum, qui se probe norunt, &c. partim viruperio aliorum, qui se ipsos ignorare deprehenduntur, & reprehensione eorum, quæ idem vitium produunt in eo, cum quo res est. Solent enim ignoti facile perstringere insolentes & notitia sui destitutos, solent eos aliis deridendos propinare, ut vel teste doceant meliora sibi ignotos, ideoque erga alios sæpe peccantes, sibi autem suffenos. Est hoc non postremum inter commoda peregrinationis & consuetudinis cum aliis politicioribus, moratoribusque. Sed hæc paucis insinuasse satis habemus in politicis, ubi potissimum de iis laborandum, quæ publica fieri debent autoritate.

§. 106.

Quid parentibus ideo præcipiendum sit?

Injungendum est civili autoritate est parentibus, ut imbuant quam optime liberos distincta sui & se regendi notitia, dum sunt in sua potestate. Etenim notitia sui distincta publica autoritate est quam optime perficienda (§. 105.). Subesse autem potestati publicæ inter cæteros cives omnes quoque parentes, eosque ad officia sua recte præstanda itidem esse obligandos, dubio caret. Obligantur publica autoritate ad officia sua, quando legibus civilibus naturalis obligatio fortior evadit, ipsisque promulgatur

gatur & inculcatur (§. 980. *P. VIII. Jur. nat.*). Sed in parentum officio est ut scrutentur facultates mentis & corporis suorum liberorum (§. 332. *Oecon.*) & ut liberos doceant & adsuefaciant ad noscendos distincte & regendos se ipsos (§. 347. & 352. *ibid.*). Liquet igitur, parentibus civili quoque autoritate imperandum legibusque civilibus fortius inculcandum esse, ut liberos suos quam optime imbuant notitia sui & se regendi distincta, dum eos habent in sua potestate (§. 104.).

Possunt debentque parentes eo magis operam dare notitiæ sui liberis impertiendæ, quo magis felicitatis liberorum suorum studiosi esse debent, & quo plus voluptatis ex liberorum felicitate capere gestiunt. Quotidie gaudent opportunitate eosdem docendi, quid insit ipsorum viribus, quid desit, convincendi eos errorum & vitiorum, reprehendendi, objurgandi & puniendi immorigeros castigatione paterna. Nec ullius, quam parentum, obligatio naturalis major est, ad hoc studium liberis præstandum.

§. 107.

*Quæ obligatio civilis ut eo efficacior sit, munienda est spe præ- Qua adhibi-  
miorum. & sanctione pœnali suffectura ad immorigeros coercendos. ta obliga-  
Civilis enim obligatio non constat nisi in præmiis & pœnis (§. tione?*

301. *P. I. Phil. præct. univ.*). Quamobrem & parentes aliter obligari nequeunt, uti ad hoc, ita & ad cætera erga liberos suos officia, quam spe præmiorum, & metu pœnarum, quarum illa legibus præcipientibus, hæ prohibentibus adjici merentur. Quid ergo apertius est, quam obligationem publicam parentum ad liberos notitia sui distincta imbuendos, munendam esse spe præmiorum & metu pœnarum, quæ sufficere queant ad immorigeros compescendos.

Dantur varia commoda in civitate, quibus affici & donari possunt morigeri, exsortes judicari & privari immorigeri. Cæteris momentis nihil proficientibus, adimi potest perversis parentibus

(*Wolffii Politica P. III. Sect. I. C. II.*)

Q

tibus



tibus educatio liberorum, & imponi ipsis necessitas sumtuum seu dandorum seu acquirendorum labore publico, quibus eorum liberi ab aliis rectius educantur. Ita enim fieri potest, ut & ipsi resipiscant, & eorum exemplo alii intelligant officii sui momentum.

## §. 108.

*Et scholarum  
ope.*

*Inscitiæ vero parentum non spernendis scholis publicis est medendum.* Nemo enim obligari potest ad præstandum id, quod vires suas excedit (§. 209. P. I. Phil. præf. univ). Quare rudes quoque parentes obligari per se nequeunt ad ea liberis tradenda, v. c. de cognitione sui ipsius, & modo personam suam recte gerendi, quæ ipsimet ignorant. Medendum ergo est illorum ignorantiaë inscitiæque ope scholarum publicarum, in quibus parvo sumtu privato id discere liberi possunt, quæ ipsi eos docere nequeunt. Quare publico sumtu alendi sunt præceptores scholarum, qui vel gratis vel exiguo didactro liberos aliorum doceant, quæ ipsis sunt discenda (§. 729. P. VIII. Jur. nat.). Quas scholas ne aspernentur vanoque obtentu contemnant parentes, liberos suos illis non tradentes, vel ab ipsis perperam avocantes, æque obligandi sunt (§. 107.), ac scholarum magistri ad suas partes recte obeundas (§. 436. seq. ibid.).

Si locupletes dantur parentes rudes, illis æque ac eruditis, sed per alia officia & negotia impeditis, concedi potest, ut privatos alant liberorum præceptores, quando hoc ipsis magis arridet; modo caveatur, ne quid irrepit salutis publicæ adversum, quæ suprema civitatis lex esse debet & singulis & universis civibus ejusdem (§. 86. P. VIII. Jur. nat.).

## §. 109.

*Egeni gratis*

*Si tam egeni sunt parentes, ut nec modicis scholarum publicarum instituentibus, aut ne alimentis quidem liberorum sufficiant; eorum liberi gratis sunt & b. e. publico ere, erudiendi erunt & alendi.* Si enim parentes habere non possunt, erudiendi erunt & alendi. Si enim parentes habere non possunt, erudiendi erunt & alendi.

beant quidem, unde liberis suis de alimentis prospicere possunt, at sumtus facere nequeunt, ut instituantur in illis, quorum notitia ipsis est necessaria; in rep. curandum est, ut absque parentum sumtu instituantur (§. 743. *P. VIII. Jur. nat.*), ideoque scholæ pauperum sunt instituendæ, quibus sine ullo parentum sumtu erudiantur (§. 744. *ibid.*). Ne vero irritum sit illud institutum, & parentes & liberi obligandi sunt, ad scholas istas debite frequentandas.

Quoniam rectori civitatis curæ esse debet, ne egenis desint illa, quibus ad vitæ necessitatem indigent (§. 735. *ibid.*), & ut probe educentur liberi, quorum parentes ipsis sumtus necessarios suppeditare nequeunt (§. 729. *ibid.*): oppido pater, liberos egenos insuper quoque esse alendos publico ære (§. 742. *ibid.*).

Varia dari possunt causæ, propter quas inopes parentes ne alendis quidem liberis suis sufficiant, ideoque vel fame illis esset pereundum, deficientibus consanguineis, affinibus, amicis, qui eos alere possent, nisi publico alerentur sumtu durante præsertim infantia. Omissis causis vitiosis, ponamus parentes esse morbis ita affictos, ut laborem, quo solo se sustentare possunt, subire nequeant; aut captivos detineri ab hoste; aut mente captos, aliisve legitimis impedimentis impares officio suo factos esse. Si vero liberi pueritiam jam sint ingressi, & a parentibus ad mendicandum pro se & parentibus adhibeantur, itaque in ruditate fere obbrutescant, & ad furandum seducantur: non potest non civitati id valde esse incommodum perniciosumque. Qua propter præstat, ut tales egeni sumtu publico erudiantur alanturque, & qui a disciplina necessaria abhorrent, castigatione promerita aut ergastulo ad rectiora adsuefiant (§. 737. *ibid.*).

§. 110.

*Mortuis parentibus, pupillis vel dandi, vel confirmandi, obligandi- Quomodo  
dique sunt tutores, ut parentum loco educationi & patrimonii admini- pupillis con-  
Q 2 strasulendum.*



strationi recte præsent, egenos vero, si melius eos alere & erudire nequeant, in orphanotrophiis educari curent. Mortuos parentes impares esse officio liberis suis præstando, nemini potest esse obscurum. Quapropter parentum officium demandandum est tutoribus, vel ab ipsis parentibus aut consanguineis, vel a magistratu, a quo & privata autoritate dati sunt confirmandi & valide obligandi ad officii sui partes recte peragendas (§. 758. & 759. P. VIII. Jur. nat.). Si qua pupillis sunt bona a parentibus relicta, curandum est publica autoritate, ut illa diligenter fideliterque administrentur, & in educationem debita impendantur, quæ ad eam requiruntur (§. 759. *ibid.*). Quæ cura magistratui tutelari committenda, cui omnes illius loci tutores sub sint & rationes reddant, antequam a tutela absolvantur; a quo etiam puniantur vel removeantur tutores officio suo contravenientes (§. 760. *ibid.*).

Si autem pupilli sunt egeni, tutores vel poterunt citra sumtus publicos ipsorum educationi & institutioni prospicere, vel nequeunt. Priori casu permittendum ipsis erit, ut oneribus publicis levamen afferant, melius pupillis consulendo. Posteriori autem obligandi erunt, ut orphanotrophiis scholisve pauperum eos committant (§. 742. & 744. *ibid.*), non neglecta tamen sua quoque inspectione subinde addenda.

### §. III.

*Quomodo  
tironibus?*

Parentibus sive vivis sive mortuis, eorum liberi ad electum vitæ genus præparandi formandique sunt, vel ab ipsis met parentibus, vel ab aliis, qui id callent, ut in eo personam sibi impositam recte gerere, ac bene regere se ipsos possint (§. 333. *seqq.* Oecon.). Posteriori casu ipsi quidem parentes aut tutores circumspicere & præficere liberis idoneos magistros, ac pacto obligare debent, ad eos tum recte imbuedos notitia & habitu, ea quam optime præstandi, quæ ipsorum vitæ

vitæ genus requirit; tum avocandos ab omni morum corruptione & seductione; tum perficiendos in habitu regendi se ipsos & benegerendi impositam sibi personam. Neque magistris deesse debent, omni autoritate sua eam in rem incitandis. Quatenus tamen vel parentes, eorumque vicarii tutores, vel magistri illi desunt aut impares sunt officio suo; eatenus publica autoritate adigendi sunt ad partes suas observandas, sive parentes aut tutores, sive magistri tironum, sive tirones ipsimet (§. 395. P. VIII. Jur. nat.).

Committi hujusmodi curæ solent illis, qui præfecti sunt illis vitæ generibus & tribubus artificum opificumque ad salutem publicam dirigendis, decidendisque, quæ contra illarum privilegia & pacta oriuntur litibus & querelis. Neque enim minus indigent tirones institutione in suo vitæ genere, quam morum emendatione, ut se ipsos bene regere discant.

§. 112.

Quia in rep. vires & privaræ & publicæ ad commune Ope paren-  
bonum sunt conferendæ (§. 18. & 20. P. VIII. Jur. nat.), ut tum, amico-  
quam optime conspirent ad illud promovendum; & ad libe- rum & c.  
rorum tironumque imperium sui ipsius perficiendum multa  
conferre possunt parentes, eorum familiæ, affines, & amici, par-  
tibus suis rite fungentes, locupletis experientiæ testimonio:  
manifestum est, jungendam esse curæ magistratus & magistrorum cujus-  
que vitæ generis, omnem opem, quam asserre ad imperium sui perficien-  
dum potest, autoritas & potestas parentum, consanguineorum, affinium,  
amicorum, civiumque ceterorum (§. 106.).

§. 113.

Neque tantum hæc ita curanda sunt in impuberibus tironibusque, Quando hæc  
verum quoque in adultis, quacumque de causa personam suam haud recte cura in adul-  
gerentibus. Impuberum enim tironumque ruditas manifesta est tis continu-  
causa hujus officii ab aliis ipsis præstandi, ut se nempe aliorum anda?

ope bene regere discant (§. 608. *P. I. Jur. nat.*), & quamdiu id nondum valent, regimini aliorum subfint.

Enimvero si qui jam ex ephebis excessere, si juvenilem & tironum ætatem supergressi sunt, fieri tamen variis de causis potest, ut regundis se ipsis, uti debent, vel nequeant vel nolint vacare, testibus multorum exemplis. Quo casu cum idem sit, ac si etiam nunc essent impuberes, regere se ipsos nescii: opus est, ut alii ipsorum impotentiae subveniant curatores, ipsosque regant, dum ipsi se regere nequeunt (§. 436. *seqq. Oecon.*). Si regere se quidem possunt, sed nolunt & degenerant, eadem ratio, quæ parentes obligat ad curatores ipsos præficiendos (§. 412. *ibid.*), obligat quoque consanguineos, affines, amicos, ipsumque magistratum ad morum corruptionem impediendam curatela & publica autoritate cavendam turpem patrimonii dilapidationem & vitiorum grassationem sibi & reip. damnosam. Quamobrem vel prodigis tantum administratio bonorum suorum adimenda, & curatoribus, qui ipsos debite regant, demandanda est (§. 752. *P. VIII. Jur. nat.*).

Quotquot animadvertunt sibi in casibus difficilioribus aquam hære, ut ancipiti animo fluctuent & ambigant, quid sibi agendum fugiendumque sit: illi sponte sua recurrere solent ad parentes connatos & amicos, quos sibi consulere posse autumant. Quibus si destituuntur, alios adeunt viros, ejusmodi rerum peritos, quos sibi adfiscant consultores adjutoresque, aut quibus utuntur causarum suarum patronis, gestoribus negotiorum, mandatariis. Ita apud romanos clientes se commendabant patronis Patriciis, qui ipsis præsidio essent & faverent, uti vicissim patroni clientum copia valébant & stipabantur. Sexui sequiori ob imperitiam senatusconsulto Vellejano & curatoribus cavebatur non in foro tantum & litibus, sed & in aliis difficilioribus causis, in quibus se ipsas regere, sibi que recte consulere nequibant.



## §. 114.

*Licet externa hæc subsidia nonnihil conferant ad perficiendum regimen sui ipsius, plenior tamen ejus perfectio petenda est a solida animi convictione de officiis suam emendandi excolendique voluntatem, quatenus illa in civitate recte procuratur. Quæ non nisi præmiis pœnisque humanis nituntur, ea non solent diutius attendi, quam harum evitatio non videtur esse in potestate, aut majoris momenti censetur ac factum prohibitum; & quam illorum consecutio vel possessio non censetur postponenda esse illi, quod contrarius actus promittit. Sic nempe complurium vitam se habere experimur. qui omnia sibi licere statuunt, quæ libent, modo sibi nihil inde sit ab hominibus metuendum, vel hoc eludi astute possit (§. 342 Oecon.).*

Enimvero ut animus virtutes voluntatem suam perficientes propter se & Deum (§. 338. seqq. P. I. Phil. pract. univ.), lubenter, lætabundus, constanterque amet, colat præferatque omnibus vitiis, quæ vel sensui & affectibus arrident, vel aliorum exemplum commendant, non præstabit nisi solida convictio, id. quod in virtutibus habetur. longe anteferendum esse omnibus illis, quæ vitiorum illecebras constituunt (§. 344. seqq. & §. 352 Oecon.). Pariter ut vitia imperio sui contraria, h. e. vitia ex affectuum imperio orta illudque foventia & arguentia propter se, & propter Deum, seu conscientiae religionem, odio habeantur sponte, constanter & perpetuo, etiamsi nullus humanus arbiter verendus est, id itidem non nisi solidæ convictioni in acceptis erit ferendum. Qua propter dilucescit, plenior imperii sui æque ac omnis virtutis (§. 321. P. I. Phil. pract. univ.) perfectionem præstolandam non esse, nisi a solida animi convictione de officiis felicitatem suam salutemque publicam consummandi ope emendatæ exultatæque voluntatis publica cura quam optime promotæ (§. 328. ibid.).

Si parumper attendamus ad ea, quæ homines amant & constanter sequuntur, deprehendemus, illa non esse alia, quam de quibus aut sunt convicti, aut esse saltem sibi videntur, in iis positam esse suam felicitatem, nec ea salva se aliter agere posse. Cum vero illa tandem evanescant, agnito errore, de quibus tantum videbantur sibi esse convicti, cumque tum in eorum locum succedat id, a quo maxime abhorrebant, contrarium felicitatis, vera scilicet & æterna infelicitas, ne opus quidem fuit, ut illius ulla ratio haberetur, in imperio sui perficiendo. Revera enim falleret apparens illa suas actiones regendi habitude, nec auget & firmaret nisi affectuum tyrannidem, rationis vero miseram servitutem.

## §. 115.

Quomodo civitas convictio-  
nem illam promoveat?

*Ad solidam hanc convictionem obtinendam perpetuandamque conservandam paranda & exigenda sunt doctrinae scholarum, Gymnasiorum, Academia-  
rum, ecclesiarumque omnium.* Genuina nimirum convictio assensum pariens quantus haberi potest, vel procedit a priori vel a posteriori (§. 982. *Logic.*). A posteriori petitur ex illis, quæ vel nos ipsi indubie experti sumus, vel alii minime suspecti (§. 985-989. *ibid.*). A priori non obtinetur nisi legitima & quam optima probatione, ideoque vel demonstratione veritatis aut falsitatis, vel evictione probabilitatis, quanta haberi potest (§. 983. *seq.* & 990. *seqq. ibid.*). Publica igitur auctoritate dictæ doctrinarum officinæ instituendæ & exigendæ sunt, ut, qui in illis docent, ipsi distincta cognitione virtutum erga se cæterarumque gaudeant, eademque auditores suos imbuant & convincant pro eorum captu, eximantque illis dubia, quæcunque convictionem labefactare, & in vitia præcipitare possent. Quod cum simili modo in illis curari possit, quo virtutum intellectus cultura perfici solet, juxta *Polit. P. II. Sect. III. Caput I.* supervacaneum videtur, ut de his plura hic commentemur.

Longum enim foret, quæ ibi dicta sunt, mutandis mutatis huc transferre & accommodare. Paucis tantum innuo, hujus finis consequendi causa inspiciendam esse vitam ante actam eorum, quibus doctrina illa moralis est committenda. Qui enim virtutum laude semper florere, illi bonam de se spem præbent in hujusmodi sparta obeunda, unde & plurimum fructus sperandum habent, si pergant bene regere se suosque auditores; & plurimum dedecoris & damni metuendum habent, si a pristina vitæ norma desciscant, dum ignominiose a sparta sua amoverentur. Qui vero vitiis potius quam virtutibus conspicui plerumque fuere, de illis si vel nunc simulent emendationem promittuntque, parum sperari potest, cum difficile sit exuere pravos habitus, qui altas egere radices, nec expectare videntur nisi novam materiam, novaque fomenta occultatæ aliquamdiu pravitatis. Qui mediæ quasi fuerunt naturæ, & modo vitiis, modo virtutibus operam dedere, horum emendationis veritas erit exploranda ex documentis fide dignis, & spectandum id, quod humana natura capere solet, quæ ita jam est comparata, ut vitiis nemo careat, optimus sit, qui minimis laborat, melior cæteris qui paucioribus levioribusque, quam alii, contaminatur.

## §. 116.

*Ad perficiendum imperium sui civium plurimum faciunt bona Quorum exempla imperantium docentium, parentum & amicorum; mala vero exempla huc præsertim eatenus, quatenus tristia fata vitiorum pœnam dilucide ostendunt. Est enim in rebus agendis magna vis exemplorum in utramque partem, bonam nempe & malam (§. 279. P. II. Phil. præct. univ.). Quare nec bonis exemplis sua vis erit deneganda in imperio sui perficiendo. Valent quippe ad convictionem veritatum moralium de recte gerenda persona nobis a Deo imposita (§. 269. ibid.), dum a posteriori ea confirmant atque intuenda in singularibus exhibent, quæ ratio generatim demonstrat (§. 270. ibid.); dum non rem tantum & actionem virtutis, item modum ordinemque agendi docent rite attendentes (§. 173. (Wolffii Politica P. III. S. I. C. II.) R. seq.*



*seq. ibid.*), vivamque cognitionem excitant in imitaturis ac eadem in se experruris (§. 273. *seq. ibid.*); sed & compendio unoque obtutu multa exhibent comprehendenda, quæ multis regulis forent præcipienda, longisque demonstrationibus evincenda (§. 297. *ibid.*); ipsamque sensationem & imaginationem ad consensum cum intellectu reducant (§. 300. *seq. ibid.*).

Quo vero perfectiora sunt exempla & præclariora, eo plus docent, & eo majorem stimulum addunt his, qui gloria ducuntur, ad præclara imitanda, & si fieri possit superanda (§. 286. *ibid.*). Hinc nulla exempla sunt efficaciora his, quæ præbentur a summis imperantibus & magistratibus, quibus placere & probari plurimi cupiunt, ut eorum favore fruantur, & quorum autoritas potestasque in civitate plurimum valet. Tum magna quoque autoritas esse solet docentium, utpote quibus nonnulla pars publicæ autoritatis potestatisque in conceditos ipsis tributa est (§. 459. *P. VIII. Jur. nar.*), quam & ipsi tueri ac augere debent (§. 401. *P. II. Polit.*). Cum parentes quoque patria gaudeant potestate, & amici gratia amicitiae valeant, horum quoque autoritas exemplis eorum pondus addit, ut recte consentibus majoris fiat, quam aliorum, magisque inflammet ad ejus imitationem æmulationemque.

Mala vero exempla, uti sunt depravatis gratiora, ita quoque facilius imitatores corrumpunt & seducunt, nisi animus jam sit rectiora edoctus & de illis convictus. Tum ei vel pessima exempla confirmant veritatem tristi illo exitu, quem tandem sortiuntur, aut indubie jam experta sunt. Ea vero exempla, quæ vel non sunt alteri manifesta, vel quorum exitus seu dubius est, seu lætus videtur, rectius prætereuntur infirmiorum causa, licet facilis quoque responsio sit ad dubia inde mota.

Nempe ubi sunt manifesta tristitia illa fata, ubi dubium non est meruisse illa vitam ejus, qui illa est expertus, ibi omnia sunt plana.

plana. Et non nisi hujusmodi exemplis convictio rudium potest obtineri augerique. Si autem læta videntur esse fata, saltem dubia improbiorum: non tam facile perspicitur, ea quoque confirmare regulam. Quod tamen acutioribus innotescit, qui ea, quæ læta esse videbantur, intelligunt, vel non esse nisi res medias, quæ neminem faciunt beatum; vel plane falsas, si verbis quidem jactantur, sed quibus nihil rei respondet; vel veras quidem sed terrestres tantum, loco præmii leviorum virtutum concessas. Comparari ista possunt cum regis justitia, qui ministrum antea bene meritum non tantum patitur frui illis bonis, quæ tunc in ipsum contulit, sed majoris cumuli causa acceptis antea præmiis alia superaddit. V. c. Epulum lautissimum Hamani apparatus, qui paulo post ob gravia delicta ultimo supplicio est subjiaciendus.

## §. 117.

*Ut eo rectius perfici possit imperium sui, explorandi sunt ejus Subsidium defectus, quibus sublatis magis enitescat.* Quidquid in homine primum perficiendum est, illud ob finitam ejus indolem progressionis indiget, quibus a paucioribus ad plura, a facilioribus ad difficiliora, a minoribus ad majora subinde pergatur atque perveniatur (§. 798. & 832. *Ontol.*). Quamdiu ulterius perfici potest, tamdiu semper aliquid deerit, quod ipsi inesse potest, semper igitur tamdiu quodam laborabit defectu, qui abesse & tolli potest, licet alio tempore sit apparens tantum, alio verus (§. 512. *ibid.*), eo posthac in ejus locum substituto, quod præviis addi & inesse ita potest, ut res jam incremento gaudeat antea deficiente. Hoc in imperio sui, pariter ulterioris incrementi indigo & habili, haud aliter comparatum est. Quare ut subinde magis perfici possit, scrutandum est, quid illi adhuc desit, vel quibus laboret defectibus, ut illis liberetur, & particeps fiat novarum accessionum, quibus tanquam finita virtus augeri potest.

Quod ut luculentius evadat, cogitemus facultatem intelligendi, ea indiget primum ideis & notionibus distinctis, tum judiciis rite formandis, denique & variis argumentationibus, ad quas progredi recte nequit nisi præviis & acquisitis jam illis, sine quibus alterum distincte concipi & intelligi nequit. V. c. dilemma intelligi nequit nisi perspectis jam regulis syllogismi conditionalis & connexionis cujus altera certe pars est disjunctiva. Similiter in voluntate perficienda, & in arte regendi se ipsum alia præcedere, alia sequi, h. e. alia ante fieri & ad habitum perducere debent, quam alia fieri & adolescere in habitum possint. Sic scrutinium affectuum insitorum & prævalentium præcedere debet, antequam de remediis & ordine illos rationi subjiciendi cogitari, & illorum perdomatio absolvi ita possit, ut quoties oboritur affectus, toties ratio illi habenas injicere, ut ipsa imperare, affectus famulari & obsequi intelligatur.

## §. 118.

*Subsidium secundum.*

*Attendendum porro diligenter est ad ea, quorum nos aliorve postea pœnituit, & quæ vel nobis in aliis, vel aliis in nobis sunt detestationi. Ea nempe, quorum nos, quorumque alios ex distincta cognitione pœnituit, h. e. quæ post factum perperam esse facta, & fieri non debuisse innotuit, merito ponuntur inter veros defectus, qui evitari potuissent ac debuissent (§. 512. Ontol.). Eadem a conscientia consequente recte damnantur (§. 515. P. I. Phil. pract. univ.). Ita ergo nobis certo innotescit defectus in imperio sui admissus, isque verus; ita simul innotescit malum, quod inde est ortum, & bonum, quo propter illum caremus. Hæc vero sunt argumenta seu resipiscendi ex nostro facto & damno, seu sapiendi feliciter ex casu alieno, eumque eo diligentius evitandi. Itaque facient explorati hi defectus in imperio sui, & convictionem nobis afferentes, ut certum habeamus nisi illis evitatis perfici accurate imperium sui non posse (§. 117.).*



Si porro attendamus ad ea, quæ nos merito in aliorum ratione agendi reprehendimus & damnamus, vel quæ alii in nobis minime probant, seu detestantur, neque idonea ita statuendi ratione carent: illa quoque vitiosa esse, & veros in regimine sui defectus arguere planum erit, qui evitari omnino possint, & vi officii nostri debeant (§. 117). Vnde prono fluet alveo, illos ab omnibus, ideoque & a nobis solícite diligenterque evitandos esse, si imperium sui rite sit perficiendum.

§. 119.

*Neque tantum de actionibus nostris & aliorum rectis aut pravis, Vnde impediret præsertim de habitu has vel illas præferendi aliis, disquirendum est rium sui perficiendi imperii sui ipsius causa.* Habent actiones nostræ, quæ præcipue ærum nos pœnitent, momentum ad eas in posterum fugiendas, stimandum æque ac aliorum actiones pravæ in eventu tristi, quem sunt sit? fortitæ (§. 116. & 118.). Habent & rectæ actiones nostræ & aliorum in læto eventu, & in tranquillitate conscientiæ, saltem excusatione ejusdem, si quid inde præter votum accidit, quod nos confirmare in judicio de harum bonitate, nostraque obligatione illas præstandi potest. Quorum utrumque quo majori nititur ejusmodi casuum consensu, eo certius est, eoque plus valet ad imperium sui perficiendum.

Enimvero quia non de solis actionibus hic agitur, quæ imperii sui ipsius vel usum vel neglectum arguunt, sed potissimum de virtutibus, quas continere debet hoc genus virtutum erga sese (§. 103. seq.): in perficiendo hocce imperio præsertim scrutandæ sunt virtutes illæ erga se, quæ eidem vel jam insunt, vel nondum insunt, itaque desunt, nec non quo gradu gaudeant, quæ insunt, quo careant (§. 117.). Virtutibus enim, quæ insunt, utendum est, ad eas conservandas exercendasque, quoties occasio iisdem utendi occurrit; & si intendi gradus earum possit, ad eas ulterius excolendas ac ad sublimio-

res gradus evehendas (§. 117.). Virtutes autem, quæ defunt, inter defectus veros sunt reputandæ, ideoque necesse est, ut illi defectus ut primum tollantur, virtutesque deficientes suppleantur & adquirantur.

Æstimari autem habitus tum recti, h. e. virtutes, tum pravi, h. e. vitia, in nobis aliisque debent ex frequentia actionum inde pendentium, uti actionum bonarum ex virtutibus, pravarum ex vitiis oriundarum. Certum enim est, habitum esse promptitudinem studiumque agendi (§. 428. *Psychol. empir.*), & promptitudinem illam facilius sæpiusque se exferere in agendo, quam illius defectum. Non fierent autem illæ actiones frequentius, quam earum contrariæ, nisi animus esset pronior ad illas contrariis præferendas, quas itidem perpetrare posset. Quamobrem ex habitu nostro aliorumve has vel illas actiones contrariis præferendi judicari debet virtus aut vitium animi; illa scilicet si actiones frequentiores rectæ sint & bonæ; hoc autem si actiones frequentiores sunt pravæ & illicitæ. Item quo major est harum vel illarum actionum frequentia, & quo major contrariarum raritas, eo seu virtus seu vitium majoris gradus erit censendum.

Quoniam habitus studium agendi infert, & animi probium, facilitatem, ac voluptatis ex illa actione sensationem saltem opinionem: æstimari etiam virtus & vitium in nobis & aliis potest, ex lubentia, facilitateque agendi, & ex voluptate ex illis actionibus percepta. Malunt enim omnes id agere, quod ipsis facile, & jucundum videtur, & quod allubescit, quam difficile ipsis & molestum apparens, ac displicens & rædiosum. Quare & quo majori lubentia facilitate & jucunditate aliquid peragitur, eo major intensiorque illius habitus est censendus, sive sit legitimus sive illegitimus, sive virtutibus sive vitiis accensendus.

Dum civitati perficiendum est civium imperium sui, potissimum quidem agitur de virtutibus illis acquirendis excolendisque, quæ illud absolvunt. Quoniam tamen virtutes locum habere & perfici nequeunt, si illarum loco insint & imperent vitia & qui virtutem colere vult, fugere simul & odisse debet vitia illi contraria: & virtutum & vitiorum insignia pandenda sunt, ne quis facile in æstimo & iudicio suo aberraret ab eo, quod res est. In quo iudicio cum actionum & bonarum & malarum præcipua ratio habenda sit, per ea, quæ exposita sunt hoc §. manifestum est, sine theoria actionum bonarum malarumque, quam tradit Philosophia practica universalis, & sine Jure naturæ, quod specialem actionum liberarum moralitatem ob oculos ponit, præfertim sine scientia officiorum erga nos ipsos parum in hac discussione præstari posse. Quo quis autem in his est peritior expeditiorque, eo quoque plus valebit in hac æstimatione.

§. 120.

*Juvabit quoque studium perficiendi imperium sui comparatio cum Quid com-*  
*aliis provectioribus perfectioribusque in eodem, sive viventibus, sive vita paratio cum*  
*defunctis.* Qui enim provectiores perfectioresque sunt in im-perfectiori-  
perio sui, illi in eodem longius sunt progressi, & plura majora *bus hic va-*  
aut sublimiora præstitere, quam alii. Quo præclariora sunt *leat?*  
ea, quæ ejus dedere documenta, eo apertius docent, ad quan-  
tum fastigium adscendere virtus humana possit, & quomodo  
id sit tentandum efficiendumque (§. 116.). Ipsa gloria, quam  
adquisivere, qui in his excelluere, invitat alios ad premenda  
ipsum vestigia, qui facile vident, & ipsos fuisse homines,  
nec eo fuisse adspiraturos. nisi in excolendis virtutibus majore  
solito operam posuissent. Ipsa eorum gloria, felicitasque  
successus, & præstantia virtutis, si vel a gloria, pedissequa tan-  
tum, recedamus, addit stimulos ad æmulandam tantam virtu-  
tem, eamque si fieri possit suam faciendam (§. 286. P. II. Phil.  
pract. univ.).

Quo



Quo vero plura, quo majora, quo excelsiora in hujusmodi speculis civibus ob oculos ponuntur per eos, qui informare virtutes in civium animis publica autoritate jubentur: eo efficaciora erunt calcaria, quæ civibus, per se ad felicitatem suam propensis currentibusque, subjicientur (§. 116.). Conquirenda igitur sunt illustria & illustrissima quæque exempla & specimina istius sublimitatis naturalis undecunque haberi possunt, sive inter vivos, sive inter mortuos, sive inter nostræ, sive inter alterius civitatis lumina primi honoris omnis ævi. Comparandi cum illis sunt vulgares, in quibus plerique adquiescere solent, progressus, & ostendendum quanto plus majus & sublimius citra miraculum obtineri possit debeatque ab omnibus, quibus pares sunt vires & occasiones, pariaque incumbunt officia.

Ne circa comparisonem hæsitetur, quæ in antecedentibus explicata nondum est, eam dico relationem plurium ad se invicem, qua notas convenientes; vel collationem saltem duorum quoad determinationes internas, utrum paritas vel imparitas inter illas detur. Paritas convenientiam insectorum, ideoque æqualitatem & similitudinem potissimum spectat. Ob posteriorem assimilatio audit.

§. 121.

*Attenta si- mul ingenio- rum & tem- porum di- versitate.* Nec tamen prætermittenda est, in ista comparatione, ingeniorum & temporum diversitas. Non unius tantum generis est comparatio, sed alia æqualium, alia inæqualium, alia similibus, alia dissimilibus (§. 195. 211. 464. & 349. Ontol.). Quia hic de virtutibus sermo est, primario attendenda est in comparatione similitudo, & secundario graduum æqualitas (§. 120.). Ingeniorum cultura hic potissimum spectanda est, qua similitudinem aut dissimilitudinem in eadem obviam, quatenus ab ea pendent virtutes adquisitæ. Temporum autem diversitas hic non spectatur in se, sed

sed ratione status rerum, in primis culturæ mentis, in isto tempore. Jam in comparatione æqualium eadem esse debet ratio quantitatis, vel eadem quantitas. In comparatione similibus eadem requiritur ratio qualitatis, vel eadem qualitas, ut ab uno ad alterum recte argumentemur. Sed in comparatione inæqualium alterum est majus, alterum vero minus; unde in agentibus recte argumentamur a majori ad minus, in negantibus a minori ad majus; in comparatione dissimilium, qualitates unius plus continent, alterius minus, sive gradus qualitarum alterius est major, alterius minor. Vnde & major gradus complectitur minorem, ideoque in agentibus argumentari licet a majori ad minus; ubi vero minor gradus deficit, ibi multo magis deficit major, itaque in negantibus argumentatio a minori procedit ad majus.

Qua propter quidquid fieri potuit in cultura ingeniorum imperfectiori impeditiorique, id multo magis, facilius & melius fieri posse ac debere in cultura longe perfectiori expeditiorique, concludendum est. Quæ in sæculo multo rudiori & corruptiori fieri potuerunt, ea multo magis fieri possunt, vel ea pudeat non fieri in sæculo longe cultiori emendatiorique. Quæ in simili casu olim facta esse constat, ea iterum fieri eundemque eventum sortiri posse, cæteris paribus non est ambigendum. Quæ fieri nequeunt in multo clariori luce & fulgore veritatum, eadem olim in spissis tenebris ignorantiae & errorum facta esse vix credibile videtur, aut si facta sunt, summam ostenderent ingenii aciem excellentiamque.

Dum a quolibet facultatum naturalium & moralium atque externarum usus requiritur quam amplissimus, cavendum est, ne ea in re hallucinemur, existimantes, per nostras divinitus nobis concessas facultates hæc vel illa fieri non posse, quæ tamen fieri queunt ac debent. Hoc vero non rectius perspicui potest, (*Wolffii Politica P. III. S. I. C. II.*) quam

quam si indagemus, quænam sint nobis a Deo concessæ facultates; & dein exploremus nostræ sortis eorum facultates, qui omnium ore & scriptis celebrantur propter eximia, quæ præstiterunt, & quibus excellere suo loco & ævo, si antequam eas in tales usus transferrent, illos veros spectemus, & quomodo eas excoluerint, observemus, quid nobis incumbat, ut eos imitemur ac æmulemur, manifestum evadet. Videntur enim facile viribus majora esse, quæ non sunt, modo illis uti discamus & audeamus, uti par est, & uti aliorum exemplo ad id erigimur.

## §. 121.

*Comparatio  
illa aliorum  
ope perficien-  
da.*

*Ad perspicendum rectius, quantum sit in potestate, aliorum do-  
cere debet scrutinium ingeniorum, & comparatio eorum exactior, cum  
pristinis & recentioribus aliorum exemplis, ad convictionem de officio  
componenda.* Quia conferendæ sunt inter se nostræ aliorumque facultates, ut quorsum enitendum nobis sit exploratum habeamus (§. 120.); & alii acutiores esse solent & argi in aliorum defectibus perspicendis, quam in suis: duplici modo in usus nostros convertenda est curatior illa alienorum nævorum animadversio & reprehensio, quam propriorum. Primo scilicet quæ advertimus ab aliis melius fieri potuisse seu ad suam aliorumque felicitatem adipiscendam, stabiliendam, augendam, seu ad infelicitatem avertendam; ea nobis præcipue proponamus curæ cordique habenda. Præstat enim ex alieno casu sapere, quam sero ex proprio damno discere, quid rectius fieri potuisset debuissetque. Secundo in nostris quoque defectibus alii solent esse oculatiores nobismet ipsis, etiam hi, quibus facilius est usitatusque reprehendere, quam meliora patrare. Quare & hi nostræ emendationi augendæque virtuti inservient, si cum Appelle post tabulam latentes illorum vituperia nobis reddamus perspecta, ut quæ serio examine vera deprehendimus, ea corrigamus, illa tantum negligentes, quæ falsa esse non



non minus patet, acsi tutor ultra crepidam. Quo subsidio eo diligentibus utendum, si peritorum solidorumque virorum scrutinio ingeniorum sagaciori intelligamus, quantum sit in nostra potestate, si nobismet deesse nolimus, atque illi nos doceant exactiorem comparationem nostrarum alienarumque pristinorum aut recentiorum vel etiam nunc summa cum laude excultarum & florentium facultatum, & exemplis indubiis nos de ea, & de resultante hinc officio nostro, omnem amplissimumque earum usum faciendi convincant.

Quo faciliora sunt adjumenta nos perficiendi, quæ ab aliis peti possunt, eo plus illa enique prodesse possunt, & eo solictius sunt illa conquirenda & in nostros vertenda usus. Jam nihil est, ad quod homines sint plerumque procliviores, quam ad carpandos alios. Inde olim *Cicero L. I. de officiis c. 41.* Quo in genere non est incommodum, quale quidque sit, ex aliis judicare, ut si quid dedecet, vitemus id ipsi. Fit enim nescio quomodo, ut magis in aliis cernamus, quam in nobis ipsis, si quid delinquitur. Itaque facillime corriguntur in discendo, quorum vitia imitantur emendandi causa Magistri. Sic *Terentius in Adelphis III. 3.* ego meos inspicere, tanquam in speculum, in vitas omnium jubeo, atque ex aliis sumere exemplum sibi. Viva exempla aliorum in his efficaciora sunt cæteris, quorum veritas non æque patet. Attamen & historiæ hic est usus non postremus, quod *Livius in præfatione* præcipue salubre ac frugiferum vocat, omnis te exempli documenta in illustri posita monumento intueri, inde tibi tuæque reip. quod imitere capias, inde scdum inceptu, scdum exitu, quod vites. Felix quem faciunt aliena pericula cautum, & qui aliorum censura utitur ad sui emendationem.

## §. 122.

Imperio & notitiæ sui acquirendis perficiendisque inserviunt etiam Opus quoque libri morales & conciones sacræ si attente legantur. Etenim ad emendandum est libris le-

*rium sui inculcantibus.* dandam voluntatem, itaque & ad imperium sui consequendum, opus est solida convictione (§. 114.). Quæ acquirenda est partim in scholis superioribus, partim in concionibus sacris, vel aliis institutionibus doctorum Ecclesiæ (§. 115.). Sed illa præcepta moralia, quæ in scholis & ecclesiis viva voce docentur, possunt etiam in libris consignari & vel manu scribi, vel typis imprimi, ut legi possint, æque ac libri religionem & pietatem inculcantes (§. 87.). Quare cum uti omnium veritatum ita & virtutum discendarum & perficiendarum eadem sit ratio, cum non sufficiat ut actus externus vel edatur vel omitatur, sed oporteat, ut ex convictione animi homo actiones omittat, quia malæ sunt, & bonas committere ideo velit, quia certum habet, eas esse bonas & committendas (§. 227. P. II. *Ethic.*): etiam virtutum, ad voluntatis emendationem facientium, causa edendi erunt & attente legendi libri morales, sive sacras complectantur conciones ad notitiam & imperium sui comparatas, sive alio quocunque modo præcepta moralia & exempla tradant, quibus felicitas eorum, qui recte sibi imperarunt, infelicitasque eorum, qui se regere aut nesciverunt, aut noluerunt, ad vivum ante oculos veluti ponitur. Quo modo historiarum quoque lectionem frugiferam fieri posse, patuit ex (§. 121.) adnotatis.

Viva quidem exempla plus afficiunt sensus, & evidentiam sensibus obviam important, quæ multum valent ad convictionem rudium. Sed quando autor censetur fide dignus, qui narrat exempla suo ævo nota & viva, hæc sustinent vicem exemplorum propriæ experientiæ obviorem, in quibus quod animus convincit quoque non est, nisi quod ex iis, quæ in sensum incurrunt, certum & evidens animo occurrit. Enimvero si non sola exempla narrantur, ut fit in historiis, sed dogmata moralia simul dilucidantur, comprobantur, illustranturque exemplis, convictio animorum multum juvatur, ope distinctæ cognitionis, qua

qua intellectus simul collustratur, & confusio illa tollitur, quæ superesse solet in iis, quæ nudo sensu tantum percipiuntur. Quod in primis commodum est legentibus, quando eorum acumen juvatur ostendendo & eruendo id, quod in exemplis maximam attentionem meretur, & non per se in sensus incurrit, nisi occultæ rationes agentis recludantur quasi & ob oculos ponantur, ex iis, quæ aliunde nota esse debent, ut vis exempli recte intelligatur & animum convincat. Neque etiam omittenda sunt cætera argumenta, quæ exornare rem pro meritis, commendare, & animos flectere in virtutis amorem & vitiorum fugam solent.

## §. 123.

Comparari quoque ad imperium sui perficiendum possunt comædiæ *Ad imperium* & *tragædiæ recte institutæ*. Comædiæ enim & tragædiæ eun-sui perficiendum, quem exempla propriæ experientiæ, usum præbent, dum compa-  
 efficacitate subinde majori (§. 530. P. VIII. Jur. nat.). Vnde si *randæ sunt*  
 tales sint, quales esse debent, multum adjumenti afferunt, ad *Comediæ ac*  
 promovenda officia hominis, hoc est ad perficiendum regimen *tragædiæ*.  
 sui ipsius secundum veræ felicitatis normam, ideoque in rep.  
 non tolerandæ tantum, sed & accurandæ sunt ad hunc usum,  
 quem degentibus in civitate præbere possunt (§. 531. *ibid.*).  
 Si actores personam, quam induerunt, recte agunt, multa in  
 illis observari possunt, quæ verbis describi nequeunt in histo-  
 ria, & intra tam breve tempus ne in vera quidem rerum ge-  
 starum serie, ita colligata in sensus incurrere possunt. Taceo  
 quod multa elimatius & melius ab ipsis dici & fieri possunt,  
 quam in veris historiis fieri solent: quia autor comædiarum  
 & tragædiarum in veris, quas sequitur, historiis illa mutare  
 & emendare potest, meditata, quæ subito ita deliberari non  
 potuere, ut perfectius imperium sui eluceat ex actoribus, quam  
 ex illis emicuit, quarum agunt personas. Apparet igitur  
 recte institutas comædias tragædiasque comparari utique posse



ad id, ut spectatores viva imperii sui ipsius exempla intueri possint, cum emolumentis inde oriundis, & ut nocumenta defectus ejusdem in casibus, ubi facilis esse solet illius neglectus, itidem oculis suis cernant, & ea vitare studiosius discant.

Non negaverim, comœdias atque tragœdias adhiberi quodque posse, & adhibitas olim esse ad providentiam divinam ejusque gubernationem humanarum rerum ob oculos ponendam, ubi ad solvendum nodum perplexum Deus ex machina prodire in scenam jubebatur. Quo pacto hæc in theatra in quasdam veluti scholas pietatis paganæ adhibebantur. Sed erant illa fovendæ superstitioni & idololatriæ propiora, quam veræ religioni, quæ ita ex machinis advocari poterant. Licet ergo hæc quanto fieri potest studio emendarentur, ut veræ religioni propiora evaderent saltem naturali; satius tamen ducō, istiusmodi numinis ex machina progressionis simulachra omitti, & quod divinum ibi se exferit, verbis potius & argumentis, quam machina ludicra & homine, Deum effingente, exhiberi. Rectius ista, quæ ad pietatem & religionem pertinent, suis reservantur locis. Sed ad hominum actiones erga se & alios instruendas ad honestatem & decus, itaque simul ad imperium sui inculcandum, comœdias ac tragœdias comparari & sapienter adhiberi posse & debere præsertim in illis, quæ sacrae concionis gravitati non respondent, controversia caret. Quare si recte instituantur, hæc eas esse comparandas, ne sumtus in illas faciendi pendantur, non eget ulteriori explanatione aut comprobatione.

## §. 124.

*Quamdiu*

*publice procuranda sit præparatio ad emendam voluntatem.*

Quia homo ad voluntatis emendationem præparatur, imitatione bene agentium, dependentia ab autoritate proborum in-agendo, cæca obedientia erga eosdem, consuetudine cum bonis, & quovis actu alio, quo tantum efficitur, ne ipsi virtutis studium evadat molestum (§. 224 P. II. Ethic.): ob necessitatem præparationis ad emendationem voluntatis (§. 247. & 249. Oeconom.), *quamdiu homines recto intellectus usu nondum vera bona*

bona & mala discernere valent, dictis modis ad emendationem voluntatis & regimen sui ab aliis preparandi erunt. Quia recto intellectus usu nondum gaudent impuberes & minores, horum voluntas jubente, obligante & adjuvante magistratu, adjuvantibus cæteris civibus, quantum possunt, ad emendationem erit præparanda ab iis, quibus id officium seu naturaliter incumbit, seu in civitate est injunctum. At quando præter hos ætatis causa impares ad se ipsos regendos, tales quoque occurrunt, qui propter alios defectus se ipsos regere nesciunt, utpote furiosi, mente capti, imbecillitate judicii laborantes, prodigi, furdi, muti morboque gravi perpetuo affecti (§. 842. P. VII. Jur. nat.), his quoque a civitate curatores sunt constituendi, qui non raro per omnem vitam ipsorum præsent ipsorum actionibus regendis & bonis administrandis (§. 895. seqq. *ibid.*), quibus curatoribus ipse magistratus, ut curator honorarius, imperat (§. 899. *ibid.*). Patet ergo, illorum, qui quacunque de causa se ipsos regere nesciunt, vel per omnem vitam, preparationem ad emendationem voluntatis supra dictam non absolvi posse, donec impotes manent.

In civitate omnium, qui in illa degunt, ratio est habenda, ut eorum prosperitati consulatur, quantum fieri potest. Sed occurrunt inter multos homines non pauci, qui se ipsos regere nesciunt, alii propter ætatis immaturitatem, alii propter impotentiam vel potius impedimentum animi functionum in virili & ulteriori ætate. Hos igitur regere alii debent, donec se ipsos regere possint, vel quamdiu imperio sui impares manent. Quod ut fiat quam optime, naturalis lex obligat parentes, cognatos, affines, amicos, cives, civitas naturalem obligationem corroborare suisque præfidiis augere debet. Hinc publica autoritate firmanda est parentela, tutela & curatura, & adjuvanda quoque a reliquis, ne in officio suo turbetur, neu impediatur. Hæc ergo præfidia & adjumenta statui civili sunt in acceptis referenda.

## §. 125.

*Imperium sui  
requirit regi-  
men affe-  
ctuum.*

*Imperium sui involvit regimen affectuum suorum.* Imperium sui ipsius enim continet exercitium virtutum erga se ipsum (§. 23.) & strictius virtutum erga animum & voluntatem suam (§. 124.). Ideoque infert habitum regendi suas actiones erga se secundum leges naturales, & ad suam aliorumque felicitatem (*ibid.*). Enim vero affectus malum appetunt ob speciem boni, & bonum averſantur ob speciem mali, confuſe opinati (§. 896. *Psychol. empir.*) & idcirco actionibus ad leges divinas conformandis reluctantur. Regimen vero affectuum continet illas intellectus operationes, quibus cavetur, ne affectus falsa opinione concitentur, aut si ea concitati fuerint ea eximatur (§. 528. *P. II. Ethic.*). Quod cum fiat per curam regendi suas actiones cupiditatesque secundum leges divinas: manifestum est, imperium sui ipsius continere & requirere regimen affectuum suorum. Cum vero regimen affectuum complectatur directionem eorum ad verum bonum obtinendum, & depellendum verum malum, atque studium domandi affectus, ne eorum impetu abrepti ruamus in mala, & jacturam faciamus bonorum, quæ vel habemus, vel consequi valemus (§. 528. *ibid.*): *imperium sui præſſe debet vero affectuum usui, & cavere solícite eorundem abusum.*

Licet regimen affectuum actus intellectus requirat, ad illos compescendum & virtuti submittendum necessarios, hoc tamen non obstat, quo minus & habitus regendi affectus detur, eodemque nomine insigniatur. Sic quoque imperium sui, pro habitu acceptum, complectetur simul regimen affectuum, itidem ad habitum evectum. Duplex secundum *Ciceronem offic. l. c. 29.* est vis animorum; una pari in appetitu posita est, quæ hominem huc & illuc rapit; altera in ratione, quæ docet & explanat, quid faciendum fugiendumque sit. Itá fit, ut ratio præſit, appetitus vero obtemperet. Efficiendum autem est, ut appetitus  
ratio.



rationi obediant, eamque neque præcurrant, nec propter pigritiam aut ignoviam deferant, sintque tranquilli. . . Ex quo elucebit omnis constantia, omnisque moderatio animi. Nam qui appetitus longius evagantur, & tanquam exsultantes sive cupiendo sive fugiendo, non satis a ratione retinentur, hi sine dubio finem & modum transeunt. . . Nec parent rationi, cui sunt subiecti lege naturæ. . . Appetitus ergo sunt contrahendi sedandique, excitanda autem animadversio & diligentia, ne quid temere negligenterque agamus.

## §. 126.

Quatenus imperium sui notat actiones secundum leges divinas in- Imperium sui  
stitutas instituendasque, eatenus est officium erga nosmet ipsos; quatenus & regimen  
vero habitum sibi imperandi designat, in virtutum numero est ponend- affectuum  
dum. Utrumque cadit quoque in regimen affectuum Quatenus nimirum modo offici-  
imperium sui continet actiones legi divinæ confirmandas, ea-um notat  
renus ad illas obligamur (§. 276. *sq.* P. I. *Phil. pract. univ.*); sed modo virtut-  
actiones ad quas juxta legem determinandas obligamur, vel tem.  
actiones debitoræ per leges, sunt officia (§. 324 *ibid.*). Est igitur  
imperium sui eatenus officium. Sed cum nobis debeamus  
has actiones, quibus regimus nos ipsos, & officia, quæ homo  
sibi ipsi debet, appellantur officia erga se ipsum (§. 226. *ibid.*):  
imperare sibi ipsi est officium erga se ipsum.

Quatenus vero imperium sui innuit & infert simul habitum sibi imperium, & habitus actiones suas dirigendi secundum leges divinas virtus est (§. 321. *ibid.*), eatenus imperium sui virtutem esse, & quidem erga nos metipsos, in aprico est. Sic cum usus affectuum non tendat nisi ad verum bonum obtinendum, depellendumque verum malum (§. 517. P. II. *Ethic.*); abusus vero ad actiones malas committendas, & bonas omitendas vel impediendas (§. 520. *ibid.*); cum naturaliter obligemur ad faciendum affectuum usum, & vitandum eorum ab-  
(Wolffii *Politica* P. III. S. I. C. II.) T usum

usum (§. 523. seq. *ibid.*): apparet, ad regimen affectuum nos obligari, ideoque illud esse in officio nostro. Quatenus vero regimen illud magis magisque perficitur, itaque jam altius adspiravit & in habitum affectus regendi adolevit, cum is habitus sit legi divinæ conformis (§. 530. *ibid.*): statui aliter nequit, quam eatenus regimen affectuum, quod subest imperio sui ipsius (§. 125.), esse virtutem erga nosmet ipsos.

Mirum videri non debet, his virtutibus nomen proprium non esse tributum: idem enim in multis aliis usu venit, ut memoriæ consulentes antiqui unum idemque nomen ad varias res adhibuerint, inter se ita connexas, ut facile cogitationes ex una in alteram flectantur. Neque omnia satis discreverunt, præsertim in virtutum genere, ideoque paucis nominibus multa dici posse, in laude posuere. Observatur talis defectus si usquam in virtutibus erga se ipsum, quas forte cuique per se notas & caras existimarunt ideoque parum attigerunt excusseruntve. Nostrates vocant imperium sui simili ambiguitate die *Gebietung über sich selbst*; & regimen affectuum die *Zähmung seiner Lüste und Begierde*. Neque græci verborum copia abundantes hac in re feliciores fuere. *ἐαυτοῦ ἡγεμονία* Terentius commentus est, sed *ἐαυτοῦ ἡγεμονία* non reperitur, neque simile aliud, cum uti *αὐτοδιδάκτος* dicitur, ita & autocrator & *αὐτοκρατορία* simili sensu dici potuisset, vel *αὐτεξουσία*. Quæ cuncta ut & *αὐτονομία* alio sensu dicuntur.

## §. 127.

*Regimen affectuum ope aliorum persciendum.*

Quoniam imperium sui involvit regimen affectuum (§. 125.), affectus aurem & concitari possunt & domari vel sedari ex parte per sensus & imaginationem, aliosve affectus consentaneos aut repugnantes (v. *Ethic. P. II. cap. 2.*): patescit imperium sui coërcere affectus quadamtenus posse sapienti usu confusæ cognitionis sensuum & imaginationis, itemque affectuum, secundum regulas l. c. traditas. Qua propter cum & alii alio-

rum affectus excitare, & sedare atque reprimere rationibus possint, uti *ibidem* ostenditur: obscurum esse nequit, magistratum pariter ac alios v. c. oratores, concionatores, aliosque cives non parum conferre posse ad affectus aliorum regendos, atque ad illud regimen obtinendum perficiendumque (§. 121.).

Referri huc multa possunt ex citato capite tertio Ethicæ, quatenus præcepta vel jam in se includunt aliorum opem & operam, vel transferri facile ad illam possunt, eo quod homines plerique sunt empirici & aliorum sequi solent persuasiones & exemplum. Cum improbis versantes sensim contrahunt ipsorum institutionibus, admonitionibus, precibus, adhortationibus, instigationibus, illecebris, persuasionibus, sollicitationibus, blanditiis & comminationibus, opprobriis, convitiis cæterisque similibus modis ad ipsorum mores traducuntur. Quare etiam ad bonos mores aliorum jussu, verito, hortatu, dehortatu, exhortatu, oratu, allicitu, sollicitatu, instigatu, consuetudine, spe præmiorum & bonorum quorumque, honorum, dignitatum, metu pœnarum & malorumque quorumcunque multum conferri potest, saltem ad actiones externas corrigendas, unde postea ad internas itidem emendandas aditus patet. Huc enim exempla aliorum, præcepta, studium convincendi animos de bonis veris & apparentibus, ope criteriorum indubiorum discernendis, ne vana specie, qua affectus capiuntur, decipiantur.

## §. 128.

Quia affectus in se spectati boni sunt, & demum per Quomodo  
abusum mali evadunt (§. 527. P. II. Ethic.), & ad usum eorum imperium sui  
naturaliter obligamur (§. 523. *ibid.*) æque ac ad abusum eorum sublimius,  
vitandum (§. 524. *ibid.*); sed usus eorum requirit, ut vera bona evadat.  
& mala ab apparentibus accurate discernamus, eosque concitemus, quando circa verum bonum aut malum occupamur, tum vero sedemus, quando in bonum vel malum apparens feruntur (§. 518. *ibid.*); requirit etiam, ut in illis concitandis



vel sedandis genesin eorum, & quomodo unus ab altero vel dependeat vel inhibeat & extinguatur (§. 535. seq. *ibid.*): opus est, ut ad bonas actiones promptius fortiusque appetendas, malas itidem aversandas intellectu solide exculso cum nostro tum aliorum, quorum possumus, duce utamur, atque sic ex regimine affectuum ingens ad culturam virtutum & vitiorum fugam adjumentum nanciscamur (§. 525. seq. *ibid.*). Quare cum vera bona & mala non solum distincte sed & confuse ope sensuum & experientiae cognosci possint, & connubium rationis & experientiae perutile sit (§. 1232. *Logic.*), praesertim in moralibus, ubi domestica experientia & exempla aliorum multum faciunt ad cognitionem vivam promptiorem fortiori praeftandam (§. 263 - 273. P. II. *Phil. pract. univ.*): intellectus regimine affectuum praestantiores emulando, imperium sui ad sublimiorem gradum perducere, & consensum sensitivi ac rationalis appetitus constantem comparare debet.

Regimen affectuum obtinere nequit, nisi ubi diriguntur in vera bona appetenda, & vera mala detestanda (§. 531. P. II. *Ethic.*). Jam vera bona sunt distincte cognoscenda, aequae ac vera mala, & ea cognitio ope demonstrationum omni dubio major efficienda. Haec si sit principium determinandi liberas actiones, accedere dein ad illam possunt, & debent quoque cetera argumenta, quae experientia & imaginatio nostra & aliorum subministrat, quae eo fortius animum stringunt, & eo majori ardore accendunt. Quia haec cognitio experientiae confusa est, illa affectum parit, quod & quadamtenus in distinctam referri potest, quatenus illa memoriae & imaginationi non amplius satis distincte obversatur. Priorum enim demonstrationum recordatio praesertim in celeritate cogitationum parum distinctionis habere solet.

## §. 129.

Imperium sui

Imperium sui requirit dominium in facultates animi inferiores, includit do- b. e. sensus, imaginationem & appetitiones aversationesque sensitivas.

Nem.

Nempe imperium sui requirit regimen affectuum suorum (§. minium in 125.). Sed affectus oriuntur ex suggestionibus sensuum & facultates imaginationis, nec sunt nisi vehementiores appetitionum aver- inferiores. sationumque sensitivarum impetus (§. 603. & 605. *Psychol. empir.*). Quare cum hos regere non sit, nisi ope intellectus cavere, ne falsa boni malique opinione aberrant a legibus divinis (§. 528. *P. II. Ethic.*): manifestum est, imperium sui impedire & cavere debere, ne sensuum & phantasie ludibriis h. e. falsis notionibus opinionibusque obortus appetendi & aver- sandi imperus a legibus divinis recedat, & rationis dictamini adversetur. Sed dominium in sensus, imaginationem & imperus sensitivos affectusque, non est nisi jus pro arbitrio statuendi de his facultatibus, earumque usu & fructu (§. 959. *P. I. Theol. nat.*), ideoque infert vim resistendi sensui, imaginationi, & affectibus, ne prævaleant adversus rationem (§. 554. *P. II. Phil. pract. univ.*). Includit ergo imperium sui dominium in sensus, imaginationem appetitionesque & averfationes ex illis oriundas, seu generatim in facultates animi inferiores.

Idem & inde patescit, quia intellectus regendo affectus consensum appetitus sensitivi & rationalis constantem efficere debet (§. 128), seu appetitum sensitivum perficere ac perdere debet ad consensum cum rationali seu voluntate (§. 529. & 532. *seq. P. II. Ethic.*). Sed is consensus haberi nequit, nisi resistatur pravitati errorique inferiorum animi facultatum, in confusione sua facile aberrantium, hoc est, nisi dominium in facultates inferiores adquiratur & exercéatur indefesse. Includit ergo imperium sui, liberas actiones & virtutes erga se legibus divinis conformans (§. 104.) dominium sui modo dictum.

Facultates inferiores animi humani sunt ipsi cum animantibus rationis expertibus communes, & per se distinctam cognitionem præstare nequeunt, quæ humanæ menti, vel animi facultatibus

superioribus debetur. Inde quia imperium est jus determinandi liberas alterius actiones pro lubitu (§. 194. P. VII. Jur. nat.), ubi nullæ sunt liberæ actiones, ibi etiam nullum dari potest imperium. Sed in bestiis nullæ dantur actiones liberæ (§. 763. Psychol. rat.): ideo bestiis non imperamus, sed dominamur. Pariter inferiores animi nostri facultates non sunt liberæ in agendo, sed ad summum sponte agunt, in illas dominium mentis non abs re tribuitur. Quare cum imperium sui mentis sit peculium in virtutibus erga se conspicuum, illud utique includit & dominium in facultates animæ nostræ inferiores, seu dominium sui die Herrschaft über sich selbst & regimen affectuum, quia regere anima & corpus suum dicitur, quod ut corpus ne quidem sponte agit quidquam.

## §. 130.

*Sibi imperans est dominus sui ipsius.*

Quia dominus sui ipsius est, qui sensibus, imaginationi & affectibus resistere valet, ne prævaleant adversus rationem, eorumque usum rationi convenienter determinat (§. 555. P. II. Phil. pract. univ.): dominus sui ipsius solícite cavet ne in determinandis actionibus suis a lege naturali recedat (§. 556. *ibid.*). Jam imperium sui includit dominium in facultates animi inferiores (§. 129). Proinde *quisquis sibi imperare didicit, is simul est dominus sui ipsius, & solícite cavet, ne in liberis actionibus suis vel per facultates animi inferiores, vel per alios, in civitate secum degeneret, a legibus divinis abducatur & recedat, eaque in re cum aliis de principatu contendit (§. 128.).*

## §. 131.

*Imperans sibi vere liber est in civitate.*

Dum usus libertatis continetur in determinatione voluntatis ad actiones legi naturæ conformes, abusus vero illi contrarias sequitur (§. 557. P. II. Phil. pract. univ.) & vere liber est, quisquis libertate sua recte utitur, ab abusu vero illius abhorret (§. 558. *ibid.*): patet, *sibi imperantem sua libertate uti, non vero abuti, ideoque a licentia vivendi abhorrere (§. 560. *ibid.*) vere liberum esse*



esse, siue aliis imperet, siue subiectus sit, uti & dominus sui ipsius vere liber est, servus autem inferiorum animi facultatum, & mancipium affectuum suorum, alienorumve, liber esse nequit (§. 559. *ibid.*).

## §. 132.

Qui imperare sibi didicit, is vincit in dissensu facultatum inferiorum suggestiones, vincit quoque dubia non sine veri bonique specie vir-rans vincit tuti adversantia, vincit & alios virtutum ocores cum earum amicis se se, sua dubia consociando. In dissensu enim facultatum inferiorum & super- & aliorum riorum pugnant inferiores contra superiores, & hæ adversus corruptio- illas. In pugna autem qui prævalet adversus alterum, is eum nem. vincit (§. 562. P. II. Phil. præct. univ.). Sed imperium sui includit simul dominium in facultates animi inferiores (§. 129.). Ergo quisquis sibi imperare didicit, is simul dominatur facultatibus suis inferioribus, ideoque non potest non in dissensu earum illarum suggestiones instinctusque rationi adversos vincere. Quia suas vincens inferiores facultates ope superiorum vincere se ipsum dicitur, vinci autem perhibetur, cujus facultates inferiores vincunt superiores (§. 562. P. II. Phil. præct. univ.): patet sibi imperantem vincere se ipsum, neque pati se vinci, æque ac dominus sui ipsius se ipsum vincit, & contra (§. 563. *ibid.*), eoque ipso comprobatur dominium in sensus, imaginationem & affectus (§. 564. *ibid.*), & impediri nequit, quo minus data agendi occasione propositi sui memor, legis naturæ simul recorderetur, ad quam exigenda actio, eandemque ad actionem rite applicet (§. 566. *ibid.*).

Sed uti inferiores animi facultates confusis perceptionibus reluctantur distinctis cogitatis: ita quoque inter distinctas cogitationes dantur, aliquid confusi admixtum habentes. quæ difficultates faceffunt, & dubia movent, speciem veri ac boni mentientia ac omnino e medio tollenda, ne animus vel errando vel

vel dubitando ab officio suo & lege divina recedat (§ 446. *seqq. P. I. Phil. pract. univ.*). Quamobrem qui imperare sibi didicit, solidiori veritatis excussione indiget, ad tollenda dubia speciosa (§ 459. *seq. ibid.*), ut convictio de veritate prævaleat. Vincit ergo quoque in dissensu difficultates absterrentes, & dubia, non sine specie bona virtuti repugnantia, quæ undecunque incident in mentem.

Quoniam in magna hominum multitudine haud pauciantur, qui vitiis dediti & virtutum sunt osores, quorum ea solet esse indoles, ut omnes alios vellent esse sui simillimos, ideoque secum non facientes variis illecebris, fraudibus quoque & injuriis corrumpere nituntur aut infestare: adversus hos videm pugnandum strenue sibi imperaturo, ne ab illis vincatur, sed ut potius eos constanter vincat. Qua in re & exemplo victorum illiusmodi adversariorum, & auxilio proborum & superiorum, quibus præsidia virtutum & impedimenta atque flagella vitiorum publica & injuriarum supplicia sunt demandata, utendum & in hos quoque usus, ut par est, colligatio civilis vertenda erit (§ 186. *P. I. Polit.*).

Vbi pugnandum est, ibi victoria solet esse id, cujus gratia certatur. Quotquot sano gaudent fincipite, rationis agnoscunt præcellentiam præ facultate sensitiva; solidæ veritatis præstantiam præ vagis opinionibus & dubitationum fluctibus; & virtutis amicorum præ vitiorum mancipiis tubisque. Studendum ergo cuique, studendum & civitati esset, uti in vanis hominum placitis fieri assolet, ut victoria rationis in cæcos & perversos animales impetus, soliditatis in perplexum dubiorum chaos, & virtutum ardor in summo pretio apud omnes haberetur, contrariisque studiis longissime anteponeretur, nec quidquam turpius duceretur, quam ab iisdem vinci & in servitutem abduci.

## §. 133.

*Modus imperium sui consequendi non differt a modo adipiscendi* *Modus im-*  
*dominium sui ipsius & seipsum vincendi.* Adepturus enim domini- *perium sui*  
 um sui ipsius, indiget in se excitando stabiliendoque ardore le- *obtinendi*  
 gem naturæ servandi, eamque non transgrediendi; non vul- *qualis sit?*  
 gari mentis acie perspicendi in dato quolibet casu actionis cu-  
 juscunque nexum cum fine supremo; distincta actionis, cujus  
 patrandæ occasio offertur, notione; promte adhibenda, &  
 conservanda mentis attentione inter vehementiores quoque  
 sensuum agitationes, quamdiu opus est; habitu actionem pa-  
 trandam ad rigorosum examen revocandi, nec decernendi eam;  
 antequam ejus cum lege naturali convenientia habeatur explo-  
 rata (§. 568. P. II. Phil. pract. univ.). Sibi vero imperaturus, in  
 oborto dissensu vincit se ipsum, vincit dubia sibi subnata, vin-  
 cit & alios virtutum otores cum earum amicis se consociando  
 (§. 132). Dum imperium sui est habitus conformandi actio-  
 nes erga se ipsum, in primis erga voluntatem, legibus divinis  
 (§. 103. seq.); dum requirit notitiam sui exactiorem (§. 105.),  
 & convictionem de modo felicitatem non nisi virrutibus obti-  
 nendi (§. 106.); dum involvit regimen affectuum (§. 125.) &  
 dominium sui ipsius (§. 129. seq.): apparet luculenter, modum  
 consequendi imperii sui ipsius convenire cum modo adipiscen-  
 di dominium in facultates animi inferiores, & vincendi se  
 ipsum, suæque dubia & aliorum sufflaminia & irritamenta &  
 generatim obstacula actionum rectarum.

## §. 134.

Quemadmodum dominium sui ipsius gradibus a se invi- *Imperium sui*  
 cem differt, nec perfectum est, nisi fuerit plenum & univer- *quodnam*  
 sale (§. 571. P. II. Phil. pract. univ.): ita quoque imperium sui *perfectum &*  
 ipsius præstantiores in eo æmulando ad sublimiorem gradum *imperfectum.*  
 evehitur (§. 128.), & universale est, quando ad quodvis actio-



num liberarum, internarum & externarum, genus porrigitur (§. 569. P. II. *Phil. pract. univ.*); plenum est, quando in qualibet actione convenientiam cum lege omni ex parte, aut quanta in hominem cadit, procurat (§. 570. *ibid.*). Quare & imperium sui perfectum non erit, nisi qua materiam omnes regat liberas actiones, & qua formam omnem cuique conciliet gradum convenientiæ cum lege divina, qui vires humanas non excedit. Ex adverso imperfectum erit imperium sui, quando vel ratione materiæ quibusdam tantum actionum liberarum generibus, vel ratione formæ tantum nonnullo convenientiæ actionis cum lege divina gradui studet; ideoque imperfectum vel minus plenum erit, vel particulare tantum, vel utrumque. In singulis hisce perfectionis & defectuum illius generibus varietates graduum dabuntur copiosæ. Idem quoque diversitate graduum regiminis affectuum, & in iisdem hominibus diverso tempore, & eodem tempore in diversis personis illustrari potest, si illud & in se, uti in *Ethica* P. II. & in civitate, secundum ea, quæ ibi nasci ipsi possunt, adjumenta & impedimenta, consideretur.

## §. 135.

*Criteria perfecti imperii sui ipsius.*

*Vbi perfectum habetur imperium sui, ibi & perfectum est dominium sui ipsius, & regimen affectuum perfectum; ibi non amplius relictatur inferior superiori sed eidem ex assse paret; ibi consensus datur perfectus inter facultates appetitivesque & aversationes inferiores & superiores (seu animales & humanas). Etenim id imperium sui est universale & plenum (§. 134.) ideoque ad quodvis actionum genus extenditur, & in qualibet actione, omnem, quæ haberi potest, cum lege convenientiam infert (und). Sed imperium sui includit dominium sui ipsius (§. 129): id circo perfectum imperium sui includat oportet perfectam sui ipsius dominium. Sic quia imperium sui involvit simul regimen affectuum suorum (§. 125.), perfecto sui imperio subesse quoque & inesse debet affectuum regimen perfectum.*

Vbi

Vbi ratio imperium sui exercet, ibi vincit facultatum inferiorum sensu, visa & conamina, immo dubia quæque intellectus, etiamsi non sine veri & boni specie virtuti vel legibus divinis adversentur (§. 132.). Oportet ergo, ut illa actionum rectarum obstacula cedant, facultatesque inferiores superioribus serviant pareantque, dum modus imperium sui consequendi non differt a modo nanciscendi dominium sui ipsius, & se ipsum vincendi (§. 133) Quare perfecto sui ipsius imperio protinus ex asse obsequatur oportet, quidquid obstaculum rectarum actionum dici meretur, ideoque inferiores mentis facultates non amplius rationi reluctentur sed sponte cedant pareantque ex asse, itaque perfecta adsit victoria sui ipsius.

Si non amplius refragantur appetitus sensitivi rationali, si sponte rationi & voluntati rectæ cedunt, perinde se res habebit, ac si tum nulla adesset aut adfuisset lucta dissensioque. Si nulla restat dissensio, consensus adsit necesse est inter omnes mentis facultates. Qui consensus cum perfectionis sit argumentum (§. 503. *Ontol.*): manifestum est, perfectum imperium sui continere quoque perfectum consensum inter facultates actionesque mentis quascunque.

Quando hostis est victus, & perfecta ab ipso reportata est victoria, tum resistere amplius nec poterit, nec audebit, sed victori se ita submittit, ut omnibus ejus imperatis obsequatur. Pari ratione animus quoque inferioribus facultatibus dissentiens a superioribus non nisi recta & vera probantibus, illis penitus victis uretur ut sponte parentibus servis, ad nutum rationis intentis promptisque. Vnde nec audebunt amplius reluctari, sed ad imperata facienda adsuescent, habitum obtemperandi induentes. Opus est his criteriis, quando dijudicandum est, quis perfecto sui imperio gaudeat, & quis eidem propior sit, vel ab illo remotius absit.

## §. 136.

Criteria im-  
perfecti in se  
ipsum im-  
perii.

Vbi perfectum imperium sui non est, ibi illud erit duntaxat im-  
perfectum; quare & dominium sui & regimen affectuum non erit nisi  
imperfectum; ibi inferiores facultates relinquantur superioribus & pre-  
valebunt haud raro, aut impediunt alterius actiones; saltem frequen-  
ter aderit dissensus & pugna appetitionum & aversionum animalium ra-  
tionaliumque. Patent hæc luculenter ex eo, quia fieri nequit,  
ut idem simul sit & non sit (§. 28. Ontol.), & quia contrariorum  
contraria est natura, dum simul inesse nequeunt (§. 272. ibid.).  
Inde quoque criteria perfecti imperii in se ipsam (§. 135). ne-  
queunt esse notæ imperfecti tantum imperii, sed hæc illis de-  
bent e diametro adversari.

## §. 137.

Quid sit ani-  
mi tranquil-  
litas?

Tranquillitas animi plerumque vocatur vacuitas a molestis  
curis cogitationibusque, seu ab internis veris tædiis eorumque  
metu: uti tranquillitas civitatis est vacuitas a metu injuriarum  
(§ 11. P. VIII. Jur. nat.). Tædia interna dicuntur, quæ ani-  
mus creat sibi ipse. Si tædia illa tantum apparentia sunt,  
hæc obstare animo non poterunt, quo minus sua gaudeat tran-  
quillitate. Vti voluptas vera non oritur nisi ex vera perfectio-  
ne & constans est (§ 514. seq. Psychol. n.p.): ita quoque tædi-  
um verum non oritur nisi ex vero defectu, estque eisdem con-  
stans (§ 520. ibid.). Posset ideo quoque animi tranquillitas  
dici immunitas a tædiis constantibus. Præter quam immuni-  
tatem ab agentibus molestis ægritudinibusque infert etiam  
tranquillitas animi statum voluptatis constantis seu possessio-  
nem fruitionemque veræ voluptatis. Solet ea quoque appel-  
lari quies animi (die Gemüths-Ruhe), item animus quietus vel  
tranquillus.



Dudum Cicero L. I. de Offic. c. 20. vacandum, inquit, est omni animi perturbatione . . . ut tranquillitas & securitas adsit, quæ affert cum constantiam tum dignitatem. *cat. Capite sequenti:* capeissentibus remp. nihilominus, quam philosophis, haud scio an magis etiam, magnificentia & despicientia adhibenda est rerum humanarum, quam sæpe dico, & tranquillitas animi atque securitas, si quidem nec anxii futuri sunt & cum gravitate constantiaque victuri . . . Quo magis remp. gerentibus & magnitudo animi est adhibenda & vacuitas ab angoribus. Sic & *Tusc. Quest. L. III. c. 5.* ex Pythagoræ & Platonis descriptione animo duas tribuit partes, alteram rationis participem, alteram experientem, & in rationis partice ponit tranquillitatem, id est placidam quietamque constantiam, in altera motus turbidos tum iræ, tum cupiditatis, contrarios inimicosque rationis. Addam tantum pauca ex libro *Seneca de tranquillitate animi*, e quo plura haurire cuique licet. Is *capite 1.* ametur, inquit, expers publicæ privatæque curæ tranquillitas. *Cap. 2.* pergit, quod desideras magnum summumque est deoque vicinum non concuti. Hanc stabilem animi sedem Græci *εὐδαιμονίαν* vocant, de qua *Democriti* volumen egregium est. Ego tranquillitatem voco. Ergo quærimus, quomodo animus semper æqualis secundoque cursu eat, propitiusque sibi sit, & sua letus adspiciat, & hoc gaudium non interrumpat sed placido statu maneat, nec attollens se unquam, nec deprimens. Id tranquillitas erit. His subiungo, non male comparari statum mentis quietum cum serenitate cæli & sedito pacatoque maris vel reip. statu. Conf. *Sarrasæ ars semper gaudendi*, item *Hoffmann* aliique von der Zufriedenheit.

## §. 138.

*Ab imperio sui proficisci ut tranquillitas animi.* Imperium sui *Imperium sui* enim notat habitum dirigendi actiones erga se ipsum secundum leges divinas (§. 103.), & strictius complectitur virtutes morales erga animum suum (§. 576), idque simul involvit regimen cupiditatum suarum (§. 125.), & dominium sui ipsius

U 3 (§. 129.).

(§. 129.). Enimvero sic sibi imperans liber est a metu veri tædii & versatur in statu fruitioneque voluptatis veræ, ideoque gaudet animi tranquillitate (§. 137.). Itaque ab imperio sui dependere & oriri animi tranquillitatem planum est.

Sic sentit *Seneca de Tranquill. an. c. 2.* denegans illam his, qui sibi imperare non didicerunt: Tum illos & pœnitentia cæpti tenet, & incipiendi timor, subrepique illa jactatio animi, non inventientis exitum, quia nec cupiditatibus suis imperare, nec obsequi possunt; & cunctatio vitæ, parum se explicantis, & inter destituta vota torpentis animi situs. Quæ omnia graviora evadunt, ubi odio infelicitatis operosæ ad otia profugerunt . . . quæ pati non potest animus . . . natura inquietus, parum scilicet in se solatiorum habens, ideoque detractis oblectationibus, quas ipsæ occupationes discurrentibus præbent, domum, solitudinem, parietes non fert, invitus adspicit se sibi relictus. Hinc illud tædium & displicentia sui, & nusquam residentis animi volutatio, & otii sui tristis atque ægra patientia. Vtique ubi causas fateri pudet, tormenta introrsus egit verecundia; in angusto conclusæ cupiditates sine exitu, se ipsæ strangulant. Inde mœror marcorque & mille fluctus mentis incertæ, quam in chorda habent suspensam, deplorata tristem. Inde ille affectus otium suum detestantium, querentiumque, nihil ipsos habere quod agant, & alienis incrementis inimicissima invidia. Alit enim livorem infelix inertia, & omnes destrui cupiunt, quia se non potuerunt provehere. Ex hac deinde averfatione alienorum processum & suorum desperatione obirascens fortunæ animus & de sæculo querens, & in angulos se retrahens, & pœnæ incubans suæ, dum tædet sui pigetque,, En tibi plura tranquillitatis animi acquisitæ aut deficientis, itaque simul & imperii in se ipsum comparati aut neglecti spretique documenta!

§. 139.

Quid sit securitas animi?

*Securitas animi* dici potest vacuitas a metu tædiorum exiternorum, nostratibus die Gemüths-Sicherheit, uti securitas civi-

civitatis (die Staats-Sicherheit) appellatur vacuitas vis præsertim externæ (§. 12. P. VIII. Jur. nat.). Vti tædia interna sunt, quæ animus sibi ipse creat (§. 136.); ita externa hic vocantur tædia, quæ alii aliis creare nituntur, vel quæ alii nobis creare conantur. Infert hæc securitas simul perfruitionem tutam contrarii tædiorum externorum, videlicet voluptatis constantis in ipsis quoque moliminibus aliorum nobis tædia multa creandi, item in ipsis adversitatibus externis, si vel ab hostibus in bello creentur.

Abfit, ut hic quisquam cogitet vitiosam animi securitatem, qua sunt qui sibi in sceleribus placent, nec ullam verentur commutationem rerum, antequam eam experiuntur, nimis sero & inepte nunc se expedituri, instar avis jam illaqueatæ. In verbis Ciceronis ad §. 609. allatis, conjunctam vidimus bis cum tranquillitate animi securitatem, quæ quid differat a tranquillitate, nunc intelligi potest; etiam si Cicero fortassis eo non respexit, sed fere immunitatem a curis in omnibus & male sedulis innuere voluit. Habent sane tædia interna & externa suum discrimen, ad quod notandum vocabula diversa non invito eorum usu adhiberi possunt. Quia vacuitas a curis molestis tum in tranquillitate datur (§. 137.), tum in securitatis etymo: usurpari securitas de utroque casu passim consuevit, & distingui in securitatem internam (quam tranquillitatem dicimus) & externam. Ne vero securitas animi in dubium vocetur, age illam stabiliamus!

## §. 140.

*Quidquid molestiæ alii nobis creare conentur, dari tamen citra Datur animi indolentiam stoicam, & opponi illis moliminibus potest animi securitas mi securitas genuina.* Si enim alii multum molestiæ & ægritudinis nobis creare nituntur, illud facient, ut vitam nobis acerbam reddant, tædiisque excitatis nos crucient. Sed irritus fiet ipsorum conatus, si non attendamus ad illa facta, vel non consideremus illa



illa ut nocitura ullatenus nobis, sed illis; nobis autem profutura, si illis recte utamur. Certum enim est, providentiam divinam tantum boni cuique conferre, & tantum mali a quolibet arcere, quantum salva Dei sapientia fieri potest (§. 933. seq. P. I. Theol. nat.), neque ipsi repugnare, ut abutentem sua libertate in mala naturalia & moralia ruere sinat (§. 935. *ibid.*), sed id potius iustitiæ divinæ convenire (§. 1075. *ibid.*); item Deum non nisi sapientissime permittere abusum libertatis (§. 714. *ibid.*), & mala permissa in bonum finem dirigere (§. 680. *ibid.*), nempe in arcendam infelicitatem & procurandam felicitatem (§. 706. seq. seq.). Proinde citra indolentiam stoicam fieri potest, ut homo resistat tædiis ab aliis sibi creatis & creandis ita quidem, ut quæ permittere Deo visum est, spectet tanquam instrumenta suæ felicitatis, quibus recte & sic utendum sit, ut voluptatem veram inde capiat, tædium vero nulum; hoc est, ut securitate animi salva fruatur (§. 139.).

Aliter Cicero indolentiam refert non tam ad Epicurum quam Hieronymum Rhodium, qui *nihil dolere* finem bonorum statuit *de Fin. Bonor. II. 3. seq.* Cum illa notet vacuitatem doloris, alii illa utuntur ad *απαθείαν* Stoicorum denotandam, quæ vacuitatem omnium affectuum dicit, vel præcipit, vacandum esse omni animi perturbatione, quam a ratione alienam statuerant, & eatenus non errabant. Quatenus vero affectus omnes rationi adversos statuebant, eosque exuendos penitus, & sapientem omnibus vacuum affectibus effingebant, non amplius audiendi sunt. Neque tali immunitate ab affectibus opus est, potius indigemus affectibus ad officium eo perfectius peragendum. Molestiam eodem modo accipere licet, quo dudum stoici illam dixere ægritudinem permanentem *Tusc. Qu. IV. c. 8.*

## §. 141.

Facitque animum ledi & ætum.

Ista securitas animi præstat animum extrinsecus illasum & inviolatum. Denotat enim genuina animi securitas immunitatem a metu

metu tædiorum externorum, & fruitionem tutam constantis *vinci nesci-*  
*um.* voluptatis in ipsis adversitatibus externis (§. 139). Si vero ani-  
 mus liber est a metu tædiæ externi, nil habet quod vereatur &  
 metuat sibi a moliminibus aliorum quibuscunque ipsi tædia  
 creandi (*ibid.*) Si nil metuendum habet a conaminibus alio-  
 rum ipsi molestias creandi, nec læsiones aliorum metuendas  
 habet, quibus ejus statum reddere cupiunt deteriore ut tæ-  
 dia inde percipiat (§. 669. *P. I. Jur. na.*). Si nullam læsionem  
 metuendam habet, manebit illæsus, si illæsus, quoque invictus  
 & nescius vinci. Exemplum Marii videatur apud *Salustium*  
*Belii lugurt. c. 35.*

Non abludit ab his, quod *Cicero Lib. V. Tusc. Quæst. c. 14.*  
 disputat: nisi stabili & fixo & permanente bono beatus esse nemo  
 potest. Quid ergo ejusmodi est? . . . an dubium est, quin ni-  
 hil sit habendum in eo genere, quod vita beata complectitur,  
 si id possit amitti? Nihil enim interarescere, nihil extinguere,  
 nihil cadere debet eorum, in quibus vita beata consistit. Nam  
 qui timebit, ne quid ex his deperdat, beatus esse non poterit.  
 Volumus enim eum, qui beatus sit, tutum esse, inexpugnabilem,  
 septum, atque munitum, non ut parvo metu præditus sit, sed ut  
 nullo. Ut enim innocens is dicitur, non qui leviter nocet, sed  
 qui nihil nocet: sic sine metu is habendus est, non qui parva  
 metuit, sed qui omnino metu vacat. . . . Atque hæc omnino  
 non ita haberent, nisi omne bonum in una honestate consisteret.  
 Qui autem illam maxime optatam & expeditam securitatem (se-  
 curitatem autem nunc appello vacuitatem ægritudinis, in qua  
 vita beata posita est) habere quisquam potest, cui aut adsit aut  
 adesse possit multitudo malorum? Qui autem poterit esse cel-  
 sus & erectus, & ea, quæ homini accidere possunt, omnia par-  
 va ducens, qualem sapientem esse volumus, nisi omnia sibi in  
 se posita esse censebit? Postea *cap. 16* addit: sapientem ab omni  
 concitatione animi semper vacare, semper in animo ejus placi-  
 dissimam esse pacem. Et *cap. 18*: Xenocratem in virtute non  
 (Wolffii Politica P. III. S. I. C. II.) X modo

modo beatam sed beatissimam vitam ponere. Quod nisi sit, virtutum interitus consequetur. Nam in quem cadit ægritudo, in eundem metum cadere necesse est: est enim metus futura ægritudinis sollicita expectatio. In quem autem metus, in eundem formido, timiditas, pavor, ignavia. Ergo ut idem vincatur interdum, nec putet ad se præceptum illud Atrei pertinere: *proinde ita parent se in vita, ut vinci nesciant.* Hic autem vincetur, ut dixi, nec modo vincetur, sed etiam serviet. At nos virtutem semper liberam volumus, semper invictam. Quæ nisi sunt sublata virtus est., Sunt in his quædam, quæ stoicam sapiunt disciplinam, uti illud, sapienti omnia esse in se posita, & alia, quæ quandam excusationem admittunt, si saniori sensu accipiantur. Animus humanus uti nec cogi potest (§. 927. *Psychol. emp.*), nec occidi: ita quoque lædi nequit, nisi sua sponte recipere id velit, quo lædatur. Equidem largior, lædere alterum, qui impedit, quo minus is perfici, & adquirere possit habitus facultatibus animæ utendi (§. 673. *seqq. P. I. Jur. nat.*). Sed partim hoc impedimentum non noceret, nisi alter consentiret in ea, quibus impeditur; partim consistit tantum in rebus externis, v. g. in denegatis scholis, ædibus sacris, ademtis libris &c. quæ tamen non nocerent animo, nisi ipsius accederet culpa ignorantie, negligentieque. Vocatur læsio ex scopo alterius, qui lædere conatur, & quantum in se est, facit quidquid potest, ad alterum lædendum. Quemadmodum aggressor alterius, vel latro, lædit alterum, quem in via vulnerare aut occidere nititur; sed si is, quem aggreditur, se fortiter defendit, & tandem interficit latronem, antequam ab eodem ullatenus vulneretur, lædi is ab eo non potuit, sed conatus lædendi irritus est factus & elusus: ita corruptor & impediens alterum, nihil agit, si alter ipsi ita resistat, ne ejus animum a recto tramite abducere possit; sed si sponte ipsi morem gerat, suo deest officio, suæque culpæ pœnas luet. Qui resistere non potuit, ultra vires non obligatur.



## §. 142.

*Imperio sui debetur quæque securitas animi genuina.* Etenim Imperium sui imperio sui præditus gaudet habitu actiones erga se ipsum comparit animi formandi legibus divinis (§. 103.), gaudet dominio inferiorum securitatem. animi facultatum (§. 129.) & regimine affectuum (§. 125.) ac didicit vincere se ipsum aliosque (§. 132.). His ergo subsidiis utens, vacare potest metu tædiorum externorum, & tuto frui voluptate constanti vel in moliminibus aliorum ipsi tædia creandi (§. 130.), eoque ipso gaudebit germana animi securitate (§. 139.).

Qui animo suo imperare didicit, is quoque in defensione sui corporis, vel in prælio adversus hostes committendo, præsentia animi recte uti & vincere hostem multo rectius poterit, quam qui suis impeditur animi perturbationibus, ut nesciat, quid sibi sit agendum itaque perverse agat. Quidni igitur & animus suæ defensioni erga alios, qui ipsum lædere cupiunt, par esset, quando sibi imperandi habitu pollet? Quidni rectius certiusque se defendat, quam corpus suum, quod ita in sua potestate non habet ac animum? Quidni plane securus esset a læsione & nescius vulnerari ab iis, quibus animum alterius ne cernere quidem, multo minus lædere datum est? Omnia ergo, quæ animo insunt, multo sunt rectiora, multo minus obnoxia aliorum læsioni, quam corpora hominum in armis exercitatissima, quam exercitus amplissimi fortissimique in bello, ubi vel omnes civitatis vires adversus hostem uniuntur, securitatis civilis gratia. Ecquid mereretur, qui tranquillitatem securitatemque civilem æque ac hanc mentalem potestati imperantium ita subjiceret, ut modo illi vellent, semper illæsi invictique & inexpugnabiles esse possent?

## §. 143.

Quia imperium sui involvit regimen affectuum suorum *Quid posito* (§. 125.), dominium in facultates inferiores (§. 129.), victori- *vel sublato* *am imperio sui*

*simul ponatur & tollatur.* am sui ipsius (§. 132.), tranquillitatem securitatemque animi (§. 138. & 142.): manifestum est, ubi deficit imperium sui, ibi deficere ista omnia; & posito imperio sui, ista omnia simul poni.

## §. 144.

*Vbi perfecta animi tranquillitas & securitas detur.* Si dari posset perfectum imperium sui, daretur quoque perfecta animi tranquillitas securitasque. Posito enim imperio sui, ponitur simul animi tranquillitas securitasque, eoque sublato, & animi tranquillitas ac securitas una tollitur (§. 615.). Quare posito imperio sui perfecto, simul ponenda erit perfecta animi tranquillitas securitasque. Modo erga dari posset illud, darentur & hæ res omnibus experendæ.

In Deo perfectam dari tranquillitatem fruitionemque summæ voluptatis, item perfectam securitatem ab omni non metu tantum sed possibilitate ullius rædii externi, aut læsionis, extra controversiam positum est. Sed eundem quoque omnes actiones suas liberrime conformare summis suis perfectionibus, ut non sint nisi rectissimæ, evictum est (§. 1059. P. I. Theol. nat.) nec nisi sanctissimæ (§. 1065. seq. *ibid.*) & justissimæ (§. 1070. seqq. *ibid.*). Quia sapiens sibi imperare, suasque actiones omnes quam rectissime edere debet, olim & rationi & revelationi debemus id scitum, solum Deum esse absolute sapientem, perfectissimum, beatissimumque.

## §. 145.

*Cur imperium sui hic maneat imperfectum.* Eadem vero ratio, quæ in perfecto dominio sensitivarum facultatum cum rationali consensum constantem & perpetuum requirit (§. 572. P. II. Phil. pract. univ.), & pugnam seu luctam illius contra hanc tollit (§. 573. *ibid.*) atque dissensum intra utramque (§. 577. *ibid.*): similem in perfecto sui ipsius imperio consensum facultatum actionumque animi, & luctæ contra se invicem atque dissensus absentiam, in distinctis quoque cogitationibus requirit (§. 132.). Item quemadmodum dominium

nium sui non nisi jugi & diuturno exercitio adquiri & conservari potest (§. 584. seq. *ibid.*): ita æque difficile est ad sublimiorem gradum imperii sui ipsius adspirare, ac ad culmen regiminis affectuum (§. 597. *P. II. Ethic.*), nec nisi imperfectum in ea dari potest hominum conditione, quæ jam tenentur & laborant, licet omnibus utantur subsidiis, quæ vel civitas optima & maxima suppeditare valet (§. 136.). Idem quoque habendum de perfecta animi tranquillitate & securitate (§. 137. 139.).

Quia difficilia sunt pulchra quæque, & in illis est laudandus conatus adspirandi quousque fieri potest: omnis movendus est lapis, ut a primis inde unguiculis initium fiat, & per omnem educationem continetur cura educatorum, adsuæfaciendi liberos atque pupillos ad actus imperio sui conformes. Ita enim sui juris facti, & rationes imperii sui comprehendentes faciliores in eo exercendo perficiendoque progressus facere poterunt, quam si prava consuetudo inolevisset. Neque enim difficultas quemquam absterre ab officio, sed potius animare ad illud debet, & ad honestam in re tam ardua æmulationem. Quo major superanda fuit difficultas, eo majorem laudem præstantiamque virtus meretur. Licet summa assequi non datur, est tamen officii, prodire tenus hac, si non datur ultra.

## §. 146.

Licet in hac vita ad perfectum imperium sui nemo pervenire possit, & difficile sit ad sublimiorem tantum illius gradum adspirare (§. 145.); non tamen animum propterea despondere oportet, aut remissiores in officio esse, sed potius eo proficiei-  
*In imperio sui ipsius*  
*semper est*  
*proficien-*  
*dum.*  
*majori virium contentione enitendum est, ut majores in dies progressus*  
*in eo facimus.* Animus enim noster est finitus, neque ideo nisi alia post alia capere potest eorum, quæ ipsi inesse possunt (§. 837. *Ontol.*), adeo ut & summum hominis bonum consistere nequeat, nisi in continuo nec impedito progressu ad majores subinde perfectiones (§. 374. *P. I. Phil. pract. univ.*). Quare &



in imperio sui ipsius comparando aliter fieri nequit, quam ut enitamur ad majores continenter profectus in eodem capiendos. *Semper igitur, dum vivimus, & in dies in imperio sui est proficiendum plus ultra.*

## §. 147.

*Quo melius*

*quis sibi imperare didicit, eo dignior est, qui imperet aliis.*

*Quo plurilus in rebus quisquam sibi imperare didicit, & quo majori diligentia in singulis profecit, eo ipse præstantior est aliis, eoque dignior, qui imperet aliis, imperetque eo pluribus. Quo enim pluribus in rebus quisquam sibi imperare didicit, eo propius accedit ad imperium universale, ideoque ad perfectionem materialem seu imperii amplitudinem; & quo majori diligentia in singulis rebus profecit, eo melius sibi imperabit, eoque propior erit imperio pleno, seu perfectioni imperii formali (§. 134.) vel imperii admirabilitati. Generatim ergo eo propius aberit imperium sui a sua, quam requirit & hinc capit, perfectione; & quo melius constantiusque sibi imperare didicit, eo erit aliis in moralibus præstantior, eo rectius reget suos affectus, eo sapientius dominabitur suis facultatibus inferioribus, eo certius vincet se ipsum, eo majori ac durabilius gaudebit animi tranquillitate securitateque.*

*Sed qui recte sibi imperare didicit, illi erit in proclivi, idem illud præstare aliis, seu aliis bene imperare. Neque quisquam aliis recte imperare poterit, nisi qui didicit sibi recte imperare (§. 859. P. VIII. Jur. nat.). Quo quis ergo melius sibi imperare didicit, eo melius poterit & aliis imperare. Quo melius aliis imperare potest, eo dignior est imperio illorum. Item quo melius & amplius sibi imperare valet, eo est in moralibus aliis præstantior, & quo pluribus est præstantior, eo dignior est, qui ipsis imperet (§. 665. P. I. Polit.). Hinc quo pluribus in imperio sui antecellit, eo pluribus qui imperet dignior est censendus.*

*Quia*

Quia sibi imperans, paret legibus divinis, dici & hic potest, quod ex Platone Cicero habet de Legg. III. c. 2. Qui bene imperat, paruerit aliquando necesse est, & qui modeste paret, videtur, qui aliquando imperet, dignus esse. De feris Gentibus Seneca de ira L. II. c. 15. scribit: ut servire non possunt, ita nec imperare . . nemo autem regere potest, nisi qui & regi. Ecquis navi gubernatorem, exercitui ducem dabit, qui se ipsum regere nesciat? Impos animi se ipsum regere nequit, sed quis illi alios det regendos?

## §. 148.

Dici nequit, quantum boni in civitatem redundet, si illius rector. *Quanti sit res magistratusque in imperio sui excellent.* Si excellent imperio *imperium sui* sui, qui civitati præsunt, digni sunt imperio aliorum, eoque *in superiori-* melius imperabunt iisdem. Quo melius imperabunt aliis in *ius?* civitate, ipsique civitati, eo exactius facient, quæ ad bonum publicum promovendum requiruntur, & impediunt fugientque ipsi quæ eidem adversantur (§. 84. P. I. Jur. nat.), eoque verius ipsis suprema lex erit, salus publica (§. 86. *ibid.*). Studebunt enim tantæ virtutum sublimitati, quantam capit mens humana, & qua Deum imitentur (§. 339. P. I. Polit.). Quapropter mirum quantum boni redundabit in civitatem, si præfertim rector ejusdem cæterique ab eo constituti superiores curatoresque publicæ rei imperio sui ipsius excellent.

Si interiora spectemus, & quæ in ipsa administratione reip. in dies fieri debent, sibi imperantes erunt viri boni, iusti & æqui; nemini igitur facient injuriam, nec fieri ab aliis patientur, quatenus id possunt impedire, tribuent & relinquent suum cuique, ac si iudices agant, statuent, quid quemque cuique præstare oporteat, & ut inter bonos bene agatur sine fraudatione, & ne quis ex aliena prædetur inscientia. Homo justus inquit Cicero Lib. III. de offic. c. 19. isque quem sentimus virum bonum, nihil cuiquam, quod in se transferat, detrahet. Hoc qui ad-

miratur, is se quid sit vir bonus, nescire fateatur. At vero si quis voluerit animi sui complicatam notionem evolvere, jam se ipse doceat, eum virum bonum esse, qui prosit, quibus possit, noceat nemini, nisi laceffitus injuria. Intelligit, nihil nec expedire, nec utile esse, quod sit injustum. Hoc qui non didicerit, bonus vir esse non poterit. Et *cap 20.* addit: caditne in virum bonum mentiri emolumenti sui causa, criminari, præripere, fallere? Nihil profecto minus. Quid est, quod afferre tantum utilitas ista, quæ dicitur, possit, quantum auferre si boni viri nomen eripuerit? Si exteriora negotia civitatis cum aliis civitatibus gerenda consideremus, omne genus officiorum ab hujusmodi civitatis rectoribus alteri cuicunque civitati exhibetur, ut vicissim illius in se officia mereatur. Itaque & aliarum civitatum amicitia, commercio, adjumentoque gaudebit civitas, cujus rectores bene imperant, & omne genus offensio- nis evitabitur, unde denegatio officiorum vel bellum oriri posset. Itaque bellum non erit metuendum, causis belli remotis, & dulci pace civitates frui ac florere poterunt.

## §. 149.

*Imperium  
sui includit  
conscientiæ  
custodiam.*

*Imperium sui requirit & includit custodiam conscientiæ libera rectæ certæque.* Est enim habitus actiones erga se ipsum conformandi legibus divinis (§. 103.). Is exerceri nequit, nisi judicium nostrum de actione committenda vel omittenda est verum, atque demonstrari potest, nec affectus nos in partem contrariam abripiunt. Enimvero quando judicium de actione non formatur, quando affectuum impetu agitatur, conscientia est libera (§. 426. *P. I. Phil. pract. univ.*). Quando judicium de actione nostra est verum, conscientia est recta (§. 419. *ibid.*). Quando judicium verum de nostra actione demonstratur, itaque de illius veritate convincimur, conscientia est certa (§. 420. & 459. *ibid.*). Quia custodia conscientiæ est cura conscientiæ rectæ certæ & liberæ (§. 519. *ibid.*): elucescit jam impe-



imperium sui includere custodiam conscientiae (liberae nempe rectae ac certae).

Quanta sit conscientiae vis ad salutem civilem provehendam, non praeteriit Philosophos antiquos, quorum sententiam *Cicero Lib. III. de offic. c. 18 seq.* ita expressit: non eadem utilitatis, quae honestatis est regula. Qui hoc non perviderit, ab hoc nulla fraus aberit, nullum facinus. Sic enim cogitans, est isthoc quidem honestum, verum hoc expedit, res a natura copulatas audebit errore divellere, qui fons est fraudum, maleficiorum, scelerum omnium. Itaque si vir bonus habeat hanc vim, ut si digitis concrepuerit, possit in locupletium testamenta nomen ejus irrepere, hac vi non utatur, ne si exploratum quidem habeat, id omnium neminem unquam suspicaturum. At si dares hanc vim M. Crasso, ut digitorum percussione haeres possit scriptus esse, qui re vera non esset haeres, in foro, mihi crede saltaret. Mihi, inquit *Cicero L. II. Tusc. Quaest. c. 26.* laudabiliora videntur omnia, quae sine venditatione, sine populo teste fiunt: non quo is fugiendus sit (omnia enim benefacta in luce se collocari volunt), sed tamen *nullum theatrum virtuti conscientia majus est.*

## §. 150.

Quia imperium sui includit custodiam conscientiae (§ *Et illius fru-*  
149) & qui conscientiam custodit, ab accusatione conscientiae *lib.*  
liber est (§ 473. & 481. *P. I. Phil. pract. univ.*), conscientia ipsum  
excusante (§. 464. *ibid.*), & animum reddente quietum (§. 484.  
*ibid.*): patet iterum, custodiam conscientiae, atque imperium sui pa-  
tere animi quietem tranquillitatemque (§. 139.). Inde quoque im-  
perium sui facit ad conscientiam tranquillam (§. 511. *ibid.*) liberam ab  
inquieta & scrupulis (§. 510. *ibid.*) & a moribus, quos dicunt mo-  
lestos affectus immunem (§. 496. *ibid.*), immo bonam & letam (§.  
525. *ibid.*).

## §. 151.

*Imperii sui  
ipsum nota  
alii.*

Eo enitur imperium sui, ut homo talis sit, qualis videri aliis præsertim optimis cupit. Suas enim actiones erga se componendi ad leges divinas habitum infert (§. 103. seq.). Is vero habitus hominem enixe commendat aliis, omnibus nempe bonis, optimis præsertim quibusque, quod bonorum quorumque indoles non alios probat, quam conscientiae religione conspicuos (§. 149.). Quotusquisque vero est, qui nolit haberi vir bonus iustusque? Eapropter imperium sui enitur, ut homo intelligatur talis esse, qualis aliis cupit videri.

Præclare Socrates, hanc viam, ad gloriam proximam & quasi compendiarium dicebat esse, si quis id ageret, ut qualis haberi velit, talis esset . . . Sed ut facillime, quales simus, tales esse videamur, etsi in eo ipso vis maxima est, ut simus ii, qui velimus, tamen quædam præcepta danda sunt. Quæ legi possunt in *Ciceronis Lib. II. de offic. c. 13.* Brevius est præceptum nostrum, quod una conscientiae custodia, vel imperio sui ipsius absolvitur.

## §. 152.

*Ex imperio  
sui oritur felicitas  
licitas hominibus.*

Quemadmodum quicumque ex servitute morali se non vindicat, felicitate sua se ipsum privat (§. 587. P. II. Phil. pract. univ.): ita imperium sui excusatione conscientiae gaudet (§. 150.) & animi tranquillitate ac securitate, hominem reddit felicem (§. 495. P. I. Phil. pract. univ.). Id quod vel ideo in dubium vocari nequit, quia imperium sui non est nisi habitus actiones erga se instituendi secundum leges divinas (§. 103.). Quisquis actiones suas instituit secundum leges divinas, is servat easdem; & felicitatem nec consequimur, nec retinemus & continuamus nisi custodia legum divinarum (§. 396. seq. P. I. Phil. pract. univ.). Nascitur ergo ex imperio sui felicitas, saltem quatenus actionibus erga nos & in primis animum nostrum habet.

haberi potest. Quo quis magis sibi imperare valet, eo quoque erit felicior hac ex parte statuendus.

## §. 153.

Cum nemo non cupidus sit felicitatis, conscientia sui *Amor felicitatis invitat ad imperium sui perficiendum.* teste; & felicitatis non postrema pars debeat imperio sui (§. 152.): innotescit admodum, curam felicitatis requirere imperium sui, & felicitatis studium calcar addere debere ad imperium sui perficiendum. Quid? quo ardentius homines feruntur in veræ felicitatis comparisonem, usum fructumque; eo quoque studiosius incumbendum ipsis est in imperium sui perficiendum.

Formari inde regula potest, ut sis felix, recte impera tibi; vel si felix esse cupis, nolle ne quis tibi imperare. Ex adverso quisquis sibi imperare, suos domare affectus, sibi que dominari nescit, is suæ obest felicitati, seque reddit infelicem.

## §. 154.

Quia imperium sui parit animi tranquillitatem securitatemque (§. 138. 142.) conscientiam lætam (§. 150.), nec minime felicitatis partem (§. 153.): recte imperans sibi potest in se ipso *Imperium sui parit adquietiam in se ipso.* jure meritoque adquiescere, cum & ipsum sua conscientia excuset se ipso. (§. 467. P. I. Phil. pract. univ.), potest quoque summa inde perfundi voluptate (§. 468. *ibid.*) & beate vivere, majores subinde progressus in perficienda voluntate sua faciendo (§. 374. *ibid.*) & (§. 8. P. II. Phil. pract. univ.).

Alia est adquiescentia in se ipso sensualis, quæ inter affectus censetur (§. 751. *Psychol. empir.*) & affectus est jucundissimus (§. 753. *ibid.*) & animum quoque quadamtenus reddit quietum (§. 764. *ibid.*); alia est rationalis, quæ virtutibus erga se accenseri meretur, quoniam ex distincta oritur cognitione, & veritate nititur. Hic excluditur error & vanitas opinionis, quæ ibi speciem veritatis sæpe mentitur. Si jam rationalis adsit, recte



eidem subjungitur adhibeturque & illa inferior, ut in consensu eo major evadat, prout debet. Itaque nascitur illa tranquillitas animi auctior & plenior accedente naturali adquietudine in se ipso, quæ nititur quidem argumentis ab experientia sed vera petitis, quæ confusione quadam sed innoxia laborant.

§. 155.

*Et animum  
sua sorte con-  
tentum.*

*Nec in se tantum adquietescit sibi recte imperans, sed & sua sorte est prorsus contentus.* Exercet enim virtutes erga se, uti par est (§. 103.), in primis virtutes erga animum suum morales (§. 104.). In his vero est continentia, quæ requirit, ut simus contenti rerum nostrarum statu, qualiscunque fuerit (§. 384. P. IV. Ethic.), & animum tuetur adversus affectuum molestorum impetus (§. 386. *ibid.*), absurdum ducens, velle ut alia sit rerum suarum facies, dum in præsentis felix esse, & lætitia ac excusatione conscientia frui potest (§. 385. & 387. *ibid.*). Quapropter recte sibi imperans sortem suam, a Deo sibi destinatam, saltem quatenus aliorum hominum injuria premitur, sapienter permissam statuit, ideoque eadem prorsus est contentus, tanquam ad suam felicitatem accommodatissima (§. 426. P. III. Ethic.).

Adquietudine in se ipso versatur circa facta propria, gaudens quippe ob bonum a se patratum (§. 749. *Psychol. empir.*). Sed animus sua sorte contentus adquietescit in providentia divina ejusque placitis, sciens, rerum suarum statum esse a Deo, quatenus eundem suo sibi vitio non contraxit, quod si factum est, spectandus est velut instrumentum suæ emendationis. Quæ vel aliorum hominum scelere aut iniquitati imputanda esse sentit, ea non sine gravi ratione permittit ipsis esse novit; neque quæ casibus fortuitis deberi animadvertit, sibi vitio dari posse, quos inde divinitus immisos esse non ignorat. Quacunque ergo sorte sua sibi recte utendum esse, & utramque fortunam eodem id est æquo animo esse ferendam concludit.

## §. 156.

Id vero sollicitè cavet, ne quid boni sua culpa vel amittat, vel Et studium acquirere negligat, & generatim, ne quam admittat culpam. Sibi vitandi omnem, ut par est, imperans implet officia erga se & animum in neminem cultum suum potissimum voluntatem suam perfecturus (§. 103. seq.).

Dum igitur cura animi sui tangitur, sollicitus est, ne quidquam eorum prætermittat, quæ ad voluntatem suam perficiendam pertinent (§. 138. P. IV. Ethic.), eaque de re diligenter explorat, quænam vel sua culpa, vel fortuito eventu amitti possint (§. 27. ibid.), ut quantum datur omnem a se amoveat culpam. Id circo quisquis se regere valet, sollicitè caver, ne quid bonorum animi præsertim vel amittat, vel acquirere negligat, & summatim studio flagrat omnem vitandi culpam (§. 179. ibid.), vel studio innocentiae.

## §. 157.

Quia sui regendi studiosus omnem vitare culpam anniti-Subsidiis eo tur (§. 156), requiruntur, ut non tantum omnes culparum classes, & valentibus: modo eas eviandi habeat in promptu, sed & habitu gaudeat, iisdem expeditè & quam optime utendi; & tamen ex casu alieno, quam ex proprio sapere conetur (§. 155. P. IV. Ethic.).

## §. 158.

Quia homini naturale est, ut se ipsum amet sibi que placet Imperium sui ceat (§. 45. §. 76. P. IV. Ethic.), sed intellectus dirigere debet regis philanthropiam sui sibi que placendi studium, ne a legibus divinis aberret etiam ac inret (§. 47. §. 81. ibid.), sed potius ad felicitatem veram tendat omnem in- (§. 48. ibid.), ut se ipsum diligat propter Deum, & charitas sui creditur virtutem evadat habitus felicitatem suam quam optime procurandi (§. 49-51. ibid.): apparet, imperium sui regere quoque amorem sui, & sui placendi impetum, ne impingat in leges divinas, eas violando; cum charitate sui vero amicissime conspirare & in omnem influere virtutem (§. 59. ibid.), item cum puritate animi (§. 599. P. II. Ethic.).

Natura, ait Cicero *L. II. de Fin. Bon. c. II.* non movet infantem, ut voluptatem expetat, sed tantum, ut se ipsum diligat, & salvum velit. Omne enim animal simul ut ortum est, & se ipsum & omnes partes suas diligit. *Conf. L. III. c. 5.* Et *Lib. IV. c. 13*: dicis omne animal, simul atque ortum sit, applicatum esse ad se diligendum, esseque in se conservando occupatum: quin potius ita dicis, omne animal applicatum esse ad id, quod in eo sit optimum, & in ejus unius occupatum esse custodia? *αὐταδεῖα* græcorum ab *Aristotele Magnor. Moral. L. I. c. 29.* refertur inter vitia æque ac *ἀρεσκεια*, quorum illa pravum sibi placendi studium seu arrogantiam & perveraciam, hæc pravum aliis placendi studium notat, in quorum medio ponit *συνμωρία* gravitatem seu modestiam. Sed si pravitas absit, quod restat sibi aliisque placendi studium laudabile erit; uti de placencia sui docetur (§. 77. seqq. *P. IV. Ethic.*). Quemadmodum Cicero *Tuscul. Qu. Lib. II. c. 26*: te autem, inquit, si in oculis sis multitudinis, tamen ejus judicio stare nolim, nec quod illa putet idem putare pulcherrimum. Tuo tibi judicio utendum est. Tibi si recta probanti placebis, tum non modo tu te viceris, quod paullo ante præcipiebam, sed omnes & omnia. Hoc igitur tibi propone, amplitudinem animi & quasi quandam exaggerationem, quam altissimam animi, quæ maxime eminet contemnendis & despiciendis doloribus, unam esse omnium rem pulcherrimam, eoque pulcriorem, si vacet populo, neque plausum captans se tantum ipsa delectet.

## §. 159.

*A quibus abhorreat imperium sui?* Præditus imperio sui abhorrebit a præpostero felicitatis studio, ab Epicurismo, Materialismo, Deismo & Atheismo. Etenim non minus neglecta felicitatis cura, quam felicitatis studium præposterum, talia amplectens, quæ hominem aut felicem reddere nequeunt, aut infelicem reddunt, in vitio ponitur (§. 90. *P. IV. Ethic.*). Sed imperium sui veram sectatur & parit felicitatem (§. 152); non potest igitur non abhorrere a præpostero felicitatis studio. Epi-



Epicuræi promiscue suis libidinibus indulgent, existimantes, licere sibi vivere, uti libet, nisi lege civili prohibeatur haud eludenda (§. 117. *seq. ibid.*). Quare cum Epicuræismus neget internam actionum honestatem ac turpitudinem, & obligationem divinam ad illas committendas, has fugiendas (§. 717. *P. II. Theol. nat.*), adversatur ille omni virtuti, inde & virtutibus erga se exercendis, & falsa nritur opinione (§. 722. *ibid.*): imperans sibi non potest non ab eodem abhorreere (§. 104.).

Porro Deismus negat providentiam divinam (§. 529. *ibid.*) falsa & virtuti infesta opinione (§. 559. *seqq. ibid.*); materialismus Deum non nisi corpus esse statuit (§. 616. *ibid.*), opinione erronea & ad atheismum proclivi (§. 620. *seq. ibid.*). Atheismus denique plane negat dari Deum (§. 411. *ibid.*), itaque tollit obligationem divinam (§. 539. *ibid.*), & præterquam quod absurdus est (§. 485. *seq. ibid.*), religionem omnem tollit (§. 313. 316. *ibid.*), virtuti multum derogat & in epicuræismum facile prolabitur. Quare liquet, per præmissa de Epicuræismo, sibi imperantem pariter abhorreere ab Epicuræismo, materialismo, & Atheismo (§. 118. *seqq. P. IV. Ethic.*).

Plura ad imperium sui & perficiendam voluntatem peti possunt ex *P. IV. Ethicæ*, ad quæ facile applicantur illa adjumenta status civilis, quæ ex obligatione civili, institutis docendi, exemplo, & communi aliorum judicio aliorum actiones bonas probante, pravas damnante & reprehendente haberi possunt. Quæ cum præmissa hic sint, ad posteriora præcepta amplificandi emendationem voluntatis transferri a quocunque & possunt & debent, quando quid ad eam sapienter conferat civile adjumentum simul intueri placeat.

SECTIO I.  
CAPVT III.

DE

Cura sapienter perficiendi iustitiam  
publicam.

§. 160.

*Perficienda  
sunt potissi-  
mum virtu-  
tes civiles.*

**O**pera sapienter danda est, ut in civitate perficiantur potissimum virtutes erga alios homines. Emendanda enim est in civitate voluntas, quantum conjunctis viribus fieri potest (§. 1), ac ideo virtutes morales sunt excolendæ, & profliganda vitia, quantum sapienter fieri potest (§. 2.). Sed post virtutes erga Deum & seipsum dantur quoque virtutes erga alios homines (§. 223. & 321. P. I. Phil. pract. univ.). Quare & virtutes erga alios in civitate sapienter sunt promovendæ perficiendæque.

Enimvero cuilibet civitati nil prius nec antiquius esse debet salute publica (§. 86. P. VIII. Jur. nat.), quæ primario virtutibus civilibus est consequenda (§. 10. & 40. P. I. Polit.), & virtutes civiles sunt virtutes erga alios cives &c. (§. 11. ibid.). Quare in civitate potissimum requiritur, ut homines in ea degentes sibi invicem debita officia præstent, vel ut quilibet civis bonum commune pro virili promoveat, & quidquid potest conferat ad vitæ abundantiam, tranquillitatem securitatemque (§. 18. seq. P. VIII. Jur. nat.), ideoque in omnibus actionibus suis curet id, ut aliis profit, nulli vero obsit (§. 1085. ibid.). Potissimum ergo curata navanda est opera, ut virtutes civium erga cives aliosque in civitate floreat ac perficiantur, quantum sapienter fieri potest.

§. 161.

## §. 161.

Quatenus virtutes civiles obtineri nequeunt, eatenus saltem actio. Saltem ea-  
nes erga alios externæ legibus conformes sunt exigenda, ut externa ho-  
rum actiones honestas erga se invicem observetur. Promovenda enim publice est externæ.  
honestas vitæ cum interna tum externa, & impedienda sapien-  
ter ejus turpitudine (§. 6). Et ubi salus primaria haberi nequit,  
curanda ad minimum est secundaria (§. 55.), ideoque ubi hone-  
stas interna obtineri nequit, curanda saltem est externa. Quare  
ubi virtutes civiles obtineri nequeunt, ibi saltem exigendum  
est, ut actiones externæ erga se invicem sint honestæ, ideo-  
que curanda est honestas externa actionum civilium erga se in-  
vicem (§. 395. P. VIII. Jur. nat.).

Ultra vires ne civitas quidem obligatur, nec obligari potest  
(§. 209. P. I. Phil. pract. univ.). Enimvero virtutes debent esse  
voluntariæ, nec possunt esse virtutes, nisi tales sint. Hinc cum  
voluntas non possit cogi (§. 926. Psychol. empir.), nec virtutes  
extorqueri ulla vi possunt. Sicut ergo religio interna non subest  
imperio cogenti (§. 23.); ita universim in rep. constituenda  
opera quidem danda est, ut qui ad legem naturæ servandam  
proni sunt, juventur, nec ab aliis impediantur; cæteri autem  
vi adigantur, ut minimum actus externos ad legem naturæ com-  
ponant (§. 395. P. VIII. Jur. nat.). Accedit, quod interna actio-  
ne legibus adversante homines sibi tantum noceant, quod feren-  
dum est, nec intelligi ab aliis vel mutari potest. At quando  
quisquam actione externa aliis nocet, eorumque felicitatem im-  
pedire & intervertere conatur, id ferendum in civitate non est,  
sed potius impediendum, quantum id civitatis ratio permittit.  
Qua de re dum virtutes ipsæ respuuntur ab hominibus in civi-  
tate degentibus, id quidem extra civitatis positum est potesta-  
tem. Sed dum actiones externæ in sensus incurrunt, hæc cogno-  
sci, & quando permittendæ non sunt, puniri possunt debentque.  
Idem quoque in simili casu valet de actionibus decoris & inde-  
coris (§. 8.).

(Wolffii Politicæ P. III. S. I. C. III.)

Z

§. 162.



## §. 162.

*Charitas**complectitur  
omnes virtu-  
tes erga  
alios.*

*Virtutes erga alios continentur sub charitate eorum tali, quali complectitur complectimur nos ipsos. Amare enim & diligere alios obligamur, ut nos ipsos (§. 618. 629. P. I. Jur. nat.), & charitas est virtus, qua diligimus alios sicut nos ipsos (§. 620. ibid.), eaque præstat omnia erga alios officia (§. 59. P. V. Ethic.). Idcirco omnes virtutes erga alios continentur in charitate aliorum tali, quali fovemus nosmet ipsos, quæ itidem in omnes erga nos ipsos virtutes influit (§. 158.).*

## §. 163.

*Item probi-  
tas.*

*Si probitas notet virtutem, qua quisque erga alios is est, qui per leges naturales esse debet, seu qua præstat aliis officia, quæ ipsis debentur, illa quoque omnes complectetur virtutes erga alios. Docetur hoc eodem modo, quo id evicimus de charitate aliorum hominum, itidem omnia erga alios officia præstante. Cui hoc sensu probitas substitui plane potest, quam Germani vocant die Redlichkeit, item Frömmigkeit, quamquam hoc nomen latius parer, æque ac integritas vitæ die Ehrlichkeit, & honestas die Ehrbarkeit, & innocentia die Unschuld (§. 1085. P. I. Jur. nat.).*

*De probitate consuli possunt, quæ de usu vocabuli notavi ad §. 363. Oecon. Germanorum nomen die Redlichkeit potissimum refert ad fidem datam servandam (die Treue), ut bonam fidem latinorum exprimat & promissorum constantiam. Posset vero & inde probus dici, qui recte agendo probatur omnibus, & vir probatæ fidei usque quaque reperitur. Die Frömmigkeit notat quidem habitum alteri commoda & emolumenta præstandi, sed refertur quoque ad pietatem erga Deum, uti honestas ad quasvis actiones legi divinæ congruas (§. 6.). Quod & de integritate vitæ & puritate animi (§. 599. seqq. P. II. Ethic.), quæ defectus & labes removet, & de innocentia, quæ fugam culpæ omnis complectitur, tenendum (§. 156.). Probum interpretes Aristotelis Magnor. Moral. L. I. c. 1. dicunt latius, quem ipse σπουδαίον vocat*

vocat & σπιδαιον ειναι ait esse τας αρετας εχειν, quasi recti studio-  
sum notaret, aut honestum. Honestum enim (το καλον) *ibidem* c.  
20. dicit finem virtutis omnis, & virtutem ipsam σοφιστικην τε καλε  
conjectricem & indagatricem honesti & pulcri, qua probus sit  
æstimandus, ideoque & id semper agere & proponere actionibus  
suis debeat, cum alioqui ejus animi sententia & virtus perspicui  
ab aliis nequeat. Innocentiam *Cicero* vocat affectionem animi  
nemini nocentem *Tuscul. III. 8.*

## §. 164.

*In primis tamen justitia innuere consuevit virtutes aliis debitas Et justitia  
iustandasque.* Justitia enim notat constantem atque perpetuam vel æquitatem.  
voluntatem jus suum cuique tribuendi (§. 926. P. I. Jur. nat.),  
ideoque justus nihil committit, quod est contra jus alterius,  
nec quidquam omittit, quod eidem repugnat (§. 240. P. I.  
Phil. pract. univ.). Dum ergo cuique præstat, ad quod illi obli-  
gatur, nec eum impedit, quo minus faciat quod licet, multo  
minus sibi arrogat jus alterius: omnia implet officia, quæ cha-  
ritas aliorum exigit (§. 162.), itaque justitia comprehendit  
quoque omnes virtutes erga alios homines observandas. Di-  
citur vero hæc justitia universalis, quæ in omni actione tribuit  
aliis jus suum, sive perfectum fuerit, sive imperfectum (§. 585.  
P. V. Ethic.) & (§. 934. P. I. Jur. nat.), ideoque summam seu ge-  
nus virtutum quarumque erga alios homines complectitur.  
Quoniam qui jus suum cuique tribuit, etiam suum cuique tri-  
buit (§. 925. P. I. Jur. nat.), & qui suum cuique tribuit, is ei-  
dem præstat, ad quæ præstanda perfecte obligatur (§. 923.  
*ibid.*): justitia universalis includit quoque justitiam (strictius di-  
ctam, & æquitati oppositam) (§. 578. P. V. Ethic.). Quocirca  
dum æquitas dirigit actiones hominis circa imperfecta aliorum  
jura (§. 581. *ibid.*), & quisquis æquus est, idem & justus est (§.  
582. *ibid.*); patet, justitiam universalem quoque æquitatem dici  
Z 2 posse.

posse. Potissimum vero justitiam strictius dictam civitas curæ suæ demandatam habet, utpote quæ jus cogendi admittit & requirit, quod in civitate exercendum est, cui æquitas non subjaceret (§. 658. § 663. P. I. Jur. nat.).

De frugalitate disputans Cicero Tuscul. Quæst. L. III. cap. 8. fatetur se haud scire, an ipsa Græcorum σοφροσύνη referre possit, cum angustius usurpetur, & frugi homines (χρησιμοι) appellentur tantummodo utiles. At illud, inquit, est latius omnis abstinentia & innocentia, quæ apud græcos usitatum nomen nulum habet, sed habere potest ἀβλαβειαν. Reliquas etiam virtutes frugalitas continet, quia frugi dici non solet, qui ignavus, aut injustus fuit, aut male rem gessit, ut frugalitas eo ipso fortitudinem, justitiam & prudentiam 3 virtutes complectatur; etsi commune sit hoc virtutum. Omnes enim inter se nexæ & jugatæ sunt, reliqua igitur & quarta virtus ut sit ipsa frugalitas: ejus enim videtur esse proprium motus animi appetentis sedare, semperque adversantem libidini moderatam in omni re conservare constantiam, cui contrarium vitium nequitia dicitur. Frugalitas, ut opinor, a fruge, qua nihil melius e terra; nequitia (Schelmeren) ab eo (etsi hoc erit fortasse durius, sed temerius luisse putemur, si nil sit), quod nec quidquam est in tali homine. Ex quo idem nihili dicitur. De justitia vero sic statuit c. 53. de invent. rhet. Justitia est habitus animi, omnium utilitate conservata suam cuique tribuendi dignitatem; & c. 16. Lib. I. de Fin. Bon. Justitia non modo nunquam nocet cuiquam, sed contra semper alit aliquid, tum vi sua atque natura, quod tranquillat animos, tum spe, nihil earum rerum defuturum quas natura non depravata desideret. C. 7. Lib. I. de offic. In justitia virtutis splendor est maximus, ex qua boni viri appellantur. Denique L. V. de Finibus bonor. c. 23. disertius: animi affectio suum cuique tribuens, atque hanc, quam dico societatem conjunctionis humanæ munifice & æque tuens, justitia dicitur, cui adjunctæ sunt pietas, bonitas, liberalitas, benignitas, comitas, quæ sunt generis ejusdem. Quare & justitiam L. III. ad Herenn.



c. 2. vocat æquitatem jus unicuique tribuentem pro dignitate ejusque. Nec secus ante ipsum *Aristoteles* justitiam interpretatur ad *Nicom. L. V. c. 3.* eam latissime omni æquiparans virtuti, ut justus idem sit, ac legitimus, dein solam ex omnibus virtutibus alienum bonum dicens, quia alios spectat. Ac *Lib. I. Polit.* Justitia, inquit, est civile quiddam; *ἡ γὰρ δίκη πολιτικὴ κοινωνίας τάξις. ἡ δὲ δίκη τὰ δίκαια κρίσις.*

## §. 165.

Justitia, quatenus est habitus animi legitimus, eodem modo procuranda est in civitate ac religio & virtutes erga se ipsum imperiumque sui. Justitia in-  
Eatenus enim est virtus, ideoque ut cæteræ virtutes, nulla vi extorqueri potest (§. 23. § 161.). Procurenda igitur est interna hæc justitia ope distinctæ cognitionis, convictionisque & frequenti exercitio actionum legi naturali conformium subinde emendato & ad majorem perfectionem deducto (§. 323. seqq. P. I. Phil. pract. univ.), adhibitis quoque externis adjumentis subsidiisque, quæ in cæteris virtutibus usui sunt (§. 456. P. VIII. Jur. nat.).

## §. 166.

Æquitas quoque, humanitas & charitas, quatenus imperfecta item æquitas exercent officia, in civitate eodem modo adjuvanda sunt & perficienda. & similes  
Quatenus enim officia sunt imperfecta, eatenus nulla vi humana extendi possunt (§. 663. seqq. P. I. Jur. nat.). Jam æquitas occupatur circa officia imperfecta (§. 581. P. V. Ethic.) & (§. 240. P. I. Phil. pract. univ.). Officia humanitatis extorquendi jus nemo hominum habet (§. 658. seqq. P. I. Jur. nat.). Charitas vero complectitur omnia officia humanitatis (§. 654. ibid.). Ex charitate aliorum proficiscitur quoque amicitia, beneficentia, liberalitas, misericordia, facilitas, officiositas, comitas, mansuetudo, placabilitas, veracitas, taciturnitas, sinceritas, urbanitas & gratus animus. Quare harum virtutum, quatenus non nisi im-

perfecta erga alios obligatione nituntur, exercitium ejusdem est census ac charitas ipsa. Non aliter ergo æquitas, humanitas, charitas cæteræque similes virtutes erga alios eodem modo, ac justitia interna (§. 165.) in civitate sunt promovendæ perficiendæque.

## §. 167.

*Nec non justitia externa circa oc-  
cultiora.*

*Neque multo dispar est ratio justitiæ externæ strictius dictæ, ratione actionum, quæ penitus celari alios homines possunt. Licet enim justitiam externam quoad actiones, in sensus incurrentes, aut testibus aliisque documentis facile evincendas, aliis quoque modis in rep. procuranda sit, uti mox ostendetur: illi tamen modi vix quidquam valent apud eos, qui celare sua scelera sic possunt, ut aliis non innotescant, vel si innotuerint, tamen autor eorum ignoretur, nec investigari possit. Contra hæc militat, & hæc fugit non nisi ea animi justitia, qua viri boni censentur, quam internam diximus (§. 165.). Quare & externa, quæ subtrahere hominum cognitioni & judicio civili sua facinora, promoveri & procurari in civitate non potest aliter quam interna.*

*Neque id difficile est judicatu. Interna enim justitia subsistit intra animum, in actionibus mentis internis, cuique quod suum est animo tribuens, adjudicans, nec invidens, sed potius bene cupiens, optans, precans, cogitans, nec nosci ejus penetrabilia, consilia ac destinataque possunt, nisi ab eo, qui abditos intimosque omnes omnium sensus perspicit. Externa autem edit actus externos, qui quandoque deteguntur aut manifesto committuntur; quandoque vero furtim & clanculum admittuntur, vel tam caute, ut prodi aliis, vix ac ne vix quidem possint. Hic vir bonus semper aliquid ad communem utilitatem affert; alium re, alium fide, alium gratia, alium consilio, alium præceptis salubribus juvat, erranti viam monstrat, naufrago manus porrigit, cum esuriente panem dividit, quemcunque potest peccare prohibet, inculcat vitanda quæ vulgo placent. Iplius consilium nequa-*

nequaquam subdolum sed fidele, sermo comis & sine adulatione jucundus, aures, si quis deliberari secum velit, diligentes, & ruræ, si credere. Miseris gratificatur quam maxime, & indigentibus benefacit, & quam ipse, si eo loco esset, benignitatem sibi impertiri optaret, ea ut in alium utatur, natura tacita quadam voce monere ac præcipere videtur, ut prodesse velit quam plurimis, & quam plurimum potest. Quidquid sine detrimento potest commodari, id tribuit cuique vel ignoto, quod non præterit *Ciceronem L. I. de offic. c. 16.* & alibi; item *Senecam. Conf. not. §. 149.*

## §. 168.

Jam ad cæteras virtutes morales suppeditanda erunt earum documenta & instrumenta, tollenda vero earum impedi- *Quibus ad hoc opus sit adminiculis institutis- que?* menta (§. 3. seq.) ope promotæ educationis, institutionis, bonorum exemplorum & obligationis civilis (§. 5. & 106.) & remedium adversus his contraria (§. 6.). Opus erat docentibus in scholis & templis (§. 32. seqq. & 108.); opus erat in quibusdam comædiis & tragædiis, recte instituendis (§. 123.); opus quoque libris moralibus scribendis legendisque (§. 87.). Quibus rebus efficitur, *justitiam quoque internam (§. 165.) æquitatem eique similes virtutes (§. 166.) & justitiam externam quoque ratione eorum, quæ subduci facile hominum perquisitioni possunt (§. 167.), iisdem communibus subsidiis in civitate esse procurandam perficiendamque.*

Redegi hic in brevem summam præcipua capita eorum, quæ in solidioris & optabilioris justitiæ, æquitatis & charitatis aliorum dici possunt, sed ex duobus prægressis capitibus facile huc transferuntur. Possent de variis nonnulla adduci usu non caritura, v. c. de variis modis libros morales aptandi ingeniorum & ætatum diversitati, modo per parabolas, satyras, apologos & fabulas sapienter confictas; modo per exempla & historias veras virtutum vitiorumque; modo per præcepta variis modis tradenda & inculcanda. Sed de his consuli potest *Geo. Paschius in libro de variis modis moralia tradendi.* Sic quoque suppeditari possent quæ de comædiis, tragædiisque ad hunc scopum, mores civi-



civium corrigendi in illis, quibus homines a recto tramite virtutis in communi vita civili & sociali facile deflectere solent, & quorum incommoda in theatro rectius quam in suggestu sacro ad vivum ob oculos ponuntur, nisi brevitati hic esset litandum, & de his quoque reformandis & ab abusu vindicandis alii jam exposuissent. De pluribus aliis discussionibus eorum, quæ inter varia instituta, passim introducta, præferenda videantur, vacent, quibus volupe est.

## §. 169.

*Justitia necessitas utilitasque.*

*Justitia in qualibet civitate permagna est & necessitatis & utilitatis.* Justitia enim complectitur omnes virtutes, quæ officia erga alios quam optime præstant (§. 164.). Sed non alium ob finem coaluere civitates, quam ut omnes sibi invicem, quæcunque debent, officia præstarent, atque jugatis studiis salutis civitatis, omniumque ac singulorum, qui in ea degunt, operam darent (§. 132. P. I. Polit.). Quare cum finis civitatis partim plane non, partim non melius obrineri possit, quam virtutibus quibusque (§. 40. *ibid.*): perlucet ex commemoratis, justitiam æque ac religionem (§. 27.) & imperium sui (§. 147. *seqq.*) in qualibet civitate summæ esse necessitatis (§. 116. *ibid.*).

Neque minoris illam esse utilitatis, inde pater, quia ipsa salus publica, qua nihil esse potest civitati utilius, commendatusque eadem nititur, per modo ostensa; & quia privatim quoque omnis prosperitas vera sine justitia dari & subsistere nequit (§. 160.), contra ea innumera incommoda & damna ex injustitia publicæ & privatæ rei enascuntur. Sive igitur consideremus *justitiam publicam*, quæ omnium nomine exercetur, sive *privatam*, quam privatus quisque suo nomine & officio privato præstat; utroque casu illa utilissima & salutaris erit. Quod præter fidissimam rerum magistram, ipsa quoque ratio firmat (§. 110. *seq.* P. I. Polit.).

Annotavit suo tempore iam Cicero L. II. de offic. c. u. justitiæ necessitatem summam in quavis humana vita: Mea quidem sententia omnis ratio atque institutio vitæ adjumenta hominum desiderat, in primisque ut habeas, quibuscum possis familiares conferre sermones, quod est difficile, nisi speciem boni viri præ te feras. Ergo etiam solitario homini atque in agro vitam agenti, opinio justitiæ necessaria est, eoque etiam magis, quod si eam non habebunt, injusti habebuntur nullisque præfidiis septi multis afficientur injuriis. Nec illi quidem, qui maleficio & scelere pascuntur, possunt sine ulla particula justitiæ vivere. Nam qui eorum cuipiam, qui una latrocinantur, furatur aliquid aut eripit, is sibi ne in latrocinio quidem relinquit locum. Ille autem, qui archipirata dicitur, nisi æquabiliter prædam disperat, aut interficiatur a sociis aut relinquatur. Quia etiam leges latronum esse dicuntur, quibus pareant, quasque observent.

## §. 170.

Quæ ut evidentiora omnibus sint, curandum est, ut justitiam co- Quid ad eam  
lentibus omni ex parte melius sit, quam eam negligentibus. Vti enim evidentior  
in cura religionis imitandus est Deus (§. 28.): ita quoque in faciendam  
omni reliqua virtutum cura is sapienter est imitandus ab his, requiratur.  
quorum est ejus gerere personam (§. 337. seqq. P. I. Polit.).  
Sed ita divinitus instituta est rerum universitas, ut sine virtuti-  
bus nulla sit nec esse possit vera felicitas (§. 400. P. I. Phil. præf.  
univ.) eaque vitiis amittatur (§. 403. seqq. ibid.). Quapropter  
& in qualibet civitate ratione justitiæ opera navanda est, ut  
proborum justitia promoveatur, defendatur, ac quibus fieri  
potest præmiis cumuletur; improborum autem injustitia im-  
pediatur, coërceatur profligeturque quantum salva sapientia  
fieri potest. Cumque omnes unanimi voto id in civitate quæ-  
rant, ut ipsis bene sit, dum suo officio, ut par est, funguntur;  
male autem illis, qui officio suo repugnantes id agunt, ut ex  
injuria aliis illata lucrum captent: utique necessitas & utilitas  
(Wolffii Politicæ P. III. Sect. I. C. III.) A a justiti-

justitiæ ipsis melius commendari & ob oculos poni nequit, quam si sapienter curetur, ut justitiam colentibus omni ex parte melius sit, quam negligentibus aut violentibus eandem.

Totus in eo est *Cicero Libro II. de offic.* ut planum faciat, nil esse revera utile, nisi quod honestum justumque. Ita *cap. 3.* scribit: Hoc autem, de quo nunc agimus, id ipsum est, quod utile appellatur. In quo verbo lapsa consuetudo deflexit de via, sensimque eo deducta est, ut honestatem ab utilitate secernens, & constitueret, honestum esse aliquid, quod utile non esset, & utile quod non honestum: qua nulla perniciēs major hominum vitæ potuit afferri. Summa quidem auctoritate Philosophi severe sane atque honeste hæc 3 genera confusa cogitatione distinguunt. Quidquid enim justum sit, id utile etiam esse censent: itemque quod honestum, idem justum. Ex quo efficitur, ut quidquid honestum sit, idem sit utile. Quod qui parum perspiciunt, hi sæpe versutos homines & callidos admirantes, malitiam judicant sapientiam. Quorum error eripiendus est, opinioque omnis ad eam spem traducenda, ut honestis consiliis, justisque factis, non fraude & malitia se intelligant ea, quæ velint, consequi posse. *Lib. I. de Fin. Bon. c. 16.* monet, cupiditates, quæ a natura sunt, facile expleri, sine ulla injuria; quæ autem inanes sunt, his parendum non esse: quia nihil desiderabile concupiscunt, plusque in ipsa injuria detrimenti est, quam in iis rebus emolumentum, quæ pariuntur injuria. Hæc Ciceronis verba antiquorum placita exhibent, e natura rerum non sine magno acumine eruta; Quantum acumen cum plurimis non sit, in civitate subveniendum est ipsorum hebetudini mentis, ut ex iis, quæ in sensus incurrunt, discant eam rationem, quam animus perspicit acutior. Hinc actionum externarum justitiæ consentanearum, laus, honor & fructus ipsis palpabilis fieri; injustarum vero actionum nocumenta, dedecus, & perniciēs iidem in sensuum luce poni debet. Quod fieri nequit, nisi curetur, ut omnes actu sentiant, non esse cuiquam bene, nec quemquam vivere beate, nisi cum virtute & justitia præsertim  
ratio-



rationem habeat; nec infelicem & miserum esse quemquam, nisi qui a virtutibus abhorreat, seque vitis & iniustitia inquinaverit.

## §. 171.

*Iustitia autem publica exercenda est tum erga eos, qui in civi-* *Erga quos*  
*tate degunt, tum erga alias civitates illarumque subditos.* *Iustitia iustitia ex-*  
*nempe hic complectitur habitum quævis officia erga alios ho-* *serenda.*  
*mines præstandi, vel summam & genus virtutum erga alios*  
(§. 164.). Publica vero exercetur nomine totius civitatis (§. 641.). Sed alii homines, quibuscum in civitate res intercedunt, vel sunt quotquot intra illam degunt; vel sunt tales, qui extra illam dantur, in alia quadam civitate degentes, quod per se lucet. Quare & iustitia exercenda est aut adversus eos, qui civitatem quandam conficiunt, aut adversus eos, qui alii cuidam civitati subiecti sunt. Item quoniam civitas quæque consideratur, uti persona moralis (§. 2. *Jur. Gent.*), iustitia quoque exercenda est civitati erga suos subditos, & subditis erga civitatem vicissim; item cuique civitati erga aliam civitatem quamcunque, cum qua ipsi commercium quoddam intercedit (§. 479. *P. I. Polit.*).

## §. 172.

Iustitia publica, quæ domi suum cuique jus tribuit, hoc *Iustitia pu-*  
est, quæ iis debetur, qui in civitate degunt, posset dici *iustitia blica vel*  
civitatis erga seipsam, quam uno nomine dicere liceat *probita-probitas est*  
*tem*, quia generalis ipsius potestas iustitiæ responderet (§. 163.). *vel magna-*  
Ea autem iustitia, quæ foris suum cuique jus tribuit, hoc est, *nimitas.*  
quæ erga alias civitates earumque subditos præstat, quæ ipsis  
lege naturali debentur, erit iustitia civitatis erga alias civitates,  
quæ iustitia emanans, vel unico vocabulo *equabilitas*, ab æqui-  
tate erga alias civitates sollicitè observanda, aut *magnanimitas*,  
melius non invita latinitate dici posset, uti *Lactantius V. 14.*  
æquitatem se cum aliis cœquandi *Cicero æquabilitatem* vocat.

Vbi nomina usitata habentur diversa, quæ eandem fere rem notare solent; ibi scrutari licet id diversum, quod in rebus datur, cui primitus destinata esse potuerunt, licet usus sequioris ætatis parum attendisse ad illam diversitatem videatur. Sed æquabilitas latius quidem ad constantiam animi refertur, quæ æquanimitas dici solet, uti in hoc loco: præclara est æquabilitas in omni vita, & idem semper vultus, eademque frons, ut de Socrate itemque de C. Lælio accepimus. Stricterius vero ad justitiam refertur, uti ipsa æquitas, nisi quod constantem ejus tenorem, vel habitum æquitatem exercendi infert. Sic de Orator. L. II. c. 85. erit explicandum in laude justitiæ, quid cum fide, quid cum æquabilitate, quid cum ejusmodi aliquo officio is, qui laudabitur, fecerit. Et Lib. I. de offic. c. 25. ait in liberis vero populis, & in juris æquabilitate exercenda etiam est facilitas & altitudo animi, quæ dicitur, ne si irascamur aut intempestive accedentibus, aut imprudenter rogantibus, in morositatem inutilem & odiosam incidamus. Et tamen ita probanda est mansuetudo atque clementia, ut adhibeatur reip. causa severitas sine qua administrari civitas non potest., Vbi altitudo animi ipsi eadem est, quam in antecedentibus dixit animi magnitudinem, seu animum magnum, excelsum, maximum, & quam Lib. III. de offic. c. 5. his laudat verbis: Multo magis est secundum naturam excelsitas animi & magitudo, itemque comitas, justitia, liberalitas, quam voluptas, quam vita, quam divitiæ: quæ quidem contemnere & pro nihilo ducere, comparantem cum utilitate communi, magni animi & excelsi est. Quia viros magno animo præditos sæpe magnanimos vocat, & magnificos: Cap. 43. magnanimitatem uno nomine vocat, quam ante & postea animi dixit magnitudinem, græcorum μεγαλοψυχίαν exprimens; itemque magnificentiam, quam Lib. II. de inv. rhetoric. c. 54. dicit rerum magnarum & excelsarum cum animi ampla quadam & splendida propositione agitationem administrationemque, & fortitudinis partem statuit. Quoniam magnanimus circa magnos honores (§. 564. P. I. Jur. nat.), magnificus autem circa magnos sumtus versatur, uti decet & Jus naturæ exigit (§. 389. P. IV.

P. IV. Jur. nat.): patet, utriusque virtutis & discrimen & convenientia. Versatur utraque circa res magnas, uti par est & decet, unde & nomen græcum magnificentiae est μεγαλοπρεπεια (quasi magnidecentia): quia tanquam sublimitas seu magnitudo liberalitatis decenti sumtuum splendori satisfacit. Magnanimitatem vero *Stagyrita Nicomach. IV. c. 7.* virtutem dicit, qua se magnis dignos censent honoribus, qui iis omnino digni sunt; mallem dicere, qua magnos mereri honores factis excelsis student. Vnde infert magnanimum esse non posse nisi bonum virum. Ita *Cicero L. I. de offic. c. 19.* vera, inquit & sapiens animi magnitudo honestum illud, quod natura sequitur, in factis positum, non in gloria judicat, principemque se mavult esse, quam videri. Etenim qui ex errore imperitæ multitudinis pendet, hic in magnis viris non est habendus., Sed ubi magis opus est magnanimitate, quam ubi civitates inter se majestatem suam debent invicem restari? Idcirco magnanimitas in primis politica virtus, eaque sublimis & excelsa est, uti in factis arduis omnibus, ita & in sumtuosis rebus magnifica. Dici potest publica, quæ a civitate (ejusve rectore) erga aliam civitatem exseritur; privata, quæ erga privatum.

## §. 173.

*Magnanimitas publica vel versatur circa alterius civitatis bene vel male facta, & utrobique non facit nisi quod justum est & æquum.* Magnanimitas publica enim notat justitiam publicam & sublimitatem; quam civitas alia alii civitati ejusque subditis exhibet (§. 172). Enimvero justitia suum cuique jus tribuit (§. 926. P. I. Jur. nat.), ideoque & cuique tribuit quod suum est, seu quod ipsi debetur (§. 925. *ibid.*). Sed alia debentur bene factis, alia male factis, ob contrariam eorum indolem. Proinde & civitati alii ab alia civitate nequeunt eadem deberi, sive bene fecit seu in officio mansit, sive male fecit & contra officium egit. In utroque tamen casu non faciendum est, nisi quod justum apprehenditur, saltem æquum, sive quod jus



cujusque requirit. Magnanimitas publica igitur modo rem habet cum bonis actionibus alterius civitatis, modo cum contrariis seu malis, pro re nata; sed in utroque casu non recedit a legibus divinis, ideoque non facit nisi justum esse intelligit aut tamen æquum.

Magnanimitatem publicam (die Staats-Grosmuth vel die Großmüthigkeit eines Staats) referre oportet ad actiones edendas, quibus magnum honorem & gloriam insignem mereri, & ex merito consequi valet (§. 172.). Fingamus, alteram civitatem ipsi nec boni nec mali quidquam ante fecisse, quam altera quidquam cum ea negotii inchoat. Hac rerum facie id bene factum dici potest, quod ponitur nihil mali alteri creasse. Vti qui non adversatur alteri, cum illo facere statuitur *Luc. IX, 49. seq.* & generatim qui omittit prohibita, præstat officia abstinentiæ, omissionisque debita. Quare & in hoc casu, & multo magis, quum & commisit præcepta legibus faciendo alteri, quæ facere debet, id ipsi debetur quod meruit suis benefactis in omittendis æque ac committendis actionibus honestis. In contrario vero casu contraria debentur, prout justitia & æquitas exigit.

§. 174.

Quid tribuat  
beneficis erga  
se?

*Bene se gerentibus civitatibus, earumque subditis, magnanimitas publica sapienter mutuam testatur benevolentiam, beneficentiam, munificentiam, magnificentiamque.* Versatur enim illa hoc casu circa benefacta alterius civitatis, aut plurium civitatum aliarum, & in eodem nil admittit nisi quod æquum est justumque (§. 173.). Enimvero æquum est, ut quod nobis fieri recte volumus, idem faciamus & alteri (§. 102. *seqq. P. I. Jur. nat.*). Quoniam obligamur nobis invicem ad mutua beneficia, quæ sunt in potestate nostra (§. 23 *P. IV. Jur. nat.*), & multo magis ad reddenda ea data opportunitate (§. 41. *ibid.*); & civitates sibi invicem debent, quod homines singuli sibi debent in statu naturali (§. 156. *Jur. Gent.*): negari nequit, publicam magnanimitatem esse sapientem

pienter adhibendam, ad testandam sibi invicem mutuam benevolentiam, beneficentiam, munificentiam & magnificentiam, neque minus ad honestam in his aliisque virtutibus, sub justitia & æquitate comprehensis, æmulationem, amicitiamque mutuam (§. 166. *Jur. Gent.*) & (§. 343. *seq. P. I. Polit.*).

Munificentia civitatum potissimum locum habet adversus civitates debiliores, quæ suæ defensionis impares sunt, quibus propterea alia civitas aut & plures aliæ civitates subveniunt, ut eam contra potentiorē tueantur, ne intereat, quo ipso potentior iniqua facile insolesceret ad grassandum ulterius contra civitates sibi facile subjugandas. Hac de causa suam simul rem agunt defendendo debiliorem civitatem illæ, quæ ipsi opitulantur, eamque asserunt in libertatem & securitatem, licet debilior civitas par pari referre nequeat, grato tantum animo veneratura beneficium sibi datum. Ejusmodi munificentia tum est instar liberalitatis gratuita, eleemosynas & stipem erogantis. Nec ea in hoc casu tantum se exerit, sed in quovis alio huic affini. Qualis esset, si civitas defensora debiliorem nihil habeat ab altera potentiori verendum; si debilior vel in ipsius tutelam & clientelam se dare velit, ipsa autem magno animo eam malit liberam manere & tutam a se præstari, quam sibi submitti. Cujusmodi magnanimitas rarior censeatur, ac reliquæ ejusdem partes, in quibus tam eximium beneficium non continetur. Cujusmodi forent, si annonæ caritati, ob quam fame tantum non esset pereundum debiliori civitati, subveniatur; si pestilentiae contagio laboranti suppeditentur remedia, quibus indiget; si cæteris adversitatibus publicis & calamitosis medela afferatur; si commerciis lucrosis locus detur, sine quibus debilior civitas vix aut ægerrime se conservare posset. Vti Tyrus & Sidon leguntur Herodem placuisse, propterea, quod sine commercio cum Judæis florere non possent. *Actor. XII, 20.* Pari ratione magnificentia in honorem & suæ & alterius civitatis ingentes, quando consultum videtur, sumtus facere non pigrabitur, ut quæ fieri debent v. c. in nuptiis celebrandis, festivitatis hospitalibus, aliisque solem-

lemnitatibus legationum, seu mittendarum seu recipiendarum, quæ fieri debent, fiant ex dignitate & majestate quam decentissime. De cæteris huc revocandis virtutibus quædam commemori vi §. 166. Quibus cæteræ facile addi possunt ex *Ethicis*.

## §. 175.

*Quid malefici erga se?*

*Si qua injuria civitas afficitur ab altera civitate, ejusve subditis, magno animo leviores quidem contemnit, contenta nuda admonitione, & reparatione privatis forte facienda; graves autem injurias sapienter repellit gradatim utendo acrioribus defensionis remediis, bello tantum in extrema necessitate suscepto, aut & pro statu civitatis dilato in opportunius tempus. Injuriam enim tam verbales, quam reales fiunt contra jus perfectum alterius civitatis (§. 859. & 886. P. I. Jur. nat.), læduntque alteram civitatem & offendunt (§. 942. *ibid.*), cum tamen ne illam quidem lædere liceat & offendere, quæ prior læsit vel offendit (§. 940. *ibid.*), licet ob averrendum periculum futuræ læsionis, quando id consultum deprehenditur, puniri debeat (§. 1060. *seq. ibid.*). Enimvero quia civitates quoque mansuetæ erga se invicem esse debent (§. 951. *ibid.*) & ad condonandam offensam faciles (§. 960. *ibid.*), quando defensio sui non est necessaria (§. 1000. & 1042. *seqq. ibid.*) aut non talis nec tanta, ut si neglectis lenissimis & lenioribus remediis, ad duriora & justo asperiora vel durissima proruit (§. 983. *seq. ibid.*); manifestum est, non omnes injurias sive verbales, sive reales, ejusdem esse census, sed alias esse leviores, quæ spernuntur rectius, quam vindicantur, alias vero graviore, adversus quas opus est defensione vel & pœna, ideoque rectius animadvertuntur, quam contemnuntur & impunes dimittuntur. Sed in utroque genere magnanimitas publica nil facit, nisi quod justum est & æquum (§. 173). Ea propter magnanimitas publica leviores injurias, quas parum cavere & coercere civitas potest, quantumvis cupiat, & quæ rectius spernuntur, quam animad-*



animadvertuntur, sapienter contemnit & nihili facit, tanquam ultione indignas; in cæteris vero caver sapienter, ne quid nimis, vel ne modum excedat, sed potius lenissima quæque tentet & præmittat, nec nisi gradatim ad duriora progrediatur. Quid? quod sæpe quando vel bello opus foret, sapientius illud remittit in tempus opportunius, quam ut justo quidem sed intempestivo belli periculo civitatem involvat (§. 622. seq. Jur. Gent.) & (§. 503. P. I. Polt.).

## §. 176.

Post officia erga Deum & se ipsum, nihil ista magnanimitate civi- Magnanimitati potest esse utilius, nihil magis necessarium. Est enim magnanimitatis utilitas mitas non nisi justitia & æquitas, erga alias civitates observan- & necessitas. da (§. 172.). Sed illa in qualibet civitate permagnæ est utilitatis necessitatisque (§. 169.). Quamobrem cum ab aliis civitatibus plurimum damni & periculi sit metuendum, si vel actu injuria afficiantur, vel iniquitate quadam species injuriæ præbeatur; cum ex adverso plurimum commodi mutuis commerciis & officiis sibi invicem præstare possint, si justitiam, uti par est, ita colant, ut illi, quæ forte infestare alias sibi que subicere vellet, ne obtentus quidem speciosus relinquatur: oppido claret effatum, si ab officiis erga Deum & erga se ipsam mentem avocemus, nihil magnanimitate civitati magis esse decorum salutare & necessarium.

Non prætereundum hic est exemplum Aristidis, Atheniensibus principatum pariens inter Græciæ civitates. Qua de re hæc memorat Nepos in ejus vita c. 2. Neque aliud est ullum hujus in re militari illustre factum, quam hujus imperii (quo Mardonius in prælio est fusus) memoria. Justitiæ vero & æquitatis, & innocentie multa. Inprimis, quod ejus æquitate factum est, quum in communi classe esset Græciæ simul cum Pausania, quo duce Mardonius erat fugatus, ut summa imperii maritimi a Lacedæmoniis transferretur ad Athenienses. Namque ante id (Wolfii Politica P. III. S. I. C. III.) Bb tem-

tempus & mari & terra duces erant Lacedæmonii. Tum autem & intemperantia Panfaniæ, & justitia factum est Aristidis, ut omnes fere civitates Græciæ ad Atheniensium societatem se applicarent, & adversus barbaros hos duces deligerent sibi, quo facilius repellerent, si forte bellum renovare conarentur. Supersedeo plura commemorare de hac justitia & æquitate aliis civitatibus præstanda, quoniam de illis uberius actum est *P. I. Polit. Cap. 6.*

## §. 177.

*Qrotuplici*

*modo priva-  
ta magnani-  
mitas exse-  
ratur?*

*Magnanimitas privata vel exercetur a rectore civitatis qua tali modo priva- erga privatos, vel a subditis erga alios subditos, ejusdem aut alius ci- ta magnani- vitatis. Magnanimitas enim privata publica non est, utpote mitas exse- cui velut alia species adjuncta est (§. 172. in not.). Cum ideo ratur? exerceatur erga privatum, non vero erga civitatem, haud difficulter perspicitur, posse rectorem civitatis ut talem, hoc est in functione muneris sui, eam exercere erga privatum quendam, sive subditum, sive peregrinum; posse quoque & alium, qui rector civitatis non est, ideoque ut privatus spectandus est, sive munere quodam publico, a rectore civitatis sibi demandato, fungatur, sive minus, erga alium privatum, sive superiorem, sive parem, sive inferiorem, eam in rebus magni momenti exserere, sive alius ille privatus sit ejusdem, sive etiam diversæ civitatis subditus. Cum ergo inter Rectorem civitatis, & eum, qui rector civitatis non est, tertium non detur (§. 28. *Onol.*): liquet evidentissime, magnanimitatem privatam vel exerceri a rectore civitatis, seu ipsa civitate erga privatum quendam; vel ab alio privato erga privatum, qui vel ejusdem vel alterius civitatis subditus esse potest.*

Maximas res & maximi animi geri ab iis decet, qui remp. regunt, quod eorum administratio latissime patet ad plurimosque pertinet. Sciscit Cicero *L. I. de offic. c. 26.* Est vero & secundum *Aristotelem L. IV. Eth. c. 3.* magnanimitas omnium virtu-

virtutum quasi ornamentum (*κοσμος*), & autore *Seneca* magnanimitas quemque decet mortalem *L. I. de clement. c. 5.* & nihil æque hominem decet, quam animus magnus *Lib. II. c. 5. ibid.* suas partes habet in utraque fortuna retinendo recta & honesta: quia levitatis est, ut adversas res, sic secundas immoderate ferre, in officiis *Ciceronis L. I. c. 19. & 26.* secundam nempe fortunam temperat, malam & adversam retundit ac despicit aliis admiranda. In bona tamen lætiores locum habet, meliusque in tribunali sedet, quam in plano conspicitur, *Seneca* ex sententia *Lib. I. de clem. c. 5.* Magnanimus more magnæ feræ latratus minutorum canum securus expectat. Idem *Lib. II. de ira c. 32.* Non est magnus animus, quem incurvat injuria *L. III. de ira c. 5.*, ubi & hæc habentur: uti tela a duro resiliunt, & cum cedentis dolore solida feriuntur: ita nulla magnum animum injuria ad sensum sui adducit, fragilior eo, quod petit. Dein *cap. 6.* addit: pars superior mundi & propinqua sideribus, nec in nubem cogitur, nec in tempestatem impellitur, nec versatur in turbinem, sed omni tumultu caret; inferiora autem fulminant. Eodem modo sublimis animus quietus semper & in statione tranquilla collocatus, infra se premens, quibus ira contrahitur, modestus est, venerabilis & compositus. De magnificentia similia dici possunt, ut & de munificentia. Est quoque, inquit *Vellejus L. II. c. 29.* qui privatis consiliis magna ausus, & magnifice conata exsecutus est. Privatis tamen cavendum esse, monet *Cicero L. I. de offic.* ne extra modum prodeat magnificentia, neve liberalitas dissolutior videatur & luxuria. Sed de his plura jam exponere non attinet, nec hujus est loci.

## §. 178.

*Probitas (publica) itidem bene maleque factis in civitate tribuit Probitatis quod ipsis debetur.* Notat enim nobis hic probitas justitiam publicam erga omnes in civitate degentes, vel justitiam civitatis *publicæ officium.* erga se ipsam (§. 169.), & justitia est habitus suum cuique jus tribuendi, & strictius tribuendi cuique quod suum est (§. 925.



*seq. P. I. Jur. nat.*). Sed quæ fiunt in civitate, ea vel bene fiunt, vel male (§. 53. *P. I. Phil. præf. univ.*). Ergo probitas publica cum bene tum male factis tribuit quod ipsis debetur, æque ac magnanimitas publica (§. 173.).

Vti supra probitatem diximus die Redlichkeit (§. 163.): ita probitas publica dici posset die Staats-Redlichkeit, vel latiori sensu die Staats-Zugend, vel die Haupt-Zugend in einem Staate. Quoniam enim justitiæ summa est necessitas in civitate (§. 169.): inprimis omnes id curatum in civitate cupiunt, ut sua cuique jura perfecta & privilegia salva maneant atque illæsa, & si quid secus audeatur, ut prompta adsit adversus violatores justitiæ medela. Monuimus supra (§. 165. *seqq.*) quomodo curanda sint ea, quæ in justitia vel tam abdita sunt, ut in conspectum aliorum hominum per se prodire nequeant; vel adeo callide occultantur, ut explorari vix ac sæpe ne vix quidem possint. Nunc restat, ut de illis exponamus, quæ cognitioni civili patent.

INLEITUNG §. 179.

*Invitandi*

*sunt cives ad sunt in civitate idoneis invitamentis ad præclare merendum de rep., & egregia præstanda.*

*Probi homines & ingenio præstantiores provocandi excitandique* ad excellendum in artibus, scientiis & virtutibus. Adjuvandi enim sunt in civitate, quotquot proni sunt ad legem naturæ servandam, curandumque, ne ab aliis ea in re impendantur a quaquam (§. 659. *P. VIII. Jur. nat.*). Sed lege naturali quilibet tenetur omnem facere facultatum suarum usum, quem habere possunt, & ut facere possit, omnem dare deber operam (§. 642. *P. II. Phil. præf. univ.*), & cui amplior est facultatum, virium ac rerum usus & auxilium alienum majus, is ad plura, quam alter his non æque gaudens, præstanda obligatur (§. 177. *P. I. Jur. nat.*). Cum omnem teneamur facere usum facultatum nostrarum, qui ad perficiendum mentem, corpus, & statum hominum aliorum & ad arcenda his contraria requiritur, quatenus is absque neglectu officii erga nos ipsos fieri potest

(§. 609. *ilil*): perspicuum est, in civitate probos & doctos naturalibus præstantiores idoneis invitamentis provocandos excitandosque esse ad eas quam optime perficiendas, ad præclare merendum de salute publica, & generatim ad excellendum in quibusvis artibus, scientiis, virtutibusque (§. 353. *Oecon.*), cum ipsius laudem præstantiamque præ aliis arguat, eoque majorem & famam & affluentiam rerum conciliet, quo pluribus gaudet, in omni vitæ genere excellentibus viris hominibusque (§. 51. 54. *Jur. Gent.*), & optimos quosque æmulatur (§. 354. *Oecon.*).

## §. 180.

Bonis actionibus eorum, qui in civitate degunt, debetur ordinatio jure approbatio & laus, patrocinium, & remotio impedimentorum & extraordinarium in generali emolumento salutis communis; extra ordinem vero præmiarium in civilia promerita, tanquam redhostimenta. Bonæ enim actiones bonis actionibus congruunt cum legibus divinis (§. 152. 175. 277. seq. *P. I. Phil. pract. univ.*) & cum salute publica (§. 40. seq. *P. I. Polit.*), præterquam justitiæ, quam quod & privatim felicitati & perfectioni singulorum inserviunt (§. 396. 398. seqq. *P. I. Phil. pract. univ.*). Actiones vero ordinariæ dicuntur, quæ quotidie ab omnibus fieri debent sui & communis boni causa. Jam approbatio infert judicium, in hoc casu publicum, quo actio bona censetur (§. 588 & 673. *P. I. Phil. pract. univ.*). Vnde actionibus bonis ordinariis publicam seu omnium deberi approbationem & laudem cogitur (§. 541. seqq. *P. I. Jur. nat.*).

Patrocinium dicimus non tantum favorem alterius bene agentis vel nobis placentis, qui inter affectus compareret (§. 791. seq. *Psychol. empir.*), sed charitatem superiorum erga recte se gerentes, ipsisque propterea addictos, quos *clientes* dixere majores. Continet ergo patrocinium simul tutelam seu defensionem adversus malevolos, & profectionem fortunæ ac adju-

mentum, quo indigent agentes ad ulteriorem actionum suarum perfectionem (§. 387. *Oecon.*). Sed compertum habetur, in civitate operam esse navandam, ut qui proni sunt, ad servandam legem naturæ, quibuscunque fieri potest modis adjuventur (§. 395. *P. VIII. Jur. nat.*). Quare elucescit, bonis actionibus eorum, qui in civitate versantur, etiamsi essent peregrini, ordinario jure patrocinium publicum deberi, quo & protegantur & adjuventur fortunenturque, quantum fieri potest.

Præterea civitati curæ cordique esse debet, ut communis omnium felicitas promoveatur, ac quilibet tutus præstetur ab injuria alterius, & a metu injuriæ ac vis externæ (§. 394. *P. VIII. Jur. nat.*). Idcirco res constituendæ ita sunt, ne boni ab aliis in servanda lege naturali impediuntur, & ut cæteri vi adigantur, ad actus externos minimum legi naturæ conformandos (§. 395. *ibid.*). Quapropter apparet, inter ea, quæ bonis actionibus in civitate universe debentur, esse quoque remotiorem impedimentorum recte agendi, quanta conjunctis viribus comparari potest.

Denique cum omnes ac singuli communis boni & salutaris publicæ causâ in civitatem coëant (§. 35. *seq. P. I. Polit.*); & salus publica importet præter remedia felicitatis & rerum, quibus homines indigent, copiam omnibus suppetentem (§. 10. *P. VIII. Jur. nat.*), tranquillitatem & securitatem vitæ (§. 13. *ibid.*): civitas quoque ita constituenda est, ut cuique in ea emolumenta communis boni pateant, qui illis legitime studet (§. 15. *ibid.*), & ut quiete bonis suis, ut suis, communibus ut communibus fruatur (§. 17. *ibid.*). Pertinet igitur ad ea, quæ ordinariis actionibus bonis in civitate debentur, fruitio dulcis emolumentorum, quæ in salute publica continentur. Hæc hætenus sunt communia merita de rep. & communia atque ordinaria commoda inde oriunda.

Quis.



Quisquis vero ultra hæc vulgaria & ordinaria extra ordinem singularibus actionibus bonis de salute publica bene meretur, itaque meritis eximiis eminet, huic plura solitis præstidiis vitæ & emolumentis communibus pervulgatisque deberi, per se est manifestum. Cum obligandi sint & provocandi cives ad præclare de rep. merendum (§. 179.), & obligatio civilis ad egregia facta præmiorum promissione & distributione constituenda (§. 298. *P. I. Phil. pract. univ.*): oppido patet, extraordinarias & insignes actiones bonas publicæ rei proficuas, earumque habitus, præmiis promeritis tanquam redhostimentis esse condecorandas, & si earum autores vel jam sint vita functi, vel non indigeant illis, ob præclara ipsorum merita in rep. beneficia conferenda esse in ipsorum liberos cognatosque (§. 659. *P. VIII. Jur. nat.*).

Nonnihil horum inculcat *Cicero L. I. de offic. c. 5. §. 7.* Vbi postquam de perspicientia & indagatione veri dixerat eum, qui maxime perspicit, quid in quaque re verissimum sit, quique acutissime & celerrime potest, & videre & explicare rationem, prudentissimum & sapientissimum rite haberi, pergit: reliquis autem tribus virtutibus necessitates propositæ sunt, ad eas res parandas tuendasque; quibus actio vitæ continetur, ut & societas hominum conjunctioque servetur, & animi excellentia magnitudoque, cum in augendis opibus utilitatibusque & sibi & suis comparandis, tum multo magis in his ipsis despiciendis eluceat . . . Justitiæ primum munus est, ut ne cui quis noceat, nisi laceffitur injuriâ; deinde ut communibus utatur pro communibus, privatis, ut suis. *Cap. 15.* ait de delectu in beneficentia habendo: neminem omnino esse negligendum, in quo aliqua significatio virtutis appareat; colendum autem ita esse quemque maxime, ut is maxime virtutibus lenioribus est ornatus, modestia, temperantia, justitiaque., Referenda huc quoque sunt, quæ (§. 165 - 168.) præcipiuntur.

## §. 181.

Idem in malis actionibus.

Quia malæ actiones non sunt bonæ (§. 53. P. I. Phil. pract. univ.), malis actionibus nequeunt eadem deberi, quæ bonis, sed necesse est, ut illis contraria debeantur. Debent ergo malæ actiones ordinaria in civitate improbari & vituperari, carere patrocinio, sapienter impediri, quantum fieri potest, & nocere suis autoribus adiutoribusque; quæ autem extra ordinem noxæ salutis publicæ leduntque aut singulos aut universos seu civitatem, itaque ferenda non sunt in civitate (§. 647. seqq. P. VIII. Jur. nat.), ea pœnis promeritis sunt prosequenda & arcenda, quam optime licet (§. 180.).

Debentur illa cuique, quæ actione sua meretur, vel ad quæ alii propter illam obligantur (§. 785. P. I. Phil. pract. univ.), cum debitum non sit, nisi ad quod alteri obligamur (§. 170. ibid.). Inde non nisi ea debentur actionibus seu bonis seu malis, ad quæ alii propter illas erga agentem obligantur. Ex quo principio deducere licet, quæcunque in officio iustitiæ exercendæ in utrumque genus actionum continentur.

## §. 182.

Quid sint præmia publica?

Præmia publica dicuntur huiusmodi bona, quibus civitas remuneratur actiones ad salutem publicam præ cæteris facientes; vel si licet remunerationem bene meritorum redhostimentum vocare, sunt redhostimenta publica; quæ ideo a privatis dari nequeunt, saltem non nisi publica autoritate dantur. Esse illa præmia non nisi positiva, planum est ex (§. 312. P. I. Phil. pract. univ.).

Vera igitur præmia publica non cadunt, nisi 1) in actiones bonas, eorumque autores, adjuutores, & hæredes, 2) actiones illæ facere debent ad salutem publicam seu conservandam seu ampliandam, nec tamen quotidianæ & communes plurimis, sed egregiæ esse, quæ rariores, singularesque esse, & plus valere intelliguntur ad publicam salutem, quam vulgares illæ, quibus communia illa earum emolumenta sufficiunt (§. 180.). 3) Dari debe-

debent in remunerationem vel compensationem bene de rep. meritorum. Neque enim deceret civitatem, neque justum esset, gratuita posse merita publica, cum vicissim dare seu reddere paria bona vel majora possit (§. 268. P. IV. *Jur. nat.*), quia bonum bono rependendum referendumque sit lege naturali (§. 806. P. I. *Jur. nat.*). Neque præmium tum foret, cum merces esset pacto conventa, vel stipulatum æquivalens aut honorarium, ubi perfecta adesset ad id dandum obligatio (§. 295. P. I. *Phil. pract. univ.*). 4) Si de perfecta civitatis obligatione quærat, est præmium indebitum, atque extorqueri a nemine potest, quia civitas ad illud conferendum perfecte non obligatur. Sed internam obligationem agnoscens, illud tribuit, quando aliis officiis potioribus non impeditur. Ea propter remuneratio dicitur seu munus publicum pro alio munere, donum publicum loco alterius doni grato animo datum, vel & liberaliter promissum iis, qui in dato casu de rep. bene sint meritori. 5) Licet detur propter merita, & eorum causa tantum debeatur (§. 785. *ibid.*); id debitum tamen est imperfectum & judicio civitatis relinquendum, quando & quomodo id sit præstandum, nec ne. 6) Datur præmium civile ob præclare facta præterita seu merita egregia, ideoque ad remunerandum meritum; sed simul quoque dari debet ad incitandos alios, ac ipsos meritorum autores ad similia aut majora merenda. Et eatenus præmia invitamenta quoque sunt ad præclare merendum de civitate: ideoque & promitti possunt & proponi his, qui ita sunt meritori, uti salus civitatis flagitat. Neque enim promittuntur nisi ex liberalitate & munificentia, quæ lautiora dat, ac valere res videatur; neque nisi ex eadem dantur tanquam dona promissa. Per se vero liquet, hæc præmia esse humana, atque differre a privatis, quibus privatus homo alium privatum afficere potest.

## §. 183.

*Præmia publica nequeunt consistere nisi in bonis humanis; quæ In quo consistunt præsertim bona fortunæ civilia appellantur. Præmia enim publica sunt præmia*  
*(Wolffi Politica P. III. S. I. C. III.)*      Cc      *tribu- publica?*



tribuuntur a civitate bene ac egregie merentibus (§. 182.). Enimvero civitas est societas hominum publica sibi suffectura (§. 4. P. VIII. Jur. nat.). Homines vero quotquot fuerint, illi aliis auferre non possunt, nisi bona corporis & externa (§. 588. *ibid.*); sed dare ne quidem bona corporis possunt nec reddere amissa, licet ad ea conservanda, a periculis liberanda, & excolenda non pauca conferre possint, uti quisque in se id experitur. Pariter quoque naturalia animi dona a nemine cuiquam tribui possunt; sed ad earum culturam & habitus acquirendos conferre multa queunt. Illa vero bona, quæ in hominem ab homine proficisci possunt, vel quorum adquisitio ab aliis hominibus saltem eorum ope dependet, bona dicimus humana; uti quæ non nisi a Deo dantur, divina nuncupantur. Hujusmodi potissimum habentur in bonis fortunæ (§. 556. *Psychol. emp.*). Quare intelligitur, præmia publica non posse consistere, nisi in illis, quæ ab homine proficisci saltem perfici possunt, hoc est in bonis humanis, & præcipue in bonis fortunæ, humanæ vel civitatis potestati subjectis, unde civilia dicuntur.

## §. 184.

*Quem statum  
hominis per-  
ficiant?*

*Præmia publica indirecè quasi statum hominis internum perfectio-  
rem reddunt, directè autem tantum statum ejus externum.* Consistunt enim duntaxat in bonis humanis, quæ civitatis potestati sub-  
sunt (§. 183.). Enimvero homines proprie nemini dare pos-  
sunt vel dores animi, vel corporis, quibus destituitur; ad sum-  
mum sua opera ad conservationem & culturam harum naturæ  
Deique dotium aliquid ita conferre valent, ut & quod confe-  
runt dependeat potissimum ab interno capto & studio. Quem-  
admodum publica institutione animi erudiuntur non pro voto  
docentium, sed pro capto & ardore discipulorum, præclaro, aut  
exiguo & hebetiori. Neque Poliatri vitam aut sanitatem red-  
dere ægris valent, uti cupiunt, sed uti hi capere vires medi-  
camen-

camentorum, eorumque adjumento vincere causas morbi valent, aut iisdem vincuntur. Oblique ergo quasi & aliquatenus civitas statum internum aliorum perspicere valet.

Quoad bona fortunæ autem, quæ in civitatis potestate sunt, illa pro lubitu suo conferre valet in merentes, qui ea admittere seu recipere non detrectant. Quia agens directe illa velle dicitur, quæ novit ex actione sua secutura esse, & vult, ut ex illa sequantur, uti indirecte velle perhibetur, quæ ex illa actione sequi possunt & non possunt (§ 621. & 623. P. I. Phil. pract. univ.): dilucidum est, civitatem præmiis publicis directe tantum bene merentium statum externum perficere posse, quando illi recipere præmia dignantur. Quæ conditio & in priori casu locum habet.

#### §. 185.

*Premia publica usitatiora sunt gratia omnium, dignitates, & opes* *Premia publica.* Perficiunt enim præmia publica directe & potissimum *publica triplicem statum hominum externum (§. 184.) bonis fortunæ (§. 183.)-cis generis* Sed bona fortunæ triplicis sunt generis, amicitia, honores & sunt. opes (§. 380. Oecon.). Amicitia summa h. e. publica, eaque plurimorum inprimis superiorum & potentiorum dici consuevit *gratia.* Honores civitatis publici, excellentiam supra alios tribuentes dicuntur *dignitates publicæ (§. 205. P. VIII. Jur. nat.).* Rerum denique externarum utilium affluentia & copiarum *opum* nomine veniunt. Relinquitur inde, præmia publica esse gratiam omnium, dignitates civiles & opes publicas vel e rep. oriundas.

Bona aut interna sunt, aut externa, quorum illa *Aristoteli* bona naturæ, hæc fortunæ dicuntur *L. I. Rhet. c. 4.* Bona naturæ aut in animis, aut in corporibus habentur *L. I. Nicomach. c. 8.* Bonorum animi ea est præstantia, ut sua vi oculos alliciant ad sese, & propter se suamque vim & naturam sint expetenda,

quæ honesta dicuntur, quod genus scientia, veritas, virtus est. Quæ autem tantum aliquo emolumento nos captant, & propter fructum petuntur, ea utilia dicuntur. Alia & his juncta, ex parte propter se petuntur, quatenus juncta sunt honestis, itaque sua vi & dignitate nos inductos ducunt, ex parte præ se quandam gerunt utilitatem, quo magis expetantur, ut amicitia & bona existimatio. *Cicero L. II. de invent. rhet. c. 52. Ita & Partit. or. c. 24.* Bona propter se expetenda dicit sita in officiis atque virtutibus: eorum partim honestate ipsa, partim commoditate aliqua expetuntur. Honestate ea, quæ proficiuntur a virtutibus; commoditate aliqua, quæ sunt in corporis aut fortunæ bonis expetenda, quorum alia sunt cum honestate conjuncta, ut gloria & honos; alia diversa, ut vires, forma, valetudo, nobilitas, divitiæ, diuturnitas. Est etiam quasi quædam materies subiecta honestati, quæ maxime spectatur in amicitia. Amicitia autem caritate & amore cernuntur. *Cap. 59. de Inv. or.* extraneas res dicit honorem, pecuniam, affinitatem, genus, amicos, patriam, potentiam & cætera, quæ simili in genere esse intelliguntur. Quæ omnia si penitus examines vel redeunt ad res, vel ad personas. In personis aliis aut amor aut honor occurrit. Ille amicitiam amplam ac gratiam, hic dignitatem civilem parit. In rebus vero sunt, quæcunque aliquid emolumenti adjunctum habent, quo nobis prosint, ut opes & copiæ. Gratia est copia amicorum, *in Verrem: I. 25.*

## §. 186.

Documenta  
gratiæ.

Quia gratia est amicitia summa (§. 185), non potest non gratiæ inesse insignis benevolentia, alterius felicitatis non sui sed illius causa studiosissima ac cupidissima, summa integritas, fides, fiducia, consensus in officiis, communitas & facilitas communicandi læta quæque & adversa, officiositas, studium gratificandi, superandi & præcurrendi alterius spem & vota. Præterea complectitur gratia omnes omnium charitates, apertum pectus; verecundiam vel faciendi quod jure displiceat, vel postu-



postulandi quidquam, vel probandi, a virtute alienum, justitiam, æquitatem, humanitatem, comitatem, beneficentiam, liberalitatem, veniam offensionis promptam, paritatem morum & studiorum honestorum, exæquationem velut fortis, qua superior se parum inferiori ducit ac præbet, nec inferior dolet, se alterius præstantia superari, favorem, præsidium, refugium, patrocinium, solatium, vicissitudinem officiorum & certationem de principatu in remuneratione beneficiorum, adjumentorum, opportunitatum, commoditatum, securitatis, suavitatis ac jucunditatis vitæ propensionisque ad bene ac præclare merendum, & vitam velut mortuis reddendam desiderio, memoria, honore perenni.

## §. 187.

*Est quidem gratia non in nostra, sed in aliorum potestate: con-* Modus grastans tamen non nisi egregiis virtutibus nostris merenda seu acquirenda tiam confest & continuanda. Est enim illa amicitia summa & publica (§. quendi § 185.). Sed amicitia est mutuus plurium amor (§. 625. P. I. retinendi. *Jur. nat.*), ac mutua charitas simul si genuina requiritur (§. 635. *ibid.*). Licet vero bonum fortunæ sit (§. 773. *ibid.*), tanquam adjumentum nostræ felicitatis tamen acquirenda est & conservanda (§. 636. *ibid.*), cavendumque, ne alios nobis reddamus inimicos (§. 634. *ibid.*). Quoniam tamen penes alios est, num nos amare & diligere velint ut se ipsos, licet ad hæc officia obligentur (§. 618. *seqq ibid.*): illa non tam in nostra, quam in aliorum est potestate, uti omnia fortunæ bona, & honor (§. 539 *ibid.*) & (§. 174. P. V. *Ethic.*). Quoniam ad amicitiam aliis conciliandam apti sunt homines & obligantur (§. 762. *ibid.*), item conferre debent, quidquid valent, ut amicitia aliorum conservetur (§. 763. *ibid.*), & cavere, ne alios alteri inimicos reddant (§. 764. *ibid.*), inimicos vero ipsis reconcilient (§. 765. *ibid.*): gratia quoque plurimorum & illustrium ac summorum

virorum, aliorum ope augeri, amplificari, ac conservari potest & debet (§. 186.). Quatenus ergo in aliorum potestate est, ut merentes apud alios quoscunque præsertim superiores in gratia ponant, eatenus ad id diligenter cauteque faciendum obligantur; neque minus reducere & restituere, quos possunt, in aliorum gratiam obligantur.

Sicut amicitia vera sine virtute non datur, & quodlibet vitium eidem adversatur (§. 179. *P. V. Ethic*), nec firma esse & conservari sine ea potest (§. 195. *ibid.*): ita & constans gratia non nisi egregiis virtutibus merenda, iisdemque solis adquirenda est & retinenda. Virtutum ergo insignium illustriumque meritorum studio gratiam aucupari & amplificare oportet eum, qui suis circa illam partibus deesse nolit. Virtutibus editis redeundum est cum illis in gratiam quantocyus, qui ab illa recesserunt. In primis beneficiis dando faciendoque longe lateque sparsis amplitudo gratiæ ineunda, quæ publica dicenda sit, iisdemque continuatis perpetuanda. Quo majores ergo sunt virtutes, quæ gratiam pariunt & merentur, eo quoque cæteris paribus gratia major erit; & quo longius & pluribus virtutes se impertientur, quoque frequentius exercentur in aliorum & totius civitatis emolumenta & ornamenta: eo amplior gratia evadet. Vnde quomodo omnes gratias, magnas & maximas, amplas & amplissimas mereri liceat, innotescit. Ut vero fruamur omnium gratia, ad id eorum voluntas officiosa accedat oportet, tanquam fortunæ & civitatis donum.

Inter facta ex virtute profecta illa potissimum gratiam ab omnibus ineunt, quæ plurimum habent admirationis, nec minus humanitatis & beneficentiæ erga quoscunque. Quæ cum gradibus multum differant, tum quoque ab opportunitate temporis & loci, & a magnitudine periculi quo cum conjuncta sunt, mul-  
tum

rum gratiæ fœnerantur. Vnde summa gratia summam dicit omnium amicitiam, summum gratificandi studium, ad nutum inrentissimum, & desideria præcurrens superansque (§. 186.). Patet vero simul, quo solidior gratia est, eo magis illam esse in potestate & officio & merentium & tribuentium, dum in officio manent, & eo minus illam bonis nudæ fortunæ accensendam esse, quanquam aliquid semper fortunæ in illam liceat, seu consequendam, seu perdendam, seu recipiendam.

## §. 188.

*Ad gratiam rite merendam invitare debet ejus inter bona fortunæ Commendat-  
præstantia, & propter arctissimum cum virtute nexum, & propter sum-  
mam utilitatem.* Bona fortunæ procul dubio eo altiori in gradu

collocanda, eoque majoris facienda sunt, quo magis nostræ subsunt potestati, & quo majoris ampliorisque sunt usus. Cum virtus sola perfecte subsit nostræ potestati (§. 175. P. I. Jur. n. n.), ideoque omnes ad eam colendam obligentur (§. 278. ibid.): bona fortunæ quoque eo magis erunt in nostra potestate, quo magis a virtute dependent, eoque majori gaudebunt præstantia, quo magis earum acquisitio nostræ libertatis usui debetur, & quo minus eripi ex eadem acquisita poterunt. Patet vero per §. 187. gratiam non nisi egregiis virtutibus comparari conservarique, ideoque illam arctissime cum virtutibus esse connexam. Gaudet ergo gratia publica præcipuo inter bona fortunæ loco.

Maxima vero illius utilitas non solum ex indole amicitiae penitus excussa innotescit, verum etiam ex illius in cætera fortunæ bona influxu. Amicitia enim obvia & exposta est ad amici felicitatem, quam pro suamet habet, procurandam, tutandam, augendam; infelicitatem vero ejusdem & quamvis adversitatem averrendam, quantum vires suppetunt (§. 172. P. V. Ethic.). Licet igitur amicitia ex utilitate non sit metienda (§.



190. *ibid.*); est tamen utilitas summa veræ amicitiae fructus certissimus, isque eo major, quo amicitia est major & amplior (§. 189. *ibid.*). Qua de re cum gratia publica sit & maxima amicitia, illa quoque maxima sese commendat utilitate (§. 186.). Quod vero eadem quoque faciat ad reliqua fortunæ bona acquirenda, conservanda & amplificanda, id luculenter loquitur ortus cæterorum fortunæ bonorum. Quid enim magis & citius valet ad acquirendas dignitates civiles, opesque & redditus publicos quam gratia eorum, qui hæc conferre, aut collatoribus commendare dignos possunt.

Gratia, inquit *Cicero de Invent. L. II. c.* est, in qua amicitiarum & officiorum alterius memoria, & alterius remunerandi voluntas continetur., Recte factorum, consultorum, & sermonis gratia omnes delectat, tenet & impellit ad eum juvandum, beandum, fortunandum, colendum, prout mereri intelligitur. Vnde gratiosi omnibus sunt cari, accepti, jucundi, omnium in oculis geruntur, omnium obsequiis & studiis abundant & auxiliis, apud omnes æque tuti ac domi suæ, ideoque potentes & plurimum valent inter eos, quorum gratia pollent ac rite utuntur. Cæterum omnis ævi monumenta testantur, quantum gratia florentes multitudinis & potentiorum valuerint ad salutem publicam suamque rem privatam bona cæterorum gratia mirifice adornandam, augendam, tuendam stabiliendamque, dum ea recte sunt usi.

## §. 189.

Quo loco habentur dignitates civiles?

*Proximum a gratia locum tenet inter fortunæ bona honor atque gloria, unde in civitate existit dignitas publica.* Honor enim est declaratio existimationis de quopiam, & existimatio continet aliorum iudicium de nobis benignum, quale est quod præstantiam nobis tribuit (§. 538. P. I. *Jur. Jur. nat.*). Quia declaratio fit per actus externos, honor *l. c.* consistere perhibetur in actibus

bus externis, quibus existimatio significatur. Si actus externi, existimationem perspicue significantes, h. e. declarantes, verbis absolvuntur, laudatio vel laus dicitur iste honor, qui alteri habetur, quæ est oratio, alterius præstantiam enarrans (§. 541. *ibid.*). Vnde laus benigna de altero judicia recenset. Cæteri actus eum declarantes, cultus appellantur. Quatenus illa laus est pervulgata, seu in communi hominum sermone versatur, fama bona appellatur, pro gradibus præstantiæ nunc magna & ampla, nunc parva & arcta, secundum reliquos quoque comparisonum gradus appellatur, & ratione virtutum intellectus præstantiorum celebritas audit (§. 553. *ibid.*). Quia vera existimatione, ejusque declaratione utcunque prodenda nemo dignus est, nisi vera præditus præstantia perfectionis præsertim acquisita (§. 544. *ibid.*); & acquisitæ dotes elegantiores sunt habitus legitimi, seu virtutes cujuscunque generis, de quibus non nisi ex earum indiciis & factis statuere valemus; elucet jam, existimationem, honorem, laudem, bonam famam & celebritatem veritate nitentem proficisci e virtutibus, nec nisi his deberi. Eatenus ergo finitimus est honor gratiæ germanæ.

Verumtamen quia honor nondum amicitiam infert, sed ab illa sejunctus esse consuevit, quamvis similiter ex virtute proficiscitur, ut ex comparatione definitionum liquet (§. hoc & 185. *seq.*), dulces & amplissimi gratiæ fructus (§. 187. *seq.*) ex solo honore nondum nascuntur, etiam si honor sit verissimus. Plus ergo boni & beneficii & emolumenti inest gratiæ publicæ, quam honori itidem fortunæ dono (§. 688. *P. I. Jur. nat.*), etiamsi largo & permagno. Secundo igitur & proximo a gratia genuina loco collocandus esse honor quantuscunque vel eatenus intelligitur, quatenus ansam dare amoris & amicitiae tantæ potest, quanta in gratia habetur.

Gloria vel spectatur ut affectus, in gaudio ob benignam aliorum de nobis opinionem positus (§. 765. *seq. Psych. empir.*), oriturque ex nostra opinione, alios, quæ fecimus vel habemus, bona esse existimatuos (§. 769. *ibid.*), ideoque confusæ debetur cognitioni; vel derivatur ex distincta cognitione, notatque complexum attributorum insignium intelligentum (§. 610. *P. I. Theol. nat.*). Utrobique igitur habetur benignum aliorum de quopiam iudicium, ibi opinatum, hic certo perspectum, quod ejus veris bonis debetur, præsertim acquisitis. Qua propter & vera gloria non nititur nisi virtutibus præclaris, aut minimum bonis aliunde non acceptis, sive quatenus non in acceptis referuntur, sed potius in expensis atque cum aliis communicatis. Hinc de gloria idem valet, quod de honoribus est ostensum.

Dignitas generatim est præstantia, qua quis alios superare intelligitur, debeturque meritis, h. e. quadamtenus eximiis dotibus insitis vel connatis, præcipue vero rite acquisitis & studio suo partis. Publicam vero dignitatem ipsa tribuit civitas, vel quisquis fuerit ejus rector (§. 205. *P. VIII. Jur. nat.*). Ea propter id infert iudicium civitatis seu publicum de alterius excellentia, qua alios anteit vincitque. Hoc quid est, nisi existimatio publica, & honor publicus, cuiquam tributus? Valent ergo eadem de dignitate qualibet civili, quæ modo vindicavimus honori existimationique quantæcunque, ipsique *admirabilitati*, tanquam excellentiæ, vix satis mente nostra assequendæ, aut ne vix quidem. Cujus admirabilitatis summus gradus est nescia comprehendi indoles (§. 170. *P. I. Theol. nat.*), nec perscrutanda (§. 731. *ibid.*), & *incomparabilitas majestatis*.

Quando de aliis hominibus judicamus, perpendentes & considerantes, quæ in ipsis deprehendimus, veritate explorata perspicimus, quænam illis tribuenda sint, quæ minus. Qui nesciunt, quid



quid in his verum falsumque sit, & vel temere opinantur tantum, vel ex affectu quodam aut errore præcipitant judicium, illi inepte judicant & errant. Vero igitur iudicio cuique tribuitur, quod ipsi inesse intelligitur, atque ex justitia & æquitate, nil temere ipsi derogatur, quod inest, nec assignitur, quod non inest, & in dubio præfertur, quod est benignius. Officio igitur naturali tanti quoque fit, quanti est (§. 647. P. I. Jur. nat.), & ratione eorum, quibus ipse gaudet, nos caremus, vel alii destituuntur, nobis præponitur & aliis antefertur. Hoc iudicium, quod id, quod ipsi est & omnino sentiendum est, lubentes ipsi tribuimus tacita mente, ejus est *existimatio*, qua eum tanti pendimus & facimus, quanti revera est, & fieri omnino meretur. Appellatur illa æstimatio ejus, quanti est, quoque *dignatio* ejusdem, quia dignus est, qui tanti fiat; quæ suos admittit gradus, ut majoris, pluris, maximi & plurimi fieri dicatur. Vnde ea bona ipsius seu naturalia seu parta industria & cultura naturalium, propter quæ dignationem illam meretur, ejus dignitas vocatur (privata). Quæ dignitas quando auctoritas dicatur, dictum est (§. 805. Oecon.). Quando ea actionibus externis declaratur, illæ vel constant verbis honorificis, cujusmodi sunt laudes, prædicationes, præconia, encomia, elogia, panegyrici sermones, commendationes, testimonia, vadimonia, gratulationes. Quæ dum diffunduntur & a pluribus oriuntur, approbantur & propagantur, oritur collaudatio, congratulatio, fama, celebratio, amplitudo, illustre nomen, longe lateque sparsum & immortalitati dicatum. Cæteri actus externi redeunt ad gestus honorificos & reverentiam testantes, uti si honorifice assurgant vel consurgant omnes, saluent, deducant, reducant, locum honoratiorem tribuant &c., & ad facta honorifica, observantiam, monumenta honori & memoriæ destinata, ornamenta & decoramenta, cohonestationem publicam testantia. His denique accedunt dignitates publicæ tanquam insignia quædam honoris publice decreti, de quibus plura erunt commemoranda.

## §. 190.

*Dignitates civiles, sacre rarie. & literarie.* *Dignitates publicæ triplicis sunt generis, civiles, sacre & literarie.* Dignitas enim est præstantia, qua quis meritis alios antecellere intelligitur, quæ si a civitate cuiquam attribuitur, publica audit (§. 189.). Quia merita in remp. alia sunt in religionem, quæ sacra dicuntur; alia in eruditionem, scientias & artes liberales, quæ sunt literaria; alia vero in statum civitatis communem, ejusque salutem secundariam, quæ civilia appellantur: dignitates quoque publicæ aliæ erunt civiles, aliæ sacre, aliæ literariæ, meritis enumeratis respondentes.

Tria in civitate potissimum spectanda sunt, officia erga Deum, se ipsum, & alios homines. Illa curat religio, media literatura, hæc civitatis ejusque salutis administratio. Vel alia felicitatem respiciunt & procurant salutem primariam tum ope intellectus in re literaria & artificiali, tum ope voluntatis in rebus religiosis; alia salutem secundariam in rebus civilibus. Quare & merita vel feruntur in rem literariam, vel sacram, vel civilem. Si cui hoc magis arridet, dicat virtutes in republ. provehendas, esse honestatem externam, & internam ratione intelligentiæ & voluntatis præsertim in pietate perficiendæ. Quarum prima requirit merita civilia, secunda literaria, tertia religiosa suis præmiis & dignitatibus provocanda & condecoranda.

## §. 191.

*Dignitates vel fructuosæ sunt, vel infructuosæ.* Sunt publicæ dignitates aliæ steriles nudæ, quibus nisi honor tribuitur merentibus; aliæ aliis fortunæ bonis iunctæ, quæ vestitæ dici possunt vel fructuosæ. Illæ sunt solutiores, hæc adstrictiores, dum conjunctæ sunt cum operis quibusdam civitati præstandis. Hæ operæ publicæ vel gratis sunt obeundæ solius dignitatis publicæ causa; vel cum remuneratione quadam conjunctæ sunt, prout personarum & rerum ratio fert. En steriles, fertilesque dignitates.

Vidimus supra, professiones publicas extraordinarias dari, quibus raro salaria adjunguntur. Ita notum est, dari steriles Episcopos, quos dicunt in partibus infidelium, qui nomine quidem episcoporum & honore episcopis tributo fruuntur, sed episcopatu carent, tum quoad functiones in eo obeundas, tum quoad fructus redditusque, qui nulli sunt.

## §. 192.

*Dignitates steriles non sunt nisi tituli, seu nomina honoraria, & Steriles sunt prior seu potior locus.* Dignitates nimirum infructuosæ nil tri- tituli & loci buunt nisi honorem merentibus (§. 191.); honor autem est de- assignati. claratio existimationis, qua quenquam prosequimur (§. 179.). Declaratio illa fit per actus externos, & potissimum per clara verba (§. 538. P. I. Jur. nat.) & laudes (§. 541. *ibid*). Quia vocabula, quibus homines honoris causa compellantur, dicuntur nomina honoraria & decora; patet, dignitates steriles non esse nisi nomina honoraria & laudis. Cum tituli sint vocabula, quibus designatur præstantia meritorum in remp. (§. 763. P. VIII. Jur. nat.), quæ quatenus vocabula sola nullum ferunt fructum: steriles dignitates quoque non sunt nisi tituli; licet sint nomina, quibus munera in rep. designantur, & tribuantur aliis ideo, ut indicent, eos æquiparari his, qui tali munere funguntur.

Prior locus, vel quisquis honoratior ducatur, in confesso & incesso, alias proëdria & præcedentia vocatur, quæ jus prioritatis dicitur in ordine a pluribus simul observando (§. 764. P. I. Jur. nat.). Concesso alteri in conventibus priori ceu honoratiori loco significatur, nos agnoscere ipsius in remp. merita, ac de iis stare judicio superioris, itaque nos ipsi exhibere honorem, quem judicio superioris meretur (§. 538. P. I. Jur. nat.). Est igitur concessus alteri locus prior, declaratio honoris, publicaue dignitas (§. 179.) & (§. 765. P. VIII. Jur. nat.).



nat.). Sed quia prior & quisque locus per se nemini quidquam fructus tribuit, nec necessarium præstantiæ judicium est, sed arbitrarium: dignitates steriles quoque dantur in potiori loco in conventibus tribuendo, sive statur, sive sedeat, sive procedatur utcunque.

Sæpe loci priores æque ac posteriores loci in processione solemnium nequaquam habentur pro potioribus honoratioribusque, sed is honor tribuitur loco cuidam medio circiter. Vti regis introitum in urbem & præcedunt inferiores ipso & sequuntur, itque tanto sunt inferiores, quanto longius ipsum antecedunt, & tantum jam superiores, quanti ipsi sunt propiores. Taceo alibi gentium alia loca censeri potiora seu honoratiora, ut ibi inferiora sint, quæ alibi superiora censentur. Interim ubi iudicio publico loci priores cum alio vero jure præstantiæ connexi sunt, ibi id jus loci prioris nonnihil in recessu habet, nec contemni potest nisi sprete autoritate publica, quam spernere nefas foret. Munera v. g. publica, quæ a pluribus, cæteroqui paribus, geruntur, jure prærogativæ gaudere solent, ut *qui prior est tempore*, h. e. prius electus est & admotus ad illud, *potior sit jure*, in sententia dicenda, sæpe in ampliori reditu, in spe ulteriorum & adscensu ad majores dignitates, proventus, aliaque emolumenta. Merito tamen intervallum statui solet inter loca cum muneribus conjuncta, & eorum, qui vel spe tantum gaudent, in posterum expectandi & adipiscendi ejusmodi munus, vel & ea spe atque eo jure ad rem destituuntur, & ultra titulum nil seu cupiunt seu adepturi sunt. Quod & ideo consultum est, ut quid res & spes, vel res & nudum ejus nomen differat, ab omnibus intelligatur.

§. 193. *de dignitatibus et officiis*

Quibus tituli  
sint confe-  
rendi?

Ne tituli evilescant, tribuendi ac conferendi non sunt, nisi bene meritis, cujusmodi sunt 1) qui munere, cujus est titulus, bene sunt functi, & jam emeriti; 2) qui merentur munus ipsum, quod nondum vacat; 3) qui propter alia in remp. merita titula quodam condecorandi videntur.

videntur; 4) qui pares sunt dignitati titularum tuenda. Denique cavendum, ne venales fiant, & qui ex necessitate quadam tales sunt, infimo omnium loco aestimentur. Tituli enim sunt dignitates publicæ & nomina honorum (§. 763. P. VIII. Jur. nat.). Sed dignitates publicæ non sunt conferendæ nisi bene meritis (§. 766. *ibid.*). Quare cum bene meritorum non sit magna copia; si non conferantur nisi bene meritis, non evilescent, sed ope meritorum erunt acquirendi.

Qui non tantum digni fuerunt muneribus deprehensi, sed iisdem quoque bene functi sunt, eosdem meruisse hos titulos, nemo potest infitias ire. Quum ergo facta fieri nequeant infecta (§. 28. *Otol.*); nec merita cujusquam unquam desinunt esse ipsius merita, nec, quos meritis assequutus est, tituli, quibusque se nullatenus indignum reddidit, desinunt esse rite promeriti. Ea propter justum est & æquum, ut qui bene meruit, dum potuit, postquam vacationem est adeptus, fructibus suorum meritorum nequaquam privetur, sed gaudeat dum superest. Jure igitur retinet emeritus titulos, quibus est gavissus, vel & emerita stipendia, uti milites romani, rude donati.

Quando merentes munus, eidem propterea admoveri nequeunt, quia locus non vacat, qua digni sunt: si speciminibus editis satis dignos se illo probarunt, nec quidquam obstat, tantisper titulo condecorari, & nomine gaudere poterunt, donec ecre potiantur. Non abs re igitur nomine donari possunt, qui rem merentur, qua nondum donari queunt. Facile autem patet, non agi de titulo candidati, quo gaudere solent, quicumque digni quodam munere in posterum vacaturo censentur; sed de nomine honoris & muneris ipsius, ad quod aspirare cupiunt (§. 191.). Vti sunt Professores, Consilarii cæt.

Si merita cujusquam sint hujusmodi, quibus proprium vulgo nomen honoris non est tributum, nec usu receptum; nihi-

nihilominus dignus cenfeatur, qui titulo quodam floreat, & ad ulteriora merita incitetur: is alio quodam titulo recepto, nec indecoro vel inepto, afficiendus erit (§. 764. *P. VIII. Jur. nat.*). Quamdiu nomina artis ab adjuncto loco excellentiam notare possunt, tamdiu hæc jure retinentur. Vt si quis medicus vel pictor regius, aut aulicus dicatur:

Quoniam cum titulis sæpe splendor aliquis in vestitu, cultu, famulatio, suppellectile, cæteroque apparatu conjunctus esse solet, cujus sumtibus sine magna opulencia nemo par esset possit: evilesceret tituli dignitas apud & propter illum, qui sumtibus illis impar esset, eique aut majori foret oneri & dedecori, quam ornamento, aut ansam præberet, pravis actionibus se inquinandi, ut sumtibus utcumque sufficeret. Quum vero utrovis modo titulus dehonestaretur, cessaretque id esse, quod esse debëret: titulus largiendus non est, nisi illi, qui vel per se par sit, vel simul iis donetur quibus par evadat, dignitati ejus honeste sustinendæ (§. 763. *P. VIII. Jur. nat.*).

Si ad titulos aditus promiscue detur his, qui nisi certa pecuniæ summa eos adipisci nequeunt, utpote meritis in remp. destituti; desinunt tituli esse præmia non vulgarium in remp. meritorum, cujusmodi esse debent (§. 768. *P. VIII. Jur. nat.*). Degenerant igitur, dum veluti merx quædam coëmi a quolibet possunt, qui per fas aut nefas pretium dandum obtinuit, fiuntque turpiter venales (§. 767. *ibid.*). Cavendum igitur est, ne tituli fiant venales pretio vel precibus, ut emendicantibus aliisque indignis indulgeantur.

Si qua tamen indigentia extrema ingruat pecuniæ, in salutem publicam impendendæ, v. g. ad levandam summam famem & annonæ inopiam, ad sumtus bellicos, ad redimendam pacem; quam conferre omnes deberent, & vix possent; locupletiores autem illam sponte conferrent liberali largitate: quis dubi-



dubitaret, quin digni forent propter ejusmodi beneficium singulari honore, quo remunerari ipsos civitas posset, sive talem titulum sibi stipulentur, ut ex pacto debeatur, sive minus? Qui vero minoris necessitatis levandæ causâ pecunia data titulos adipiscerentur, illi tales esse deberent, ut ab omnibus perspiciatur, illos infimo poni loco, nec cum illis confundendos esse, qui meritis debentur.

Perantiquum est hoc præceptum, de honore meritis tantum tribuendo. *Aristoteles Rhetor. L. I. c. 5.* honorem dicit signum beneficæ existimationis (*δόξης*). Honorantur enim juste quidem & maxime, qui benefecerunt. Honoratur tamen etiam, qui potest benefacere. Beneficium autem est vel ad salutem, & quæcunque sunt causâ, ut simus; vel ad divitias, vel ad aliquod ex aliis bonis, quorum non facilis est possessio, vel omnino, vel ibi, vel aliquando. Sic *Cicero de Invent. L. II. c. 39.* In præmii genere, inquit, quid & quantum, & quam ob rem postuletur, & quo, quanto quæque res præmio digna sit, consideretur. Tum apud majores quibus hominibus, & quibus de causis talis honos sit habitus, quærat. Deinde ne is honos nimium pervagetur. Atque hic locus erit communis: præmia virtutis & officii sancta & casta esse oportere, neque ea aut cum improbis communicari, aut in mediocribus hominibus pervulgari. Et alter: minus homines virtutis cupidos fore, virtutis præmio pervulgato: quæ enim rara & ardua sunt, ea ex præmio pulchra & jucunda hominibus videri. Et tertius: si existunt, qui apud majores nostros ob egregiam virtutem tali honore dignati sunt, nonne de sua gloria, cum pari præmio tales homines affici videant, deliberari putent?., Forte contendat non nemo, uti male merentur de civitate, qui defraudando alios, aut depeculando communes redditus, aut dilapidando suum patrimonium, eidem & nocent & pravum exemplum produnt: ita bene mereri illos de bono communi, qui ærarium publicum augent & locuplerant ultra id, ad quod cum reliquis obligantur, ut solo titulo propterea honorentur. Quia in re si qua vanitas titulum

(*Welfi Politica P. III. Sect. I. C. III.*)      Ee      peten-

petentis appareat, eam publicæ saluti ita non adversari, ut tolerari non posset. Sed aliud est tolerare vanitatem, aliud eandem fovere indulgentia ob exiguum lucellum, vix civitate dignum, & moribus corrumpendis fores pandens. Possent enim urgeri merita, & si illa adsint, iuste tribuentur tituli, vel nihil dare valenti. Si quis propter datum titulum gratus & liberalis futurus, quidquam in ærarium publicum donaret, hoc non posset spectari, ut pretium emrionis, sed uti tessera grati animi & novum meritum, ad majora profuturum, si virtutis præstantia continuetur ampliaturque. Vanitati mederetur tituli conjunctio cum nota vanitatis, omnibus bene meritis detestabili. Ut si in diplomate non diceretur, propter bene merita tributum esse titulum, sed ut ad bene merendum animetur eo donatus. Is autem bene meruisse dici posset, qui honeste parta, aut sola arte & virtute sua quæsitæ recte administrat in privatos & publicos usus.

## §. 194.

*Uti differant  
dignitates  
fructuosæ?*

*Peraces autem & fructuosæ dignitates vel cum redditibus conjunctæ sunt, vel cum imperio seu potestate & potentia, vel cum peculiaribus juribus privilegiisque, vel cum eximiis honorum signis, vel & his varie sociatis. Nempe dignitates fructuosæ aliis fortunæ bonis junctæ sunt, aut præter titulum & locum priorem alia quadam gaudent remuneratione (§. 191.). Sed ad alia fortunæ bona pertinent opes, honoribus & oneribus adjunctæ, quæ reddituum nomine usurpantur. Spartam dicere liceat, hujusmodi lucrosam dignitatem publicam. Dantur ergo in numero secundarum dignitatum spartæ, redditibus lucrosæ. His non opus est, ut imperium sit attributum.*

Si cui dignitati publicæ insit imperium quoddam in alios, gaudebit illa potestate regendi aliorum actiones secundum leges divinas, aut his consentaneas humanas, & potentia adigendi eos ad obsequium, Hujusmodi dignitas recte diceretur

*impe-*

*imperium publicum*, & in civitate ejus partes *magistratus*. Imperium publicum ipsa definitione sua (§. 32. P. VIII. *Jur. nat.*) differt a nudo titulo & loco priori. Quare & imperium publicum & magistratus referri debet ad dignitates fructuosas, cum imperium inferat præstantiam & bonum fortunæ e natura societatis initæ oriundum (§. 212. *seq. P. VII. Jur. nat.*).

Dum dignitati publicæ peculiaria tribuuntur jura & privilegia, illa non erunt nudus titulus aut locus, sed ab his different, tanquam jura peculiaria & privilegia (§. 853. P. VIII. *Jur. nat.*). Dicamus has dignitates prærogativas, vel *amplitudines præcipuas*, & patebit, fructuosis dignitatibus quoque accensendas esse easdem.

Eximia autem honorum indicia & signa habentur in publicis statuis, monumentis, epitaphiis, numismatibus, similibusque documentis publicis, honoris causa statutis. Quæ cum valde differunt a titulis & locis assignatis: dubio caret, & hujusmodi *honorum insignia*, (sic enim appellari possunt) pertinere ad dignitates fructuosas.

Jam opus non erit, ut seorsum evincamus, si unum vel alterum, vel plura horum emolumentorum societur, illiusmodi dignitates fertiles & fructuosas fore appellandas. Si sparta cum magistratu societur, oriatur dignitas, quæ *provincia* appellari consuevit &c.

Quædam harum dignitatum publicarum, & alia gentilibus usitata, commemorat *Aristoteles L. I. Rhetor. c. 5.* his verbis e græco redditis: partes honoris sunt sacrificia, monumenta in metris & sine metris, præmia honorifica (*γερæ*), delubra, proedriæ, sepulchra, statuæ, alimenta publica, dona apud quosque honoranda; barbarica honoris signa, adorationes, & ecstases. Sic præmii causa veterani milites romanorum emerita accipiebant, ut reditus publicos. Sic postquam Miltiades in tanta paupertate decesserat, ut qui efferretur vix reliquerit, factum est,



ut filiae ejus publice alerentur, & de communi ærario dotibus datis collocarentur. De Miltiade narrat *Nepos*: ut populi nostri honores quondam fuerunt rari & tenues, ob eamque causam gloriosi, nunc autem effusi atque obsoleti: sic olim apud Athenienses fuisse reperimus. Namque huic Miltiadi, qui Athenas totamque Græciam liberavit, talis honos tributus est in portica, quæ pœcile vocatur, quum pugna depingeretur Marathonica, ut in decem prætorum numero prima ejus imago poneretur, isque hortaretur milites, præliumque committeret. Possent dignitates fructuosæ dividi quoque in fecundas, quæ sui similia gignunt alia, uti alia honorum insignia & monumenta, vel liberorum aut necessariorum similes dignitates, & in illis successionem; & fertiles, quæ alia important dissimilia, uti redditus & salaria seu honoraria, imperia, jura varia & privilegia cum immunitatibus.

## §. 195.

*Dignitates  
literariæ  
solæ.*

Dignitatis literariæ solæ vel sunt *academica*, vel *scholastica*, si Gymnasia tantisper ad scholas strictius dictas referre libet. Sin minus, aliæ erunt *academicae*, aliæ *Gymnasticae*, aliæ denique *scholasticae*. Quarum hæ in scholis inferioribus occurrunt, & præceptorum munera dicuntur (§. 432. P. VIII. *Jur. nat.*). Infimis præest ludimagister (§. 322. P. II. *Polit.*). Trivialibus præest rector, cui pro classium diversitate adjunguntur Conrector, Subrector, Cantor, Calligraphus, vel quibus aliis nominibus discerni consueverunt, uti præceptores pauperum, gratuitorum &c. (§. 327. *seq. ibid.*). Gymnasiis itidem præficiuntur Rector vel Director, & Professores, præsertim si *academica* sint *Gymnasia*. Alioqui interdum dignitatum *scholasticarum* nomina eorum præceptoribus tribuuntur (§. 392. *seqq. ibid.*). *Academiis* doctricibus præest Rector Magnificus vel Magnificentissimus, Cancellarius, & qui horum vicibus funguntur Prorectores & Procancellarii (§. 338. *seqq.* 350. *seq.* &

368. *ibid.*). Dein omnium facultatum Decani, Professores, Ordinarii & extraordinarii ibi dantur, item Doctores & Magistri, privatim docentes, aut ne docentes quidem (§. 341. *seqq.* 387. *seqq. ibid.*). In Academiis inventricibus habentur Præsides, Propræsides, Directores, commentatores thesaurarii, Secretarii cæter. (§. 453. 455. *seqq. ibid.*).

Agitur hic tantum de dignitatibus literariis, quibus scilicet nullæ aliæ sunt adjunctæ. Alias multo plures essent enumerandæ, quæ & in ordine ecclesiastico, & civili occurrunt. In priori tantum non omnes dignitates literarum culturam requirunt, nisi alicubi opificum more tantum sacra tractantur, uti inter menonitas & populos barbarie laborantes. Constat per se, illas dignitates literarias, quæ redditus annuos statosque sibi adjunctos habent, lucrosas appellari posse, five redditus illi privata industria obrineantur, uti domesticam institutionem, vel privatas recitationes uni vel pluribus impertientes: five e publico ærario legatisque honoraria accipiant. Hæc nempe salaria publica, illa privata dici possunt. Utrobique dignitates sunt fructuosæ & vestitæ (§. 181.), & quo plures præbent redditus, eo sunt pinguiore. Sed steriles & infructuosæ sunt, quæ præter titulum nihil præstant (§. 182.), uti qui gradus academicos adsciscunt, ut titulo gaudeant, quem suo nomini præfigant aut adjungant, ne alii nesciant, quo titulo sint compellandi, aut velint superbire.

### §. 196.

*Dignitates Ecclesiasticæ vel sacre, quatenus civiles habent ad-* *Dignitates junctas*, ex parte enumerantur (§. 677. P. I. Polit.). Neque *sacre variæ.* opus esse videtur, ut aliæ alibi usitatæ in medium afferantur, quæ in historiis reperiri possunt. *Quatenus sola ecclesiasticæ spectantur*, habebantur inter Israëlitas Pontifex maximus, sacerdotes & Levitæ velut sacerdotum administri, præter Prophetas, qui extra ordinem cæterorum erant. E sacerdotibus pereban-

tur Thesaurarii aliique quindecim præfecti variis in temp'o ministeriis. Summo pontifici tempore belli adjungebantur sacerdotes castrenses. Christianæ Ecclesiæ caput est Christus, qui sibi adscivit 12. Apostolos, Thaumaturgos, extraordinarios doctores & vates, aliosque 70 discipulos & Evangelistas. Ab Apostolis constituti sunt ordinarii, certis præfecti cœtibus, episcopi, presbyteri seu pastores, & Diaconi. Inter quos successu temporis ordo tum quidam & hierarchia haberi cœpit; tum alii ordines minores sunt oborti, de quibus consulatur Historia sacra. Tres quoque primi ordines gradibus distingui cœperunt v. c. Episcopi in primates, archiepiscopos, exarchos, Patriarchas, suffraganeos, inspectores, superintendentes speciales & generales; Presbyteri in Archipresbyteros, Præpositos, Decanos, parochos, plebanos, Curatos &c; Diaconi in archidiaconos, subdiaconos &c. *Conf. §. 36.* Datur quoque sacerdotium militare, quod exercitibus & militum Chiliadibus in rebus sacris præest. Taceo adjuncta Episcopis collegia canonicorum, eorum vicarios seu coadjutores, (*Weibischöffe*); officiales &c. Taceo tot ordinum religiosorum utriusque sexus & sacrorum equitum (*geistliche Ritter-Orden*) præfecturas, magistrorum & ministrorum generalium, provincialium, abbatum, priorum, superiorum &c. Taceo nuntios, quos vocant, apostolicos, legatos a latere, commissarios, missionarios, & similes.

Varia de his dignitatibus sacris, earum lege suprema, ad quam exigi debet ipsarum diversitas, ordo, gradus, numerus, honos, collatio, ademptio; item de illarum legibus, redditibus, acquisitione, administratione, ephoria, modis dirigendi eas ad salutem ecclesiæ, item cavendi & abolendi degenerationem obrepentem, &c. possent exponi, quemadmodum de dignitatibus academicis supra expositum est; nisi præstaret illa relinquere *Hierarchie*, quatenus illa notat sapientiam & prudentiam regiminis ecclesiastici.



## §. 197.

*Civiles dignitates fructuosiores quodam præcipuo annexo gaudere* Dignitates solent imperio & reditu publico. Versantur enim civiles dignitates quæ circa salutis publicæ administrationem (§. 190.), quæ sine fructu jure determinandi constituendique ea, quæ ad salutem publicam promovendam requiruntur, hoc est sine imperio publico (§. 60. P. VIII. Jur. nat.) fieri nequit. Quod imperium cum varia complectatur jura, quæ a se invicem separari possunt (§. 61. *ibid.*), & eo rectoris administrationis causa debent separari: variæ inde nascuntur dignitates civiles fructuosiores cum imperio publico connexæ.

Quia imperium publicum involvit potestatem cum ordinariam, exigendi actiones subditorum ad salutem publicam semper necessarias (§. 47. *ibid.*), tum eminentem in casu necessitatis exercendam (§. 114. *ibid.*); fructuosiores dignitates civiles præ cæteris annexo gaudent imperio præcipuo.

Quæ potestas cum in imperio publico indefinenter exercenda sit, idque non sine neglectu officii privati rem faciendi fieri possit: justum est, ut civitas illas operas in administrationem conferendas largiter compenset redditibus & salariis dandis (§. 904. *ibid.*). Ita elucescit, fructuosas inprimis dignitates civiles & imperio & propterea quoque reditu publico gaudere debere insigni.

## §. 198.

*Fructuosissima dignitates civiles summo gaudent imperio & re- Quæ fructuo-*  
ditu publico. Fructuosiores enim dignitates civiles gaudent *issima omni-*  
præcipuo quodam imperio & reditu publico gaudere consue- *um?*  
verunt (§. 197.). Quo ergo sunt hæ dignitates fructuosiores,  
eo majori & præstantiori imperio redituque publico gaudebunt.  
Inde fructuosissimæ omnium non possunt non summo in civi-  
tate & imperio & reditu gaudere.

## §. 199.

## §. 199.

*Haec sunt re-*  
*torum civi-*  
*tatis.*

Quia fructuosissimae dignitates civiles summo gaudent imperio publico (§. 198.); summo autem imperio gaudent civitatis rectores (§. 42. P. VIII. Jur. nat.), fructuosissima omnium dignitate gaudent rectores civitatis, quocunque nomine appellentur. Qui & propterea maximis gaudere debent redditibus (§. 198).

## §. 200.

*Quae sit sum-*  
*ma dignitas*  
*civilis.*

Summa dignitas civilis vocatur, qua major & sublimior in civitate dari nequit, vel quae ipsamet est majestas, utpote quae dicitur dignitas ejus, penes quem summum imperium est indivisum (§. 206. P. VIII. Jur. nat.).

## §. 201.

*Fructuosissi-*  
*ma dignitas*  
*simul est sum-*  
*ma §. v. v.*

Fructuosissima dignitas civilis est simul summa dignitas civilis, & contra. Fructuosissima nempe dignitas civilis summo gaudet imperio & redditu publico (§. 198.); & summo imperio majus atque sublimius in civitate dari nequit, cum alias non esset summum (§. 28. Ontol.). Cum summa sit dignitas civilis, qua sublimior in civitate dari nequit (§. 200.); cogitur, fructuosissimam dignitatem civilem simul esse summam.

Quia porro summa dignitate civili major & sublimior in civitate dari nequit (§. 200), eaque ideo ipsa est majestas; majestas vero est dignitas ejus, qui summo imperio gaudet integerrimo & indiviso (§. 206. P. VIII. Jur. nat.), quod summum imperium fructuosissimae inest dignitati civili (§. 198): evidens est, summam dignitatem civilem simul esse fructuosissimam.

## §. 202.

*Cujus sit*  
*summa di-*  
*gnitas in di-*  
*versis re-*

Quia majestas in regno est penes regem, & generatim in monarchia penes monarcham, etiamsi temporarius sit (§. 258. P. VIII. Jur. nat.); in democratia penes populum universum (§. 208. ibid.), & in aristocratia penes ceterum optimatum (§. 246.

(§. 246. *ibid.*): patescit, summam fructuosissimamque dignitatem civi-rump. for-  
lem esse in monarchia penes monarcham seu regiam &c., in aristocra-mis?  
tia penes collegium optimatum itaque optimatem, & in democratia pe-  
nes populum universum seu popularem. In formis autem temperatis  
realis majestas est penes eos, quibus conjunctim ex lege temperationis de-  
betur (§. 45. 63. § 152. P. II. Polit.); personalis autem non nisi in  
rege habetur (§. 76. § 153. *ibid.*).

## §. 203.

Cum varii dentur gradus summæ dignitatis, partim ex *De gradibus*  
amplitudine, partim ex potentia imperii differente nascentes *illius diver-*  
(§. 135. § 676. P. I. Poli.): mirum non est, summam dignitatem *sis.*  
alibi plura ac majora, alibi minora & pauciora jura in diversis rerum  
publicarum formis continere, eamque modo esse altera aut aliis amplio-  
rem, modo angustiore; potentio-rem debilio-remve.

Vti non officit imperio summo, pleno & absoluto si infeude-  
tur, hoc est dividatur in directum & utile inter duas personas  
sub lege mutue fidelitatis (§. 98. P. VIII. Jur. nat.): ita quo-  
que summæ dignitati non derogat clientela & fides, in quam se  
alia contulit, nisi quod modus habendi & gradus eo differt,  
quod alia habetur plene, alia minus plene (§. 100. *ibid.*). Id  
quod pariter statuendum de ea dignitate summa, quæ lege fidei  
commis- si habetur (§. 99. § 162. *ibid.*). Modus dignitates has  
obtinendi convenit cum modis potiundi summo imperio.

## §. 204.

Dignitates civiles, quæ summæ non sunt sed secundariæ, nobili- *Quid sit no-*  
tatis nomine venire solent. Cives enim, qui summo subsunt im- *bilitas, ea que*  
perio, antiquitus dividuntur in claros & obscuros (§. 515. P. I. *civilis.*  
*Polit.*). Inter claros referebantur incluti virtutibus suis & ma-  
jorum, doctrina, & opibus, nempe virtute partis. Qui sua  
virtute inclaruerant, nobiles per se erant; qui & geniti erant  
a claris majoribus, (*ευγενεις*) *generosi*, quasi nobili genere nati  
(*Wolffii Politica P. III. S. I. C. III.*) Ff ac



ac digni, dicebantur; qui scientia aut arte florebant præ cæteris, *celebres*; & qui magnam opum vim sua arte & industria pepererant, *divites* cluebant. Hi virtutum chrematisticarum, illi virtutum contemplativarum; isti virtutum bellicarum suarum aut & progenitorum præstantia eminuere. Inde nobilitas generatim, non est nisi claritas virtutum eximiarum. Sed hæc privata dici potest, cum non nisi privato judicio quantumvis plurimorum divulgato contineatur. Quando autem istud publica h. e. summæ dignitatis autoritate confirmatur seu declaratur, tum nascitur *nobilitas civilis*, quæ ideo est præstantia virtutum publice declarata, seu claritas virtutum publice illustrata. Inde hanc nobilitatem esse dignitatem civilem secundariam, quoniam summa est primaria, eamque præclaram, perspectum habetur. Vt plurimum tamen eam notat, quæ fortitudine bellica & præclaris in bello factis est parta.

Græcorum *εὐγενεία* recte ab *Aristotele* explicatur *Rhetor.* 2. c. 15. quod sit insignis majorum claritas (*εὐκλειαν προγονων*) & antiqua opulencia virtusque *Polit.* IV. c. 8. vel virtus generis *Polit.* III. c. 13. Inde *Ciceroni* nobilitas dicitur esse nota virtutum, & gloria virtutis rerumque gestarum. Sic *Juvenalis Sat.* 8. v. 20. nobilitas sola est atque unica virtus. *Vellejus L. II. c.* 128. ita de Sejano scribit: in hujus virtutum æstimationem jam pridem judicia civitatis cum judiciis principis certant. Neque novus hic mos senatus populique romani est, putandi, quod optimum sit, esse nobilissimum. Quod ibi pluribus confirmat exemplis v. c. Coruncanii, Carvillii, Catonis, Mummii, Marii, M. Tull. Ciceronis, M. Agrippæ, Stat. Tauri Pollionis, Sejani, quem dicit virum severitatis lætissimæ, hilaritatis priscae, actu oriosis simillimum, nihil sibi vindicantem, eoque assequentem omnia, semper infra aliorum æstimationes se metientem, vultu vitæque tranquillum, animo exsomnia.

§. 205.

Dividi hæ dignitates secundariæ possunt in superiores & Divisio nobiliores, quarum illæ dicuntur illustres, hæ tantum nobiles bilitatis ci- per omnes comparationis gradus. Sed non sunt illa nomina vilis. constantis usus, unde præstabit constantiora sequi. Quæ superiorum sunt in recentiori ævo principes seu duces & comites. Principum alii sunt summo loco nati v. c. regii sanguinis; alii minus, attamen vel magni aut Electores, vel Principes simpliciter dicti. Sic & magni duces & archiduces & duces discernuntur. Comitum alii sunt palatini, alii provinciæ (Landgrafen), alii limitum (Marchiones), alii principum elogio decorati (gesürstete), alii nude comites, & vicecomites, & qui Castello præsunt, Castellani seu Burggrabii, quibus subnectuntur Barones, & qui nobiles Domini dici consueverunt (§. 676. P. I. Polit.). Constat quoque ex antea dato recensu præcipuorum regnorum & rerumpublicarum, nobilium ordines plerumque duos esse, superiorem & inferiorem, (germanis der hohe und niedere Adel). Nobilitas inferior appellatur ordo equestris (der Adel vel die Ritterschaft), dirimiturque in imperio germanico in immediatam, quæ non subest nisi imperatori; & mediatam eorum, qui aliis subsunt principibus aut proceribus imperii; plerumque autem dividitur in novam & antiquam, quarum hæc (antiquitas generis) incipit a numero 16 progenitorum utriusque sexus indubie nobilium (nostratibus 16 Ahnen dictorum). Novæ nobilitatis gradus primus est illius, qui nobilitatem nullam habet a majoribus, sed eandem suis meritis est adeptus.

Antiquissimis temporibus non aliæ dignitates civiles fuisse videntur, quam magistratus. Ita Genes. XII, 15. leguntur שרי principes, seu præfecti Pharaonis, & Genes. XXI, 22. præfectus seu dux exercitus Abimelechi Conf. Genes. XXV, 16. & XXVI, 26. & XXXVI, 15. seqq. Porro fit in Historia Josephi mentio præfecti

pistorum & pincernarum *Genes.* XL, 9. 16. 20. *seq.* ipse vero Josephus fit secundus a rege & omnibus reliquis praefectus XLI, 40. *seqq.* Praeterea quoque mentio fit sacerdotum vel proregum. *Genes.* XLVII, 22. & 2 *Sam.* XX, 26. Sic *Danielis* V, 7. promittitur tertius a Rege locus. In deserto Moses populo praeficit alios millibus, alios centuriis, alios quinquagenis, alios denis *Exod.* XVIII, 21. & *Judices Deuteron.* I, 15. *seqq.* Postquam occupata erat Palaestina, ad comitia convocantur seniores, capita, judices & praefecti *Josue* XXIII, 2. Ita memorantur principes seu proceres philistaei *Judic.* XVI, 23. 27. & 1 *Sam.* VI, 4. VII, 17. Ipse quoque Saul in regem unctus, princeps appellatur, 1 *Sam.* X, 1. Philistaei praeter 30 curruum millia educebunt 6 millia equitum 1 *Sam.* XIII, 5. Aulae Davidicae proceres & consilarii recensentur 2 *Sam.* VIII, 16. *seqq.* XV, 31-37. XVI, 23. XVII, 5. *seqq.* XX, 23 26: Salomoneae 1 *Reg.* IV, 2 28. Praetermitto varia, quae Xenophon de equitatu Cyri, Agesilai, ac de praefectura equitum affert, & quae in libris de re equestri & magisterio equitum legi possunt, unum addens locum *Aristotelis Polit. L. IV. c. 3.* Nobilitatis differentiae quoque sunt secundum opulentiam & magnitudinem census. Sunt enim alii equites, quod munus nemo facile sustinere potest, nisi sit dives. Itaque antiquis temporibus quaecunque civitates equestri potentia excellabant, in his paucorum potentia gubernabat, equitatu autem bella contra finitimos exercebant, ceu Eretrienfes, Chalcidenfes & Magnesii & aliae plures Asiaticorum civitates. Romae equestris ordo medius surrexit inter Senatorium seu patritium & plebeum. Ejecto Tarquinio Brutus ordinem Senatorium supplavit ex equestri. Gradus antiquitatis & novitatis ordinis equestris inde manasse videntur, quia vetusti cives ob penuriam fiebant, qui ex matre cive nati essent; ob copiam vero excludabantur libertini, & qui ex sola matre cive essent nati, nec admittebantur nisi ex utroque parente cive oriundi, teste *Aristotele L. III. Polit. c. 5. & c. 2. ibid.* civem esse alii dicunt, qui ex duobus civibus ortus est, patre & matre; alii vero plura requirunt, ut avos, proavos & ulteriores (*επιπαππες δυο, η τρεις, η κατε*).



Cæterum habet nova nobilitas suam commendationem a propria virtute; qua est parta, nec ulla hæreditaria sine prima & nova esse potest. A novo nobili genus & nomen incipit, qui magna spectavit, rectisque studiis ad ea contendit, cum in nobili nato desinere possit, præsertim si moribus dedecori sit majoribus. Vnde Sostriatus obscuritatem parentum objicienti respondisse fertur: eo magis admirationi esse debebam, quia genus a me initium sumit. Vid. *Stobæus serm. 84.* Quare minime in odio atque invidia apud nobiles natos esse debet hominum novorum virtus & industria, quoniam ignobilium virtus merito præfertur nobilitati antiquæ, ignavia, timore & vitiis, quam præclare factis, nobiliori. Si tamen majorum virtutibus pares sint propriæ virtutes, liquet, eas consociari, ideoque & merita majorum & propria in ipso una spectanda esse, & una remuneranda. Quo plura enim & majora merita cumulantur, eo major sit eorum præstantia & splendor, posita in cæteris paritate. Tum gloria majorum posteris conciliat lumen, neque illorum bona neque mala in occulto patitur. Quod pluribus persequitur Marius in Oratione ad populum habita apud *Sallustium Belli Jugurth. c. 85.*

## §. 206.

*Est quoque nobilitas alibi personalis, alibi hæreditaria.* Illa Nobilitas non est nisi personæ, quæ illam meruit, nec retinet ultra, quam *vel est pro-*eam meretur, & si vel durat, donec vita superest, tamen in *pagabilis,* morte hominis extinguitur. Quia eligitur illa mactandus, pos- *vel non.* set quoque *electilis* dici. Hæc autem transmittitur in liberos legitime procreatos, secundum legem transmissionis pacto aut consuetudine definitam. Alibi enim transit in liberos nobilitas parentum integra, seu par parentum nobilitati; alibi non nisi nobilitas inferior, ut major illius gradus sit meritis assequendus. Alibi nobilitas generis est sexus utriusque æque ac successio in feuda, alibi tantum marium.

Personalis nobilitas adstricta est muneribus, unde admotus ad munera eam adipiscitur, & remotus a munere eam simul perdit. Talis nobilitas obtinet inter Mahomedanos, quæ ex cujusque apud principem existimatione & functionibus primariis censetur. Talis quoque obtinet inter sinas, exceptis tantum duabus familiis, scilicet imperatoria & Confutiana, quæ sunt hæreditariæ. Tartarorum Precopiensium barbara opinione is censetur nobilior, qui, cum moritur, plures relinquit captivos, si *Thuanus* fidem meretur *Hist. Lib. 67.* Hæreditaria vero nobilitas in Europa potissimum viget, præsertim ea frequentior est, quæ ejusdem dignitatis statuit liberos atque parentes, ut v. g. principes nascantur a principibus, duces a ducibus, comites a comitibus *cat.* Non desunt tamen regna, ubi nobilitas quidem propagatur, sed dispari gradu, ut inferior dignitas seu nobilitas procreetur a superiori. Ita in Magna Britannia res habet. Ibi enim 5 sunt ordines superioris nobilitatis (post regios principes), qui pares regni vocantur, eo quod omnes non nisi a rege pendent, judicantur, & pari gaudent jure suffragandi in curia seu Senatu regni superiori, scilicet, duces, marchiones, Comites, vicecomites & barones, qui & omnes titulo Procerum vel Senatorum regni (Lords) gaudent. Sed filius ducis natu major non est nisi natus Marchio, & post illum geniti tantum honoris causa proceres seu Magnates (Lords) appellantur. Marchionis filius natu major audit Procer vel comes additi loci, cæteri tantum magnates. Comitum filii natu major cæteris vocantur Vicecomes, postea nati tantum quasi barones, quia ordine incedentes sequuntur barones, & antecedunt Baronetos. Vicecomitum filii non audiunt magnates, sed tantum quasi barones nati, aut nobiles primarii. Inferior enim hæreditaria fere nobilitas ibi continet primarios quasi barones (Baronetos), dein equites (Ritter) aut milites (knights), quorum equitum varii sunt ordines, eorumque primus S. Georgii (knights of the Garter), quem sequuntur equites vexilliferi, equites balnei, equites aurati (batchelors); tum scuti seu armigeros (esquires); denique nobiles (gentiles Gentlemens, sive nobilitas the gentry).

Quan-

Quamquam hoc nomen nemo nobilium aspernatur, & eodem quoque appellantur ingenui & divites mercatores. Superior nobilitas ibi appellatur *the peerage* (paritas), ejusque participes, (præter Saxonicum nomen *Hla* ex *Hlaford* (dominio) contractum, *Lord*, & si femina fuerit *Lady*) *nobles* vel *nobilemens*. Inferior autem *the lower nobility*. Legè communi primum armigerorum locum tenent suo ordine filii superioris nobilitatis, quos excipiunt armigeri regii, muneribus aulicis conspiciui; hos vero majores natu filii juniorum nobilitatis superioris filiorum; tum sequuntur majores natu filii equitum; & recens creati scutigeri, quibus æquiparantur variis muneribus præfecti, & Baccalaurei artium & caterarum eruditionis facultatum. Nec majores natu filii Ducum & reliquorum majoris dignationis nobilium nisi in Senatum inferiorem regni eligi possunt, antequam rex eos ad superiorem evocavit. Quæ uberius hauriri possunt ex *Chamberlayni Angliæ notitia* P. III. cap. 3. Nec silentio prætereundum est, medium inter equites & armigeros locum occupare Decanos, Archidiaconos, Canonicos, Doctores Theologiæ, Jurium, Medicinæ, Musicæ, atque præfectos collegiorum seu cænobiorum academicorum, quorum, uti equitum, dignitas non est nisi personalis.

## §. 207.

*Habet æque personalis, vel electilis, ac hereditaria nobilitas sua utraque non ad salutem publicam provehendam momenta, inde utrique locus in civilitate concedendus est, prout consultius videtur illis, quibus jus est nobilitati expedit.* Nobilitas enim est dignitas civilis (§. 204.); & jus dignitates civiles conferendi non est nisi superioris (§. 942. P. VIII. Jur. nat.), cui jus in actiones singulorum, vel imperium publicum debetur (§. 141. *ibid.*); uti in democratia est universi populi (§. 142. *ibid.*), in Aristocratia collegii optimatum (§. 143. *ibid.*), in synarchia imperii consortium (§. 144. *ibid.*). Vnde & quid de formis temperatis habendum sit, abunde intelligitur per ea, quæ de illis *Sectione I. P. II. Polit.* enarrata sunt.

Cum



Cum jus nobilitandi non sit nisi jus conferendi nobilitatem his, qui eam meruere; patescit, jus nobilitandi non esse nisi superioris in civitate, sive per se id exerceat, sive per alios, quibus illud concessit.

Atqui nobilitas vel est electilis, vel hæreditaria, & alibi hæc, alibi illa est introducta (§ 206.). Quia electilis est personalis, nec nisi personæ electæ tribuitur, quoad se gerit, uti par est (*ibid.*): illa acuit virtutem eorum, qui ad illam adspirare cupiunt, dum animadvertunt, sine eximia virtute se illa non esse potituros, fere quemadmodum in Aristocratia (§. 603. *seqq.* P. I. Polit.). Præterea quoque impellit ad virtutem continuandam & in dies augendam, quia desciscendo ab eadem sua dignitate ejusque emolumentis certo certius excideret, qui illa gaudet (§. 206.). Juvat ergo nobilitas personalis in civitate recepta virtutem civilem atque salutem publicam primariam pariter ac secundariam (§. 40. & 48. P. I. Polit.).

Nobilitatem hæreditariam commendat præmiorum virtutis in sobolem transmissio (§. 206.). Cujus spes eo acrius inflammare studium virtutis valet, quod non tantum sibi sed & soboli feræ præmia est pariturum. Si invitamentum simplex dicamus præmium tantum cultori virtutis acquirendum, præmium in liberos transmittendum dabit duplex invitamentum; idem & in nepotes transferendum, erit triplex; in pronepotes transiturum erit quadruplex, & sic ulterius progrediendo admodum multiplex evadit invitamentum ad virtutem intendendam, eoque fortius animum incitat & spe accendit, quod sæpe non masculæ tantum, sed & femininæ proli cuilibet eadem dignatio comparatur. Quid? quod & domestica majorum exempla notiora sunt & certiora, quam alia, quorum tam certa per ipsam experientiam fieri nequit cognitio, inde nec tam viva & efficax in animis esse potest, nec æmulationem  
virtu-

virtutum æque excitabit (§. 296. seqq. P. II. Phil. pract. univ.). Ipsi quoque parentes eo diligentius incumbunt in educationem liberorum suorum, ut similibus virtutibus imbuantur, atque nobilitatem suam virtutibus perpetuent adaugeantque, quemadmodum in successione regia (§. 686. seq. P. I. Poli.). Quare & hæc incitamenta & fomenta virtutum, salutisque publicæ in civitate non erunt spernenda, sed potius sapienter adhibenda. Vtriusque ergo nobilitatis ratio habenda & conjungenda esse intelligitur, ad salutis publicæ curam, quousque fieri potest, exacuendam extollendamque.

Quoniam e rerum præsentium facie sæpe petendum est, quid ex iis, quæ diverso modo fieri possunt, statuendum, & vel in hoc vel illo casu præferendum sit (§. 176. § 978. P. VIII. Jur. nat.): de nobilitate etiam his, quibus est jus nobilitandi in civitate, decernendum erit, utrum & quando electilis vel hæreditaria præferri mereatur.

Quod *Plato* olim dixerat in *Menexeno*, parentum honores & gloriam liberis clarum & magnificum esse thesaurum; idem *Cicero* Lib. I. offic. c. 33. sic effert: optima hæreditas a patribus traditur liberis, omnique patrimonio præstantior, gloria virtutis rerumque gestarum, cui dedecori esse nefas & vitium judicandum est. Bene natos, si bene educantur, perfectos fieri ad virtutem, observat *Plato* in *Alcibiad. I.* Omnes boni, ait *Cicero* pro *Sext. c. 9.* semper nobilitati favemus; & quia utile est, nobiles homines esse dignos majoribus suis, & quia valet apud nos clarorum hominum & bene de rep. meritorum memoria etiam mortuorum. Ex adverso tamen *Ulysses* apud *Ovidium* L. 13. *Metamorph. v. 140.* recte statuit: Et genus, & proavos, & quæ non fecimus ipsi, vix ea nostra voco; vel ut *Plutarchus* de *Pueror. Educ.* scribit: nobilitas quidem bonum est, sed majorum bonum. Nisi propria virtus accedat, inania sunt nobilitatis, id est hominum arrogantium, nomina. Dum nullum fastiditur genus, in quo eniteret virtus, crevit imperium Romanum, (Wolffii Politica P. III. S. I. C. III.) Gg num,

num, autore *Livio IV. c. 3.* Si experientiam consulimus, deprehendimus quoque, utramque dudum in civitatibus conjungi. In imperio Chinesium imperatoria dignitas & Confutiana sunt hæreditariæ, cæteræ omnes personales. In reliquis regnis & rebus publ. varie miscentur hæreditariæ & personales dignitates. V. c. in Polonia omnes nobiles gignunt nobiles ac pares inter se censentur, nec gradu impares statuuntur propter externos principum, comitum cæterosque titulos, sed propter munera, quibus funguntur, uti Palatinorum seu belli ducum, Seniorum, Castellanorum, aulicorum &c. quæ munera non sunt nisi personis concessa. Angliæ sunt multi procures, nimirum 30 duces, tres Marchiones, ultra 20 comites, 14 Vice Comites, quos quidam Burgrabiis seu Castellanis comparant, & 65 barones, præter eos, qui in Scotia & Hibernia habentur. Horum imparitas facit, ut primi in ordine sint duces, secundi marchiones, tertii ducum natu majores filii, quarti comites, quinti marchionum natu majores filii, sexti natu minores ducum filii, septimi Vicecomites, octavi natu majores comitum filii, noni minores natu marchionum filii, decimi barones, undecimi majores natu Vicecomitum filii, duodecimi minores natu filii comitum, ultimi natu majores baronum filii. Sed uti equitum, ita & plurimarum dignitatum honores & redditus sunt personales. Nimis longum foret plura addere exempla, unde illud tantum subjungo, omnes dignitates ecclesiasticas, & literarias, quæ tales, non esse nisi personales. Priores, ubi cælibatus receptus est, nequeunt esse hæreditariæ, seu tales, quales olim inter Judæos fuerunt. Posteriores raro illiusmodi gaudent redditibus, ut educare filios vel ingenio pollentes possint, ad merendam tuendamque suam dignitatem; neque filii vel præditi sunt ingenio ad literas nato, vel feruntur in ea studia, quæ patri dignitatem suam peperere. Quod secus est in bellica nobilitate, cum bellum sequi possit quodvis mediocre aut tenue ingenium, utut literarum expertus, & duce fortuna gratiam aucupari atque altius adspirare.



§. 208.

*Tuenda tamen dignitati nobilitatis prospiciendum est de idoneis De cura rite  
reditibus, si nobilitandus iis destituatur, & curandum, ne beneficia seu- tuenda nobi-  
dorum reddantur deteriora vel temere protigantur. Evilesceret enim litatis.*

procul dubio, experientia suffragante, nobilitas, præsertim superior, nisi suppeterent sumtus, ad tuendam debite illius dignitatem necessarii. Ex iis ergo, quæ usus docuit requiri, ad illum gradum splendoris & nobilitatis, uti par est, tuendum, quem meruit quisquam, & ex partarum opum annuis redditibus judicari potest, num illi reditus suffecturi sint splendori nobilitatis tuendo, nec ne? Si is impar esset futurus sumtibus dignitati impendendis, vel non conferendus erit ipsi is gradus nobilitatis, ipsi oneri futurus & perniciæ; vel largiendum ipsi una erit, quantum sufficit ad eum tuendum (§. 193.).

Si quis gaudeat per se, vel donatus sit bonis immobilibus & redditibus, gradui nobilitatis suæ tuendo paribus; cavendum est, ne vita dissoluta dilapidet ea, unde honeste fuisset vivendum ac sobolis fortunæ & patrimonio consulendum (§. 751. P. VIII. Jur. nat.). Beneficia enim publica ad usum genuinum dantur, non ad abusum danda sunt, qui ideo solícite est cavendus, comminatione jacturæ illius, aut adjuncto Curatore. Si vero vel a majoribus partum sit patrimonium, cui prodigalitas interitum minatur; est tamen dilapidatio res mali exempli, est ordini & gradui suæ dignitatis dedecori, est vitiis plena: quare & in hoc casu impedienda est luxuria & prodigendi temeritas, ut saltem externa honestas observetur (§. 395. P. VIII. Jur. nat.).

Censum nobilitati idoneum omne ævum spectavit in nobilibus, & illius conservandi studiosum fuit. Exempli causa equiti in Anglia antiquitus tribuebantur 800 agri jugera, quæ tum quotannis 20 libras reddituum dabant, nunc fere 600tas. Baroni

esse debebant 14<sup>1</sup>; feuda equeſtria = 8010 libris ſterlingicis inde redeuntibus. Comiti eſſe debebant viginti feuda hujusmodi, & Duci quadraginta. Pro melius ſuſtentanda nova dignitate Rex duci donat quotannis 1200 libras, marchioni illius dimidium; comiti 600 libras & vicecomiti illius dimidiam partem. Ne quid nunc dicam de redditibus ex aliis muneribus, & commerciis. Quasi baroni annui redditus mille libræ Sterl. &c.

Romæ olim cenſus equeſter erat 400000 ſeſtertiorum; ſenatorius autem equeſtris duplum ſeu octingentorum millium, & uterque interdum major requirebatur, ut hunc veluti minimum dicas. Quem cenſum non de redditibus annuis intelligendum eſſe arbitror, ſed de univerſo patrimonio. Tameſi quadraginta millia ſeſtertium etiam quadringena ſeſtertia dicuntur, & de Veſpaſiano *Suetonius c. 17.* refert, quod cenſum ſenatorium explens conſulares inopes *quingenis ſeſtertiis annuis ſuſtentarit*; & ſexcenta annua Diocletianus legitur Eumenio rhetori aſſignaffe in ſchola auguſtodunenſi. Efficunt autem octingenta ſeſtertia, 25 millia thalerorum. Auguſtus legitur ampliaffe cenſum ſenatorium ad duodecies ſeſtertia, h. e. duodecies centena millia, ſecundum *Suetonium c. 41.* quorum loco *Dio. L. 54.* viginti & quinque myriades (ſcil. drachmarum), id eſt decies HS. ponit. Atticus, inprimis lautus eques, a patre acceperat ſeſtertium vicies, ſeu 62500 Vallennes, & ex dodrante hæreditatis Cæcili, pariter equitis romani, acceſſerant ipſi circiter HS. centies, vel 312500 vallennes, nec tamen amplius quam terna millia æris peræque in ſingulos meſes expenſum ſumtui tulit, teſte *Nepote*, qui ejus ephemerides inſpexit in *Vita Attici*. Sed hæc ſumma non videtur accipienda eſſe, niſi de conviviiſ & liberalitate in illis adhibita, propte rea, quæ antecedunt & ſequuntur, & quia per integrum annum non fuit niſi 36000 æris, hoc eſt fere 1200 vallennes, patet hunc ſumtum fieri commode poruiſſe, ſi ex patrimonio primo tantum 2500 quotannis rediere. Patet quoque, Atticum jam tum equitem inprimis lautum, & liberaliter omnium ordinum homines invitanti dici potuiſſe, cum equiti ſufficerent redditus annui ex 400000 quincunces v. g. 20000; ipſi

ipsi autem ex vicies sestertium patrimonii dodrante census trientis fuisset 60000 par sestertiis, sive 1500 unciales. Ad horum confirmationem facit locus *Plinii L. I. Epist. 19.* ubi ad Firmum, municipem suum scribit: esse tibi censum centum millium, satis indicat, quod apud nos decurio es. Igitur ut te non decurione solum, verum etiam equite romano perfruamur, offero tibi ad implendas equestres facultates trecenta millia nummum. Apertum ex his, semel hoc dedisse Plinium, non quotannis.

Si ex 400000 censu redeunt 500 unciales fructu quincunci, ex octingentis jugeribus anglicis pristini redditus annui multo minoris fuere in numis, nempe 80 unciales, sed nunc ultra 2400 unciales.

Si quis Magnatum seu Procerum Hispaniæ prodigalitate sua dilapidaturus videretur, rex illi adjungit Curatorem, ne impar evadat dignitati suæ, uti par est, tuendæ. Romani censores singulis lustris censum agebant, nec cives tantum tribu, sed & equites ac senatores loco movebant, ut illi pedibus mereri cogerentur.

### §. 209.

Ne quis arrogare sibi nobilitatem possit, quam non est adeptus, Opus est publicis documentis publicis opus est & insignibus attributis, quibus nobilitas publicis nobilitatur. Dignitates enim civiles constant ex juribus peculiaribus, quibus cæteri carent (§. 205. P. VIII. Jur. nat.). Cujusmodi jura concedere summæ est majestatis (§. 855. *ibid.*), qua concessione simul ut lege quadam cæteri obligantur, ut juribus præditum, frui iisdem patiantur, nec illum in eorum usu turbent, neque quidquam committant, quod eorum usui fructuique adverferur (§. 854. *ibid.*). Sed nobilitas est dignitas civilis, quæ summa non est (§. 204.). Idcirco & illa pertinet ad reservata majestatis a nemine violanda nec usurpanda. Simul ergo curandum est, ne quis fraudulenter, inani disperso rumore, aut subditiis documentis, audeat sibi arrogare nobilitatem, quam non est adeptus, se ipsum veluti nobilitaturus.



Quod melius fieri nequit, quam si nobilis publico actu creetur, & documentis fide publica atque sigillo armatis instruat, quibus illico evidenter comprobare suam nobilitatem possit.

Quia vero, propter dignitatem & nobilitatem, qui ea gaudent, præcipuo quodam honore afficiendi sunt, atque cæteri scire debent, quo honore quisquam dignus sit (§. 761. P. VIII. *Jur. nat.*): promulgandum est id ipsum cæteris & publicis insignibus testatum faciendum. Hujusmodi insignia habentur in titulis, in præcipuis honoribus juribusque, & apparatu splendido census, comitatus, familiæ cæterisque excellentiæ gradui respondentibus indicibus, & honestamentis, quæ nostratibus Wapen dicuntur.

Necessitas hujusmodi solemnitarum, documentorum publicorum, manumissionum, modorum inaugurandi, percutiendi, investiendi, accingendi &c. antiquitus perspecta est, & aliis aliter recepta fuit. Sic Josephus a Pharaone solenniter præsentibus regni proceribus inaugurabatur verbis expressis, annulo regio detracta & Josephi manui indito, alba byssina & holoserica indutus, aurea catena circa collum suspensa, curru secundo regio circumvectus, & præconio proclamatus, ipsi genua esse flectenda, ipsumque universæ Aegypto esse præfectum. *Genes.* XLI. 37-45. Aaronis solemnem inaugurationem legas licet *Levitic.* VIII. Septuaginta Seniores, qui populo Israëlitico præficiuntur, dono prophetico insigniebantur *Numeror.* XI, 16. 17. 24-29. Josue inaugurationem refert *Deuteron.* XXXI, 7. 8. 14. 15. 23. De equitibus Pharaonis, consulatur *Exod.* XIV, 9. 17. *seqq.*; de Judæorum equitibus 1 *Reg.* IX, 22. & 2 *Reg.* VII, 2. 17. *seqq.* IX, 25. Nihil atinet, plura de aliis populis commemorare, neque ceremonias enarrare passim usitatas, quæ suo relinquimus loco. Documenta autem literarum publicarum obsignata, dignitatem conferentia & plenius enarrantia, una cum titulis cæterisque insignibus datis, itemque juribus & privilegiis fere ubique recepta videmus ad fidem dignitati civili faciendam, atque simul

fraudes falsariorum arrogantiumque elidendas. De insignibus nobilium Heraldica & genealogica scripta inspiciantur. Genealogiæ antiquitas noscitur ex *Genesis cap. V. X. XI. XXV. XXXII. XXXVI. XLV.* Insignia autem stemmatum nonnulli repetunt ex attributis Jacobi filiis symbolis *Genes. XLIX, 9. 14. 17. 21. 24. 27.* ampliatis a Mose *Deuteron. XXXIII, 8. 17. 19. 20. 22. 24. seq. 29.* Conferantur indumenta Aaronis *Exod. XXXIX, 1-31. vexilla 4 tribuum Numer. I, 52. II, 2.* Leones Salomonis *1 Reg. X, 19. 20. & Cherubini Exod. XXV, 18-22. XXVI, 1. Ezech. I, 4-28. X, 1-22. Apocal. VII, 6. 7. 8.* Apud Romanos insignia nobilium erant aureus annulus, equus publicus, clavus angustus; senatorum autem latus clavus, & in magistratu lictores cum fascibus, sella curialis, *cæt.*

## §. 210.

*Jura & privilegia nobilitatis gradibus ipsius respondent ex ar. Privilegio-bitrio collatorum; ideoque pro illis variant in eadem civitate eodem tempore; variant quoque diverso tempore in eodem gradu, tum in eadem, tatis diversum in diversa civitate multo magis.* Omnis enim dignitas civilis *tas unde sit?* nascitur ex certis juribus, quæ uni præ aliis conceduntur (§. 205. *P. VIII. Jur. nat.*), hoc est ex privilegiis concessis (§. 853. *ibid.*). Communia quidem his dignitatibus sunt jura titulorum & præcedendi (§. 765. *ibid.*), quibus accedunt reditus sustinendæ dignitati pares (§. 208). Enimvero quia tituli non sunt nisi nomina honorifica (§. 763. *P. VIII. Jur. nat.*); verba autem honoris, æque ac alia, valent uti numi, pro genio populi, linguæ, ac sæculi, experientia magistra: perspicuum est, titulos, sive macilentos spectes sive pingues, non posse non variare pro genio linguarum, poqulorum & sæculorum.

Si vero quoque a nudo titulo recedamus, & jura rerum & ad rem, privilegia & immunitates Nobilium consideremus: nituntur illa quidem generali Juris naturæ præcepto & officio, curandum esse in rep. ut bene de eadem merentes a cæteris honoren-

norentur, distinguanturque præmiis (§. 761. *P. VIII. Jur. nat.*). Sed quoniam illud fieri potest modis diversissimis, & in hoc casu ex rerum præsentium seu civitatis facie & habitu ad alias vicinas statuendum est, quid præferri mereatur (§. 176 & 978. *ibid.*): fieri aliter vix ac ne vix quidem potest, quam ut pro facie civitatis ejusque cum aliis nexu horum quoque jurium, privilegiorum & immunitatum multum discrepet, prout collatoribus earum, recte & acutius, an perperam & obrusius judicantibus, consultius apparuit.

Præterea quoniam cuique non tribuendum est, nisi quod meretur (§. 747. *seq. P. I. Jur. nat.*); omnes vero non possunt nec ubivis gentium, nec quolibet ævo idem mereri; quid? quod nec unus idemque semper idem meretur: diversis meritorum gradibus in nobilitate diversa quoque respondere debent jura & privilegia personarum & rerum. Hinc & eidem personæ ob majores meritorum gradus postea majora debentur præmia publica in eadem civitate, quam antea, ubi merita consistebant intra gradus inferiores. Multo igitur magis diversis personis, & in diversis civitatibus alii atque alii nobilitatis gradus, & cum his alia atque alia jura & privilegia debentur. In quibus omnibus eorum, quibus est jus nobilitandi, arbitrium sapienter est adhibendum, ut sua cuique tribuantur, sua civitati, sua & singulis bene de illa merentibus pro meritorum gradu, & eorundem ac aliorum ad æque aut præclarius posthac merendum incitamento. Ita vero sensim fit, ut tituli ac jura paulatim crescant, nec omni ævo eadem usurpentur vel in eadem civitate; multo ergo magis in civitatibus diversis.

Dilucidandis hisce inserviet recordatio, hic agi de nobilitate, tanquam dignitate civili, quæ inter homines in statu naturali æquales inæqualitatem introducit, quæ nisi pacto, ideoque libero mutuo consensu justa esse nequit. Pacta vero omnia sunt libera volunt-



voluntatis conventiones, ideoque ab arbitrio pendent uti eorum, qui optant ejusmodi jura & privilegia sibi tribui, ita præsertim eorum, quibus jus conferendi illa in civitate est concessum, ne eodem præcipitantia quadam abutantur in detrimentum publicæ salutis.

In Aula Byzantina quatuor erant dignitatum gradus, nempe perfectissimi, clarissimi, spectabiles & illustres. Ad primam cuivis aditus patebat, qui non esset fordida conditione, & secundum *Lactantium V. 14.* omnes gradus virtutis implebat. Illustres habebant jus dicendæ sententiæ in summo senatu; spectabiles erant magistratus provinciarum, uti proconsules, augustales, comites orientis &c; clarissima dignitate potiebatur filius, quem, antequam senatorium honorem indeptus fuerat, genuerat decurio, jamque ejusdem curiæ functionibus tradiderat. *L. 74. Cod. Theod. de Decurion.* Supra illustres esse quidem dicebantur Consules, & Patricii, non autem in novo dignitatis gradu. Descendit illustrium dignitas a senatu romano, in quo *illustres & splendidi* dicebantur, qui non demum sua virtute in senatum allecti erant a censoribus, uti Varro, Cato, Cicero, sed jam nati erant ex majoribus senatoria dignitate inclutis. Vnde in atriis illorum imagines & statuæ majorum collocabantur, quando magistratus gesserant curules, quorum primus erat ædilitas.

Romæ Senatores dicebantur patres conscripti, & patres patriæ, de salute publ. in senatu sententiam dicendi & suffragandi jure gaudebant, primi sedebant in Theatris, utebantur jure epularum publicarum, summis belli pacisque muneribus præficiabantur, jus dicebant, fungebantur legationibus, poterant ludos gladiatorios aliaque spectacula populo dare aucupandæ gratiæ ergo. Expressi cera vultus singulis disponebantur armariis, ut essent imagines, quæ comitarentur gentilitia funera. Dein æreis clypeis argenteæ inerant facies. *V. Plin. Hist. nat. L. 35. c. 2.* Eorum filii antequam togam sumerent, prætexta utebantur & calceis lunatis, &c. Equites romani gaudebant equo publico, quo in bellum erat proficiscendum, sub equitum magistro, annulo aureo, & angusto clavo; in Theatris destinata

(*Wolffii Politica P. III. S. I. C. III.*) Hh ipsi

ipsis erant 14 subsellia a senatoribus proxima; hinc *sedere in quatuordecim*, notabat equitem esse; gaudebant trabea; poterant esse publicani; ex illis eligebantur senatores; judiciis vel soli vel cum senatoribus præerant; ob res bene gestas, accipiebant cornicula, torques, armillas, fibulasque aureas, hastas, phaleras &c. Monebantur tamen nobilitatem non imaginibus fumosis, statuis &c. sed virtute & meritis propagari.

Anglorum major nobilitas creatur literis regiis patentibus, donatur jure suffragii in senatu regni superiori, ornatur in capite coronulis aureis, pro gradu suo diversis, quod dicunt fieri ad consulendum regi & patriæ tempore pacis; accingitur vero ipsis gladius, ad defendendum regem & patriam tempore belli; Proceres amiciuntur palliis diversæ dignationis, appellantur a rege consanguinei (cousins), aliisque etiam titulis ab aliis discernuntur, ut duces a gratia denominentur, uti olim reges, dicanturque Celsissimi Præpotentes & Nobiles Principes; marchiones tantum Nobilissimi, Honoratissimi & potentes principes; Comites præpotentes & nobiles proceres &c.; barones non nisi vere nobiles proceres. Sunt hi proceres non nisi regi subiecti, unde episcopi & barones aliis subiecti non audiunt proceres (Lords); sunt consilarii Regis hæreditarii; immunes ab omni detentione & custodia, nisi feloniam, violationem pacis, prodicionem regis aut regni admiserint, aut in senatu comitiorum condemnati sint; nequit actio contra illos institui, nisi apud proceres regni; non adiguntur ad jusjurandum, ut alii judices; neque ad cautionem pro recte gerendo officio, sufficit si id promittant asseverate, seu fidem suam interponant (*upon their honour*); immunes sunt a cruciatu corporis ad confessionem criminis eliciendam; ob legitimam absentiam in senatu suffragium suum alii committunt ferendum; contra ipsos non valet ullum testimonium nisi juratum; ipsorum autem testimonia, & responsa, (ut dicunt) super honorem data, valida censentur, nisi gravissimæ obsiat rationes; in causa civili ne quidem ob contumaciam capi possunt; nobiles non suspenduntur ut plebeji, sed capite truncantur, excepta admissa feloniam; Proceres in aulam regi-

regiam, vel ad comitia vocati, possunt in aditu & reditu feram unam vel alteram in regis saltibus necare; nequeunt ipsorum ædes & res, librorum prohibitorum, conventiculorum & similia causa a iudicibus pervestigari, nisi signato regis jussu per sex consilii intimi membra, quorum 4 sint proceres; gaudent jure creandi vicarios pastores (Chaplairst), quisque dux 6, quisque baro tres, qui indultu archiepiscopi pluribus frui possunt redditibus sacris. Destituuntur vero jure, quo (grandes) Magnates Hispaniæ gaudent, caput coram rege tegendi; destituuntur quoque immunitate dirionum & terrarum suarum a tributis, qua Galliæ proceres eminent. Transeo privilegia minoris nobilitatis. Conferri meretur *Crusius de præminetia & universo jure pædogicus*, Breme 1665. ed.

## §. 211.

Opera quoque danda, ut qui sine culpa sua opibus destituuntur, *Nobilium in-*  
*nobiles aliunde honeste alantur, & ut vel ipsa nobilitas, vel aliæ similes opæ uti sub-*  
*dignitates haud sint sumtuosæ.* Revera enim non ex splendore ex *veniendum?*  
 terno, pompa & magno sumtu faciendo genuinus honor metiendus est, sed ex virtutum præstantia, quæ per se, non autem per opes earumque impendia insolita, æstimari merentur (§. 538. P. I. Jur. nat.). Quum in se sola virtus nobilitet (§. 804.), nobilitas subsistere absque opibus potest, nec minorem meretur laudem, dum honesta paupertate, quam dum opulentia recte utitur. Efficiendum igitur est, ut vulgus quoque discat ex meritis, non vero ex pompa exteriori æstimare, quod obtinetur, si rex vel princeps ipse ab inani pompa alienus non amet sumtuosos sed virtutibus exsplendescentes, & quam minimis fieri potest sumtibus utatur, ac suos uti doceat; splendore tunc tantum adhibito, quando ejus peculiares & graves adsunt rationes. Vbi vero splendore opus est, iis rex utetur nobilibus, qui & opibus abundant, & splendorem modicum amant, ut se tum ostentare possint.



Paupertati vero nobilium honestæ consulendum est vel ex ærario publico, e quo alantur, vel aliis dignitatibus & functionibus decoris & lucrosis, vel ex nobilium legatis & institutis ad sublevandam nobilium, orphanorum in primis inopiam (§. 398. P. II. Polit.).

Quoniam omnes pro meritis ditari nequeunt, quorum tamen virtus spectata vel ulterius accendenda est in ipsa nobilitate & extra illam est: instituendæ quoque sunt dignitates civiles, ad quas & nobiles & ignobiles virtute eniti possint, nec opulentia indigeant ad eam dignitatem sustinendam, quæ non nisi personales erunt (§. 206.). Quo omnes & superiori & inferiori nobilitate præditi, & cæteri virtute illis supparens eniti ad illam in utroque sexu ament, ipsius regis seu monarchæ faciet autoritas, dum illius est caput & antesignanus; & in altero sexu regina ipsius est Magistra.

Hujusmodi adjumenta inopum nobilium passim sunt usitata, ut v. g. in aula recipiantur in regios alumnos, vel ut tanquam emeriti gratuitis redditibus alantur in collegiis quibusdam, vel extra illa. Sic equites Mariani in Prussia emeritos & ægros alebant in conventibus suis ex publico redditu suo. Inter equites S. Georgii in Anglia pariter aluntur in collegio, qui aliis vitæ præfidiis carent, propter merita militaria, & ut preces fundant pro salute regis & regni. Vid. *Chamberlaynes present state of England Lond. 1694. p. 430.* Idem quoque in aliis dignitatibus civilibus curandum, ne inopia immerita illis fraudi sit.

#### §. 212.

Quomodo  
majorum  
virtutis ra-  
tio sit ha-  
benda?

*Proveniendæ amplificandæque virtuti inservit institutum insignes honorum aut præmiorum gradus non impertiendi, nisi his, quorum virtutis majorum vestigia egregie premit. Habet enim nobilitas & quævis alia dignitas civilis hæreditaria peculiaria ad virtutem intendendam invitamenta, quæ sua multitudine fortius incitare solent,*

lent, ac personalia, & tamen cum his recte conjunguntur (§. 207.). Quare cum virtutis majorum ratio in civitate sit habenda, ut pro re nata vel parentibus & cognatis ob præclare merita in liberis & cognatis beneficium reddatur (§. 659. P. VIII. *Jur. nat.*), vel pœna horum mitigetur & remittatur (§. 660. *ibid.*): nonnulli honorum & præmiorum gradus, vel nonnulla privilegia merito illis tribuuntur, qui non degenerant a majorum virtute, qui aliis negantur, quorum majores nullo simili merito excelluere. Fovendæ igitur amplificandæque virtuti conducit & dicandum est institutum civile, certos & insignes honorum præmiorumque gradus non impertiendi, nisi his, quorum virtus majorum vestigiis egregie insistit. Cumque majorum multi dentur gradus & generationibus æstimandi, & diversa meritorum seu multitudine seu magnitudine; opera quoque danda est, ut debita diversitatis graduum horum ratio habeatur.

Ita usitatum est, ut quædam jura nobilitatis non concedantur nisi his, quorum generis antiquitas & virtus explorata habetur, qui sedecim & pluribus generosis majoribus suos debent natales. Eodem ex fundamento surgere quoque possent superiores nonnulli gradus honorum illis vindicandi, qui totidem majoribus, bis, ter & ulterius sumtis insignes essent, modo & ipsi illorum virtutem essent æmulati. Quanquam ideo, quia nascendi fors non est in potestate humana, hoc in veris meritis poni nequit; non esset tamen abs re, si huic naturali providentiæ divinæ beneficio aliud adderetur civile ex eorum genere saltem, quæ levioris sunt momenti, & in titulis, & aliquo ordine & loco priori in certis casibus, v. c. in ludis exercitiisque equestribus (equiriis) in honorem majorum simul & reip. commoda institutis & adornatis, quantum fieri potest sine sumtu inani. Hoc ipsum vero non in sola nobilitate, sed quoque in aliis dignitatum & virtutum generibus observandum esset, quemadmodum

olim usitatum est, ut viri celebres cujuscunque generis certis præmiis & honoris monumentis pariter sui ac majorum causa afficerentur, exemplo numinis divini *Exod. XX, 5.6. & XXXIV, 7.*

## §. 213.

Quid sint  
societates ho-  
norificæ.

*Societates*, quæ honoris virtutibus tribuendi causa ineuntur, dici possunt *honorificæ*. Quia virtutes humanæ sunt finitæ, ideoque semper incrementorum capaces: societates honorificæ partim præmiis maectant virtutes insignes luculenter testatas, partim alimenta præbent ad conservandas eas perficiendasque, & invitamenta ad præstantissimas æmulandas, augendas & amplificandas. Vnde dici possunt dignitates civiles (§. 205. P. VIII. *Jur. nat.*), & seminaria virtutum heroicarum saltem egregiarum, earumque simul *templa honoris* & præmia honorificentiora, &, quando summum gradum indepta sunt, honorificentissima, institutaque gloriosissima. Quia ab imperatoribus regibusque instituti solent, non abs re *augustea* vel *sodalitates augustales*, & *angustalitates* dici possent.

Notum est ab Augusto institutos, ut primos ordines in bello ducerent, dictos esse augustales, teste *Vegetio rei militaris L. II. c. 7.* Inde legitur in antiquis inscriptionibus: magister augustalis, decurio augustalis; leguntur & ludi augustales, vel augustalia, de quibus *Tacitus Annal. I. c. 54.* audiendus: idem annus novas caerimonias accepit, addito *sodalium augustalium sacerdotio*, ut quondam T. Tatius retinendis Sabinorum sacris sodales Titios instituerat, *sorte ducti e primoribus civitatis unus & viginti. Tiberius, Drususque & Claudius & Germanicus adji- untur.* Ludos Augustales tunc primum cœpta turbavit discordia, ex certamine histrionum. Indulserat ei ludicro Augustus, dum Mæcenati obtemperat &c. Hinc legitur in Lapide: *Neroni Cæsari, Germanici F. Ti. Augusti N. divi Augusti Pron. Flamini augustali, sodali augustali.* Quod munus dictum fuit augustalitas in *Grutero p. 215. n. 2.* Qui ad munus augustalitatis



compellentur; & Huic ordo Decurionum ob merita ejus honorem augustalitatis gratuitum decrevit. Templum honoris diceret atque virtutis cum Cicerone pro Sext. c. 54. in quibus honos habetur virtuti. Qualia Marcellus Romæ dedicavit, teste Livio L. 27. c. 25. & Symmaccho Epist. L. I 21. bene ac sapienter majores nostri ædes honori atque virtuti gemellas junctim locarunt, commentum, quod in re videmus, ibi esse præmia honoris, ubi sunt merita virtutis., Negabant recte, alium patere aditum in templum honoris, quam per virtutis templum.

## §. 214.

Societates honorificæ quando publica autoritate institu- *Divisio ha-*  
tæ sunt, dicuntur *publicæ*, quando tantum privato coalescunt *rum societa-*  
consensu, *privatæ*. Ratione virtutum, quarum causa instituun- *tum.*  
tur, vel sunt *sacra* vel *seculares*, & hæ vel *aulicæ* vel *literariæ*.  
Sacrae occupantur excolendis virtutibus erga Deum, & dicun-  
tur *ordines ecclesiastici* vel *religiosi* (*geistliche Orden*), *equestres* (*Ritter-Orden*); & *aulicæ* plerumque dicuntur *ordines* *seculares* (*weltliche Orden*), dicantur virtutibus erga alios homines earumque  
præmiis, *literariæ* autem sunt illæ societates & academiciæ  
scientiarum & artium, de quibus supra egimus. Quando hæ  
societates sunt, quod esse debent (§ 213.), in illas non recipi-  
untur, nec in illis tolerantur, nisi virtutibus insignes, & hæ  
sola *sufficiunt ad earum consortium merendum*. Dantur autem ordi-  
nes cum ecclesiastici tum aulici utriusque sexus, qui indumen-  
tis discernuntur & regulis officiorum, ut & hic nullus ordo  
regulis carere possit. Ordines religiosi masculini seu viriles  
habentur in variis ordinibus monachorum & fratrum religio-  
forum; foeminini seu muliebres in ordinibus religiosarum, &  
monialium. Ordines aulici viriles sunt equestres illi vel equi-  
tum varii generis; muliebres sunt ordines matronarum seu  
reginarum & imperatricum (*Damen-Orden*). Miscentur in-  
terdum ac conjunguntur officia secularia & religiosa, qui or-  
dines

dines mixti vocari possunt, cujusmodi est ordo equitum teutonorum, olim Prussiae dominorum.

Exhibet *Philip. Bonanni* ordines religiosorum ultra centum, religiosarum non pauciores, & ordines equitum 120, & nonnullos ordines illustrium matronarum; præter quos alii plures super sunt, & si nonnulli pereunt, alii illorum loco rursus nascuntur & instituuntur. Optandum vero, ut non solum ad genuinum scopum instituerentur, sed & ab illo nunquam descenderent, vanitatisque potius inani otio & vitiis quam virtuti litarent.

§. 215.

Quomodo civitati conveniant ordines equestres.

Expedit civitati, si in ea dentur societates honorificæ, & ordines equestres, & ad genuinum scopum dirigantur. Etenim societates honorificæ partim præmiis mactant virtutes, partim invitant ad eas ulterius perficiendas æmulandasque (§. 213.). Atque ad eundem finem quoque comparari possunt ordines equestres (§. 214.). Jam in rep. curandum est, ut qui ad legem naturæ servandam proni sunt, juventur, nec ab aliis impediuntur (§. 395. P. VIII. *Jur. nat.*), & instituenda sunt quæcunque facilius reddere possunt virtutum studium & exercitium, & obligationem civilem inducunt, ubi illa deprehenditur esse consultæ (§. 396. *seq. ibid.*). Sed ad præclara in rep. merita nemo civiliter obligari potest, nisi dignitatibus civilibus (§. 771. *ibid.*). Et dignitatibus civilibus, iisque præcipuis accenseri mereantur hæc dignitates honorificæ (§. 213.), ordinesque equestres (§. 214.). Quo circa cum virtutes solæ sufficiant ad ordinem ejusmodi merendum (§. 214.), & in civitate opera danda sit, ut idoneis institutis insignes honorum gradus non imperiantur, nisi virtute excellentibus (§. 212.), & ut illi vel nobiles vel alii, qui sine sua culpa opibus carent, aliis dignitatibus haud sumptuosius ornentur (§. 211.): conficitur inde, expedire admodum civitati, si in ea instituantur & foveantur societates honorificæ, ordi-

ordinesque equestres, modo caveatur, ne a janua templi honoris aberrant, hoc est a virtutibus egregiis, & degenerent in vitia quantumvis splendidiora.

Quemadmodum societates & academias scientiarum civitatibus proficuas & moraliter necessarias esse ostendimus (§. 407. *P. II. Polit.*): ita hic quoque alias societates honorificas eisdem expedituras esse, modo fiant atque sint, quod esse debent, nullo fere negotio perspicitur. Debent enim sodalitates hæ & magisteria neutiquam fieri esca malorum, sed partim auctoramentum præclare factorum insigniumque virtutum, partim illecebræ & fomites majorum meritorum. Neque tantum subsistendum est in fortitudine bellica & heroica remuneranda & amplificanda & perpetuanda; sed idem quoque in reliquis virtutibus erga alios & commune bonum, ad sublimiorem gradum evehendis, esset applicandum, uti sodalitates artium & scientiarum diffundendas esse per omnem, qui ipsis patet, campum, docuimus. Neque abs re foret, si vel qui summæ rerum præfunt, ut in ordinibus equestribus, primos sibi in his honores primasque partes sumerent reapse tuendas, ut & ceteræ sodalitates honestæ sublimitatis virtutum viva haberent exempla, in quæ intuerentur. Quid enim magis majestatem decet, quam virtutum quarumcunque, quanta in hominem cadit, sublimitas (§. 339. *P. I. Polit.*). Nec parum expediret civitati, si & reliquæ sodalitates augustales dici & augustalitate exsplendescere possent, æque ac ordines equestres. Ignorari nequit, cur de religiosis societatibus ordinibusque nihil attulerim: cum ordines clericorum, qui prostant, christianæ sint religionis, ejus principia revelationi divinæ debentur, e quibus & ordinum illorum indoles est metienda. Licet enim nonnihil ordinum religiosorum & naturalis religio & habuerit passim quamvis degener, & sincera quoque admitteret; hæc tamen seponenda iisque relinquenda duxi, qui omnem illius ambitum excutiendum essent sumturi. Quomodo præsertim ordines equestres ad salutem reip. accommodandi sint, id generatim liquet ex eorum scaturigine & natura superius explicata.



nata. Nomina vero eorum insignia & discrimina sunt in arbitrio posita, & pro nationum atque temporum conditione variare possunt.

## §. 216.

Quomodo  
cavenda sit  
eorum dege-  
neratio?

*Ne aberrent a scopo suo honorificæ dignitates civiles ordinesque equestres, sapientes ipsis præscribendæ sunt leges, diligenterque observandæ.* Quidquid enim bene & secus habere potest, illi opus est regulis & legibus, ad quarum normam agentes, a scopo non aberrent, sed potius eundem assequantur (§ 475. *Ontol.*) & (§. 131. *P. I. Phil. præct. univ.*). Sed in sodalitatibus augustalibus, ordinibusque equestribus, experientia duce, quæ fiunt, bene & secus se habere possunt. Quapropter illis sapientes præscribendæ sunt regulæ, qui earum consortes esse velint. Ne vero leges inutiles sint, si violentur pro lubitu, addenda ipsis est obligatio civilis (§. 982. *P. VIII. Jur. nat.*), per quam legibus obtemperantes in magno habeantur honore, illis vero repugnantes, censura statim instituta excidant gradu honoris vel & ordine suo, non sine ignominia promerita.

Prostant variorum ordinum equestrium regulæ in descriptionibus eorum, unde exempla peti & dijudicari possunt, cujusmodi sint. Indidem perspicere licet, quod ex neglectu & violatione legum detrimenta, ignominia vel interitus ordinis nascatur. Licet vero nobilitas plerumque militaribus virtutibus originem debeat; leges tamen illæ non ad solas has virtutes sunt restringendæ, quæ non nisi belli tempore requiruntur. sed præsertim cæteris quoque virtutibus erga alios pacis tempore in sublimiori gradu excolendis sunt dicendæ. Neque in bello militia per se nobilitat, sed virtutum cæterarum præstantia, qua milites gregarios antecellunt viri insignes, gradum ipsis ad nobilitatem munit. Parva enim sunt foris arma, nisi sit consilium domi & qui consilio juvat, plus juvat, quam qui armis. *V. Cicero Lib. I. de offic. c. 22.* ubi refellit eos, qui res bellicas majores esse, quam urba-

urbanas opinantur. Sic nolebant copiae Davidis, ut ipse cum illis in praelium exiret, ipsum pluris facientes decem millibus, malebantque ipsum sibi opitulari ex urbe. 2 Samuel. XVIII, 3.

## §. 217.

Denique premia virtutum publica in opibus donatis contineri possunt. *Premia publ. sunt, nec raro eorum, siue promissa fuerint praeclara perpetraturis, siue opifera vel minus.* Praeter gratiam enim & dignitates habentur bona ex *promissa vel* terna in opibus posita (§. 185.). Enimvero hujusmodi *præ-* non. mia possunt in antecessum promitti, siue praeclara facturis in genere, siue ea consequuturis, quæ nominatim proponuntur, quemadmodum in re literaria problema propositum soluturis (§. 433. seq. & §. 442. P. II. Polit.). Possunt vero etiam, si nulla promissa sint praeclare meritis, exhiberi, tum grati animi declarandi causa, tum remunerandi & accendendi ulterioris studii causa, & in meritorum autore ejusve posteris & cognatis, & in aliis eum imitaturis (§. 659. P. VIII. Jur. nat.). Cum quod recte fieri potest, etiam fieri debeat, quando graves adsunt rationes: ista quoque præmia, in donis publicis exhibenda sunt salutis publicæ ergo, siue promissa fuerint praeclare meritis, siue minus.

Quo jucundior est hic modus obligandi eo, qui in pænis habetur; quo propius ille summam Dei benignitatem, indefesse omnibus omnia largientem bona, imitatur; & quo melius virtutes excitare, fovere & amplificare valet: eo frequentior ampliorque in civitatibus illius esse debet usus, sapienter administrandus, quoties locum habere potest. Dispiciendum enim, quid consultius sit, & salva rep. fieri possit, ut in quovis casu præferatur id, quod præferri meretur.

## §. 218.

Si meritum consistit in actu singulari, fortuito, nunquam aut Ratio præ-  
perraro iterando, illi respondebit donum ipso dignum semel aut æque raro miorum sta-  
li 2 datum;

torum & ca-  
terorum.

datum; si vero habitu nititur in dies fere exercendo aut erepto propter salutem publicam, præmium quoque est perpetuandum statumque in reditum referendum. Præmia enim, quæ opes bene merentium augent, ut alia, respondere debent meritis, vel talia & tanta esse debent, quæ observantiam legum totam appetitui commendent, efficiantque, ut is rationi obsequatur (§. 54. P. VII. Jur. nat.). Quare si actus est transitorius, nec nisi semel aut raro necessarius, ejusve successus potius a fortuna quam arte pendet; non aliud quoque ipsi conveniet præmium, quam ratione temporis eodem modo comparatum.

Si vero actus est frequenter aut tantum non in dies repetendus, ideoque habitum requirit egregium: continuandum quoque eo magis erit ejus præmium, quo plus & sæpius illius præstandi causa officia erga se ipsum sunt postponenda (§. 610. P. I. Jur. nat.) & (§. 268 seqq. P. IV. Jur. nat.). Quapropter in hoc casu reditus statim præmii loco erunt adhibendi. Idem quoque valebit, si quis officio reip. præstando in eum redactus sit statum, ut deinde sibimet ipsi prospicere nequeat (§. 919. P. VIII. Jur. nat.). Nam si aliis civibus, qui morbo aliove fortuito casu impares facti sunt officiis erga se ipsos, necessaria vitæ præsidia præstanda sunt a civitate (§. 734. P. VIII. Jur. nat.); multo id magis præstandum est his, qui bene de reip. meriti sunt, quamdiu valere, & forsitan in istum statum miserum non delapsi essent, si officiis privatis vacassent.

Militibus, qui fortiter in prælio steterunt & victoriam adepti sunt, sæpe congiaria & donativa sunt data, aut præda ab hostibus reportata, idque ab antiquissimo ævo. *Genes.* XIV, 21. 24. & 1 *Sam.* XXX, 21. 25. Vid. *Livius* L. 37. c. 57. *Sueton.* in *Nerone* 8. & *Curt.* L. VI. c. 2. De his enim *Cicero* recte pro *Marcello* Cæsarem placaturus c. 2. ait: Certe in armis militum virtus, locorum opportunitas, auxilia sociorum, classes, commentus, multum juvant. Maximam vero partem quasi suo jure fortuna sibi



sibi vindicat, & quidquid est prospere gestum, id pæne omne ducit suum., Hujusmodi munera consistere solent in pecunia, aliisque rebus pretiosis, cunctisq; varii generis.

Altera pars hujus §. illustratur redditibus, vel nunc demum datis, vel auctis, in pensionibus gratuitis annuis, item in auctis simul honoribus & redditibus, uti vel Apostolus inquit, qui præsumt aut deserviunt bene, eos sibi gradum bonum acquirere, & munire ad altiora *Timoth. III, v. 13*; & uti in antecedentibus ostendimus dignitates cum redditibus connexas. Plura de his addere jam super sedemus.

## §. 219.

*Utriusque generis præmia diversa cum magnitudine, tum raritate, Ambo sunt gradibus meritorum sunt attemperanda.* Præmia enim non debentur, nisi meritis (§. 295. P. I. *Phil. præd. univ.*), præsertim haud vulgarium remuneratio esse debent (§. 182.). Quare & opifera præmia publica egregiis debentur in remp. meritis. Sed merita illa gradu multum differunt, usu rerum magistro. Et hæc quoque præmia gradui meritorum respondere debent (§. 218.). Hoc aliter fieri nequit, quam ut magnis meritis magnum respondeat donum, & minoribus meritis minus munus. Item raris meritis rarius donum, vulgaribus vulgare satisfaciatur. Quo igitur merita sunt majora, & rariora seu insigniora: eo quoque majus & rarius, haud tamen indecorum, conveniet donum seu honorarium. Qua in re cum temporis ratio nihil mutet, siue temporaria siue perpetua sint hæc præmia, utrobique gradibus meritorum eorum magnitudo & raritas erit conformanda.

Præter magnitudinem donorum spectanda quoque videtur eorum multitudo & frequentia. Sed hæc frequentia aut anniverfaria, semestris, aut trimestris est, & sic continetur in redditibus statis, qui simul pensiones gratuitæ & remuneratoriæ esse possunt; aut tantum magnum donum particularim confert, & ita

magnitudini inest. Cæterum uti merita dantur rara, ita quoque rara dona reperiuntur, quibus raritas & affectio pretium addit, quod alias non haberent. Hæc ergo rarioribus insignioribusque meritis tribui posse, si nihil obster, facile est intellectu. Calibus promittebat filiam suam Achsam Sepheram expugnaturus Josua XV, 16. 17. Saulis promissa Goliathum trucidaturo leguntur. 1 Sam. XVII, 25. Donum Naamanis Elisæ destinatum legitur 2 Reg. V, 5. Hazaël 2 Reg. VIII, 9. Promissa Nebucadnezaris habentur Dan. II, 6. 48. seq. Belsazaris Dan. V, 7. Profana exempla in qualibet civitate obvia non indigent commemoratione.

## §. 220.

*Et cæteris  
donationum  
regulis.*

*Habenda quoque est prudenter ratio ærarii publici, conditionis eorum, quibus & quorum gratia donatur, & modi donandi. Etenim quod in privata liberalitate est patrimonium, cujus ratio ita est habenda, ut donatio deceat ejus mensuram (§. 374. P. V. Ethic.): hoc est in munificentia publica status ærarii non minus consulendus. Vti in privata donationis determinatione spectanda est conditio accipientis (§. 376. ibid.): ita in remuneratione publica respiciendum est, quid deceat conditionem & accipientis, & illius civitatis rectoris, a quo missus est. Denique uti privata donatio tempestive, prudenter & perhumaniter facta antecellit eam, quæ secus fit (§. 277. & 418. ibid.): ita & in publica remuneratione prudenter dispiciendum, quid accipienti præ cæteris sit placitum, quis temporis articulus ac modus donandi illi, ejusve superiori; si est peregrinus, futurus sit gratissimus? Hunc enim, & quidquid ita comparatum deprehenditur, prudenter anteferri nemo dubitabit.*

## §. 186.

*Cujusmodi  
esse debeant  
pœna?*

*Ex adverso petulantes legum violatores sapienter coërcere debet pœna promerita, quantum datur, ad cohibendam legum transgressionem suffectura. Civitati enim jus est, puniendi eum, qui ipsam læsit*

(§. 579.)

(§. 579. P. VIII. *Jur. nat.*), quocunque admissio maleficio (§. 580. *seq. ibid.*). Quoniam vero maleficia multis modis differunt & gradibus, sapienter constituendæ sunt leges pœnales, ne cuiquam infligatur, quam non promeruit, pœna. Coercenda igitur non sunt nisi pœnis promeritis, & quantum fieri in perversitate hominum potest, ad cohibendam legum transgressionem suffecturis (§. 585. *ibid.*). Hinc tantæ pœnæ sunt licitæ, quantæ ad deterrendos nocituros a maleficiis plerumque sufficiunt; unde si appareat, leviores non sufficere, gravioribus uti licet (§. 637. *ibid.*), modo salvum maneat discrimen, inter graviora & leviora delicta & crimina quoad pœnas observandum (§. 839. & 626. *ibid.*).

Scilicet, ubi cogi homines possunt, ad omittendam aliorum læsionem v. c. executione solutionis, subhastatione &c.; ibi his compellendi ad officia externa modis recte utuntur superiores. Sed ubi ignoratur, quando alii sint alios læsuri & damnis affecturi, ibi aliter arceri læsiones humana opera non possunt, nisi pœnis propositis, illisque, quorum turpiter & injuste facti infecta fieri nequeunt, infligendis, ut si non ipsimet, saltem alii ab iis transgressionibus legum absterreantur.

## §. 222.

Quoniam pœnis capitalibus utendum est, quando sine *Modus sup-* illis crimina frequentia coerceri nequeunt (§. 638. P. VIII. *Jur. plicia recte nat.*); & variæ admodum sunt pœnæ capitales (§. 602. *seqq. adhibendi. ibid.*): ex nocumentis & periculis civitati imminetibus, & per pœnas arcendis (§. 625. *ibid.*), ex frequentia (§. 629. *ibid.*), ex malitiæ gradibus (§. 632. *seqq. ibid.*), cæterisque momentis in delicto aut crimine attendendis (§. 627. 630. 635. *ibid.*), *estimandum est, quam suppliciorum genera his vel illis delictorum & criminum generibus plerumque sint convenientiora, vocata quoque in subsidium experientia.* Ea ut absterre in antecessum sceleratos

pos-



possint sanctionibus poenalibus cum maleficiis sunt connectenda sic, ut male facturi sciant, tale supplicium sibi certo esse subeundum, nisi a maleficio abstineant animum, ideoque poenae, maleficiis jubeundae, sunt illis promulgandae, quando latae sunt leges (§. 662. *ibid.*), item promulgatio, quando opus videtur, repetenda; & emergente maleficio, cui illae propositae sunt, malefico comperto omnino infligendae. Sed quoniam singulares occurrere possunt rationes, ob quas poenae vel exasperandae, vel mitigandae aut remittendae sunt (§. 656 *ibid.*): nemo poena capitali plectendus est, nisi ea a superiori confirmata sit aut mutata (§. 845. *ibid.*).

Nimis severus Draco fuerat in ultimo supplicio omnibus ferme delinquentibus dictando, cujus ideo poenas Solon abrogavit, homicidarum supplicio excepto.

§. 223.

*Nil capitalius est laesione majestatis.*

Quia crimen laesae majestatis est factum admissum contra jura majestatis, & committitur, si quis adversus personam ejus, qui summum imperium habet, quidpiam molitur quo jus quoddam majestatis ejusve usus, vel totum imperium summum eidem eripitur, ut si perduellione ad everSIONem reip. & interitum rectoris civitatis vergat (§. 1065. P. VIII. *Jur. nat.*): summus ejusdem gradus, quo rector civitatis vel imperio exuitur vel & vita privatur, aut integre reip. exitium inferitur, summo utique supplicio dignus (§. 1065. & 1068. *ibid.*). Dantur tamen & alii gradus, poenam capitalem merentes, uti vulneratio regis dolosa, conspiratio adversus eundem, interemptio intimorum consiliariorum, seditio, proditio, usurpatio juris monetam cudendi, falsorum confectio privilegiorum, violatio statutarum Principis publicarum, &c.

Laesae majestatis reis lege Caji Julii Caesaris aliisque antiquioribus ultimum supplicium recte infligitur: quam ob rem David Sauli

Sauli sæpius necem sibi machinato tamen pepercit 1 Sam. XIX, 1. 2. 10. 15. XX, 30. *seqq.* XXIV, 7. *seqq.* XXVI, 9. *seqq.* & qui sauciatum jam confecerat ipsius nutu, necari jussit ob manus violentas regi illatas, 2 Sam. I, 14. *seqq.*, & Isboethi interfectores graviori supplicio affecit, manibus pedibusque truncatos & suspensos 2 Sam. IV, 12. Ut plurimum gladius, dissectio in 4 partes, ignis adhiberi supplicio solet, pro gradu atrocitatis, bonorum confiscatio, & memoriæ condemnatio seu infamia æterna.

## §. 224.

Cum majestas divina sit infinita (§. 1004. P. I. Theol. nat.): De pœna ejus læsio quoque infinitam meretur pœnam, quam solus Deus *blasphemia*. infligere potest. Licet ergo blasphemiae omnium maxime lege naturali prohibita sint (§. 1158. P. I. Jur. nat.); in statu tamen naturali nemini jus est eam puniendi (§. 1159. *ibid.*), sed tantum convincendi blasphemantem sui peccati (§. 1160. *ibid.*). Aliter vero res habet in statu civitatis, ubi & illi actus vitiosi puniri possunt, qui privatum quidem alium non lædunt, attamen in ipsam civitatem mala devolvunt & ignominiam, nisi puniantur (§. 653. P. VIII. Jur. nat.). Vnde fornicatio & scortatio, ebriofitas, impietas & blasphemia in civitate recte puniuntur, ne plures ejusmodi sceleribus & vitiis se dedant, & civitati præter malam famam aliorum corruptio & vindicta numinis metuenda sit (§. 45. Jur. Gent.) & (§. 1081. *seqq.* P. I. Theol. nat.). Est ergo & blasphemia dolosa punienda, non quidem quatenus animo clausa manet, sed quatenus in verba & facta in Deum contumeliosa erumpit (§. 286. P. III. Ethic.).

Sacra polluere præsertim in Minervæ & Cereris arce, quæ rex & regina procurabant, maximum nefas Athenis habebatur. Sic Alcibiades accusatus, quod in domo sua mysteria faceret, absens capitis damnatus est, bonis publicatis, teste Nepote in ejus vita. De Archia, sacrorum antistite, & Theogene ob in-

(Wolffii Politica P. III. S. I. C. III.) Kk genii

genii simplicitatem vix veniam culpæ adepto, Vid. *Demosthenes contra Neeram*. Andocidem religionum contemptorem *Lysias* accusat, id esse crimen atrocissimum, capitis pœna luendum, contendens. Solo obtentu hujus criminis damnatus est ad cicutam bibendam *Socrates*, idolis tantum & caute id non tribuens, quod vulgus. Lege Mosaica Dens jussit blasphemum lapidibus e medio tollere *Levit. XXIV, 11-16*. Hodieque pro diverso gradu gladio, fustigatione & relegatione passim punitur. *Const. Crim. Cardin. art. 106. &c.*

## §. 225.

*Alia crimina**§ delicta capitalia.*

Præterea homicidii & infanticidii dolosi, furti, X Valentes aut 5 aureos excedentis, raptus & stupri violenti pœna capitalis injusta non est, si istiusmodi crimina pœnis mitioribus coërceri nequeunt (§. 840. P. VIII. *Jur. nat.*). Ex paribus causis plagium; pactum abnegationis Dei cum cacodæmone initum; perjurium in capitalibus factum; vis publica; adulterium duplex; incestus in linea recta & proximorum laterali; Sodomia; incendiariorum delictum & rapina, sacrilegium & peculatus, latrocinium, veneficium, assassiniumque, ultimum supplicium plerumque merentur.

Draconis leges Atheniensibus latæ, ob rigorem suppliciorum non atramento sed sanguine scriptæ dicebantur. Licet vero a Solone iste rigor multum temperaretur, tamen ex *Demosthene* & *Aeschine* discimus, capite pœnas dedisse, quisquis vel populum, vel senatum vel judicium promissis circumvenerat & corrumperat, quisquis violatæ pœnæ cinædorum impudiciæ erat convictus, vel lenocinii, vel eorum criminum, propter quæ in vincula abripi licebat; quisquis e Lycæo, ex academia aut cynosarge vestem aut lagunculam, aut quidquam aliud minimi pretii, aut vasculum e Gymnasiis aut partibus surripuerat, supra X drachmas.

Plagium commissum in libero homine scienter emendo vendendoque, capitale dicitur *l. i. ff. de plagiariis*. Jure Codicis pœna



pœna gladii dictata est *l. fin. C. h. t.* nec minus Jure Mosaico *Deuter. XXIV, 7.* Lege Mosaica forensi lapidebatur, qui die sabbathi ligna collegerat *Numeror. XV, 35.* Capitalis erat labor die Sabbathi *Exod. XXXI, 14. seq.* incestus, adulterii cujusque admissio, execratio & verberatio parentum, Sodomia pæderastia *Levit. XX, 9. seqq.* Scortatio filiae sacerdotis *Levit. XXI, 9.* furtiva rerum abolendarum amotio *Josue VII, 13. seqq.* idololatria, & illius persuasio vel a vate facta *Deut. XVIII, 20. & XIII, 5.* Nimius quidem pœnarum rigor fugiendus est, tanquam a legibus naturalibus & humanitate alienus; ubi tamen gradus malitiæ & criminis id requirit, ibi merito & supplicii gradus augetur pœnam solitam exasperando (§. 610. *P. VIII. Jur. nat.*), sive ante sive post illatum supplicium: uti forcipum candentium laceratione, crurifragio, implicando cadaver rotæ, palo impositæ &c.

## §. 226.

Si qua delicta supplicium non merentur, nec tamen multa cohiberi possunt, ibi statuenda sunt pœnæ corpus affligentes, quarum gradus do doloribus delicto respondeat. Si enim nimia est pœna capitalis, illa non est corpore opus promerita, nec ideo infligenda (§. 221. *seq.*). Si multa cohiberi delicta nequeunt, illa non sufficit ad coërcendam legum transgressionem (§. 222.) aut & dari nequit. Quare cum adhibendæ sint pœnæ cohibendo delicto suffecturæ (§. 221.); sed præter multam & supplicium dantur pœnæ corpus dolore affligentes (§. 589. *P. VIII. Jur. nat.*): sequitur in dictis casibus adhibendam esse corporis afflictionem, ut dolore corporis perferendo deterreantur a delicto scelerati. Manifestum igitur est, ubi nec supplicio, nec multæ locus est, ibi ad corporis coërcitionem esse deveniendum in compescendis delictis.

Enimvero, quia cavendum, ne major pœna, quam culpa sit, nec gravioribus uti licet, nisi appareat, non sufficere leniores (§. 637. *P. VIII. Jur. nat.*); quia in doloribus corpori infligendis æque varii dantur gradus ac in delictis illos meren-

tibus, usu ipso teste: non aliis utendum est corporis afflictionibus, quam quæ gradu delicti respondere intelliguntur.

Hujusmodi pænæ sunt flagellatio; verberatio; carceris squalor, fustigatio, ergastulum, manuum pedumque vincula & compedes vel claustra; damnatio ad opera publica, uti ad remos, metalla, munimenta, pistrinum &c; mutilatio membrorum & quæ his sunt similes, v. c. tormenta cauteria & stigmata inusta. Huc pertinent Judæorum flagra tria terdecies inflicta, *Diuteron. XXV, 2. seq.* & jus talionis *Exod. XXI, 24. seq.* & *Levit. XXIV, 19. seq.*

§. 227.

*Casus potiores cruciandi corpus.*

Corpore affligendo aut mutilando luunt non solum, qui dictatam multam solvere nequeunt, verum etiam perjuri in causa civili, dolosi digami, falsarii, qui capitalium delictorum penitus convinci nequeunt; aut leviorum furtorum comperti, aut quidem graviorum, sed quorum restitutio facta non relinquit summam capitalem (§ 225.), qui ætatis, imbecillitatis animi, affectus, dignitatis, & meritorum, vel seductionis adjumenti & consortii tantum levioris excusatione in criminibus capitalibus mitigationem pænæ merentur, rei criminum attentatorum duntaxat, & capitalis delicti propemodum convicti, sed frivole id negantes &c.

Perjuri convicti digiti in jurejurando præstando erecti in pœnam abscindi consueverunt; sed Agyptiorum lege olim perjuri capite multabantur, tanquam qui duplici tenerentur scelerem, cum & pietatem in Deos violarent & fidem inter homines tollerent, maximum vinculum societatis humanæ, uti refert *Diodorus sicul. L. I. c. 6.* Nonnulla delicta apud alios multa, apud alios dolore corpori inflicto rectius puniuntur: prout vel delinquentium conditio, merita & animi indoles requirit; aut hoc vel isto genere pænæ facilior correctio obtineri posse intelligitur. Supplicia & corporis cruciatus infamiam plerumque, saltem ignominiam pariunt, quoties ex merito infliguntur (§.

619. seq. P. VIII. Jur. nat.). Quorsum etiam referuntur numellæ aliæque pœnæ ignominiosæ, uti sepultura asinina &c. (§. 621. *ibid.*).

## §. 228.

Inter pœnas corpus affligentes & multas medium quasi locum tenent, quæ jura civitatis cuncta aut potiora aut nonnulla adimunt. In censeantur pœnam enim adimi possunt res & jura quælibet sive in perpetuum, sive ad certum tempus (§. 589. P. VIII. Jur. nat.). Sed civitatis adimere pœnæ, quæ in ademtione rei pretiosæ aut pecunia consistunt, dicuntur multæ (§. 590. *ibid.*); quæ autem corpori dolores creant, corpus affligunt (§. 611. *ibid.*). Vix autem quisquam erit, qui sanitatem, integritatem membrorum & libertatem & integritatem famæ non redimat, si fieri possit, pecunia aliisque rebus ad opes pertinentibus, quanquam emendicatione parandis, experientia teste. Quare liquet, & mala corporis præcipua & jurium civitatis insignium graviora statui jactura quorundam bonorum, qua multæ absolvi solent. Collocantur igitur haud abs re pœnæ. quæ jura civitatis, si non quævis, saltem potiora adimunt, medio veluti loco inter afflictiones corporis & multas.

Quid non darent multi divites medicis, si eos liberare morbis & doloribus possent, quos perpetiuntur? Inservit sanitas usui cultuique plerarumque virtutum, ideoque magno haberi pretio meretur. Sed & libertas civilis, amicitia, fama honesta, cæteraque jura civitatis, cum ad exercitia virtutum, tum ad fructum salutis publicæ, tranquillitatis securitatisque vitæ multum conferunt. Horum ergo civitatis jurium ademtio, seu ex integro, seu ex parte fiat, paulo minor est sanitatis & integritatis membrorum insigni jactura; major tamen pendenda quadam multa. Hujusmodi sunt captivitas, carcer privatus aut publicus, relegatio perpetua aut ad tempus, deportatio in locum molestum, & interdictio eodem exeundi, & alia loca convenientiora adeundi infamia quæcunque (§. 595-600. *ibid.*).



Athenis infamis erat (*αἰσχος*), si quis donis aut pollicitis aliquos corruerat, aut corrumpi se passus erat ad nocendum populo, & miserius judicabatur apud suos ignominiosum vivere, quam apud exteros exulare, teste *Isocrate* & *Demosthene*. Item si quis pæderastiæ impudicæ convincebatur; si qua uxor cum adultero fuerat deprehensa, cui & vestimenta & ornatum dilacerare & diripere in fanis permittebatur. Si quis patrem aut matrem verberarat, aut non aluerat, aut expeditiones non obierat, aut clypeum abjecerat, aut meretricium fecerat quæstum, aut patrimonium luxu absumserat, ei ad populum verba facere non licebat e suggestu. Hujus generis quoque erat Romanis usitata capitis diminutio triplex, minima familiæ, media civitatis, & maxima, cum familiæ & civitatis, tum quoque libertatis amissio. Quia utendum est pœnis, coërcendo delicto suffecturis (§. 221.), & dispiciendum est, quænam genera pœnarum in dato casu convenientiora sint futura (§. 222.): de his quoque pœnis, quibus jus est pœnarum, statuendum erit, quænam pro re nata sit præferenda, cui dignitas, autoritas, existimatio, civitas ipsa sit abroganda, vel & ignominia, contumelia aut infamia irroganda? Illis, qui sibimet ipsis violentas intulere manus, aut in alios & remp. graviter peccarunt, denegari solet, honesta sepultura, & vel nulla vel asinina tantum tribui.

## §. 229.

*Vbi mulctis  
sit utendum?*

*Mulctarum genera ibi sunt sapienter adhibenda, ubi nec affligendi corporis ratio prævalet, nec ignominia aut infamia locum habet. Graviora enim sunt pœnarum genera, quæ in corpore coërcendo & cruciando, item in civitatis juribus auferendis exseruntur, nudis mulctis (§. 228.). Quare ubi propter neglectum officium nec corpus est castigandum, nec civitatis jura minuenda aut adimenda: ibi mulctis sed tam sapienter utendum erit, ut genera earum respondeant fini, obtinendo gradui culpæ sortique personarum (§. 221.).*

## §. 230.

*Multa vel publica sunt vel privata.* Publicæ injunguntur *Multa vel* & exiguntur a superiore, cui earum jus est in civitate. Pri- *su et publica,* vatæ autem inter contrahentes pacto statuuntur, ne quid con- *vel privata.* tra contractum fiat. Vnde & privatim mutuo consensu sanc- iuntur, ideoque pactitiæ dici possunt. Quia pactis standum est (§. 789. P. II. Jur. nat.): si quid adversus ea fiat, quibus pœna pacto est statuta; pœna conventa erit solvenda (§. 52. P. VII. Jur. nat.) & (§. 606. seq. P. III. Jur. nat.).

## §. 231.

*Multarum gravissima est confiscatio & publicatio bonorum, ad Multarum* supplicium pro meritis augendum faciens; *a qua haud longe di-* publicarum *stat majoris bonorum partis pœnalis ereptio; ademptio reddituum publico-* gradus. *rum, vel præmiorum; deinde varia multa minores, seu legibus jam de-* terminata, seu arbitrio judicis pro re nata definienda. Confiscatio enim bonorum est actus, quo omnia, quæ delinquens habet, eidem adimuntur in pœnam & fisco attribuuntur (§. 593. P. VIII. Jur. nat.). Ad quam evidenter prope accedit majoris bono- rum partis multatio. Si patrimonium vel exiguum sit, vel nullum; publicorum reddituum, præmiorum & pensionum gratuitarum ademptio vel diminutio multæ ingentis rationem habebit. De minoribus multis, non est, cur sigillatim agamus, quas ex lege, aut consuetudine, aut arbitrio pro personarum & rerum, de quibus agitur, ratione, denique conventionione ju- dicis & multandi determinare diversitas casuum rerumque publicarum jussit.

Scilicet, ubi limitata est reip. forma, ibi populus libertatis suæ studiosior pœnarum moderamen, & multarum mediocri- tatem sui ipsius causa suscepit, & vel legibus definivit, vel suo reservavit consensui. Quemadmodum in forma absoluta ab affectibus imperantium facile nascitur rigor pœnarum peccans  
exces-

excessu suo: ita in limitata facile indulgentia & contemptus pœnarum vitiis delictisque fores aperit defectu debitæ justitiæ, nisi utrumque solícite caveatur, & gradibus pœnarum rite constituendis, opera navetur (§. 626. *seqq.* P. VIII. *Jur. nat.*).

## §. 232.

*Quid in mutatione pœnarum observandum?*

Cum pœnarum finis in pœna dictanda infligendaque sit respiciendus, ut cohibenda legum transgressio, quoad ejus fieri potest, obtineatur (§. 585. P. VIII. *Jur. nat.*), & in magnitudine pœnæ determinanda attendendæ sint delinquentis qualitates, quæ pœnam vel graviolem vel leviolem seu faciunt seu requirunt (§. 635. *ibid.*): ideoque graviores tum demum licent, quando leviores non suffecturæ esse intelliguntur (§. 637. *ibid.*): possunt quidem superiores pœnas salutis publicæ & æquitatis causa remittere aut mitigare (§. 658. *ibid.*), ideoque supplicium in corporis afflictionem, & hanc in multam, & vice versa, convertere, modo graves id urgeant causæ, & affectuum pravitati errorique nihil detur. *Etiā igitur atque etiā examinandum est consilium multam in afflictionem corporis, sive hanc in illam; aut supplicium in afflictionem corporis, sive hanc in illud mutandi, & generatim pœnam vel augendi vel minuendi, ne quid in eo admittatur saluti publicæ adversum.*

Valeat & hic tritum illud: deliberandum est diu multumque, quod statuendum est semel. Facile enim quod admissum est, vertitur in exemplum, quod veras causas nescientes in suam interpretantur rem, tanquam in casum similem; & nisi idem obtinent, quod ob diversitatem causæ sæpe nequeunt obtinere, superiores criminantur redduntque saltem apud imperitum vulgus suspectos. Ad quas criminationes elidendas, causarum diversitas, & meritum animorumque disparitas ob oculos est ponenda.



## §. 233.

Quia licet suam vitam (§. 1013. P. I. *Jur. nat.*), res suas Quando lo-  
 (§. 699. P. II. *Jur. nat.*), & pudicitiam suam in statu naturali *cus pœne*  
 defendere cum strage aggressoris, raptoris & stupratoris *privatæ dan-*  
 lenti (§. 355. P. VII. *Jur. nat.*), quoties aliter periculum *evi-*  
 dari nequit: *quando in statu civili pœna publica locum habere nequit*  
 (ut in tali loco, aut tali tempore, quo auxilium aliorum &  
 magistratus copia deficit), *impunis esse debet ista defensio naturalis,*  
*vel cum intereccione violenti invasoris facta* (§. 533. *seqq.* P. VIII.  
*Jur. nat.*).

In casu necessitatis defendendi se, suos, sua jura, resque suas,  
 licet malum inferre injusto aggressori propter officium erga se  
 & alios, cui aliter satisfieri nequit (§. 572. P. VI. *Jur. nat.*).  
 Necesse tunc est, ut vis vi repellatur, ideoque si aliter depelli  
 nequeat, ut vel vulneretur vel mutiletur, vel interficiatur.  
 Vbi enim par malum imminet, nobis potius, quam aliis con-  
 sulendum (§. 574. *seq. ibid.*). Talis vero casus necessitatis &  
 in civitate adest, quoties & copia magistratus, & aliorum de-  
 ficit adjumentum. Lege Solonis si quis noctu quidpiam fur-  
 ripuerat, eum & occidere, & inter persequendum vulnerare  
 fas erat, secundum *Aeschinem in Orat. Timocrat.* In *Timar-*  
*chea* idem ait, quis aut grassator, aut fur, aut adulter, aut  
 homicida, aut gravissimorum scelerum designator, modo oc-  
 culte facinus patret, pœnas dabit? Inter hos enim illi, qui  
 in ipso facinore deprehenduntur & fatentur, statim occiduntur;  
 qui autem clam patrarunt & infitias eunt, in judicium addu-  
 cuntur, deque iis veritas verisimilibus conjecturis est inda-  
 ganda.

## SECTIO I.

## CAPVT IV.

DE

Cura sapienter perficiendi iustitiam &  
æquitatem privatam, præsertim in pactis acti-  
busque beneficiis.

§. 234.

*Iustitia &  
æquitas pri-  
vata uti pro-  
movenda.*

**P**robitas publica & iustitiam privatam & æquitatem civium sapienter procurat saltem in actionibus externis manifestisque. Probitas enim publica exercet & procurat iustitiam æquitatemque civium inter se, quantum fieri potest (§. 172.); ideoque sapienter bene & male factis tribuit quod iustum est & æquum (§. 173.). Quæ cum in civitate perquam sit ad salutem publicam utilis & necessaria (§. 169.): urique in rep. est sapienter procuranda (§. 160.), atque opera danda, ut eam colentibus melius sit, quam neglecturis (§. 170.) Quia virtutes hæ sapienter quidem inculcandæ, & quibus fieri potest argumentis, doctrinis, exemplis, adhortationibus & incitamentis provocandæ sunt fovendæque (§. 3. seqq.); sed quatenus obtineri nequeunt, saltem externi actus earundem sunt requirendi exigendique (§. 161.): probitas quoque publica, ubi pravitas animi corrigi se non patitur, saltem id sapienter curat, ut in actionibus civium externis manifestisque officia iustitiæ & æquitatis erga se invicem observentur.

Ostenfum supra est, omnes virtutes erga alios in rep. esse perficiendas (§. 160.): quare oppido patet, cum iustitia & æquitas sint virtutes erga alios exercendæ (§. 164. 166.), eas quoque, ut religio & imperium sui, esse in rep. promovendas (§. 165.). Dum probitas publica aliis debita exigit, urget quoque charitatem

tatem aliis debitam, justitiam & æquitatem (§. 163.). Quibus modis hæ virtutes intus in mente & actionibus internis perficiendæ sint, patescit ex §. 168; patescit quoque ex iis, quæ de pietate & imperio sui enucleata sunt (§. 165.). Licet igitur æquitatis officia tam perfectum jus aliorum non contineant, ac officia justitiæ strictius dictæ, quæ perfecta præbet jura (§. 240. *P. I. Phil. pract. univ.*); involvit tamen justitia latius accepta ipsam quoque æquitatem erga alios, tanquam virtus, jus suum cuique tribuens (§. 921-926. *P. I. Jur. nat.*), ideoque constantem & perpetuam voluntatem inferens, jus suum (sive perfectum sit, sive imperfectum) cuique tribuendi (§. 328. *P. I. Phil. pract. univ.*). Videlicet quod ratione aliorum hominum, qui ignorant id in casu singulari, imperfectum vocatur jus; id nec ratione Dei, nec in se, nec ratione ejus, qui alteri obligatur, imperfectum est, sed perfecta nititur obligatione interna conscientie (§. 656. *P. I. Jur. nat.*). Proinde justitiæ universalis est, etiam id, quod æquum est, alteri præstare (§. 934. *P. I. Jur. nat.*), quia & illud convenit legi naturali (§. 240. *P. I. Phil. pract. univ.*), & eadem præceptum est (§. 935. *P. I. Jur. nat.*). Hinc & privatis petere licet, quod æquum est, & postulare, quod fieri debere manifestum est, etsi cogere alterum, ut faciat, non licet (*not. §. 933. P. I. Jur. nat.*).

## §. 235.

Uti justitia & æquitas privata inter cives promovenda *Injustitia* vera est (§. 234): ita *injustitia* & *iniquitas* privata, quantum civilibus in- ro & *iniquitas* coërcenda. *stuturis* sapienter fieri potest, *impedienda* est & *compescenda*.

Impar quidem est civitas omni injustitiæ iniquitæque aver- tendæ, præsertim quatenus utraque animo inhæret. At hic quoque sufficit, si actibus utriusque extrinsecus erumpentibus & erupturis, quantum sapienter fieri potest, occurratur, uti (§. 234.) monetur. Idem quoque valet de decoro, legibus naturæ commendato (§. 192. *seqq. P. I. Phil. pract. univ.*).



## §. 236.

*Num ad æ-  
qua statui  
possit perfe-  
cta obliga-  
tio?*

Quia ex eo, quod imperfecte debetur, fieri potest lege civili perfecte debitum, quando salus civitatis id postulat (§. 977. P. VIII. Jur. nat.); salute publica id flagitante imperari quoque civibus potest, debetque, quod naturalis est æquitatis & humanitatis officium; prohibendum autem in eodem casu, quod iniquum esset, inhumanum & indecorum (§. 235.). Vnde injuncta legibus civitatis æqua, & prohibita iniqua, perfectam inducunt obligationem civilem, illa agendi, hæc fugiendi.

## §. 237.

*Inter paren-  
tes & libe-  
ros.*

Si parentes erga liberos, vel liberi erga parentes se præbeant iniquiores, magistratus injungere ipsis potest æquitatem, & ad eandem invitos adigere, iniquitatem autem admissam punire. Flagitante enim salute publica imperari potest ac debet civibus, quod naturalis æquitatisque humanitatisque officium est, & prohibendum contrarium (§. 234. & 235.). Civium numero vero continentur quoque parentes & liberi, nemine diffidente. Ea propter si vel parentes erga liberos, vel hi erga illos se præbeant iniquiores, implorata magistratus autoritas intercedere potest ac debet, injungendo æquitatem observandam, & injunctam nondum adimplentes adigendo ad illi satisfaciendum, & ad abstinendum ab iniquitate; persistentes vero in iniquitate puniendo (§. 236.).

Aequum est, ut parentes consentiant in honestum vitæ genus, ad quod liberi naturali ingenio & instinctu feruntur, nec invitos prorsus compellant ad aliud, a quo abhorrent. Aequum est, ut iidem consentiant in honestum conjugium liberorum, nec frivole & abusu patriæ potestatis illos ab eodem retrahant, denegata dote & ope parentum. Aequum est, ne eos prohibeant sequi & adipisci honores ac redditus, quos merentur, licet forte parentum majores. Quibus in rebus si morosius repugnant  
offi-

officio, nec precibus ac per amicos ad officium revocari se patiuntur: nil obstat, quo minus adeatur magistratus, & qua par est modestia imploreretur, ad flectendos, uti sapienter fieri potest, parentes, ad locum æquitati erga liberos innocentes relinquendum. Vice versa si liberi parentibus non præstent, quæ possunt & ex grata mente & æquitate debent, imploratus a parentibus magistratus his quoque consulat, imperando liberis, quod æquitas & pietas erga parentes suadet poscitque.

## §. 238.

Quia tutores ac curatores vitrici & novercæ parentum *Inter tutores* vicibus fungi debent, pupilli autem & curandi ac privigni &c. *§ pupillos,* partibus liberorum (§. 439. *§ 575. Oecon.*): quæ de parentibus *§ similesque* liberis ostensa sunt (§. 237.), applicanda quoque sunt ad tutores *§ ceteros.* rutores, vitricos *§c. pupillosque* & curandos, quoties salutis publicæ ratio æquitatis rationem haberi, *§ innocentibus* subvenire jubet. Idem quoque valet de æquitate inter præceptores & discipulos, quocunque nomine compellentur, procuranda.

## §. 239.

Neque minus inter conjuges, consanguineos *§ affines custodia* *Inter conju-* æquitatis procuranda. Arctior enim consuetudo, quæ inter con- *ges, consan-* juges intercedit, & intercedere debet (§. 473. *P. VII. Jur. nat.*), *guineos §* exigit, ut omnia officia, quæ homo homini præstare potest, *affines.* usus rerum omnium, quas habent, ac omnes casus, tam secundos, quam adversos inter se communicent (§. 471. *ibid.*). Hinc mutua charitate se aliis hominibus præferre (§. 83. *Oecon.*), arctissimaque amicitia & æquitate se mutuo prosequi debent (§. 98. *seq. ibid.*). Quod ni faciant, sed conquerendi de se apud magistratum ansam dent, utique magistratus erit, innocenti opitulari, iniquitatem rigoroſe inhibere, & immorigerum pœna coërcere promerita (§. 236.).

Quoniam inter consanguineos & affines itidem frequentius commercium dari solet, quam inter alios homines, idque charitate insigni & æquitate mutua suavius est reddendum (§. 856. *Oecon.*): oppido perspicitur, si quis iniquior sit in cæteros, ubi hi, frustra tentatis minoribus avocamentis, magistratus auxilium implorare coguntur, id ipsis esse impertiendum. Est ergo & inter hos tranquillitatis publicæ causa fovenda & protegenda æquitas naturalis.

Inprimis quando de divisione communis patrimonii, aut de fructuum & usuum illius, quod in communione manet, agitur; aut quando alii in communione manere volunt, alii nolunt: opus est, ut magistratu & legibus iniquitati obviam eatur, & concordia inter dissidentes procuretur & stabiliatur.

§. 240.

*Æquitas* §  
*b. f. inter ci-*  
*ves promo-*  
*venda.*

Certum est, remp. eo esse feliciorē stabilioremque, quo plura in ea se recte habent, & quo rectius se habet unumquodque (§. 246. *P. I. Polit.*), & recte se habere illa, quæ conveniunt cum lege naturali (§. 242. *ibid.*). Quare cum Deus & lex naturæ jubeat præferre meliora, & sectari optima, quæ haberi possunt (§. 241. *ibid.*), cum salus minorum societatum in rep. non tantum salva esse, sed & iis augeri debeat bonis, quæ non nisi conjunctis civitatis viribus haberi possunt (§. 250. *ibid.*): procurandum est, ut quemadmodum inter plures civitates commercantes bona fides & æquitas pretiorum est adhibenda (§. 446. *ibid.*), ita quoque non tantum inter cives sed & inter externos & cives, sive commercia tractantes, sive quævis alia negotia habentes, bona fides & æquitas sancte observentur (§. 455. *ibid.*), mala fides vero & iniquitas pro virili coërceatur & proscribatur (§. 236.).

Studendum nempe est, ut cives sint & cives & viri boni ac probi, h. e. si Festo credimus, prohibi, qui se a delinquendo prohibent, vel si Ciceronem sequi malumus in *Lelio*, qui ita se gerunt,



gerunt, ita vivunt, ut eorum proberur fides, integritas, æquitas, liberalitas; nec sit in eis ulla cupiditas vel libido, vel audacia, sintque magna constantia, hos viros bonos appellandos putamus. Qui ideo ita vivunt, ut probentur ab illis, cum quibus & apud quos vivunt, & *Lib. I. de offic. c. 7.* ex justitia boni viri appellantur, & ex huic conjuncta beneficentia, quam vel benignitatem vel liberalitatem appellare licet. In hoc naturam duces debemus sequi, & communes utilitates in medium afferre, mutatione officiorum, dando, accipiendo, tum artibus, tum opera, tum facultatibus devincire hominum inter se societatem. *Cap. 9.* addit, bene præcipiunt, qui verant quidquam agere, quod dubites æquumne sit, an iniquum. Aequitas enim lucet ipsa per se; dubitatio cogitationem significat injuriæ; & *cap. 13.* totius injustitiæ nulla capitalior est, quam eorum, qui tum maxime, cum fallunt, id agunt; ut viri boni esse videantur. Vbi postea *cap. 14. seq.* cautiones affert beneficentiæ ac liberalitatis, subjicitque: de benevolentia autem, quam quisque habeat erga nos, primum illud est in officio, ut ei plurimum tribuamus, a quo plurimum diligimur . . . si autem merita, ut non ineunda sed referenda sit gratia, major quædam cura adhibenda est. Nullum enim officium referenda gratia magis est necessarium. Quod si ea, quæ utenda acceperis, majore mensura, si modo possis, jubet reddere Hesiodus: quidnam beneficio provocati facere debemus? An imitari agros fertiles, qui multo plus afferunt, quam acceperunt? Etenim si in eos, quos speramus nobis profuturos, non dubitamus officia conferre, quales in eos esse debemus, qui jam profuerunt? Nam cum duo genera liberalitatis sint, unum dandi beneficii, alterum reddendi: demus, nec ne, in nostra potestate est; non reddere viro bono non licet, modo id facere possit sine injuria. Acceptorum autem beneficiorum sunt delectus habendi; nec dubium quin maximo cuique plurimum debeat. In quo tamen inprimis, quo quisque animo studio, benevolentia fecerit, ponderandum est . . . si in collocando beneficio; certe & in referenda gratia, si cætera paria sint, hoc maxime officii est, ut quisquis maxime

opis indigeat, ita ei potissimum opitulari, quod contra sit a plerisque. Hujusmodi boni viri Ciceroni digni esse dicuntur, cum quibus in tenebris mices. *Platoni in Gorgia* nec adversus Deum nec adversus homines iniquum dicentes aut facientes, viri boni sunt. Quoniam ad æquitatem in legibus civitatis respiciendum est, *Cicero in Topic.* jus civile dixit æquitatem constitutam iis, qui sunt ejusdem civitatis.

Perfæ, teste *Xenophonte in Cyropædia L. I.* si quem videbant gratiam non referre cum posset, in eum severe animadvertebant. In Athenarum urbe adversus ingratos actio erat constituta secundum *Valerium Max. L. V. c. 3.* item apud Macedones, teste *Seneca de Benef. L. III. c. 6.* Quia tamen frequentissimum est ingratorum crimen, eique fora omnia vix sufficiant, sæpe manet impune, quia difficilis esset illius æstimatio & probatio: improbatur tamen, nec penitus impunitum est, dum odio damnatur, invisum est cunctis, & inter ea relinquitur, quæ ad Deum vindicem mittuntur. *ibid. §. c. 7. ac 17.* Sic legibus XII. Tabularum & in judiciis requirebatur, ut ex fide bona ageretur, in arbitrio rei uxoriæ hæc verba excellebant: *melius, æquus;* & in fiducia, ut *inter bonos bene agier* oporteat. *Cic. de off. III. 15.* Nec tantum erga bonos, sed & erga pravos (§. 808. *seq. P. I. Jur. nat.*), & in ipsis quoque pœnis, quibus afficiendi sunt, æquitas est observanda (§. 1065. *seq. ibid.*). Idcirco *Seneca de Clem. L. I. c. 18.* In mancipio inquit cogitandum est, non quantum illud impune pati possit, sed quantum tibi permittat æqui bonique natura, quæ parcere etiam captivis & pretio paratis jubet.

## §. 241.

*Aequa litis  
compositio  
uti sit procu-  
randa?*

Dum controversiæ naturaliter sopiri possunt amicabili compositione, vel transactione, vel sorte, vel conciliatione & compromisso in arbitros (§. 869. 878. 885. 923. 945. §. 1099. *P. I. Jur. nat.*); & in statu civili opera danda est, ut ad legem naturalem servandam prout adjuventur, nec ab aliis impediuntur (§. 395. *P. VIII. Jur. nat.*), & ut legum naturalium custodia

ad

ad salutem publicam acquirendam & perpetuandam adhibea tur (§. 41. P. I. Polit.): concedenda est civibus facultas amico modo controversias suas componendi, uti in statu naturali fas est, eaque amica & æqua compositio, vel a magistratu tentanda, suadenda & concilianda est, antequam iudicium subeatur, præsertim in casibus magni momenti, difficilioris discussionis, & ubi leges civitatis quidpiam permittunt, naturali legi non ex assè conveniens aut ab eadem recedens. En rationem publice curandi æquitatem.

Res levioris momenti ordinarie ex æquo & bono amicis modis componi, in omni fere civitate receptum est. Neque minus concedi solet, ut in rebus gravioris momenti, quæ magno sumtu in litis processu sunt staturæ, dissidentes vel inter se amice transigant, vel adhibita arbitrorum aut iudicum autoritate. Sic in Saxoniæ Curiis provincialibus graves nobilium, cæterorumque, qui illis subsunt, controversiæ primum amicis persuasionibus & argumentorum ponderibus conciliantur, si fieri potest, & ostensis remediis conciliatorum, qui simul sunt iudices futuri, relinquitur locus. Tum demum, quando conciliationis spes decollat, res ad iudicalem causarum disquisitionem decisionemque remittuntur. (Sie werden von der Güte zum Recht verwiesen). Ita haud raro evitantur litigiorum & tædia & impendia, quibus alter alterum vexare, exhaustire & eo adigere nititur, ut victoriam locupletiori relinquat. Perinde est, utrum hæc tacita lege sive consuetudine, an disertis legum verbis concedantur. Sufficit illi locum dari, quod legi nat. est consentaneum, & ad cavenda incommoda & nocumenta publica æque ac privata salutare. Id vero, quod leges civiles permittunt, non ideo approbant, sed aliis modis convenientibus arcant, ac conscientiae curæ ac vindictæ relinquunt.

## §. 242.

Si quis rixator alterum, qui se æquum illi præbet, aperte litibus Aut & ex-vexare aut perdere velit, eum magistratus superior adigere potest, ad torquenda æquas conditiones accipiendas. Est enim æqua litis inter cives interdum.

(Wolffii Politicæ P. III. Sect. I. C. IV.)

Mm

obor.



obortæ compositio vel ope magistratus concilianda (§. 241.). Si jam altera pars condiciones æquas offerat alteri, non solum facit, quod sui est officii, sed & magistratus, judicium laturus, idem statueret arbitri ad instar (§. 963. 965. & 973. P. V. Jur. nat.). Quas si altera pars aspernatur, & aperte iniqua postulat; necessum est, ut id ipsi ob oculos ponatur & idoneis argumentis ab iniquitate avocetur. Quibus si se ad æquitatem adduci non patiatur, magistratus est, æquam dissidentium partem juvare & tueri, iniquam autem vi adigere, ut saltem actiones externas ad legem naturæ componat (§. 395. P. VIII. Jur. nat.). Neque enim pervicax adversarius sic tantum iniquus est, sed & litibus alterum vexaturus aut plane perditurus, summe injustus in ipsum fieri conatur. Quod cum ferendum non sit, sed iudex suum cuique jus tribuere debeat, ac unumquemque defendere adversus injurias aliorum (§. 538. *ibid.*): manifestum est, si quis altercator alium æquum civem litibus iudicis vexare & perdere velit, magistratum superiorem illum adigere debere, ad æquas condiciones accipiendas (§. 566. *ibid.*).

Coëunt homines in civitatem, ut felicitate eo ampliori ac tutiori potiantur (§. 39. P. I. Polit.). Quæ cum sine virtutibus & custodia legum naturalium haberi nequeat (§. 40. *seq. ibid.*): conjunctis viribus operanda est in civitate, ut legibus naturalibus satisfiat, atque compescantur, qui illis satisfacere detrectant. Quæ partes cum magistratui sint demandatæ, imprimis superiori, illius est, refractarios adigere ad locum æquati & justitiæ relinquendum.

## §. 243.

Quando concedenda sit appellatio, supplicatio &c?

Quia lege civili statuuntur rationes probari faciles, & valde difficiles naturales non attenduntur (§. 986. P. VIII. Jur. nat.); læsionibus quibusdam auxilium in foro denegatur (§. 988. *ibid.*), & admittuntur nonnulla legi naturæ non ex assente consentanea (§. 989. *seq. ibid.*): libera esse debet civibus appellatio

lario superioris judicis, quando se sententia judicis vel legitima gravatos sentiunt (§ 549. *ibid.*), item querela de judice iniquiore (§. 550. *ibid.*), & supplicatio (§. 551. *ibid.*), ut sententia adversus ipsos lata, ob rationes, quæ non videntur rite expensæ, aut necdum antea expositæ sunt, vel e novis documentis aut testibus demum innouerunt. *Nequitatis causa igitur est, ubi admittenda sunt appellationes, querelæ, explanationes gravaminum (Reuterungen) & supplicationes.*

## §. 244.

*Nequaquam impediendi, sed promovendi potius sunt in reip. salu-* De beneficiis  
*tem contractus actusque benefici idoneis institutis.* Actus enim bene- actibus &  
ficus est actus simplex, ex quo alter tantum percipit utilitatem contractibus  
quandam, alter vero nihil vicissim recipit (§. 3. P. IV. *Jur. nat.*); *promoven-*  
isque vel mere beneficus, qui & intelligitur, quando sine hoc *dis.*  
addito, actus beneficus dicitur, vel obligatorius, cui mutua  
adhæret obligatio perfecta (§. 4. & 5. *ibid.*), quem & contra-  
ctum beneficium nuncupari constat (§. 417. *ibid.*). Quoniam  
naturaliter homines sibi invicem obligantur ad beneficia mutua,  
quantum in potestate est (§. 23. *ibid.*); & in rep. opera danda  
est, ut ad legem naturæ servandam prout juventur, nec ab aliis  
impediantur, cæteri autem vi adigantur, ut minimum actus  
externos ad legem naturæ componant (§. 395. P. VIII. *Jur. nat.*):  
elucescit veritas, actus contractusque beneficos nequaquam im-  
pediendos, sed potius in salutem reip. provehendos esse, ido-  
neis eam in rem institutis.

Non abs re discernuntur actus benefici & contractus benefici, cum hi perfectam utriusque obligationem inducant, illi neutquam obligent ad quidquam, licet mutuo consensu illico peragantur. Si pauperi donatur elemosyna, quam stipem latini vocant, & is eam accipit, nec donans amplius perfecte obligatur, nec donatarius pauper. Si sponte gratias agere, aut gratus

esse nolit, cogi ad id proprie nequit, nec compelli plerumque solet. Inde talis donatio actus quidem est beneficus, & conventio duorum, ob consensum in idem placitum vel præstandum (§. 698. seq. P. III. Jur. nat.). Peracta autem conventionem, qua una idem decrevere, nulla restat externa obligatio, actionem in foro dans (§. 701. *ibid.*), sola restat obligatio interna ad gratum animum erga benefactorem (§. 91. seqq. P. IV. Jur. nat.). Contractus autem benefici non illico in præsens absolvuntur, sed complectuntur ulteriorem promissionem in futurum prominentem (§. 16. *ibid.*), & obligationem perfectam, donec absolvantur. Vti qui rem suam alteri in certum tempus commodat, is obligatur ad usum destinato tempore concedendum: commodatarius vero obligatur ad rem salvam relinquendam & finito usu reddendam commodanti.

## §. 245.

*Libertas li-*

*Libera manere debet cuique donatio vel omnium bonorum suorum, citæ donatio- quando licita est, h. e. illa neminem lædit, sed facit ad officio cuidam nis bonorum erga Deum, nos & alios satisfaciendum. Licitæ enim sunt dona-*

*omnium pro-*  
*vebenda.*

tiones, quæ faciunt ad satisfaciendum officio cuidam erga nos, vel alios, vel erga Deum (§. 124. P. IV. Jur. nat.), ideoque nulli officio repugnant, nec quemquam lædunt (§. 125. *ibid.*) & (§. 669. P. I. Jur. nat.). Donari vero possunt res tam incorporales, quam corporales quæcunque, sive mobiles sint, sive immobiles (§. 49. P. IV. Jur. nat.). Proinde & omnium bonorum donatio fieri poterit, quando illa nemo læditur, sed officium expletur hoc actu benefico seu beneficio (§. 17. *ibid.*). Inter quæ officia non postremum est evitatio abusus & procuratio legitimi usus bonorum alienatorum. Cum actus benefici in civitate non sint impediendi, sed potius in reip. salutem idoneis beneficiis promovendi (§. 244.): patet, liberam cuique relinquendam esse donationem suorum bonorum vel cunctorum, idoneisque institutis adjuvandam, ne a quoquam impe-

diatur,



diatur, neque ab ipso donatore temere & illicite fiat (§. 104 cit. P. IV.).

Quo majoris momenti est donatio omnium bonorum, eo magis illud cimelium civibus salvum esse debet in civitate, eoque diligentius cavendum, ne illicite illa fiat, quocumque seu errore, seu dolo cujusquam. Qui enim mali finis consequendi causa donaret, ejus donatio foret illicita (§. 123. P. IV. *Jur. nat.*), & quidquid vitiat promissionem, id quoque vitiat donationem (§. 80. *ibid.*). Opus ergo est, ut illud civibus notum fiat, quod vitare ejusmodi donationem posset, ut secure suo jure uti possint citra ullius læsionem.

§. 246.

Quia libertas licitæ donationis bonorum vel omnium in *Tum inter* republica provehenda est (§. 245.); donatio vero inter vivos *vivos.* est donatio simpliciter dicta statim valens, eaque irrevocabilis (§. 148. P. IV. *Jur. nat.*): libera quoque civibus esse debet donatio *libera* licita vel omnium bonorum inter vivos, sive statim tradantur, sive usufructu reservato acceptio aut exactio eorum suspendatur a morte donantis (§. 146. *ibid.*). Quia donatio facta inter vivos sub conditione, seu ante seu post mortem donantis eventura aut abfutura, evanescit quatenus illa deficiente non esset facta (§. 156. P. IV. *Jur. nat.*): ipsa quoque omnium bonorum donatio sub conditione facta evanescet, si conditio vel per se manifesta, vel diserte exposita, contrario suo eventu irritam declaret donationem.

Sit donationis exactio dilata in mortem donantis. Moriente donatario ante donantem, irrita fit ipsa donatio, quia sat aperte includit conditionem, si donatarius post mortem donantis superstes fuerit. Sit facta sub conditione, si filius cælebs moriatur, is vero matrimonium init; vel si donatarius donantis neptem sibi matrimonio jungat, ac ut par est, amet; qui eam pessime tractat.

## §. 247.

*Tum mortis  
causa.*

*Mortis causa vel omnia bona licite donantur ea lege, ne donatio fiat irrevocabilis nisi per mortem donantis, quam donationem civitas recte tuetur.* Omnis enim donatio mortis causa vel in statu naturali tacitam continet reservationem juris revocandi donationem, quando officium revocationem flagitabit (§. 140. seqq. P. IV. Jur. nat.). Ideoque res jam traditæ ad convalescentem donatorem revertuntur, nondum vero traditæ demum post fata donatoris donatario sunt tradendæ (§. 144. *ibid.*). Quocirca & in civili statu licita donatio mortis causa ea fiet lege, ne donatio fiat irrevocabilis nisi morte donatoris.

Cum vero donationes in statu naturali licitæ, vel officii causa prorsus necessariæ, in rep. sint conservandæ & provehendæ (§. 244. *seq.*): donationem licitam omnium bonorum civitas quoque recte tuetur, ut firmam & reip. salutare, tum ne cui jus illius præter rem denegetur, neque vi aut dolo extorqueatur, tum ne post mortem donantis ejus donatio recte facta violetur. Illicitam vero rescindet & irritam declarabit (§. 246.).

*L. 13. ff. de donat. mortis causa dicit Julianus: sic quoque potest donari mortis causa, ut nullo casu sit ejus repetitio, ideoque nec si convaluerit quidem donator.* Sed hujusmodi donationem rectius nomen donationis inter vivos sortiri notat Godofredus. Qui enim ita statuebant, mentionem aut suspensionem mortis donatoris aut alterius, in donatione factam, arbitrabantur sufficere ad donationem mortis causa, quod accurate dici nequit, & ad summum romanis raro usitatum dici posset. Respexere, qui cum Juliano faciebant, procul dubio hoc, donationi respondere capionem, ne irrita sit, uti venditioni emptio. Sed includit donatio perfecta donarii consensum in donum accipiendum, ideoque pariter non opus est mortis causa capione; ac inter vivos capio, vel commodati capio &c. per se intelligitur, & sufficit donantem ac dona-

donatarium, commodantem & commodatarium &c. distingui. Si quis tamen cum Vlpiano, Juliano, *cat.* tam lato sensu accipere mortis causa donationem velit, ut sit donatio propter cuiusquam mortem, & ut sit mortis causa capio acceptio ejus, quod propter alicujus mortem obvenit *l. 1. § 9. ff. de mortis causa donation.* eidem statuendum erit cum Juliano *l. 18. cit. Tit.* mortis causa donari & capi non tunc solum, cum quis suæ mortis causa donat, sed & si id faciat propter alterius mortem. Præterea videbit, ne frustra nominet mortis causa capionem, cum *Cicerone* autore *c. 8. Topicor.* nec deditio nec donatio sine acceptione intelligi possit. Non autem frustra nominatur mortis causa capio, si eam notat speciem, quæ fit mortis alterius causa atque sic donationem mortis alterius causa includit, nonnullo verborum compendio. Apud eosdem romanos ita donare poterant, quicunque poterant contrahere, uti filii quoque familias, usurarii &c. Vivus ibi cum vivo agebat, valebatque donatio, etiam si nemo esset hæres, vel indignus, vel incapax; & absens ita donabat per procuratorem vel nuntium, vel literas &c. Præterea romani & modum donandi valide mortis causa præscribebant, v. c. ut 5 testes essent adhibendi, ut substitutio in ea valeret, etiam fid. i. commissaria, & jus accrescendi inter conjunctos, ut contra hæredes ex ea actio detur, ut valeret inter conjuges, ut ob capitales inimicitias revocata censeretur, ut hæ donationes legatorum instar per omnia haberentur. *Instit. de donat. l. 1. & Paulus l. 15. ff. de mort. caus. cap.*

## §. 248.

*Ne quid temere § illicite fiat in donationibus omnium aut quo-* Quid legibus rundam honorum seu inter vivos, seu mortis causa, frequentiores casus cavendum legibus sunt definiendi, ut constare donaturis possit, quinam, cui, quid, circa donantum, cur & quomodo valide donare possint cauteque. Legibus enim rationes? civilibus docendi & obligandi sunt cives ad id sequendum in suis actionibus, quo bonum commune seu salus civitatis obtinetur (§. 969. P. VIII. Jur. nat.), & quod officiis naturalibus responder (§. 973. *ibid.*). In iis vero, quæ pluribus modis fieri possunt,



sunt, præcipere potest superior eum, qui cæteris præstantior occurrit (§. 978. *ibid.*) & (§. 192. *P. I. Phil. præct. univ.*) item præmiis pœnisve humanis cives obligare, ad eum observandum (§. 979. *ibid.*). Quam ob rem & in donationibus quibuscunque vel omnium vel quorundam bonorum consulendum est publicæ saluti ope legum civilium, quibus frequentiores casus dilucide definiantur secundum justitiæ naturalis normam, ut constare donaturis possit, quinam, cui, quid & quantum ac quomodo valide cauteque donare secundum licitum scopum possint aut debeant. Ne vero negligentur leges, obligandi quoque sunt cives ad earum observantiam additis præmiis pœnisque civilibus, saltem his generalibus, ut legitima donatio habeatur rata & executioni detur, quando ea est opus; illegitima autem irrita declaretur. In cæteris, quæ lege comprehendendi non potuerunt, superiores, ad quos ea discussio pertinet, legi & æquitati naturali locum dabunt, ne quid temere & illucite fiat.

E diversitate casuum, in quibus hæ donationes fieri solent, præcipuam attentionem & legum subsidium efflagitarunt donationes pupillorum, minorum, feminarum, nuptiarum causa, (sive dotis loco, sive donationis propter nuptias,) ægrotorum, luctus causa, &c. item revocationes & rescissiones donationum, quatenus licent. Huc pertinent quoque donationes suæ prosperitatis causa factæ, ut si quis felicitis matrimonii, magni lucri, amplæ spartæ, victoriæ causa donaria det militibus, amicis, domesticis, v. c. vestitum & mundum propter nuptias, donum læo nuntio &c. Pariter legibus statuendum, quæ donationes esse debeant judiciales, & quid circa illas in casu necessitatis, aut ope privilegii concessum esse debeat; quæ vero, quousque & quomodo privatim fieri possint, ut in foro approbentur? Quæ cum variare multis modis possint, & soleant; nimis prolixum foret, omnia per censere. Fundamenta patent ex *juris nature*  
*P. IV.* Cætera ex natura civitatis, legibusque & consuetudinibus,

bus, in similibus aliis civitatibus majori cum fructu receptis, quam quæ alibi vigent, peti, & ope prudentiæ ad præsentem rerum faciem applicari debent. Reliquæ donationes erga egenos, colligendæque stipes a magistratu pro re nata civibus indefinire sunt imperandæ, & a concionatoribus ulterius commendandæ argumentis idoneis, ut scopo satisfiat. Idem quoque tenendum est de donis ad pias causas aliaque publica emolumenta, ædificia publica, vel sacra vel profana, in quibus liberalitas publici boni causa est exercenda. Interdum & ipsis regibus dona communia debentur.

## §. 249.

*Mortis causa capio strictius dicta, requirit donationem inter vi-* De mortis  
*vos mortis alienæ causa factam, ac fieri potest sub conditione, ut restituatur, si alter convaluerit; uti generatim fortunæ causa capio infert dona-* aut fortunæ  
*tionem intuitu fortunæ alienæ factam. Est enim hæc mortis cau-* causa ca-  
*sa capio adquisitio rei donatæ intuitu mortis alienæ, sed non ex* pione.  
*bonis defuncti (§. 203. P. IV. Jur. nat.). Quare cum capere*  
*rem donatam nemo possit, nisi donetur, manifestum est, mor-*  
*tis causa capionem strictè dictam (§. 247. in not.) requirere &*  
*includere donationem.*

Quæ cum non fiat propter mortem donatoris, nec ex defuncti bonis, sed ab alio ex ipsius bonis; revera est donatio inter vivos. Includit ergo mortis causa capio donationem inter vivos.

Quia dominium transferri potest quacunque licita conditione (§. 11. 14. P. III. Jur. nat.); & donatio transfert dominium rei donatæ in donatarium (§. 675. P. II. Jur. nat.): hinc apparet, donationem quoque fieri posse, sub quacunque luber licita conditione, ideoque & mortis causa capionem, ex donatione propter mortem alicujus, qui non est donator. oriundam.

Vti mortis, sic & fortunæ alienæ causa donatio fieri potest ac solet. Cum fortuna vel sit prospera vel adversa (§. 540.

(Wolffii Politica P. III. S. I. C. IV.) Nn P. I.

*P. I. Theol. nat.*): quæ donationes tum in fortuna secunda, tum in adversa, seu ferendæ sint in civitate seu faciendæ, civibus non est dissimulandum, ne luxui & vitiis aliis locus detur, quæ facile irrepunt, ni leges obstant. Inde & fortunæ causâ capiones indigent legum civilium norma, quæ convenientiam cum naturalibus involvant.

Hujus generis sunt dona, quæ dantur ab hærede aut legatario illi, qui ipsi mortem testatoris aut legantis annuntiat. Satis antiqua esse hujusmodi dona, patet ex *L. II. Samuel. IV, v. 10.* ubi mors Saulis annuntiata fertur Davidi spe præmii insignis reportandi. Ita hodieque propter res secundas Regum ipsorum ministri inter externos, & cives domi gaudii testandi causâ varios sumtus impendere solent, in convivia, spectacula, ludicros ignes, illuminationes &c. Neque defunt inter eos, qui aliorum subfunt imperio, qui ob res secundas conjugum, liberorum, aliorumque consanguineorum, affinium & amicorum liberales sunt erga alios sive amicos, sive domesticos, sive egenos. Et quis nescit, vel ob fata conjugum, liberorum, cognatorumque lugubria his donari vestimenta, &c. qui in partem luctus vocandi videntur. Vbi iterum legibus ordo & modus est præscribendus, ad vitandos excessus.

§. 250.

*De hæreditatibus & legatis.*

*Ad actus beneficos referuntur quoque testamenta, successio ab intestato, & legata, quorum illis bonorum universitas, his quædam bona defuncti, in alios transferuntur aut absolute aut sub æquis conditionibus.* Est enim testamentum ultima hominis res suas alienantis voluntas, seu declaratio expressa voluntatis de translatione vel donatione universitatis rerum post mortem suam relictarum, non nisi post mortem suam accipienda (§. 994. *P. VII. Jur. nat.*): uti legatum similiter fit de parte rerum suarum, vel est donatio rei cujusdam ultima voluntate facta (§. 1003. *ibid.*); & successio ab intestato fit ex præsumpta voluntate defuncti, vel ex tacito ve-

luti



luti testamento (§. 1032 *ibid.*). Jam quia nec hæres, nec legatarius quidquam dat defuncto pro iis, quæ accipit, nec defuncto proprie quidquam reddere potest, tanquam nullius rei terrestres indigenti: is actus, quo moriturus sua bona, seu omnia, seu quædam, cuiquam donat, ut ea post mortem accipere possit, est actus mere beneficus, & verum donum, sive expressa sive tacita voluntate defuncti nitens.

Quoniam dominium rei transferri potest, quomodo donanti lubet, vel simpliciter, vel sub quacunque licita conditione (§. 11. § 14. P. III. *Jur. nat.*): testamenta quoque, tanquam donationes bonorum universitatis, & legata tanquam donationes nonnullius rei, fieri possunt uti absolute, sic & restrictæ sub licita conditione & lege adjecta.

Tacita defuncti ultima voluntate nititur successio ab intestato, in qua ex æquitate moriturus judicatur voluisse id, quod vel lex naturæ, vel illam explicans & applicans civilis injungit. Tacita quoque dantur legata, v. c. si quis moriturus debitori chirographum, quo redditionem pollicetur, remittat, vel comburat, vel dilaceret, aut debita ejus ex debitorum catalogo ita expurgat, uti reddita expurgere consuevit. Sufficit vero si unum eorum fecerit, ex quo voluntas ejus indubie apparet, licet alterum neglexisset. v. g. scit debitor ex narratione amici, creditorem suum ipso præsentem debitoris chirographum scientem volentemque destruxisse, licet nomen ejus oblitus sit extinguere aut cancellare inter debitores.

#### §. 251.

Quia naturaliter testamentum facere licet (§. 999. P. VII. *Quousque Jur. nat.*), quo quis ea vult, quæ post mortem suam fieri debent, & dominium rerum suarum in alium transfert ea lege, ut non nisi post mortem suam acceptetur (§. 992. 996. *ibid.*); civibus per- & imperium civile non includit dominium rerum, quæ sunt ci-  
vibus (§. 103. P. VIII. *Jur. nat.*); nisi quando salus publica im-  
pedi- da?

pedimentum ejus abusus, vel usum eminentis dominii licitum requirit (§. 110. *seqq. ibid.*): *libertas testamentorum faciendorum & mutandorum in civitate salva manere civilis debet* (§. 717. & 722.), *quoties salus publica aliud non flagitat*. Id quod raro contingit, scilicet quando deficit usus rationis & libertatis, aut quando in pœnam criminum bona fisco recte addicuntur &c.

Idem quoque inde pater, quia finis civitatis quoque est tranquillitas & securitas (§. 11-13. *P. VIII. Jur. nat.*), involvens vacuitatem a metu injuriarum & vis externæ; & quoniam domino jus est de alienatione rerum suarum statuendi pro arbitrio suo (§. 118. *P. II. Jur. nat.*), ita ut permittendus eidem sit rerum suarum abusus, quam diu nil facit contra jus (perfectum) alterius (§. 169. *ibid.*). Quid? quod non obstante jure perfecto liberorum & parentum, utrinque recte se gerentium, tamen ob merita testandi & prælegandi quoddam jus domino superest, tam ratione consanguineorum, quam extraneorum (§. 975 982. 1002. 1005. & 1007. *seq. P. VII. Jur. nat.*); immo jus exhæredandi eos male se gerentes, qui a vita scelestâ sese revocari minime patiuntur (§. 988. 1000. & 1014. *ibid.*).

Nec tantum concedendum est civibus jus naturale testamenti faciendi ac mutandi, sed & *illius usus genuinus salutis publicæ causa in civitate reddendus est facilior, melior, certior & tutior, ac futurus esset, in statu naturali* (§. 41. 192. 270. *P. I. Polit.*) & (§. 395. *seqq. P. VIII. Jur. nat.*). Neque enim alium in finem civitates ineuntur, quam ut unusquisque jure suo quiete fruatur, quod ipsi ab aliis deberur, tuto consequatur, nec a quoquam impune lædatur, & ut omnes ac singuli conjunctis viribus se suæque adversus vim aliorum defendant (§. 2. *ibid.*), & quia actus benefici sunt promovendi (§. 244.), modis optimis (§. 243. & 250.).

## §. 252.

Quia dominus non aliter re sua uti debet, quam ut satisfaciat obligationi naturali (§. 167. P. II. Jur. nat.), & eadem abutitur, *Cavendus* quoties contra obligationem suam quidquam facit (§. 168. *ibid.*); *rum legatō-* abusus vero rerum suarum lege naturali est prohibitus (§. 170. *rumque ab-* *ibid.*): ne peccet dominus, donaturus, testamentum facturur, vel legatu- *usus.* rus res suas, abusu alienationis, & ipse cavere, & civitas eum juvare debet idoneis legibus institutisque (§. 243. seq. 248. & 251.).

## §. 253.

Sicut donatio non valet, nisi sit licita (§. 241.): ita nec *Testamenta* testamentum & legatum, semper continens donationem (§. 250.), & legata *valere debet, nisi sit licitum in se, & licite fiat.* Idcirco ob turpem *sint licita.* causam aut finem factum, erit illicitum (§. 123. P. IV. Jur. nat.), & rescindendum. Neque valere poterit, si sit inofficiosum & injustum, ut si hæredes naturales in eo prætereantur, nec justa de causa exhæredentur (§. 1015. P. II. Jur. nat.); si posthumus nascatur (§. 1022. *ibid.*); si legitima sit læsa, quæ hæredibus debebatur, aut si in fraudem creditorum aliorum *vedo-* natio facta

Quia licite quoque fieri debent, hoc est licito modo; fieri non debent a destitutis usu rationis & libertatis, ab ebriis, a delirantibus morbi causa, nec vi, metu, dolo, extorqueri, nec modo in civitate repudiato & pro invalido declarato. Hinc & irrita erunt, si inani & fraudulenta persuasione, promissis dolosis elicitæ, aut metu incusso & vi extorta, aut corrupta vel subditicia sint.

Turpes hæredipetas seu captatores testamentorum legatorumque passim offert ætas antiquior recentiorque, sæpe sub amicitie & pietatis specie fallentes. Vnum commemorabo Regulum; de quo hæc narrat *Plinius L. II. Ep. 20.* Verania Pisonis graviter jacebat. Ad hanc Regulus venit. Primum impuden-



tiam hominis, qui venerit ad agram, cujus marito inimicissimus, ipsi invisissimus fuerat. Proximus thoro sedit, quo die, qua hora nata esset interrogans. Vbi audivit, componit vultum, intendit oculos, movet labra, agitat digitos, computat nihil, nisi ut diu miseram expectatione suspendat. Habes, inquit, climactericum tempus, sed evades. Quod ut tibi magis liqueat, auspicem consulam, quem sum frequenter expertus. Nec mora, sacrificium facit, affirmat exta cum siderum significatione congruere. Illa ut in periculo credula, poscit codicillos, legatum Regulo scribit. Mox ingravescit (morbus), clamat moriens, hominem nequam, perfidum, ac plus etiam quam perjurum, qui sibi per salutem filii pejerasset! Facit hoc Regulus non minus scelerate, quam frequenter, quod iram deorum, quos ipse quotidie fallit, in caput infelicis pueri detestatur . . . Hæc in ea civitate, in qua jam pridem non minora præmia, immo majora nequitia & improbitas, quam pudor & virtus habent. Aspice Regulum, qui ex paupere & tenui ad tantas opes per flagitia processit; ut ipse mihi dixerit, quum consuleret, quam cito sextertium sexcenties impleturus esset, invenisse se exta duplicata, quibus portendi, millies & ducenties habiturum. Et habebit, si modo ut cæpit, aliena testamenta ipsis, quorum sunt, illa, distaverit. Addi possunt plura, quæ ibidem addit, ejus nequitie documenta.

## §. 254.

Quomodo futurus bonorum donandorum abusus sit præcavendus?

*Præcavendus quoque est, quantum datur, futurorum abusus donorum, in quos bona relicta transferuntur, præsertim si proprio Marte virtutis studio sunt quesita.* Ipsum hominis dominium non infert alium usum, quam quo obligationi naturali satisficit (§. 167. P. II. Jur. nat.). Vnde nec ipse iis abuti debet, nec aliis permittere, ut eis abutantur (§. 170. *ibid.*) vel eis ansam dare illis abutendi, quia eo ipso peccaret. Quisquis non impedit factum alterius, quod impedire poterat, ei illud imputatur (§. 678. P. I. Phil. pract. univ.), & quo magis factum alienum a nostra

nostra voluntate dependet, eo magis imputatur (§. 651. *ibid.*) quoque majora sunt bona vel mala, quæ ex facto tali emergunt, eo magis imputatur (§. 652. *ibid.*). Cum omnis culpa agenti imputeretur (§. 722. *ibid.*) & improvidentia sit culpa, qua animus non attendit ad malum eventurum, quod prævidere poterat (§. 764. & 768. *ibid.*), & omittuntur ea, quæ ad malum declinandum fieri poterant ac debebant (§. 765. *ibid.*), æque ac imprudentia, qua non fit, quod in præsentis rerum facie consultius erat (§. 777. *ibid.*): qui conscientiam suam custodire non nisi recte agendo cupit, ei omnis culpa, etiam improvida & imprudens quæque actio est evitanda (§. 637. *P. II. Phil. præf. univ.*), omnisque danda opera, ut quemcunque facultatum suarum usum, quem habere possunt, quam optime præstet (§. 642. *ibid.*). Quare dominus & testaturus & donaturus in genere, seu inter vivos, seu mortis causa, seu legata, mores eorum diligenter scrutari ac intueri debet, quibus bona sua vel omnia, vel nonnulla est relicturus, ne illa relinquat immeritis ac iis, quos prævidere sat probabiliter potest, iisdem esse abusuros. Ideoque talibus vel nihil relinquere seu donare debet, ne se reddat illorum abusus participem & correum, vel si quid officium ipsis tribuere jubet, id iis circumscribendum est conditionibus, substitutionibus, fideicommissis, pœnis, quibus abusus quam optime caveatur (§. 350. *seq. Ethic.* & (§. 1058-1064. *P. VII. Jur. nat.*).

Inde denuo liquet, testamenta, legata &c. libera esse civibus debere, ut secundum conscientiam rerum suarum usum futurum genuinum procurent, ne magistratus nimis curis distrahantur, & tamen vix pares sint istis disquisitionibus debite peragendis. Bene meritis igitur tantum & bonæ spei dominis bona sunt relinquenda vel donativa (§. 1005. *P. VIII. Jur. nat.*).

Id

Id quod eo magis erit observandum, si bona relinquentia non sint avita, quæ quodammodo familiæ progenitorum deberi dicantur ex ipsorum voluntate & legibus, familiæ consulentibus saluti; sed proprio virtutis studio quæsitæ, & a Deo in usus optimos non præsentibus tantum, sed & futuros concessa. Cui obligationi ut satisfiat, uti omni, ita & ultima voluntate est prospiciendum (§. 412. *Oecon.*). Quamquam & ea pars bonorum avitorum, quæ cuiquam obtigit, ex eodem majorum officio haud secus donata est & donanda, alii cuicunque, vel propterea quia eorum dominium rite in nos est devolutum; itaque itidem ac a nobismet parta, bene administranda sunt, & futuræ quoque bonæ non malæ & turpi administrationi credenda (§. 1014. *not. P. VII. Jur. nat.*), & (§. 454. *Oecon.*).

Notum est imputationem actionum nostrarum etiam ibi valere, ubi vel casualem eventum evitare nostræ est opis (§. 639. *P. I. Phil. præct. univ.*), ita ut obligemur ad omittendam actionem, e qua vel casu prævidendo oriri potest eventus malus (§. 640. *ibid.*). Hujusmodi casui æquiparari potest prævidendus abusus bonorum per illos, quibus ea sumus donaturi. Præcaveatur autem abusus, si eis, qui abufuri non vane prævidentur, aut parum vel nihil donatur, aut quod donatur ipsorum potestati non permittitur, sed aliis administrandum datur, qui ipsis tantum dent, quæ ad officia explenda sunt necessaria, simili fere modo, ac prodigorum bona curatoribus administranda dari solent, ut ex usufructu pro ipsis ea solvant, quæ honesta alimenta, vestimenta & his similia viræ præsidia requirunt.

## §. 255.

Quid in civi-

*Ne ipsa exhæredatione cuiquam injuria fiat, justæ exhæredandi causæ civibus sunt propalanda, iisdemque injungendæ, ut diserte eas dum sit circa adducant, quibus sunt induciti ad hoc officium, nisi sint notoriæ, ne irrita exhæredatio fiat exhæredatio. Maxima enim civium pars solet esse rudis, & con-*



confusa cognitione facile aberrare ab officio, nisi experientiæ fidem derogamus. Quare non docendi tantum sunt cives, ut, qui velint, officia sua discere possint, sed & legibus obligandi ad ea, quando naturalis obligatio negligitur seu ab ignaris, seu ab indulgentibus temere affectibus suis (§. 395. P. VIII. *Jur. nat.*). Quare ne nesciant justas exhæredandi causas, valide exhæredaturi, docendi eas sunt, & ut de veritate illarum judicari possit, obligandi, ut eas commemorent breviter (§. 1018. P. VII. *Jur. nat.*), nisi per se sint notoriæ, seu antea in forum deductæ. Obligantur vero hoc ipso, si exhæredatio illorum nulla aut irrita declaretur, quando vel nullas causas adduxere exhæredationis, vel causæ allatæ falsæ esse aut non sufficere deprehenduntur (§. 1019. *ibid.*), vel tacite tantum liberi parentesve prætereuntur (§. 1015. *ibid.*)

Generalis quidem ratio exhæredationis patet e Jure naturæ, scilicet si quis sciens volensque e diametro contraria agat officio proximorum consanguineorum in linea præsertim recta, nec a vita turpi & scelestâ se avocari patiuntur (§. 1000. & 1014. P. VII. *Jur. nat.*). Talis quoque casus est, si quis turpi vita opes suas profundat, vel jam obæratum sit, in antecessum abliguriens futuram, quam sperat, hæreditatem. Præstat tamen graviores violati officii casus diserte commemorare, cujusmodi sunt, insidiarum vitæ præparatio, ipsumque parricidium saltem tentatum, violentæ manus injuste & crudeliter illatæ, atrox injuria, calumnia & contumelia, accusatio & delatio criminis nefaria, violenta prohibitio testamentum condendi, aut debite insinuandi, violatio thori testatoris malitiosa, denegatio auxilii in periculo vitæ, v. c. furiosi, submersi in aqua, inter hostes cæt. denegata redemptio e captivitate hostium, atheismus & hæresis, aliaque vita flagitiosa, luxuriosa, prodiga, corrigi nescia, & consortium cum pessimis maleficis &c. *conf. Novella 115. c. 3.* Immo vocat Justinianus extraneum ad ejus hæreditatem, qui furiosum, a suis imploratis neglectum suscepit suisque sum-

ribus usque ad finem vitæ fovit diligenterque adjuvit. *ibid.* n. 12. Sic & negligentes e captivitate redimere parentem ante quam in ea decedat, n. 13. excluduntur ab illius hæreditate, quæ ecclesiæ patriæ adjudicatur pro redimendis captivis aliis. Neque mirum foret, si civitas loco indignorum hæredum pro dictis officiis defuncto præstitis, aut ad aliorum redemptionem præstandis, aliasque similes pias causas, ingratos hæredes excluderet, sibi que hæreditatem vindicaret: uti pro prodigo declarare eum potest patrio velut officio, qui post parentum fata ita degenerat, ut patri idem fuisset faciendum. Nec iniquum foret, magistratum in aliis exhæredationis causis occupare parentum defunctorum officia, quæ morte præventi explere non potuerunt, citra ullius injuriam, in pœnam vitiorum, virtutumque emolumentum.

## §. 256.

*Quid circa  
modum te-  
stamenta &  
legata con-  
dendi?*

*Quo testamenta similesque donationes quam validissime fiant, cives legibus docendi obligandique sunt ad tutiorem observandum testandi donandique modum, qui civitati præ cæteris arrisit. Si quid enim pluribus modis fieri potest, civitas illum eligere & civibus præscribere potest, quem judicat esse meliorem (§. 978. P. VIII. Jur. nat.), ac debet (§. 192. P. I. Phil. præct. univ.). Quare cum testamenta quoque & similes donationes variis modis fieri soleant: consultum est, ut civitas eum civibus suis rudioribus præscribat modum, quem judicat legi naturæ & saluti publicæ præ cæteris consentire. Ne vero frustra leges ferantur, obligandi quoque sunt cives ad eum, quem leges præscribunt, modum servandum, irrita alioqui acturi, nisi peculiare rationes alia mitiora in quibusdam casibus seu statuere seu permittere suadeant, v. c. ut tantum eatenus non valeant, quatenus legibus adversantur.*

*Ad modum rite faciendi testamentum, legatumve, requiritur, ut autor sit usu rationis præditus, liber, nec jure testandi per pœnam privatus. Unde testari nequeunt furiosi, mente capti,*

agonizantes, impuberes, prodigi, banniti, &c. Athenis testamenta fiebant coram Astynomo & Archontibus, & vel consignatæ tabulæ tradebantur, vel nuncupabatur hæres. Apud Romanos testamenta olim fiebant in comitiis calatis, aut per æs & libram, adhibito libripende & familiæ emtore cum 5 testibus, aut in procinctu a militibus ante prælium coram duobus vel tribus testibus; aut simpliciter scripto indubitato. Postea in locum testamenti in comitiis, quo testator coram populo hæredem suum declarabat, successit testamentum principi ab ipsomet testatore oblatum, ut scriniis inferatur, ejusque autoritate sustineatur; & actis insinuatum seu judiciale, ubi nullæ requirebantur solennitates, nulli testes, publica autoritate privatam supplente, & æque omnem fraudem excludente. Quod per æs & libram fiebat: imaginariam continebat venditionem & velut mancipationem. Dein ex edicto prætoris nulla mancipatio requirebatur, sed sufficebant 7 testium idoneorum signa. In testamento cæci requirebantur 8 testes, in rustici saltem 5; sine testibus valebat etiam militare seu procinctum & parentale. In Prussia & passim alibi judicialia requiruntur testamenta, aut si testator in confesso judicum comparere nequeat vel nolit, actuarium cum duobus testibus, saltem duo testes sufficiunt, ad illud jurato quam primum ad iudices perferendum. Codicillorum, quibus legata, in primis ad pias causas, relinqui solent, similibus fere securitatis ratio haberi & statui solet. Caveri simul solet, ut par est, ne quid errore aut affectu præjudicii inferatur hæredibus suis, aut scriptis, aut postumis &c. Si enim de voluntate testatoris liquido constet, nec ea injuriam continet irreparabilem, tuenda illa est & curandum, ut reparetur officio adversum. Est utique æquitatis naturalis, ut suum cuique dominium relinquatur ejusque usus, modo is tollatur abusus, qui fieret in fraudem tertii aut civitatis.

## §. 257.

*Testamenta reciproca* vocantur, quibus is, qui ab altero *Quid sint testamenta* hæres instituitur, eundem vicissim suum facit hæredem, sic *testamenta reciprocæ*



nempe hæres fit is, qui altero moriente & mortuo superstes manet; antequam id fiat, uterque alterius hæres futurus jure appellari potest. Ita amici familiares, cognati, conjuges, affines &c. reciproca condere possunt testamenta, sive quis ita testetur conscio altero & jamjam consentiente in acceptionem, sive inscio ipso, ac ut fieri solet, demum post mortem alterius id comperiente.

## §. 258.

*Curanda  
circa testa-  
menta reci-  
proca.*

*Admittenda quoque sunt testamenta reciproca, quatenus nihil continent illiciti.* Appellantur enim testamenta reciproca, quibus is, qui ab altero hæres instituitur, eundem quoque sibi vult esse hæredem, si ipse præmoriatur. Hinc uterque potest & hæres esse, & testator, at exitus docet, uter sit revera superstes, ideoque hæres; nisi ambo simul moriantur, eoque casu neuter debeat esse hæres, sed testamentum irritum in hoc casu statuatur (§. 257.). Quia libertas testandi naturalis in civitate salva manere debet, quatenus salutis publicæ non obvertitur (§. 251.), ideoque quatenus nil continent illiciti: manifestum est, admittenda quoque esse in civitate testamenta reciproca, nil illiciti complexura, immo & eorum usum genuinum in civitate reddendum esse faciliorem, tutiorem ac certiores, quam foret in statu naturali, aut barbara civitate (§. 251.).

Cum frequentiora esse soleant testamenta & legata conjugum reciproca, præsertim hæc quoque promovenda sunt in rep. & legibus circumscribenda, ne facile ab officio erga alios remque publicam aberrare possint. Recte enim consultitur civibus, quando legibus docentur, & obligantur ad ea, quæ propria felicitas & aliorum salus communis in ipsorum officiis ponit.

## §. 259.

*Testamenta reciproca, mutuo consensu expresso condita, continent pactum, cujus exsecutio suspenditur a morte ejus, qui prior est mortiturus. Si enim testamenta reciproca inita sunt mutuo consensu, uterque scivit se ab altero electum & institutum esse hæredem ea lege, si ipsi sit præmorigiturus, uterque sub ea conditione voluit esse alterius hæres. (§. 257.) Sed mutuus ille consensus in idem præstandum est pactum (§. 788. P. III. Jur. nat.), & continet hoc casu promissionem mutuam & acceptationem (ibi.), sed cujus perfecta obligatio differtur, in diem mortis ejus, qui alterum superstitem est relicturus, ideoque & conditionem includit, & in diem fit certum, ante quem non est adimplendum (§. 792. ibid.). Liquet inde, testamenta reciproca, mutuo consensu expresso condita, complecti pactum, cujus adimpletio suspenditur a morte ejus, qui prior est mortiturus (§. 565. P. III. Jur. nat.).*

Summa scilicet promissi pro lubitu paciscentium & officio remitti potest in diem, quando id compleri per alia officia rectius potest. Unde & alienatio universitatis bonorum seu patrimonii recte differtur in diem, quo ea per cætera officia domini rectissime fieri potest. Is tunc adest, quando illis non amplius indiget, hoc est quando mortem oppetiit. Planum autem per se est, si testamenta reciproca expresso mutuo consensu condantur, ea differre ab his, quorum alia est ratio, ut si absens absentem, cui nil tale antea significavit, hæredem scribat; ideoque idem omnino de utroque statui non posse. Erunt ergo hujusmodi testamenta reciproca nuda testamenta, & actus benefici, mutabilesque dum spirat testator, quoniam nec scit hæres, se fore hæredem, nec accipere potuit ignota.

## §. 260.

*Testamenta reciproca mutari possunt, tum dissensu mutuo, tum De mutatione officii causa reservato, si vel mutuo consensu in præsens declarato ne testamen-*

*torum reci-* nitantur; tum multo magis, si consensus demum post mortem accedere  
*procorum.* possit. Etenim si testamenta mutuo consensu, invicem jam declarato, nitantur, complectuntur pactum & promissum, quod exigi nequit, nisi testatore mortuo (§. 259). Ideoque ut promissio in diem facta & accepta statim debetur, sed exigi nequit, nisi postquam dies venit præteritque (§. 501. P. III. *Jur. nat.*). Mors testatoris est conditio, certo extitura, ideoque tempus designat adeundæ hæreditatis (§. 502. *ibid.*). Uti mutuo consensu initum est hoc pactum, æque ac aliud quodvis (§. 819. *ibid.*): ita quoque mutuo dissensu rursus dissolvitur (§. 840. *ibid.*).

Quoniam promissarius plus juris habere in re nequit, quam ipsi est promissum (§. 362. *seqq. ibid.*), & in promissoris voluntate est, quid, quantum & qua lege alteri promittat, salvis officiis erga se & alios (§. 394. *ibid.*); si quid juris promissor sibi reservavit officii sui causa, id promissario non debetur, sed promissori integrum manet. Uti non debentur promissa sub conditione non eventura (§. 465. *seq. ibid.*). Proinde & reciprocum testamentum ex jure officii causa reservato mutari potest (§. 259).

Si nullum jus mutandi testamentum reservatum est, sed potius id ademtum est diserte, unius voluntate tolli testamentum reciprocum nequit, nisi causa legitima emergat & prorsus manifesta, quæ tacitam parit reservationem.

Quando quidem obligatio promissionis vel puræ valida non est, nisi postquam a promissario est accepta (§. 365. P. III. *Jur. nat.*); & in testamento reciproco, ignoto hæredibus ante mortem testatoris, promissio testatoris, seu hæreditas accipi nec potest nec debet nisi post testatoris mortem (§. 257): oppido patet, hujusmodi testamenta reciproca mutari semper posse, quamdiu testator est vivus.



Jure Culmensi reciproca donatio mariti & uxoris nequit excedere  $\frac{3}{4}$  sui patrimonii; attamen ususfructus totius patrimonii relinqui potest superstiti, donec vivit, vel non transit ad aliud matrimonium; vid. *Jur. Culm. L. III. Tit. 3. c. 22.* modo hæredibus futuris cautio præstetur idonea, ne quid detrimenti capiat patrimonium. Causæ, ob quas testamentum reciprocum mutare liceat, non aliæ erunt, quam ob quas hæredes suos exhæredare fas est, licet clausula adjecta sit de testamento sine alterius voluntate non mutando. Utrobique enim jus est perfectum quidem, sed in diem mortis demum validum, nec sine gravi causa adimendum. Consideranda tamen est voluntas v. c. conjugum, an potius testari, an pacisci de hæreditate inter se voluerint. Si testandi voluntas sit manifesta, alter conjux invito altero, seu vivo seu mortuo, suum testamentum mutare potest; quod non æque procedet, si instar pacti vel contractus sit declarata, ubi altero invito mutari conventa nequeunt, nisi causa justa & aperta postea accesserit, quæ tum non est prævisa nec opinata, & nisi reservatum sit jus officii causa mutandi destinata, aut fideicommissum adjectum &c. Quod imprimis contemplandum est, quando conjuges jam anticiparunt destinationem non sui tantum patrimonii sed & illius, quod ex hæreditate mutua ipsis est obventurum, ut dicatum manere debeat iis usibus, quibus mutuo consensu ab ipsis est consecratum.

## §. 261.

Quæ de testamentis ostendimus, valent quoque de fideicommissis. Quid circa  
 fir, quæ tolli possunt consensu eorum, quorum interest, ne tollantur. fideicommissis  
 Potest enim naturali jure hæres institui ea lege, ut hæredita-  
 tem vel integram vel ejus partem alteri jussu testatoris resti-  
 tuat; idemque valet de legatis (§. 1069. P. VII. *Jur. nat.*). Qua-  
 re cum licita sint fideicommissa cum universorum tum quo-  
 rundam bonorum (§. 1070. *ibid.*), & fideicommissa familiæ ipsius  
 salutis & splendoris causa (§. 1071. *ibid.*): illa æque confide-  
 randa, libera relinquenda, & promovenda ac tuenda erunt in  
 civi-

civitate ac testamenta & legata; æque etiam cavendum erit, ne vel contra salutem publicam, vel jus perfectum tertii, & leges naturales in iis peccetur (§. 251. *seqq.*).

Quoniam fideicommissa non tantum licita esse & licite fieri debent (§. 253.), sed & ad commune civitatis & familiæ bonum comparari debent; posteris liberum est relinquendum, ut mutata rerum a testatore spectatarum facie, unanimi eorum consensu, quorum intererat, ne tollantur, tolli possint (§. 798. *P. VIII. Jur. nat.*); idque etiam civili lege ratum habeatur & promoveatur.

Fideicommissa Romanis vel erant de universa hæreditate, vel de parte ejus alii restituenda. Priora dicebantur hæreditas fideicommissaria, & hæres dicebatur fiduciarius; is vero, cui fieri debet restitutio, fideicommissarius & substitutus, poterantque & substitutis alii ulterius substitui. Posteriora non tantum de parte hæreditatis quocunque, verum & de legatis, rebusque singulis valebant, ideoque & hæredi & legatario injungi. Liberum quoque est, vel pure, vel sub conditione, aut ex certo die relinquere fideicommissum, neque minus obligat fideicommissum, si quis rogetur, ut hoc vel illud det, quam si id ipsi imperetur. Si hæres rogatus erat, ut cum primum possit, hæreditatem adeat, eamque sejo reddat, concedebatur hæredi fiduciario, ne eam adire negligeret, quarta ejus pars ipsi ex lege falcidia tribuenda, ut onera hæreditaria sustinere posset. Si & sic ut damnosam repudiabat hæreditatem, fideicommissarius jussu prætoris eam adire ut hæres valebat, juribus & actionibus fiduciarii in ipsum devolutis. Melior quoque erat conditio fiduciarii sponte, quam non sine compulso magistratus adeuntis hæreditatem. En specimina promotæ fideicommissorum tutelæ, justitiæ, & cum salute publica conciliationis! De fideicommissis familiæ prudenter condendis quæ dicenda forent, peculiarem disquisitionem merentur!

## §. 262.

Eodem juris civilis præsidio digna quoque sunt pacta successoria, Quid stat-  
quoties nihil habent ju i quæsito tertii & saluti publicæ adversum. Na-  
turaliter enim valida sunt pacta inita de hæreditate (§. 1072. de pactis suc-  
P. VII. Jur. nat.), quæ quia successionem in bona post mortem cessoribus?  
relicta involvunt, successoria appellantur & in diem facta (§.  
259.) Uri ergo testamenta reciproca (§. 258): ita & pacta  
successoria reciproca admitti in rep & ad illius salutem sapien-  
ter dirigenda, firmanda ac tuenda sunt (§. 716. P. I. Polit.).  
Quod & in pactis conjugum, & familiarum diversarum suc-  
cessoriis, privatim & publice usu venit (§. 1073. *ibid.*).

Si qua autem duorum pacta successoria juri cujusdam  
tertii perfecto ac jam quæsito, aut saluti publicæ adversa ini-  
rentur, illicita forent (§. 170. P. I. Jur. nat.) & (§. 170. P. I. Phil.  
pract. univ.). Sed promissio illicitorum valida esse nequit (§. 495.  
P. III. Jur. nat.); quæ vero valide promittuntur, de iis etiam va-  
lide paciscimur, & quæ valide promitti nequeunt, de illis nec  
pactum valet (§. 800. *ibid.*). Inde cum naturaliter illicita fieri  
nequeant licita in civitate, sed ubi illa permittuntur, tantum  
civilis impunitas & omissio impeditiois habetur (§. 975. *seq.*  
P. VIII. Jur. nat.): digna non sunt juris civilis præsidio pacta  
successoria, nisi quando licita, ideoque nullius juri quæsito,  
h. e. perfecto adversa deprehenduntur.

De publicis pactis successoriis, cujusmodi sunt, quæ pacta  
confraternitatis hæreditariæ dici solent, & inter principum fa-  
milias obtinent, strictim egimus (§. 716. P. I. Politicæ), ubi &  
nobilium pacta ganerbinatus huc pertinere innuimus. Sunt &  
hujusmodi pacta vel universæ hæreditatis, vel partis cujusdam  
causa inita. Prioris generis exempla habentur §. cit.; postero-  
ris exemplum fuit inter duces Saxonix, & principes Henneber-  
gicos, a Carolo V. Imperatore confirmatum a. 1555, vi cujus  
comitatus Hennebergicus 1583 ad duces Saxonicos est devolu-  
(Wolffi Politicæ P. III. S.I.C. IV.) P p tus.



rus. Privatorum in Belgio & alibi passim usitata sunt pacta dotalia familiæ conjugum successoria, sive ante nuptias inita, sive post illas, item in unione prolium, adoptione &c. Neque privatis deneganda forent pacta successoria personarum & familiarum.

## §. 263.

*Libertas accipiendi itidem salva sit cuique.*

Quemadmodum bona relicta transferendi in alium libertas salva esse debet in rep. ita quoque *libertas accipiendi bona relicta, sub quovis titulo juris, integra est servanda, ne quid officio publico aut privato contrarium cuiquam obtrudatur.* Sive enim quacunque donatione, sive testamento, fideicommissio, sive pacto quodam successorio bona relicta in diem mortis eorum domini alienentur, unius consensu id absolvi nequit, sed necesse est, ut & alterius nempe accipientis consensus accedat (§. 662. P. II. Jur. nat.). Verum non tantum promissor, rem suam alienaturus, dispicere debet, ne quid ulli officio suo contrarium admittat, sed & promissarius probe expendere debet, num re, quam ipsi offert promissor, aut jam obtulit olim, indigeat, & anne alius, qui jus ad id, quod offertur, sibi a promissore acquirere poterat, eodem magis opus habeat; vel etiam non nisi incommodo suo hoc præstare possit promissor, & num in accipiendo promisso forsân desit cuidam officio erga se ipsum, vel erga alios (§. 394. seq. P. III. Jur. nat.). Quapropter cuique etiam integra esse debet libertas accipiendi, prout ipsi placet, aut non accipiendi, sed abdicandi bona ab alio sibi relicta (§. 974. P. VII. Jur. nat.), modo provideatur, ne quid officio seu publico seu privato repugnans irrepat & ratum habeatur (§. 200. P. IV. Jur. nat.).

A voluntate uniuscujusque pendet, utrum hæreditatem sibi delatam suscipere, an repudiare velit, (§. 973. P. 8. Jur. nat.). Quisquis enim hæreditatem adit aut pro hærede se gerit, omne quoque onus cum hæreditate conjunctum, v. c. solutionem æris alie-

alieni, aut præstationem conditionis adjectæ &c. una in se suscipit (§. 967. *ibid.*). Examinanda igitur sunt omnia, quæ cum hæreditate connexa sunt onera seu personalia seu realia, ut statuere possit, num accipienda sit, an repudianda. Quid enim se deceat, quid præstet in eo casu, deliberandum est, antequam voluntas declaretur. Neque invito vel beneficium obtrudendum est, multo minus onus præstandum, quo mavult superfedere.

## §. 264.

Quoniam libertas accipiendi bona relicta cuique salva Cautela in esse debet (§. 263.): *concedendum quoque est hæredi, legatario, do-* *adeunda hæ-*  
natori aut successori *sufficiens deliberandi spatium, quid se deceat, reditate.*  
ideoque § *inquirendi in vires hæreditatis* & conditiones adjectas, an operæ pretium sit futurum aut damnosum hæredium, vel molestia cum eo conjuncta, *saltem non accipiendi, nisi hac lege, ne*  
*ultra vires hæreditatis æri alieno obnoxia cuiquam obligetur.* Si enim æs alienum superat massam hæreditatis, hæres naturaliter ultra ejus vires non tenetur, nec alio animo eam suscepisse censendus est, quam ut ultra vires hæreditatis non teneatur (§. 968 *seqq.* P. VII. *Jur. nat.*). Quod ut eo magis liqueat, & de animo hæredis nullum supersit dubium, aperte declarari præstat, quam tacendo speciem præbere animi donaturi ea, quæ vires hæredii excedunt.

## §. 265.

Ne tamen justo diutius extrahatur spatium deliberandi, Ratio re-  
aut interim usus relicte hæreditatis & continuatio operarum *stringendi*  
mercaturæ, artis, opificii, agriculturæ &c. negligatur, *restrin-* *spatium de-*  
gendum est illud spatium ad modicum tempus, quod sufficere possit sub liberandi.  
pœna jacturæ juris quæsitæ (§. 395. *seqq.* P. VIII. *Jur. nat.*).

## §. 266.

Si hæres vel successor repudiat hæreditatem vel successionem, de- Quid sta-  
volvetur illa ad substitutum, vel ad hæredes ab intestato, vel his destituentum

de hæredita-  
te & succef-  
fione repu-  
data? cientibus, ad fiscum; id quod legibus in hujusmodi casus variores sapien-  
ter definiendum est. Ideo enim recte substituitur hæredi vel suc-  
cessori ex pacto alius, aut alii plures, vel simul, vel ut in lo-  
cum deficientis aut detrectantis surrogentur, (§. 1058. seq.  
P. VII. Jur. nat.). Quamobrem deficiente quacunque de causa  
hærede aut successore ex pacto, devolvetur hæreditas aut suc-  
cessio secundum tenorem factæ substitutionis.

Deficiente vero quacunque de causa hærede vel succef-  
fore instituto aut substituto, præsumendum est, cujusnam esse  
hoc casu voluisset defunctus bona post mortem relicta, ideo-  
que ex præsumta voluntate secundum leges civiles successio ab  
intestato in civitate recepta & legibus naturalibus conformata  
valebit (§. 1030. seqq. *ibid.*). Devolvetur igitur tum hæreditas  
vel successio ad hæredes ab intestato.

His hæredibus quoque deficientibus, in statu naturali  
bona relicta cedunt occupanti; sed in statu civili justum est, ut  
communi bono civitatis, in qua defunctus ea adquisivit, &  
cui plus debet, quam ulli vel extraneo, vel privato civi fami-  
liari aut vicino, relinquuntur (§. 1035. *ibid.*) & (§. 18. seqq.  
P. VIII. Jur. nat.). Id quod ideo recte præsumitur, quia nihil  
de bonis suis relinquendis statuit, nec ea in re sua uti voluit li-  
bertate. Quare cum communi bono destinatum sit ærarium  
publicum (§. 781. P. VIII. Jur. nat.), cujus loco in universitate  
& collegio & in monarchia est fiscus (§. 591. seq. *ibid.*): pate-  
scit, nostro casu ad fiscum devolvi hæreditatem, hæredibus  
& successoribus potioribus destitutam, ex defuncti præsumta  
voluntate legibus declarata, quibus defunctus ut civis fuit sub-  
jectus.

Uri ergo alia officia naturalia civili quoque obligatione  
& lege sunt promovenda, ut eorum observatio reddatur ex-  
peditior certiorque (§. 251.): ita quoque fieri par est, in his  
casi-



casibus, quanquam ideo rarioribus, quia ad dona a vivis & mortuis accipienda prona esse solet ~~plerorumque~~ natura, ut & eorum, qui per ætatem, amentiam, vel morbum, nondum accipere possunt, acceptio merito præsumatur, & jus in re donata, hæreditaria, vel legata, adquiratur ipsis eo momento, quo moritur ejus donator (§. 1044. seq. P. VII. Jur. nat.).

## §. 267.

*Peregrinis quoque salva esse debet facultas paciscendi, testandi, Num idem legandi, donandi in diem mortis suæ bona sua, quæ vel secum habent, statuendum vel ubi moriuntur, lucrati sunt, vel alibi, præsertim ubi cives aut indigenæ sunt, possident.* Variis enim de causis contingit, ut homines peregrinentur, aut inter exteros degant negotiorum suorum causa, nec ibi jus civitatis adquirant, ideoque ibi maneat peregrini (§. 7. P. VIII. Jur. nat.). Licet ergo a civitatis voluntate dependeat, utrum extraneum in civitatem suam recipere velit, nec ne, & qua lege eum recipere velit (§. 409. *ibid.*); item utrum eum velut civem æqualem, aut inæqualem, an vero tantum ut incolam recipere, aut permittere duntaxat velit, ut in ea instar advenæ aliquamdiu commorari & rem suam agere possit (§. 410. & 413. *ibid.*): nemo tamen utriusque in ea recipi cupiet, nisi salvo rerum suarum præsentium ac futurarum dominio, utpote quod imperium civitatis non includit (§. 103. *seqq. ibid.*). Enimvero domino jus est res suas urgente officio pro arbitrio suo alienandi & derelinquendi (§. 256. & 665. P. II. Jur. nat.), ejusque dominii exercitium nullo modo est impediendum (§. 655. *ibid.*). Quare & peregrino salvum manere debet exercitium dominii rerum suarum, siue eas secum habeat, siue alibi; siue eas ibi adquisivit, ubi ut peregrinus degit ac moritur, siue alio quovis loco (§. 329. *Jur. Ge it.*). Salva igitur ipsi quoque esse debet facultas paciscendi, donandi, testandi, legandi bona sua in diem mortis

sua, prout officium flagitat, & illud firmissime ac validissime fieri potest, & secundum leges civitatis fieri debet.

## §. 268.

Quid dicatur  
jus albinagii?

Jus albinagii dicitur jus civile, quo peregrinis denegatur jus testandi & succedendi (§. 328. *Jur. Gent.*). Hinc ipsorum bona, praesertim immobilia & ibi parta ab intestato cedunt fisco. Latius acceptum jus albinagii notat jus excludendi peregrinos a juribus civium potioribus; vid. *H. de Coceji Juris publ. prud. c. 31. n. 27.* v. g. jus denegandi ipsis acquisitionem bonorum immobilium, honorum & suffragiorum publicorum. Latinius utrumque diceretur jus peregrinorum, vel peregrinitas, pro sorte & statu peregrini accepta, & quoque jus hospitum & hospitii (das Gastrecht) involveret.

Albinus ex Albanus, & hoc ex alambannus graecorum descendit, quo insigneabant Alemannos Dioni & aliis deinceps albanii sunt peregrini generatim: unde albinagium vel albanagium in diplomatibus *Spelmanni, Cangii* &c. notat peculium peregrini; & jus albanagii jus regis in bona peregrini defuncti. § 328. *Jur. Gent.* quidem id ponitur in jure externos excludendi a successione; sed reliqua includuntur. Gallis vocatur droit d'Aubaine vel nunc d'Aubaine, quod ipsi explicant per jus regis succedendi in peregrinorum non-civium bona in regno parta. Aubain scilicet dicunt un étranger, qui s'est établi, & qui n'a point pris de lettres de naturalité; ita & in Anglia all Land of aliens, dying before Naturalization or denization are lapsed to the King; quae sunt verba *Eduardi Chamberlayne in Angliae notitia*, ed. Lond. 1694. p. 84.

## §. 269.

Quando id  
sit iniquum?

Jus allinagii iniquum est, nisi retorsionis causa adhibeatur. Admit enim jus albinagii peregrinis facultatem de rebus suis in casum mortis suae testandi prout officium flagitat, item jus succedendi saltem in bona ibi, ubi moriuntur, parta (§. 268).  
Sed

Sed peregrinis salva esse debet facultas paciscendi, donandi, testandi, legandi bona sua in casum mortis suæ (§. 267.) Quare cum adimat peregrinis innocentibus peculium legitime partum & jus naturale de eo pro lubitu statuendi, iniquum non abs re censeretur, & communi gentium juri adversum (§. 330. *Jur. Gent.*)

Enimvero quia retorsio juris non est illicita (§. 584. *Jur. Gent.*), si qua in civitate peregrinis ademptum est jus succedendi & testandi, ipsius civibus vicissim idem illud negari potest, ut illius iniquitati resistatur, & ad naturalem æquitatem revocetur. Quamdiu enim ipsa æquum putat, peregrinis denegare facultatem hæreditatem vel legatum capiendi aut tribuendi, tamdiu iniquum dicere nequit, quando cives sui alia in civitate, ubi ipsi peregrini sunt, non meliori conditione utuntur. Liberum tamen manet alteri civitati, an retorquere velit vel nolit, v. c. ea lege, ut vicissim suis civibus par æquitas promittatur præsteturque.

Licet enim restringatur successio fisci in bona peregrini ad casum, quo bona immobilia, vel & mobilia in ea civitate sibi comparavit suo ære, labore, artisque usu, antequam jus civitatis adeptus est; non pendet tamen jus legitime bona donandi & alienandi a jure civitatis, sed est juris naturalis & in dominio licite parto continetur. Sufficit jus peregrinorum lucrandi restringi sic, ne civitati & civibus noceat, & ne plane ejusdem aut melioris sint conditionis, quam cives ipsimet. Quod obtinetur, si commercia exercere nequeant cum peregrinis, sed a civibus emere & civibus vendere oporteat; item si non nisi civium bonis immobilibus uti & frui possint, citra ullius civis fraudem; si plus oneris ferant, quam cives, ideoque & minus lucrari possint; nisi quando peculiaris salutis publicæ ratio aliud interdum suadet. Inde & jus albinagii in paucis tantum civitatibus superest. Ita de Gallia docet *Baquet des Droits d'Aubaine*,



ne, c'est un droit, par le quel le roy succede aux étrangers, qui se sont établi dans son royaume, qui yont acquis du bien, & qui n'ont pris aucunes lettres de naturalité du Roy. Ce droit est inalienable. Les suisses, les Portugais, ni les Ecoissois ne sont pas sujets à la loi d'aubaine. Forte quisquam opinetur, esse hoc jus regium loco pænæ introductum, quoniam ita mutatus neglexit petere & obtinere jus civitatis. Sed dantur loca, ubi quantumvis petens & caro emturus jus civitatis, id consequi nequit, ut in anglia, nec tamen ideo melioris est conditionis. Unde hæc vera ratio esse nequit, nec analogia cæterarum pænarum ita statuere permittit. Nisi retorsionem urgeas & jus resistendi iniquitati, donec omittatur, & in primis forte exemplis defectum aut verorum hæredum; aut notitiæ & probationis juris proximæ successionis, quæ exempla dein seu incititia seu aviditate eorum, quibus istiusmodi discussio incubuisset, ultra terminos æquitatis, usu potius quam lege, extensa est; vix reperies, quo excusari ista consuetudo, quæ sensim in desuetudinem abit, aliquatenus queat. Romanis olim testator, hæres, & testes non erant nisi cives, inde peregrinus nec testamentum facere nec hæres esse poterat, nec deportatus si hæres scribebatur, capere hæreditatem poterat, instar peregrini habitus; *cod. de hered. l. 1.* & pænæ genus erat in peregrinitatem redigi, teste *Suetonio in Claud. c. 16. & 25.* Quæ merito sustulit *Antoninus l. 17. ff. de statu homin.* & postea confirmavit *novella 164. c. 1. vel authent. Cod. commun. de success.* sic exordiens: omnes peregrini & advenæ libere hospitentur, ubi voluerint, & si restari voluerint de rebus suis, liberam ordinandi habeant facultatem, quorum ordinatio inconcussa servetur. Si vero intestati decesserint, bona ipsorum hæredibus tradantur, vel (illis deficientibus) in pias causas erogentur. En reditum ad naturalem æquitatem laudandum.

## §. 270.

Necessitas legum succedentium  
*Successionis ab intestato, præsumta defuncti voluntate officio consentanea nitentis, leges civiles eo magis sunt necessariae, quo hac successio*

cessio est frequentior ea, quæ oritur ex testamento aliove pacto. Mandendi ab in-  
 xima enim civium pars est rudis, officii negligens, & parum testato.  
 certa cognitione legum naturalium imbuta, teste experientia  
 vulgari. Quare multis laboraret reip. litibus, turbis gravio-  
 ribusque malis, nisi legibus erudirentur compescerenturque  
 animi eorum, ut quid justum & æquum sit communis boni  
 causa, perspectum habeant, & ad modum suæ aviditati & af-  
 fectui ponendum compelli possent sua aliis lubenter præreptu-  
 ri (§. 395. P. VIII. Jur. nat.). Quamobrem, ut certa sit, &  
 conformis officio defuncti & præsumendæ illius ipsi satisfacien-  
 di voluntati, successio ab intestato (§. 1031. seq. & 1048. P. VII.  
 Jur. nat.), ac litibus careat, legibus fanciendum est, quod le-  
 gi naturæ apprime responder (§. 969. & 973. P. VIII. Jur. nat.).  
 Dum igitur leges successionis sunt necessariæ, liquet etiam, il-  
 las eo magis esse necessarias in qualibet civitate, quo frequen-  
 tiores ubique sunt successiones ab intestato, quam ex pacto aut  
 ultima voluntate testata.

Fortassis hæc aperta necessitas legum civilium de successioni-  
 bus ansam nonnullis dedit statuendi, successionem in hæreditate  
 relicta non esse legis naturalis sed civilis instituti. Urgere illi  
 solent, dominium hominis cessare cum ipsius vita. Dum vi-  
 vus ultimam suam voluntatem non declaravit ante mortem, &  
 post illam eandem declarare nequit, perhibent, ejus volunta-  
 tem ignorari, nec præsumi posse, ideoque res illius fieri res  
 nullius, & cedere ut derelictas occupanti. Enascitur vero ne-  
 cessitas legum civilium ex necessitate salutis publicæ causa obser-  
 vandi leges naturales. Inde tantum abest, ut illa sufficiat ad ne-  
 gandum jus naturale successionis ab intestato, ut potius contra-  
 rium indidem confirmetur. Lex naturæ enim nos obligat quo-  
 que, ad id, quod melius est, præferendum (§. 192. P. I. Phil.  
 pract. univ.). Nec confundendæ sunt res post mortem relicte,  
 cum derelictis ita, ut prior dominus eas abdicare & res nullus  
 fieri

fieri voluerit sat certis documentis. Cum nususque vivens sit moriturus, rerum autem suarum universalium dominium transferre in eos debeat, quibus præ cæteris debeatur, id ei quidem liberum relinquendum, ut ipse eligat. Sed quando id facere non potuit, morte præventus, aut id sequendum censuit, quod plerumque præstat; tum leges civiles recte injungunt, id esse sequendum, quod velle debuit, & præsumitur tacite voluisse, dum contrarium probari nullo modo potest. Si autem id noluit ac ab officio recessit, meretur pœnam, qua irrita & nulla declaratur ipsius ultima voluntas, quatenus legibus est adversa.

## §. 271.

*Quæ sit nor-*

*ma legum* *conjugum & consanguineorum & officiorum ordinem, quatenus citra nimiam molestiam iudicibus creandam fieri potest.* Sunt enim leges civiles conformandæ naturalibus, quantum fieri potest, ut salus civitatis obtineatur (§. 969. & 973. P. VIII. Jur. nat.): idem igitur quoque de legibus successionis ab intestato pronuntiandum erit. At successio ab intestato nititur præsumpta defuncti voluntate (§. 1030. seqq. P. VII. Jur. nat.), satisfaciendi mutuis conjugum & consanguineorum officiis debito ordine, bene sibi faciendi & perficiendi sese invicem statumque suum externum, præ aliis, quantum est in potestate (§. 836. 735. 737. & 744. ibid.). Per hæc nempe charitatis arctioris officia ipsis constans & perpetua esse debet voluntas, omni studio id agendi, ut evadant felices, & cavendi, ne evadant infelices (§. 617. P. I. Jur. nat.). Quapropter legibus succedendi ab intestato procurandum est, quam optime fieri queat, ut mutuis conjugum, parentum & liberorum, cæterorumque consanguineorum erga se invicem pro meritis, tum in vulgari seu ignobiliori, tum in eminentiori ac nobiliori sorte, uti provehendæ civium virtuti dignitatique convenit, debito ordine satis fiat. Ordine autem naturali



turali ob majorem obligationem primi in ordine successionis sunt descendentes; secundi adscendentes: tertii denique collaterales, cæteris paribus (§ 984. & 1033. *seq. P. VII. Jur. nat.*). In quovis ordine ratio habenda est graduum, ut propiores defuncto præferantur, uti par est, remotioribus (§. 1031. *seq. & 1034. ibid.*), & linearum ac vinculi diversitatis ratio habeatur (§. 576. & 595. *ibid.*). Quando igitur conjuges, quando consanguinei ipsimet ultimam voluntatem suam non declararunt, ideoque ab intestato succedendum est; instituendæ sunt leges successionis civiles, quod plerumque optimum est secundum officia conjugum & consanguineorum erga se invicem, præscribentes pro diversitate ordinis & graduum cognationis, quibus intestato morientes recte censentur assensisse.

Quia ob exiguam læsionem litibus in foro indulgeri nequit, & loco difficiliorum determinationum admittendæ sunt probatu faciles, quæ illis ut plurimum æquipollent (§. 986. *seqq. P. VIII. Jur. nat.*): leges quoque successionis ab intestato non debent nimiam creare iudicibus molestiam, unaque gaudere concordia, ideoque & in illis admittenda sunt, quæ juri naturali singularum non sint perfecte consentanea ob publicam utilitatem (§. 989. *ibid.*): quia nimis molestum munus cives nolent subire, vel præter rem id aliis sumptuosum & onerosum foret.

Uti omnes actiones humanæ subsunt legibus divinis, iisque si conformes sint, rectæ dicuntur & bonæ; si diffformes, prævæ & malæ: ita & actiones transmittentium rerum suarum dominium in alios etiam arctissime conjunctos, e legibus naturalibus suam habent & merito repetunt normam, ad quam sint exigendæ. Sunt propterea leges civiles de successione ab intestato veluti vicariæ leges naturæ, & vicaria hæredum naturalium ultima voluntas, ac testatio mentis vicaria, ex naturali morientis officio petita, inquam & cives consensere, nisi per peculiaria officia ipsis alia sint statuenda (§. 1032. *P. VII. Jur. nat.*).

## §. 272.

Quid conju-  
gi relicto de-  
beatur.

Indigenti merentique conjugii superstiti tantum tribuendum est, quantum meretur, ac saltem, donec durat viduitatis status, ipsi sufficit ad explenda sua officia, & ad tuendum matrimonii pristini honorem, & quantum citra lesionem hæredum naturalium, liberorum in primis, fieri potest (§. 1075. seq. P. VII. Jur. nat.). Quare si alter conjux moritur intestatus, alteri amoris conjugalis & meritorum causa tantum seu bonorum seu eorum ususfructus erit tribuendum, quantum ipsi pro sorte sua sufficere potest ad tuendum defuncti honorem, ad satisfaciendum officiis suis, & quantum salvis erga hæredes naturales & alios officiis non negligendis fieri potest (§. 611. 688. & 777. P. I. Jur. nat.). Hoc ipsum igitur & legibus civilibus erit injungendum (§. 271.).

Posita communione bonorum inter conjuges, conjugii superstiti nec immerenti ab intestato dimidia hæreditas debetur, ut consonantia legum servetur. Posita autem ac recepta illatorum in conjugium bonorum norma, reportabit conjux superstes sua illata, si ususfructus eorum in ferenda matrimonii onera impendendus fuit (§. 925. seq. P. VII. Jur. nat.), vel quantum ob merita & pro tuenda dignitate sui matrimonii mortuus aliorum similium instar daturus fuisse præsumitur, ni morte esset præventus (§. 986. *ibid.*). Iisdem quoque legibus statuendum est, quid conjugii ab intestato cedere debeat, si concurrat cum liberis, aliisve hæredibus. Jure romano *ff. unde vir et uxor*, conjugii tribuebatur pars bonorum quarta, quæ ipsis quoque jure usufructuario manebat, quoties liberorum non erant ultra tres: alias ejus rata erat filialis. Ex recepta communione bonorum alter semissis ad conjugem, alter ad alios devolvitur hæredes, vel his deficientibus aut quasi ad fiscum. Quo instituto dives brevitatem matrimonii sæpius repetiti sine reparatione jacturæ bonorum redigitur ad paupertatem. Esto ejus patrimonium sub exordium primi matrimonii 50000, erit illud cæteris paribus in secundo 25000, in tertio 12500, in quarto 6000, in quinto 3000 circiter, & sic porro.

## §. 273.

In successione vulgari ab intestato nihil est natura convenientius, *Vulgaris* quam ut proximi hæredes in linea recta ex æquo sint liberi, legitimi, *mori-successio de-* geri, vel his equiparandi, & æque eorumque iam defunctorum cum illis scendentium concurrere progenies, sed jure representationis parentum majorumve loco equalis habenda. Nimirum si vulgares parentes moriuntur, bona sua liberis ita relinquere debent, ut omnes similiter educentur, & si æque morigeri sint, communes pariter & æqualiter ex communi hæredio; aut paterni ex paternis, materni ex maternis bonis fortunentur (§ 975. P. VII. *Jur. nat.*). Idemque officium pertinet quoque ad parentes ultiores seu progenitores superioris gradus erga nepotes, pronepotes &c. (§. 976. *ibid.*). Liberi ergo, & qui ab his geniti legitime sunt, sui sunt hæredes (§. 541. & 979. *ibid.*). Inde & parentes officio suo vel non defuisse censendi sunt, vel si desint, adigendi ad illud in civitate (§. 395. P. VII. *Jur. nat.*).

Si qui illegitime sunt geniti, spurii aut vulgo quæsit, his quidem imputari nequit, quod non sint nati in justo matrimonio (§. 546. P. VII. *Jur. nat.*). Quatenus tamen parentes eorum peccarunt, illi puniendi sunt in liberis illegitimis, ne ipsis paria ac legitimis sint jura successionis (§. 834. *ibid.*), nisi vel matrimonio inito, vel multa perpeffa aut gratia superiorum tempestive sint legitimati, h. e. legitimis æquiparati; vel legitimi nulli adsint. Ex lege civili vero illegitime procreati merito non admittuntur ad hæreditatem nisi maternam passim, sed tantum ad alimenta (§. 546. *ibid.*). Neque hoc ipso liberi puniuntur propter factum parentum, ad quod nihil contulere (§. 550. *ibid.*), sed sentiunt illi pœnam parentum ut calamitatem & incitamentum ad rectius agendum (§. 594. P. VIII. *Jur. nat.*).



Quia parentum hæredes naturales sunt liberi (§. 983. *P. VII. Jur. nat.*), descendit hæreditas eorum non tantum ad liberos ipsos, sed & jure transmissionis ad nepotes ulterioresque descendentes, parentum loco eo magis habendos, quo magis eo digni sunt, etiamsi concurrunt cum liberis aut se prioribus gradu generationis (§. 980. *seq. ibid.*). Surrogantur ideo merito ac jure repræsentationis in locum parentum progenitorumve suorum, siue omnes ejusdem sint gradus, siue diversi.

Scilicet in vulgari successione æqualitatis ratio habetur, ut in statu naturali par est. Hinc dicuntur descendentes in dispari gradu succedere in stirpes; quando autem vel parēs gradu sunt omnes, non tamen in capita succedunt, sed & tunc parentum loco censentur: quoniam eorum parentes aut avi fuere hæredes sui; quanquam eo dum æqualis sunt gradus & spei, egestas æqualis & differentia ratarum exigua, in capita quoque admitti mererentur, dum nemini ob jus parentum legandi injuria fieret, & salus publica promoveretur (§. 271.). Antiquitatem legitimam successionis hujus posita rationum paritate non tantum docet jus naturæ, sed & historia antiqua, sacra & profana. Equidem ubi pauci tantum dantur homines & abunde terrarum est, unde victum sibi & suis quærere possint, ibi cuique occupare licet, quantum libet, & educatione peracta quisque sibi per se prospicere potest. Sed multiplicato sic genere humano, ut occupata jam sint, quæ alere homines possunt, uniuscujusque est, non tantum educationi prolis suæ etiam remotioris, sed & fortunæ ejus consulere, præsertim quando se isthoc beneficio non reddunt indignos. Lubecensi jure parentibus licet liberos quosdam aut omnes, assignata ipsis bonorum parte saltem legitima, segregare & a successione conjugis aut exterorum remove. Qui ideo postea jure succedendi carent, nisi sublata segregationis causa. Quantum vero illegitimis ex hæreditatetribuendum, id vel æquitati legitimorum relinquendum, vel lege aut arbitrio æqui judicis definiendum.

## §. 274.

*Ubi in successione ab intestato ratio habenda est acquisita dignitatis civilis tuenda, alteriusve oneris, aut disparitatis conjugii; ibi pro successione scopo obtinendo justa inæqualitas in successione admittenda.* Si enim in bona in-dispar conjugium initum est, ipso pacto conjugum inæqualis *aqualis*. est fors conjugii & liberorum. Quare cum pacta licita servanda sint (§. 789. P. III. Jur. nat.): non potest liberorum conjugii primarii & secundarii par esse jus successionis, sed standum est eo, quod pacto est definitum.

Ita Abrahamus Ismaëlem ex ancilla genitum non admisit ad æquale jus succedendi cum Isacco, ex Sara uxore suscepto, neque liberos Keturæ, cum qua secundarium inierat matrimonium, sed his quædam dona dedit, reservans Isacco patrimonium, *Genes. XXI, 10. seqq. XXIV, 36. XXV, 5. 6.*

Olim primogeniti filii erat, ut is patris loco esset caput familiæ & rector in sacris & profanis rebus. Inde plura erant ipsius onera & officia & sumtus, quam cæterorum. Par igitur erat, ut & majorem caperet ratam hæreditatis, quam reliqui (§. 230. P. I. *Phil. pract. univ.*), quæ pro scopo hoc obtinendo dupla esse solebat, *Deuteron. XXI, 17.* ut functionibus suis par esset, & diligentius superesset (§. 192. *ibid.*). Nisi scelere quodam se reddiderat ista prærogativa indignum, dignumque poena.

Exempla prostant Isaaci, qui Jacobo imperium tribuebat *Genes. XXVII, 29. 36. seqq.* & Jacobi, *Genes. XLIX, 3. 4.* qui post ademtum Rubeni jus primogenituræ ob incestum, nec Simeoni nec Levi, ob homicidia admissa, quanquam sub pœnarum specie illud assignabat, v. 5. *seqq.* sed Judæ imperium, Josepho autem ratæ in patrimonio præcipuum assignabat *ibid. v. 8. seqq. & 22. seqq. & XLVIII, 22.* Plura non opus est commemorare.

Quan-

Quando rite parata est dignitas quædam civilis, ea quanto major est, tanto plura jura & majores quoque sumtus requirit (§. 205. P. VIII. *Jur. nat.*). Cum meritis sit acquisita (§. 766. *ibid.*), & manere debeat præmium meritorum insignium in remp. (§. 758. *ibid.*): conservanda est a posteris, ut & hi & alii ad præclare de rep. merendum incitentur (§. 771. *ibid.*). Quare cum ea præcellentia in titulis, potentia, honoribus, jure præcedendi & meritis eminendi super alios consistat (§. 765. *ibid.*), & ideo multitudinem opum & hominum ad nutum paratorum poscat (§. 69. *Jur. Gent.*): manifestum est, dignitatis imperantium, nobilitatis & splendoris familiæ tuendæ causa ejusmodi inæqualitatem in successione bonorum, honorum &c. esse admittendam, quæ scopo potiundo respondeat ex asse (§. 405. *Oeconom.*). Dispiciendum igitur & lege stabiliendum id præcæteris intelligitur, quod ratio commendat & usu comprobatum habetur, ideoque præferendum (§. 192. P. I *Philos. pract. univ.*), scilicet ut patrimonium maneat unius eo digni, & cæteris peculia dentur, unde generis dignitatem tueantur. Quemadmodum & fideicommissa familiæ ex eodem fonte manabant (§. 261), & pacta successoria eodem comparari possunt (§. 262.).

Exempla prostant in regnis successoriis & patrimonialibus (§. 155. *ibid.*) & (§. 279. P. VIII. *Jur. nat.*), & in Aristocratia patrimoniali (§. 223. *ibid.*), nec non in jure feudali & nobilitatis passim, aliarumque familiarum eximiarum.

#### §. 275.

De exhæredatione ab intestato &c. Neque abs re esset, si officium exhæredandi & prælegandi ob causas notorias impeditum, seu morte prematura, seu alia de causa, suppleret magistratus, lege, in istum casum rite concepta & administranda. Uti enim successio ab intestato vicario magistratus officio supplet officium conjugum & consanguineorum (§. 271.), ex præ-



præsumta eorum voluntate; uti justæ exhæredandi causæ & rationes civibus rudioribus potissimum sunt præscribendæ injungendæque (§. 255.): ita si de voluntate defuncti exhæredandi juste quenquam constet, qui tantum morte inopinata, aut dolo, vi metuve adhibito, ne id fieret, aliave quacunque causa impeditus est, nihil iniquitatis, sed potius salutis publicæ & privatæ consentanea haberet statutum, quo exhæredatio, aut prælegatum debitum, ob causas notorias manifestasque a magistratu nomine defuncti, ejus officia supplente, decerneretur dareturque executioni. Itaque exhæredationem ab intestato, æque ac successionem & præcipuam portionem hæreditatis ab intestato licitam & consultam esse constat.

Faceret exhæredatio ab intestato ad eo majorem custodiam virtutum liberis & in hoc casu inspirandam, subsidio pænæ, vitia enormia manentis; æque ac præmium præcipuum virtutibus excellentium liberorum &c. eorum exacueret diligentiam & ardorem se aliosque rite perficiendi. Comprobant hoc leges contra prodigos latæ.

## §. 276.

*Hæredes deficere dicuntur, quando revera nulli dantur, id- Quando hæ-  
eoque quando nulli extitere, aut existere desiere, qui extiterunt. redes defi-  
Quasi deficere dicuntur, quando sunt quidem, non vero ut hære- ciant vel  
des, uti quando explorari nequeunt, qui forte supersunt, aut quasi?  
qui noscuntur superesse, jure succedendi carent justa de causa,  
aut nolunt esse hæredes.*

Si quis nullos liberos procreavit, nulli ipsi unquam fuere hæredes descendentes, quando grandævus diem suum obit. Quando autem præmortui sunt omnes, quos aut legitime aut illegitime suscepit, idem fere est ratione relinquendæ hæreditatis, ac si nulli unquam ipsi fuissent. Deficiunt ergo in utroque casu liberi. De aliis quibusdam hæredibus similiter est judicandum. Si, qui adsunt hæredes, & ipsi nesciunt se esse hæredes, (Wolffii Politica P. III. Sect. I. C. IV.) Rr &

& alii, aut saltem hi, qui hæreditatem assignare debent, eos explorare nequeunt, in effectu dandæ & capiendæ hæreditatis idem est, acsi deficerent, licet revera non deficient. Sic & si qui per pœnam juste privati sunt jure succedendi, aut se eodem abdicarunt, & hæreditati valide renuntiarunt, aut jam habent ex hæreditate, quantum juste habere possunt: illi omnes pariter quasi deficiunt, seu jure succedendi carent. Sic & conjux vere vel quasi deficit.

## §. 277.

*Successio ad-* Deficientibus, vel qua fideficientibus in recta linea descendantibus, scendentium hæreditas, extra conjugium vel quasi, ab intestato merito devolvitur ab intestato. in linea recta ad defuncti proximos, qui supersunt adscendentes, quando nulla ratio exhæredationis justa obstat. Jure enim naturali deficiente sobole, ab intestato succedunt parentes gradu propiores, tanquam hæredes improlium naturales, nisi quatenus superstitis conjugis ratio habenda (§. 982. & 1033. P. VII. Jur. nat.). Quum in civitate juris naturalis custodia sit promovenda (§. 395. P. VIII. Jur. nat.); & quidem in nostro casu secundum officia & præsumtam defuncti voluntatem iis satisfaciendi (§. 271.): si quis intestatus decedit cœlebs, aut cujus conjugii nullum (amplius) succedendi jus est, is deficientibus vel quasi descendantibus in recta linea (§. 275.), merito præsumitur officii sui memor fuisse erga adscendentes in recta linea parentes & ulteriores; ideoque recte lege civili statuitur, ut hæreditas ejus devolvatur ad proximos, qui supersunt, adscendentes, tanquam hæredes suos naturales ordinis secundi (§. 986. P. VII. Jur. nat.). Quorum si plures sint gradu dispares, merito propiores præcedunt, & excludunt remotiores; qui autem pari sunt gradu defuncto cognati, in eadem linea æquas capiunt hæreditatis partes, sed in diversa succedunt in genera, seu non succedunt in capita, sed in lineas, paternam & maternam, cæteris paribus, & nisi justa exhæredationis causa obster (§. 275.).

Ubi

Ubi bona relicta non demum durante matrimonio parta sunt, sed ab alterutrius conjugis parentibus vel majoribus profecta, & familiæ splendoris ac dignitatis tuendæ ratio habenda est: ibi & lege successionis ad eos potissimum bona redire jubebuntur, a quibus sunt orta, & quibus non inito conjugio deberentur. Sic quoque profectiui peculii ea habenda est cura, ut revertatur ad illos majores, eorumve hæredes, a quibus est profectum, & in quos præsumta illorum voluntate legitima ab illis esset devolutum, si hoc præseivissent, & de eo ex officio statuissent ultima voluntate pactove; aut si non abiisset in peculium; modo & illi id mereantur, ad quos ita redibit. Prodigorum enim & sceleratorum vitia alere nefas foret. *Justinianus Novella 118. c. 2.* cum parentibus admittit fratres sororesque cum liberis; & remotioribus adscendentibus ex patre semissem, alterum ex matre paribus gradu assignat; cujus rationes alii disceptent.

## §. 278.

*Ne præter rationes sat graves hæreditas naturalis cuiquam eripiatur, legitima parentum & liberorum legibus civilibus secundum officia naturalia est definienda.* Procuranda quippe est in civitate statuenda. custodia legis naturalis, sine qua salus ejus primaria haberi nequit (§. 41. P. I. Polit.). Hinc & procurandum est, ut hæreditas naturalis salva maneat, cui debetur, quatenus quam officium exigit libertas testandi & legandi &c. naturalis non obstat (§. 156. P. I. Jur. nat.) & (§. 1002. 1005. & 1008. P. VII. Jur. nat.). Inde mediocris bonorum pars, seu rata quædam patrimonii definiri potest ac debet lege civili, quæ plerumque hæredibus naturalibus sit relinquenda sensu officii, nisi ad hanc quoque illis adimendam justæ dentur & evincantur causæ (§. 1000. 1014. & 1018. seq. ibid.). Ejusmodi autem portio hæreditatis, quæ hæredibus suis legibus assignata est, vocatur legitima liberorum & parentum (§. 1024. not. ibid.). Ne igitur præter sat graves rationes justas hæreditas naturalis cuiquam



eripiatur, legitima parentum & liberorum legibus civilibus ita statuenda est, uti plerumque convenit legi naturali publicæque saluti (§. 973. P. VIII. Jur. nat.).

Legitimam juris naturalis exhaurire omne patrimonium, quando officium erga hæredes suos id exigit, nec aliud cum eo colliditur, constat ex antea adductis, & ex *nota* §. 1024. *cit.* Sed quando officiis erga suos hæredes aliunde satis factum est, aut citra exhauriendum patrimonium satisfieri potest, tum debita officiorum cæterorum ratio habenda postulat, ut libertas testandi, legandi, prælegandi & donandi civibus integra relinquatur, ideoque legitima definita tantum abusui hujus libertatis occurrat. De legitima conjugum vid. *not. ad* §. 272. Communione bonorum inter conjuges vel diserte vel tacite recepta, legitima liberorum est dodrans patrimonii, quando liberi nequeunt exhæredari. Jure romano legitima est triens, quando liberorum non sunt ultra 4; si 5 aut plures fuerint, semis bonorum, quæ ab intestato ipsis obvenissent. Eodem jure adscendentibus non minor legitima debetur, quam descendantibus. Alibi vero minor ponitur legitima adscendentium, tum quidem recte, cum illi ea parum aut vix egent, v. c. quadrans tantum patrimonii. Læsa legitima apud romanos locum faciebat quartæ falcidiæ detrahendæ; & alibi quoque merito suppletur.

§. 279.

*Successio collateralium* Deficientibus vere vel quasi consanguineis adscendentibus descendantibusque, vulgo laterales proximi jure suo ab intestato equaliter succedunt, quando nulla ratio legitima obstat. Si enim nulli supersunt nec descendentes, nec adscendentes consanguinei, superstites cognati tantum ex latere esse poterunt (§. 590. P. VII. Jur. nat.). Idem quoque statuendum erit, si illi quasi deficiunt (§. 276.). Verum enim vero collateralibus eatenus obligamur præstare officia humanitatis, quatenus in ipsis beneficium redditur communibus parentibus aut progenitoribus (§. 1009. *ibid.*), & quatenus

tenus de nobis melius meriti sunt, aut plus in se merentur, quam alii beneficiis afficiendi (§. 25. 30. & 132. *P. IV. Jur. nat.*). Jam quia naturaliter amandi sunt ut cognati agnatique, præ aliis sanguine alio satis aut jure succedendi destitutis, & cognati sibi invicem ad mutua beneficia obligantur, quantum in ipso- rum potestate est (§. 836. *P. VII. Jur. nat.*): debetur ipsis quo- que naturaliter hæreditas cognati ab intestato, quoties nullæ rationes justæ in contrarium occurrunt. Merito igitur proxi- mis collateralibus hæreditas ab intestato assignatur, dum nulla ratio legitima obstat (§. 974. & 1034. *P. VII. Jur. nat.*).

Cum naturaliter debitum recte habeatur pro perfecte debito, quoties non occurrit officium potius, cum quo con- fligat (§. 170. & 235. *P. I. Phil. pract. univ*): superior salutis pu- blicæ causa recte interpretatur defuncti voluntatem secundum leges naturæ, & quod in se imperfecte debebatur, in hoc ca- su perfecte deberi, lege civili sancit (§. 977. *P. VIII. Jur. nat.*). Neque id tantum valer, si soli sint cognati, sed etiam, quan- do adest conjux superstes, itidem beneficium merens.

Quia tamen cæteris paribus quo propior est consanguini- tas agnatorum cognatorumque, eo major, arctior & prior est obligatio ipsis benefaciendi, item propensio & præsumta vo- luntas (§. 591. *P. VIII. Jur. nat.*), & (§. 1010. *P. VII. Jur. nat.*): inde remotiores cognati a latere recte excluduntur ab hæreditate propter propiores, & idcirco recte statuuntur hæredes ab inte- stato proximi, qui supersunt collaterales, paresque gradu vulgo pari succedunt jure (§. 569. *P. VII. Jur. nat.*). Parium enim pa- ria sunt jura, & æqualium gradu cognitionis æqualia (§. 989. *ibid.*). Uti vero nepotes defunctorum liberorum loco sunt (§. 273.): ita quoque fratrum sororumque laudabilium liberi bonæ spei jure repræsentationis gaudent, & parentum suorum

loco ad hæreditatem capiendam admittuntur simili modo, saltem in primo hoc gradu.

Si primi gradus legitimi collaterales utroque communi parente gaudent, illi tanquam fratres germani & sorores germanæ æquali gaudent succedendi jure, indeque in vulgari successione ad familiam ex æquo heriscundam admittuntur. Excludunt quoque alterum superstitem parentem, quasi deficientem ob suam hæreditatem jam perceptam. Aliter vero res habet in successione nobiliori & feudali, ubi ut plurimum mares ob subeundas a vasallo expeditiones militares ab immobilibus excludunt feminas: & majores natu habiles præferuntur minoribus natu nepotibusque, ut integrum maneat feudum, nec splendor familiaræ detrimentum capiat. Si in vulgari successione jure communi tantum concurrant fratres consanguinei & uterini, vel sorores consanguineæ & uterinæ, vel utrinque partim fratres, partim sorores unius duntaxat lateris, partim quia non sunt hæredes sui, partim ratione communionis bonorum pari gaudebunt succedendi jure in primo gradu secundario, & præferuntur germanorum fratrum similiumque sororum liberis. Passim tamen uterini tantum in materna, & consanguinei tantum in bona paterna, h. e. a patre profecta, admittuntur, si soli sint; si vero cum germanorum neptibus aut nepotibus concurrunt, hi semissem conjunctim, & hæredes uterini vel consanguinei, immo si unus esset, alteram capit semissem; eorum liberis tantum in capita cum illis successuris. Ubi vero communio bonorum inter conjuges non obtinet, ibi fratres sororesve unius lateris æquiparantur germanorum fratrum liberis, una cum his in capita succedunt, & patrum atque avunculum excludunt saxonico jure; communi vero & romano jure germani patrui & avunculi a liberis germanorum non excluduntur. Romanis olim in collateralium successione patrimonii paterni & materni discrimen attendebatur; sed *Justinianus Novella* 118. c. 3. eo sublato, quia creta jam hæreditas deserat esse paterna aut materna, primo admittit fratres & sorores ex utroque parente, cum præmortuorum liberis,



beris, parentum jure orbitatis solius causa non defraudandis; dein pariter jure repræsentationis germanorum fratrum liberos legitimos vel solos similiter & æque præponit fratribus ex alterutro tantum parente, et thiis masculis feminisque, sive a patre sint, sive a matre conjuncti defuncto, ac eorum parentes, quorum loco capiunt hæreditatem. *Novella 127. c. 1.* non tantum fratres & sorores, verum & præmortuorum liberos jure repræsentationis, una cum parente vocat ad eam hæreditatis partem, qua eorum parens superstes fuisset gavifurus. Dubio procul calamitati orphanorum, tanquam nepotum communis parentis, ita prospiciendum duxit, acsi eorum parentes superessent. Deficientibus germanis defuncti fratribus sororibusque, cum suis liberis, hæreditatem assignat ex alterutro tantum parente fratribus sororibusque, absque liberorum jure repræsentationis. *Nov. 118. c. 3.* Denique si nec fratres, nec eorum liberos relinquit defunctus. omnes deinceps a latere conjuncti capiunt hæreditatem secundum gradus prærogativam, ut viciniore gradu remotioribus præferantur, & quotquot ejusdem sunt gradus proximi, in capita succedant. Substitutio liberorum ex fratribus sororibusque germanis in locum parentum eadem nititur æquitate, qua jus repræsentationis in recta descendantium linea, dum sæpe alter parens superstes esse solet. Qui aliter statuunt, recte contendunt, non amplius nunc succedi in linea recta, sed in obliqua, ubi obligatio major responderet gradui propiori (§. 1034. *P. VII. Jur. nat.*). Adhibetur autem merito in causis hæreditariis computatio graduum civilis. In gradibus autem remotioribus adscendentes collaterales cum descendantibus in eodem gradu pari gaudent jure (§. 271.). Unde si hæredes a latere sint in gradu tertio, thii, quotquot superstant, cum nepotibus neptibusve e fratre vel sorore superstibus pari gaudent jure & in capita succedunt. Ubi dubium esset, quo gradu cognationis aut agnationis adscendentis vel descendantis quisquam defuncto conjunctus sit, ibi qui hæres esse cupit, sufficientibus argumentis, se ex numero proximorum hæredum esse, evincere debet.

## §. 280.

*Collaterales  
vel simplicis  
sunt, vel du-  
plicis con-  
sanguinita-  
tis.*

Distinguntur collaterales merito a se invicem, qui utroque parente eodem, & qui tantum alterutro communi parente gaudent. Illorum enim duplex est cognatio seu vinculum consanguinitatis; horum tantum simplex. Unde & illi merito his præferuntur ob arctiorem necessitudinem (§. 595. P. VII. Jur. nat.), prout fratres germani consanguineis & uterinis seu dimidio, hoc est primo quidem sed secundo, seu integro gradu posthabentur (§. 279.). Sic & inter thios alii sunt ex patre, alii ex matre, etiam in ulteriori adscendentium gradu (§. 601. P. VII. Jur. nat.); item inter fratrum sororumque liberos dantur ex patre, dantur & ex matre, & ex utroque consanguinei seu consobrini (§. 602. *ibid.*).

Ponamus duos vel plures fratres ducere in matrimonium duas pluresve sorores ex utroque parente. Qui casus non solum in liberis Adami contigit, sed & hodie toties contingit, quoties duo fratres a & b, diversæ prorsus familiæ duas sorores c & d uxores ducunt, & fratrum illorum frater tertius e vel & quartus f, aut soror una vel altera g & h alii copulatur matrimonio. Sinto singulis liberi superstites, scilicet ipsius a filius k, ipsius b filia l, ipsius e filius m & filia n; ipsius f nata o; sororis g filius p, & ipsius h filia q. Moriente l, erit k consobrinus ex patre & ex matre, reliqui tantum ex alterutro parente. Ubi aperte idem est, ac si k duas sisteret personas tales, quales sunt coheredes.

## §. 281.

*Quid illa re-  
quirat dupli-  
citas simpli-  
citasve?*

Æquum est, ut, saltem inter propiores consanguineos, duplex vinculum simplici præferatur, ideoque a germanis fratribus sororibusque excludantur uterini & consanguinei in utroque sexu, & consobrini duplex duplicem capiat hereditatis partem. Ubi duplex est vinculum sanguinis, ibi unus duplicem sustinet personam, ac re ipsa idem est, ac si loco unius adessent duo in eodem gradu cognati.

cognitionis hæredes (§. 280.). Cum cuique ob simplex vinculum simplex debeat rata hæreditatis, nihil æquius est, quam ut illi ob duplex vinculum seu plane cedant alii simplici vinculo tantum juncti, iique integro saltem dimidio gradu ipso censeantur remotiores ab hæreditate capienda, uti fit a germanis fratribus sororibusque (§. 279.); seu duplex rata tribuatur, si cæteri admittendi & æque digni censeantur, quod receptum est inter consobrinos. In cæteris autem & difficilior sæpe foret probatio, & multiplicarentur nimium lites, læsio si qua contingeret, foret exigua, & judici officium redderetur nimis molestum (§. 985 - 987. *P. VIII. Jur. nat.*). Quare quia communis boni causa nimia molestia iudicibus creanda non est, etiam in successione ab intestato (§. 271.): illa duplicis vinculi discussio in ulterioribus consanguinitatis gradibus prorsus potest prætermitti, aut tunc solum attendi, ubi expedita est & illico manifesta, nec læsio foret exigui momenti.

Duplex vinculum occurrit, si fratres germani ducunt in matrimonium sorores germanas, ac procreant liberos, quos superstites relinquunt, dum frater vel soror ex suo matrimonio non relinquit liberos, nisi ex alterutro tantum parente consobrinos. Tum enim liberi priorum sunt ex utroque parente consobrini (§. 280.). Contingere id quoque potest, quando duo tantum sunt fratres, quorum alter aut uterque ex alio matrimonio genuit liberos simplici tantum, ex alio autem cum sorore fratriæ, vel glotis, (aut si sorores sint cum leviro) liberos duplici vinculo sanguinis gaudentes. Non quidem perfectum jus hic adest, cur duplex vinculum sit præferendum, æquitas tamen par est & pro duplici vinculo major est, quam pro simplici, inde ex præsumpta defuncti voluntate, cæteris paribus, merito præfertur duplex vinculum aut omnino, ut in primo gradu, aut ex parte, ut in secundo gradu. Jure Saxonico vulgari vinculum duplex in quovis gradu attenditur, & simplex integro gradu postponitur; sed jus repræsentationis collateralibus denegatur, ut propior

(*Wolffi Politicæ P. III. S.I.C. IV.*)      S s      sem.



semper excludat remotiorem, & germanus simplicem collateralalem. Hinc frater germanus ac uterini filius, nec non patruus germanus, & avunculus uterinus & consobrini in capita succedunt. Vid. *Carpzov. P. III. Constit. 18. def. 4.* At patruus magnus præfertur consobrino ex altero tantum parente, cum ejus liberis in capita successurus. Sed electorali jure consobrini germani præferuntur thiis, & collateralis ex alterutro tantum parente præfertur iisdem patruis, avunculis, amitis, materterisque. Item res expeditoriæ seu viriles masculis, muliebres s. utensiles (die Gerade) femininis hæredibus præcipue tribuuntur. Jure Lubecensi si quis fratrum aut sororum separatus est ab hæreditate, eum excludunt nondum separati eorumque liberi jure repræsentationis; uti separati hæredium alteri pariter separato cedit, vel potius æque separatis ac inseparatis primi gradus collateralibus. Vid. *Mevius ad Jus Lubec. P. II. Tit. 2. art. 6. §. 16.* Jure feudali & nobilitatis vinculum maternum nullius est momenti, nisi sit mixtum feudum (§. 190. P. VI. *Jur. nat.*), & ad agnatos cognatosve devolvendum, saltem qua allodia. Cæterum & hic sed secundum leges feudales propior excludit remotiorem, consanguineus in paternis, uterinus in maternis bonis, cæterisque dantur seu peculia, seu redditus & dotes, unde honeste & ex dignitate sua sustententur & fortunentur.

Cæterum descendentes collaterales primi & secundi gradus majoris obligationis causa uti in linea recta per analogiam præponuntur passim adscendentibus, qui procul dubio aut sunt, aut esse sapius debent pares fortunis per se quærendis, quam impuberes, aut plane infantes, saltem minorennos collaterales. Vbi vero illi sunt degeneres & prodigi, multo minus digni forent successione. Quando autem bene se gerunt, rectius administrabunt hæreditatem, quam pupilli eorumve tutores, ideoque tunc naturaliter adscendentes recte præferuntur collateralibus, quibus ipsi hæreditatem, si eam merentur, auctiorem sunt haud ita multo post relicturi, & consulturi quoque ipsorum, ut suorum descendantium salutem viventem.

§. 282.

*Incestus* (Blut. Schande) dicitur concubitus scientis cum *Quis sit incestus* persona, cujus & matrimonium est legitime prohibitum. *Quem- stus & incestus* admodum naturaliter coitus est illicitus cum consanguineis in *stuosus?* linea recta (§. 826. & 828. P. VIII. Jur. nat.), & quanquam matrimonium inter fratres & sorores tum non est illicitum, cum coitus illicitus non est metuendus (§. 829. *ibid.*); tamen ob præcavenda stupra & adulteria aliaque vitia, multiplicato genere humano, & pravitate adaucta, illa quoque matrimonia rectius illicitis, quam adhuc licitis annumerantur (*ibid. in not.*) & (§. 192. P. I. Phil. pract. univ.). Similiter ob reverentiam fere paternam thiiis habendam & vitrico atque novercæ, & convictum quotidianum inter hujusmodi consanguineos & affines in hac depravatione hominum, etiam hujusmodi concubitus, adulteriis & stupris fores pandens, rectius interdicitur & damnatur, quam permittitur lege civili, urgente id ipsum lege naturali (§. 830. *ibid. not.*). Hinc respectus parentelæ, item verecundiæ & castitatis ratio promovenda, quantum pote, jubet, ut & matrimonia vitiis patrocinatorum damnentur, coitus illicitus eorum incestui æquiparetur, & liberi ex incestu primario pariter in linea recta, ac secundo in obliqua & arcta affinitate suscepti, *incestuosi* dicantur.

*Incestus* vel incestum derivatur ab incestus, quia castitati, pietati, reverentiæ & religioni erga admodum propinquos sanguine & affinitate repugnat, læditque officium ipsis debitum fædo & impudico coitu & convictu. Itaque incestus merito pro nefando & detestabili scelere habetur, & gravius ac alius illicitus concubitus punitur, ut fæda turpisque libido venerea & plurima scelera a convictu tam arcto quam optime & efficacissime removeantur. Salutis enim primariæ causa opera navanda est in rep., ut legum naturalium custodia & virtutum cultura promoveatur (§. 40. seq. P. I. Polit.), & ab ea alieni saltem vi

metuque pœnarum adigantur, ut minimum actus externos eos-  
que frequentissimos aut quotidianos ad legem naturæ componant  
(§. 395. P. VIII. Jur. nat.).

## §. 283.

*Num incestuosis &c.  
hæreditas  
tribuenda?*

*Liberis incestuosis, adulterinis, & supposititiis in pœnam parentum & exemplum aliorum recte denegatur lege civili hæreditas.* Liberi enim incestuosi sunt ex incestu procreati (§. 282.), qui infert scientis concubitus cum persona, cujus & matrimonium cum ipso legitime est prohibitum (*ibid.*). Qui cum merito gravior puniatur ac alius concubitus illicitus (*not. ibid.*): parentes, qui illum turpiter admiserunt, recte etiam puniuntur adempta penitus liberis hæreditate, qua legitimi essent gavifuri (§. 273.). Ne tamen pereant in se infantes, necessaria tantum vitæ præsidia ipsis assignantur (§. 946. P. VII. Jur. nat.).

Cum adulterium tanquam delictum grave in rep. quoque graviter sit puniendum (§. 626. P. VIII. Jur. nat.), quia non minus nocet reip. ac virtuti quam incestum, recte experientia; ut coërceatur parentum malitia, itidem liberi adulterini recte excludentur ab hæreditate parentum, dum sunt ex adulterio procreati (§. 573. P. VII. Jur. nat.). Comparatur & hoc exemplum ad alios ab adulterio absterrendos (§. 1062. P. I. Jur. nat.).

Liberi vero supposititii quia non sunt a patre geniti ex uxore sua, sed vel ab hac, sive peperit, sive minns, vel ab alio patri obtrusi, & proles aliena (§. 538. P. VII. Jur. nat.), nullum jus habent cernendi hæreditatem ingratis vel patris tantum vel & matris, si & hæc nescivit, subditum sibi esse alienum fœtum. Quare uti pater vel & mater recte negat, prolem subdititiam esse suam; merito etiam illam ab hæreditate sua arcet excluditque: ita & legibus ut id fiat recte statuitur in civitate, & fraude detecta merito non admittuntur supposititii ad hæreditatem, qui demum post fata parentum tales esse comperiuntur (§. 706. P. I. Polit.).

Non



Non est vero confundendus concubitus & conjugium per ignorantiam initum cum persona, cujus matrimonium legi repugnat, cum ipso incestu. Hic enim vel utriusque, vel saltem alterutrius concubentis malam fidem, seu cognitionem legis prohibentis & personæ prohibitæ infert, ratione cujus incestus dici mereatur. Nam ratione illius, qui invincibili laborans ignorantia, matrimonium cum altero init, non committitur incestus, utpote qui animum peccandi non habet. Dolosus igitur ejus est incestus, ac ideo graviore pœna dignus, qui sciens & volens incestum committit, sive alteruter sit, sive uterque. Illius vero culposus erit incestus, qui suo vitio, v. c. ebrietate, & supina ignorantia nescit, se illum committere, cujusmodi erat Lothi ebrii incestus. Si uterque seire non potuit, se tam arcto sanguinis aut affinitatis nexu alteri copulatum esse: matrimonium non erit, nec concubitus eorum incestus, nec liberi incestuosi, nec ab hæreditate parentum excludendi; licet, quando prohibitum esse id matrimonium innotescit, id dissolvendum sit. Similia quoque de adulterinorum in simili casu successione in bona parentum statuenda erunt, qui revera sunt legitimi, & haudquaquam adulterini. Cæterum error & culpa nec dolo æquiparari, nec pari pœna affici possunt.

## §. 284.

*Si qua successio per abusum vertatur in detrimentum reip. ea lege De cavendo*  
*gibus est prohibenda atque ita pœnis coercenda, ut abusus evitetur. successione*  
 Nimirum salus publica suprema omnium lex est in civitate (§. abusu.  
 86. P. VIII. Jur. nat.). Quapropter illa quoque suprema lex est  
 successione cujuscunque in bona & jura a cive quolibet post  
 mortem ipsius relinquenda aut jam relicta. Recto usu igitur  
 pacta successoria, donationes, legata, testamenta, fideicommissa  
 & successiones ab intestato ita officio conformantur, ut respon-  
 deant publicæ salutis. Si quid vero in his vertatur in detrimen-  
 tum salutis communis, id non foret nisi dominii privati abusus  
 (§. 646. P. I. Theol. nat.). Quo abusu cum homines se aliosque red-

dunt infelices (§. 708. *ibid.*), atque salutis publicæ noceant in civitate, eum Deus velle nequit (§. 707. *ibid.*), sed lege naturali prohibuit (§. 170. P. II. *Jur. nat.*). Quia leges civiles ea præscribere debent, quibus bonum civitatis sive salus publica obtinetur (§. 969. P. VIII. *Jur. nat.*), & prohibitis lege naturæ lege civili adjiciendæ sunt pænæ humanæ (§. 979. *ibid.*), determinandusque est modus, quo obligationi naturali satisfiat (§. 982. *ibid.*): idem quoque observandum est in legibus abusui successionis in detrimentum reip. opponendis. Quoniam vero pænæ tales ac tantæ adhibendæ sunt, quæ ad cohibendam legum transgressionem, quantum datur, sufficiunt (§. 585. *ibid.*): manifestum est, si qua successio in bona & jura a cive relicta per abusum vertatur in detrimentum publicæ salutis, eam non solum legibus civilibus esse prohibendam, sed quoque sanctionibus pœnalibus ita coercendam, ut abusus evitetur.

Variis casibus abusus se exferere potest. V. c. si quis ingens patrimonium in civitate acquisitum, hosti ejus donare, legare aut testamento relinquere vellet, quod esset contra officium boni civis. Sic si filius ad hostem transfugisset, & deinde ab intestato succedere vellet in bona parentum perampla, vel vice versa talis pater in bona filii, aut filiæ, aut fratris sororisve &c. Item cavendum, ne alienatione bonorum præsertim immobilium, onera civitati debita subtrahantur eidem. Quod cum fiat, si monasteriis, monachis similibusque cederent & eximerentur, merito antiquitus prohibitum est, ne ingredienti in cœnobium hæredes fiant bonorum immobilium, rerum expeditioni militari inservientium, aliarumve insignium hæreditatum, sed talia cæteris hæredibus civilibus relinquere cogantur, in quadam portione, alimentis circiter destinata adquiescentes.

§. 285.

Quibus deneganda sit suc-

Cum cavendum sit, ne successio per abusum in detrimentum reip. vertatur (§. 284.); & vergeret in detrimentum reip. si in-

si indignis concederetur, vel iis, quorum jus successionis do-  
cessio ab in-  
ceri nequit, qui illud prosequi negligunt, aut nimis remoto testato, vel  
gradu cognationis defuncto junguntur: liquet, *hereditatem re- non sit?*  
*litam nec indignis & incertis heredibus concedendam, nec supine ne-*  
*gligentibus obtrudendam esse, vel remotis admodum praesertim peregrinis,*  
quorum cum cognationis veritas cum praerogativa vix ad liqui-  
dum perducı possit, & nimis negotii iudicibus faceretur (§.  
271.). E contrario quia iusti haeredes sunt, qui vel expressa  
vel praesumta defuncti voluntate iure succedendi liquido gau-  
dent, *iustis heredibus patrimonium relictum denegandum non est, sed*  
*potius tribuendum lubenter.*

Liberos spurios & vulgo quæsitos quædam iura civilia non so-  
lum arcent ab artibus & opificiis honestis seu discendis & tra-  
ctandis, & opificum atque artificum matrimoniis, nisi privile-  
gio peculiari legitimis sint æquiparati; sed quoque velut ince-  
stuosos & adulterinos aut ab omni excludunt hereditate, aut  
tantum ad maternam admittunt nec sine restrictione. Vicissim  
ad ipsorum hereditatem non admittunt, nisi matrem & fratres  
sororesve, aut paulo plures, ut & hac in re sint legitimis libe-  
ris inferiores. Incaute civitas heredibus incertis traderet heredi-  
tatem, quam dein certis restituere non sine molestia, aut de-  
coctam refundere compelleretur. Qui ipsimet iura sua negli-  
gunt, indigni sunt & iure carent poscendi, ut civitas ipsorum ne-  
gotia curet (§. 662. P. I. *Fur. nat.*). Qui criminis læsæ majesta-  
tis rei sunt, itidem indigni censentur iure dominii sui, vel in  
liberos devolvendi. Quoto gradu consanguinitatis cessare de-  
beat successio ab intestato, id ex diversa civitatum indole & vi-  
cinia aliarum æstimandum. Ad octavum aut decimum com-  
putationis civilis graduum ad summum extendi ius successio-  
nis solet.

## §. 286.

*Bona dicuntur caduca, quæ iustis heredibus carent, sive Quid sint bo-*  
*quæ amisso nuper domino heredes non habent. Latius quo- na caduca,*  
*que vel quasi?*



que caduca dici solent ea bona, quæ dominum privatum non habent; sive vacua sint a domino relicta, sive crimine illis exciderit possessor. *Jus vero caducum* vocant jus bona caduca occupandi. *Quasi caduca* erunt, donec veri hæredes innotuerint.

Si quis testamentum quidem fecit, sed hæredes instituti aut & substituti ante ipsum diem obierint supremum, sive cognati fuerint sive extranei, ut jam ex testamento hæres nullus adsit; nec ab intestato quisquam vel sit, vel in eo gradu sit, qui capax est hæreditatis, v. c. consobrinorum nepotes vel pronepotes; vel si sit, explorari aut certus fieri nequeat, vel alia de causa jure succedendi careat, v. c. si illegitimus esset aut adulterinus, aut jure retorsionis excludendus, ut si esset peregrinus ex ea civitate, in qua ultra sobrinos nemo ab intestato admittitur; vel si qui esse posset hæres, jus suum nec ostendat, nec urgeat, nec intra statutum tempus deducat: in omnibus hisce casibus bona defuncti relicta erunt vacantia & privato domino destituta, ideoque caduca. Sic si demortuus intestatus relinquat quidem vitricum vel novercam, & alterutrius liberos, ante quam cum parente suo matrimonium iniretur, procreatos, quos suos appellavit fratres aut sorores (*Stiefbrüder und Schwestern*), item privignos aut privignas & levirum vel fratrem viduam: tales omnes, quia partim affines tantum sunt, partim ne quidem affines, carent jure succedendi ab intestato; inde si alii hæredes ab intestato vel nulli sint, vel prorsus ignoti maneant, ut quasi deficient, quia vel nequeunt vel nolunt succedere, bona defuncti relicta erunt caduca. Saltem tamdiu quasi caduca censenda erunt, quamdiu legitimi hæredes, an & qui sint, ignorantur, aut dubii manent. Germanis caduca appellantur *verfallsene Güter*, cujusmodi & derelicta sunt, & thesauri inventi, & alia *adempta*, seu res nullius.

## §. 287.

Cujus sint bona caduca?

Bona caduca in civitate sunt quidem res nullius privati hominis, nec tamen cedunt occupanti, aut collegio, cujus defunctus socius fuit;

Jud

sed vel jure relictae, vel praesumpta defuncti voluntate communi bono & ærario vindicantur, nisi privilegio aliter sit statutum. Bona enim caduca & pristino domino suo & justis hæredibus carent (§. 286.): itaque nullius privati res amplius sunt (§. 6. P. II. Jur. nat.). Natura res omnes corporales sunt communes, quælibet autem earum est nullius (§. 7. *ibid.*). Quando vero in civitates coeunt homines, aut dominio singulari, aut universitatis res sunt subjiciendæ (§. 109. P. VIII. Jur. nat.). Enimvero, ut bona caduca fiant res unius vel alterius privati, sive vicini, sive amici, sive collegii, ejus ratio nulla adest, quando defunctus suam voluntatem non expresse declaravit. Præsumitur ergo voluisse, ut res ipsius relictae publico omnium commodo cedant, & communi ærario debeantur, quia vi officii obligatur, ut civis, ad commune bonum civitatis pro virili promovendum (§. 18. *ibid.*), & ad conferendum ad vitæ abundantiam, tranquillitatem & securitatem, quidquid salvis cæteris officiis conferre valet (§. 19. *seq. ibid.*). Quod multo magis patet, quando per pœnam ærario juste addicuntur.

Verum tamen quia ordini cuidam aut collegio privilegia dari possunt (§. 869. P. VIII. Jur. nat.), quæ temere revocanda non sunt, sed servanda eidem (§. 870. *ibid.*), in primis si boni publici causa data sint (§. 872. *ibid.*); si cui collegio aut ordini privilegium bonorum caducorum datum fuit, id ipsi quoque erit salvum relinquendum, donec nulla ratio gravior obstat.

Fieri nempe potest, ut academicæ universitati sit privilegium capiendi bona caduca cujusdam Professoris membrive alterius (§. 356. *in not. P. II. Polit.*). Alibi Senatus emporii aut urbis bene merita jure caducorum bonorum ex privilegio gaudet &c.

## §. 288.

*Ubi locus sit  
successioni  
ararii vel  
fisci?*

*Ubi alii heredes defunt, ibi ultimus hæres est ararium publicum, vel fiscus; unde successio publica ararii communis seu fisci nascitur.* Quando enim hæredes defunt aut quasi, five ex pacto, testamento, aut ab intestato; bona illa sunt caduca (§. 286.), ea-que ordinario modo lege civili ac jure æquo cedunt ærario communi (§. 287.). Quod ærarium commune cum vel publicum sit in Aristocratia & democratia, aut sola, aut prævalente in forma mixta; vel fiscus in Monarchia sola aut præpollente (§. 590. & 781. P. VIII. Jur. nat.): manifestum est, bona caduca devolvi merito vel ad ærarium publicum, vel ad fiscum, prout reip. leges jubent; nisi privilegio quodam nonnihil aliter definiatur (§. 267.). Quare cum in utroque casu alius non sit hæres legitimus seu ab intestato, ultimus hæres erit ærarium publicum, aut fiscus. Quorum cum tum sit successio in bona caduca; patescit, unde oriatur successio publici ærarii & fisci, seu successio reip.

## §. 289.

*De publica  
patrimonii  
consignatio-  
ne & ob-  
signatione.*

*Antequam heredes ignoti admittantur ad hereditatem, patrimonium defuncti publica autoritate consignandum est obsignandumque, donec heredes suum jus successionis, idque proximum, satis comprobaverint, evictionemque præstandam legitima cautione receperint.* Patrimonium tradendum non est, nisi justis hæredibus, vel ex diserta voluntate defuncti, vel ab intestato (§. 285.): ideoque antequam constet liquido, hæredipetam esse justum hæredem, hæreditas ipsi tradenda non est. Quoniam deficiente justo hærede, bona relicta sunt caduca (§. 286.), & publico ærario vel fisco vindicanda sunt (§. 267. seq.): ne quid detrimenti capiat patrimonium relictum, unde vel resp. vel hæres damnum incurrat; antequam constet de justo hærede, patrimonium confestim a morte defuncti obsignandum & consignandum erit publica au-  
tori-



roritate, ne a quoquam diminui possit (§. 988. seq. P. I. & §. 494. seq. P. II. Jur. nat.).

Idem quoque patrimonium tamdiu erit sartum rectumque publica autoritate servandum, donec qui hæredes fieri volunt, suum jus successionis, & ubi plures esse possent, inter quos non nisi propioribus hæredibus patrimonium est tribuendum, insuper sibi proximum esse jus successionis, satis comprobaverint. Quando quidem vero fieri assolet, ut dein alii contendant, se propiores esse hæredes, ostendantque legitima impedimenta, per quæ antea jus suum docere non potuerint: obligantur quoque hæredes, qui jus suum succedendi ita deducere non potuerunt, ut indubium sit, ipsis propiores dari non posse hæredes, antequam ipsis exhibeatur hæreditas præsertim alio asportanda, in se suscipere præstandam evictionem, si quis postea se ipsis propiorem contendat esse defuncti hæredem. Quod quum ab exteris aliter fieri nequeat, quam idonea cautione: cogitur, antequam hæredes ignoti admittantur ad hæreditatem, patrimonium defuncti publica autoritate confestim a morte defuncti esse obsignandum, & quam primum in justo inventario consignandum, donec hæredes suum jus successionis proxime satis ad liquidum perduxerint, & ante traditionem receperint idonea cautione præstandam evictionem, si ea sit opus futurum, vel si id fieri nequeat, constet bona illa esse caduca.

## §. 290.

Ut iustis hæredibus alibi degentibus constare possit de morte defuncti, illa non celanda sed satis publicanda est morte inter vicinas civitates recepto, concedendumque illis sufficiens tempus petendi debite hæreditatem & adeundi. Si enim hæredes defuncti alibi degunt, num sit mortuus is, cujus hæreditas ipsis debetur, nec ne, nesciunt, nisi ea ipsis nuntietur, quod per se patet. Quare

si mors celaretur, ne nuntiari iustis hæredibus posset, fieret ipsis injuria (§. 859. P. I. Jur. nat.), adimereturque infontibus jus hæreditatis petendæ cernendæque. Quæ cum sit illicita (§. 911. *ibid.*), & damnum det dolosum (§. 488. *seq.* P. II. Jur. nat.), quod si detur utique resarciendum est (§. 580. *ibid.*): opido liquet, ut iustis hæredibus alibi degentibus constare possit de morte defuncti, mortem non esse celandam, sed potius satis superque publicandam, seu propalandam.

Quod quando in exterorum & vicinarum rerump. gratiam faciendum est, pari utendum est æquitate, qua ipsæ seu pacto quodam, seu recepta consuetudine, erga nostram civitatem uti solent (§. 475-479. P. I. Polit.). Propalanda igitur est mors defuncti, cujus proximi hæredes ignorantur, more inter vicinas civitates recepto.

Cum sæpe valde dissita sint loca, in quibus degunt iusti hæredes, & ubi is vitæ valedixit, cujus hæreditas est cernenda, experientia magistra: sufficiens tempus indulgendum est, vel pro remotissimis hæredibus, intra quod a tempore scientiæ deliberare & voluntatem suam de adeunda vel repudianda hæreditate declarare possint. Solet hoc tempus utilis annus s. annus & dies dici, & anno 6 mensibus atque 6 diebus absolvi (§. 265.). Si inter vicinos peculiaris mortis publicatio in usu non est, sed annus currit a die mortis, & post eum elapsum non amplius audiuntur hæredes vel justam excusationem habentes; jure retorsionis uti adversus illos licet, donec id mutetur, & si non mutatur, perpetim eadem ratio valebit contra ipsorum cives, qua ipsi utuntur contra nostros (§. 269.).

Humanius est, annum utilem non restringere ad diem mortis, sed ad diem nuntiatae ipsi mortis. Unde potest quidem requiri, quod in officio est, scilicet, ut debita diligentia hæreditas speranda curæ habeatur cordique, & amicus vel mandatarius

rius comparetur, qui mortem quantocunque hæredi nuntiet. Ratio tamen habenda est distantiae locorum, & incerti itineris, in tam dissita loca nuntium perferendi, & responsum referendi. Ratio quoque habenda culpæ alienæ, si non & malitiæ, qua negligi aut supprimi potest vel amitti nuntium perferendum. Ratio inprimis habenda æquitatis, qua quidquid nolis tibi fieri, nec alteri cuicunque, & quidquid velis tibi in simili casu fieri jure tuo, id quoque alteri faciendum est; & legitimorum impedimentorum, per quæ fieri nequit, ut vel qui maximopere velit, officio suo vacet. Pro diversis igitur conditionibus diversum quoque spatium temporis indulgendum hæredibus erit, ita tamen, ut & diligentis vigilantiae officia, circa jura propria in consequenda hæreditate, urgeantur, & pro natura rerum inutilis ambages, judicium distractiones & molestiæ evitentur, negligentiae vero, arrogantiaeque effectus, & vexandi ac rixandi libidines coercerentur (§. 395. P. VIII. Jur. nat.). Quare si inter vicinas civitates receptum est, ut in tribus vicinis civitatibus, ubi hæredes futuri existimantur potius quam alibi, promulgetur vacans hæreditas, ut qui se ea digniorem esse, quam cæteros, opinatur, jus suum magistratui approbare possit; æquum erit, ut iisdem civitatibus par pari referatur.

## §. 291.

Si quibus hæreditas, vel legata, vel res quæcunque *Cui debeatur.* alia conjunctim debetur, erit ea inter illos, uti fas est, divi-*res commu-* denda; uno autem vel altero deficiente vel quasi, dum v. g. *nis?* eam repudiat, residuo ex iis, quorum commune jus in ea re erat, debebitur sive ex pacto aut ultima defuncti voluntate (§. 1055. & 1057. P. VII. Jur. nat.), sive ab intestato (§. 1033. seq. *ibid.*). Neque enim ulli jus est in re communi præter ipsos, quibus conjunctim debetur. Uno igitur vel altero seu nolente, seu nequeunte jure suo uti, in residui voluntate positum erit, non invitis consortibus, velitne vacantem illorum partem suam facere, nec ne (§. 1053. *ibid.*). Si velit illam accipere, merito



illa transit ad ipsum, ut consortem dominii. Si nolit, nec præter ipsum alii privato debetur, (uti legatum repudiatum hæredi §. cit 1055.) ærario communi vel fisco vindicanda erit. *Res ergo communis naturaliter debetur dominii consorti, si eam accipere dignetur, h. e. nisi aliud potius officium obstat.*

Scilicet consortes dominii rerum a mortuo relictarum sunt cohæredes, collegatarii, hæres ratione legatariorum singularem & separatorum, denique deficientibus vel quasi justis successoribus privatis, ipsum civitatis ærarium seu ipsa civitas, & fiscus seu rex. Unde ab uno jus commune transit ad alterum, ejus communione gaudentem, si suo jure uti velit.

## §. 292.

*Quid sit jus accrescendi.*

Hæreditas, res legata, aliave communis, *accrescere* alteri dicitur, qui ejus vacantis acquirendæ jus habet, eodemque uti vult. Vacat nempe res domino, si is vel nequeat vel nolit ejus dominus esse. Inde *jus accrescendi* est jus transeundi ad consortes si non ipsius dominii, saltem juris id acquirendi, qui eo uti volunt; vel jus occupandi vacantem rei communis partem. Per juris naturam quippe patet, eodem præditum, pro lubitu & officiorum dictatu illo uti posse & non uti. Nascitur hoc jus ex voluntate officiosa donantis, & defectu aut abdicatione ejus consortis; ideoque ex auctoris & consortis simul voluntate, saltem tacita præsumtave, cujus intererat, ne alter eo gauderet & uteretur, sive is donator sit, sive testator, sive consors juris.

## §. 293.

*Quid statuendum sit de jure accrescendi.*

*Jus accrescendi iis relinquendum, & lege civili quoque concedendum assignandumque est, quibus naturaliter debetur.* Est enim jus accrescendi jus occupandi vacantem rei communis partem (§. 292.); idque naturaliter iis debetur, qui ejusdem dominii vel simul vel in quadam successione sunt participes & consortes (§. 291.).

(§. 291.). Quare cum quæ naturaliter debentur, lege civili nequeant fieri illicita (§. 974. P. VIII. Jur. nat.), sed potius promovenda, & vel ex imperfecte debitis salutis publicæ causa perfecte debita facienda sint (§. 977. *ibid.*): relinquitur aperte, jus accrescendi in civitate iis relinquendum &tribuendum esse, quibus naturaliter debetur.

## §. 294.

Quoniam utilis acceptatio præsumitur & præsumenda De præsum-  
est in eo, qui ob ætatem aliamve causam acceptare nondum *ta acceptatione*  
potest (§. 1044. P. VII. Jur. nat.), nec minus in eo, qui acce- *ejusque ef-*  
ptare potest, nec ullas repudiandi causas habet (*ibid. in not.*); *fectu.*  
& qui præsumta acceptatione jus in re hæreditaria vel legata  
adquirat, is idem acquirit eo ipso momento, quo testator  
animam efflat (§. 1045. *ibid.*): patescit, jus ad hæreditatem, le-  
gataque merito transmitti ad hæredes ejus, qui scriptus est  
hæres aut legatarius, modo superstes fuerit, nec repudiavit  
aperte, tabulis licet ante ipsius mortem nondum apertis. *Hinc*  
*dubium non est, quin & lege civili hoc conformari & statui possit, ad*  
*ejus quoque hæredes transire jus hæredis aut legatarii vel donatarii, qui*  
*necdum accepit, sed cujus voluntas præsumenda eo est, quod nullas ha-*  
*buit causas repudiandi, sed potius ipsius interfuit, acceptare sui suo-*  
*rumque causa.*

Hinc & infantes & postumi, & mente capti, surdi ac muti,  
furiosi, ex morbo impotes animi, & absentes, & si qui sunt  
alii his similes, statim a morte donatoris, cujus voluntas nunc  
rata esse intelligitur, dum revocari amplius nequit, statuuntur  
& præsumuntur consensisse in beneficium accipiendum, nullo  
dum impediti fuere officio. Neque adulti censeri possunt alie-  
num a bonis accipiendis animum habuisse, quibus indigebant,  
& ad officia sua rectius peragenda poterant ac debebant adjuva-  
ri; licet ante mortem suam voluntatem accipiendi nondum de-  
clara-

clararint. Sufficit enim, in re officiis consentanea, ut id de eorum animo potius præsumatur, quam contrarium, scilicet repudiatio, quam itidem non declararunt, nec ullas ejus causas habuisse intelliguntur.

## §. 295.

Quid statuendum sit de adoptivis & arrogatis?

Eo dum mere adoptivis arrogatisve liberis naturaliter nullum jus successionis debetur, nisi quod a voluntate adoptantis arrogantisve pendet (§. 783. & 786. P. VII. Jur. nat.): lege quoque civili adoptatis arrogatisve nullum aliud jus succedendi tribui potest, quam quod nati sunt ex testamento, legato, vel pacto adoptionis & arrogationis, seu expresso seu tacito (§. 790. *ibid.*) & (§. 973. P. VIII. Jur. nat.), quatenus scilicet ex factis & donis adoptantis, vel arrogantis indubium est, quid filii adoptati vel arrogati esse voluerit, quid minus?

## §. 296.

De libertate renuntiandi hereditati &c.

Quemadmodum liberum est in civitate tum hæredi, utrum hæreditatem jam oblatam suscipere, adeundo eandem aut pro hærede se gerendo, an repudiare vel abdicare; tum legatario, utrum accipere vel repudiare legatum pro officii sui norma velit (§. 263.): ita quoque ob nondum delatam hæreditatem aut rem legatam, jus tamen & spem illius futurus hæres & legatarius merito pro re sua habet, ideoque & illi in gratiam alterius renunciare potest, si id consultum ducat. Liberum ergo in civitate esse debet hereditati future aut legato nuntium remittere, quando id officium hæredis aut legatarii futuri urget.

## §. 297.

Quid de renuntiatione heredes suos a se tantum id habituros transmittere nequit, ipse eo jam pro hereditate destitutus &c. valent?

Qui hereditati aut legato futuro renuntiat, is jus abdicatum in heredes suos a se tantum id habituros transmittere nequit, ipse eo jam pro hereditate destitutus (§. 842. *seqq.* P. VI. Jur. nat.). Ut tamen manifestius constet de ejus voluntate, diserte non pro se tantum, verum etiam pro suis hæredibus renuntiabit (§. 844. *ibid.*). Quibus si



nullum jus adhuc sit quæsitum, renuntiatio pro ipsis facta valebit (§. 842. *ibid.*); in contrario casu nequiquam valebit (§. 846. *ibid.*), nisi ipsimet sponte consentiant in renuntiationem (§. 365-368. *P. VIII. Jur. nat.*). Neque renuntiatio in fraudem debitorum &c. facta valebit (§. 395 *seqq. ibid.*) & (§. 989. *P. I. Jur. nat.*) item (§. 148. *P. V. Jur. nat.*) & (§. 964. *P. VII. Jur. nat.*).

Par fere ratio hic est, ac si pater præterierit quemquam liberorum suorum, aut acsi posthumus nascatur, cujus juri perfecto nil derogat vel testamentum paternum (§. 1022. *P. VII. Jur. nat.*). Quorum nempe jus in bona aut jura alterius acquirenda est perfectum, illi in eo a nemine sunt lædendi. Conf. Jus naturale factum & nondum natorum *P. VI. Jur. nat. cap. 6.* Quod civili jure firmandum est (§. 293.).

## §. 298.

*Jus hæreditarium & successorium civiliter quoque alienari ne An alienari quit in fraudem tertii, & quatenus incertum nisi contractu aleam continet jus hæreditante.* Naturaliter homo jus suum alteri cedere & remittere potest, modo ita nihil faciat contra jus tertii (§. 117. *P. III. Jur. nat.*), idemque de alia quavis legitima alienatione censendum. Quare & jus acquirendi hæreditatem, legatum, successionemque in alterius jura alienari nequit in fraudem ullius alterius, sed si quis sit in communiione juris positiva, non nisi ratam suam & jus ad eandem in futurum cum consensu cæterorum (§. 143. *seqq. ibid.*).

Quoniam jus occupandi, venandi, aucupandi, piscandi, alienari potest (§. 671. *P. II. Jur. nat.*), ideoque in genere jura nostra officii causa alienari possunt (§. 670. *ibid.*), quo placet contractu: quatenus autem incerta est juris hæreditatem occupandi, legatum accipiendi, & succedendi alterius in jura adquisitio, eatenus alienatio ejus aleam continet (§. 286. *P. V. Jur. nat.*). Hinc alienatio dicti juris quatenus ab incerto eventu ejus ad-

(*Wolffii Politicæ P. III. S. I. C. V.*)      U u      qui-

quisitio pender, fieri non poterit nisi contractu aleam continente, sive donatio sit, sive emptio spei, aliusve contractus onerosus, in quo æqualitas observanda, quantum fieri potest, requirit, ut circiter eadem sit spes lucri, idemque metus damni (§. 291. seqq. *ibid.*).

Quapropter ut in renuntiatione civili jure stabiliendum est, quod natura debetur (§. 297.): ita quoque jus alienandi utcunque jure successionis ab intestato, aut ex ultima voluntate vel pacto, legibus civilibus conformandum est legibus naturæ, quantum fieri in civitate potest.

§. 299.

*Hypomne-  
ma de privi-  
legiis pia-  
rum causa-  
rum.*

Quo liberalitas in publica commoda amplificanda promoveatur, illa de privilegiis illa provocanda est & augenda, quibus destituitur privata. Donationibus scilicet, legatis, testamentis pactisque successoriis consuli potest commodis privatorum, consuli quoque publicis in communia commoda institutis, teste eorum usu recepto; quibus accenseri merentur, quæ piæ dicuntur causæ, quatenus abusu carent, seu non nisi ad communem salutem provehendam comparantur. Enimvero uti quilibet civis obligatur ad bonum commune civitatis pro virili promovendum (§. 18. & 24. P. VIII. *Jur. nat.*): ita quoque legibus civilibus præscribenda sunt ea, quibus bonum commune obrinetur (§. 969. *ibid.*), & cives obligandi ad obtemperandum legibus (§. 967. *ibid.*). Sed ad beneficia cives melius invitantur præmiis propositis, quam pœnis, & privilegia sunt leges, jus quoddam ut præmium tribuentes, (§. 854. *ibid.*). Ut itaque liberalitas in publica emolumenta amplificanda excitetur, privilegiis illa erit provocanda & augenda, quibus destituitur privata.

Hujusmodi privilegia occurrunt 1) in modo simplicissimo; citra ullas solemnitates eam valide exercendi, utcunque lubet, modo de animo liberali satis constet; 2) in immunitate a sumti-  
bus,

bus, alias ad valide exercendam liberalitatem requisitis; 3) in gratuita exhibitione documentorum & rerum tradendarum; 4) in immunitate a detractu, alias publico ærario solvendo; 5) in securitate præcipua & prærogativa, his causis in concursu creditorum concessa; 6) in largioris fœnoris usura, quod secus vulgo fieri solet ab his, qui dum privatis & amicis favent, voluntati autorum, & fructui eorum, quorum in gratiam sunt instituta, adversantur plus sibi arrogantes, quam habent in acceptis. &c. Superessent alia de beneficiis ordinanda, de alumnorum grata mente, de commodato, deposito aliisque beneficiis pactis. Sed illis alius locus erit accommodatior; & his tanquam contractibus mutux obligationis more usitato locus videtur relinquendus inter cæteros contractus, de quibus jam exponet

## SECTIONIS I.

## CAPUT V.

## DE

## Cura sapienter perficiendi justitiam privatam in contractibus.

§. 300.

**P**resertim probitati publicæ sapienter procuranda est justitia in contractibus; occurrendum vero injustitiæ & injuriæ in eisdem, justitia in quantum datur. Etenim & lex naturæ exigit (§. 789. seq. contractibus. P. III. Jur. nat.), & reip. admodum interest, ut pacta & contractus servantur (§. 232. P. VII. Jur. nat.). Quia inprimis perfecti juris, quod pacta & contractus includunt (§. 794. P. III. Jur. nat.), ratio habenda est in rep. & curandum, ut saltem actus externi civium legibus naturalibus conformentur (§. 395. P. VIII. Jur. nat.): evidens est, probitati publicæ sapienter procurandam esse justitiam privatam in contractibus generis cujuscunque (§. 234.).

U u 2

Quam



Quam justitiam cum omnis injustitia & injuria tollat violetque (§. 859. 874 seq. & 926. P. I. Jur. nat.): injustitiæ atque injuriæ in contractibus sapienter erit occurrendum, ut scilicet inhibeatur, impediatur coërceaturque, quam optime fieri potest (§. 235.).

## §. 301.

Curandum,

ut servantur *lesiones autem & injuria verbales æque ac reales*, quantum fieri civili-promissa, & ter potest, avertantur, evitentur, & si nibilo minus admiffæ fuerint, injuria fu-giantur. reparentur. Est enim justitia in contractibus promovenda, in-

justitia vero & injuria conjunctis viribus arcenda (§. 300.). Sed quia justitia suum cuique tribuit (§. 926. P. I. Jur. nat.), quod legitime alteri promissum est, id ipsi est præstandum (§. 431. P. III. Jur. nat.), tanquam perfecte debitum (§. 437. *ibid.*) & suum (§. 439. *ibid.*). Quare cum promissa servantur, quando præstatur id, quod per ea est præstandum (§. 430 P. III. Jur. nat.), patet, operam junctis viribus in rep. esse navandam, ut legitime promissa servantur.

Quia contractus violantur, quando non servantur, lædi-tur is, cui non præstantur legitime promissa (§. 669. & 671. P. I. Jur. nat.). Cum nemo sit lædendus (§. 695. *ibid.*), & quilibet obligetur ad impediendum, ne quis ab aliis lædatur, quantum in sua est potestate (§. 988. *ibid.*): luculenter apparet, in civitate conjunctis viribus operam esse navandam, ut læsiones & injuriæ, quantum civiliter fieri potest, impediantur, ideor-que & avertantur & arceantur, antequam fiant, & ne fiant, evitentur autem, dum attentantur imminentque jamjam, repa-rentur denique & resarciantur damna jam data (§. 571. P. III. Jur. nat.).

Civiliter dicitur quidpiam fieri vel latiori sensu, vel strictio-ri. Latiori notat id omne, quod salutis publicæ causa in civi-tate

tate conjunctis viribus sapienter statui & adhiberi potest. Strictiori vero id tantum, quod criminale non est. Ita civiliter agitur adversus alterum, quando non quæritur nisi privata injuriæ reparatio; criminaliter vero, quando publicum pœnæ exemplum est statuendum. Hic utimur ampliori illa notione, quam & conjunctæ vires indicant satisque explanant, item civilia instituta, quæ diximus (§. 240.), quæ criminalia non excludunt.

## §. 302.

Ut promissa servantur, adhibenda est legum civilium obligatio, Quomodo immorigeros extorsione debiti suo sumtu coercens, & pœnas, quando præstatio opus est, adhibens. In rep. enim ferendæ sunt leges de illis, quæ promissi ci- fieri debent (§. 582. P. VIII. Jur. nat.). Fieri autem debet præ- viliter pro- statio promissorum (§. 301.). Quamobrem injungenda quo- movenda? que est præstatio promissorum, qua contractus servantur, & ne violetur lex, addenda illi est obligatio civilis, a voluntate superioris proficiscens (§. 149. P. I. Philos. pract. univ.). Si enim legi naturali præcipienti voluntate superioris accedit auxilium in foro, quo judex ad præstandum, quod præstari debet, vi compellit nolentem non sine sumtibus ipsius, lex naturalis abit in civilem (§. 980. P. III. Jur. nat.), & obligatio consistit partim in extorsione debiti, non sine aliqua civis immogeri nota peragenda, partim in sumtibus, mercedis loco ministris extorsionis solvendis.

Si autem complures immorigeri fiant, & judici plurimum negotii, præsertim in rebus leviculis faceffant, & aperte eo ipso ostendant, non sufficere ordinarium auxilium ad compescendam proterviam; aut si prorsus res ad seditionem rebellionemve spectet: ista omnino prohibenda sunt severius, & naturaliter jam prohibitis addere licet pœnas civiles (§. 979. *ibid.*), æque augendæ, ubi opus est, donec tales & tantæ habeantur, quæ cohibendæ legum transgressioni sufficere intelliguntur (§. 585. *ibid.*).

U u 3 Quia

Quia ob minimam quamque læsionem litibus in foro locus concedi nequit, legibus civilibus quoque definiendum est, ob quas læsiones & injurias auxilium vel detur vel denegetur in foro, & quæ culpa pro diversitate negotiorum præstanda sit (§. 988. P. VIII. *Jur. nat.*). Cæteris, quibus ordinario modo vacari nequit, demum casu extraordinario, aut nimis invalescente, in personarum & actionum multitudine, tali injustitia, remedium afferri poterit, statuto exemplo, quod cæteros absterreat.

Non minus executione rei judicatæ, vi nolentem adigente ad præstandum, quod debet, introducitur obligatio civilis, quam pœnis (§. 555. *ibid.*). Aut enim invitus ipse tandem vi adducitur ad præstandum debitum, aut pati cogitur, ut alteri ex rebus suis satisfiat. Utrobique patitur aliquid mali, ob actionem, quæ id meruit. Licet igitur strictiori pœna opus non sit, ubi quis compelli potest ad præstandum id, quod exigit legis præceptum (§. 586. *ibid.*); latius tamen pœnæ nonnihil dici potest illa extorsio præstationis debitorum, non sine vi inferenda & sumtibus ferendis peragenda. Quod ut evidentius evadat, addere nonnulla lubet.

## §. 303.

Duo modi  
invitos adi-  
gendi ad  
præstatio-  
nem pro-  
missi.

*Suis non stans promissis aut comminatione executionis se adigi patitur ad illa præstanda, aut ne illa quidem, sed opus est violenta executione rei judicatæ.* Fieri enim nequit, ut idem simul sit & non sit (§. 28. *Ontol.*). Inde suis non stans promissis non potest simul adigi & non adigi comminatione judicis ad promissa præstanda. Si ergo patitur se comminatione executionis adigi ad servanda rite promissa, non opus erit executione. Si vero ea se nondum adigi patitur, opus tandem erit violenta rei judicatæ executione.

## §. 304.

Num quid  
pœnæ adjun-

*Si quis non nisi executionis comminatione se adigi patitur ad promissa præstanda, is quandam famæ suæ labem aspergit, ideoque eo ipso*



ipso nonnihil pœna incurrit. Dum enim non nisi metu violentæ tum sit com-  
 exsecutionis imminens sibi a iudice adigi se patitur ad promiss-  
 fa præstanda, animum prodit a virtute & officio suo alienum, exsecutio-  
 non tantum parti adversæ, sed & iudici, & per hos simul plu-  
 ribus aliis civibus ac peregrinis, qui illius denegati officii cer-  
 tiores fiunt. Enimvero uti bona hominis fama oritur ex vir-  
 tutibus, ita mala fama seu labes famæ oritur ex vitiis (§. 553.  
 P. I. Jur. nat.). Si famam servare nequit, nisi qui solícite ca-  
 vet, ne bona in malam degeneret (§. 556. *ibid.*): famam aut  
 perdit, aut labe adspersgit, quisquis officio & virtuti contraria  
 evidenter prodit. Sed hoc facit ab officio promissa servandi  
 alienum se probans, nec nisi invitum illi parens. Ideoque fa-  
 mæ suæ detrahit, quidquid iustitiæ derogatum cupit, reddit-  
 que aliorum animos non sine causa a se & a suo commercio  
 alienos. Sed pœnæ loco etiam est detrimentum & ademptio  
 bonæ famæ atque existimationis (§. 589. P. VIII. Jur. nat.): uti  
 præmii loco est gratia hominum, existimatio & fama bona (§.  
 185) Quare qui famæ suæ maculam quandam contrahit, is  
 utique pœnæ nonnihil subire censendus erit.

Diversi non immerito dantur gradus macularum famæ con-  
 tractarum, quoniam diversi dantur gradus neglecti officii, cum  
 numero tum gravitate officiorum. Si has maculas referre ma-  
 lis ad pœnas naturales, concedi illud ex parte potest, ex parte  
 tamen civilis erit, quatenus conjunctis civium viribus irrogatur,  
 continuatur, & noxa in violatorem pactorum redundans eo ma-  
 jor redditur ampliorque (§. 306. *seq.* P. I. Phil. pract. univ.).  
 Uti aliorum de nostra violatione pactorum iudicium ignominia  
 est (§. 811. P. I. Jur. nat.), eaque vera, quatenus officii dene-  
 gatio est vera (§. 816. *ibid.*), & eo major, quo vel culpa est gra-  
 vior vel dolus (§. 881. *seq.* P. VIII. Jur. nat.) & (§. 709. *seq.*  
 716. & 759. P. I. Phil. pract. univ.): ita quæ homini ignominia  
 sunt, non sunt nisi mala naturalia, quorum ipse est causa libera  
 (§. 827.

(§. 827. P. VIII. *Jur. nat.*), & quæ tum a Deo tum ab hominibus, qui alios obligandi jus habent, ob peccatum peccanti immittuntur, ideoque pænæ levioris loco habenda (§. 285. P. I. *Phil. pract. univ.*). Neque hic valet præceptum *Juris naturæ*, nemini ea esse propalanda, quæ aliis ignominia sunt (§. 828. P. I. *Jur. nat.*), quippe quod verbotenus occulta & latentia involvit, quæ sola propalari possunt. Qui enim ipse manifestat, quæ sibi ignominia sunt, uti qui promissis stare detrectat, & suam injuriam in forum deduci cupit, ut a judice compellendus sit, ad abstinendum ab ea: is dicere nequit, alios suam ignominiam propalasse, quibus potius ansam dat, ut de ea tanquam re divulgata omnes loquantur, se invicem monituri, ut ex casu alieno discant, a quo sibi sit cavendum, & felix dici possit, quem faciunt aliena pericula cautum. Qui animum induit ab officio desciscendi, eumque aperte prodidit, is ipse aliis suggerit opinionem, se & in posterum ab officio alienum esse futurum, saltem injustum futurum, nisi compelli possit, ne sit. Quo ipso se virtutum osorem & vitiorum sectatorem probabit, bonis quibusque invisum & fugiendum.

## §. 305.

*Cur executio nonnihil pænæ contineat?*

*Quisquis ipsa demum executione ad officium præstandi legitime promissa adigendus, is præter famam magis labefactatam, sua contumacia sumitur quoque, si non judicii saltem executionis, aut et contumacia pœnam incurrit.* Executio enim aut versatur circa dandum, aut circa faciendum quidquam, ad quod sententia judicis reum obligat. Si vi extorquendum id, quod dandum est, sententia judicis vel exigit restitutionem rei, vel solutionem, ideoque executio consistet vel in expletione juris, vel in oppignoratione invita (§. 552. P. VIII. *Jur. nat.*). Illa infert ablationem & redditionem rei restituendæ violentam, aut si ipsa haberi statim nequit, rei alius, æquivalentis, loco ejus, quam quis reddere detrectat (§. 1113. P. V. *Jur. nat.*), ita ut rei ablatae dominium adquiratur (§. 1119. *ibid.*); hæc autem ablationem rei deti-

detinentis nostram, nostra melioris & carioris, non ante restituendæ, quam recuperavimus nostram (§. 1118. & 1142. *ibid.*). Utraque refractariam mentem non tantum erga alterum contrahentem, sed & erga magistratum arguit, ideoque majorem famæ labem adspersit, quam si ipsi comminatio judicis suffecisset ad officium præstandum (§. 303.). Cum vero exsecutio fieri nequeat, sine mercede largiori operæ eorum, qui exsequi sententiam jubentur; cum & judicium ipsius injustæ officii denegationis causa sit habendum, & innocenti sumtus ipsius culpa creentur: pro meritis suis non tantum ab eo exigentur sumtus exsecutionis, & subhastationis, si ea opus sit, verum & judiciales, tanquam damnum alteri datum innocenti, ideoque refarciendum (§. 580. *P. II. Jur. nat.*). Cum pænæ civiles consistant vel in privatione & ablatione rei cujusdam suæ, hoc est ejus, qui puniendus & vi adigendus est ad officium suum, vel in dolore corpori infligendo (§. 588. *P. VIII. Jur. nat.*), ideoque vel mala fortunæ vel corporis contineant, & in priorum numero quoque existimatio, fama & res familiares habeantur: pænæ numero habenda quoque est diminutio bonæ existimationis, famæ, & opum, per sumtus præstandos jacturam patientium (§. 589. *ibid.*).

Si vi extorquendum id, quod alteri faciendum est, id si æstimationem non recipit, vel non perinde est, sive actu præstetur, sive ejus æstimatio, victus pœna compellendus est ad faciendum, quod sententia exigit (§. 558. *P. VIII. Jur. nat.*). Si id æstimationem recipiat, & alter ea contentus esse velit, quando hanc sponte sua præstare recusat, iterum exsecutione opus erit, ut in casu priori. Utrobique ergo & facti extorsio non sine pœna nocituri absolvetur, etiamsi is non peculii contumaciæ pœna dignus videatur. Qua accedente, ipsa tanto erit manifestior exsecutio pœnalis.



Quibusnam pœnis contractibus suis non satisfaciētes compellendi sint ad faciendum omittendumve, quod debent, id vel legibus definitur, vel arbitrio iudicis relinquitur, ut pro re nata & personæ sorte talis eligatur, quæ sufficit ad obtinendum scopum. Si qua pœna ipso contractu est conventa, quam dare illius reus detrectat, iudicis erit, illam exsequi, tanquam eam, in quam consensit. De pœnis strictius acceptis, dictum est in antecedentibus iustitiæ ansis.

## §. 306.

Quis modus  
contrahendi  
lege civili  
prescriben-  
dus?

Quoniam superior ex pluribus modis, quibus aliquid fieri potest, eligere & lege civili eum præscribere potest, quem iudicat cæteris esse præstantiorem (§. 978. P. VIII. Jur. nat.): eligi quoque ex pluribus contrahendi modis & lege civili præcipi is potest, qui cæteris est præstantior, ut contractus eo sit validior, & promptius auxilium in foro experiatur (§. 305.)

## §. 307.

Nempe cate-  
ris præstan-  
tior.

Is vero modus cæteris præstat, quo fraudes quam optime arceantur, facilius redditur veritatis probatio, & certior executio obtinetur. Fraus enim lege naturali est prohibita (§. 148. P. V. Jur. nat.), & ab omni pacto sive contractu fraus omnis abesse debet (§. 149. *ibid.*). Quare & in rep. conjunctis viribus in id incumbendum est, ut fraudes omnes a contractibus arceantur (§. 395. P. VIII. Jur. nat.). Eligendus igitur præscribendusque est ejusmodi contrahendi modus, quo fraudes quam optime arceantur (§. 306.), ut tuti ab illis esse possint, quotquot modum illum sequuntur.

Quo difficilius est probatio contractus, eo plus temporis & sumptuum postulabit, eoque ægrius iudex de veritate promissorum in contractu vincetur, quam esse indolem difficultatis probandi contractum omnes facile perspicient adhibita attentione. Inde quo facilius est probatio contractus, commo-

nori

norum sumtu breviorique tempore, & certiori ratione iudex de veritate rei gestæ inter contrahentes convincetur. Ex convictione iudicis cæteris paribus iusta fluet sententia, fraudes coercitura.

Latam ex convictione de iustitia sententiam damnatus aut sponte implet, & sic certo obtinetur, quod quærebatur; aut tergiversatur & eidem satisfacere recusat. Hoc casu iudex seu comminatione executionis, aut ipsamet executione eum adigit ad promissa adimplenda, & ad parendum sententiæ latæ (§. 303.). Inde & is modus contrahendi cæteris præstantior est censendus, qui faciliorem habet probationem, certioreque sententiæ ferendæ executionem.

Quia nemo est lædendus, & damnum alteri datum reparandum, in civitate ideo instituta, ut officiis naturalibus eo rectius & certius satisfiat, ferendum non est, ut quisquam alterum lædat, & damnum alteri datum est resarciendum (§. 301.). Cum in pactis & contractibus facile alter alterum circumvenire fraudulenter & lædere possit, damnum ut ipsi det, ipse vero ex alterius damno locupletetur: curandum sapienter est, ne id fiat, sed ut fraudibus proscriptis omnia recte conveniantur, & si quis alteri damnum dare ausit, ut compellatur ad ipsi satisfaciendum. Hoc fieri rectius nequit, quam eligendo exquisitiores & a fraudibus remotiores contrahendi modos, quibus & jura & officia reddantur eo expeditiora.

#### §. 308.

*Matrimonium recte refertur ad contractus, regulariter non nisi An & quæcumque vita alterutrius finiendos.* Est quippe matrimonium societas, lis contractus, five pactum sobolis rite procreandæ & educandæ causa initum. *ut sit contractus?* (§. 276. P. VII. Jur. nat.). Sed pactum & contractus naturaliter non differunt (§. 794. P. III. Jur. nat.). Recte igitur matrimonium quoque contractus vocatur, vel ad contractus refertur.

Quia matrimonium jure naturali perpetuum esse debet (§. 1078. P. VII. Jur. nat.): idem est contractus regulariter non nisi cum vita alterutrius conjugis finiendus, nisi nequiter alia intercedat ratio sat gravis.

Idem quoque sic patet, contractus est conventio perfectam producens obligationem (§. 793. P. III. Jur. nat.), vel ut JCtis Romanis dicitur, obligatio ultro citroque, h. e. mutua seu reciproca *l. 19. ff. de V. S.* qualem inter conjuges dari, controversia caret (§. 462. seqq. & 468. 474. P. VII. Jur. nat.). Talis datur quoque quadamtenus in contractibus beneficis (§. 417. P. IV. Jur. nat.). Ob perfectam, quæ inde oritur, obligationem, Romani quoque ex illis dedere actionem in foro, unde & contractus dicunt pacta, ob quæ datur actio in foro. Potest conjugium contractibus beneficis toties accenseri, quoties inde vel alterutri conjugi, vel utrique, non solum durante matrimonio utilitas insignis, sed & haud raro omnis, saltem dimidii conjugis locupletis patrimonii acquisitio inopi post mortem aut dissolutionem matrimonii enascitur, gratis licet non sine mutua obligatione percipienda. Quoniam gravioris momenti in rep. est matrimonium, quam cæteri contractus benefici, mutuam habentes obligationem, prius de illo agendum videtur, admonendumque, illud aliis de causis quoque onerosis contractibus inferendum esse. Unde mixtus ex oneroso & benefico hic contractus recte diceretur.

#### §. 309.

*Cujusmodi*

*Ut constare civibus rudioribus possit, quinam, quale, & quomodo conjugium recte inire possint, aut nequeant, legibus opus est matrimonialibus, ad jus naturæ exactis.* Neque enim omnes vel naturaliter habiles sunt ad matrimonium (§. 271. 279. P. VII. Jur. nat.), vel moraliter (§. 826. seqq. *ibid.*) & (§. 282. seq.). Neque omne genus matrimonii convenit Juri naturæ, uti non convenit ipsi matrimonium imperfectum (§. 477. P. VII. Jur. nat.), neque



neque temporarium (§. 478. *seq. ibid.*), neque polygamia (§. 300. *seqq. ibid.*), sive polyandria sit, sive polygynia (§. 283. *seq. ibid.*) & (§. 296. & 302. *ibid.*); sed monogamia (§. 298. *ibid.*). Neque statim convenit scopo matrimonii & forti familiæ, matrimonium in se non illicitum (§. 386. *Oecon.*). Neque omnis modus, v. c. clandestinus, invitis non abs re parentibus (§. 953. *P. VII. Jur. nat.*), sub turpi aut impossibili conditione (§. 410. 416. *seq. ibid.*) & (§. 385. *seq. 404. & 480. Oecon.*). Quoniam per matrimonium opes in conjugem & liberos transferri solent (§. 754. 983. *P. VII. Jur. nat.*); civitas opibus & nervo rerum gerendarum orbari posset, si promiscue ditissimis liceret cum peregrinis, in primis hostibus, matrimonium inire & opes suas ad illos transferre. Facile admodum foret, emissis procis quocunque splendido obtentu civitatem opibus suis exuere & mirum quantum debilitare. Quare cum salutis publicæ adversa legibus sint prohibenda, & eidem profutura præcipienda, ut, quantum fieri potest, custodia legum naturalium obtineatur (§. 969. 973. & 977. *P. VIII. Jur. nat.*), cum ex pluribus modis is præferendus præcipiendusque sit, qui cæteris præstantior deprehenditur (§. 978. *ibid.*): manifestum est, ut salutis publicæ rite consulatur, & civibus rudioribus constare possit, quinam, quale & quomodo matrimonium valide inire possint aut nequeant, docendos eos obligandosque esse legibus matrimonialibus, ad Juris naturæ normam exactis conformatisque.

Si recte inhiberi potuit pruritus cœnobii replendi, ineundi & in immensum cum detrimento civitatis locupletandi (§. 284. *not.*): nil obstat, quo minus & alius abusus v. c. matrimonii, in detrimentum reip. & familiarum vergens, pactis legibusque impediatur puniaturque, quantum sufficere possit, ad eum tollendum. Petendæ sunt hæc leges ex illis, quæ Jus naturæ præcipit de conjugii, & prohibet de illorum contrariis, *cit. P. VII. Jur. nat.*

De legibus  
sponsalio-  
rum.

§. 310.

Quia matrimonia præcedere solent sponsalia tanquam pacta de matrimonio ineundo (§ 369. P. VII. Jur. nat.), ex deliberationibus præviis oriunda (§. 371. *ibid.*): ne quid in illis admittatur, quod legi naturæ adversatur, *cives legibus civibus docendi sunt obligandique ad evitanda sponsalia prohibita & clandestina*, quæ sine testibus & consensu eorum, quorum interest, contrahuntur, ideoque sæpissime noxia, aut & bina vel plura, vel cum concubitu & imprægnatione conjuncta esse solent (§ 309.) & (§. 391. 373. *seqq.* P. VII. Jur. nat.); item quomodo pure, vel in diem, vel sub conditione valide contrahi possint aut nequeant (§. 370. & 416. *seq. ibid.*); *quanam ex pluribus initis valida esse debeant; ob quem morbum, dissensum, errorem, dolum vel sceleratum actum sint dissolvenda, vel minus* (§. 384. *seq.* 375. *seq.* 380. *seqq.* 383. & 386. *ibid.*); *quid de arrhis & muneribus sponsalitiis valere debeat* (§. 393. *seqq.*).

Ita habentur in juribus romanis aliisque variæ leges de sponsalibus, eorum probatione, effectu, obligatione, rescissione; de repudiis, quibus ab iis receditur idonea ex causa, (§. 509. P. VII. Jur. nat.), de eorum differentia a tractatibus sponsalitiis, de errore, metu & dolo sponsalia vitiant, aliisque similibus.

§. 311.

De regendis  
tuendisque  
pactis dota-  
libus &c.

Antequam consummetur matrimonium, iniri haud raro solent pacta, quibus tum de dote, & quid juris in eam vel marito esse, vel uxori reservatum esse debeat; tum de donatione propter nuptias; tum de successione, & modo, quo sibi invicem succedere debeant, convenitur (§. 930. 946. & 1073. *seq. P. VII. Jur. nat.*). Quare cum illa nitantur jure dominii, & si legitime ineantur, servanda sint (§. 431. P. III. Jur. nat.), & in civitate promovenda sint ac tuenda (§. 301.): *legibus quoque civilibus tutissima pactorum conjugalium ratio præscribenda, & ut inita rite serventur opera est danda* (§. 978. P. VIII. Jur. nat.) & (§. 307.).

Civi-

Civibus libera esse debet facultas paciscendi statuendique de rebus suis pro officiorum suorum ratione, uti ipsis factu optimum videtur (§. 245. *seqq.*). Quocirca & in matrimonio ineundo liberum esse debet inituris, ut memores sint peculiarium officiorum, quibus sunt adstricti, ut pro ea, qua polleant, sagacitate, futuris prospiciant casibus, quibus communi more & lege prospici non solet. Hinc pactis dotalibus reservare sibi sponsus & sponsa potest dominium integrum bonorum suorum, & convenire inter se, quid uterque ad ferenda matrimonii onera in commune conferre debeat, modo ordinario, & extra ordinem; quid imperii in domesticos cuique tribuendum; quid juris uni in alterum certis casibus esse aut non esse debeat; quid auxilii alteri ab altero datis in conditionibus ferendum; qualis sors & successio liberorum in bona parentum esse debeat; quid in memoriam & honorem conjugii bene peracti alteri ab altero sit post fata expectandum; quid de liberorum religione sit statuendum, quando parentes diversæ sunt religionis; num sexus liberorum sexui parentum conveniens, norma esse debeat religionis liberorum initiandorum? Potest vero etiam sponsa futuro marito vel omnem usum fructum & administrationem dotis suæ seu bonorum suorum concedere, vel & paraphernalia & receptitia quædam bona sibi reservare, prout convenire inter paciscentes potuit. Quæ pacta & conventa dum nihil illiciti habent, utique servanda sunt, & autoritate publica roboranda ac tuenda.

## §. 312.

Opus quoque est in civitate legibus nuptialibus, quibus nuptia- De legibus  
rum ordo, ritus & sumtus ad salutem publicam dirigatur, ac ne con- nuptialibus.  
tra illas agatur, pœnis cavetur. Nuptiæ enim sunt actus, quibus adimplentur sponsalia, & matrimonium actu initur ac consummatur (§. 498. *seq. P. VII. Jur. nat.*). Qui cum in civitate publice ac decenti ordine, qui varius esse potest, fieri debeant; is ordo, qui præ cæteris arrisit, legibus nuptialibus est præscribendus (§. 978. *P. VIII. Jur. nat.*).

Præ-



Præterea quia ceremonias nuptiales instituere licet, & in statu naturali unicuique jus est ceremoniis nuptialibus utendi, quibus libuerit (§. 502. P. VII. Jur. nat.), modo recti sint (§. 503. *ibid.*), sed in statu civitatis illæ communi omnium consensu eligendæ & legibus firmandæ sunt (§. 978. P. VIII. Jur. nat.). Jam ceremoniæ sunt ritus officium suggerentes & significantes, quod observandum est (§. 808. P. III. Jur. nat.). Ergo & ritus nuptiales legibus nuptialibus injungendi sunt, quibus civibus sit utendum, ne quid officii in celebrandis nuptiis omittatur.

Cum in nuptiis celebrandis facile damnosus excessus committi possit soleatque circa sumtus, in neonymphos, convivium nuptiale, & alias festivitates impendendos, quando inopes opulentos imitari, aut alii ultra sortem suam inepte se evehere nituntur: compescenda est legibus nuptialibus luxuria reip. nocituræ, præscribendo diversæ civium sorti, quid illius dignitati concedendum sit, quid negandum, ut omnia sapienter, moderate & ordine justo fiant. Quæ statuta ne remere violentur, utique pœnis convenientibus & suffecturis est cavendum.

Appellari hæ leges nuptiales solent constitutiones vel ordinationes nuptiales (*Hochzeitordnungen*), quibus moderata impendia sorti civium ita attemperantur, non ut ea facere necesse sit, sed ne quis ultra concessa sibi quidquam impune arroget. Potius minora & vel minima cuique permittuntur, qui justam facultatem suarum rationem habere officii causa velit. Inde numerus convivarum, modus vestitus & ornatus, numerus & qualitas ferculorum & potulentorum, bellariorum & lautitiarum, omnisque cæteri apparatus solemnis, musicæ, temporis quoque ratio rite habenda præscribi consuevit, ut frequentiores abusus, quantum fieri potest, avertantur. Qui enim ultra vires suas superbire, aliosve fraudulentè circumvenire gestiunt; illi æs contra-

hunt

hunc alienum, difficulter aut nunquam diluendum, itaque se & alios reddunt infelices, læduntque, quod ferendum non est. Pertinet huc publica denuntiatio seu proclamatio nuptiarum instantium tribus dominicis diebus ideo præmittenda, ut si quid impedimenti legitimi nuptiarum concedendarum celatum sit, id manifestari debite possit, simili instituto, quo Romæ trinundinum expectabatur, antequam nova lex promulgaretur. Pertinet eodem declaratio publica consensus matrimonium contrahentium coram testibus, ad hunc actum invitatis, vel coram magistratu, adhibitis cantilenæ & preces, promissio fidei conjugalæ & officii, junctis dextris, annulisque pronubis datis permutatisve, copulatio sacerdotalis & inauguratio pia, congratulatio, lautius convivium, concentus musicus & tripudia interdum, denique deductio sponsæ in domum & ad genialem thorum vel thalamum, quo consensu, sive concubitus accesserit, sive minus, consummatum censetur connubium. Erant & Græcis, & Romanis aliisque gentibus variæ connubiorum ceremoniæ, & in his quoque tabularum nuptialium lectio & subscriptio, sacrificia ad aras facienda, confarreatio per pontificem maximum, conjuges frugibus & mola salsa, item conjunctione dextrarum jungentem, ut in manum convenirent, igne & aqua adhibitis; coemptio facilioribus ceremoniis absolvebatur, qua vir & uxor in familiam, ut hæredes sui admittebantur, & sibi invicem in bonis & fortunis succedebant. Quæ & plurima alia gamica in aliis fufius commemorata reperiuntur, ut nihil attineat, illis recensendis immorari.

## §. 313.

Propter varias lites, quæ circa matrimonium occurrere solent, opus est & legibus ad earum decisionem facientibus, & judicio causas connubiales excutiente, inprimis quæ de divortio agunt. Multa enim sunt in civitate conjugia, & esse debent propter illius conservationem (§. 270. seq. P. II. Polit.). Jam ob jugem vitæ consuetudinem, animorumque & morum diversitatem, cessat tum simulatio & dissimulatio ante nuptias ad placendum alteri composita,

Leges foren-  
ses connubia-  
les.

(Wolffii Politica P. III. S. I. C. V.)

Yy

sita,

sita, innotescunt neonymphis vitia, & si quæ insuper fraudes sunt adhibitæ, si contractum æs alienum fuit. Degenerat quoque haud raro animus ad meliorem sortem evectus, pravis inclinationibus indulgere studet, atque ab officio desciscit. Inde privata primum odia, dissidia, jurgia & opprobria, mox querelæ publicæ ad iudicium delatæ, aut desertio conjugis, vel & graviora scelera nascuntur, adulteria, vulnera, homicidia &c. Quibus ut obviam iri, & medela, quanta potest, afferri possit, & legibus opus est, quibus innocentibus subveniatur, nocentium vero libidini ac licentiæ obex ponatur, & iudiciis senatus sacri sive ecclesiastici, quibus ejusmodi causæ ventilentur, præsertim si divortium ab innocente quærat, saltem separatio a thoro & mensa.

Intelligi ex antecedentibus potest, quot officia circa sponsalia, nuptias, dotem & bona conjugum, inter conjuges occurrant, & quot eorum neglectus, quot controversiæ, quot actiones officiis contrariæ, & delicta, saltem injuriæ, oriri & intercedere possint, ac soleant, quibus & civili lege, obligatione & iudicio medendum est, quantum fieri potest. *Consistoria* & *synedria* vocari solent iudicia sacra, in quibus causæ connubiales, aliæque ecclesiasticæ excuti & decidi solent; quanquam & latius dicebantur consistoria loca, in quibus principem circumstabant aut & confidebant consilarii, comites & amici, ad rem quamdam deliberandam acciti. De latiori illo sensu nunc non sumus solliciti; strictius autem & proprie dicta *synedria* esse in civitate necessaria, ex modo allatis liquet.

§. 314.

*Quid statuendum sit de divortio?*

Cum res magni momenti sit, & naturæ conjugii initi adversa (§. 308.) dissolutio ejus, sive prorsus, sive aliquatenus instituenda; utraque non nisi gravibus de causis, quas potiora requirunt officia, est admittenda. Quæ ut consent civibus non tantum, sed & majorem imponant obligationem eas vitandi, &



& certiorē, nisi eas evitent, pœnam: *legibus connubialibus indicanda prohibendæque sunt causæ morales avortiorum, & separationis a thoro & mensa, additis sanctionibus pœnarum* (§. 509. P. VII. Jur. nat.). Quæ leges simul norma sunt inferiorum judicium factorum.

Sunt autem præcipuæ matrimonium dissolvendi causæ, adulterium commissum, si id pars læsa consultum deprehendat (§. 511. seqq. P. VII. Jur. nat.); malitiosa desertio conjugis (§. 514. *ibid.*); obstinata & perpetua recusatio debiti conjugalis (§. 515. *ibid.*); inimicitia irreconciliabilis, præsertim conjuncta cum vitæ insidiis, & periculis sanitatis integritatisque membrorum; detectæ machinationes insidiarum vitæ, impotentia ad matrimonium aperta, & morbus contagiosus insanabilis. Vbi causæ naturales, impediētes matrimonium, eo minus attendendæ sunt, item morales, quæ ante vel notoriæ fuerunt, vel explorari facile potuissent, quo minus illæ sunt in potestate, & fortuito accidere possunt insontibus, hæ vero tacite condonatæ videntur & condonandæ ab eo, qui cautius contrahere matrimonium debuisse. Neque tamen impune ferendum est adulterium conjugum, si notorium fiat, licet sibi conjuges id mutuo permittere velint; neque lenocinium vel mariti, quia illicitum est (§. 366. *ibid.*), & salutis publicæ adversum. M. Antoninus Philosophus non ignoravit, uxorem suam Faustina, adulteriis esse infamem, id dissimulavit, & monitus ut eam repudiaret, fertur dixisse; si uxorem dimittimus, reddamus & dotem (imperium scilicet a socero acceptum), teste *Capitolino* §. 7. Inter morbos lepra, furor insanabilis, contagium fœtidum a coitu arcens ac insanabile. Alii morbi insanabiles huc non referuntur, in primis nullo vicio contracti, sed instar calamitatis a Deo immisæ habendi sunt; sic & quando vel divortio admissio, vel conjugio naturaliter soluto, sequentes nuptiæ contrahendæ, & quomodo, ne cuiquam injuria fiat, legibus est injungendum. Quare in levioribus causis, ut in odio & inimicitia, cui spes conciliationis superesse videtur, ad summum separatio a thoro & mensa locum habebit.

§. 315.

*Cura com-  
merciorum  
quæ requira-  
tur?*

Haud multo minoris momenti & necessitatis quam con-  
jugia sunt in rep. commercia tum externa tum interna, dum ab  
illis potissimum opulentia civitatis & nervus rerum gerenda-  
rum dependet (§. 62. seq. Jur. Gent.). Quapropter & commer-  
cia peculiarem requirunt curam civilem, ad eorum florem  
promovendum, impedimenta & detrimenta vero e medio tol-  
lenda (§. 300.) & (§. 1029. P. VIII. Jur. nat.). Opus igitur est  
idoneis ad commerciorum æquitatem, justitiam, incrementa & stabilimenta  
tuenda & contraria avertenda institutis (§. 301.).

§. 316.

*Quid sint le-  
ges mercato-  
riæ?*

*Leges mercatoriæ* vocantur leges, quæ obligant cives ad  
justitiam æquitatemque in commerciis, uti privatæ prosperita-  
tis, ita & publicæ salutis causa, sectandam secundum sapienter  
electos præscriptosque modos præstantiores.

Licet naturales prossent leges de emtionibus & permutationibus,  
quibus commercium ut plurimum exercetur, de quibus conferen-  
dum est *caput. 4. P. IV. Jur. nat.*; suppetunt tamen rationes, cur  
& hæ leges conditioni civitatis accommodentur, quantum earum  
in civitate ratio commode haberi potest, saltem ratione justitiæ  
attendendæ, & cur salutis publicæ causa civili obligatione mu-  
niantur. Pariunt & hic officia commercantium jura, unde jus  
commerciorum vel mercatorum dici consuevit. Locum & hic  
habent quædam jura peculiariora & singularia, quæ privilegia mer-  
catorum vocantur, & ex tenore concessionis æstimanda sunt.  
Neque tantum scriptæ leges mercatoriæ habentur, sed & non  
scriptæ, seu receptæ consuetudines, quæ instar legum valent &  
observantur. Vti *Gerh. Ma. Lynes* edidit consuetudinem vel  
legem mercatoriam angl. fol.

§. 317.

*Requirat  
resp. leges*

*Ad commerciorum justitiam, securitatem, conservationem & in-  
crementa promovenda & his contraria amovenda, comparanda sunt leges  
mer-*

*mercatoria, & sollicite observanda.* Opus est nempe in civitate *mercatorias* idoneis institutis ad commerciorum justitiam, æquitatem & *debite obser-* emolumenta procuranda, illis autem adversa amolienda (§. 315.). *vandas.* Sed hujusmodi institutis primario accensendæ sunt leges civiles ad justitiam, æquitatem & reliqua commerciorum emolumenta obtinenda, & fuganda illis contraria comparatæ & obligantes (§. 302.). Quare cum civitas ea, quibus ad salutem publicam indiget, subsidia, ut alibi sic & in officiis virtutibusque erga alios, sibi conjunctis viribus comparare debeat (§. 160. seq. & 235. seqq.), cum leges mercatoriæ appellentur leges, quibus observanda in commerciis justitia & æquitas una cum modis ad emolumenta publica quam optime aucupanda, tuenda & amplificanda facientibus, præscribitur non tantum, sed & cives obligantur suis & commodis & pœnis ad illas leges non violandas, sed potius implendas (§. 316.): ferendæ sunt leges mercatoriæ, quæ ipso usu rerum præstantiores deprehensæ fuerunt, & statui civitatis ejusque commerciorum sapienter sunt conformatæ. Ne vero frustra ferantur aut latæ sint, curandum quoque est, ut a civibus observentur, nec impune violentur (§. 216.).

## §. 318.

*Legibus mercatoriis definiendum est, quousque nobilibus, agrico-* Quid in com-  
lis, opificibus, artificibusque libera sit relinquenda venditio rerum suarum, mercio domi-  
seu inter cives, seu inter vicinos externos; & quæ commercia solis mer- nis & mer-  
catoribus sint reservanda? Legibus enim mercatoriis obligandi *catoribus*  
sunt cives ad justitiam & æquitatem in commerciis cum pro- *tribuendum*  
priæ utilitatis, tum publicæ salutis causa, ita sectandam, uti *sit?*  
jubent modi præstantiores sapienter electi (§. 316.). Sed pro-  
priæ utilitatis ratio flagitat, ut quisque dominus res suas, quas  
habet venales, iis in vicinia vendere possit, a quibus plurimum  
lucrari potest. Nisi igitur civium & exterorum indigentia



collidatur, concedendum est cuique, ut vel inter cives, vel inter vicinos extraneos vendere res suas quam plurimi possit, modo nihil admittat salutis publicæ adversum (§. 21. P. VIII. Jur. nat.). In collisione autem officiorum erga cives & externos, prior civium ratio est habenda, propter mutuam civium erga se invicem majorem obligationem (§. 1085. *ibid.*). Si quid privati lucelli ira perirer, quod ab exteris haberi potuisset, id utilitate publica pensatur, quæ singulis pluris esse debet (§. 25. P. VII. Jur. nat.), cum omnium salutis in civitate consulendum sit (§. 17. *ibid.* & *seqq.*). Patet igitur, legibus mercatoriiis consulendum ita esse salutis mercatorum, & societatum mercatoriarum, tribuendo ipsis id, quod solis est relinquendum, ut & nobilibus, agricolis, artificibus, opificibusque integra maneat potestas, res suas vendendi, quam plurimi salva salute publica fieri potest.

Sæpius de ea re querelæ in civitate oriuntur, quando vel domini contra mercatores, vel hi contra illos insurgunt, & suis juribus derogari hoc vel illud contendunt. Quare ut querelis, quantum pote, occurratur, legibus suum cuique tribuendum curandumque, ne id impune violetur. Huc quoque pertinet quæstio, quantum juris nobilitati in societatibus mercatoriis concedi possit, aut nequeat? De qua re disputatur in libris *la noblesse commercante* & *la noblesse militaire*.

## §. 319.

*Quatenus reip. causa restringendum sit commercium?* *Libera quidem civibus esse debent commercia, quatenus tamen sapienter salutis publicæ sint subijcienda, legibus mercatoriis est injungendum assidueque curandum. Domini enim rerum, & mercatores, qui dominium illud contractu quodam in se derivant, experientia magistra, sua in exercendo commercio quærunt commoda & emolumenta, quanta adipisci possunt. Huic curæ inrenti, facile obliviscuntur sui erga civitatem officii, aut & do-*  
loſe

lose se subducunt officio erga remp. sibi que arrogant, quidquid illi subtrahere possunt. Quapropter ut legitima habeatur reip. ratio, nec ea tantum indemnitas præstetur, ratione eorum, quæ mercaturæ causa impendenda sunt, sed & ratione curarum & operarum in commerciorum securitatem & justitiam tuendam: injungendum est sapienter legibus, quid commercii causa a civibus & peregrinis pendendum sit, sive a privatim negotiantibus, sive a publicis mercatorum societatibus, in nundinis, vel extra nundinas in commercio quotidiano. Ne vero negotiantes migrare audeant sapienter statuta in legibus, ea adhibenda est cura & custodia legum, per quam non facile quisquam contra leges impune agere possit (§. 317.).

Aliter commercia curantur ad privatæ, aliter ad publicæ rei emolumentum. In civitate utrumque studium sapienter est conjungendum, ne alterum alteri noceat. Consuli de rebus huc facientibus possunt libri, qui de commerciis nuper editi sunt, v. c. *Hist. & commerce des colonies angloises; les Eléments du Commerce*. Libertas scilicet singulorum in civitate eatenus restringenda est, quatenus ad bonum publicum promovendum id postulat justitia & æquitas (§. 47. P. VIII. *Jur. nat.*). Quem in finem multa sapienter sunt instituenda & diligenter curanda, ne dum privati suis litant compendiis, resp. capiat detrimentum; vel dum reip. ejusve rectori aut rectoribus consulitur, cives attenuentur emunganturque.

#### §. 320.

Compendio pariter ac securitati pecuniæ, præsertim in longe distantia loca absque jactura periculo transferendæ, sapienter attemperandum *vendo* Jure est jus, quod dicunt, *cambiale*, *hauriendum ex lege natura*. Continet *cambiali* seu enim *cambium* permutationem mercenariam pecuniæ diversi *argentarii* generis (§. 1. P. V. *Jur. nat.*), v. c. *aureæ & argentææ*, *monetæ majoris & minoris*, *saxonicæ & gallicæ*, *notæ melioris & deterioris*, seu *vilioris*. Perinde est, sive hic contractus ita ineatur,

& pro pecunia quadam alia pecunia solvatur ipsimet danti, vel alii cuiquam; confestim, aut post elapsum tempus quoddam; in eodem an alio plane loco (§. 11. *ibid.*). Quemadmodum convenit inter permutaturos de mercede, moneta, loco & die solutionis: ita pacta sunt servanda, aut indemnitas procuranda est illi, cui præstita non sunt promissa (§. 789. *seqq.* P. III. *Jur. nat.*). Loco pecuniæ autem tantum mittitur schedula cambialis parvo non tantum sumtu, sed & citra periculum perdendæ in via pecuniæ. Si literæ cambiales admittuntur, solvitur pecuniæ debitæ summa in moneta ibi usitata tempore statuto. Quæ ut fiant salva justitia & æquitate, legibus caveretur cambialibus, quas complectitur jus cambiale. Quoniam cambium est juris naturæ (§. 60 *ibid.*); & jure civili promovenda est custodia legis naturalis (§. 395. P. VIII. *Jur. nat.*): patet, jus cambiale sapienter conformandum esse juri naturali, muniendumque rigorosa obligatione civili, ut contrahentes in re tanti momenti ex fide versentur (§. 319.).

Argentarius accipit pecuniam sibi ab eo, qui illam alio mittere deberet velletve, numeratam ea lege, ut eam alibi secundum conventionis tenorem illi curet solvi, qui litera cambiales est exhibiturus. Idcirco debet mensarius alibi habere factorem suum, cui solutionem injungit, vel numularium ibi habitantem, cum quo in commercio argentario versatur, cujus jussu ipse vicissim aliis solvit, quæ illi debet. Merces argentariis solvenda, collybus vocatur, qui simul periculi & sumtuum causa solvitur, quos incurrere potest argentarius, redimendis literis eo perferendis, ubi solutio est facienda, & ubi soluturus potest esse mortuus, vel solutioni impar, aut immorigerus. Cæterum post Scacciam J. C. Frankius institutiones, & Heineccius *Elementa Juris cambialis*, & D. Siegel *Corpus Juris cambialis* dederunt; unde & ex ordinationibus cambialibus (*Wechsel-Ordnung*) bene multis, usu recepta peti possunt. Vestigia juris trapezitici in Jure romano ostendit *Agrerius*.



## §. 321.

*Vt eo promptior sit executio justitiæ in commerciis, peculiari opus De judicio est judicio mercatorio & processu, quam fieri potest brevissimo.* Curam mercatorio dum enim in civitate est, ut commercia floreat, eorumque in & processu crementa promoveantur, impedimenta vero caveantur (§. 315.) *summario.* Non potest autem non negotiantibus optatum accidere, si justitiæ executio, omnibus remotis ambagibus, quantocyus fiat & prorsus expedita sit. Quapropter judicio opus est mercatorio, in quo mercatores peritissimi e magistratus numero, cum aliis Juris Consultis, res in judicium deductas brevi & summaria ratione cognoscant & decident. Conficitur inde, peculiare institnendum esse judicium mercatorium, & processum in eo perbreve, ut justitiæ executio in commerciis sit quam promptissima expeditissimaque.

Dudum hoc postulavit, docuit & recepit usus commerciorum fere ubivis gentium. Quisquis enim conquerendum de altero habet, is jubetur paucis dicere, quod res est, sistere documenta, testes, libros, unde summa rationum patere, & decisio peti possit ex æquo & bono. Vocatur nostratibus judicium mercatorium, das Handels-Gericht, de quo videatur Marperger, Marquardus, Savary uterque, Leipziger Handels-Ordnung &c.

## §. 322.

*Inprimis occurrendum eorum est seu imperitia seu vafritiei, qui Quomodo id agunt, ut cum aliorum summo damno aut perniciæ nequiter foro cedant. decoctibus* Inepti enim ejusmodi aut & fraudulentæ mercatores, locuplete inter mercatorum experientia teste, vel se ipsos una reddunt miseros & inopes, decoctis opibus suis; vel cum aliorum damno se locupletare dum sit? nequiter & malitiose student. Vtroque casu injusti sunt erga alios cives, ipsosque mercatores, sæpe bene multos, & erga ipsam civitatem, cui ignominiam apud externos contrahunt, in

primis eos, quorum mercatores vehementer lædunt, aut suæ involvunt ruinæ. Quare cum injustitia sit arcenda &, quantum fieri potest, eliminanda ex civitate (§. 300. seq.): quo major hæc esse solet mercatorum injustitia, quo plura & majora, suis, aliisque ipsique civitati damna infert, eo illa gravioribus est pœnis coercenda, si erumpat, & eo sollicitius cavenda legibus severis.

Disquirendum probe est, unde contingat, mercatorem non esse solvendo. Si enim fortuna adversa læsus sit, aut aliorum nequitia & dolo, vix ac ne vix quidem evitando, circumventus & deceptus est vir integerrimus, meretur commiserationem & misericordiam, qua restituatur in integrum, si fieri possit; sin minus alio modo ipsius fortunæ consulatur. Nequit vero eodem ordine haberi negligentior alius ignavus, ineptus, temerarius & incautus homuncio, vel plane dissolutus, prodigus, subdolos, & in omne fraudum genus intentus acutusque nequam. Quocirca aliter tractandus est nocens bonorum decoctor, atque ratio habenda gradus culpæ & doli, cujus deprehenditur reus, ne quid gravius meritis pati cogatur. Similis fere est ratio eorum, qui ære alieno obruti bonis cedunt.

## §. 323.

*Juris nautici  
necessitas.*

Commercio marino subveniendum est legibus nauticis, justitiæ & æquitati naturali conformandis. Varia enim occurrunt in commercio marino, quæ in commercio terrestri non continentur, usu ipso harum rerum magistro. Quare cum diversa commercii indoles diversum postulet modum ea tractandi, & leges, quid præster in illis fieri, injungentes, id scilicet, quod duce ratione tutius esse & præoptandum intelligitur, longoque usu comprobatum est; prohibentesque, quæ sunt fugienda felicitioris commercii causa: patescit, felicitati commercii marini consulendum esse legibus nauticis, justitiæ & æquitati naturali conformatis (§. 316.).

Ab omni ævo, quo commercium marinum in usu fuit, legum nauticarum necessitas & usus se commendavit nautis mercatoribusque. Superest non solum particula legis rhodiæ de jactu, quam *Corn. van Bynkershock* post alios dilucidavit; verum etiam habentur cæteræ leges rhodiorum navales, græc. lat. ab Ant. *Augustino* aliisque editæ. Ita prostat *t' bak van Zee-Rechten, inhoudende dat oudste en hoogste water Recht, gemaakt to whisby*. Plura dabit scripta *J. G. Heineccii Jus nauticum & maritimum*. Quorsum pertinent cavenda, ne, quod aliquoties factum est, scelestum nauticorum hominum genus, necato gubernatore & magistro navis, & merces & navem nequiter dominis eripiat, vendatve; nec non, quæ de oppignorata carina, vulgo bodemeria, de scenore nautico, de periculo navis & mercium avertendo (vulgo assécuratione), de portorio, de jactu mercium junctim ferendo, de ducenda navi per syrtes, vada & similia loca periculosa circa freta & portus, de exercitore navis &c. tenenda & principiis *P. V. Jur. nat. c. 5.* superstruenda sunt.

## §. 324.

Quia in commercio latius accepto sunt res & immobiles *Necessitas le-* & mobiles, quando cum *Vlpiano* id accipitur pro emendi ven- *gum de ad-* dendique jure; si vero & in strictius accepto commercio tan- *quirendis* tum res mobiles & se moventes ponuntur (§. 60. *Jur. Gent.*), alienandis- *tum* illæ tamen partim ex immobilibus proveniunt & eruuntur, par- *que rebus* tim in illis custodiuntur, & sine his dari nequeunt, teste expe- *immobil.* & rientia: sapienter habenda est ratio in qualibet civitate rerum & mobi- *mobilibus.* *lium & immobilium, pactorumque & modorum, quibus hæ alienantur* *adquirunturque, ne quid temere injusteque fiat (§. 300.).* Quæ ut quam- *turissime fiant, cives legibus sunt docendi, & ad earum observationem obli-* *gandi (§. 301. seq.).*

Apparet hinc ratio, cur res immobiles seu fundi mobilibus præferantur, cæteris paribus utrinque.



## §. 325.

*Uti legum de  
occupatione.*

Cum primitius res acquirendi modus sit occupatio, quo res nullius dominio subjiuntur (§. 174. § 178. P. II. Jur. nat.); & in civitate opus sit legibus, rectam res acquirendi viam muniuntibus (§. 323.): *licitus quoque res occupandi modus legibus est muniendus, ut civibus constet, quænam res, & quatenus sint occupandæ, aut non occupandæ?*

Dantur etiam nunc res nullius, sive antea jam fuerint cujusquam, sed ab eo sint derelictæ, vel quasi jactatæ & abjectæ, vel ita absconditæ, ut ipso mortuo nemo posthac sciat, an & ubi dentur; sive necdum fuerint ullius, uti aves, pisces, feræ, insulæ & interamnenfes campi, alluviones, salinæ, mineralia, metalla. Constare igitur civibus debet, cujus in civitate sit jus occupandi thesauros, ejecta ex terra vel mari, ut res naufragæ, *αδερπία*, eruendi fossilia, in primis metalla; quomodo illud a privatis, aut servis vel acquirendum sit, vel exercendum; quibus, quando & quousque liceat venatio, piscatio, aucupium? Privati commodi studium apud multos tantum est, ut publicæ salutis ratio negligatur. Quare hoc docendi sunt cives, obligandique legibus civilibus, ad salutem publicam conformatis. Vnde patescit necessitas legum ligna cædendi vel legendi, venandi, piscandi, aucupandi, fodinas exercendi, pascendi, plantandi, usucapiendi &c.

## §. 326.

*De aliena-  
tione immo-  
bilium, &  
variis ejus  
modis, lege  
sancientis.*

Vt alienatio rerum immobilium in civitate quam optime peragatur, *ex pluribus alienandi modis, legibus civilibus sancienti sunt illi, qui cæteris in quolibet genere sunt præstantiores tutioresque* (§. 306.). Alienari autem potest rei cujusque præsertim immobilis vel totum & plenum dominium, vel aliqua ejus pars, aut quoddam jus sub eodem comprehensum (§. 137. § 662. P. II. Jur. nat.), utrumque vel pure, vel sub licita quacunque conditione (§. 675. *ibid.*). Continet dominium plenum proprietatem, usum & usum-fructum, vel jus proprietatis, utendi & fruendi (§. 136. *ibid.*).

Pro-

Proprietas fundorum autem infert jus alienandi, immutandi-  
que (§. 5. P. VI. Jur. nat.). Quæ si restringitur, aut restringe-  
tur jus alienandi, aut immutandi penitus eorum usum (§. 6.  
*ibid.*). Si illud restringitur, vel totum est domini directi, vel  
aliquid illius domino utili conceditur, ea vero lege, si dominus  
directus consentiat in alienationem (§. 7. *ibid.*). Si hoc, iterum  
vel utili domino nullum est immutandi jus, vel certa lege re-  
strictum (§. 9. *ibid.*). Quia dominium plenum habens, vel di-  
rectum transferre in alium potest, vel utile, quod usum notat  
fructumque, utrumque qua licet conditione (§. 10. *ibid.*), nec  
vulgo liquet, quid optimum factu sit: *legibus civilibus firmandi  
stabiliter sunt regendique quam optime ad communem salutem contractus,  
quibus alienatio domini totius aut partis ejusdem convenit, ne quisquam  
ledatur.*

## §. 327.

Totum quidem transferitur dominium rei immobilis quoque aut Modi ple-  
permutatione, aut emtione, aut mixte, sive junctim, partim hac, partim num domini-  
illa. Si enim totum plenumque alienatur dominium, alienans *um alienandi*  
nihil ipsius retinet, omnibus illius partibus h. e. juribus in ali- *tres.*  
um translatis (§. 137. P. II. Jur. nat.). Quod si ita fiat, ut æqua-  
litas servetur, alter tantumdem alienanti reddet e rebus suis,  
quantum ab altero acquirit. Quare sive ope pecuniæ pretium  
dabit conventum, & sic emet rem immobilem (§. 937. P. IV.  
Jur. nat.); sive aliam rem aliasve res suas mobiles, aut immobi-  
les tantumdem habentes valorem, mutuoque consensu illi æqui-  
paratas, & sic fiet permutatio (§. 879. & 922. P. IV. Jur. nat.);  
vel aliquid rerum suarum, & aliquid pecuniæ dabit, ut summa  
valoris illius pretio æquetur (§. 639. seq. P. V. Jur. nat.), atque  
ita mixtus est contractus (§. 624. *ibid.*) ex emtione & permuta-  
tione, seu aliqua pars emitur, alia permutatur.

Generatim quidem contractus, qui gratuitus non est, onerosus vocatur vel compensans, isque fere permutationem requirit. Sed quia permutatio pro pecunia, tanquam mensura pretii facta, peculiari appellatione gaudet; emptio & venditio recte a permutatione separatur, cum & seorsum utraque subsistere possit, & conjunctim. Divisum igitur plenum dominium prædiorum aut permutatur, aut venditur emiturque. Conjunctim quædam pars permutatur, alia emitur. Valet id ipsum in rebus mobilibus æque ac immobilibus quibusque, ob parem utrobique rationem.

## §. 328.

*Curanda cir-  
ca alienatio-  
nem domini  
pleni.*

Quocunque autem modo plenum rei dominium alienetur, opera danda est in civitate, ut rite promissa ferventur (§. 302.), ut fraudes atque damna quam optime arceantur, faciliusque fiat veritatis probatio & certior executio (§. 307.). Quapropter alienationem pleni domini simili cura publica promovendam, ideoque accuratius examen veri rerum pretii vel proprio Marte, vel ejus peritorum æstimatione, si non jurata, saltem fide digna, adhibendum esse liquet.

Adquisiturus rem alienam suo Marte, ipse debet esse veri ejus pretii, aut diu satis peritus, aut debet eam accuratius inspicere, antequam emat, aut nondum inspectam non adquirere, nisi sub conditionibus, justum ejus pretium prodituris. Si ipse tanta peritie rerum & experientia caret, adhibendi sunt alii mensores, judices & censores justii pretii e numero amicorum, aut alendi sunt proxenetæ (Mäcfler), & magistri rerum jurati vel æstimatores, qui publica autoritate in civitate donantur, aluntur, & obligantur ad fraudes averruncandas. Cæterum, sive suo sive alieno Marte verum pretium rei est investigandum, utendum est principiis falli nesciis, e complurium annorum experientia derivandis. Id quod usui est in prædiis rusticis & urbanis, æque ac in re opificiaria mercatoriaque. Quanquam vulgo ad hæc raro attenditur, sed emptores in confusa cognitione pretii usitati & inimi-



imitatione aliorum adquiescunt. Mercatores tamen in multis præsertim minutiis noscendis utuntur æstimatoribus, (Wrafer vel Brafer), qui rejiciant res pretio convento indignas, vel omnino, vel sic, ut de minori illarum pretio deinde sit conveniendum. Vbi tales circa immobilia non dantur, ibi adhibentur magistri expertæ & fidei & peritiæ rerum, v. c. fabri lignarii & murarii in ædificiis, villici in villis, rustici in agris & pratis, hortulani in hortis æstimandis.

## §. 329.

*Verum prædiorum pretium æstimandum est ex eorum inventario, Fons 1. æstimatorumque statu præfenti, & ex valore medio usus fructusque proxime præelapsorum decem pluriumve annorum.* Habetur enim in inventario prædiorum pretii consignatio bonorum cujuscunque generis, quæ in prædio quodam continentur & ex eodem percipiuntur, quam vulgo dicunt specificationem bonorum (§. 864. P. VII. Jur. nat.). Ex eo igitur cognosci potest, quidquid prædio inest & ad illud referatur. Enimvero quoniam pretium rerum variat pro diverso earum statu, ac diversa ad res alias relatione (§. 325. & 326. P. IV. Jur. nat.), & præfens earum pretium indagandum est in nostro casu: utique præfens rerum status est explorandus, conferendusque cum cæteris pretii rerum æqui momentis. Jam quidem ex his a priori rerum usu subactus judicare potest, quid earum usus fructusque valere possit & alibi soleat. Verumtamen ob peculiarem rerum singularium latentem sæpe indolem admodum diversam, præstat fidissimam rerum singularium magistrum consulere, & ex serie proxime antegressorum annorum sufficienti (cujusmodi est series 10, 15 vel 20 annorum), si haberi potest, addiscere, quid in singulis annis illius feriei actu inde redierit ad dominum. Ut quanti fuerit interim verus valor, usus fructusque illius, addendi sunt veri redditus datæ annorum seriei, capiendusque inde is numerus, qui divisione

sione totius summæ per numerum annorum adhibitæ seriei prodit. Is enim ostendet valorem medium usus fructusque prædii annum temporis dati; e quo æst. mari poterit, cuinam pecuniæ summæ is respondeat, si cum solitis prædiorum similibus redditibus & pretiis conferatur (§. 310. *seqq. ibid.*).

Quo majoris momenti sunt res æstimandæ, eo cautius in earum æstimatione est versandum, ne fallamur. Inde & hic opus est connubio rationis & experientiæ, quantum adhiberi potest, cum proprium tum & alienum, quo potiri & tuto frui licet (§. 328.). Prædia quippe & fundi plerumque non habentur, nisi usuum fructuumque inde percipiendorum causa, experientia teste. Inde dominus & possessor id agit, ut inde adquirat, quæ ad sui suorumque vitæ necessitatem, commoditatem, voluptatem innocuam, dignitatemque sortis suæ tuendam faciunt. Singulis vero rebus suum statui solet pretium, quod valere censetur. Demtis igitur, quæ decedunt, seu necessario seu continenti naturæ cursu, redditibus, remanet id pretium, quod revera prædium valet. In iis, quæ nudæ voluptatis aut amœnitatis gratia quærentur, pretium affectionis variat pro hominum opinione, de quibus in ordinaria rerum æstimatione sermo non est.

#### §. 330.

**Fons 2. æstimandi veri pretii.**

*Æstimandum illud porro est ex probabili continuatione & diuturnitate illius usus fructusque prædii acquirendi.* Præmisso enim examine §. 329, innotescit potissimum, quid valuerit prædium intra dictum annorum numerum. Sed in acquirendo prædio inprimis constare debet, quid valiturum sit in posterum, si rite tractetur, quod per se planum est. Disquirendum igitur est comparaturo illud, num eundem usum, quem proxime superioribus annis præstitit, saltem præstare potuisset, præstiturum sit amplius, & quamdiu; num in perpetuum, an tantum ad certum aut incertum, exiguumque annorum numerum (§. 307. *seq. P. IV. Jur. nat.*). Neque enim ignorari potest a quoquam, lon-

longe majoris momenti esse usum perpetuum, seu duraturum, dum res durat, quam temporarium; & in temporario diuturniorem præstare breviori. Quo brevior ergo fore prævideatur usus fructusque prædii, eo illud æstimandum erit minoris; & quo longior is, eo statuendum erit majoris pretii. Hoc vero judicium petendum erit tum ex modo, quo præcedentem præbuit usum fructumque, tum ex ipsa indole rei stabili an fluxa in se & exhausta, quæ duo ideo explorare oportet.

Scilicet datur duplex modus utendi fruendique etiam re immobili, quorum alter sit salva rei perfectione, alter rem depravar & corrumpit, ut vel nullus in posterum restet rei usus fructusque, vel non nisi parvus aut perexiguus. Ita ædium usus potest salvis ædibus fieri, potest & sic in abusum verti, aut diminui, ut suæ immineant ruinæ, & parum, vel nihil valere earum usus posthac possit. Pariter & agricultura fieri potest modo in perpetuum durabili, & modo agrum emaciantem & fere pessumdantem, ut certe pluribus indigeat annis, antequam suam recuperare possit fertilitatem. Vter modus hujus vel illius generis sit, constare debet ex arte æconomica speciali. Vter adhibitus sit, expiscandum est ex iis, qui id certo norunt, nec celandi id, quod norunt, causas habent. Quia in futuris contingentibus, quarum leges divinitus constitutas, penetrare necdum datur, certa esse & indubitata fieri nequit nostra prævisio, adquiescendum est in ejusmodi probabilitatis gradu, quo major haberi non potest. Potest venditor latens prædii vitium, nec diu potest erupturum detexisse, idque studio dissimulare, licet mala fide, ut emtorem ad illud eo pluris emendum invitet. Cui damno vix melius occurrì potest, quam penitus examinata rei indole intimiore, ejusque stabilitate & labilitate, ferbilitate & sterilitate, adhibitis illarum rerum peritissimis argis.

§. 331.

*Habenda quoque est ratio impendiorum necessariorum, damnorum Fons 3. æstimationum, quibus obnoxium est prædium, in pretio eorum æstimando. mandati pretia*  
(Wolffii Politicæ P. III. Sect. I. C. V.)

A a a

Verum prædiorum.



Verum enim prædii pretium æstimandum est ex valore reddituum ejus ordinariorum seu mediorum (§. 330.). Sed redditus illi vel sunt res naturales, vel industriales, vel artificiales (§. 503-505. P. I. & §. 563. P. IV. *Jur. nat.*). Jam in pretio rerum naturalium statuendo æstimandæ sunt operæ ac impensæ, in eas acquirendas & percipiendas faciendæ (§. 308. P. IV. *Jur. nat.*). In jure proprio, eas res acquirendi ad pretium revocando, æstimandus est illius usus (§. 309. *ibid.*), qui æquipollet usui pecuniæ, qua illud æstimatur (§. 310. *ibid.*), qui tanti est, quanti æstimatur fructus, demtis impensis operisque in perceptionem factis (§. 312. *ibid.*). In definiendo pretio rerum industrialium, æstimari debent operæ, impensæ, & usus pecuniæ pro fundo datæ (§. 313. *ibid.*), quæ deductis operis & impensis, æquiparantur naturalibus (§. 315. *ibid.*). Vnde & fundorum pretium ex pretio fructuum percipiendorum, sive ex pretio rerum industrialium, deductis operis & impensis, metiendum (§. 316. *ibid.*). Denique in definiendo pretio rerum artificialium æstimari debent materia, ex qua conficiuntur; opera, qua producuntur; & impensæ faciendæ, ut produci queant (§. 314. *ibid.*). Jura quoque istas res acquirendi, faciendi & alienandi, æstimantur ex utilitate inde percipienda (§. 281. *ibid.*). Quamobrem cum operæ etiam suum valeant pretium, quod illis est impendendum, si conducendæ sunt (§. 293. *ibid.*). possunt & operæ æquiparari & accenseri impensis in eas faciendis. Cum impendia necessaria dicantur, sine quibus redditus percipi nequeunt (§. 506. *ibid.*): pater luculenter, in æstimando rerum pretio habendam esse rationem impendiorum necessariorum, & redditibus ordinariis subducendorum.

Damna, undecunque nascantur, & onera sive publica, sive privata, ut servitutes, sunt instar impendiorum, redditus minuendum, ideoque & illorum ratio ineunda est, quatenus  
expe-

experientia innotuere, ut itidem subtrahi a proventibus possint. Pericula minantur damna futura, eorumque causas continent, quæ quandoque se exserunt, & eo majoris æstimanda sunt, quo plus damni afferre possunt ac solent. Aestimantur vero ex magnitudine damni meruendi, & ex probabilitate eventus (§. 382. P. VI. Jur. nat.). Quare & hæc, ut damna rariora quidem pretio prædiorum derogant nonnihil.

§. 332. *De censu prædii*

Si plenum prædii dominium ita alienetur, ut annuus reservetur census vel labor gregalis, oritur prædium censiticum & angarium sit de iure, & utroque opus est legibus, censum & angarias equas quam prædii censu optime promeretur. Censum enim vocatur annuus redditus ex præiudicio alieno percipiendus (§. 108. P. VI. Jur. nat.), five sit re servatus a domino alienante, five a domino alteri sit constitutus contractu quodam (*ibid.*), nec obest, quo minus censualis sit pleno jure prædii dominus (§. 111. *ibid.*); five jam ante censum receptum is fuerit, five a domino prædium vendente sub lege census annui, tanquam pretii annui, factus sit. Quoniam operæ seu labor gregalis annuus æquipollet percipiendo censui (§. 436. P. II. Jur. nat.) & (§. 293. P. IV. Jur. nat.): quod de censu valet, idem quoque admittendum erit de angariis, (vont Schaarwerck), tanquam operis, prædii causa, in commune conforendis, aut alteri præstandis. Habent igitur & ad censum, & ad angarias obstricti, pleno jure dominium suorum prædiorum (Sie haben eigen Land, und eigene Güter), licet censiticorum servientiumque.

Ast ne census vel angariæ præsertim indefinitæ & laxiores, modum usurarum legitimarum veri pretii & tributorum ordinariorum excedant, nec, quando nihil habent iniqui, temere subdoleve denegentur, legum & magistratus autoritas in ci-

vitae est adhibenda, ut æquitati literur, & quæ debentur, statotempore & rite præstentur (§. 978. P. VIII. Jur. nat.).

Appellari hujusmodi leges solent a nostratibus *Zins-Ordnungen*, & *Schaarwercks-Ordnungen*, quæ differunt pro varietate operarum urbanarum, rusticarum, aggerariarum (*Damm-Ordnungen*), militarium seu excubiarum (*Wach-Ordnungen*) &c. In quibus consulendum est æqualitati æquitatiq; naturali, præsertim ne laxiores nimis extendantur, sed moderate exigantur (*daß die ungemessenen (Fron-) Herrendienste ermäßiget werden*). Temperamentum hujusmodi angariarum peti solet a modamine in similibus prædiis usitato, definitoque ut plurimum æquisimis pactis.

## §. 333.

Quid separatio domini directi & utilis requirat?

*Vbi sejunctum est dominium utile & directum, ibi opus est, ut testamentis, privilegiis pactisque fiat, quod satis est, litesque inde obortæ promte sopiantur decidanturve.* Etenim ubi placuit separari ab invicem utile dominium directumque, ibi id conveniri solet mutuo consensu pactoque, & edi publico instrumento, testamento, diplomate aut privilegio peculiari. Quare cum pacta sint servanda, & in civitate opera navanda, ut qui detrectant illis obtemperare, ad id compellantur (§. 395. P. VIII. Jur. nat.): idoneis opus est institutis viribusque conjunctis, ut utrinque pacto satisfiat, & tum dominus directus domino utili, tum utilis directo præstet, quod pacto debetur.

Sicubi vero lites de his moveantur, quæ ad dominium directum & utile ejusve partes referenda sint; & leges requiruntur & judices, qui solida rei discussione instituta dirimant litem, aut sententia legibus pactisque conformi, aut arbitrio & amica compositione, ne perperam protrahantur, litesque e litibus nascantur (§. 984. seq. P. VIII. Jur. nat.).

Primus casus hic est, si dominus utilis nihil habeat proprietatis, h. e. domini directi. A quo differt alter, quo pars proprietatis



tatis in dominum utilem est translata. Quia dominium utile continet rei usum fructumque, utilis dominus non est nisi usufructuarius, vel utile dominium in se atque nudum non continet nisi jus utendi & fruendi. Ita vel regnum dari potest non nisi usufructuarium (§. 155. P. VIII. *Jur. nat.*), & monarchia atque aristocratia mere usufructuaria (§. 134. & 156. *ibid.*). Dirimi quoque potest dominium utile in usum & fructum, ut alius sit usuarius, alius fructuarius prædii cujusdam (§. 1521. P. V. *Jur. nat.*). Quo casu usus ea tantum rei emolumenta complectitur, quibus indiget usuarius ad suam suorumque necessitatem nonnullamque commoditatem, & quæ salva substantia ac proprietate inde haberi possunt (§. 1517. *seqq. ibid.*). Reliqua emolumenta & fructus ipsius sunt fructuarii. Sic usus ædium est habitatio, usuario concessa; usus equi est in ipsius equitatione & vectura concessa, quatenus officiorum explendorum causa est necessaria, v. c. ut pastor ecclesiæ concionari filiæ suæ matris possit dominicis festisque diebus; pulli autem & cætera fructuario debentur emolumenta. Refertur hujusmodi usus, & fructus & junctus uterque usufructus ad servitutes, unde principiis *Juris Nat. P. V. cap. 6.* ea superstruenda sunt, quæ salutariter in civitate horum causa in variis casibus sunt constituenda. Solet tamen utile dominium persæpe complecti partem quamdam ipsius proprietatis (§. 1. P. VI. *Jur. nat.*). Quocirca de his alia restant subjicienda.

## §. 334.

Quia proprietas rei infert jus statuendi de ipsa rei substantia, quod lubet & officiis debetur (§. 131. P. II. *Jur. nat.*), partes proindeque in re immobili complectitur jus eam pro lubitu alienandi, usumque illius prorsus immutandi (§. 5. P. VI. *Jur. nat.*): viliter restringi potest vel jus alienandi, vel immutandi, vel utrumque *randum?* (§. 6. *ibid.*); item vel ipsum jus proprietatis, vel ejus duntaxat exercitium (§. 3. & 6. *ibid.*). Respiciendum ergo est, quid in proprietate alienatum sit, vel non sit, & legibus judiciisque in civitate procurandum, ut suum cuique relinquatur tribuaturque.

## §. 335.

Quando loca-  
tione &  
conductione  
plenum do-  
minium alie-  
netur?

Si locatio & conductio perpetua ea lege, seu expressa, seu tacite per consuetudinem recepta, fiat, ut proprietas pariter atque omnis ususfructus sit acquirentis prædii dominium, modo annuum solvat censum; & certo annorum spatio locatio & conductio expresse aut tacite renovetur: illa plenum transfert dominium idque hæreditarium, quando nulla conditio illius redditus ad locatorem est reservata. Etenim si proprietas transfertur in conductorem, tum potest ille prædium immutare & alienare pro lubitu suo (§. 5. P. VI. Jur. nat.). Si omnis ususfructus a conductore acquisitus est, omnis & usus & fructus ad ipsum solum pertinet (§. 1420. P. V. Jur. nat.). Gaudet igitur conductor hujusmodi pleno dominio prædii sic conducti (§. 137. P. II. Jur. nat.), omnesque alios a proprietate ac jure utendi fruendique excludit (§. 138. *ibid.*). Annui census solutio non officit pleno dominio (§. 111. P. VI. Jur. nat.), neque illi æquiparanda angaria (§. 332.). Licet vero locatio & conductio renovanda sit, quando dominus mutatur, vel & definito annorum numero, quatenus tamen perpetua est, illa renovatio non est, nisi onus multo levius annua præstatione, quod ideo multo minus, quam census dominio pleno refragatur. Idcirco locatione & conductione perpetua in nostro casu plenum acquiritur dominium, idque hæreditarium, quoties nulla conditio redditus prædii ad locatorem est reservata.

Conductio perpetua dudum inter Romanos usitata est, unde imp. Gordianus Pomponio respondit l. 10. *Cod. de loc. cond.* viam veritatis ignoras, in conductionibus non succedere hæredes conductoris existimans: cum sive perpetua est conductio, sive temporalis, intra tempora locationis hæredi quoque onus contractus incumbat. Ulpianus l. 13. §. *fin. ff. loc. cond.* in urbanis prædiis, inquit, alio jure utimur, ut prout quisque habitaverit, ita obligetur, nisi in scriptis certum tempus conductione comprehensum est. In *Justin. instit. b. tit. §. 3.* quæsitum fuisse legitur, utrum

utrum emtio vel locatio sit, si prædia perpetuo fruenda dantur, quamdiu pensio seu redditus domino præstatur. Quando plenissimo prædiorum suorum dominio gaudentes coalescunt in civitatem, & salutis publicæ causa annum recipiunt tributum, vectigal, portorium &c. conferendum, quis dubitet, quin annua illa pensio suæ salutis causa fiat, nec quidquam derogeret ipsorum dominio, sed ad illius genuinum usum referenda sit? Sed ejusmodi census ex simili pacto oritur, & paciscentium commodis adhibetur; ideoque usum dominii arbitrarium, non vero illius diminutionem infert. Saltem ad sumtus referri debet, usus percipiendi causa necessarios, qui ipsum dominium plenum salvum relinquunt. Renovatio locationis ejusdem est commatis, si quid sumtum requirit; quod exiguum esse solet, & certiori census solutioni inservit, quando novum instrumentum non conceditur, antequam census præterlapsi temporis est perfolutus. Appellare hoc genus contractuum solent *die Mieths, Gerechtigkeit*, quod rectius *Erb-Mieth*, *Erb-Pacht* vocaretur, vel *Heur*, unde *Heur-Zarte* instrumentum conductionis, item *Heurmann*, *Heur Gut*, *Heur-Land* vel *Mieth-Land* ejusmodi ager non vulgaris conductionis. Est & *affictus* huc referendus, tanquam perpetua locatio pro rata fructuum.

## §. 336.

*Quæ de perpetua locatione & conductione tenenda sunt, ea vel Quomodo legibus diserte sunt statuenda, vel longa consuetudine & usu firmanda, tibus circa ne litibus fores aperiantur, sed alterutro modo occludantur. Quæ locationem; cunque variis modis fieri possunt, in illis selectu opus est, & perpetuam quis modus præstantior sit, & validus esse debeat, lege civili occurrendum est præscribendum (§. 978. P. VIII. Jur. nat.). Quare & mo- sit?*  
 dus perpetuæ locationis validior primum disertis verbis est explanandus, & lege pactove stabiendus. Si quid deinde vel oblivioni datum & omissum, quia ex usu jam satis notum, vel imperitia contrahentium aut scribarum secus, ac deberet, scriptum est: id utique ex consuetudine, pro lege non scripta habent.



habenda, intelligendum interpretandumque est, si qua inde lis a verborum captatoribus, aut ignaris rerum novatoribus exsculpatur (§. 335.).

Possemus editas hujusmodi controversias de locatione in quinquennium, Prussis nostris usitata, commemorare, quæ propter illa verba pro vulgari locatione & conductione accepta sunt, ab his, qui ex verbis, in vulgari locatione solitis, de locatione proprie dicta quinquennali contractum interpretabantur, qui tamen ex consuetudine recepta perpetuam continebat. Idem conductionis contractus ab his, qui censum annuum solvere non pigrabantur, non renovabatur, donec novus illius prædii dominus esset domini securus reddendus novo instrumento, ipsius nomini rursus in quinquennium locatum similiter prædium tribuente. Interdum tamen segnior in censu solvendo, vel sportularum renovandi contractus causa, renovatio post unum alterumve quinquennium erat repetita citra immutationem perpetuæ locationis conductionisque, in hæredes, emtores, creditores, donatarios, legatarios transeuntis haud secus, ac in aliis pleni domini alienandi modis. Sed sunt ista recentiora & notiora, quam ut fusiori egeant recensu.

§. 337.

*Quid curandum sit circa pactis, legibus & usu recepto regendi sunt secundum justitiam æquitatemque naturalem.* *Est enim contractus libellarius affinis perpetuæ locationi conductionique, neque ab eo differt, nisi quod renovatio onerosior ad longiorem annorum (v. c. 25. 30. 40. 90. cæt.) seriem refertur, nec nisi expresso novo libello seu privilegii instrumento, etiamsi prior dominus non sit mutatus, & soluta notabili summa pecuniæ, (quæ notabilem veri pretii partem, v. c. octavam, sextam, tertiamve, æquat, sed exprimi in pacto non consuevit), obrinetur, adhibito itidem censu annuo mediocri (§. 98. P. VI. Jur. nat.). Jus libellarium adquisitum nihil*

nihil proprietatis domino relinquit in prædio libellario, nisi quid diterre reservetur; ac fieri potest pretio renovationis, vel semper eodem, vel ex voluntate contrahentium statuendo pro temporum diversitate. Inde legibus providendum est, ut pretium, quod pro prædio solvitur, imminuatur ex æquitate pro ratione census annui & annorum numeri, intra quem denuo est pro renovatione juris libellarii solvendum (§ 99. *ibid.*). ita quidem, ut summa pretii & canonis vel census annui non excedat sortis usuras legitimas usque ad annum renovationis percipiendas (*ibid. in not.*), vel ne domini libellarii deterioris sint conditionis, ac si prædiis censiticis gauderent, cæteris nimirum paribus (§. 332).

Vocari nostratibus solet hujusmodi contractus *die Einmiethe* vel *der Einkauf*; prædia autem libellaria aut emphyteutica, licet non satis accurate. Paulo aliter, ac plerumque fit, dici possent hujusmodi domini *Schriftfassen*, & eorum prædia *schriftsässige Güter*, qui eorum jus ex libello scripto judicandum est. Recipro enim usu illi dicuntur *Christfassen* (scripturarii), qui scriptis gaudent privilegiis, quibus eximuntur a jurisdictione dependente, & solius principis jurisdictioni subsunt. Quia in contractu libellario calculo interusurii seu anticipati pretii opus est, qui capum vulgi transcendit, subveniendum est autoritate legum & magistratus simplicitati colonorum libellariorum, ne ab astutioribus mandatariis ultra fas emungantur, in damnum & publicum & privatum.

## §. 338.

*Neque nulla emphyteusis ratio habenda est in civilibus institutis, Quid circa ne quid in contractu & usu emphyteutico fiat justitiæ & æquitati adver-emphyteusin?* sum. Est enim emphyteusis dominium utile prædii sub conditione præstationis annuæ nonnullius in recognitionem domini directi, cum proprietate quadamtenus restricta (§. 12. P. VI. Jur. nat.). Quia & restrictio proprietatis varia esse potest, & (Wolffii Politicæ P. III. S. I. C. V.) B b b præ-

præstatio annua, quæ canon emphyteuticus dici solet, & duratio, seu perpetua, seu temporaria, aut certis personis alligata, & renovatio ejusdem cum quovis novo emphyteuta non sine honorario, quod laudemium vocatur, solvendo impetranda: eligenda & concedenda ex his in contractu emphyteutico non sunt nisi legibus naturalibus (§. 16. 97. *ibid.*) consentanea, & quæ fraudibus cavendis, ac faciliori litigiorum discussione aptiora esse deprehenduntur (§. 300. 306. & 307.); rite promissa vero servantur & læsiones avertantur (§. 301.).

**Erbjns.** *Recht* vocatur emphyteusis, quæ proprie sonat infirmitatem, aut plantationem, & canon *Erbjns*, prædium emphyteuticum *Erbjns-Gut*. Necesse non est, ut honorarium emphyteuticum detur, cum remitti possit mutuo consensu, salva emphyteusi. Quando solvendum est, ex primo pacto pendet, quale & quantum esse debeat, idque sive semper, sive hac vice. Interdum placuit pars pretii quinquagesima, *l. ult. Cod. de Jur. emphyt.* sæpius decima, vigesima, &c. Etiam de subemphyteusi conveniendum, & de quacunque oppignoratione aut alienatione, num dividendum sit laudemium certa ratione inter dominum & emphyteutam, an alterutri soli reliquendum? Censualis quoque solvit censum annuum hæreditarium, sed melioris est conditionis, quia pleno gaudet dominio directo, quod in emphyteusi variis modis restringitur & dividitur inter emphyteutam & dominum directum; nec ad renovationem onerosam contractus & laudemium obligatur. Magis tamen onerosum esse plerumque contractum libellarium, patet. Quatenus tamen huic affinis est emphyteusis, similia de eadem statuenda sunt ac (§. 337.). Potest vero laudemium quoque esse exiguum & canon paulo major solito. Quæ uti pacto rite sunt conventiona, ita illo est standum, injuria quavis remota.

§. 339.

Quid de do-

*Nec divisum jus seu dominium soli & superficiæ aliter, quam minio super-justa & æqua ratione, in civitate est admittendum tuendumque.* Potest nem-



nempe dividi dominium soli & dominium superficiei, ut alius *ficies solius* sit dominus soli, alius superficiei, isque vel plenus, vel utilis, *curandum* seu restrictus (§ 120. *seqq. P. VI. Jur. nat.*). Quo facto suum *fit?* cuique secundum conventionem erit relinquendum tribuendumque, & si domino soli pensio annua pro usu emolumentisque superficiei alienatæ tribuenda est, illud solarium (*Grund-Zins*) a superficiario ipsi secundum pacti tenorem erit solvendum; & si certus tantum superficiei usus est concessus, alium substituere, invito soli domino, non licebit (§. 150. *ibid.*). Quare cum civitatis sit, contractus civium dirigere & instruere ad salutem publicam (§. 21. § 31. *P. VIII. Jur. nat.*), & in iis, quæ pluribus modis fieri possunt, præcipere, ut eo, qui præferri in civitate meruit, modo fiant, si actus valere debet (§ 978. *ibid.*): elucescit, opus esse, ut divisio domini, fundi & superficiei ejus itidem non admittatur, nisi iusta & æqua ratione ineatur, & observetur ex legum civilium naturalibus conformatarum præscripto, idque auctoritate publica promoveatur.

Consideramus hic potissimum illud jus superficiei, quod continet illius dominium utile cum jure alienandi & immutandi absolute aut restricto ad impetrandum domini fundi consensum (§. 130. *P. VI. Jur. nat.*). Solarium enim est instar census, quem superficiarius (*der Glächner h. e. Glächherr*) domino soli (*dem Grundherrn*) solvit quotannis, aut prout convenit. Solarium nondum soluti causa dominus soli stipulari sibi potest hypothecam in superficie. Mutatur superficies, dum superficiarius suo sumtu in illa ædes exstruit, vel destruit. vel collabascunt, aut comburuntur, dum silvam convertit in agrum, & v. v. dum loco agri hortum, aut vineam, aut piscinam, cæt. comparat. Vti perpetuum esse solet jus superficiarium; ita potest quoque in pœnam neglecti officii a superficiario debiti committi hoc jus, ut superficies ad dominum soli revertatur. Quia ad superficiarium non pertinet, nisi superficiei dominium in solo alieno, do-

minus soli ex suo dominio præter solarium percipere potest fossilia, quæ in solo latent, cujuscunque sint generis nominisque, item specus aliaque subterranea.

## §. 340.

*Legum feudalium necessitas in civitate.*

*Feudorum diversitas & multitudo peculiare poscit leges feudales, quibus jura & officia feudalia, ceteraque res & causæ de his obortæ ex communi salute desiniantur, prout jubet legum naturalium cynosura.* Est enim feudum dominium utile, a directo sub fidelitatis mutuæ conditione quadamtenus separatum (§. 155. P. VI. Jur. nat.). Vnde vasalli est plenum jus utendi & fruendi re feudali, cum parte proprietatis jure fiduciario in ipsum translata; altera vero pars proprietatis est domini directi. Vtriusque autem est fidelitas alteri præstanda secundum pactum. Hæc omni insunt feudo (§. 161. ibid.); differentia feudorum nascitur partim ex naturalibus, partim ex accidentalibus feudi (§. 162. seq. ibid.). Quanta vero eorum sit multitudo, expositum est Capite 2. Partis VI. Jur. nat. Quare cum in his multa sint, quæ non vulgarem requirunt Juris scientiam, atque a legibus communibus civium recedunt, opus est, ut, quæ feudis peculiaribus & in his publicæ salutis consona sunt, legibus feudalibus ad cynosuram legum naturalium de beneficiis fiduciariis & clientelis revocentur, usque promulgentur, quorum actiones ad illas sunt componendæ.

Feuda alia sunt data, alia oblata; alia pura, alia mixta; alia semper, alia sub conditione revocabilia; alia franca h. e. libera, alia ligia vel non ligia, alia censualia; alia masculina, feminina & mixta; alia pignoratitia. Dantur quoque feuda soldatæ de mensa, de cavena, habitationis, cambucæ, cameræ caminatæ, scutarii, solare, clypeare, restrictum, advocatiæ, quaternatum, gentilitium, personale, seculare, ecclesiasticum. Sic de feudorum petitione, collatione, investitura, apertura, communione, alienatione, laudemio, devolutione, expectativa, privatione, & successio-

cessione in illis & allodiis, de juribus & officiis, item delictis feudalibus, quæ felonie veniunt appellatione, multa sunt rite facienda & curate observanda. Dari feuda vassallis solent pro servitiis militaribus; pro quibus & pecunia (adoha) solvitur.

## §. 341.

Ob causarum feudalium magnum numerum, nec vulga- Item *judicio-*  
rem rerum feudalium indolem, & *judicibus opus est peritis* & *rum* & *cu-*  
*tribunali rerum feudalium*, ubi istæ debito processu rite discutian- *riarum feu-*  
tur, ac decidentur controversiæ, infantes absolvantur, fontes *dalium*.  
autem puniantur, & sententiis, quæ in rem judicatam abie-  
runt, adhibita, si sponte non pareatur, executione, & spor-  
tularum clientelarium taxa, autoritas conciliatur.

## §. 342.

*Affinis feudo est clientela laxior, quæ affidatio dici consuevit, & De clientela*  
*perpetuam parit potentioris tutelam prædiorum infirmioris pro stipulata laxiori seu*  
*compensatione.* Nimirum si quis impar sit defensionis suarum *auda.*  
ditionum adversus hostes suos, potest ille pacisci cum potentio-  
ri, ut is ipsi præstet defensionem pro æqua compensatione ejus-  
dem (§. 471. P. I. Polit.). Sive ergo debilior quædam auxilia  
militaria ex pacto præstet potentiori, sive annuam solvat pen-  
sionem; sive nonnihil suorum bonorum ipsi cedat aut assignet  
pro obtinenda, quoties opus est, defensione cæterorum bo-  
norum terrarumque; ob præstita præstanda is erit protegen-  
dus defendendusque pro pacti argumento (§. 789. P. III. Jur.  
*nat.*).

Feudum continet clientelam arctiorem, per quam vassallus  
subest domini directi imperio, eidemque secundum leges feu-  
dales subiectus est, ac partem duntaxat proprietatis in feudo  
habet. Sed qui cliens tantum est, Germanis dicitur ein *Schutz-*  
*verwandter*, & plena gaudere potest proprietate suarum regio-  
num ditionumque, modo præstet ex pacto præstanda. Si cen-



sus præstatur, clientis conditio eo tantum differt a censuali, quod hic est subditus, is nequaquam. Proprietate uterque gaudet.

§. 343.

Quid statu-

endum sit de  
hac clien-  
tela?

Hujusmodi clientela, jura & officia pacto prudenter sunt sancien-  
dum sit de da, & privilegio protectionis divulgato munienda, reservata in casu dis-  
fidii arbitrorum cognitione. Multum enim refert, cujus clientelæ  
& fidei se infirmior & sua tuenda tradat, ne fero se delusum  
sentiat sub jugum missus, a cujus metu cupiebat liberari (§. 342.).  
Vnde non sola potentia Protectoris, sed & fidei religio con-  
stantiaque, & hæc potissimum est spectanda (§. 472. P. I. Polit.),  
amicitiæque cultura sollicita firmanda (§. 477. ibid.). Ut eo  
testator sit pastorum fides, & conciliatores adhibendi sunt  
prudenter, & quæ jura, quæque officia esse debeant clientelæ,  
æquitati naturali attemperatæ, diserte conveniendum, publico-  
que privilegio inferendum. Ne facile convellatur, quod ab  
aliis ignoratur, præstat in privilegio conventa publici juris  
fieri & divulgari, quam secreto reposita haberi, saltem eorum  
causa, qui famam magis verentur, quam conscientiam. De-  
nique dissidii oborti compositio quantocyus est amice, si fieri  
potest citra arbitros, saltem arbitrorum ope impetranda & ab-  
solvenda (§. 498. P. I. Polit.), idque ut indubium sit remedium,  
pactis est reservandum, stabiliendumque.

Jura clientelæ vel protectionis dicuntur die Schutz und Schirm  
Rechte, uti officia clientum Schutz. Pflichten, & honoraria de-  
fensionis Schutz. Gelder. Quoniam multis modis variare possunt  
jura & officia clientelæ, neque eadem omnibus & ubique pro-  
sunt vel desunt: haud vulgari opus est providentia & sapientia,  
in pactis illis, quantum fieri potest, quam cautissime tutissime-  
que ineundis, servandis & ad casus potiores aptandis. Neque  
præter necessitatem clientela est subeunda, si fœderibus cum vi-  
cinis securitas domini imperiique haberi potest (§. 146. 159.  
P. I. Polit.) & (§. 82. seq. Jur. Gent.). Quid differat clientela

a tributaria conditione regionum & regnorum, quandoque, liquet ex dictis & §. 151. *ibidem*, comparatis cum §. 410. *seq. Jur. Gent.* Jura igitur æque ac officia clientelæ cuidam propria aliunde, quam ex pactis initis, æstimari nequeunt; quæ justitiæ & æquitati naturali pariter ac cæteræ actiones humanæ quælibet sunt conformandæ, nec nisi secundum illam interpretandæ (§. 470-515. P. VI. *Jur. nat.*).

## §. 344.

*In rebus ad alimenta quotidiana cæteraque vitæ præsidia pertinentibus examen mensurarum & ponderum publica autoritate est procurandum; & secundum rerum seu copiam seu inopiam legesque naturales æquum præsidiiis ci-pretium definiendum, quo & venditoribus & emtoribus bene consulatur. viliter cu-* Neque enim tantum qualitatis sed & quantitatis ratio in per-randum sit? mutatione & emtione dominii rerum pleni est habenda, quia pretium ejusdem rerum speciei respondet ipsarum quantitati, numero, mensuræ & ponderi (§. 274. P. IV. *Jur. nat.*). Posita igitur eadem speciei qualitate, pretium conventum respondere debet earum numero, durationi, mensuræ ponderive. Numerus & temporis duratio cognitu tam est facilis, ut in eis vel rudissimus sua attentione sibi sufficere possit. Sed facilius fraus admittitur in mensura & pondere, teste experientia. Quare ne venditores circumvenire emtores, minus, quam debent, dando, possint, curandum est in civitate, ut justæ adhibeantur mensuræ & justa pondera, atque subinde examinentur, ne diminuantur, pœna conveniente in prævaricatores statuta & ex-torquenda.

Cæterum quia copia rerum pretium earum efficit vilius, inopia carius (§. 304. *seq. P. IV. Jur. nat.*), & vulgi perspicientia ea non est, ut his dijudicandis secundum naturæ leges satis par esset: eorum, qui civitati præsunt, ejusque salutis publicæ consulere obligantur, est pro conditione copię & inopię an-

nonæ

nonæ explorata, ex æquitate naturali (§. 322. *ibid.*) dudum usitata & præsentis rerum faciei accommodata pretium statuere, quo & venditorum & emtorum inopum maxima ex parte rationibus recte prospiciatur (§. 312. *ibid.*). Quod pretium si promulgetur civibus, quoties mutatum est, adhibita mensurarum & ponderum diligenti indagine, & punitione eorum, qui publicam taxationem violare ausint, cavebitur, quantum pote, ne facile decipi quisquam possit, debita utens attentione.

Ferendum salutis publicæ causa non est, ut venditores sui compendii ergo rerum necessariarum prætia flagellent, dardaniorumque more claudant horrea & granaria, emtores emunturi, & caritatem temere inducturi. Neque prædæ danda est vulgi imperitia & ruditas calliditati & avaritiæ eorum, qui circumveniendi rudiores opportunitate frequenter abutuntur. Quare cum omnes caro vendere & vili emere velint, & defraudare alter alterum nitatur, secundum tritum illud, *wer den andern vermag, steckt ihn in den Sack*: occurrendum est injustitiæ & iniquitati publica autoritate, iis sapienter constitutis & observatis, quæ justitiæ æquitatiq; patrocinantur. Huc pertinent leges de contrahenda emtione & venditione, de periculo rei emtæ, de arrhæ datione, de instrumento emtionis, de additis conditionibus, v. c. retrovendendi & redimendi, de moneræ valore, de fide pretii habita, de additione in diem pura aut conditioni adstricta, de jure protimiseos, de præstanda evictione &c. naturali justitiæ & æquitati (P. IV. *Jur. nat. cap. 4.*) ita conformandæ, ut fraudes nefariorum & violatio contractus quam optime evitentur, adhibitis publica autoritate & executione.

## §. 345.

*Leges de mutuo ferendæ.*

Quoniam in mutuo, velut permutatione quadam, rei fungibilis dominium, usus percipiendi causa, in alterum transfertur (§. 508. P. IV. *Jur. nat.*), sed ea lege, ut res ejusdem generis, qualitatis, mensuræ aut valoris restituatur (§. 512. *ibid.*): de mutuo quoque rite contrahendo & restituendo damnoque ejus fortuito feren-



ferenda sunt leges, juri naturali P. IV. Jur. nat. cap. 3. conformes, ut debita præcautione utentes liquido probare conventa & promissa possint, & oborta lite, prompta de ripone parataque adversus violaturos contractum gaudeant executione.

Admodum interest reip. ut opulentis gaudeat civibus, a quibus & ipsa opulenta & potens salatur, & quorum divitiis tum cives in pace juvari possint, tum milites in bello conducere queant &c. Hinc qui ea erga alterum utitur benevolentia, ut illum gratuito rei suæ usu juvet, quæ ipso usu consumitur, modo statuto tempore tantumdem ipsi reddat; is utique meretur amari conservarique in civitate, quæ opulentia civium suorum florem suum in acceptis refert. Eapropter conjunctis viribus cavendum est, ne qua fraude decipiantur a mutuum petentibus, qui studiose fortim suam celare consueverunt, quando sentiunt jam, se non esse solvendo, aut si sint, tamen animo solvendi destituuntur, & technas circumspiciunt, quibus solutionem eludant. Quod ne facile fieri possit & absolvi, strophis illorum & insidiis ita junctis viribus est occurrendum, ut si cui struantur vel intententur, in casum abeant. Societate multorum operæ ad ea quoque detegenda valent, quæ unius vel argi perspicaciam fefellissent. Non dissentit a nobis, qui in mutuo tantum usum gratuitum transferri statuit: is enim quia sine rei vel consumptione ac interitu, vel alienatione haberi nequit, utique temporariam dominii translationem includit (§. 5. P. VI. Jur. nat.).

#### §. 346.

Præsertim securitatis mutuatorum causa providenda sunt ea, unde Quenam mut credituri explorare possint debitorum facultatem mutuum reddendi. Præ-tui securitas standi enim civibus tanta ab injuria aliorum immunitas, quanta procuranda junctis viribus haberi potest (§. 13. P. III. Jur. nat.). Quare requiratur? cum fraudulenter mutuum petentes id sæpe agant, ut facile promittant redditionem eorum, quæ probe sciunt se reddere non posse: ne ista fraude decipiantur boni cives mutuum daturi,  
(Wolffii Politicæ P. III. S. I. C. V.) Ccc ope-

opera danda est, ut credituris constare possit, sintne solvendo nunc & mansuri tales, usque dum reddendum sit mutuum debitori. Comparandi igitur sunt & conservandi libri fundorum, in quibus contineantur bona civium immobilia, & quid in illis aliis debeat. Obligandi sunt mercatores ad libros mercatorios recte instruendos. Agendus est census, quo cives secundum opes suas in certas classes redigantur, cui praesint fide digni censores. Reliqua ex vicinis, sociis, quibuscum alter versatur, ex ejus moribus, impendiis annuis, seu illis, qui eos penitus norunt, discenda sunt, nec impune ferendum, ut falsis & mendaciis in eo scrutinio quisquam decipiatur.

Dudum *Aristoteles L. V. Polit. c. 8.* utile est, inquit, considerare universum totius civitatis censum (*τιμωμια*), ac praesens tempus ad praeteritum conferre. Nam in quibusdam civitatibus census agitur (*τιμωνται*) annuatim; in majoribus vero per triennium aut quinquennium. Si multo major vel minor factus est, quam prior ille, secundum quem statuta erat reip. gubernandae habilitas, lege providendum, ut census vel augeatur, vel relaxetur seu minuat, ne potentia nimia exsurgat. Sic Romae Servius Tullius censum instituit, teste *Livio L. I. c. 42.* rem faberrimam tanto futuro imperio, ex quo belli pacisque munia non viritum, ut ante, sed pro habitu pecuniarum fierent. Tum classes centuriasque, & hunc ordinem ex censu descripsit, vel paci decorum, vel bello. Ex iis, qui centum millium aëris aut majorem censum haberent, 80 confecit centurias, quadragenas seniorum ac juniorum. Prima classis omnes appellati seniores ad urbis custodiam ut praesto essent; juvenes, ut foris belia gererent . . . additæ huic classi duæ fabrum centuriæ, quæ sine armis stipendia facerent, datum munus, ut machinas in bello ferrent. Secunda classis intra centum usque ad 75 millium censum instituta, & ex his senioribus junioribusque 20 conscriptæ centuriæ . . . . Tertiæ classis in 50 millium censum esse voluit. Totidem centuriæ eodem discrimine ætatum factæ. In quarta classe

classe census 25 millium, & totidem centuriæ . . . Quinta classis aucta, centuriæ 30 factæ . . . undecim millibus hæc classis censebatur. Hoc minor census reliquam multitudinem habuit. Præter hunc usum privatum, latius se diffundentem, ad matrimonia &c. census quoque illum usum publicum habet, ut simul numerus civium, consanguineorum, affinium cæt. inde cognoscatur, quod in variis aliis rebus nosse expedit. Hic census Romæ sub Consulibus singulis lustris h. e. quinquenniis agebatur, quo per annum quintum absoluto lustrum condi dicebatur. Cæterum si quis novit alterius œconomiam, & eandem ex sua æstimare didicit; si novit, ipsum vel carere vel laborare ære alieno; inde quoque, num illi mutuum credendum sit, quod reddendum est, nec ne, statuere valebit. De cæteris mutui securitatis subsidiis posthac diceretur.

## §. 347.

*Si qua in re circa mutuum recedendum est in lege civili a rigore Cui ob legis naturalis, favendum potius est mutuum danti, quam accipienti, tuum potissimum reservata hac appellatione superioris iudicis ex gravi causa. Si enim mutuum favendurum? rationes legis naturalis sint subtiles & probatu difficiles, iisdem lege civili substituuntur aliæ captu & probatu faciliores, quæ illis ut plurimum æquipollent (§. 986. P. VIII. Jur. nat.). Quare & in legibus de mutuo ad caput vulgi concinnandis, adhibendæ sunt rationes probabiles acta evincendi, & officia injungendi, captu difficiliora. Interest autem reip. ut habeat cives opulentos, qui mutuum dare & possint & libenter velint, ut indigentes gratuito rerum fungibilium usu habeant, unde eo potiantur, nec periculis & molestiis subeundis a dando mutuo absterreantur (§. 395. ibid.). Sicubi igitur a lege naturali recedendum est in lege civili, id potius fieri debet in favorem mutui dantis, qui nihil inde lucratur, quam accipientis; ne hic illius damno locupletetur & illius incommodo suis commodis liter (§. 585. P. II. Jur. nat.).*

Ccc 2

Enim.



Enimvero quia leges civiles naturalibus non debent repugnare (§. 973. *ibid.*): si quo casu stricte inhærendo legi civili injuria fieret illi, qui mutuum accepit, concedendum ipsi est, ut superioris judicis patrocinium modeste expositis rationibus quærat. Cum appellatio sit imploratio æquioris sententiæ superioris judicis (§. 548. *ibid.*): dubium esse nequit, quin iniquam sentiens inferioris judicis sententiam, graves, quibus nititur, rationes judicis superioris cognitioni submittere debeat, interposita ejus appellatione modesta.

Dari & in mutuo casus quosdam difficiliore, paucis erit explanandum. Si quis triticum dedit alteri mutuum, quando ejus pretium est solito majus, quod dum illi redditur, multo est minus; videbitur is lædi, qui illud tum mutuo dedit. Vice versa videbitur reddens lædi, qui carius factum triticum reddit, quod minus dimidio valebat, quando illud accepit. Sed quia in mutuo non agitur de pretio, sed de re mutua, quam retinendi jus habebat, qui dedit, & retinisset, nisi dedisset, utique non nisi illius fuisset pretium interim auctum. Similiter illius fuisset pretii detrimentum, si triticum retinisset. Posito igitur, dantem mutuo triticum, illud alias retinuisse: manifestum erit, illius merito esse & incrementum & detrimentum, quod pretio tritici interim natum est. Nulla igitur in utroque casu, cæteris paribus, nec danti mutuum, nec reddenti fit injuria. Idem quoque valet in pecunia, cujus valor alio tempore crescit, alio decrescit, si eam dominus retinisset. Ad vulgi sensum accommodatior est ratio civilis, ideo hæc esse servanda, seu tantumdem ejusdem speciei & indolis esse reddendum, quantum est mutuo datum, quia ita jubet lex mutui. E contrario si daturus mutuum prævidit pretium tritici esse decreturum, ideoque id vendidisset officii causa, nisi petenti mutuum gratificari maluisset; hoc quia suo jure facere potuisset, æquum est, ut petens mutuum, illum indemnem præster, qui id est daturus. Ne tamen controversia de hac re nascatur, forsan ex opinione animo donandi id esse factum,

factum, quando nihil diserte de ea re convenit: recte injungit lex, ut disertis verbis hoc casu conveniatur, tantum tritici tum esse reddendum, quantum idem, quod nunc, valebit. Vulgus quidem & hoc mutuum appellat, quod revera est addictio tritici pro pecunia h. e. venditio; & redditio est retrovenditio tritici ejusdem valoris. Inde casu dubio attenditur mutuum proprie dictum, eoque uterque adquiescet. At quando duplo majus pretium debitorem pauperem esset læsurum, & incertum est, utrum alter retinuisset, an vendidisset, quod mutuum dedit, appellatione admissa iudex superior statuet, quod æquius deprehender, ne scilicet in re dubia fortuitaque inops graviter aut ultra dimidium lædatur.

## §. 348.

*Commodatarum rerum haud multo dispar ratio postulat, ut illarum quoque securitati indemnitateque legibus iudiciisque secundum leges commodatis nature prospiciatur.* Differunt scilicet res commodatæ a mutuis prospiciendum? eo potissimum, quod hæ usu consumuntur, illæ vero salvæ manent & manere debent (§. 418. *§. 513. 2. IV. Ju. nat.*). Casu, quo usu perirent, mutuis forent æquiparandæ, iisdemque legibus subjectæ. Cum vero ea sit ipsarum indoles, ut legitimus earum usus ipsas relinquat salvas, qui gratis alteri conceditur (§. 441. *ibid.*): publica auctoritate cavendum est, ne usus commodati gratuitus in civitate exfolescat. Quare uti commodans adigi potest, ut promissum rei suæ gratuitum usum alteri, ne ipse ea interim indigeat, secundum initum contractum præster (§. 476. *§. 497. ibid.*): ita quoque commodatarius civili lege obligandus est, ne qua culpa sua rem commodatam reddat deteriolem, multo minus destruat (§. 441. *ibid.*); sed ut potius eamdem accuratius, quam suammet, custodiat, conservet (§. 442. *ibid.*), & finito usu eam reddat, qualem accepit, certe non deteriolem, ac fieri debuit usu concesso (§. 445. *ibid.*). Si quod damnum vero eidem datum est, illud ut resarciat, adi-

gendus est (§ 446. *ibid.*). Paucis ut rem absolvam, civili lege & iudicio obligandus est adjuvandusque, quisquis commodatum iniit, ut legibus naturæ de commodato (*vid. P. IV. cap. 3. Jur. nat.*), uti par est, satisfiat (§ 395. P. VIII. *Jur. nat.*).

## §. 342.

*Quid pupillorum tutela causa procurandum?*

Ne pupillorum educatio, & si qua habent, bonorum administratio negligatur, publica auctoritate tutores vel dandi sunt, vel recte electi aut legitimi confirmandi, & uti ad rationes reddendas cæteraque tutelæ officia legis naturalis obligandi, ita & in partibus suis procurandis adjuvandi pupillorum privilegiis, & tuendi (§ 758. & 759. P. VIII. *Jur. nat.*). Quem in finem & legibus opus est tutelaribus, meliora cæteris pro reip. indole præscribentibus (§ 978. P. VIII. *Jur. nat.*), attamen ad legum naturalium P. VII. *Jur. nat. cap. 4. §. 841. seqq.* normam accuratis, & privilegiis pupillaribus, boni publici causa dandis (§ 872. P. VIII. *Jur. nat.*), & magistratu tutelari (§ 760. *ibid.*); & curandum, ut quoque pupillis egenis bene prospiciatur (§ 741. *ibid.*). Ex pari causa similia quoque valent de curatela furiosorum, mente captorum, imbecilli iudicio præditorum, feminarum, prodigorum, surdorum, mutorum, morboque perpetuo affectorum sic, ut impares sint rerum suarum administrationi (§ 842. P. VII. *Jur. nat.*).

*Item curatela ergo.*

Plerumque tutelæ gratis geruntur, æque ac curatela, quando tenue est patrimonium. Vbi vero amplum curandum est patrimonium, æquum est, ut tutori curatorique indemnitas præstetur, datoque honorario ei beneficium reddatur, quanquam id exigi nequit, etiamsi bene gesta est tutela aut curatela (§ 909. P. VII. *Jur. nat.*). Quando operæ tutelarum curatelarumque sunt gratitæ, continent beneficium miseris præstandum, quod si non ab ipsismet, tamen ab aliis in simili statu sperari potest, ideoque redditur ab aliis, paribus ipsi reddendo. Leges tutelares

inse-



inferi solent statutis urbium & provinciarum, aut seorsum edi, petunturque haud raro ex aliis locis, ubi floret status rerum pupillarium. Ita Norimberga petiit suas leges tutelares ex 35 capitibus a rep. Veneta sancitis, teste *Dietherro in addit. ad Besoldi Thes. pract. ad voc. Waisen-Gericht.*

## §. 350.

Neque minus curandum est, ut mandatis, depositis, sequestroque Quid de naturalis adhibeatur justitia & aequitas, publica autoritate suffulta & mandatis, promota. Etenim cum in mandato, tum in deposito, ac seque- depositis, cat. stro gratuitæ aliis operæ præstantur (§. 575. 640. & 630. P. providen- IV. Jur. nat.), æque ac in tutela (§. 349.). Conceditur ergo dum? usus operarum nostrarum gratis aliis, qui eo indigent, quando nos illo non indigemus. Quapropter uti in commodato (§. 348.), & in tutelis (§. 349.): ita quoque in mandatis, depositis, quibus sequestrum accensendum, publica autoritate cavendum est, ne quid legibus naturalibus adversum. ideoque ne quid injustum vel iniquum committatur, sed potius justitia & æquitas naturalis, quantum status potest, causa fieri potest, & in his legum civilium obligatione & executione suffulciatur. Quod multo magis de precario valet (§. 1124. P. V. Jur. nat.).

## §. 351.

Qui vel ipso usu rerum operarumve suarum, vel ejus pretio offi- Quid de fec- ciorum erga se causa indigent, ideoque sibi contractu scenebri, aut loca- nore & loca- tione quadam prospicere cupiant, us subveniendum est legibus, modos id tione rerum consequendi tutiores præscribentibus obligantibusque, ad eorum observatio- operarumque nem. Quisquis usum ejus, quod suum est, alteri gratis con- statuendum. cedere nequit propter officia erga se ipsum, is aut ipse eodem indiget, aut illius compensatione æqua, si illum aliis conce- dere mavult. Priori casu illicitum est, eum alteri concedere; posteriori illicitum est, eum alteri gratis concedere seu donare (§. 1414. P. IV. Jur. nat.). Quia illicitum est hoc casu, usum alte-

alteri donare, quem aliis præstare valet, dum ipse eo non indiget, sed tantum illius æqua compensatione; illis eum præstare debet, qui illum ex æquitate compensare & possunt & volunt. Constare ergo debet, quænam compensatio sit æqua, hanc omnibus momentis rite excussis leges definire civiles, tutioresque modos eam consequendi præscribere & obligare cives suos ad eorum observationem debent, tum quando pecuniæ causa contractu scænebri utuntur, sive pecuniam scænorillocant, tum quando aliarum rerum vel operarum usum elocant conducturis.

Recepto ubique more locatio concedit alteri usum fructumve rei suæ aut operæ ea lege, ut pro illo usu solvatur pecunia, aut res alia, qua indiget locator, & quæ pretium usus æquet. Hujusmodi esse possunt quævis vitæ præsidia, uti in contractu vitalitio, in functione munerum publica aut privata, & in operis servilibus locatis & conductis. Possunt quoque esse partes fructuum frugumque, uti convenit.

## §. 352.

Quis modus  
usuris sit  
præstituen-  
dus?

*Ne usuraria pravitas exerceatur, scænorillocant modus secundum æquitatem naturalem legibus est præstituendus, quem excedere nulli sit impune.* Legibus enim definiendum est, quis modus sit optimus obtinendi indemnitate usus pecuniæ aliis concessi (§. 351.). Sed melior modus dari nequit eo, qui æquitati naturali convenit, utpote qui non tantum justus simul est (§. 582. P. V. Ethic.), sed & ne imperfecto quidem alterius juri adversatur (§. 240. P. I. Phil. pract. univ.), ideoque & perfectæ & imperfectæ obligationi erga alios satisfacit (§. 242. *ibid.*). Quapropter usurariæ pravitatis arcendæ causa is lege civili ponendus est usurarum modus, qui respondeat æquitati naturali, saltem ut plurimum (§. 982. & 986. P. VIII. Jur. nat.).

Irrita autem esset lex, modum usurarum definiens, si impune violaretur (§ 587. P. VIII. Jur. nat.). Quapropter & legi usurarum modum statuenti tales tantæque addendæ pænæ, quæ ad cohibendam ejus transgressionem, quantum datur, sufficientiant (§. 585. *ibid.*), neque permittendum est cuiquam, ut eam impune violet (§. 647. & 656. *ibid.*).

## §. 353.

*Vt plurimum peti is modus potest ex convenientia usurarum cum Modi usurata mercatorie societatis.* Etenim societas mercatoria est pactum *rum* definien-  
de rebus operisque eum in finem conferendis, ut & lucrum & *di fons pri-*  
damnum sit commune (§. 1318. P. IV. Jur. nat.). Jam quilibet *mus.*  
socius obligatur facere, quod ad finem consequendum facere potest, & quod conventum est, ut ab ipso fiat (§. 7. P. VII. Jur. nat.). Prout res atque operæ ab hominibus pro æquo pretio invicem sunt communicandæ (§. 322. P. IV. Jur. nat.): ita æquum operarum pretium id est, quo alii eas nostro loco subire solent, quando ipsimet illis vacare impedimur (§. 293. *ibid.*); & æquum usus pecuniæ pretium, quo dominus gaudere potest, si ipse ea recte utatur, demto operarum, & demto, si quod ab altero recipitur, periculi avertendi pretio, vel generatim demtis necessariis impensis (§. 1410. *ibid.*). Quia ut plurimum usuræ dantur vel lucri ex pecunia conductæ faciendi, vel damni impendentis avertendi causa, experientia teste: ut plurimum modus usurarum licitus peti potest deberque ex spe lucri annui sortis, societati sine periculo inferendæ, & damni periculi que tantisper propullandi (§. 1411. *ibid.*).

Si cui prædium est emendum pecunia aliena, cujus usus pretio dominus indiget, aut esset vendendum, nisi pecunia usuris conducereetur: ineundus est calculus, quantum lucri demtis impensis inde possit percipi, aut quantum damni averti ope illius pecuniæ conductæ. Quod si ad annum spatium, & ea, quæ  
(*Wolffii Politica P. III. Sect. I. C. V.*) D d d ordi-



ordinario fieri solent, revocetur, patebit, quantum demtis demendis usurarum loco alteri dari possit ex aequitate, ad illum ratione usus alteri concessi indemnem præstandum. Idem etiam sic ostendi potest: si concipitur, prædium alii locari pro annuis redditibus. Tum annui redditus erunt integrum locarium. Cognito prædii pretio, inferetur integri prædii redditus annui sunt hi, de quibus convenit: quantum illorum debetur creditori pecuniæ conductæ, & quantum domino? Quoniam periculi averfi pariter suum habet valorem, quo redimi potest, minor debet esse usura, quando periculum prædii est debitoris, quam quando est creditoris. Priori casu usuræ non solent esse, nisi quinquunces, aut semisses pro diversis prædiorum proventibus, quorum causa fors quæritur credenda. Posteriori autem casu ad bessem, vel usque ad assem concedi solent, habita rursus ratione diversitatis proventuum. V. c. si periculum carinæ creditor recipiat, vel periculum mercimoniorum &c.

## §. 354.

*Alter fons*

*modum usu-  
rarum defi-  
niendi.*

*Deinde considerandum est, quanti intersit vel creditoris vel debitoris, ut id fiat, quod in contractu scænebri quæritur & convenitur.* Variis enim modis interesse potest contrahentium, usum pecuniæ pro usuris sibi concedi vel alteri locari, seu illico, seu dato tempore brevi aut longo, item tantæ summæ, quanta alter indiget, aut cujus usuris alter carere nequit, item ne alteri concedatur pecuniæ usus, & tum usuræ licitæ erunt pro eo, quod utriusque interest (§. 1412. P. IV. Jur. nat.). Quam ob rem lege civili modus usurarum etiam definiendus est ex eo, quod contrahentium interest, usuras tales aut tantas statui.

Interdum honoris interest existimationisque ac famæ, interdum lucri acquirendi & continuandi, aut damni avertendi vel præveniendi, aut gratiæ & amicitiae cujusquam magnatis aut principis aucupandæ vel conservandæ, a qua pender salus omnis hujus vitæ. Hujusmodi res sæpe adstringuntur loco, tempori, occasione rerum gerendarum non prætermittendæ.

Inde

Inde præter usuras conventas nascuntur & usuræ moræ, solvenda ideo, quod debitor est in mora solvendi, eaque sæpe creditori damnum dat, si non irreparabile, saltem majus usuris annuis. Inde quoque qui perbrevis tantum tempore credi sibi pecuniam cupit, majores solitis usuras stipulari potest, vel indemnitate, opportunitatis interim collocandæ illius summæ in usuras. Inde & pœna conventionem statui potest moræ solvendi, & anatocismus adhiberi, usuras pro nova sorte retinens (§. 1426. *ibid.*).

## § 355.

*Si quis licito & præseari usu pecuniæ suæ plus lucrari potest, quam ex usuris vulgaribus, concedendum est illi, ut plus solito usurarum accipiat ab eo, qui mavult illum indemnem præstare, quam usu pecuniæ ejus carere.* Dominus enim quovis licito modo uti pecuniæ sua potest, uti officia ejus requirunt, neque cuiquam jus est, illum in usu ejus impediendi (§. 650 P. II. *Jur. nat.*). Quare & licitus usus oblatum illi est concedendus, & si eo plus lucrari potest indubie, quam ex solitis usuris, is alius, qui mavult illius pecuniæ gaudere, quam carere, indemnem eum præstare debet majoribus solito more usuris (§. 99. P. I. *Jur. nat.*). Quare si melius sibi consulere nescit, hoc illi concedendum, pactoque illo standum erit (§. 789. P. III. *Jur. nat.*).

Quando duo imminet mala inæqualia, & subeundo minus evitari potest majus, nullum dubium est, quin minus sit subeundum, ut majus avertatur (§. 213. P. I. *Phil. pract. univ.*). Idem contingit in hoc casu, quando v. c. aut cum majori damno essent vendenda, aut cedenda creditoribus prædia, e quibus vitæ præsidia petenda debitori sunt; aut quando insigne lucrum aliter haberi nequit, quam si solitis majores dentur usuræ: ideoque tum pacto promitti, & promissæ præstari debent, ut indemnitas præstetur pecuniæ dominus, alio pari aut majori emolumento nostri causa cariturus. Vnde exceptiones ab ordinaria usura dari & concedendas esse apparet, ubi usuraria pravitas abest, & non agitur nisi de indemnitate domini, alium parem aut ma-

jorem pecuniæ usum in gratiam alterius negligentis. Neque necesse est, ut is in legibus exprimatur casus, quanquam id quoque fieri potest, modo a superiori judice implorato, oborta de illo lite, secundum illum jus dicatur.

## §. 356.

*Item de fungibilibus aliisque rebus valet.*

Quia usuræ non sunt nisi usus pecuniæ legitimus, & quidquid pro eo datur (§. 1403. P. IV. Jur. nat.): quod de usu ris ostendimus, valet quoque de aliarum rerum usu, qui aliis gratis concedi nequit. Hinc & de usu rerum fungibilium similiter statuendum est, ac de usu pecuniæ, cui is æquipollet (§. 1418. seq. ibid.). Neque aliter sancendum de usu earum rerum, quæ usu non consumuntur, ideoque & ipsæ reddendæ sunt citra culpofam depravationem, cum pretio usus æquo.

Si quis venditurus est suum frumentum, alter eo indiger sementis faciendæ aut alterius usus causa, emere vero illam nequit, neque permutare cum re sua, qua venditurus egeret, promittit ergo illius restitutionem cum compensatione damni, quod alter usu pretii destitutus interim incurreret; contrahi passim idque legibus concedi solet, ut pars quinta reddito addatur, quod appellant auf den fünften geben vel austhun zur Saat. Simile quid contigit in Aegypto, cum Josephus sementem daret colonis. Genes. XXXXVII, 24.

## §. 357.

*Quibusnam*

*Cavendum quoque, ne ex solis usuris multi victitent desides, qui ex usuris vi-* civitati possent inservire ceteris præstantiores. Hominibus enim *la-* vere liceat? borandum est, nec cuiquam prorsus otiaandum (§. 514. seq. P. I. Jur. nat.), & cuique is eligendus est labor, cui se parem sentit, & qui ipsum decet (§. 528. seq. ibid.). Quod cum & opulentos obliget, & in civitate ferendum non sit, ut otio diffluent, quibus vires ad laborandum suppetunt, sed curandum potius, ne illis labor honestus desit (§. 422. P. VIII. Jur. nat.):

per-



perspicuum est, ferendum quoque non esse, ut divites iique præstantiores cæteris desidem agant vitam, qui ex usuris aliisve redditibus laute vivere & otari possunt. Licet illis, qui justam habent excusationem vel ætatis, vel valetudinis, vel impotentiae cujuscunque, vel aliis modis civitati profunt, aut quibus alii meliores, habiliores, & meritis præstantiores dantur, permitti possit, ut suo indulgeant arbitrio in suo vitæ genere; ne tamen aliis pravo noceant exemplo, adhibendi sunt ad labores fere gratuitos, sibi tamen honorificos, utpote ad artium utilium & scientiarum incrementa amplificanda. Ad ea igitur invitandi sunt honorum titulorumque prærogativa, ne plures, quam civitatis saluti expedit, otio transeant vitam, usuris redditibusque abutentes. Multo minus ipsis concedendum est, ut in istum finem diligentiores usuris vexent atque locario enormi, iniquisque aliis modis.

Præter necessitatem unique nemo est adigendus ad labores hujusmodi, quos non nisi invitatus subit, & quibus recte fungi nequit. Item quamdiu alii non desunt, qui publicis vacare cupiunt laboribus, quibus pares, ne illi quidem labores illis sunt obtrudendi, quibus pares essent, nisi alia salutis publicæ habendæ ratio accedat. V. c. si splendidius gerere sese in functionibus possint, idque in decus civitatis vergat. Tum enim civitatis decoro lubenter studere & bene de illo mereri eo magis debent, quo id suismeritis augendis est conducibilius. Quo graviores autem habent rationes abstinendi a publicis negotiis, & privato secessu otioque litandi, eo lubentius id illis est indulgendum, si aliis modis consulere salutis publicæ malunt, vel & anterioribus functionibus vacationem meruerunt. Ita T. Pomp. Atticus civitatem romanam sentiens admodum perturbatam, neque sibi dari facultatem pro dignitate vivendi, quin alterutram partem offenderet, animis civium dissociatis, idoneum tempus

ratus studiis obsequendi, Athenas se contulit, neque eo secius amicos adjuvit, & remp. ut semper optimarum partium & esset & existimaretur, teste *Nepolte in ipsius vita*. Quo minus ergo civitas laborat defectu virorum peritorum & dignorum, & quo majori eorum copia laborat: eo facilius permittendum est locupletibus, ut ejusmodi labore fungantur, quo in primis delectantur, & in quo ideo plus boni præstabunt, quam in alio quovis. Alliciendi ergo sunt alii ad hos, alii ad illos labores illaque studia, quibus pauciores vel propterea vacant, quia non faciunt ad lucrum captandum, aut panem sibi parandum. Si qui vero locupletes impares sint rebus publicis gerendis, præstat eos otiose ex redditibus vivere, quam cum dedecore civitatis publicis rebus admoveri. Isto enim casu utcunque alit alios partim servientes, partim vendentes ea, quibus indiget, & tributa confert; hoc autem vel negligit commune bonum, vel impedit eique nocet.

## §. 338.

*De curandis  
circa locatio-  
nem & con-  
ductionem.*

*In locatione & conductione rerum seu mobilium seu immobilium, operarumve servilium aliarumque legum civilium obligatio & exsecutio non solum justitiæ sed & æquitati legum naturalium est attemperanda, nec ferendum, ut otiosi, mendicandi & male agendi libidine operarum locatio fugiatur.* Postulant prius eadem rationes civiles, quas antea attulimus in curandis informandisque contractibus iridem onerosis (§. 335. seq. 351.), præsertim quatenus illæ ad æquam pensionis, locarii & mercedis determinationem, ad obortarum inde controversiarum promptam decisionem in casibus tacitam conditionem & exceptionem complexis, & in emergentibus damnis fortuitis, uti par est, ferendis, rite sunt applicandæ secundum §. 1194. 1316. P. IV. Jur. nat.

Posterius non tantum illis nititur momentis rationum, quibus §. 357. ostendimus, non ferendos esse divites, turpi otio vacantes, sed & aliis gravioribus, quia scilicet desides inopes

opēs non possunt non vitiis operam dare, ut obtineant, unde nutriantur. Ideoque furtis, quæstui meretricio, latrociniiis, rapinis, & ut paucis reliqua complectar, omnis generis sceleribus, aliique aliis nec paucis adsuefiunt, sibi que tandem multisque aliis noxam parant perniciemve.

Si ferendum non est, ut opulenti sint desides, suosque & aliorum mores desidia corrumpant; multo minus ferendum est, ut inopes vacuæ se dedant, & operas locare illis denegent, qui conducere eas æqua mercede cupiunt. Hi enim non possunt non in dies magis magisque degenerare, globos nefarios inire, & adversus bonos cives conspirare, quævis genera flagitiorum vitiorumque sectando, plurimisque modis salutis publicæ nocere. Ad minimum pigritia stipem cogendo civibus molesti sunt, dignioribusque pauperibus præripiunt, quæ ipsis debebantur. Quæ sic corradunt, ea helluando pergræcandoque abliguriunt, aut lupanaribus lustrisque impendunt.

§. 359.

Quia societas in commune lucrum damnumque locatpe- *Circa Societatem* operasque (§. 1318. *P. IV. Jur. nat.*): quæ §. 358. *de locatatione & conductione præcepimus, cadunt quoque in communionem & societatis &c. ciетatem quamcumque, ad salutem publicam secundum leges naturæ (§. 1319-1409.) attemperandam, promovendam tuendamque.*

Societati affines sunt locationes & conductiones hortorum, ædium, pratorum, agrorum, armentorum, gregum & pecudum in genere terrestrium, ferarum, & piscium, astacorum, aucupii, fodinarum, salinarum &c. pro certa seu pecunia seu lucri & reddituum rata. Dantur enim mancipes & conductores vectigalium, seu publicani, redemptores molendinorum, venationum, piscationum, prædiorum villici, caupones, admodiatores fundorum omnis generis, & coloni conductoresve alii partiarii, partem frugum fructuumque dimidiam, tertiam, quartam, quintam &c.



&c. habentes, prout diversitas proventuum & operarum ac sum-  
 tum permittit pacisci. Huc pertinet contractus *Socidæ*, pecu-  
 dum nempe restituendarum talium, quales datæ sunt, quæ no-  
 stris dicuntur eiseru Vieh, & contractus similes, uti alveariorum,  
 piscinarum, retium & plagarum, instrumentorum, & utensilium  
 omnis generis, mancipiorum, & glebæ adscriptorum, ædificio-  
 rum generis cujuscunque, &c. conservandorum & reparandorum.  
 Vid. P. IV. Jur. nat. c. 4.

## §. 360.

*Circa debi-* Pignoribus, hypothecis, fidejussionibus, ex promissione constituto,  
*torum secu-* delegatione, cessione, transactione, novatione uti cives tuto & caute utan-  
*ritatem* & tur, leges civiles præscribent, ea, quæ Jus naturæ de his dicitur, quam  
*mutationem.* optime fieri potest, applicando. Non indigent hæc nova probatio-  
 ne, sed satis luculenter patent repetitione eorum argumento-  
 rum, quibus in hoc capite aliquoties utendum fuit. Vid. P. V.  
 Jur. nat. Cap. I. § IV.

Cum dominus gaudeat jure vindicandi sibi res suas, uti in alie-  
 natione, ita & in pignore cavendum, ne res aliena nisi consen-  
 tiente domino oppignoretur, aut pignoris loco recipiatur; item  
 ne venditio pignoris, vel datio in solutum fraudi sit ejus domino.  
 Itaque publica autoritate cognita causa subhastatio pignoris insti-  
 tuenda. Idem quoque valet de hypothecis, quæ ideo judicia-  
 liter constituendæ, nè dolus facile committi & creditor falli  
 possit, præsertim si sub nomine hypothecæ lateat vera venditio,  
 omne periculum ejus in creditorem devolvens, & retrovenditio-  
 nem tacitam debitori conservans. Sic & fidejussio nuda deterior  
 est ea, quæ honorum obligationem adjunctam habet, & ad hære-  
 des transit cum iisdem. Novatio autem, delegatio & cessio ne  
 imperitis fallendis fraudulenter adhibeatur, leges & cautelæ ci-  
 vibus sunt patefaciendæ. Vfus quidem id docet eos, qui suo pe-  
 riculo aut damno sentiunt tandem, quam falsi fuerint in sua  
 opinione. Præstat tamen & in hujusmodi consuetudinibus, &  
 alibi

alibi non usitatis moribus, apertis legibus occurrere fraudibus pravorum, & bonis civibus oculos aperire, quam istis occultatis calliditati & astutiae locum peccandi dare & impunitatem. Quod hic de præcipuis contractibus accessoriis monetur, de aliis quoque notandum.

## §. 361.

Neque secus existimandum est, de contractu æstimatorio, inſitorio, Circa contractum exercitorio; de contractibus, quos dicunt, innominatis, & de quasi contractibus reliquos, tractibus, in societate paterna, negotiorum gestione, indebiti solutione & quasi-conceptione, quasi locatione & societate, seu communione incidente, cate-tractus. visque. Vid. P. V. Jur. nat. cap. 1.

## §. 362.

Providendum quoque est, ut contractus, aleam continentes, Circa conclusioni, sponſiones, vitalitia, rata fodinarum, emtiones per aversionem, spei tractus aleæ & missilium, & sortilegia non aliter concedantur, quam æquitati naturam continenterali & salutis publicæ conducunt. Providendum est juribus in re alienatis & servitutibus recte acquirendis moderandisque ad commune bonum. Favendum denique moris obligationem ad contractum legitime tollendi, & cavendi, ne quid illis contrarium admittatur. Vid. P. V. Jur. nat. cap. 2. 4. & 6.

Contraho & mitto hic plurima in compendium, ne justo longior evadam, singula persequendo. Qui enim præcedentia tenent præcepta, illi facile & in his viam invenient, qua sit eundem, si, quid in his vel indulgendum, & quomodo ac quamdiu id sit indulgendum, disquiratur; item quando & cur non sit indulgendum; sed prohibendum, & contra prohibitum agentes puniendi sint hoc vel illo modo.

## SECTIO II.

DE

CVRA SAPIENTER PERFI-  
CIENDI CIVIVM CORPVS ET STATVM  
EXTERNVM SEV FORTVNAM.

## CAPVT I.

DE

Cura civium vitæ ejusque præsidiorum  
sapienti.

§. 363.

*Perficiendus  
est corporis  
civium status  
internus &  
externus.*

**N**on animi tantum sed & corporis civium statusque ejus conjunctis viribus perficiendi ratio habenda est in Rep. Cives enim constare ex animo & corpore eidem respondente, dubio caret. Sed conjunctis viribus enitendum est, ut homines in civitate evadant sintque tales, quales postulat salutis publicæ comparatio conservatioque quam optima (§. 303. P. II. Polit.). Quare conjunctis quoque viribus opera navanda est, ut quemadmodum animum eorum perficiendum esse docuimus, ita quoque ostendamus, quomodo ipsorum corpus salutis publicæ causâ, quam optime curari, conservari, ejusque status internus & externus ad eundem finem aptissimus fieri & durare possit (§. 38. P. I. Polit.).

Parentum partes in corpore liberorum suorum educando in æconomicis excussimus. Hic ea restant addenda, quæ a civitate & bene constituta rep. expectanda sunt, nec extra illam æque haberi possunt. Plus enim fieri potest viribus conjunctis & publicis, quam privatis sejunctisque, & civitas ea propter initur, quæ singulorum aut paucorum viribus nequeunt obtineri (§. 1-4. P. VII. Jur. nat.).

§. 364.



## §. 364.

Quia status corporis civium internus & externus perfici Ope bono-  
endus est (§. 363.); perficitur autem bona corporis obtinendo, *rum corporis*  
tuendo, augendo (§. 556. *Psy. hol. empir.*), & promovendo bo- *promotorum.*  
num commune; quod bona fortunæ complectitur, quia infert  
abundantiam eorum, quæ ad vitæ necessitatem, commodita-  
tem jucunditatemque faciunt & securitatem ab injuria aliorum  
& a vi hostium externa (§. 9. *P. VIII. Jur. nat.*): *opera danda est*  
*in rep. ut bona corporis civium & singulorum & omnium promoveantur,*  
*confervantur & a vi interna atque externa, quantum fieri conjunctis vi-*  
*ribus potest, tuta præstentur* (§. 42. *P. I. Polit.*).

## §. 365.

Sunt autem bona corporis, vita, sanitas, integritas orga- *Bona & ma-*  
norum membrorumque omnium, vigor, robur, pulcritudo & *la corporis.*  
agilitas, quæ naturalia vocantur, quatenus naturæ beneficio de-  
bentur, quatenus autem, quod ipsis inest, culturæ & arti de-  
betur, acquisita vocantur, uti gradus innumeri, conspicui in  
motibus habitibusque legitimis, non nisi exercitio parandis (§.  
751. *P. I. Jur. nat.*). Mala cum absentia boni, & illius contra-  
rio absolvantur: mala corporis sunt, mors, morbi, vulnera, ru-  
pturæ, frakturæ, laxationes & privationes membrorum corpo-  
ris, eorumque usus expediti, dolores, languor, debilitas, e-  
nervis deformatitas, inertia & torpor (§. 752. *seqq. ibid.*).

## §. 366.

Si igitur civium bona corporis sunt provehenda & tu- *Mala corpo-*  
tanda (§. 364.): *mala corporis* e contrario erunt *arcen. la,* & *si irre-* *ris sunt aver-*  
*pserint, quantum vires permittunt, tollenda aut minuenda* (§. 365.), & *tenda.*  
(§. 43. *P. I. Polit.*).

## §. 367.

Primum inter bona corporis locum meretur id, sine quo *Primaria cu-*  
nullum aliud locum habere potest, quodque ideo basis est omni- *ra versetur*

*circa vitam* um cæterorum, scilicet, vita; primum inter mala, ipsius vitæ  
 & *mortem.* privatio, mors, omnia simul corporis bona reliqua tollens.  
*Primaria igitur civium vitæ cura esse debet, quando corpori ipsorum bene est prospiciendum in civitate.* Pariter & in malorum avertendorum studio, *primæ partes vindicandæ sunt curæ mortis pro viribus avertendæ.*

## §. 368.

*Quid circa vitam civium curandum?* Liquida omnibus constat experientia, homines homini vitam nec dare, nec ereptam reddere posse. *Redit igitur omnis cura circa vitam civium ad sapientem ejus conservationem, quando eam Deus dedit, & quamdiu eamdem largiri pergit, juvandam, & ad impedienda ea, quæ ipsius conservationi obstant.*

## §. 369.

*Punienda est autocbeiria.* Obstat apertissime conservationi vitæ suo marre in ipsam grassans *αυτοχειρία*. Et interest reip. ne crimina & delicta maneant impunita (§. 656. P. VIII. Jur. nat.). Quapropter *αυτοχειρία* voluntaria omnis generis non tantum acriter prohibenda, sed & *severe punienda est.* Se ipsum enim vita privare, non tantum contra naturam est, contra jus Dei (§. 195. seq. P. IV. Ethic.), sed & contra officia civilia, sive temere minuat numerum civium, sive pœnæ evitandæ causa committatur, sive ex quocunque alio vitio profecta malo noceat exemplo. Ideoque autochires, nisi fuerint furiosi, amentes, deliri, melancholici, recte privantur honesta sepultura, aut pro re nata inhonesta, asinina, aut graviore, more aliorum delinquentium & ignominia, puniuntur (§. 712. P. VIII. Jur. nat.).

Vti varii dantur gradus gloriæ, celebritatis, dignitatis & famæ laudabilis post mortem, qua interdum gaudent, qui vivi illa carebant: ita quoque varii dantur gradus denegandi illa virtutum merita, & irrogandi vitiorum ignominiam & infamiam promeritis, vel si hoc mavis, demeritis, h. e. gradibus vitiorum flagitio-

gitiorumque. Apud Aegyptios olim sepultura prohibebantur alii ob intentata crimina, alii ob æs alienum non solum, teste *Diod. sic. Bibl. hist. L. I. c. 92.* Licet inter paganos, qui rædio vitæ, vel impatientia doloris mortem sibi consciverant ex stoicorum erronea disciplina, impuniti manerent; qui tamen ante sententiam sibi intulerant manus violentas, pro confessis & condemnatis habebantur, eorumque bona publicabantur *l. 3. ff. de bonis eorum, qui ante sententiam*; modo delicti essent rei, ob quod morte erant plectendi, & criminis conscientia sibi manus intulissent, nec hæredes eorum innocentiam ostenderent. Carolina nemesei sepultura ignominiosa non irrogatur nisi his, qui ex frivolis causis mortem sibi conscivere; in dubio tamen casu, aut si melancholia, delirium, morbi rigor usum rationis inhibens, adfuit, mitior dictatur pœna, aut nulla, quando nullum ostendi potest delictum. Puniendi tamen & illi sunt, qui non impediverunt, quantum potuere, insana ejusmodi hominum consilia & attentata. Vbi consilium malitiæ manifestum est, recte carnici traduntur cadavera in loco maleficorum, saltem non honorifico sepelienda (§. 705. *P. VIII. Jur. nat.*), & infamis censetur, si quis alius ea contingat spoliare. Possent etiam propter prævia alia crimina insepulta relinqui, suspendi, rotæ imponi &c. Item exasperanda erit pœna ob alias rationes graves, v. c. frequentiam delicti, iterata attentata &c.

## §. 370.

Vitæ conservationi obstant certamina singularia, quibus *Duella sunt* haud raro injuste vita adimitur vel alterutri, vel utrique con-*rigorose pro-* certantium; id quod per se est manifestum. Idcirco *certami-* *hibenda* & *na privatorum singularia in republica non sunt toleranda, sed potius im-* *punienda.* *pedienda, rigorose prohibenda* & *punienda*, sive ineantur controversiæ decidendæ, sive famæ tuendæ, & vindictæ exercendæ, sive peritiæ pugnandi, & quasi fortitudinis ostentandæ causa (§. 569. *seq. P. VIII. Jur. nat.*).



Germanis appellantur duella, seu bella hæc privata & privato-  
rum, *Zwei kämpfe*, quia a duobus iniri & absolvi possunt. Esse  
illa vel in statu naturali illicita, & inepta ad litem decidendam,  
injuriæ vindicandam, famam tuendam, periculum virium &  
peritiæ pugnandi faciendum, patet ex §. 1091. *sqq. P. V. Jur.*  
*nat.* Involant in jura majestati divinæ in hominum vitam refer-  
vata (§. 1109. *P. I. Theol. nat.*). Involant quoque in jura civi-  
tatis, cujus interest, ut vita civium conservetur, quamdiu Deus  
eam non aufert (§. 17. *P. VIII. Jur. nat.*), & cujus est vindicta  
injuriarum publica (§. 559. *seq. ibid.*). Peccant quoque in se  
ipsos temerarii hi concertantes, omnia fere bona animi, corpō-  
ris & fortunæ periculo subjicientes, quod audaciæ est & teme-  
ritatis insanæ. Quando privata aut privatorum dico hæc cerra-  
mina, distingo illa ab his, quæ publica autoritate inter duos  
vel paucos loco omnium, seu totius exercitus conflicturos ineuntur  
(§. 498. *P. I. Polit. not. 2. 499. & seq.*); distingo pariter a mo-  
deramine inculpatæ tutelæ, quæ est officii naturalis.

## §. 371.

Quomodo  
sint impedi-  
enda?

*Ad impedienda, quantum fieri potest, duella, oportet animos veri  
honoris principiis imbuere solida convictione, eximere illis quævis præ-  
judicia, duellorum fomites & fomenta, inhibere injurias, iis locum fa-  
cientes, provocationes, ac vindictam privatam, imperare aliis præsen-  
tibus intercessionem, & publicam vindictam ita prout exercere, ut lesio  
cuique ex asse honesteque satisfiat. Etenim si impedienda sunt duella,  
opera danda est, ne in actum erumpant, sed potius eorum cau-  
sæ & initia præcaveantur, quod sua radiat luce (§. 726. *Ontol.*).  
Sed causæ internæ latent in falsis de honore notionibus & præ-  
judiciis; hæc ergo eorum refutatione, & solida convictione  
de veritate honoris, de absurditate leviores injurias ulciscendi  
periculo graviorum temerario; de modestia & mansuetudine  
per eos, qui publice alios docere debent, sunt tollenda. Exter-  
næ causæ sunt injuriæ & offensæ, ad vindictam irritantes.  
Hæc igitur sunt, severe interdiciendæ, & si contigerint, publice  
ita*

ita ulciscendæ, ut læso honeste & ex asse fatisfiat, quemadmodum lædens in simili casu sibi ab aliis satisfieri vellet.

Cum vero initia duellorum sint provocationes in arenam, & promissiones comparendi; nemini licere debet, nec citare alterum in arenam, nec citationi parere, nec huc quemquam incitare, multo minus alterutri aut utrique auxilium polliceri. Potius illis, qui nascenti origini adsunt, injungendum est, ut in prima herba suffocent iram, odium, vindictæ cupiditatem, & exferenti se conatui valide resistent & intercedant.

Inepte alii fingunt, se læsos esse, ubi nulla adest læsio; alii, se lædentem esse punituros, vel e medio sublaturus, ne amplius lædere possit; cum, quantum sibi in alterum licere statuunt, tantum ipse sibi in ipsos arroget. Nec aliud agunt, quam ut tantam copiam se puniendi ipsi faciant, quantam sibi pollicentur. Inepte quoque Deum sibi adfuturum esse statuunt, quem propriæ vindictæ studio sibi reddunt iratum, ejus jura sibi nequiter arrogando. Quid igitur mirantur, si longe secus certamina cecidisse vident, ac ipsi & autores eorum sibi persuaferant? Quid igitur sapientius, quam vel Deo soli relinquere vindictam, vel si gravis ratio id urgeat, rem tradere magistratus cognitioni?

§. 372.

Qui aperto Marte armis lethiferis in vitam suam invicem grassantur, illi aut trucidant se mutuo, aut alter tantum occiditur, aut neuter. *Quomodo punienda?* Primo casu gravius puniendi sunt, quam si quis sibi tantum conscripisset mortem (§ 369.): uterque enim & alterius necis & suæ simul autor est. Quocirca pro re nata infamia publica notari, & cadavera latronum instar rotæ implicari aut suspendi, & hæredes, si non debite obstitere, macula notari possunt, propter quam non facile ad honores admittantur. Secundo casu in superstitem pro gradu culpæ aut malitiæ tantum pœnæ decernetur, quantum in homicidam dolosum licet. Tertio casu si, quantum in se fuit, egere, ad vitam sibi invicem auferen-

rendam irrito successu, in servile opus publicum aut ergastulum compingendi erant, ut miseria vitæ & ipsos resipiscere & alios sapere doceat.

## §. 373.

Quid in con-  
sortes statu-  
endum.

Neque impunes dimittendi sunt, qui arbitri, moderatores vel ad-  
jutores, saltem incitatores certaminis jugularis esse volu- re, sed pro gradu  
malitiæ, qua promoverunt duellum, aut eidem non obistere, in eos iti-  
dem est animadvertendum. Hi enim consortes sunt & participes  
homicidii admissi aut admittendi, ideoque id ipsis est impu-  
tandum, quatenus ab eorum voluntate libera pependit (§ 650.  
seqq. P. I. Phil. pract. univ.). Eapropter ipsis eo magis imputan-  
dum est duellum, quo minus illud, cum potuissent, impedivere,  
& quo magis illud adjuvare, consilio, argumentis, opere de-  
nique ipso.

## §. 374.

Quid in pro-  
vocatores &  
aggressores?

Vt eo magis evitentur duella, ne provocatio quidem & receptio  
certaminis, multo minus aggressio, quamquam per intercessores impedita,  
relinquenda est impunita (§. 371.). Quo rectius enim obsistitur  
facti principiis, eo certius factum ipsum præcavetur, quod est  
præcavendum. Sed quo severior est prohibitio initiorum du-  
elli, nempe provocationum ad illud, receptionis, aut subitæ  
aggressionis, eo rectius & efficacius resistitur principiis ejus-  
dem. Et est eo severior illa prohibitio, quo major sanctio  
pœnalis, quo magis quis auctor est duelli, item fax & ruba.

De illis agatur deinceps, qui nolunt provocarum in arenam  
occidere, sed tantum vulnerare.

## §. 375.

Etiam clan-  
destina nex-  
sui impedi-  
enda.

Quia omnis generis *αυτοχρησία* prohibenda est & punien-  
da (§. 368.), non tantum impedienda est ea, quæ volenti uritur ma-  
nibus, sed & quæ tectiori modo procedit, v. c. veneficio, submersione  
in aquas, suffocatione carbonum, præcipitatione ex edito loco,  
fau-



faucium occlusionem per linguam, perpetratione aut plane fictione admissi delicti capitalis, ob quod vitæ pertæsus morte plecti cupit &c.

Inde pharmacopolis prohibendum est, ne vel suspectis vel imperitis vendant facile venena, & alia vitæ periculum creatura; e contrario ipsis injungendum, ut vel bona fide ementes sed ignaros moneant, ne quid periculi sibi contrahant. Interdum occurrunt, qui tædio vitæ se accusant ut delicti reos, cujus corpus quando ostendere nequeunt, propter supplicium insane quæsitum objurgari, aut pro re nata castigari merentur, nisi melancholia aut delirium adsit. Hiemali tempore in tabernis aut cubiculis haud raro extinguuntur, qui prunis apposis similibusque fornacis vaporibus se tantum adversus frigus defendere voluerunt. Muncipia æthiopica & similia, lingua intra fauces retorta, se enecare perhibentur.

## §. 376.

*Nec abs re esset, si quoque belluones, ebriosi & libidinosi, subji-* Et intempererentur pœnis promeritis, quia & hi sua intemperantia sibi aliisque rarantium vitæ filum abrumpunt. Licet enim lentius ad mortem *cacoëthes*. properent, naturalem tamen vitæ suæ terminum æque assequi nequeunt, ac nimis laboriosi, vires corporis frangentes & ante diem absumentes. Illi ergo multis, carcere, & corporis afflictionibus quadamtenus, rectius autem & plenius moralibus argumentis reducendi sunt ad meliorem frugem. Hi autem justo salario, mercede æqua, alio genere laboris, & plenius morali disciplina emendandi sunt.

## §. 377.

Obstat civium vitæ omne genus latrocinii & globorum *Arcendi glo-* latrocinantium, prædantium, & furtis inhiantium, qui, quando *bi latronum,* potiri aliter præda & furtis nequeunt, trucidare alios non ve- *furum &c.* rentur, luculenta experientiæ fide. Quam ob rem non tantum tollendique. *(Wolffii Politica P. III. Sect. II. C. I.)* F f f *latro-*

latrocinia, spolia, furti, rigorosissimis legibus sunt interdicenda, sed & glohi latronum, praedonum, piratarum, spoliatorum furumque omni cura praecavendi & arcendi; si irrepserint, detegendi, valida manu disjiciendi & ad supplicia promerita quantocyus trabendi sunt (§. 367.). Idque eo magis, quo plurium innocentium securitas & vita periclitatur (§. 366. & §. 42-46. P. I. Polit.) in plurium nefaria conspiratione, nequaquam toleranda (§. 81. P. I. Polit.).

## §. 378.

*Nec plurium*

Neque multo melioris notae sunt confociationes, vel nobella privata bilium, privatae vindictae causa ad alios infestandos comparatae; *admittenda.* nostratibus Befehdungen dictae, quatenus & iisdem saepe plures necantur. Licet enim specioso juris (Fausstrecht) vel belli privati titulo ornentur; constat tamen, bellum privatum in civitate non esse tolerandum (§. 560. P. VIII. Jur. nat.), nisi ubi copia judicis haberi nequit (§. 562. seqq. ibid.). Sunt igitur & illi puniendi, qui lites a iudice decidendas bello privato committere audent; neque illis vel petentibus venia sic in vitam mutuo grassandi indulgenda (§. 370.).

## §. 379.

*Evitandum*

quoque bellum publicum, quantum pote.

Quo plurium civium strages in bello publico fieri consuevit (§. 482. P. I. Polit.), eo diligentius fugiendum esse intelligitur publicum bellum, etiamsi foret justum (§. 483. seqq. ibid.). Neque enim quod justum foret bellum, id ideo quoque consultum est (§. 503. seq. ibid.). Omnesque modi mitiores componendi controversiam & injuriam arcendi bello praeferrere merentur (§. 498. seqq. ibid.) (§. 983. P. I. Jur. nat.) & (§. 582. seqq. Jur. Gent.). Multo magis igitur vitandum est bellum injustum, vel magis ob causas suasorias quam justas sat graves suscipiendum (§. 622. seq. ibid.). Denique & justum bellum, quod necessitas extorjit, quantocyus finendum potius est, quam praeter necessitatem producendum.

## §. 380.

Sæpius & incuria civium aut inepta curiositas culposis *Item homici-*  
 & fortuitis homicidiis locum facit. Quod cum pariter in ci- *dium calpo-*  
 vitate vitari possit ac debeat, ut pote lege naturali prohibitum *sum.*  
 (§. 1026. P. I. Jur. nat.) & (§. 395. P. VIII. Jur. nat.): prohibenda  
 & punienda quoque sunt illa, quæ homicidiis fortuitis & culposis an-  
 dant. En rationem legum civilium de vitanda dejectione teme- *Confessaria.*  
 raria eorum, quibus prætereuntes necari possent; de arte sagit-  
 tandi, jaculandi, globos explodendi, non exercenda, ubi homines  
 necari possent; de pontibus & ponticulis ruinam minantibus  
 reparandis; de non temere tentanda glacie fluminum; de non  
 onerandis nimium navibus; de non struendis tabularis opificum,  
 onerandisque sic theatris & speculis, ut ruina multos spectato-  
 res pessumdare possit; de ædibus non ita exstruendis, ut brevi  
 ruina incolas obruant; de reparandis, fulciendis aut diruen-  
 dis ædificiis ruinæ proximis; de cavendis ludicris spectaculis  
 vitæ haud raro periculosis; de navibus examinandis, num quo  
 laborent vitio, interitum allaturo, &c. Brevitatis studio hæc  
 in summam contracta sunt.

## §. 381.

Multo magis igitur occurrendum est omni, qua fieri potest, ratio- *Multo magis*  
 ne homicidiis dolosis, cujuscunque sint generis. Quo magis enim hæc *dolosum*  
 nocent civitati & per se, & exemplo, & gradu pravitatis; eo *quodvis.*  
 magis intendenda est cura, ad illa avertenda, reprimenda, &  
 minuenda, quando quidem penitus extirpari nequeunt (§ 626.  
 seqq. P. VIII. Jur. na.). Quem in finem opus est & legibus fe-  
 veris, & suppliciis pro re nata exasperandis, eorumque exse-  
 cutione exemplari, cæterisque nequitiae impedimentis, quibus  
 & insidiæ vitæ & vis omnis arceantur. Neque tantum in adul-  
 tis, sed & in liberis cujuscunque ætatis, ipsisque fœtibus a nece  
 defendendis illa cura suas habet partes peragendas.



§. 382.

*Corollaria.*

Quare patescit cura obstetricum peritarum, examinandarum & publica autoritate constituendarum, item chirurgorum & medicorum in casu difficili obstetricantium, ut si non utriusque, saltem seu matris seu fœtus mors caveatur. Patescit in didem necessitas legum & pœnarum contra abortuum procurationem, contra infanticidia suadenda, adjuvanda & perpetranda, seu a nefandis matribus, scelera sua occultaturis, seu ab aliis quibuscunque; porro brephotrophiorum & orphanotrophiorum, ne pereant infantes a scortis &c. abjecti, vel expositi, vel pauperibus orbi parentibus; item legum & pœnarum adversus veneficia, philtrea, jicarios, & truculentos quoscunque eorum percussores, quorum inhiant rebus opibusve. Quæ fufius enucleare facile poterit, quisquis voler.

Abortus in genere dicuntur partus intempestivi, qui vel invita matre invitoque patre e causis naturalibus vinci nesciis oriuntur; vel hominum seu malitia seu culpa provocantur. De his procurationibus voluntariis abortuum hic sermo est, præferrim eo subdole comparatis, ut fœtus enecetur, vel antequam excludatur ex utero, vel dum abigitur, antequam extra uterum vivere possit. Privari fœtus sic vita potest vel vi externa, qua uterus quomodocunque sic afficitur, ut fœtui sit pereundum; vel remediis abigentibus factum & ejicientibus, ne nutrirî & perfici possit, aut suffocantibus eum in utero, & necantibus occulto modo. Veneficia sunt applicationes veneni ad homines necandos illicitæ. Ita discernitur a supplicio Athenis & Romæ non ignoto, quod veneno sumendo peragebatur. Videantur quoque de veneno in billis disputata §. 877. seqq. *Jur. Gent.* Philtrorum nomine veniunt pohilenta vel quæcunque alia amorî venereo aliis in generando destinata, seu incitamenta amatoria aut venerea. Quæ cum absona sint, venena esse solent, usum rationis sæpe & ipsius vitæ eripientia, veneficiisque accenserî merentur. Sicarii hic notant eos, qui clandestinis insidiosisque homicidiis operantur

dant, & improvisa nece, cui resistere necandus nequeat, homines e vita exturbant. Qui si ab aliis ad id conducti sint privatis, assassini, si vel a belligerante adversus hostem mittantur, percussores dicuntur. Conf. §. 881. *Jur. Gent.*

## §. 383.

Licet supplicia in republica sint necessaria (§. 840. P. VIII. *Modus in Jur. nat.*); jus tamen gladii non extendendum in infinitum, nec suppliciiis te-  
pœna capitalis infligenda est maleficis, ubi mitioribus melius *nendus*.  
consuli potest saluti civitatis (§. 839. *ibid.*). Quæ de re ob ratio-  
nes singulares sat graves & saluti reip. conformes, pœnæ etiam capitales  
vel remittendæ sunt vel mitigandæ (§. 656. *seqq.* & 845. *ibid.*). Quam  
ob rem tum opus est usu juris, quod dicunt, aggratiandi (§. 843. *ibid.*), vel quoque juris abolendi inquisitionem cœptam,  
præsertim si crimen dubium esse deprehendatur (§. 846. *ibid.*).

## §. 384.

Cum rationes pœnam vel remittendi, vel mitigandi, sint *Suspensio* &  
merita præclara seu ipsius malefici, partim jam præstita, par-remissio sup-  
tim majora in posterum speranda; seu simul majorum ejus & plicii propter  
cognatorum (§. 659. *seqq.* P. VIII. *Jur. nat.*); dispiciendum erit sal-merita.  
tem illis, quorum sunt jura majestatis, num qua dentur hujusmodi  
præclara majorum, cognatorum, ipsiusque rei merita præterita & spes  
futurorum, propter quæ pœna capitalis vel remittenda vel differenda sit?  
Quo majora sunt illa merita, quo minor eorum aut parium spes  
ab aliis, quo resipiscentia certior: eo consultior erit pœnæ capi-  
talis seu remissio seu dilatio suspensioque in aliud tempus sapi-  
enter facta.

Ipse Deus remisit seu distulit pœnam capitalem Kaino ob Abe-  
lis fratris necem irrogandam *Genes.* IV, 14. 15. & Lamecbi v.  
24. ob multiplicandum genus humanum, & tempus pœniten-  
tiæ ipsis concedendum VI, 3. Sic David distulit pœnam capita-  
lem Joabi, ob cætera ejus merita *Reg.* II, 5. De Lynceste bis

sibi insidiato Alexander M. Curtii L. §. 8. ait, se eum bis liberasse & tertio convicti, poenam biennio distulisse.

## §. 385.

2) Propter

justam defen-  
tutelæ excessisse videtur, huic etiam supplicium remittendum erit. Etenim  
sionem.

Si occisus autor rixæ fuit, & nocentior eo, qui in moderamine  
si aggressor & autor rixæ, alterum in vitæ discrimen conjecit,  
ipse versatur in dolo, non is, qui se ex officio defendit, qui illi eo  
ipso nullam facit injuriam (§. 976. P. I. Jur. nat.), aggressor vero  
injustus in ipsum est (§. 985. *ibid.*). Quamdiu igitur nec in de-  
fendendo se modum excedit. nec quidquam odio aggressoris  
facit, tam diu non peccat (§. 1006. *ibid.*). Licet vero odio  
quoque & vindictæ cupidine quidquam agat, aggressori tamen  
injuriam non facit (§. *cit.*), aliquid ergo condonandum est affe-  
ctui ab aggressore exacerbato. Ideoque si interfecit ipsum vel  
erronea opinione, qua periculum vitæ suæ, vel suæ mutilatio-  
nis membrorum aliter evitari non posse credidit, quod licere  
novit (§. 1013. *ibid.*): ultimo tamen supplicio non erit affici-  
endus, si antea nullo flagravat aggressoris odio si jure suo se  
uti firmiter non sine speciosa ratione credidit, si sit forte uni-  
cus suæ gentis, nec meritis carens.

Hujusmodi videntur fuisse rationes, quibus Joab Davidi per-  
suasit veniam fratricidii Absolomi 2 Sam. XIV, 7. *seqq.* 14. XIII,  
21. 32.

## §. 386.

3) Propter  
ingentem  
multitudi-  
nem.

Ob ingentem maleficorum multitudinem civitas omnium supplicio  
majus damnum incurreret, quam si terror ad omnes, ipsum vero supplici-  
um ad paucos perveniat. In magna enim multitudine, maxima  
pars cæco impetu credula nimis pravos sequitur duces, ideo-  
que non tam malitia peccat, quam credulitate & errore. Qua-  
re sufficit, paucos autores & duces ad supplicium rapi, cæte-  
ros in civitatis usus conservari, præsertim si terror mortis quo-  
que



que hos perculit, ut in posterum eo sint cautiores (§. 1062. P. I. *Jur. nat.*). Satiùs igitur est, supplicium ad paucos pervenire, terrorem & exemplum ad omnes, quam si omnis maleficorum multitudo non sine insigni civitatis detrimento interimeretur (§. 1058. *seq. P. I. Jur. nat.*). Quod detrimentum eo foret majus, quò major esset delinquentium impetu magis, quam consilio copia; inde & eo sollicitius est cavendum.

Semel Deus exemplum posuit delektorum per diluvium impiorum omnium. Postea ne ipse quidem utut creare multo plures posset, quam delevit, istud se facturum esse statuit. *Genes. IX, 11.* Cruelibus pœnis & acerbis judiciis civitas vastatur magis, quam corrigitur, judice *Salustio in Orat. 1. ad Cæs.* Mihi placet, inquit *Aristoteles*, qui non urget summum jus in pejus (*ὁ μὴ ἀνὰ τοῦ βελτιοῦς εἰς τὸ χεῖρον*). *Eth. Nicomach. V. c. 10.* quod *Cicero L. I. offic. sic* reddit; summum jus sæpe summa injuria est. Vir sapiens, ait *Seneca*, alieno sanguini tanquam suo parcat, & scit, homine non esse prodige utendum. Huc pertinet *Amnestia*. oblivionem & remissionem injuriarum perpetuam sanciens (§. 848. P. VIII. *Jur. nat.*).

## §. 387.

Quare quando in tumultu & seditione, vel in militum plurimorum desertione, rebellionem aut officii neglectu, pœna exemplaris statuenda est; *autores quidem præcipui supplicio sunt addicendi, ceteri vero sancita amnestia impunes dimittendi, aut pro re nata decimandi vel centesimandi malefici*, præsertim si autores ignorentur (§. 386.). Nempe si inter puniendos æquali pœna sorte legitur decimus vel centesimus quisque, terror in omnes redundat, sed pauci tantum morte plectuntur (§. 849. *seq. P. VIII. Jur. nat.*).

Sic *Appius Livio teste L. II. c. 59.* in proditorem exercitum militaris disciplinæ, signo amisso signiferos, ad hoc centuriones, duplicariosque, qui reliquerant ordines, virgis cæsos securi per-

*Hinc decimatio orta.*

percussit. Cætera multitudo sorte decimus quisque ad supplicium lecti. Maerinus, *cap. 12. Capitolini*, clementem se dicebat, quod eos centesimaret, qui digni essent decumatione atque vicesimatione.

§. 388.

4) Quando *Si generosa magnanimitate spernenda aut ignoscenda potius videtur generosa magnanimitate* injuria vel in Regem ipsum admissa; sic quoque capitalis pœna remitti poterit, aut differri adjecta conditione, ne quid posthac amplius peccetur. Hoc emendandum est. enim casu præstat vel contemnere vel ignoscere, quam punire dictæ virtutis causa injuriam acceptam. Cum igitur præferendum sit id, quod melius est (§. 192. P. I. *Phil. præct. univ.*): capitalis pœna etsi promerita tunc potius erit remittenda sub conditione, aut differenda in tempus opportunus.

Ira Simeï maledictis & facinoribus in Regem Davidem supplicio se reddiderat dignum. Sed noluit rex, ut puniretur, magnanimitatis generosæ causa: eandemque ob rationem deprecanti deinceps pepercit. 2 *Samuel. XVI, 8. seqq. XIX. 18. seqq.* Quem tamen Salomo ob novum delictum ultus est suafu parentis 1 *Reg. II, 8. seq.*

§. 389.

5) Alii casus *Quando vel prave sceleris parandum; vel morbo summo ad supplicium ducendi hominis, vel animo si fieri potest emendando; vel causa* juniles. supplicii non prorsus manifesta est, sed aliquatenus dubia manet; vel supplicium minus verentur malefici, quam miseram vitam; vel ex summo errore, insania & amentia &c. ortum est facinus; supplicium quoque vel remittendum erit, vel differendum, aut in aliam pœnam mutandum. Pœnarum enim finis esse debet remedium malitiæ, emendatio peccantis, si haberi potest, cautio de non lædendo, seu futura securitas, & aliorum a sceleribus avocatio (§. 1059. & 1062. P. I. *Jur. nat.*), & capitales tum demum in civitate licitæ sunt, cum crimina aliter prorsus non, aut non melius coerceri possunt (§. 638. P. VII. *Jur. nat.*).

Enim-

Enimvero si gravida supplicii rea est, innocens fœtus ejus non erit occidendus, ideoque expectandum est & differendum supplicium, donec pepererit (§. 665. seq. *ibid.*).

Si ducendus ad supplicium reus tam gravi morbo laboret, ut totum corpus langueat, ducique ad supplicium nequeat, pœna, quæ exemplaris esse debet, erit differenda (§. 706. *ibid.*); si enim convalescat, pœna rectius executioni dabitur; si moriatur, eam in cadavere exsequi licet (§. 705. *ibid.*), nisi consultius videatur a Deo punitum ipsius relinquere judicio prorsus.

Quia in pœnis emendatio rei quærenda est, quatenus haberi potest, vel quatenus de ea admittenda convinci potest (§. 609. seqq. 1058-1062. P. I. *Jur. nat.*): differenda quoque erit pœna capitalis, donec pateat, an emendationem animi sit admissurus, nec ne?

Si malefici mortem lubentius subeunt, quam vitam acerbam & miseram, hæc magis eosdem aliosque avocare poterit a sceleribus, quam illa. Quare cum tales tantæque pœnæ legibus addendæ sint, quæ ad cohibendam legum transgressionem plurimum valituræ sunt (§. 585. P. VIII. *Jur. nat.*): manifestum est, tunc quoque pœnam capitalem mutari in talem posse, quæ vitam reis morte graviolem relinquat (§. 635-637. *ibid.*), sed in publica commoda convertendam.

Si facinus, alias morte piandum, commissum est ex ignorantia vel errore invincibili, vel in furore, delirio, somnio, melancholia gravi, ebrietate summa, ei pœna capitalis irrogari nequit (§. 671. seq. *ibid.*): in his igitur casibus pœna capitalis vel plane remittenda, vel pro culpæ gradu in aliam non capitalem erit mutanda.

Denique quia nemo puniri potest, nisi maleficii satis convictus (§. 673. *ibid.*), ne quidem sua sponte confessus, si suspecta sit confessio, forte ex tædio vitæ aliave causa facta, nec de cor-



pore delicti constet (§. 674. *ibid.*): superest, ut pœna capitalis tum quoque remittenda sit aut differenda, quando reus supplicii plane convictus non est, & si impunis dimitti nequit, supplicium in aliam pœnam esse mutandum, quam intelligitur satis promeruisse.

## §. 390.

*Regula gene-*

*ralis suppli-*  
*cia non exse-*  
*quendi.*

Generatim quoties virtutis & officii erga rempublicam, erga homicidam, aliumve maleficum ultimo supplicio dignum, vel erga ipsum judicem ratio ostendit, præstare, ut supplicium vel remittatur vel differatur: toties vel ab infligenda morte promerita salutis publicæ causa erit abstinendum, vitæque malefici parcendum.

Differt & ipsa Dei longanimitas maleficorum supplicia, quoties summæ sapientiæ rationes indubiæ id flagitant, & quamdiu dilatio pœnæ promeritæ præstat ejus repentinæ irrogationi. Centum & viginti annos ante diluvium supplicii promeriti executionem distulit. *Genes. VI, 3.* Et quot sæcula jam distulit adventum ad extremum judicium, pœnitentiæ omnium, qui resipiscere volent, locum daturus? 2 *Petr. III, 4-9.*

## §. 391.

*Profligandi*  
*sunt morbi*  
*letales.*

Obstat conservationi vitæ civium quoque pestis cum universo genere contagiorum, morborum & vulnerum, quod sua radiat luce. Eapropter opera navanda est in civitate, ut, quantum fieri conjunctis peritorum viribus potest, pestis & contagia arceantur a civitate, saltem quantocyus cohibeantur, si undecunque irruerint (§. 719. P. VIII. *Jur. nat.*). Veniunt in hunc censum quoque alii morbi exitiosi, quicunque sanari possunt, nec nisi neglectu remediorum & peritiæ illis utendi, lethales fiunt. Pro curanda igitur, & parata esse debent in civitate medicamenta æquo pretio parabilia, adversus omnis generis morbos letales, adsciscendique, qui rectum eorum usum moderentur. Quo magis vero morbi civitatem devastant, eo intensior cura requiritur eos avertendi extinguendique (§. 386.). Quo-

Quoniam morbi e diametro sanitati opponuntur, & demum in exitu letales fiunt, quando sanari nequeunt, jam de his plura non addo, reservaturus cætera capiti secundo, curam sanitatis tractaturo.

## §. 392.

Vt paucis multa complectamur, quibus licet, modis, quid- Reliqua vitæ quid vitæ infantium noceat, cavendum est in civitate procurandumque, ut cura publicæ & vitæ insidiæ omnes, discrimina, & pericula proscribantur, prævertantur & e medio tollantur, quam optime fieri potest, & vitæ securitas cuique tuta, sarta restaque præstetur (§. 13. & 532. P. VIII. Jur. nat.). Quæ cura dum demandata est rectori civitatis, aut cuicunque ejus vicario, hujus est cura securitatis publicæ, domorum, vicorum, pagorum, oppidorum, urbium, platearum, angiportorum, provinciarum, viarum, sylvarum, fluminum, marium, portuum, diversoriorum, cauponarum &c Vnde fluit jus & cura necessaria arcendi, capiendi, persequendi, extirpandi sceleratos auctores factionum, conspirationum, conjurationum & seditiosorum, insidiatores, grassatores, latrones, homicidas, piratas, sicarios, omnesque alios furfuris ejusdem & purgamenta civitatis. Item jus proscribendi & impunitatem aut & præmia concedendi & largiendi his, qui tales vivos aut mortuos exhibituri sunt, saltem prodituri & indicaturi, ubi lateant. Nec non jus societatem navalem adversus piratas, prædones, aut hostes, privatis hanc aleam subituris concedendi, quam societatem *admiralitatem* vocant (§. 498. P. V. Jur. nat.). Piraticam vel Antipiraticam illam esse (die Caperey), vel antilestricam in omni ambitu suo, aut captatoriam confectantemque, si hostes includas, ex verbis facile intelligetur. Vnde & quid jus confectandi & persequendi proscriptos, profugosque homicidas, latrones, piratas & grassatores sit, liquido patet.

## §. 393.

Quid sint vi-  
tae praesidia?

Vitae praesidia vocantur res externae, quarum usus ad conservationem vitae requiritur; vel sine quibus vita corporis conservari nequit. Differunt igitur a rebus necessariis, quae non tantum vitae praesidia, sed & res ad sanitatis conservationem, item quae ad animi perfectionem, & in genere ad vitam perfectam requiruntur, includunt (§. 499. P. I. Jur. nat.). Germanis dicuntur Lebens-Mittel, vel Leibes Nothdurft; sed vitae necessitas die Lebens Nothdurft tam late patet ac res necessariae, die Nothdurft vel nothwendigen Dinge.

Sic aëris salubris copia, ad respirationem necessaria; pertinet ad vitae praesidia aequae ac nutrimenta, quia a demta salubris aëris copia, ejusve respiratione, vita aequae continuari nequit, ac sine alimentis.

## §. 394.

Necessitas

prospiciendi  
vitae praesi-  
diis.

Nemini ignotum est, vitam conservari sine necessariis vitae praesidiis non posse (§. 393.). Sed copia vitae praesidorum est inter fines civitatis (§. 13. P. VIII. Jur. nat.), & requirit affluentiam sufficientem eorum, quae ad vitae necessitatem, commoditatem, jucunditatemque requiruntur (§. 12. ibid.). Quoniam hic potissimum vitae conservandae ratio tradenda, curandum est in civitate, ne vitae praesidia cuiquam recte se gerenti desint; ideoque copia eorum sufficiens conjunctis viribus est comparanda, ut cuiquam eorum defectu sit pereundum (§. 262. P. II. Polit.).

## §. 395.

Vitae praesi-  
diorum di-  
visio.

Sepositis tantisper sanitatis praesidiis, redeunt vitae praesidia ad aërem salubrem, victum, amicum & habitaculum temperando frigori & calori lerali aptum, seu domicilium tutum. Eger enim vitae conservatio & aëre salubri respirando; & alimentis, quibus nutriatur corpus, ut vivere possit, unde nutrimenta victus dicuntur; & vestimentis tegumentisque, quibus corpus

ab



ab injuria exteriori lethifera defendatur, quæ amictus atque vestitus nomine indicantur; & domicilio, in quo habitet, & cumque adversus nocturna latrocinia, & enecans frigus aut æstus incendium tueri se, & aliorum ope tutus degere possit (§. 394).

*I. 43. de Verb. signif. Ulpianus docet, victus verbo contineri, quæ esui, potui cultuique corporis, quæque ad vivendum sunt necessaria. Quo amplo sensu, vestem quoque victus habere rationem Labeo ait. Sed præstat subsistere in usitatori significato, quo a vestitu distinguitur, pariter ac a cultu corporis, in Cicerone aliisque optimis autoribus. Amictum Varro de Ling. lat. IV. 30. interpretatur amictum seu circumjectum, a quo etiam, quod vestitu se involvunt, circumjectum appellant, & quod amictui habent purpuram circumjectam, vocant circumtextum.*

§. 396.

Quia rectori civitatis curæ esse debet, ne desit rerum ad victum, amictum & habitationem necessariorum copia sufficiens *De singulis civitati est* (§. 420. P. VIII. Jur. nat.): patet, propter necessitatem prospiciendi vitæ præsidiiis (§. 394), *operam dandam esse, quantum fieri potest, ut civitati, omnibusque civibus quam optime prospiciatur de aëre, victu, amictu & domiciliis salubribus* (§. 395.) & (§. 262. P. II. Polit.).

Restriktionem, quantum fieri potest, ideo addimus, quia ad ea, quæ viribus humanis vel civitatis majora sunt, nulla esse potest obligatio (§. 209. P. I. Phil. pract. univ.); nec ideo ulla eorum cura dari, aut sapienter suscipi a quoquam poterit. Deinde eadem quoque removetur objectio, quasi ultra vires civitatem onerare auderemus.

§. 397.

*Aëris salubritatem civitas quidem efficere nequit; potest tamen* Cura 1) *circa debetque eandem investigare, ubi habeatur, & in suos convertere usus. aëris salubritatem.* Nimirum salubritas consistit in convenientia cum sanitate, vel in vi sanitatem conservandi & præcavendi morbos (§. 395 P. I. Jur. nat.): uti insalubre est, quidquid sanitati est contrarium,

Ggg 3 vel

vel morbos, aut plane mortem creat præcoccem (*ibid.*). Jam omni dubio caret, nec aërem a quoquam homine effici posse, nec salubritatem dari ei, qui est insalubris. Oppido igitur patet, aëris salubritatem nullam efficere posse civitatem.

Enimvero, quia & salubritas aëris & insalubritas non per se ipsi inest, sed est mutabilis, atque suis gaudet notis, unde utraque seorsum agnosci, & a se invicem internosci potest per modo allata; neque hæ notæ captum humanum excedunt, sed per experientiam saltem se exserunt, quod medici & Physici evincunt; nec ulla obstat lex naturæ id prohibens, cum proster id injungens (§. 393. seq. § 400. P. I. Jur. nat.): licet easdem investigare eorum opera, qui proprietates aëris penitus perspexere, arque æstimare ex suis criteriis didicerunt. Licet igitur quoque explorato aëre salubri uti, ab insalubri vero sibi cavere, quemadmodum id optimum factu deprehenditur. Quoniam quod fieri potest & licet, communis boni causâ in civitate fieri debet (§. 15. P. VIII. Jur. nat.): relinquitur, aëris salubritatem & insalubritatem in civitate esse investigandam, illamque in commune bonum civium adhibendam, hanc vero inprimis mortiferam, quantum fieri potest, vitandam (§. 396.).

Spectamus hic potissimum aëris salubritatem, quatenus est inter vitæ præsidia; quatenus proxime inter sanitatis præsidia refertur, deinceps erit spectanda. Inde apparet, hic agi de *vitanda insalubritate, quæ est letalis*, cum dari etiam possit, quæ letalis non est, & tamen sanitati adversa. Distingui nimirum morbi, qui ab insalubritate aëris proficiunt, ut cæteri ex aliis causis enati, possunt, in letales, & qui exitiosi non sunt. Cæterum de his nemo rectius statuatur in civitate, quam qui causas salubritatis & insalubritatis aëris ex physicis & diætetis exploratas habent, saltem explorare valent.

## §. 398.

*Vbi aëris salubritas in civitate explorata habetur, ibi condenda* Quo modo sunt domicilia, sive segregata, sive consociata in vicos, pagos, oppida, salubritate urbes & emporia. Investigata enim aëris salubritas in usus civi- sit utendum? um quam optime est convertenda (§. 397.). Sed melius converti in usus civitatis nequit, quam si in domiciliis, ubi cives, & quicunque in civitate dantur, ut plurimum degunt, sive in illis habitando, sive in eorum vicinia suum vitæ genus exercendo, respiretur, & vitam conserveat, sine respiratione & aëris salubritate cessaturam, quod sua quisque experientia comper- tum habet. Struenda ergo & incolenda ibi sunt domicilia, ubi sufficiens aëris salubris copia habetur.

## §. 399.

*Vbi autem insalubritas aëris exitialis explorata habetur, ibi do-* Fugienda est micilia civium præsertim copiosa condenda non sunt, sed eligenda sunt aëris insalu- britas. loca salubria, modo haberi possint (§. 398.).

## §. 400.

*Aëris insalubritas tolli aut potest, aut nequit; illa dicetur sa-* Quotuplex nabilis, hæc insanabilis. Nempe causæ insalubritatis investigatæ, sit aëris in- aut sunt majores viribus humanis, aut iisdem inferiores. Si salubritas. sunt majores viribus humanis, ab iisdem removeri nequeunt. Erit igitur ejusmodi insalubritas nulla vi humana mutabilis, sed insanabilis. Si autem causæ insalubritatis deprehenduntur non esse viribus humanis majores, sed potius iisdem minores & inferiores, mutari illæ & removeri poterunt. Quibus sublatis, ipsa aëris insalubritas mutabitur, sanabiturque, ideoque erit hoc casu sanabilis.

Ponamus, v. g. aëris insalubritatem pendere a solo paludoso, si paludes tolli, & ingesta terra copiosa exsiccare possunt, tolletur causa insalubritatis, ideo & ipse aër insalubris vento dissipabitur, eique salubris surrogabitur. Aër enim est mobilis, & dissi-



diffipabilis in plagas superiores. Inde non amplius respirabitur, nec ideo exitialis esse poterit, sed salubrior, qui nunc ibi respiratur, vitæ inserviet conservandæ prorogandæque ad terminum a Deo ipsi præstitutum eam.

## §. 401.

*Cura secun-  
da eam mu-  
tandi, si fieri  
potest sana-  
tio ejus.*

*Si aëris insalubritas est sanabilis, ea utique est sananda, ubi sa-  
lubrior ad habitandum locus haberi nequit* Etenim ubi salubrior  
aër ad habitandum dari nequit, ibi aut erit sanandus, aut non  
erit. Si non erit sanandus, locus erit incultus relinquendus  
& deferendus, qui tamen a Deo ad incolendum est destinatus,  
quia insalubritas ejus est sanabilis. Quod cum officio hominis  
& Dei gloriæ ibi quoque illustrandæ repugnaret, nefas esset, in  
civitate non admittendum (§ 391. P. VIII. Jur. nat. & §. 202.  
seqq. P. I. Polit.) Relinquitur ergo insalubritatem aëris ibi esse  
sanandam, ubi est sanabilis, ne fiat maneatque exitialis.

Sanandæ insalubritatis hæc præcipua est ratio, quam adduxi,  
non tamen unica. Etiam si nempe alibi domicilia strui possunt,  
ideo tamen sanatio insalubritatis, quia ope ventorum, illa se late  
diffundit, & soli procuranda fertilitas eandem sanationem re-  
quirat. Variis enim locis e paludibus oborta insalubritas, earum  
partim exsiccatione, partim aquarum per fossas ope molendino-  
rum derivatione fertilissimum dedit & salubre solum, uti in Bel-  
gio & alibi passim.

## §. 402.

*Vbi sanatio-  
nis spes de-  
tur.*

*Insalubritatis sanabilis spes ibi erit, ubi ejus eadem vel similes  
sunt causæ, ac alibi, quæ sublata fuerunt; item ubi antea salubritas fuit,  
sublata dein per causas hyriana vi superabiles.* Nimirum quod jam  
factum est, id rursus fieri posse, cæteris paribus, dubio caret  
(§. 170. Ontol.). Sed si alibi sanata est aëris insalubritas, ex-  
tinctis aut amotis illius causis, quales denuo occurrunt, si ve  
prorsus sint eadem, si ve admodum similes; sanatio insalubri-  
tatis hujusmodi jam facta est, locumque ideo facit non ineptæ  
simi-

similis eventus expectationi. Quare non vana spes est, ibi insalubritatem simili modo sublatum iri.

Si vero loci ejusdem aër antea salubris fuit, qui postea insalubris est factus, erit ut salubritas ita & insalubritas mutabilis humana ope, quoties causæ illius non excedunt virium humanarum modulum. Explorandæ ergo erunt ejus causæ, num tolli humana vi possint, nec ne (§. 400.)? Si tolli possunt, factis iis, quæ fieri propterea oportet, non desperanda est pristinæ salubritatis restitutio.

Causæ insalubritatis aëris infecti, & remedia illas tollendi, relinquendæ sunt & tradendæ suis locis. Hic sufficit officia civilia ostendisse.

§. 403.

*Vbi insalubritas loci est insanabilis, ibi nil restat, nisi ut domicilia ibi nulla statuantur, aut quæ structa jam sunt, in locum salubrem dum, si transferantur. Quia enim est insanabilis reapse, non vana opinione, causæ ejus tolli non poterunt (§. 400). Si tolli non poterunt, erit illa in nostro casu exitialis, ideoque vitanda (§. 397.). Sed vitatur, si innotuerit, antequam ibi habitetur, quando nulla ibi domicilia conduntur (§. 399.); si vero demum postea innotuerit, quando transferuntur in locum salubrem, ubi ab initio condenda fuissent (§. 398.).*

Præcipua hæc est ratio, domicilia, vicos, pagos & oppida aliorum transferendi, uti persæpe factum est; præstitisset autem ante explorare loci salubritatem, quam postea demum sapere piscatorem ietum. Præter quam rationem aliæ quoque dantur, quæ non sunt hujus loci.

§. 404.

*Neque tantum in pagis, oppidis & urbibus procuranda est salubritas aëris, sed quoque in castris & ædificiis, ubi haud parva hominum loca pluribus multitudo confluit, aut diu una versatur. Si enim ibi insalubritas & diu fre-*

(Wolffii Politicæ P. III. S. II. C. I.)

H h h

aëris quærenda.

aëris est exitialis, illa multos corripit, inficit, interimitque; & quo pluribus, quoque diutius ibi est versandum, eo major erit clades hominum morte præcoci abreptorum. Quæ cum per se manifesta sint, patet necessitas curæ civilis, ut castra aliaque ædificia pluribus recipiendis fovendisque destinata salubria aëre referta, & si qua in iis nascatur insalubritas, ea subinde tollatur.

Docet experientia, nasci aërem insalubrem, quando idem semper manens multorum exhalationibus, respiratione, & transpiratione redditur effectus; quando vaporibus, fumo, nebulis aliisque humiditatibus refertus est; quando inclusus manens ob putrefactionem humorum, cloacarum, parietum, aliorumque corporum situ squalentium aut mucescentium, effluvia sulphurea & enecantia imbibit.

§. 405.

*Duo remedia contra aëris insalubritatem.* *Templa igitur, in quibus plurimi congregantur, tam spatio- sa & alta intus struenda sunt, ut tot hominum halitus, effluvia eorum, hiemali tempore quoque ignitabulorum dissipari longe lateque possint, ne perniciosâ ipsis evadant. Sic in nosocomiis, orphanotrophiis, Xenodochiis, brephotrophiis & ptochotrophiis; in militum castris, tentoriis, casulis, diversoriis, in navibus denique bellicis præsertim & diuturnum iter facientibus, præterquam quod libero aëre utendum est, quoties illo potiri exeundo & sub dio versando licet, aër subinde est mutandus, & ejecto insalubri sentina infecto, salubris subinde substituendus. Generatim igitur cavendum, ne aër in cœtu & domiciliis inficiatur, & pestilens vel letificus evadat, sed potius illius loco salubris semper adjit & recuperetur.*

Modus aërem domiciliorum renovandi in ipsa eorum structura architectis est injungendus, ut libero aëri & ventis pervia sint, quoties libero & salubri aëre opus est, apertis nempe spiraculis; iisdem vero opertis introitus aëri externo sit oclusus. Item quia



quia foco opus est & caminis, ignis quoque ope aër insalubris est ejiciendus, & salubri aditus, quamdiu opus est, patefaciendus, ut respirari salubris possit. Eodem artificio uti quoque in navibus licet, si omnia ad eum finem in ea construuntur. In eundem usum excogitata est Halesii machina, *ventilator* dicta, quæ igne non indiget, sed solo rotæ inclusæ giro e quocunque loco navis, conclavis, hospitalis &c. aërem insalubrem ejicit, salubri externo accessum largiendo. Est hæc quædam ratio, ventum in loco singulari excitandi & dirigendi, quorsum lubet. Quæ si successu temporis amplificari posset, ope ventorum, si non excitatorum, saltem directorum quorsum placet, plura præstari possent. Observavit *Gaugerius*, quod enarrat in *sua caminorum fabrica seu Mechanica ignis*, se ob clausum hiemali tempore in museo aërem, tussi & catarrhis idemtidem laborasse: a quo incommodo liberum se sensit, postquam quotidie purum aërem in museum introduxit. Neque deerunt alii, idem experti, quamquam hanc non solam catarrhorum tussiumque rationem esse existimo.

## §. 406.

Quia victus salubris in civitate est procurandus (§. 396): *Cura victus explorandum non tantum est, quis victus pro natura climatis & soli sit salubris in salubris, quisve insalubris, sed opera quoque danda, ut illius copia suffragari possit (§. 397).*

## §. 407.

Dum victus alimenta notat, quibus corpus est nutriendum (§. 395.); alimenta vero vel esculenta continent seu educunt cibos & potus. *vitæ salubris completitur & esculenta salubria & potulenta. Illa proprie & usitatus dicuntur cibus & cibaria, improprie potus; hæc potiones sæpius quam potus. Vnde quid cibi potionesque salubres sint, clarescit.*

§. 408.

*Cibaria animalia & vegetabilia.*

Cibi ordinarii vel petuntur ex genere animantium, vel vegetorum & vigentium, altero alterius defectum supplente; quorum illi animales, ut quadrupedum, avium, piscium, cæterarumque bestiarum comestibilia, carnes; hi vegetabiles dicuntur, ut olera horticorum, fruges agrorum, & fructus arborum. Olerum vel partes subterraneæ, vel supra terram in aëre crescentes, vel ambæ sunt in usu cibario. Primi generis sunt rapa, fîsera, tubera; medii sunt cucurbitæ, melones, fraga, brassaica, acetaria; tertii sunt petroselinum, cepa, apium. Fruges cernuntur & in frumentis omnis generis, quorum semina propriis gaudent glumis; & in leguminibus, quorum semina plura communi filiquæ insunt, ut filiquæ dulces, fabæ, phaseoli, pisa, lentes, cicer & cicerculum. Sunt vero alia frumenta hiemalia, ut triticum secale cæt.; alia æstiva, ut fagopyrum, oryza, milium, avena, Turcicum Mays cæt. Quanquam & secale, & hordeum hybernium & æstivum datur, utrumque tamen suæ indolis. Fructus arborum (Obst) semen vel pulpa eduli circumdatus habent vel minus. Priora poma dicuntur sistuntque vel semina duro & cortice inclusa (Stein-Obst), uti mala Persicæ, Armeniaca, pruna, cerasa cæt.; vel duro cortice destituuntur (Kern-Obst), uti mala Europæa, citria, aurantia, cydonia, punica, pyra, ficus, baccæ, cæt. Posteriora nuces sunt varii generis, uti maxima clappæ (cocos), amygdala, juglans, avellana, myristica cæt.

De extraordinariis cibis, qui parum apti ad nutriendum, aut parum salubres sunt, vix opus est ut seorsum agatur, cum nisi duro necessitatis telo urgente illis locus non sit concedendus, quando scilicet sine illis vita servari non posset. Hujusmodi sunt corium varii generis, ossa, canes, feles, mures, cadavera, fures, cortices, radices duræ insolotæque, lolium, gramina & pecudum pabula, ut porcorum ceratia, glandes, saginæ, glumæ, her-

herbæ, cerevisiæ, purgamenta (Träbern), linteamina cæt. Curandum tamen, ut constet, quænam cæteris præferri in casu necessitatis mereantur.

## §. 409.

Potiones naturales fere ad lac & aquam redeunt, si vel *Potiones naturales*, quæ in nuce cocos continetur, vel quæ ex vite & betula *turales* & verno tempore læsis destillat, vel thermas & acidulas cogites. *artificiales* Artificiales autem vel parantur ex uvis, uti mustum, defrutum & *varia*. vinum, vel ex melle, uti mulsū, sive hydromeli (melicratum), sive ænomeli, sive oxymeli sit; vel ex frumento, uti cerevisia, sive triticea sit, sive hordeacea, sive avenacea; vel ex pomis, uti ex malis, piris, cerasis, limoniis, grossularia cæt. Deinde si vinum destillatur seu sublimatur, nascitur spiritus ardens, & simili modo paratur spiritus frumenti, variis aliis admixtis, uti cinnamomo, rorella, cæt. Nec silenda sunt decocta foliorum Thææ, fabarum Arabicarum (Coffé), quæ pulpa cerasi vestiuntur, nucleorum cacao, vaniliæ cæt. (chocolata), similitumque.

## §. 410.

Curandum est in civitate præcipue, ut domestica alimenta cujus-Præcipua cunque generis diligenter colantur, conserventur, quam optime perficiantur ra alimento- & multiplicentur. Opera enim danda est, ut alimentorum salu- rum domesti- brium copia omnibus in civitate degentibus sufficiens & habea- corum. tur, & æquo pretio venalis sit (§. 406.). Ad hoc obtinendum plurimum & in primis facit, si ea diligenter colantur, quibus ferendis ipsum clima ejusque solum favet, quæ & copiosiora & nutriendis hominibus ibidem degentibus sunt accommodatiora. Quæ & ob hoc ipsum viliora esse & æquiori pretio emi vendique possunt, quia non egent illis sumtibus, quibus peregrina essent advehenda; & quia non tantum recto usu soli rerumque naturalium cultores alunt, ditantque abundantium, quæ aliis alendis vendunt, pretio. Quo melius illa perficiun-



tur natura, cultura & arte, quo magis multiplicantur, eo ampliori emolumento beant & possessores, & cives, & mercatores, qui abundantia divendunt exteris & peregrinis. Liquet igitur admodum e rep. esse, ut ea solícite curentur.

## §. 411.

*Promovenda*

*res frumen-  
taria & hor-  
tensis.*

Vt nutrimenta domestica abundent in civitate curanda (§. 410.), *injungenda, incitanda & promovenda est quam optima & amplissima agricultura, item cultura hortorum & olerum, pomariorum, vinearum & vitium.* Videlicet id agendum est, ut res frumentaria, olitoria, & pomaria floreat, abundetque petendus inde commeatus (§. 406.). Nec ea re tantum rudes fortunaandi sunt cultores, & qui diligentiores cæteris sunt aliis præferendi, & privilegiis aptis ornandi evehendique, sed & inventores novorum incrementorum, in academiis scientiarum & societatibus fertilitatis augendæ studiosis, promeritis condecorandi sunt honoribus, præmiis redditibusque (§. 433. P. II. Polit.). En legum ruralium & rusticarum constitutionum necessitatem!

## §. 412.

*Fertilitas*

*annorum*

*vertenda est*

*in remedium*

*sterilitatis.*

Quoniam luculenta constat experientiæ fide, fertilitatem annorum non semper esse eandem, nec artem supplere id posse, quod natura negavit: *curandum quoque est, ut annonæ copiosior fertilitas annorum ad supplendum sterilem defectum quam optime conservetur.* Etenim proventus rei frumentariæ & hortensis uberior præstat annonam copiosiore, docetque anni fertilitatem, quod se mutuo explanat. Ista quidem abundantia civitati primum largitur pretii vilitatem, quæ emtoribus quibuscunque tanto est gratior, quanto venditoribus est ingrator. Deinde inservit exteris, quæ sibi defunt, aliunde quærentibus & plus pretii offerentibus, quam domi datur, itaque commercio externo colendo, juvandis peregrinis ut vicissim nos juvent, & ditandis venditoribus, conducit expeditque. Enimvero quia illa demum aliis

aliis debentur, quibus nos carere salvis officiis erga nos possumus; & non tantum præsentī sed & futuræ necessitati consulendum est, uti a priuato quouis homine, ita & a civitate: manifestum est, retinendum esse in civitate ex annonæ ubertate, quantum requiritur ad steriliū annorum defectum supplendum, & annonæ inopiam levandam. Quo ipso simul caveatur, ne ob abundantem copiam nimis vilescat pretium, nec ob inopiam incendatur & caritas nimia evadat. Est nimirum annona nobis non latius dicta (§. 928. P. VIII. Jur. nat.), sed strictius anni proventus e tellure, ideoque proventus annuus rei frumentariæ & hortensis: quanquam non ignoramus, & pro alio proventu alimentorum annuo nomen usurpari. Hinc annonæ copia & inopia, vilitas & caritas, diversis annis pro eorum fecunditate & sterilitate nascuntur. Quæ quoniam a divina pendēt providentia, civitatis est, illa pariter ac hac recte uti, ideoque curare, ut unius anni copia alterius levet inopiam, ne cives vitæ præsidii careant.

## §. 413.

Cum futurorum factorum præscientia homines careant, *Quæ norma* mirum non est, quod & futuræ annonæ status civitati sit igno- *bac in re sa-* tus. Eapropter quoniam ad incerta, & profutura aut obfu- *pienter ad-* tura saluti civitatis, saltem eatenus detegenda, quatenus fieri *hibeatur.* potest, civitas obligatur, & ad curandum, ne boni communis fructio a quoquam impediatur (§. 20. P. VIII. Jur. nat.): *opera* quoque danda est, ut *quanta fieri potest, probabilitate ex præteritorum* annorum longa serie futurorum conditio conjectetur, itaque in re incerta, tutius quod deprehenditur, id eligetur, *reservabiturque* ex occurrente abundantia, quantum futura sufficiat necessitati.

Constabat Josepho in Aegypto e divina inspiratione, quod Regi per somnium erat adumbratum, septennium fertile instans sequuturum esse septennium sterile per universam Aegyptum. Id.

Ideirco prospici poterat futura annonæ caritati & penuriæ, abundans frumentum in granariis congerendo asservandoque *Geuef.* XLI-XLVII. Jam quidem ejusmodi oraculum expectandum hodie non est; verisimilis tamen conjectura capi potest ex multorum sæculorum observationibus annonæ, quænam in illo climate, illaque ejus regione, ubi civitas habetur, plerumque usu venire soleat. Quæ notitia ex proxime prægressa annorum serie, earumque seu fertilitate seu mediocritate non spernendam de futuro suppeditat conjecturam, qua rectores civitatis ad cautionem utantur. Elucescit hinc nova utilitas observationum hujusmodi, quæ vulgo nihili fiunt, nec annotantur in gratiam posterorum; multo minus attenditur ad causas naturales, unde ista annonæ conditio, aut penuria fluere solet. Inde sapientes regulæ deduci possunt, progressu temporis elmandæ. Tantisper enim præstabit, si quid nutrimentorum redundet futuro quoque anno, quam desideretur.

## §. 414.

De modis

alimenta diu  
conservandi  
scrutandis.

*Exploranda adhibendaque sunt optima, annonam & alimenta quevis, quam diutissime fieri potest, conservandi, remedia.* Fieri enim potest, ut frumenta & generatim alimenta multo diutius conserventur, quam vulgo fieri solet, docente fida rerum naturalium magistra. Nec tamen cuique eadem magistra per se patet, quot modis id fieri possit, & quinam eorum his vel illis rerum, climatum & finium conditionibus positis præferri cæteris mereantur. Complurium igitur peritiorum civium, civitatum, & nationum usus, experientia & experimenta consuli merentur, ut innotescat, quinam modi usu sint recepti & approbati, quique cæteris sint meliores hac in re, ut frumenta, alimenta que cujuscunque generis pro dato scopo datisque conditionibus, quamdiu opus est, conserventur, & usibus suis apte retineantur (§. 412.). Quia necdum omnia sunt inventa, quæ optari possunt, publicæ etiam curæ pars est, ut sagaciorum ingenio



genio investigentur, si qua meliora exploratis usitatisque jam subsidis remedia interitus brevioris reperiri possunt (§. 394. *Quæst. §. 404. P. II. Polit.*).

Habentur hujusmodi interitus frumentorum alimentorumque avertendi remedia passim in re æconomica, mercatoria & nautica olim usitata, eaque etiam in aliis populis alia. Nec ideo nihil restat novi & melioris eruendum. Quod editis nuper libris comprobatum dedere Cel. du Hamel, du Monceau, quem Germanis aliquanto auctiorem & vernaculum edidit Titius, ex sorore mea procreatus, & inter Italos Barbol. Intieri. Neque credendum est, ita ab his omnia esse exhausta, ut aliis nihil, quod agant excutiantque, relictum sit. Quid de aliis ciborum potionumque generibus diu ita tuendis, ut prodesse homini cuique possint? Vel sola aqua incorrupte servari nequit in itinere maritimo, æquatorem transeunte, nisi remedia avertendæ ejus corruptioni opponantur. Longum foret de cæteris verba facere, quæ usu jam aut dudum sunt comprobata. Sufficere enim hæc possunt ad præceptum hoc civile illustrandum.

## §. 415.

Sensio molesta deficientis in ventriculo cibi, dicitur *fames*; uti sensio ingrata deficientis potionis, *fitis* vocatur. Quare *§ fitis sit?* *fames* gignit appetitum cibi, & *fitis* appetitum potionis; oriturque *fames* ex defectu cibi tædiofo, & *fitis* ex defectu potus molestiam vel tædium nobis creante. *Fames* & *fitis* vel diuturna est, quæ multos dies continentes durat, vel brevis, unius tantum vel alterius diei.

## §. 416.

*Diutina fame § siti homines cætera sani enecantur.* Hoc non *Diuturna* tantum experientia docet, sed constat id quoque ex eo, quia *fame § siti* sine cibo & potu salubri nemo vitam conservare potest (§. 394. *homines per § 407.*). Sed *fames* & *fitis* diuturna oriuntur ex defectu ciborum & potabilium per multos dies continuato (§. 415.).

Inde & tot dies involvit, quibus vita sine alimentis sustentari nequit. Quod si vita ob defectum ciborum portionumque continuari amplius nequit, necesse est, ut oriatur mors, non illa naturalis, sed violenta & præcox. Itaque diuturna fame & siti homines vel sanos enecari oportet.

Alii quidem diutius paulo famem sitimque ferre possunt, quam alii, antequam fame & siti interimantur, attamen omnes tandem diutina fame moriuntur, etiamsi aqua gauderent, quam bibant sat copiose; & siti pariter, etiamsi cibus siccus, quo vescerentur, suppeteret, experientiæ fide. Quod vel experiuntur, qui in mediis maris fluctibus navigant, quando ut alia potione ita & aqua dulci destituuntur, quæ salubris est, quum marina insalubris sit & morti dare possit. Vti Stoici nonnulli sponte sua inedia vitam finiebant: ita & alii alios inedia adhibita necare possunt & interdum necarunt.

## §. 417.

Quomodo curandum sit, ne quis fame aut siti pereat.

In rep. sapienter cavendum est legibus, sanctionibus pœnalibus, diligenti cura alimentorum & stipium erga prorsus egenos & mendicos, ne quisquam fame aut siti extinguatur. Vita enim civium sapienter conservanda est; & impedienda, quæcunque ejus conservationi obstant, ut mors pro viribus averruncetur (§ 387. seq.). Sed legibus pœnisque caveri potest, ne quis vel se vel alios fame aut siti facile enecet, nec melius universim ejusmodi malitiæ occurri potest. Quia vero & ob defectum ciborum portionumque vel nolentibus pereundum est (§. 416.): illi defectui sapienter pro viribus occurrendum est debita cura alimentorum salubrium, quæ vitæ omnium conservandæ sufficere possint, & imperanda commendandaque liberalitate erga egenos & mendicos (§. 394.).

## §. 418.

Quomodo defectus annonæ supplendus tollendusque.

Defectus annonæ domestica, undecunque optime fieri potest, est Sapienter enim cavendum est in civitate, ne

ne quisquam fame extinguatur (§. 417.). Enimvero & defectus annonæ tantus esse potest, & interdum contingere solet, ut propter illum multi fame extinguerentur. Quapropter is defectus quo major est, quoque pluribus ideo fieret fatalis, eo magis curandum est, ne cui multisve eo defectu sit pereundum (§. 394.). Quod cum teste experientia locuplete in ipsa annona sæpe aliter, saltem melius fieri nequeat, quam ut aliunde, ubi scilicet annona abundat, & ubi salubrior & minori sumtu ac aliubi haberi potest, quam optime suppleatur tollaturque.

Est quidem interdum, ut in obsidione, commeatus dimensum parciori & tantilla copia largiendum, qua vita utcunque licet ægre toleretur. Sed hoc nec multis nec diu sufficit remedium, æque ac illud, quo res insolitæ & parum ad hominum alimenta aptæ ex necessitate adhibentur. Quatenus ex domesticis animalibus supplementum habetur, id quidem semper adhibendum est, sed & ideo avertendæ annonæ penuriæ impar est (§. 408.).

## §. 419.

Si propter annonæ domesticæ calamitatem & penuriam hominibus fame esset pereundum, curandum est, ut cum privatorum, tum, ubi opus unde alimentum est, publico ære, undecunque fieri potest, alimenta salubria comparentur menta sint advebanturque. Cavendum enim est, ne quis civium fame perarcessenda? reat (§. 417.). Deficiente igitur adeo annona domestica, ut hominibus in civitate degentibus fame esset pereundum, quia id aliter & melius caveri nequit (§. 418.), curandum utique est partim eorum, qui opibus gaudent, emtione salubrium alimentorum (§. 420. P. VIII. Jur. nat.), partim eorum, qui illis destituuntur, ex collecta stipe vel publico ærario paranda undecunque gratuita alimonia (§. 734. ibid.), ne cuiquam fame sit pereundum.

## §. 420.

Docet rerum usus, perquam adaucto, ut nunc est, ge-



*bo agresti medendum?* neri humano, non amplius sufficere alimenta vegetabilia, etsi salubriora persæpe animalibus. Quare frumentorum, olerum fructuumque defectus supplendus est rebus animalibus salubrem victum præbituris (§. 418.), quoad ejus fieri potest. Quemadmodum vice versa, ubi animalia cibaria defunt, aut quatenus non sufficiunt, eorum penuria vegetabilibus est sarcienda, minuendave.

Hoc ipse Deus ita sapienter instituit, ut quemadmodum aliorum brutorum ventriculus ad mera tantum vegetabilia comminuenda & concoquenda, ita aliorum ad animalia tantum cibaria dissolvenda & digerenda sit destinatus. Nec defunt, quæ ad utrumque genus ciborum alimentorum loco comedendum & concoquendum aptum sortita sunt ventriculorum. Ex horum genere est quoque homo, cui post diluvium indulgit Deus utrumque genus ciborum *Genes. IX, 2-3.*

## §. 421.

*Domesticus* Quamdiu domesticus cibus animalis sufficit ad supplendum, quod *cibus anima-* vegetanti desit, tamdiu hoc supplementum domesticum præferendum est *lis præponen-* peregrino. Ubi vero *grino.* is desit, extraneus unde quam optime fieri potest, erit comparandus. Plerumque enim domesticus cibus minori stare solet sumtu salubriorque esse, cives eum parantes alit una cum aliis, ideoque cæteris paribus utilior civitati, quam peregrinus, ideoque ei præponendus & præcipue curandus (§. 410.). Quare cum meliora præferenda sint cæteris (§. 192. *P. I. Phil. pract. univ.*), quamdiu haberi potest supplementum domesticum cibi patrii ab agris hortisque denegati, tamdiu is utique erit præferendus peregrino nihilo meliori (§. 421. *P. VIII. Jur. nat.*).

Quando autem supplementum patrium haberi nequit, tum nil restat, quod fami mortiferæ depellendæ opponatur, quam ut extraneus cibus animalis admittatur, quando sponte adducitur, aut si non sponte affertur, ut quærat & petatur ali-

aliunde, ubi quam optime procurari potest (§. 420. P. VII. Jur. nat.).

Ob rationes allatas in omni alimentorum genere domestica præferenda sunt alienis, nisi insalubris aut plane sterilis loci natura obstat. Ordine enim naturæ sapientissime adeo instituto sibi invicem respondent ubivis locorum ibi nata viventia, sive inanimata sive animata, & inter hæc humana corpora, nutrimentis e prioribus seligendis conservanda; nec solet nisi paucis in locis insanabilis esse vitiositas, a causis singularibus, tanquam exceptionibus sapienter admittendis, pendens. Vsu passim comprobatum est, meliora frumentorum, tritici, secalis, hordei, avenæ, olerum, radicum, tuberum, ficuum, uvarum, cucurbitarum cæt. genera aliunde asportari, vegetari & propagari insigni cum emolumento & ibi posse, ubi non sunt domestica hæc vegetabilia, & interdum degenerant in sobole, ut denovo afferenda sint.

#### §. 422.

Cum cibus animalis domesticus sapienter præferendus *Partes curæ sit peregrino* (§. 421.), *opera danda esse intelligitur, ut, quanam bestię circa bestias salubrem præbeant cibum aut & potum, exploratum habeatur, eaque edules debito studio conserventur, augeantur, perficiantur, & in potestate civium, quantum fieri potest, versentur, nem ad cibum humanum rite appetentur.* Dicemus illiusmodi animalium esculenta.

#### §. 423.

Differunt bestię esculentæ terrenæ ab aquatilibus; hæ in *Divisio edulis* aquis, illæ in terræ facie degunt. Terrestrium aliæ destituuntur *alium bestiarum.* alis, & in terra se sponte movent, seu eunt, unde euntes tantum dici possunt, aliæ sunt alatæ, quæ & ire queunt & volare, h. e. alis se in aëre movere. Illæ sunt bipedes ac plumosæ, vocanturque aves; hæ quadrupedes, ambæ pecudes vocantur. Ambæ vel imperio humano subsunt, & cicures vel mansuetæ vocantur; vel neutiquam, sed sui juris sunt, in liber-

tate naturali degentes, quæ feræ dicuntur. Aquatiles natant in aquis vel dulcibus vel marinis, eæque vel pedibus gaudent, vel carent, & pinnis natant. Quæ pinnis natant, pisces dicuntur. Quæ pedibus gaudent, vel bipedes sunt, ut manati, vel quadrupedes, ut phocæ, urfi, leones marini, &c. Præter has dantur quoque quædam crustaceæ & testaceæ edules bestię, uti astaci, cancri, ostreæ, conchæ, cæt. item quædam amphibię, utrique elemento adfueræ; & insectæ, ut quædam locustæ, apium mella.

## §. 424.

*Cura rei pecuaria.*

*Pecudum causa curandum est, ut floreat in civitate res pecuaria, concessis eum in finem juribus pascuorum, actuum, saginæ, cæt. latisque legibus seu statutis de re pecuaria quam optime instituenda. Sunt enim pecudes bestię mansuetæ seu imperio humano subiectæ & subjiçienda, ut earum usus haberi quam amplissimus possit (§. 423.), sed illæ debito studio sunt conservandæ, alendæ, multiplicandæ, saginandæ, ut earum usus amplissimus evadat (§. 421.). Quem in finem opus est & juribus pascendi & pascuorum, actus vel agendi ad pascua & rursus in stabula, saginandi, securitatis adversus abigeos, commercandi, damna avertendi, & datorum reparationem exigendi, & officiis pastorum aliisque legibus sapienter præscribendis, & pro re nata extorquendis.*

Ecce causam pascendi & alendi columbas, gallinas, anates, anseres, porcos, oves, capras, boves aliasque bestias generis edulis. Item avertendi, quantum fieri potest, morbos & contagia pecudum, sanandique sanabiles. Quare curandum quoque in civitate, ut explorata sint & præsto medicamina pecudum morbis præcavendis, depellendis & sanandis profutura, & ut sint, qui rite applicare illa & possint & velint, ne noxa bestiarum non tantum populo dominorum detrahat, sed & alimentis cæterorum.



## §. 425.

Quoniam plerisque in civitatibus alimenta animalia non *Cura lanio-* adhibentur cruda nec sordida, more bestiarum carnivorarum: num & co- ut plurimum quoque opus est civibus, qui comparandis, mactandis, repur- quorum, gandis a sordibus, & preparandis ad cibum complurium aliorum ope- ram dent (§ 421.). Apparet inde necessitas lanienæ, popinarum & rei coquinarie, atque simul curæ & legum, opificio lanionum popinonibus & coquis ferendarum in oppidis urbibusque, atque in salutem publicam recte observandarum exsequendarumque.

## §. 426.

Quum feræ quadrupedes non sint per se in hominum *Cura rei ve-* potestate (§. 423.), si illis vetcendum est, capiendæ prius sunt, *natoria.* ut seu vivæ seu mortuæ in eorum potestatem redigantur. Quod ut quam optime communi boni cauta fiat, cavendum est, ne id promiscue a quolibet, nec intempestive & ita fiat, ut con- servationi & multiplicationi ferarum noceatur (§. 424.). Opus igitur est jure venatorio sapienter ac publicam salutem reposito, & le- gibus venatoriis recte facientia inculcantibus, fugientia prohibentibus, addita poenarum sufficientium severa sanctione. Quibus etiam ac- cedere potest ferarum voracium nec edulium, imprimis carnivo- rarum seu rapacium persecutio, ad eas, si non extirpandas, sal- tem minuendas, quam plurimum fieri potest.

Quia feræ quadrupedes non unius tantum generis sunt, & aliæ aliis utiliores, delicatiores, carioresque, distingui jus venan- di solet vel bifariam in superius & inferius, vel trifariam, in superius, medium & infimum; quod nostrates vocant *Hohe-Mit- telund Nieder-Jagd*. Tunc primum complectitur cervos, uros, alces, bisontes, lynces, urfos cæt.; medium capreas, apros, lupos cæt.; tertium lepores, vulpes, castores, lutras, meles, martes, cæt. Inde civibus uti non licet nisi eo, quod ipsis concessum est.

## §. 427.

## §. 427.

Cura aucu-  
pii.

Par ratio est avium ferarum; inde de his similia, ac de quadrupedibus feris, statuenda sunt in civitate (§. 426.). Ideoque opus est jure aucupii, & legibus aucupium ad salutem publicam moderantibus.

Jura aucupii similiter dividuntur, ac jura venandi quadrupedes feras. Ad summum aucupium referuntur struthiones, ardeæ, imprimis cristis elegantibus instructæ, cygni, tardæ, urogalli, phasiani, cæt.; ad medium tetraones (Bickhühner), attagines, rubetræ eximiæ, cæt.; ad infimum, perdices, anseres, anates, fulicæ, coturnices, ficedulæ, turdi, palumbes, turtures, cæt.

## §. 428.

Cura pesca-  
tionis salu-  
taris.

Pisces cum plurium alimentis, & nonnusquam historia teste soli, inserviant (§. 423.), cum jura cum leges piscandi salutaris in rep. requiruntur (§. 426.), sive pisces fluviatiles spectes, sive marinos. Quod ex paritate rationis non minus valet de cæteris edulibus dulcium aquarum, lacuum, stagnorum, & marium ipsorum animantibus, quocunque nomine appellantur, & sive cute, sive crustis, sive testis tegantur; nec non de amphibiiis (§. 423.).

Potuisset quoque jus piscandi haud secus dividi atque reliquum jus feras capiendi bestias. Sed plerumque id minus attenditur, aut passim restringitur ad quædam genera aquatiliū, aut ad piscium majoris seu molis seu multitudinis, vel ad instrumenta capturæ angustiora & ampliora, uti retia, sargas seu verricula cæt.

## §. 429.

Cura circa  
pecudes pere-  
grinas.

Licet cibi domestici merito præponantur peregrinis (§. 421.); sapienter tamen curandum est, ut peregrinæ pecudes animantesque ceteræ alibi abundantes, vel minori pretio ac domesticæ, vel, si meliores illis sint, majori quoque seu emanantur seu permutentur cum aliis domi-  
redun-

redundantibus, ut mactari possint, aut si id fieri queat, inter domesticas educari, multiplicari, & e peregrinis domestica fieri possint, quatenus id e re publica futurum esse intelligitur (§. 410.).

Ita meliores oves, vaccæ, gallinæ cæt. passim aliunde arcessitæ jam habentur studioseque coluntur & propagantur fere ut in natali climate, modo observentur, quæ in patria usitantur. Si quando autem successu temporis ob climatis indolem degenerare nobilior indoles incipit, reparanda est soboles aliis e patrio solo arcessitis parentibus egregiis, stirpem nobilem daturis.

## §. 430.

Potionum naturalium salubritas aequè exploranda est & procu- Cura salu-  
randa, quantum in humana ope situm est, ac ciborum, ob ratio- britatis po-  
nes easdem (§. 396. 406. seq.). Quam ob rem quia plurimus tionum, præ-  
est aquæ usus in omni potionum, decoctorum, jusculorumque sertim aquæ.  
genere, ante omnia curandum est, ut constet de aquarum, quibus  
utendum est, salubritate, & si qua occurrat insalubritas, de illarum vel  
sanatione vel evitatione.

De modis aquæ salubritatem explorandi in physicis, diæteticiis, & chemica corporum analysi agendum est. Hic sufficit notasse, aquas alias filtro, alias coctione aut destillatione, alias fermentatione aut putrefactione, alias adjectione remedii sanari; si vero ejusmodi subsidia non satisfaciunt, puteos profundiores esse effodiendos, e quibus, quantum satis est aquæ salubrioris, hauriri possit. Vltimum remedium est in translatione sedis in locum salubriorem.

## §. 431.

Lactis copia dependet a cura rei pecuariæ (§. 409.), ideo- Cura lactis  
que aliis non indiget institutis, nisi ut una curetur pecudum sana- copiosioris.  
rum imprægnatio, a quibus lac est petendum, & nutritio copiosior, quo  
lac uberius suppedient. Quando largior lactis copia ex peregri-  
no pecudum genere haberi potest, illud adsciscendum & de-  
teriori surrogandum esse, quoad ejus fieri potest, patet per  
(Wolffii Politicæ P. III. S. II. C. I.) K k k ratio-



rationes §i 421. & 429. Sicut lac naturale est nutrimentum fœtuum lacte nutriendorum, ob imbecillitatem ventriculi ad alios cibos digerendos: ita quoque ab aliis infirmis & ægris mortem arcere potest, quam alias essent appetituri.

Plurimis usitatum est lac vaccinum, ovillum, caprinum; paucioribus asinum, equinum, camelinum. Humanum sanæ mulieris homini salubre esse, dubitari nequit. Fortassis plurimum pecudum & sterilius quoque elici posset, si recte tractarentur ubera, nec desperaretur, ubi non statim copia optata obtinetur. Docuit enim experientia, in humana femina lac natum esse & paulatim copiosius affluxisse citra præviam graviditatem; & continuasse tres quinque & amplius annos post partum. De cæteris potibus naturalibus nihil addendum videtur.

## §. 432.

*De examine*

*Potionum artificialium examen salubritatis eo magis esset necessarium, ut cum legibus accurato examini superstructis, quo minus variarum letalis indoles, exemplis sat manifestata, adhuc multis persuaderetur.*

Indulgent enim homines gulæ ejusque deliciis & irritamentis, neque facile ab his avocantur, experientiæ tristi documento. Alii, qui ex his lucrum captant, vel & iisdem æque indulgent, præparant illas, & exquisitis variis modis plurimorum palato & adspectui commendant. Ita varo fieri, ut complures ante diem suum obeant, experientia testatum passim fecit. Idcirco cura vitæ civium hanc quoque requirit causæ mortiferæ investigationem seriam, definitionemque, quatenus & quibus salutaris esse hæc poriones possint, vel nequeunt (§. 397. & 406.).

Quo facto legibus præcipiendum est, quod salubre deprehenditur; prohibendum vero, quid, quibus quantumque insalubre & mortiferum fieri solet, non sine pœna conveniente (§. 979. P. VIII. Jur. not.), ut vitæ civium consulatur (§. 392.). Quod eo magis consultum necessariumque est, quo minus vulgus & imperitia civium id intelligit, sed sensuum fallaci ducitur

tur dictamine & affectuum impetu. Validiores esse solent gulæ illecebræ deliciæque, quam seriæ prudentiorum seu concionatorum, seu medicorum seu amicorum dissuasiones, quibus a sensitivo appetitu & affectu, pravaque consuetudine & sodalitate fides derogatur; etsi his argumentis nihilominus utendum, ut pœnarum metus servilis evelli ex animis possit.

Nolo hic excurrere in varia siceræ genera, quorum natura inebrians, æthereaque serius ocysusve multis letalis fuisse, deprehenditur. Anglorum ea de peste querelæ passim leguntur urgenturque boni communis causa.

## §. 433.

*Salubrium vero potionum efficiendarum propinandarumque jura De juribus & interdum privilegia sapienter sunt constituenda & tuenda in civitate. & legibus* Facile enim peccaretur incertitia aut avaritia autorum paran-*parandi* potum, nisi fide & legibus adstringerentur ad salutaria tantus salubres. tum adhibenda, fugienda autem in præparatione & absolute-*tionis* quævis nocitura. Quæ cum per se pateant, manifesta est ratio instituendi zythopeptas & ænopœos, sancienti-*que* leges cerevisiarias (coctorum & cauponum), vinarias & ænopolarum, ne qua adhibeatur corruptio vitæ civium infesta (§. 367.). Si quis vero ausus sit secus facere, ut parata in ipsum sit inquitio & pœna haud eludenda (§. 302. & 368.).

## §. 434.

Licet potiones domesticæ naturales & artificiales præ-*Cura circa* ferri mereantur & debeant peregrinis, æque ac cibi (§. 429); *potiones pe-* sapienter tamen admitti quoque possunt peregrinæ salubres, domi defi-*reginas.* cientes & alibi abundantes, præsertim si æquo pretio cum rebus aliis domi abundantibus permulentur, commercii juvandi causa, & ut quærat modus, eas, si fieri possit, domi in posterum obtinendi (§. 315. seq. & §. 424. seqq. P. I. Polit.).

Ita cœnopolium in plurimis exercetur locis, ubi vel nullum vinum crescit, vel non tam generosum, ac alibi abundat. Zythopolii par est ratio, quum zythum quoque aliud atque aliud paretur aliis locis, nec ubique æque feliciter parari possit. Diversitas quoque temperamentorum corporis in causa est, ut aliis aliud genus salubrius deprehendatur, saltem videatur. Quibus nonnihil indulgendum est, æque ac illis, qui medicinæ instar peregrinis potionibus utuntur. Taceo de oleis multis aliisque similibus liquidiorum speciebus generibusque.

## §. 435.

Necessaria

amictus salubris cura.

Amictu insalubri, variisque ad vestitum & integumenta corporis humani adhibitis rebus, contagiis ipsaque pestilentia truculentissima infici corpora humana, magnasque & incredibiles civium strages edi opinione citius, tristibus constitit dudum multarum civitatum exemplis. Inde non postremam salubritatis rerum ad amictum receptarum recipiendarumque curam in rep. esse debere innotescit (§. 396.). Quæ cura quoque porrigitur ad avertenda quævis vitæ pericula, quæ ex rebus ad vestimenta tegumenta que pertinentibus oriri possunt (§. 368.).

## §. 436.

Divisio operimentorum humanorum.

Integumenta corporis humani, quæ amictui inserviunt, vel sunt diurna, vel nocturna. Illa indumentorum vestiumque nomine veniunt; hæc lectorum. Indumenta vestimenta que vel interiora sunt, vel exteriora; utraque vel marium vel feminarum. Interiora vel proxime, vel propius tamen, quam cætera, corpus operiunt ambiuntque; exteriora remotius. Ad illa referuntur indusium, subucula, tunica (interior), vestis; ad hæc togæ, faga, chlamydes, pallia, amicula. Reliquam omitto distributionem, quæ vel ab usu vario, vel a forma diversa, vel a partibus corporis, quas, uti caput, collum, pectus, ventrem, manus, femora, pedes, tegunt, vel a materia, unde constant, petuntur. Hæc autem materia vel petitur ex animalibus, uti pel-



pelles, lana, capilli, pili, plumæ, sericum, corium: vel ex vegetantibus, uti linum, cannabis, spartum, gossypium, byssus, lanugo clappæ nucis stramen, liber arborum mollior, cæt. Lecti vel sunt inferiores, vel superiores; illis jacentes incumbunt; his supernæ teguntur, uti storeæ, strata, culcitæ, pulvini, cervicalia, tegmina, stragulæ. Huc etiam pertinent aulæa, peristromata, peripetasmata, tapetes, conopea, cadurca; ephippia, lecticæ, cingula, omnis generis panni, lintea, & textilia quæcunque, farta, futilia & acu picta.

## §. 437.

Quia vestimenta & lecti in amictu sunt (§. 436.), & amictus salubritas curanda est, ne vitæ periculum subeat (§. 435.): tatis vestium publicæ salubritati vestimentorum lectorumque operam dandam esse in civitate, arcendamque solícite insalubritatem earum exitialem & contagiosam, omni vacat dubitatione. Id quod itidem de omni materia utriusque generis involucrorum corporis humani ex eadem causa statuendum est.

## §. 438.

Quæ amiciunt corpus nostrum vestium lectorumque genera, ea ejusdem cum eodem calefiunt, atque ita vapores virulentos dilatatis poris ejus gradus materiam insinuant immittuntque copiose. Quod experientiæ fide sat certo constans, simul docet, quo propius illa corpus nostrum afficiunt, quoque magis & facilius cum ipso incalescunt, eo illa esse perniciosiora, si contagione vel peste quadam sint imbuta. Hinc & cura eo intensior est adhibenda, ad contagiosam amictuum indolem & materiam, uti longe a limitibus arcendam, ita, si clam irrepserit, quam optime innocuam reddendam.

Dudum docuit majores nostros contagiorum diffusio per amictum ejusque materiam, quod vapores exhalationesque contagiosæ inficiant habitus, lectos, ipsamque eorum materiam, quodque virus acceptum transfundant in corpus humanum illa con-

treſtans. Ne ergo peſtilens contagium longe lateque more ſuo ſerpat, maturime eidem occurrendum, ut ejus civium ſtrages avertatur.

## §. 439.

*Quenam res*

*sint arcendæ.* ſunt illæ res, quæ e locis contagioſis veniunt, intromittendæ, ſed ab ultimis divergiis & collimitiis arcendæ (§. 438.); vel e ſuſpectis ob contagium regionibus advectæ non ſunt admittendæ in arcifiniis, donec exploratum habeatur, eas contagio vacare (§. 435.). Neque diſcrimen ponendum inter res infectis civitatis peregrinæ & noſtræ, cum ambæ æque ſint vitæ civium exitioſæ.

## §. 440.

*Etiamſi non  
ad amictum  
faciant.*

Docet experientia, alias quoque res, ad amictum non neceſſarias, item homines ipſos, aliaque animata contagio ita infici poſſe, ut alios viciffim inficiant: ea propter & homines, & beſtiæ, & res quæcunque imbibere effluvia contagioſa, & inhærentia ſecum transferre valent, arceri debent a confinio, ne quemquam inficiant cauſa mortis (§. 439.).

## §. 441.

*Quomodo  
purgandæ  
ſint res infe-  
ctæ aut ſu-  
ſpectæ.*

Cauſæ contagioſæ non ſolent eſſe, niſi effluvia corrupta, h. e. exhalationes & vapores ſudoresque pravi, corporibus infectis inhærentes aut adhærentes per inquinamentum quoddam. Eapropter *res infectæ*, v. c. ædium peſtilentium, hominum peſte abſumtorum; item ex locis contagioſis allatæ & contagii ſuſpectæ, quæ aqua ablui & omnino purgari, aut igne torreri, & ſic ab inquinamentis liberari poſſunt, *probe probeque ſint purgandæ*, ante quam in civitatem admittantur, aut ſanorum hominum uſui concedantur. Quia niſi hoc modo cauſæ contagii tollantur, ex homines inficiunt, magnæque ſtrage edita (§. 440.) civitatem depopulantur.

Sic v. c. pecunia peste infectorum, qua aliquid emi sibi cupiunt, injicitur aquæ, qua lavetur, aut & ebulliente excoquatur, & sic purgetur ab infecturis contagio inquinamentis, ante quam sanorum hominum manus subeat. Simili ratione res quoque aliæ & suspectæ liberandæ sunt ab eo, quod contagiosum in illis esse posset. Etiam si superfluum quidquam ita fieret, præstat tamen supervacua agere, quam temere pestifera admittere.

## §. 442.

Homines e locis contagiosis aut suspectis venientes, an-  
 mantesque cæteræ ob eandem rationem admitti non debent, *Quomodo homines in-*  
 donec nihil periculi ab iis imminere constat (§. 440.). *fecti aut su-*  
 circa tamdiu extra civitatem, pagum, urbemque, & in genere *pecti tra-*  
 extra consortium aliorum hominum ejus civitatis, in quam *ctandi.*  
 admitti cupiunt, commorari jubentur, quamdiu nondum li-  
 quet, utrum contagio quodam laborent nec ne? Quod cum  
 intra quadraginta dies exserere se soleat recte, *jubentur quadra-*  
 genam dierum foras commorari, & ab omni aliorum commercio abstinere.  
 Si tum nihil contagii emergat, sed omnes salvi incolumesque  
 maneant, debita purgatione rerum (§. 441.) præmissa admitti  
 possunt, quoad consultum videtur. Notum enim est, non  
 omnes peste infici, & eadem liberatos dein degere fospites, etsi  
 res contagiosas tractent, aut secum gerant, quibus alii infici pos-  
 sunt ac solent.

## §. 443.

Eædem rationes quoque postulant, ut oborta jam intra *Item intra*  
 civitatem, urbem & pagum peste, aliave contagione & lue per- *civitatem pe-*  
 niciosa, homines intra ædes infectas coërceantur & cogantur *ste infecti*  
 abstinere ab aliorum, & alii ab eorum commercio, ne malum la- *cum rebus*  
 tius serpat (§. 441.). Vnde *res infectæ*, quarum difficilis aut vix *suis?*  
 speranda est purgatio ab inquinamentis contagiosis, *rectius combu-*  
 runtur, quam pauperibus donantur. *Aedes vero infectæ aut pro peste*  
 infe-



infectis seorsum conditæ, quam optime fieri potest, *claudendæ, rebus salutaribus instruendæ, custodibus sepîendæ*, & seu absumtis incolis & dominis, seu nonnullis sanitati restitutis, quo optime fieri potest modo, sunt repurgandæ, ante quam hæredibus libere habitandæ concedantur, aut ab aliis rursus frequententur. *Laborantibus* autem peste & contagiis *subveniendum esse alimentis, cura & medicamentis*, quibus optime illis consuli potest; *cada-vera autem peste abreptorum ita efferenda & terræ mandanda esse, ne quid inde periculi aliis creetur*, ex ante dictis manifestum est.

Compendii studio multa hic in summam contraximus perbre-  
vem, quæ evolvi & uberius corroborari facile potuissent. Sci-  
licet usitatum olim est, & facile perspicitur, ob quas rationes ma-  
ximi momenti, ut, antequam ædes inficiantur, qui peste correpti  
videntur, ab aliorum consortio removeantur, & vel sub dio  
commorentur, dum cælum patitur, vel obstante ejus inclemen-  
tia intra nosocomia peste infectorum concludantur ægri vel su-  
specti de contagio, gradibus tamen & in his sapienter observatis.  
Præterea chirurgis opus est & medicis, & pharmaceutis diligen-  
ter ea, quæ contagiis obstant & medentur, invenientibus, &  
inventa aut usu dudum comprobata dextre applicantibus. Vbi fieri  
potest, ut inservientes contagiosis non sine periculo suo, absti-  
neant ab aliorum consortio, ibi nec ea pars sapientiæ est præter-  
mittenda. Vbi vero id fieri nequit, ibi sanitatis ministris  
tam remote opem ferre ægris convenit, ut extrâ reli contagiosi  
jactum id faciant. Idem illud valet quoque de ministris eccle-  
siæ ut medicis animorum salvandorum.

## §. 444.

*Cura salu-  
britatis do-  
miciliorum.*

Quæ hic dicta sunt de ædibus ab infectione contagiosa  
defendendis liberandisque, ea in genere nobis suggerunt curam  
*salubritatis domiciliorum in re publ. minime negligendam.* Apertum  
enim est, domum peste similive contagio infectam, pestilentem  
esse & fieri eam ingredientibus & in eadem commorantibus;

nec

nec his tantum, sed ea unica urbem, provinciam, regnum & imperium integrum infici, & terribili exitio, internecione ac vastatione multari solere, ni sapienter illi officiat (S. 441. & 443.). Sed præter pestem & plagam lueve contagiosam, dantur & aliæ causæ exitiosæ, quæ ædibus inesse, ac incolentium vitæ mortiferæ evadere possunt, etsi non tantam civium cladem, ac illæ, pariunt. Quæ quia itidem cives interimunt, qui prodesse civitati diutius potuissent, & in rep. conservandæ civium vitæ, quanta potest, opera navanda (S. 367.): dubio caret, curam salubritatis domiciliorum neutiquam esse negligendam.

## S. 445.

*Si qua regio vitiositate ædium latius serpente laborat, quæ & in- Cura circa  
colis pestifera fiat, utique curandum est, ut illa arceatur, aut inopinato ædes pestifero  
oborta, sanetur, si fieri possit; si nequeat, ædes diruantur. Inficiunt vitio noci-  
nempe hujusmodi ædes sua vitiositate incolas, & virus suum in turas.  
eosdem transfundunt, per hypothesein, ex S. 441. liquidam.  
Cura igitur salubritatis ædium nequaquam negligenda (S. 444.),  
requirit, ut insalubritas ea incolis nocitura, aut plane exitiosa fu-  
tura avertatur, quantum opis est humanæ; si nihilo secius in-  
gruerit, nil sapientius fieri & censei potest, quam ut quan-  
tocytus expellatur, aut si expelli nequeat, ipsæ ædes destruan-  
tur, sive comburendo, sive diruendo, ne ignaris pestiferæ indo-  
lis evadant fatales.*

Hujusmodi pestis fuit ædium leprosarum, de quibus Moses non sine jussu divino sapienter præcepit, *Levit. XIV, 33-47.* eas esse vacuefaciendas, ne res hominesque ab illis inficiantur, & nisi sanentur, diruta parte infecta & reparata, integras esse demoliendas, lapidesque, lignum & cæmentum ejicienda in locum impurum. Si malum hujusmodi sit naturale, remedia naturalia erunt quærenda; si supernaturale, nec aliud dabitur remedium, quam ex eodem fonte hauriendum. Exemplo sunt  
(*Wolfii Politica P. III. Sect. II. C. II.*) L11 foror

foror Moſis *Deuteron. XXIV, 14. & Num. XII, 10. ſeqq.* & Uſiah  
2 *Chron. XXVI, 19. ſeqq.* Quæ de domo leproſa ibi præcipiun-  
tur, eadem & ad res quascunque alias, ipſosque homines le-  
proſos merito applicantur, qui, ne alios inficerent, excludeban-  
tur ex eorum conſortio, & ſeparatim habitare, aut includi locis  
peculiaribus & ſegregatis jubebantur. *Levit. XIII. tot. & XIV.*  
*3. ſeqq.*

## §. 446.

*Quomodo  
avertatur  
talis vitioſi-  
tas?*

*Si naturale eſt hujusmodi vitium domorum, oritur illud e  
vitioſo ligno, lapide, cæmento, aut & ſolo putrido, ideoque  
arceatur, ſi prohibeatur, ne quis in ſolo putrido, vel e materia putredini  
facile obnoxia ædes ſtruat.* Prius docet experientia, fida rerum  
magiſtra. Poſterius liquet, quia cauſa vitioſitatis averſa ipſa  
avertitur vitioſitas, præſertim quoties, uti hic, alia illius cauſa  
non eſt (§. 898. *Ontol.*). Virando igitur ſolum putreſcens &  
inficiens, quod ſuperſtruitur, putredine, virando materiam ædi-  
um immaturam, aut corruptione putida laborantem, arceatur  
ædium peſtifera corruptio. Vetandum igitur dominis archi-  
tectisque, ne impune peccare contra leges audeant.

Etiam nunc ædes non quidem lepram corrodentem inficien-  
temque & conſumentem gangrænæ inſtar parietes & muros ex-  
periuntur; attamen quandoque ſentiunt vitium corruptionis pu-  
tris, materiem ſenſim ſitu, eroſione ac diſſolutione afficientis &  
collabefacientis. Quod in cauſa eſſe ſolet, ut calx vel gypſum  
dealbans brevi tempore decidat, & quotieſcunque renoverur,  
aut & muro abraſo denuo profundius immittatur, tamen paullo  
poſt iterum dehifcat diſcedatque. Fons ejusdem vel in ſolo  
putri & urinoſo ſimilique ſale grvido, vel in lapide imperſecto  
& humorem imbibente, vel in ligno putredine laborante dari  
conſuevit. Vnde ab his cavendum, vel hæc interdicens eſſe  
intelligitur. Non adeo noxium eſt hoc ædium vitium ac lepra,  
interim nocet, conſumit tapetia, & tabulata, & alia, ut effluvia  
effera ſitus, ſqualoris, marcoris, corruptionis & ſectoris ſanitati  
vitæque obſint.



## §. 447.

Si quid letiferum in ædibus olim exstructis nascatur, legum Mo. Quomodo  
saicarum exemplum docet, quid medela earum vitiositati sit adhibendum expellatur.  
(§. 445.). Infectionem domiciliorum a contagiis quoque oriri,  
& pariter publica magistratus cura, & legum salubrium adju-  
mento atque executione removendam esse, patet ex §. 443.

## §. 448.

Potest & ruina domiciliorum inhabitatores enecare, & Ruina edi-  
prætereuntes, nec desunt ira obrutorum extinctorumque exem-um uti aver-  
pla. Quamobrem curandum quoque est in civitate, ut ædes & abtenda?  
initio ita exstruantur, quo durare in longum tempus possint, ideoque a  
metu ruinae immunes sint, & si quocunque modo in eum statum perveni-  
ant, quo ruinam minantur, ut reparentur, seu diruta restituantur. Quem  
in finem & legibus opus est, & ædiliū auctoritate, diligentique inspe-  
ctione (§. 392.).

Cum cedentis soli & labascentis variis de causis, tum mate-  
riæ pravitate seu primordiali, seu dein vetustate temporis, in-  
colarum nequitia aut ignorantia & imprudentia, aut hostium vi  
& odio contracta, contingere solet, ut ædes labefactentur, &  
ruina impendeat, etiamsi architectorum fabrorumque nulla ac-  
cesserit culpa. Quapropter tollendis his ruinæ mortiferæ cau-  
sis sapienter est occurrendum legibus institutisque, quæ usus præ-  
stare cæteris ostendit.

## §. 449.

Similiter eluvionibus & aggerum perruptionibus ibi junctis viri-rem similis  
bus sapienter occurrendum, ubi ab his haud paucis accolis interitus est pericula  
metuendus (§. 368.). Nec minus avertendum est vitæ civium quavis.  
periculum, quod a navibus seu male structis, seu vetustis, seu a  
vermibus erosis, quod a pontibus, ponticulis, pontonibus & id ge-  
nus aliis vehiculis struibusque proficisci solet. Summatim omnis  
generis vitæ pericula arcenda sunt a civibus, quæ & quate-

nus humana, praesertim publica, ope caveri possunt (§. eod.). Neque temere ullum in his legum, sanctionum poenaliu, utilium institutorum, vigilantiaeque adminiculum est praetermittendum.

## SECTION II.

## CAPUT II.

DE

## Sapienti cura sanitatis reliquorum corporis bonorum.

§. 450.

*De cura va-  
letudinis ne-  
cessitate.*

**M**ortem naturalem plerumque pendere a morbis, neminem fugit. Morbi autem e diametro obstant sanitati, tantae corporis viventis praestantiae, perfectioni (§. 391. P. I. Jur. nat.), ipsi quoque animo servienti, ut vitae, sine qua dari nequit, non tantum velut integritas ejus aequiparetur, sed & quadamtenus recte praeratur, quod aëgris notum est sanisque. Cum profligandi sint e civitate, quantum datur, morbi exitiosi (§. 391.), cum vita sapienter conservanda sit, vitandumque, quidquid ejus conservationi adversatur (§. 368.): obscurum esse nemini potest, *morbos in civitate solícite esse cavendos sanandosque; & sanitatem omni cura conservandam restituendamque, quoad ejus fieri potest; & in genere curam valetudinis publicam pernecessariam esse.*

Neque tantum morbi vitae sunt infesti, sanitatemque lædunt, sed in se quoque & singulis civibus nocent, & universitati eorum, quatenus eos impediunt redduntque ineptos, aut prorsus impotes, ad ea, quæ vel privatim, vel publice ipsis subeunda sunt, officia. Quoniam igitur superior in civitate obli-

obligatur ad conferendum, quidquid potest, ad sanitatem civi-  
um conservandam, amissamque restituendam (§. 715. P. VIII.  
*Jur. nat.*). & ad instituenda subsidia, quibus officiis suis satisfac-  
turi adjuventur, & ab impedimentis liberentur (§. 396. *seq.*  
*ibid.*): vel ex eo capite apparet, morbos esse profligandos, sa-  
nitatemque quam optime tuendam procurandamque.

Sanitatem strictius sumtam esse statum corporis vivi aptum  
ad usus omnes, quibus partes ejus destinantur, vel illum cor-  
poris nostri statum, quo singulae partes ad munia sua peragenda  
aptae sunt & expeditae, docetur uberius *Horar. subseciv. Mar-  
burg. P. I. p. 328. seqq.* Vnde, quia morbus sanitati repugnat,  
is erit status ineptus ad functiones corporis vivi partium obeun-  
das, *ibid. p. 481.* curam sanitatis involvere fugam omnium mor-  
borum, dubio caret. Vivum autem est corpus, dum menti  
est conjunctum, vel dum respirat, & sanguinis circuitu gaudet.  
Valetudo infert habitudinem corporis viventis ad sua munera  
obeunda, & quantum in illis praestare possit.

## §. 451.

*Valetudo bona, sanitas est, mala, morbus.* Est enim valetu-  
do habitus corporis viventis ad munia sua obeunda (§. 450.). *letudo secun-*  
Sed habitus ille est status aptissimus ad suos fines ususque, & vel *da, & ad-*  
convenire potest, cum muneribus suis, h. e. cum functioni-  
bus earumque usibus, ad quas destinantur ejus partes a Deo;  
vel non convenire, seu illis repugnare. Priori casu par erit  
habitus suis functionibus praestandis; posteriori impar; seu  
priori, valetudo erit bona & secunda, h. e. sanitas; posteriori,  
mala seu adversa, h. e. morbus (§. 451.). Liqueat ergo, vale-  
tudinem secundam esse sanitatem; adversam esse morbum, in-  
sanitatem invalerudinemque. Hinc sanitas quoque dici potest  
habitus corporis viventis fungendi suis muneribus, & morbus,  
defectus sanitatis.



## §. 452.

Gradus va-  
letudinis va-  
rii.

Dantur vero diversi valetudinis gradus, ideoque tum sanitatis, tum morborum. Quia valetudo est habitudo viventis ad suas functiones (§. 450.); corpus vivens autem variis gaudet organis, seu membris & partibus, & unaquæque pars aut magis aut minus apta, habilis & expedita esse potest ad suas functiones: duplex datur graduum valetudinis fundamentum, materiale & formale. Ratione materiæ eo major erit valetudo corporis vivi, quo plures ejus partes illa afficiuntur, & eo minor, quo pauciores partes illa sunt affectæ. Ita sanitas est eo major, quo plures partes corporis habitu pollent fungendi suis muneribus, tum vero maxima, cum omnes partes habilitate suos præstandi usus instructæ sunt. Eo autem bona valetudo est minor, quo pauciores partes ad peragendas suas functiones aptæ sunt expeditæque. Item morbi eo sunt majores, quo major est numerus partium insanarum; & eo minores, quo minor est partium egrarum numerus. Ratione formæ autem, quo magis membrum corporis, seu organum, aptum est ad suas functiones, quoque melius, constantius expeditiusque iisdem sufficit, eo perfectior sanitas erit & melior; quo vero minus aptum expeditumque ad agendum, seu quo ineptius & deterius agit, quo magis habitu caret suas edendi functione, eo valetudo adversa, seu morbus erit major, pertinaciorque. Optima igitur erit valetudo secunda, sive sanitas, quando partes corporis omnibus suis functionibus pares sunt non tantum, sed & in iisdem expeditissimæ, ut agere valeant, quidquid possunt, idque facillime, citissime, promptissimeque citra defectum evitabilem; optima vero & maxima simul, cum omnes partes corporis optima gaudent valetudine. Pessima vero erit valetudo, cum pars corporis vix uni utcunque inservit functioni; & minima simul, cum vix una alterave pars uni inservit functioni.

Singularum partium vivi corporis sanitas, & ejus usus, item morbi eorumque varietas, scientia & sanatio medicis merito re-  
lin-

linquitur. Hic enim utriusque valetudinis habitus ad philosophiam civilem tantum consideratur, quatenus ejus cura civitati incumbit, & sapienter instituenda est. Quare & magnitudo & bonitas sanitatis hic est spectanda, ut, quid utrique debeatur, melius perspicere ostendique possit, quid promovendus illius usus ad civitatis salutem involvat.

## §. 453.

Præterea notari quoque meretur sanitatis & morborum diversa Momentum vis, duratio & efficientia in vitam humanam mortemque. Dantur enim valetudinis functiones aliæ, quæ corporis nutritioni & vegetationi, aliæ, diversum. quæ vitæ ipsi, aliæ, quæ mentis operationibus in cognoscendo appetendoque inserviunt. Hæ vocantur animales, illæ vitales, istæ naturales. Sine animalibus actiones mentis externæ, quæ vel sensitivæ sunt, vel rationales & humanæ, absolvi nequeunt; sine vitalibus durare vita corporis & actio humana nequit; & sine naturalibus nec vita durare & stabilis esse potest, nec sensus, intellectio & motus voluntarius, nec vegetatio, digestio, chylicatio, nutritio, agilitas, vigor, secretio, propagatio & transpiratio: quemadmodum & sine vita actiones naturales dari nequeunt. Proinde momentum valetudinis metiendum est potissimum ex eo, quod facit ad actiones humanas ad civitatis salutem comparandas. Naturalium igitur & vitalium functionum cura eatenus præsertim est necessaria, quatenus illa facit ad habitus actionum humanarum perficiendos. Cum in his vita humana salutis publicæ proficua, & in ejus privatione mors contineatur: oppido liquet, sanitatis morborumque momentum niti vi, stabilitate & efficientia in vitam humanam mortemque.

Extra controversiam positum est, hominem functionibus tantum naturalibus & vitalibus gaudentem civitatis salutis operari non posse, sive actionibus sensitivis adhuc gaudeat, sive his quoque propemodum careat. Non igitur nisi virtutum exemplo aliis prodesse potest & documento, in quem statum redigi homo pos-

possit, si id agat, ut illi obnoxius fiat. Meretur igitur vita vel ob hunc usum in civitate conservari.

§. 454.

*Quia valetudinis momentum præcipuum est in tuenda vita humana, ad salutem publicam requisita (§. 453): dispalescit, curam valetudinis præcipuam versari debere in tuenda valetudine bona organorum, sensus & motus voluntarii. Quatenus tamen illa haberi nequit, nisi functionum vitalium & naturalium salva continuatione (ibid.); eatenus & illarum valetudo bene est curanda (§. 450.).*

§. 455.

*Quid propius contineat, quid remotius.* Ratione salutis publicæ propius afficit civitatem cura valetudinis præcipua, seu actionum humanarum, remotius solarum animalium, naturalium & vitalium. Etenim in civitate singuli se obligant universis, & universi vicissim singulis, ad commune bonum, quantum valent singuli & universi, promovendum (§. 28. P. VIII. Jur. nat.). Sed obligatio non est nisi necessitas moralis, ex connexionione incitamenti cum actione libera perspicienda (§. 115. & 118. P. I. Phil. pract. univ.). Quapropter ea locum non habet nisi in actionibus humanis, ex intellectu, voluntate & facultate locomotiva oriundis (§. 70. ibid.). Constat igitur, curam civitatis nisi propius occupare & afficere cura actionum humanarum, & valetudinis ad eam requisitæ, quam dicemus sanitatem humanam, vel homini propriam.

Quatenus vero valetudo secunda animalis cum vitali naturalique basis est sanitatis humanæ, eatenus & illius cura in civitate est necessaria (§. 454). Sed quia propter humanam sanitatem potissime & proxime laborandum est in civitate: illius cura non nisi remotius afficit civitatem, tanquam cura subsidii, sine quo humana sanitas haberi nequit. Sanitas ergo animalis, naturalis & vitalis, non est nisi sanitas communis homini cum bestiis, ideoque naturalis & vitalis sub animali continetur.

§. 456.



## §. 456.

Dum cura sanitatis humanæ propius, animalis remotius. *Quæ cura afficit remp. (§. 455.), illius cura dicatur propior, hæc remotior. sanitatis* Propiori igitur cura sanitatis hominum amplectenda & studio- *propior, quid remotior sit.* rius procuranda est sanitas humana; remotiori vero eorundem hominum sanitas animalis. Neutra vero in civitate est negligenda, neutra curari recte potest & ex asse, nisi simul morbis utrique obstantibus medela optima paretur, quanta conjunctis viribus obtineri potest (§. 450.).

## §. 457.

Vniuersis quidem in civitate jus est cogendi singulos, ut *Cura sanita-* satisfaciant suæ obligationi, si vel id facere nolint, vel in eo ne- *tis humanæ,* gligentiores se præbeant (§. 29. P. VIII. Jur. nat.); civitati ta- *et si molesta.* men in vitam civium nihil licet, nisi quando crimina sine pœnis capitalibus coerceri nequeunt (§. 638. *ibid.*), aut resp. aliter salva esse nequit, ut in bello. Hinc quia morbus, quo quis usu rationis orbatur, ideoque functionibus humanis impar redditur, crimen non est, sed calamitas civiliter infonsis, nec civitatis salus periclitatur, si ejus vita vel animalis tantum conser- vetur: *civitati nihil licet in vitam vel eorum civium, qui morbo impa-* *tes redditi sunt vitæ humanæ, & vix degunt aliam vitam, quam ani-* *malem tantum, et si aliis molesta, aut & infestam.* Nesciunt enim, quid tum agant, inde nec delinquant, nec crimen committunt, etiam si hominem trucidant (§. 670. *ibid.*). Vnde sufficit, si in eum statum redigantur, ne nocere sibi aliisve possint, etiam si conentur (§. 670. P. VIII. Jur. nat.). Et horum igitur vita est conser- vanda, & horum morbis afferenda medela, qua, si superabiles sunt, sanentur. Vellet id quisque sibi fieri in simili statu, unde æquum est, ut id ipsi præstetur ab aliis (§. 99. P. I. Jur. nat.) & (§. 608. *ibid.*). Idem quoque requirit propior sanitatis humanæ cura, & officiis erga Deum vacans, & sperans, dum vita superest, aut

(Wolffii Politicæ P. III. S. II. C. II.) M m m con-

convalescentiam & restitutionem usus rationis, aut alium sapientem vitae exitum (§. 456.) & (§. 928 seqq. P. I. Theol. nat.); nec involare cupiens in reservatum Deo vitae hominum arbitrium. (§. 970. *ibid.*).

## §. 458.

*Cura delirorum & furiosorum.*

Quia nihil licet civitati in vitam hominum, usu rationis ob morbum captorum (§. 457.): nec mente capti, delirantes, furiosi, etiamsi admiserint facinus alias morte luendum, e vita sunt exturbandi, ne aliis molesti sint (§. 671. P. VIII. Jur. nat.); sed laborandum est consanguineis, affinibus, amicis, aut, his deficientibus, civitati ipsi publico sumtu, ut eorum vita & sanitas humana recuperetur, si fieri possit, furor vero interim, delirium & amentia coercetur, ne sibi aliisque noceat; si vel ista spes decollet, Deo tamen arbitrium de ipsorum vita statuendi est relinquendum, & cuilibet homini, & civitati (§. 192 seqq. P. IV. Ethic.).

## §. 459.

*Opus est gyrgathis variis.*

Eo quod hæc cura delirorum furiosorumque plerumque privatorum civium vires excedit, licet nonnihil impendiorum ad suorum curam sanitatis recuperandæ & vitæ conservandæ conferre possint, re ipsa teste: publicis sumtibus pro mente captis, deliris, & furiosis, loco idoneo construenda, conservanda, & præfatis, medicis, chirurgis, custodibus, servisque, alimentis medicamentisque instruenda sunt claustra diversi generis, in quibus miseri illis, quam optime fieri potest, consulatur. Quæ cum gyrgathi dicantur (Zollhäuser): patet, gyrgathis opus esse in urbibus emporisque amplius (§. 739. P. VIII. Jur. nat.).

In his claustris firmamentisque custodiarum pro gradu dementiæ, maniae & rabiei, diversis opus est conclavibus, caveis, clatris, gyrgathisque, ut neque in se ipsos, neque in se invicem, neque in alios favire in paroxysmis possint. Quæ omnia publicos requirere sumtus, & publicam sapientiam auctoritatemque, nemo non videt.

## §. 460.

Similiter pro aliis ægrotis, atra bile laborantibus decrepitisque, quorum ipsa senectus morbus & marasmus esse solet, sensim eos conficiens, quatenus officiis erga se sunt impare, condenda sunt jobæa, nosocomia & valetudinaria, in quibus, si non sanari, saltem levare ipsorum morbus, & vita sustentari possit, donec a Deo repetatur, auferaturque (§. 458. seq.). Quæ commodè connecti sic cum gyrgathis possunt, ut nocere alii ægri aliis nequeant, & sumtum compendium obtineatur. Separandi tamen contagioso morbo decumbentes ab iis, qui a contagione sunt immunes, & multo magis peste correpti ab omnibus aliis ægrotis (§. 443.).

Et nosocomia.

Nefarie olim stoici quidam sibi imperarunt & intulerunt mortem, quando id ipsis consultum videbatur. Nefarie alii populi senes vietos & veteranos depontanos fieri voluerunt, aut enecarunt, turpiter in Dei jus vitæ & necis involantes, infantesque damnantes. Non est igitur tale nefas in civitate tolerandum, sed publico instituto vel neglectui officii privati mendum.

## §. 461.

Ad morbos hominum a civitate quam optime arcendos, & obortos sanandos quidquid facit, id in civitate est necessarium constituendumque sapienter. Etenim necessarium est, ut morbi arceantur sanenturque (§. 450.). Sed qui cupit consecutionem finis, is nequit aversari adjumenta, sine quibus is obtineri nequit (§. 941. Ontol.), & qui sapit, is nihil omittit eorum, quæ faciunt ad obtinendum finem suum, sed ubi plura dantur, ibi meliora & certiora cæteris præfert, viam sequens brevissimam, ubi ambages nihilo plus præstarent (§. 678 seqq. Psychol. rat.). Requirit igitur sapiens constitutio reip. (§. 393. P. VIII. Jur. nat.) ratione sanitatis, ut quæcunque faciunt ad morbos arcendos

Opus est subsidiis sanitatis.



sanandosque, ea sapienter constituentur (§. 717. P. VIII. Jur. nat.).

## §. 462.

*Gradus hu-  
jus cura.*

Si sapienter constituenda sunt sanitatis civium subsidia (§. 461.): quo illa plus atque propius faciunt ad sanitatis præjudicia & remedia, eo majori diligentiorique cura illa sunt dignanda, procuranda & perficienda in civitate: eoque facilius, promptius & accuratius eorum usus est procurandus, ut res præsto sint egentibus illis, & modus eas optime applicandi non ignoretur.

## §. 463.

*Excolendæ  
sunt artes  
sanitati pro-  
future.*

Excolendæ igitur & exercendæ rite sunt in civitate scientiæ & artes sanitati tuendæ & recuperandæ inservientes, cujusmodi sunt medicæ, chirurgicæ, pharmaceuticæ & chemicæ. Etenim scientiæ & artes sanitati tuendæ & recuperandæ inservientes propius, quam aliæ, faciunt ad sanitatem civium procurandam, quod per se liquet. Eapropter & hæ diligentius in civitate sunt excolendæ exercendæque quam optime (§. 462.). Sed chemica analysis corporum explorat partes, vires & usus. Pharmaceutica præparat medicamenta simplicia & composita, quæ ope chemiæ jam sunt explorata, & divendit. Chirurgia habitu manuum sanat vulnera, laxationes, ossium fractiones, tumores & ulcera; & dissecat aliter insanabilia. Medica scientia & ars sanandis morbis internis occultioribus remedia suppeditat. Hæ igitur artes in rep. sunt perficiendæ (§. 717. P. VIII. Jur. nat.).

## §. 464.

*Opus est che-  
micis.*

Opus est in civitate chemicis, qui in academiis scientiarum sunt alendi (§. 313. P. II. Polit.), ut analysi corporum naturalium naturam, usque ignotos explorent, notos vero emendent amplificentque (§. 411. 417. 452. & 456. ibidem). De inventis ab ea, cum academia scientiarum, utrum vera & certa sint, rum

rum majestas statuet, quomodo illa sint in civitatis usus transfere-  
renda (§. 461. & 462. *ibid.*). Eisdem quoque committendum  
examen ab aliis repertorum, si publico testimonio aut privile-  
gio gaudere velint.

Spektatur hic chemia quoad usus sanitati profuturos, qui mul-  
tiplices esse possunt ac solent. Subsolvit illa rei pharmaceuticæ,  
chirurgicæ, materiæ medicæ & therapeuticæ. Cæteri enim usus  
ejusdem non sunt hujus loci.

§. 465.

Opus est pharmaceutis & pharmacopoliis, bene instructis ab om- Item Phar-  
nibus, quorum usus in re chirurgica & medica requiritur, & visitandis maceutis &  
subinde, num idonea & genuina sint medicamenta. Sunt enim phar-pharmaco-  
maceutæ, qui scientiam & artem callent internoscendi, conser- poliis.  
vandi & conficiendi medicamenta omnis generis; pharmaco-  
polia autem officinæ, in quibus medicamenta parata venduntur  
emunturque. Quibus indigere civitatem, patet per §. 463.  
Ne vero inutilia, corrupta aut noxia sint, quæ prodesse civibus  
debent (§. 414. *seq. P. I. Jur. nat.*), utique idemtidem examine  
opus est, in visitatione eorum a peritissimis medicis publica au-  
toritate instituendo (§. 941. *Ontol.*).

§. 466.

Ut abundare pharmacopolia possint genuinis medicamentis, in- Eorumque  
struenda sunt privilegiis, quibus honeste sibi suisque consulant pharmaco- privilegiis  
pole; nec concedenda nisi artis suæ omnino peritis, & ad optima quæque salutaribus.  
comparanda obligatis. Opus enim est pharmacopoliis bene in-  
structis ab omnibus, quorum usus ad sanitatem requiritur (§.  
465.). Quod cum indemne esse pharmaceutis & pharmaco-  
polis debeat, (§. 268. & 321. *P. IV. Jur. nat.*): indulgenda  
ipsis sunt privilegia, quibus pares esse possint officio & civi-  
tati & sibi suisque consulendi (§. 717. *P. VIII. Jur. nat.*). Qui-  
bus ut recte uti possint, non danda sunt nisi sat peritis eorum,

quæ nosse & tractare debent; & ut idem quoque velint & faciant, obligandi sunt, quemadmodum reliqui cives ad sua quique officia obligantur (§. 396. P. VIII. Jur. nat.).

§. 467.

*Peregrinis*

*Præcipue igitur, uti in alimentis, ita & in medicamentis, quoque medicamentis. præcipue igitur, uti in alimentis, ita & in medicamentis, do- mesticorum copia debet esse exquisita & suffectura; quibus accenseri possunt thermæ & acidulæ salubres, ubi occurrunt; his autem deficientibus, aut ad scopum imparibus, præstantissimorum quoque peregrinorum remedium copia est comparanda. Domestica enim corporibus civium solent esse convenientiora, ob climatis indolem, eadem & recentiora, abundantiora ac efficaciora haberi possunt, quam longe petenda; ideoque & viliora esse consueverunt peregrinis, si cæterorum paritas habeatur, uti in alimentis (§. 410.). Enimvero uti alimentorum domesticorum defectus, undecunque ortus, quam optime fieri potest, peregrinis supplendus est (§. 418.): ita ob easdem causas idem quoque valet in cura medicamentorum, thermarum & acidularum salubrium, cæt. Non parcendum igitur sumtibus est, necessariis ad comparanda & incorrupte conservanda quoque peregrina medicamenta, imprimis simplicia, quæ clima domesticum aut non fert, aut non ejus indolis & vis fert, quæ in ipsis alibi datur. Cujusmodi non pauca dari, diuturnus rerum usus docuit majores, docetque nos etiam nunc.*

§. 468.

*Et taxa*

*Ut æquo pretio cives comparare sibi medicamenta possint, opus est pretio medicamentis præcipuis carioribus præstituto, quo nec pharmacopola, nec cives ledantur. Privilegia enim, quibus Pharmaceutæ & pharmacopolæ instruendi sunt (§. 466.), possent in abusum & damnum civitatis verti, ut conspirantes inter se pharmacopolæ medicamenta nimis caro venderent. Quod cum ipsis permittendum non sit, recte initur æstimatio pretii medicamen-*



mentorū æqui, idque divulgatur (§. 717. P. VIII. Jur. nat.), ne ignorari ab illis possit, qui damni sui avertendi sunt studiosi. Par & hic occurrit ratio, ac in alimentis (§. 406.) & (§. 417. P. VIII. Jur. nat.).

Solent hæc leges variari, pro locorum varietate, quia, ubi copiosiora sunt quædam medicamenta, aut minori pretio emi possunt, ibi quoque minoris possunt vendi, his, qui eorum usu indigent. Contra ea, ubi rariora habentur, & carius emenda sunt, ibi quoque majoris sunt vendenda. Pauperum causa dispiciendum est, quanam viliora medicamenta cariorum loco adhiberi & propinari ipsis possint, in primis e rebus domesticis. Appellari solent leges pretiorum pharmaceuticorum Apothecariorum Taren, vel Argenen, Taren. Quanquam præter pretia & alia legibus pharmaceuticis publicæ salutis causa inculcari solent.

## §. 469.

Opus est chirurgis peritis, & ad diligenter fungendum partibus suis obligatis. Exercendæ enim sunt in civitate, quoties opus est, quam optime fieri potest, artes & operationes chirurgicæ variis generis (§. 463.). Sed excoli & exerceri nequeunt melius, quam ab illis, qui artem illam probe didicerunt, callent, & habitu gaudent dextre illam applicandi; id quod nemo sanus in dubium vocabit. Liquet inde, non admittendos esse in civitate imperitos chirurgos, qui plus noceant sanitati civium, quam profint, sed peritos potius, qui & debite didicerunt artem suam, & examinati specimina suæ peritiæ edidere fidei haud sublestæ. Ne vero degenerent, & ab officio recedant, obligatione civili cavendum est, qua bene merentes præmiis, male agentes pœnis afficiantur pro meritorum ratione. (§. 395. & 417. P. VIII. Jur. nat.).

## §. 470.

Ad excolendam chirurgiam in caibus abstrusis difficilioribusque Et academia instituenda sunt academice chirurgicæ. Incidunt enim in praxi haud chirurgica.

raro

raro casus perplexi & intricatiores, in quibus chirurgi, vulgarem praxin exercentes, hærent, aut si audacter agunt, a janua aberrant. Tunc ergo ab ipsis adeundi & consulendi sunt peritiores, ne hallucinentur, & sicubi academia chirurgica datur, ipsa academia consulenda; sin minus, medici graves. Neque id demum in casu emergente, sed & antea mature explorari potest, problematibus hujusmodi, quæ cruces sunt chirurgorum, excussioni propositis, præmio addito, quo afficiatur, qui optima suggessit (§. 411. & 417. P. II. Polit.).

§. 471.

Cujusmodi

medicis opus spicuis.

fit in civitate.

Potissimum vero opus est medicis, solidiori scientia arteque con-  
Medici enim avertendis sanandisque morbis internis  
& abstrusioribus operam dare debent (§. 463). Quo diffi-  
lius autem est, eorum causas notasque internoscere, & in iis-  
dem sanandis non nisi ægrotorum naturæ apprime consenta-  
nea, tutissima & certissima adhibere medicamenta: eo major  
& solidior in medicis requiritur scientia, sapientia & artis præ-  
stantia. Opera igitur danda, ne medici imperiti, plurima  
funera daturi admittantur, sed, qui admittendi sunt, soli-  
diori scientia & arte salutari sint conspicui (§. 717. P. VIII.  
Jur. nat.).

§. 472.

Unde colligatur peritia medicorum.

Ut constet rudioribus, quinam sint rei medicæ & artis satis periti,  
vel utendum est publico Medicinæ Doctorum & Professorum testimonio,  
qui profectus candidati satis explorarunt, & obligati sunt ad contestan-  
dam veritatem; vel ex colloquio cum illis, de notis aliunde morborum  
casibus, & felici praxi, judicium erit ferendum. De artifice enim  
non rectius nisi artifex judicare valet, ejusque judicium eo erit  
dignius assensu aliorum, quo is est excellentior in sua arte, &  
quo integrior incorruptiorque. Id quod res ipsa loquitur &  
ἀξιωματικῶς (§. 613. Logic.) nec dubitationi locum relinquit. Hinc  
& de

& de medicis nemo rectius judicare valet, quam medicus; qui quo est præstantior in sua scientia & arte, quoque integrior, addo, & quo plures sunt tales in eodem judicio de quopiam consentientes: eo tutius & fide dignius ipsorum erit de scientia & arte ejus testimonium. Iam Professores medicinæ in academiis non sunt constituendi, nisi de quorum scientia, fide, dono didactico, & arte medica satis constet intelligentibus harum rerum iudicibus, ex certa animi convictione editisque speciminibus haud suspectis (§. 390. *P. II. Polit.*). Qui dum sancte obligantur ad ingenuum de veritate testimonium edendum, & pœnam habent metuendam, si corrumpi se patiantur; dum plures hujusmodi consentiunt in idem testimonium, quorum integritas aliunde quoque perspecta habetur: eorum testimonium omnium assensu dignum erit statuendum, qui, cum sint rudiores rerum medicarum, per se de ipsis judicare nequeunt.

Si qui autem rerum medicarum, scientia gaudeant, aut perfecta, aut imperfecta, & ex parte tantum, quam partem ab allis peritioribus audiverunt, aut in ipsorum scriptis legerunt, & experientiæ fide comprobatum habent; hi cum ipsis verba facientes de casibus difficilioribus, aut saltem de hujusmodi casibus sibi notis, & rationes dictorum urgentes, facile perspicient, num bene rem calleat is, cum quo confabulantur. Quodsi in variis casibus recte se habere deprehendatur ipsius judicium; si idem praxis felicior ampliorque confirmet, accedente præsertim intelligentium approbatione ab ipso factorum: non erit, cur de ejus peritia in rebus medicis dubitetur.

Denique si habeantur quodam in loco medici dudum approbati, iique novum quendam advenam, qui se medicum dicit, explorare jubeantur, illorum consentiens encomium, aut vituperium haud suspectum invidiæ, docebit, quid & rudioribus artis medicæ, de illo sit habendum. Unius quoque me-



dici insignis, integerrimi & amici ejus, qui ipsum consulit, judicium testimoniumque rerum argumentis firmatum suo non carebit momento in dijudicanda ignoti peritia medica.

Plerumque Doctoris Medicinæ titulus. & disputatio, haud raro a Præsidente candidati conscripta, publici instar testimonii habentur de scientia & peritia medica ejus, qui Doctor est creatus. Si omnia recte sunt facta, uti fieri debent, possunt rudiores in illo adquiescere. Qui vero per se judicare valent, illi non ex titulo, sed ex re ipsa & indubiis rationibus suum formabunt judicium, cujus veritatem habent exploratam. Contingit nonnunquam, ut medici satis periti & felices in praxi occurrant, qui demum in adulta ætate ex libris medicis naturali meomria, judicii & ingenii acumine, sua hauserunt, nulloque titulo gaudent. Non possunt illi quidem dici *αυτοδιδασκτοι*, cum ex aliorum libris ea didicerint, quæ tenent, & ex librorum præceptis exercent. Perinde est, utrum ex ore, an ex scriptis aliorum profecerint, & si ingenue loquantur, profiteri etiam non erubescunt, cui suam debeant artem. Sunt illi similes his vel rusticis, vel opificibus, qui ex aliorum libris philosophi, mathematici, mechanici facti sunt, pristinum vitæ genus seu abdicantes seu retinentes-

§. 473.

De medico-  
rum salariis  
privilegiis-  
que.

Quando medicis compertæ soliditatis & fidei diligentiaque cum neglectu rei privatæ certis publicis functionibus est vacandum, æquum est, ut illis salarium constituatur, quo indemnes præsentur, & manere potius quam abire malint, in primis si inopibus multis sit medendum. Eædem pro ipsis, ita constituendis, ut sustentari decore possint, militant rationes, quæ pro salariis omnibus (§. 907 seqq. P. VIII. Jur. nat.), & pro minervalibus Professorum adductæ sunt §. 393. P. II. Polit. Unde & privilegia immunitatesque medicorum nascuntur, quæ quandam velut partem salarii conficiunt, quatenus certa gaudent æstimatione valoris, aut & omnis salarii loco

loco sunt, si ipsis nullum datur salarium. In utroque casu paret, iniquum fore, ut ea ipsis denegentur, quibus inter cultiores gentes præsertim christianas tantum non ubique gaudent (§. 906. P. VIII. Jur. nat.).

En rationem, cur in aulis archiatri lautissimis honorariis, in provinciis eparchiatri, in exercitu stratiatri, in urbibus poliatri, vulgo Physici, item nosocomiatri, cænobiatricque in regnis integra medicorum collegia alantur salariis honestis, quibus si moderamen cæterorum medicorum practicum commissum, eo rectius omnium sanitati consuli, & in casibus perplexis cæteris refugium patebit. Tempore pestis, ut ea grassari prohibeatur, adhiberi solent. Læmiatri ob periculum, quod subeunt, eo largius alendi. Cæterum de privilegiis medicorum communibus & singularibus consulendi sunt *Knorrius* in Epistola ad *Frid. Hoffmannum* de juribus, privilegiis ac prærogativis medicorum; *Lampe* de honoribus, privilegiis & juribus medicorum singularibus; *Sattler* de jure & privilegiis medicorum; *Schultz* de immunitate medicorum a muneribus; *Limneus* in jure publ. *Büchner*, qui in *Hist. Acad. Nat. Curios.* privilegia hujus societatis recenset, alique.

## §. 474.

Sanitati quoque inserviunt salubris aër, salubris cibus & Curanda sapotus, salubris amictus & cultus cujuscunque generis, & salubritas vitæ habitatio (§. 395.). Quare & sanitatis civium interest, ut curâ præsidiorum publica procuretur copia salubrium alimentorum, vestimentorum, lectorum, habitaculorum, ipsiusque aëris respirandi (§. 461.). Inde sapienter constituendum, providendum urgendumque est in civitate, quidquid facit ad salubritatem vitæ præsidiorum promovendam, tuendam, ampliandamque. Juvandi quoque incitandique sunt, quotquot recto illorum usui operam dant, sua industria, virtute, solitudine, suoque exemplo aliis prælucent.

## §. 475.

*Arcenda sunt*

*insalubria* rum copia (§. 474.): sequitur, *insalubria vitæ præsidia* esse arcenda *vite præsi-* vitandaque, nisi sanari *insalubritas* possit. Obstant enim *insalubria* *dia.* quælibet sanitati (§. 399), aut & prorsus vitæ. Priori casu morbos procreant, posteriori mortem. Jam & mortem civium arcere & morbos, quantum fieri potest, oportet (§. 366. 391. & 461.). Conficitur inde, arcenda vitandaque esse *insalubria vitæ præsidia* quæcunque, inprimis quatenus eorum *insalubritas* sanari nequit.

Quatenus autem *insalubritas* illa sanari potest (§. 400.), eatenus æque ac aëris *insalubritas* est sananda (§. 401.), cuius sanabilitatis spes ex similibus petenda est fontibus, ac aëris (§. 402.). Quando penitus sanata est, *salubritas* illis vitæ præfidiis constabit haud secus, acsi nulla adfuisset. Quando vero tantum ex parte sanata est, ex ea parte non amplius nocebit. Ideoque si non majori copia adhibentur, quam qua nocere amplius nequeunt, nonnullius jam erunt usus.

## §. 476.

*Exploranda*

*Explorandum* igitur est diligenter, quænam vitæ præsidia sint in-  
 & *interno-* salubria, ut salubria ab *insalubribus* notarum indubiarum ope *interno-*  
*scenda* est scantur. Salubria vitæ præsidia civitati sunt procuranda (§.  
*eorum natu-* 474.); *insalubria* autem vitanda & arcenda (§. 475.). Ho-  
*ra.* rum neutrum fieri potest, nisi salubria ab *insalubribus* probe  
 discerni queant (§. 395. P. I. Jur. nat.). Internosci salubria  
 ab *insalubribus* nequeunt, nisi notæ constent indubiæ salubri-  
 tatis *insalubritatisque*. Ut igitur hæ constent notæ, promte-  
 que observari ac applicari possint, diligenti opus est earum ex-  
 ploratione & propalatione, ut omnibus innotescant, quorum  
 interest, ut eisdem rite utantur (§. 399. *ibid.*).



## §. 477.

*Ansam dant illi explorationi modo casus fortuiti, ubi nihil aliud, Quæ sint ex-  
quod profuisse vel obsuisse intelligatur, adfuit; modo consilium salubri-  
plorandi oc-  
tatem vel insalubritatem expiscandi, a civibus curiosis, medicis, aut aca-  
casiones.  
demia scientiarum chemica seu analytica captum.* Nempe si quid sa-  
nitati vel conservandæ vel recuperandæ sæpius profuit, quando  
nihil aliud adfuit, cui id deberetur; hoc occasionem præbere  
potest, inquirendi, quid insit illi, cui deberi is effectus possit.  
Vice versa, si quid nocuit sanitati, ubi nihil aliud adfuit, cui  
noxa illa tribuatur; ibi, si id sæpius contigit, nascitur cupido  
noscendi, quid causæ subsit, cur id noceat. Quæ excitat stu-  
dium investigandi illam vim & indolem noxiam, cujusmodi sit,  
& unde ortum ducat? Utroque casu oboriri potest curiositas,  
vel privatis civibus talia sciscitandi, vel medicis, chemicis &  
physicis illa explorandi, quæ necdum comperta habent, vel  
indagandi causas salubritatis insalubritatisve.

Sed quoque antequam hujusmodi eventus emergat;  
circa res parum notas exoriri potest aviditas illas penitus no-  
scendi, atque sic simul investigandi earum usus & abusus, com-  
moda & incommoda, & ratione sanitatis humanæ earum cum  
illa convenientiam, seu discrepantiam ab illa, i. e. earum salu-  
britatem insalubritatemve. Hujusmodi consilium arcte inne-  
xum est medicorum, chemicorum, chirurgorum & academiarum  
scientiarum institutis. Eapropter, vel nullo casu invitante, con-  
silio harum scientiarum & artium deberi & suscipi potest ex-  
ploratio salubritatis insalubritatisve ignotiorum, peregrino-  
rum, saltem minus accurate perspectorum quorumvis vitæ  
præsidiorum.

## §. 478.

*Explorata salubritatis vitæ præsidia in civitate quam diligentis- Cura .publ.  
sime sunt producenda, excolenda, & amplificanda, ut, quantum fieri pot- rerum salu-  
Non 3 est brium.*

est, abundent (§. 474.). Eaque cura incumbit rectori civitatis præsertim (§. 420. P. VIII. Jur. nat.); quanquam & alii cives adjuvare illam, quantum valent, obligantur (§. 20. seqq. ibid.). Quare siue naturales sint illæ res, siue industriæ & arti humanæ debeantur, earum sedula cura civibus est severe injungenda, diligentia præmiis fovenda, intendenda & amplificanda; negligentia pœnis condignis coercenda, earum importatio & venalitas liberrima facienda, & pretii æquitati consulendum. Quæ quando abundant, non sine lucro, saltem aliarum rerum permutatione, vel acquisitione, exportari poterunt ad externos, & commercium externum ornare.

## §. 479.

*Cura circa* Contra explorata insalubritatis res erunt prohibendæ, ne venum  
*res insalu-* exponantur, sub comminatione, fore, ut auferantur venditoribus, si clam  
*bres publica.* fuerint in vestæ (§. 475.). Neque minus emtoribus vetanda est  
 ejusmodi rerum emtio, & importatio in civitatem, siue sui tantum, siue & aliorum causa: quia sanitati sunt nocituræ. Si vero insalubritas sanari possit, curandum est, ut ante usum sanetur, vel a venditore, vel ab emtore (§. 475.). Dari quoque casus potest, ubi puniendi sint, qui contra legem, insalubri re, v. c. alimento, usi sunt, ejusque per contractam in valetudinem convinci possunt, dum inepti sunt facti ad sua munia obeunda, v. c. milites in castris, & bello, ad quod gerendum morbo se reddunt ineptos, item servi in itinere cum hero aut heri causa peragendo.

Data opera hic utor generali denominatione rerum salubrium aut præsidiorum vitæ, ut isto verborum compendio multa complectar, quæ alias multo fulius fuissent præcipienda & diducenda, si seorsum de salubri cibo & potu, de salubribus lectis & indumentis, de ædificiis & aëre salubri exponendum esset. Applicationem enim propositorum dogmatum ad quævis genera, & spe-

& species quascunque rerum salubrium aut insalubrium, & accommodationem communium ad propria diversa, facile perspiciet, quisquis animum ad hæc adjicere pro re sibi nata volet.

## §. 480.

Cum vero res salubres per abusum fieri possint insalubres (§. 396 & 401. P. II. Jur. nat.), prohibendus quoque coërcens abususque est in civitate rerum salubrium abusus, quo fiant insalubres & sus sit prohibitorum causa. Prohibenda enim sunt civibus insalubria (§. 479.), quemadmodum ipso jure naturæ cunctis prohibentur (§. 399. P. I. Jur. nat.). Sed si res salubres fiunt abusu insalubres, non amplius salubres dici merentur, sed insalubres (§. 474.). Liquet ergo, omnem abusum rerum salubrium esse severe prohibendum, quo ipsæ fiant insalubres, & eo ipso morborum causæ (§. 395 & 398. P. II. Jur. nat.).

## §. 481.

Alimenta & medicamenta salubria nimia copia & mensura sumpta fiunt insalubria (§. 401. & 414. P. I. Jur. nat.), suffragante experientia quotidiana, modo ad illam recte attendatur. Abstinendum igitur est a nimia alimentorum medicamentorumque copia ingerenda, qua sanitas labefactetur, sive in uno tantum genere excedatur, sive in plurium perversa assumptione (§. 402. ibid.). Quod ut fiat ab his quoque, qui vel ignorant, vel negligunt legem naturalem, & ad abusum proclives sunt; prohibendus est excessus in hisce vitæ præfidiis, sub pœna iis infligenda, qui rei excessus, & in sanitatem suam, aliorumque, quos ad eundem excessum seducunt obstinate, injurii fuisse convincuntur (§. 395. P. VIII. Jur. nat.).

## §. 482.

Quia excessus in alimentis committitur intemperantia Coërcenda (§. 405. P. I. Jur. nat.), in potu, ebrietate (§. 422. ibid.), in cibo ebrietas voracitate, justam ejus mensuram admodum turpiter migrante, racitasque.

ut



ut sanitati officiat: prohibenda & poenis coercenda est in civitate inignis intemperantia, ebrietas, voracitasque, idque eo magis, quo plures ita sanitatem suam aliorumque pessundant, aliisque simul vitiis & facinoribus implicantur, & ad officia civilia debite peragenda inepti fiunt.

Censorio tribunali (dem *Wettgericht*) committi solent hujusmodi excessuum justæ alimentorum & siceræ mensuræ inquisitio & animadversio, ut quantum poenis fieri potest, externi actus compescantur. Vitiorum enim, unde illi emergunt excessus, medela, qua animus ab iisdem avocetur emendeturque, petenda est ex ethicis, & ab illis inculcanda, quibus animorum emendatio est demandata. Vid. *Eth. P. IV. c. 4.* Excessus in medicamentis difficilior est probatu, ideoque in civitate parum attendi sed negligi solet, cum se ipsum ulciscatur deteriori sanitatis sorte.

## §. 483.

*Alius casus.*

Etiam hi, qui alimentorum justam mensuram excedunt ratione qualitatis, ultra sortem suam iisdem se aliosque largius invitando & obruendo, puniendi sunt simul ob arrogantiam admissam. Qui enim cibo potuque utuntur sortis inferioris causa prohibito, illi sibi arrogant temere præstantiorem sortem, fiuntque in leges, in jura & superiorem civium sortem injurii. Præterea & mensuram excedentes, aliosque ad eosdem excessus perpellentes adigentesque in ipsorum quoque sanitatem grassantur, eosque lædunt. Quam ob rem cum nemo arrogans esse (§. 567. *P. I. Jur. nat.*), nemo lædere alterum debeat (§. 695.): vel ob arrogantiam & injuriam erga alios puniendus est ille excessus.

## §. 484.

*Cura diætæ inculcanda.*

Cum sanitas quoque dependeat a rebus sex animalibus, quas medici vocant non naturales (§. 417. *P. I. Jur. nat.*), h. e. ab actionibus vitalibus, respiratione, exhalatione, motu & quiete, somno & vigiliis, & digestionem, seu excretionem inurilium & re-

& retentione utilium; & animali vehementiore, h. e. affectibus: harum quoque cura non est negligenda in civitate, sanitatem, ut par est, adjutura. Quare cum diæta præter alimentorum salubritatem sex illas res animales, tanquam sanitatis præsidia, in usum sanitati convenientem dirigat (§. 418 *ibid.*), ut diæta in civitate perspecta habeatur & observetur, haud dicis causa curandus est (§. 461.).

## §. 485.

Ob curam diætæ necessariam permittendum civibus non est, Cura respiciat aërem respirent sulphure, fœtoribus & lue infectum, vel in ædibus rationis salocisve peste & simili contagio aut veneno infectis; nec ut iter lubricis. faciant in loca contagione referta, ne & ipsi eo aëre inficiantur, & alios itidem inficiant. Cavendum, ne aëre effœto multis alibi congregatis morbi vel nascantur, vel augeantur & fatales evadant. Vnde pulso aëre corrupto, sanus aër procurandus est in nosocomiis, brephotrophiis, navibus, similibusque locis clausis (§. 405.). Cavendum, ne calore vel frigore nimio aër noceat sanitati aut ipsi vitæ, quorum utrumque fieri exempla loquuntur. Contra calorem igitur & frigus hujusmodi condenda sunt loca, utrumque arcentia, cujusmodi sunt in climatibus torridis specus & antra subterranea, in quibus homines se abdant, quæ & in zonis frigidis usu simili gaudent. Quæ ubi non dantur, aut non sufficerent civium multitudini, præsertim si aër corruptus expelli, & sanus substitui nequeat, licet more Spartanorum mares seorsum, & feminæ seorsum degerent: ibi prospiciendum est lignorum similiumque combustibilium copiarum emturis (§. 728. *seqq.* P. VIII. *Jur. nat.*), pauperibus autem, ut ex ærario publico vel collecta stipe habeant, unde domicilia calefacere, & sic se contra frigus tueri possint (§. 484.). Reliqua respirationis vitia a medicis sunt sananda.

Hujusmodi instituta salutaria ibi usitari, ubi opus illis est, docent historiae, & itinera in loca ejus indolis suscepta, & eorum, qui ibi degunt, experientia, id quod necessitas curae sanitatis flagitat commonstrans. Quae breviter innuens revocata in mentem cupio, quae aliunde constant; aut amando eos, ad fontes, qui pleniora pro siti restinguenda haurire vel sint.

## §. 486.

*Cura exhalationis, motus & quietis, somni & vigiliarum*

*moderamen ad sanitatem, partim legibus laborem debitum exigentibus, & fugantibus otium turpe; partim, ubi haec non sufficiunt, medicorum ope procurandum.* Labor enim moderatus & legitimus inter alia commoda juvat quoque & sustentat insensilem exhalationem, quam transpirationem vulgo dicunt, & quam ad sanitatem plurimum facere, compertum habetur. Idem motum vigiliisque requirit & includit, utpote sine quo fieri nequit, saepe & gestationem, vel loci & aeris mutationem salutarem; quod dum defatigatur corpus, quies appetitur adhibeturque, & nocturno tempore somnus, vires & vigorem corporis reparaturus. Patet igitur leges otium illicitum proscribentes & paenis persequentes, laboremque debitum inculcantes, & pro re nata extorquentes, simul dictis actionibus vitalibus, sanitatem conservantibus procreantibusque, suppetias ferre civiles (§. 484.).

Sicubi autem graviora his objiciuntur impedimenta, quae labore tolli nequeunt, aut & ipsos labores inhibent; ibi medicorum, quos civitas contra mala dietae sanabilia alit, subsidio erit utendum, qui medicamentis alioque regimine salutari illorum symptomata & causas debellent ejiciantque (§. 471-473.).

## §. 487.

*Cura digestionis excretionis*

*est demandandus, ut ipsorum arte, dum potest, tollatur.* Digestio enim involvit alimentorum dissolutionem secretionemque utilium ab inuti.



inutilibus; & utilium delationem ad receptacula, ubi conjungenda sunt cum sui similibus, ad quæ naturaliter destinata sunt; inutilium autem & nociturorum separationem & deductionem ad vasa, unde sunt ejicienda, sive sudore, sive urina, sive excrementis alvi. Quæ actiones ad vitam sanitatemque facientes, si impeditæ sint & deficient, impedimenta illarum interna arte medica erunt detegenda, & profutura medicina tollenda (§. 471.); quæ vero manuum dexteritatem postulant, ut in lithotomia, clysteribus inferendis, & quæ alia sunt generis ejusdem, in his chirurgorum industria erit exercenda (§. 469), ut, quæ possunt, nocumenta sanitatis removeantur (§. 484.).

## §. 488.

*Affectuum autem moderamen sanitati proficuum cum a magistratu, Cura affectuum a moralium veritatum doctoribus, hujus ethicae partis sat peritis, um ad sanisparentibus, & qui eorum loco sunt, inculcandum, & exemplis prælucentatem modendum est; quatenus autem corpus illis jam vitiatum, medela medicorum vandorum. & chirurgorum, venas secantium, opus erit.* Magistratus nempe legibus injungere debet, ne quis turbulentos aliorum affectus irriter, & in furorem adigat, eosque punire, qui id fecisse convincuntur (§. 395. P. VIII. Jur. nat.). Doctores rerum moralium & in scholis & in templis affectuum indolem & noxam pandere, suosque auditores erudire debent, quomodo illorum impetus, ne noceat, sit refrænandus, uti docetur *Ethic. P. II. cap. III. toso.* Quamdiu liberi se ipsos regere, suosque affectus compescere nesciunt, tamdiu parentum, & quibus eorum vices sunt delegatæ, est, illos moderari, & consuetudinem habitumque quemdam illis conciliare, eis in primo imperu non obsequendi (§. 308. Oecon.), eaque illorum obligatio in civitate acucenda est (§. 982. P. VIII. Jur. nat.). Quando autem corpus ab illis jam sic est vitiatum, ut morbo aut morti esset succumbendum, nisi prompta adhibeantur remedia; tunc utique opus est,

ut chirurgi, quando hoc consultum est, venam fecent &c.; medici autem & hæc & cætera ordinent ad sanitatis damnum amoliendum, & prosperam valetudinem recuperandam (§. 469. & 471.).

## §. 489.

*Quisque fiat  
medicus sui  
ipsius.*

Cum vero teste experientia non omnibus eadem sint salubria & insalubria (§. 396. & 398. P. I. Jur. nat.), neque id medicis per se manifestum sit, sed longo demum usu penitus observato innotescat, quod quisquis secum habitare didicit, compertum habet: inculcandum cuique a puero est, verbis & exemplis, ut diligenti observatione doceatur & discat, quænam sibi sint salubria, quæque insalubria, idque & legibus paternis & civilibus confirmandum, & nihilominus secus facientes, pœnis coercendi sunt. Hoc est id, quod dici solet, quemque sui ipsius medicum fieri debere, ne utatur rebus nisi sibi salubribus, abstineat vero a sibi met insalubribus, idque ipsum doceat medicum, si quando ipso est attendendum (§. 399. seq. ibid.).

Valetudo, præcipit Cicero L. II. de offic. c. 24. sustentatur notitia sui corporis & observatione, quæ res aut prodesse solent aut obesse, & continentia in victu omni atque cultu corporis tuendi causa; & prætermittendis voluptatibus.

## §. 490.

*Alia divisio  
valetudinis.*

Valetudo dicitur infirma (imbecillis), quando sanitas imperfecta sæpius & facile perditur, ac in morbum abit; firma autem & stabilis, quæ aut perpetua est, aut non nisi perraro labefactatur. Vnde patet, infirmam valetudinem morbis haud raro interrumpi, aut fieri obnoxiam; firmam autem inferre sanitatem constantem, & morborum plerumque expertem. E contrario & invaletudo, sive morbus, vel est (chronicus) diuturnus, nisi plane perpetuus; vel brevis & periodicus (§. 453.). Ratione vis vel benignus est & levis, vel malignus & gravis; quorum

is sanitatis impedimenta exterminat; hic facile periculum mortis aut mortem ipsam creat, unde anceps seu periculosus, vel tandem desperatus vocari solet. *Prosperitas valetudinis* medicina non eget, ideoque sanitatis & magnitudinem, & bonitatem, & firmitatem, sive constantiam perpetuitatemve complectitur, & optimam infert sanitatem (§. 452.).

## §. 491.

*Exploranda quoque est valetudinis civium firmitas imbecillitas. Quomodo sane, ut illius ratio in curanda rep. haberi possit, & ut infirmiori, qua nitatis firmatutendum est, eo majori cura diata & medicina subveniat. Etenim & infirmæ officii civium consulendum est salutis publicæ, quam optime fieri ratio sit habepotest (§. 18. seqq. P. VIII. Jur. nat.). Sed officii civium superbenda, esse & præesse rectius nequeunt, nisi cæteris paribus sani (§. 450. & 451.). Quapropter in cura officiorum civilium plerorumque exsequendorum demandanda, si cætera non discrepant, ratio habenda est firmitatis valetudinis; infirmitatis vero alia ratio haberi nequit, cæteris licet paribus, quam ut ea non adhibeatur, nisi illis, quibus par esse potest & imbecilla valetudo. Si vero propter cæterorum præstantiam imbecillis valetudo non est posthabenda, eo diligentiori cura & ope diætæ salubris & medicinæ opus erit, ut ea conservetur, & quantum fieri potest, firmitas reddatur. Quam propterea & adjuvandam esse procurandamque eo magis, quo plus interest civitatis, ne huiusmodi civium jactura affligatur.*

Cogitemus hic principem aut regem non nisi infirmioris valetudinis; item alium civem haud vulgaris momenti, sive in rebus politicis, sive sacris, sive literariis, cui par vix datur, & luculenter parebit huius præcepti pondus. Quo infirmior inde valetudo est, eo magis illi est prospiciendum, & eo minus illa lædenda.

## §. 492.

*Et si nec leves morbi sunt negligendi, potissima tamen cura ver-* Quid levitas  
O o o 3 *sari & gravitas*



*morborum  
requirat.*

sari debet circa profligandos morbos graviores, sive magnitudine sua, sive intensiori malignitate & periculo, sive diuturnitate. Omnis enim morbus infert defectum sanitatis (§. 451.), & quamdiu adest, tamdiu privat quandam partem corporis aliquo usu suo, impeditque habitum ea utendi (§. 450. not. & §. 451.). Jam quidem morbus levis periculo vitæ caret, & morborum fere causas, eoque ipso impedimenta sanitatis expellit (§. 490.). Nihilominus quamdiu occupat partem quandam corporis, tamdiu ejus minuit usus, aut tollit, impeditque habitum ægri, ea parte pro lubitu ad obeundas functiones suas recte utendi. Vnde ob evitandum & istum defectum, vel leves morbi sunt averſandi, arcendi & tollendi.

Enimvero cum graves morbi sint ancipites, aut cum aperto vitæ periculo, aut & contagio conjuncti (§. 490.), eo quod permultarum, si non omnium penitus, partium usum impediunt aut eripiunt, aut vix ullum earum usum relinquunt, aut tam diuturni sunt, vel tam periculosi, ut nisi cum vita non videantur cessaturi (§. 451.): illi multo plus impediunt aut tollunt functiones utilissimas partium corporis; multo plus malorum inferunt, multoque incertiore, aut plane periculosum, exitum minantur. Eapropter hi multo majori providentia, diligentia & cura arcendi sunt, evitandi, & e medio tollendi, quantum vires permittunt (§. 452.).

§. 493.

*Gravitationis  
causæ sunt  
scrutande.*

Perutile foret, si gravitationis morborum causæ evitabiles & remedia exactius explorarentur, exploratæque propalarentur, ut leges eas arcendi vitandique certiores dari urgerique possent. Multo enim plus nocent civitati graviores morbi, quam leviores, ideoque majori cura arcendi sunt, quam illi (§. 492.). Sed vitari pariter ac arceri nequeunt, nisi earum causæ vitentur arceanturque; nec hæ vitari arcerique possunt, nisi perspectæ habeantur.

Cum

Cum vero teste experientia lateant persæpe, nec cives tantum, sed & medicos haud raro fugiant, peropus esse intelligitur, ut exactius, ac factum adhuc est, explorentur, juncta complurium industria, studioque solerti. Quæ dum rite detectæ sunt, iis, quorum interest, scilicet non medicis tantum, sed & civibus reliquis, quorum sanitati nocent, propalandæ sunt, earumque fuga legibus simul inculcanda (§. 476.).

Quando causæ morborum sunt investigatæ, quærendum porro est, quomodo quælibet earum vitetur seu arceatur, & invitis accidens expellatur tollaturque. Opus igitur est remediis idoneis, & ad hunc finem suffecturis. Quibus ut uti possint iis indigentes, pariter ipsis debent innotuisse, saltem innotescere ope medicorum, una cum modo, iisdem quam optime utendi, ideoque ante explorata & propalata esse, aut & legibus injuncta (§. 491.).

Perardua res est hæc investigatio, quæ compluribus sæculis egebit, ut nonnihil in ea proficiatur; uti multis millenniis opus fuit, antequam, quæ nunc prostant in morborum curatione, reperiri potuerunt. Juvare illam quadamtenus poterit studium, quod physicæ, anatomicæ, botanicæ & chemiæ tribui solet debetque in academiis scientiarum. Sed consultius futurum videtur, si medicarum scientiarum academia in hos usus institueretur, & per totum, qua cultior est, terrarum orbem, observationes eo aliquid conferre valentes congererentur, unde successu temporis acutiores de causis, præstantissimisque remediis ignotiorum morborum remediorumque certiora eruerent.

#### §. 494.

Qui cum Galeno sanitatem latius usurpant pro naturali Quid sit san-  
omnium partium constitutione, vel cum Ettmüllero pro vitæ in- nitas latius  
tegritate, illi plura sub ea comprehendunt, nempe omnem sumta & in-  
fere incolumitatem, quam Cicero de invent. II. c. 56. dicit salutis columitas.  
tutam atque integram conservationem. Possumus igitur inco-  
lumi-

luminatam pro salva corporis bonorum summa adhibere, quo pacto & vitam & sanitatem, & reliqua ejusdem bona comprehendit.

§. 495.

*Quenam in-  
sint incolu-  
mitati?*

Incolumitas continet integritatem membrorum organorumque ejusdem, quæ defectum structuræ excludit culpæ cujusquam debitum (§. 320. P. I. Jur. nat.); pulchritudinem, qua pollet, saltem placituram naturalem partium conformationem (§. 481. seq. *ibid.*); robur, vel virium copiam justam; vigorem & alacritatem in vegeta sensuum nervorumque erectione, contentione & studio prompte, avide festinanterque agendi; agilitatem dexteritatemque in habitibus & artibus (§. 329. *ibid.*); commoditatem, qua evitabilis actionum molestia arceretur; & jucunditatem vitæ, h. e. voluptatem sensuum innocuam (§. 465. § 470. P. I. Jur. nat.).

Non immerito hæc ad sanitatem referri, haud difficulter perspicitur. Est enim illa status viventis ad agenda omnia, quibus partes ejus destinantur, omnino aptus, habitum naturalem fungendi suis partibus includens (§. 450. seq.). Sed ad hujusmodi statum habitumque naturalem requiritur præformata membrorum ad finem suum structura & consummata, ideoque non vitiata, quæ est membrorum integritas, defectus expers; eorumque conformatio ad consensum, mutuam adjumentum, decusque figuræ, coloris & similium, in sensus incurrens, quæ est pulchritudo, convenientem partium proportionem & collocationem similem, h. e. symmetriam & eurythmiam includens (§. 477. seqq. P. I. Jur. nat.); nec non potentia agendi, seu facultas, & patiendi, seu captus, vel capacitas eorum, quæ aliunde in ipsum derivari possunt, peridonea & sufficiens scopo suo, quæ robur & virium abundantiam naturalem sistit; tum sensuum nervorumque expectata intentio, nisus & aviditas id agendi, cujus occasio affertur, una cum velocitate & studio non quiescendi, nisi re quantocumque perfecta, in qua vigor & alacritas (die Lebhaftigkeit, Munterkeit) consistit; quatenus promptitudo quam optime agendi & perficiendi, quæ in potestate sunt, adquisitam requirit agilitatem dexteri-



teritatemque (Behendigkeit, Hurtigkeit, Geschicklichkeit), eatenus habitus adquirentes, seu artes corpore exercendas accedere debere liquet. Sic denique fieri potest, ut immunitas a tædio evitabili, h. e. vitæ commoditas; & insons sensuum oblectatio quæcunque, seu suavissima vitæ jucunditas, obtineatur. Facile ex his liquet, potuisse hæc *tertium Caput hujus Sectionis* conficere, nisi compendio studeremus.

## §. 496.

*Integritas instrumentorum corporis promovenda est legibus, le-* *Quomodo in-*  
*tionem membrorum suorum & alienorum pro culpæ gradu rigoroſe inter-* *tegritas civi-*  
*dicentibus, & exacte exſequendis.* Infert enim integritas organo- *liter cure-*  
 rum corporis humani, eorum structuram perfectam, & defe-  
 ctibus culpandis vacuum, seu non vitiatam (§. 495.). Sed læſio  
 membrorum vitiat illa, reddens eorum statum deteriore &  
 imperfectum (§. 669. seq. P. I. Jur. nat.), ideoque defectui ob-  
 noxium, quo naturaliter vacasset. Minuit ergo tollitque eo-  
 rum integritatem. Quapropter dum leges civiles prohibent  
 membrorum suorum alienorumque læſionem atque violatio-  
 nem, eique pro culpæ gradu pœnas dictant promeritas, indu-  
 bie exſequendas, quo ſaluti publicæ conſulatur: ſimul illæſa  
 manet, nec vitiatur eorum ſtructura, ideoque hæ leges in tuto  
 collocant, ſalvam præſtant, & promovent, quantum datur, eo-  
 rum integritatem.

Membra dicuntur partes viventis peculiari ſtructura præditæ  
 & coagmentatæ, vel invicem copulatæ; eadem organa ſeu instru-  
 menta vocantur, quatenus ope ſtructuræ ſuæ conformatæ ſunt  
 ad actiones uſuſve peculiareſ. Non tamen ſunt instrumenta  
 nuda, ſeu mere paſſiva, ſed viventia, vel vivida, & vi prædita a-  
 gendi. Manus v. c. eſt membrum corporis, quia eſt pars cor-  
 poris vivi ſtructuræ ſapientis propriæ ſibiſque convenientis ac  
 debitæ. Eadem vero eſt organum varii motus, laboris & variæ  
 artis, v. g. artis fabrilis, chirurgicæ, ſcribendi, pingendi, nendi,  
 texendi, tornandi, dolandi, terebrandi, ſculpendi cæt.

## §. 497.

De pœnis læ-  
dentium  
membra cor-  
poris huma-  
ni.

Quia triplicis generis organa animalia dantur, scilicet vitæ, sensuum & motus externi (§. 303. *seqq.* P. I. *Jur. nat.*): se- vere pro gradu culpæ prohibenda est violatio organorum vitalium, quæ facultate & habitu gaudent conservandi individuum & speciem, h. e. illud propagandi; *sensoriorum*, quibus sensus omnes & imaginationes itidem debentur; & *moventium*, a quibus omnis motus externus, & rotius animalis, & membrorum ejus, proficiscitur ac dependet (§. 496.). Quæ severitas pœnas requirit sufficientes ad illorum læsionem, quantum pote, coercendam impediendamque, itaque simul ad vitæ, sensuum, motuumque pro lubitu determinandorum tuta sit possessio, habitudo, fruitioque unicuique civi.

Nota est lex divina homicidio doloso capitalem pœnam dictans *Genes.* IX, 5. 6.; non doloso quidem, sed fortuito fere, nec tamen omni culpa vacuo, fugam in asylum seu exilium *Exod.* XXI, 13. *seq.*; reliquis læsionibus integritatis organorum talionem damnique refusionem. *ibid.* v. 18-25, mancipii autem emancipationem. *ibid.* v. 26. *seq.* Licet enim talio non sit *Juris naturæ*, sed pro gradu malitiæ pœna multo major esse possit, & pro levitate culpæ ac fine pœnæ multo minor (§. 641. *Jur. nat.*), & imprimis omnis vindictæ cupido abesse debeat (§. 640. *ibid.*) & *Levit.* XIX, 18. ac *Matthæi* V. 38. *seqq.*; hoc tamen non obstat, quo minus illa in terrorem dictari, & prohibitioni læsionis adjungi, & pro re nata quoque infligi possit. Est enim judicio & sapientiæ judicis, saltem legislatoris, reservandum, quando pœnæ exasperatio aut mitigatio talioni sit substituenda.

## §. 498.

Modus vul-  
nerationes  
inhibendi.

Corpus humanum & animale quodvis dicitur *vulnerari*, quando ejus continuitas nexusque naturalis membrorum molliorum (ut carnis, venæ, viscerum cæt.) dissolvitur, sive secando & cædendo, sive pungendo, & perforando, sive contun- dendo

dendo, comprimendo & distendendo (§. 732. P. I. Jur. nat.); rumpuntur membra, si nimia distensione, laceratione & discerptione dissolvuntur; franguntur, dum continuitas durorum divellitur; luxantur, quando articuli ossium, quo invicem junguntur, e sede sua dimoventur, & disjuncti manent (§. 733-735. *ibid.*). Quæ cum lædant & vitient integritatem membrorum, & membra ad usus suos inepta faciant; vulnera, rupturæ, fracturæ, luxationes, jure naturæ prohibentur (§. 737-740.), ideoque additis convenientibus pœnis civilibus arceri & inhiberi debent.

Manifesta hinc est ratio, cur ne ejusmodi quidem certamina singularia permittenda, sed potius severe punienda sint, quæ serio tantum eo animo suscipiuntur, ut alter alteri, vel uterque utrique vulnus leve, saltem haud letale, infligat. Læditur nempe quovis vulnere integritas corporis, quod non licet. Præterea recte dicitur, vulnera non dari ad mensuram, sed vel invito infligente longe secus cadere, ac ipse cogitaverat optaveratque. Etiam si consolidentur vulnera, & cicatricem obducant, deturpatur tamen vel ipsa cicatrice membrum, nec unquam omnibus postea usibus inserviet, quibus integrum sufficiebat.

## §. 499.

*Mutilatio* est ademptio vel privatio membri sani, uti ab scissio, digiti, nasi, auricularum, linguæ, amputatio manus, pedis, cæcæ. *Adustio* est læsio integritatis membrorum per ignem quemcunque. *Castratio* est mutilatio partium genitalium, ne procreationi sobolis inserviant. Fieri illa solet in maribus amputatione colicis, saltem exsectione testiculorum; in feminis ovarii, uterique exemptione. Utrobique mutilationem virilium & muliebrium genitalium fieri, patet.

## §. 500.

Prout omnis læsio integritatis nefaria prohibenda, & pro gradu culpæ punienda est in civitate (§. 497.): ita quoque



fit statuen- mutilatio membrorum corporis sui vel alieni (§. 727. P. I. Jur. nat.);  
dum? ustio & castratio prohibenda est, & pro merito pœnis coercenda; licet  
pœnæ publicæ loco & mutilatio & ustio, vel prorsus combustio adhiberi  
(608. & 614. P. VIII. Jur. nat.); & castratio haud periculosa ob  
ejus usus peculiares per paucis permitti possit (§. 827. *ibid.*).

Vti & quidam Eunuchi naturales dantur *Matth. XIX, 12.*

## §. 501.

Quid de usu  
eorum impe-  
dito?

Sicut lædit alterum is, qui integritatem membri ejus  
vitiat, idque ideo usu suo privat: ita quoque is eum lædit,  
qui quomodocunque quempiam usu membrorum privat (§. 727.  
P. I. Jur. nat.). Quare quia nemo debet alterum usu membri  
cujusdam privare, neque illi periculum creare, usum ejus amit-  
tendi (§. 728. *seq. ibid.*): in civitate quoque prohibendum puniendumque  
est, si quis alterum licito debitove usu membrorum suorum privet, saltem  
eum usum impediatur, diminuatque (§. 497. *seqq.* & (§. 676. P. I.  
Jur. nat.).

Privat alterum usu debito membrorum, qui eum ab officio  
suo vi abstrahit, v. c. eum vinciendo, captivum abducendo, aut  
aliis tradendo vel vendendo, & in servitutem detrudendo, cu-  
stodiæ aut carceri immerito includendo &c. Item quisquis ea  
agit, quibus alter in suis negotiis, officiisque peragendis vehe-  
menter turbatur & impeditur, quo minus iisdem, ut par est, satis-  
facere possit.

## §. 502.

Cura orga-  
norum hu-  
manorum.

Cum in homine quoque dentur organa intellectus ope-  
rationibus & liberis actionibus inservientia, quæ in cerebro &  
membris, organa motus voluntarii præbentibus, habentur, &  
mentis directioni subsunt (§. 313. *seqq.* P. I. Jur. nat.) & (§. 416.  
*seqq. Psychol. ration.*), quibus læsis impeditisque tolluntur aut læ-  
duntur actiones humanæ (§. 335. *seq.* P. I. Jur. nat.): manife-  
stum est, omnium minime vitandam esse integritatem organorum intel-  
lectus

lectus & voluntatis, neque impediendum esse liberum eorum usum, officio conformem (§. 454 seq.). Et prohibenda igitur & punienda est pro meritis petulantia & injuria, qua organa corporis humani (§. 316. P. I. Jur. nat.), vel actionum humanarum, seu inepta redduntur suis usibus, seu perquam in eis impediuntur (§. 496. & 501.).

Huc pertinent, qui philtris, hyoscyamo similibusque amentiam veluti procreantibus, organa actionum humanarum obstruunt, lædunt, destruunt, aut quomodocunque vitiant, turbant præpediuntve, ut homines edendis actionibus humanis impares evadant. Quos ideo una cum cæteris, qui utcumque actionibus humanis exserendis, dolose aut violenter obstant, & remoram injiciunt, legibus pœnisque pœmeritis coërcendos eo magis esse, quo nobiliores sunt, quas tollunt aut impediunt, quando illis officiis aut publica salus eget.

## §. 503.

Cum pulchritudini suum quoque esse usum sæpe insi-  
gnem magnique momenti, suumque decus gradui ipsius re-  
spondens experiamur, ut quandoque nihil habentibus pro dote  
fit; cum homines obligentur ad naturalem conservandam, &  
arte augendam (§. 482. seqq. P. I. Jur. nat.): obligatio civilis quo-  
que adhibenda est, ne quisquam alterius pulchritudinem lædere, seu ipsum  
deformare impune possit, ideoque legibus pœnisque civilibus pro meri-  
tis coërcendi sunt, qui secus agere ausint. Quando morborum vi pul-  
critudo periclitatur, medicorum ope illi est succurrendum.

Occurrit interdum & hujusmodi invidia ac malitia hominum, qui v. g. conjugio inhiantes, quo pulcriorem prælatum sibi iri arbitrantur, grassari in ejus pulchritudinem non verentur, ejusque formam, mirum quantum, vitare audent. Quod ne fiat, aut si factum fuerit, ne impune sit, magnopere in rep. est prospiciendum cavendumque.

## §. 404.

Neque viri-  
bus natura-  
libus.

Roboris & virium naturalium quantus in civitate usus esse soleat, neminem præterit. Quare omnino alterum lædit, quisquis illum suo privat robore, suisque exuit viribus, seu penitus, seu ex haud exigua parte (§. 669. P. I. Jur. nat.). Legibus igitur pœnisque cavendum; ne quis alterum civem infirmet, debilitetve ipsius vires, potius ad eas conservandas alter alteri adjumento esse debet, dum potest, & ad id est obligandus (§. 496.).

Ne quidem  
suis. Ne quidem id impune ferendum, si quis suas vires frangere & abjicere veller, ne aliis vel civitati iisdem prodesse obligaretur (§. 396. P. VIII. Jur. nat.). Viribus per morbum fractis exhaustisque, sanatione & curatione morbi quam optima est subveniendum.

Plurima dantur modi corpus ejusque membrorum vires debilitandi, atterendi, decoquendique. Quorum qui occultiores sunt, quam ut ad liquidum perducere & probari evidenter possint, illi merito relinquuntur doctoribus morum & virtutum animis inculcandi, ut eorum cognitione viva actiones emendentur, domi, in commercio humano, in scholis templisque. Qui vero manifesti sunt, illi quo magis vitii debentur, eo sollicitius, & acrius sunt compescendi, pro meritis & re nata. Ita vitiosa plane est virium exhaustio per effusionem libidinis venereæ frequentem, per ebriositatem &c. eo magis coercendam, quo plus sibi aliisque vel exemplo turpi nocet. Imbecillitati ægrorum exquisita arte medicorum consulendum esse, inter omnes constat.

## §. 505.

Nec vigori  
& alacritati.

Quanti usus sit sensuum acumen, & nervorum musculorumque vivacitas alacritasque, vix quisquam ignorat vel rudis & plebejus mercenarius. Quam ob rem & sensuum nervorumque vigori & alacritati cujusquam detrahere, læsio est & nefas (§. 609. P. I. Jur. nat.). Idcirco ferendum in civitate non est, ut quispiam organa sensuum & nervos cujusquam probi lædat, incidat, debilitetve, eorumque acumen & usum hebetet minuatve. (§. 504. Ener-

vato



vato potius languori & torpori medendum est ut virium defectui, h. e. imbecillitati, unde oritur (*ibid.*). Segnitiei vero & moralis medela adhibenda. *V. Ethic. P. IV. §. 94. & 366. seq.* Vti ergo organorum vitalium, ita & animalium vigor sine eorum integritate naturali conservari nequit (§. 322-327. *P. I. Jur. nat.*).

## §. 506.

*Jam illa membrorum agilitas dexteritasque acquirenda & ad-* Amplitudo  
*quisita tam late patet, quam campus amplissimus omnium artium per agilitatis*  
*omnia vitæ genera diffusus.* Est enim illa non natura insita, uti dexteritatis-  
perfectio organorum vitalium & sentiendi (§. 319 & 325. *P. que.*  
*I. Jur. nat.*), sed ut alii habitus humani regulis, imitatione exem-  
plorum, & exercitio diuturno, emendatoque subinde compara-  
tur, tanquam habitus membra externa corporis nostri in quem-  
libet situm componendi, situmque mutandi (§. 329 & 332.  
*ibid.*). Brevius hinc dicetur habitus, actiones corporis quam  
optime exercendi. Quot vero dantur artes humano corpore  
præstandæ, & quot dantur vitæ humanæ genera, tot quoque  
dantur hujusmodi habitus, tot agilitates dexteritatesque in eis-  
dem edendæ. Patent ergo hi habitus artificiales omnibus civi-  
tatis usibus emolumentisque.

Dictum est de variis vitæ humanæ generibus in *Oeconom. §.*  
*791-803.* summatim, neque opus est, ut hic plenius de illis ex-  
ponatur, quæ illis reservanda sunt, qui artes singulas omnium  
vitæ generum enucleare multis libris volent. Hic subsistimus  
in generalibus præceptis civilibus, curam communem circa  
omnes artes complexis.

## §. 507.

*Publica cura opus est, ut artes, quæcunque usui esse possunt civi-* Requiritur  
*tati, in eadem quam optime perficiantur excolanturque.* Curandum publica ar-  
*enim est in rep. ut artes, quantum datur, nova subinde capiant tium profi-*  
*in-*

*cuarum cura.* incrementa (§. 438. P. VIII. Jur. nat.). Facile autem perspicitur, hoc intelligendum esse de artibus, quæ civitati prodesse, & fructus atque emolumenta præstare possunt, cum v. g. ars nautica ibi excoli nequeat, ubi maria desunt & fluvii navigabiles. Si proinde illæ artes novis subinde incrementis mactandæ sunt, quæ usui esse possunt civitati, sequitur, illas, h. e. artes proficuas esse, quam optime fieri potest, excolendas perficiendasque novis subinde adinventis earum incrementis.

## §. 508.

*Ut bene doceantur & discantur.* Quoniam artes proficuae in civitate quam optime sunt excolendæ (§. 507.); excoli autem nequeunt, nisi bene doceantur & discantur, quippe cum non sint innatæ, sed acquirendæ (§. 332. P. I. Jur. nat.): curandum est in civitate, ut artes proficuae qualibet in eadem & recte doceantur & recte discantur (§. 506.).

## §. 509.

*Ideoque ad sint idonei magistri.* Nulla ars recte doceri potest, nisi ab idoneo magistro, qui eam ipse bene caller, & si practica sit, bene exercere valet. Quod postulati instar admitti potest, cum per notionem magistri, artis & docendi actus facile pervium sit attendenti. Re-  
tori ergo civitatis opera danda est, ut civitas idoneis gaudeat magistris artium quarumque illi proficuarum, qui dono docendi eas gaudeant, & obligati sint sic, ut detrectantes adigi possint, ad eas recte docendas.

## §. 510.

*Aut aliunde invitentur & obtineantur.* Si civitas nondum gaudet illiusmodi idoneis magistris, illi privi-  
legiis, & si opus est, salariis erunt aliunde arcessendi, & inducendi ad  
& obtineantur. paciscendum, & ad munus docendi suam artem in se suscipien-  
dum. Neque enim in peregrinos ullum civitati est imperium. Hinc paciscendum est cum alia civitate, ut quosdam magistros concedere petenti dignetur. Paciscendum quoque est cum magistris singulis, donec conditiones oblatas sponte admittant.

Quo

Quo facto pactum erit servandum, perfecto jure utrinque adquisito (§. 789. P. III. Jur. nat.).

## §. 511.

Ne magistri sibi invicem aliisve civibus noceant, *con-* *Agantque*  
*denda sunt leges vel statuta artium, ad quarum custodiam magistri sunt secundum*  
*obligandi, neque permittendum est, ut quisquam eas impune statuta opi-*  
*violet. His statutis omnia ad communem salutem ita sunt in-* *ficum & ar-*  
*stituenda, ne quisquam lædatur, sed potius omnium & singu-* *tificum.*  
*lorum emulomentis ex æquo prospiciatur. Id quod partim*  
*disci potest, ex iis, quæ alibi recepta & usu comprobata sunt,*  
*ubi artes illæ bene florent; partim ex magistrorum desideriis*  
*& petitis, si cum reip. & reliquorum civium commodis rite*  
*comparentur.*

## §. 512.

Quia docere magistri nequeunt, nisi sint, qui discere *Et tirones*  
*velint & debeant, curandum porro est, ne tirones magistris defint, & bene dis-*  
*ut recte discant, quæ docenda sunt & discenda. Quam obrem si qui, cant discen-*  
*antequam absolverint discenda, sibi videantur omnia didicisse,* *da.*  
*& ipsi magistros agere velint, adigendi sunt, ut maneant, &*  
*pactum observent (§. 789. P. III. Jur. nat.). Si vero justo rigi-*  
*dus tractentur a magistris eorumve adjutoribus, id publica au-*  
*toritate inhibendum, & prout meretur, puniendum erit*  
 (§. 507.)

## §. 513.

Inprimis curandum est, ut, quarum rerum naturalium in civitate *Abundantes*  
*uberius est proventus, e quibus arte paranda sunt opera, quorum usus res naturales*  
*est in vita humana, earum exportatio ne fiat, antequam ex earum præ-* *quo modo*  
*paratione cives ea commoda perceperint, quæ alias exteri inde capiunt, exportande*  
*opera sua carius redimenda reportaturi. Dantur enim multæ res na-* *sint?*  
*turales, quæ per se nondum aptæ sunt illis usibus, quorum*  
*causa expetuntur, sed arte humana artificiales inde sunt paran-*



dæ (§. 510. P. I. Jur. nat.). Quod ut fiat, rectori civitatis curæ esse debet (§. 421. P. VIII. Jur. nat.), ut & cives commoda artis, se & suos inde alendi potius percipiant quam exteri, & pretium rerum minus esse possit eo, quod exteri revendituri res arte factas, cum propter sumtus exportationis & reportationis, tum, ut plus inde lucrentur, illis statuerent (§. 1027 seqq. & §. 424. *ibid.*). Quantum igitur fieri sine detrimento commercii potest, res naturales, quæ abundant, non ante exteris sunt vendendæ, quam eo usque artis emolumenta a civibus inde sint percepta, quousque salvo commercio licet.

§. 514.

*Ubertas rerum naturalium procuranda.* Proinde si res naturales, quibus abundare civitas potest, non nisi industria humana ita multiplicari possint, rectori civitatis curandum est, ut justus civium numerus incumbat quam optime procuranda tantæ earum ubertati, quanta quotannis haberi potest, & ut ad illud obligentur præscriptis culturæ legibus, adiganturque vel invitentur otiosi (§. 421 seq. P. VIII. Jur. nat.).

§. 515.

*Quid circa artium opera curandum sit?*

Quia nec a civibus, nec ab exteris expeterentur res arte factæ, nisi omni, qua possunt, gaudent perfectione, & qua usquam alibi præstantur, si pari fere pretio sunt comparandæ & in eosdem usus, quod sua quemque docet ratio: cura quoque publica eritendum est, ut opera artis fabricentur, quam optime fieri potest, & examine instituto, quæ approbata sunt, & tanti sunt, sigillo publico signentur; minoris vero momenti res, in quibus id commode fieri potest, privato artificis, opificis, aut mercatoris signo afficiantur, ne quis civis aut peregrinus facile lædi possit, & si læsus fuerit, damni reparatione potiri queat (§. 394. P. VIII. Jur. nat.). Si qui vero non tantam rei artificialis præstantiam optent, sed tantum, ut usui quotidiano humilioris, immo vulgaris & servilis fortis civium sufficere, & viliori pretio comparari possint: his quoque ita consulendum

dum erit, ut § abundans operum varie ipsorum sorti respondentium copia æquissimo, § quam fieri potest minimo pretio haberi possit (§. 726. *ibid.*).

## §. 516.

Ne opera artis deteriora in fraudem civium & commer- Et circa ma-  
cii fiant, ac deberent, nemo ad magisterium facile admittendus est, gisterium  
nisi qui luculenta edidit operum suorum specimina, magistrorum examine conferen-  
approbata. Quare & hoc statutis opificum est inculcandum, & dum.  
simul injungendum sub pœna, ne, qui artem suam callet, propter  
viliorem mercedem inidoneis utatur adjutoribus mercenariis, qui  
opera corrumpant, aut ex materia prava illa fabricent in fraudem em-  
torum. Unde quoque nascitur jus, opifices clancularios, male in  
sua arte versatos, & opera depravantes non tolerandi, sed expellendi,  
aut adigendi, ut rectius discant exercenda.

## §. 517.

Quo præstantiora sunt in suo genere opera artis, & quo Cura circa  
gratiora his, qui eorum usu indigent, eo melius & artificibus excellentes  
opificibusque, & civitatis consulitur honori emolumentisque. in suo vite  
Quare curandum est, ut in civitate complures habeantur magistri, qui genere.  
in sua arte excellent, sui que similes forment (§. 1020. P. VIII. *Jur.*  
*nat.*), item ut honoribus & præmiis convenientibus in civitate  
retineantur, nec facile exire ex illa cupiant aut finantur, propter  
jus prohibendi, quo civitas gaudet, ne discedant, qui in suo  
vitæ genere præclaram reip. operam præstare valent (§. 405.  
P. VIII. *ibid.*).

## §. 518.

Nec quidquam intentatum relinquendum, utrum res naturales Quid res pe-  
aut artificiales peregrinæ, quibus civitas uti amat, intra eandem modo regrinæ arti-  
convenienti aut procreari, aut fabrefieri possint? Docuit enim expe- bus prodesse  
rientia, varias res naturales diversis modis in climatibus a solo debeant?  
patrio seu pristino valde remotis alienisque procreatas & cul-

tas ita fuisse, ut illi tandem adsuescerent; saltem aliquamdiu succederent, & dein essent renovandæ (§. 429.). Quædam interim penitus exploratæ sunt, & cum domesticis comparatæ, ut hæc illis potuerint pari effectui surrogari (§. 468. not.). Ratione artis minus esse solet difficultatis, ut siue res sint domesticæ, siue peregrinæ, artis nihil referat, modo periti adsint artifices, qui illas quam optime aptare & elaborare ad suos usus possint velintque (§. 434.). Prout frumenta emuntur peregrina potius, quam farina, aut panis, aut confusa, aut inde destillata & decocta: quoniam sic pistorum, inolitorum, coctorum alique opifices ex præparatione victum sibi quærere possunt, quo alias peregrini gauderent.

## §. 519.

*Difficiliora*

*Si qua occurrant difficiliora, quæ ad artium emendationem & inartium cui crementa, vel ad novas quoque artes & vitæ genera inveniendâ perti-*  
*sint commit-* *nerent, ea societati scientiarum publicæ commendanda sunt, ut ab eadem*  
*tenda.* *eruantur; vel committenda sunt societati artificum in peculiares istius-*  
*modi disquisitione erigendæ.*

Si enim societas scientiarum artiumque omnis generis complectitur artifices, discussioni eorum, quæ in artibus vel emendanda, vel inveniendâ occurrunt, pares; ea utique inquirere debet in ea, quæ ad œconomiam ruralem & oppidanam, itaque ad varias artes & opificia pertinent, præsertim si ad penitiorem naturæ cognitionem aliquid conferre, aut non nisi ope illius deregere, & adminiculis mathematicis perfici possint debeantque (§. 449. P. VIII. Jur. nat.). Quapropter eidem hoc casu illa recte commendari, & injungi publica autoritate possunt ac debebunt, ut, quæ reperiri poterunt, academici eruant, publicæque salutis impertiant, prout consultius deprehendetur (§. 457 & 462. P. II. Polit.).

Sin minus academia huic scopo sufficeret, aut minus decorum illi foret, hujusmodi rebus occupari, ex ipsismet præstan-



stantioribus artificibus & magistris illius artis eligi possunt, qui erectioris sunt ingenii, & incitari, ut sociata opera, conjunctisque consiliis, a societate scientiarum, quando opus est, suffultis directisque, in ejusmodi disquisitionem incumbant, & reperta communicent, ulterioris progressus causa. Ita constituetur societas ejus artis excolendæ, perficiendæ, & amplificandæ, quoad aliquid superest, quod illi committatur (§. 421 & 427. P. II. Polit.) & (§. 452. P. VIII. Jur. nat.).

## §. 520.

Inserviunt hæ artes non tantum parandis vitæ necessitatibus, verum & nonnullæ commoditati jucunditæque vitæ, quod abunde loquitur earum penitus examen. Quia civitatis bonum requirit abundantiam rerum ad necessitatem, commoditatem, jucunditatemque vitæ facientium (§. 9. P. VIII. Jur. nat.), & rectori civitatis curæ cordique esse debet, ne desit rerum ad necessitatem, commoditatem, jucunditatemque necessariorum copia omnibus suffectura (§. 420. *ibid.*): rectori civitatis incumbit cura, quam optime prospiciendi civium cunctorum commoditati jucunditæque vitæ, quatenus ea privatorum vires excedit.

Jam in statu naturali quisque homo obligatur ad vitam commode transigendam (§. 466. P. I. Jur. nat.), ac singula commoditatis subsidia noscenda (§. 467. *ibid.*), gaudetque jure, ea sibi parandi aut coëmendi (§. 468. *ibid.*). Sed non debetur, nec est ipsi exspectandum ab aliis, quod sibi ipsi præstare valet (§. 170. P. I. Philos. præct. univ.), neque alii obligantur ad illud ipsi præstandum, quod ipse in sua habet potestate, vel ipsemet facere potest (§. 608. P. I. Jur. nat.). Qua propter nec civitas obligatur ad alia ipsi procuranda, quam quæ salus civitatis postulat, & ipse sibi præstare nequit. Quod etiam in commoditate & jucunditate vitæ haud secus observandum est, ac in ejusdem necessitate. Sic intelligitur, civitatem non obligari ad singulis civibus præstandam quamlibet vitæ commoditatem jucunditatemve.

Hæ enim sunt partes cujusque civis singulares, ut in iis sibi prospiciat licite, quantum valet. Sed ut universis præsto esse possit copia rerum & abundantia, quæ ad commoditatem jucunditatemque vitæ faciunt, id vires privati civis excedit, id igitur cum ad commune bonum civitatis faciat, conjunctis publicisque viribus est procurandum.

## §. 521.

*Divisio commoditatis.*

*Dividi potest commoditas vitæ in externam & internam, sive corporis & mentis.* Abstergit nimirum commoditas actionibus nostris molestiam, quacum alias solent conflictari aut conjungi (§. 495.). Sed actiones humanæ vel sunt externæ vel internæ (§. 567. P. I. Theol. nat.). Ea igitur commoditas, qua actiones internæ liberantur a molestiis, quæ ipsas afficere possunt, vel si hoc mavis, commoditas actionum mentis vocatur interna; quæ autem actiones externas a molestiis immunes facit, erit commoditas externa. Quia actiones sunt mutationes, & mutabilium determinatio, status; potest commoditas quoque referri ad statum internum & externum. Cum differant actiones internæ & externæ, item status internus & externus: commoditas quoque interna & externa non est confundenda, cum illa sit status interni & actionum internarum, hæc status externi & actionum externarum, vel illa sit *commoditas mentis*, hæc *corporis*.

## §. 522.

*Hic agitur de commoditate externa.*

*Hujus loci non sunt nisi commoditates externæ.* Sunt enim commoditates internæ animi; externæ autem corporis (§. 521.). In hoc autem capite agimus de corporis bonis secundariis, quæ primario, vitæ scilicet, superstruuntur (§. 450.), de sanitate, & quæ eidem subesse & adjungi solent (§. 495.). Quare commoditas animi huc non pertinet, etsi corporis commoditas sine animo percipi nequit, tanquam clare percepta immunitas a molestiis actionum & status nostri (§. 521.).

Commoditas animi potissimum nititur virtutibus intellectus & vo-

tem & in- mo in statu nostro. Involvit ea incommoda, quæ molestiam  
commoda. nobis creant, ideoque & actiones molestas faciunt, & in causa  
sunt, ut ex illis molestiam ac grave tædium percipiamus (§.  
465. P. I. Jur. nat.). Inde & dolorum sensus incommodum est.

§. 526.

Gradus com-  
moditatis  
cat. varii.

*Habet commoditas incommoditasque varia discrimina, ex mole-  
stiarum seu numero, seu gravitate, seu diuturnitate diversis proceduntia.*  
Quemadmodum major numerus molestiarum, aut gravitas, aut  
diuturnitas, parit majorem incommoditatem; minor autem nu-  
merus, gravitas diuturnitasque minorem incommoditatem. Ex  
adverso, quo major est vacuitas molestiarum in actione & statu  
hominum, vel ratione numeri, vel gravitatis, vel diuturnitatis  
earum, eo major erit commoditas.

§. 527.

Ad quos in Quo major est incommoditas, eo magis illa est in civitate junctis  
ejus curare- viribus arcenda & fugienda (§. 525.); & quo major commoditas, eo  
spiciendum. magis illa sectanda (§. 526.), & conjunctis viribus procuranda, quan-  
do privatis viribus ita obtineri nequit (§. 520.). Ita major est  
commoditas horologii minuta quoque prima & secunda indi-  
cantis, quam ejus, quod horas tantum indicat.

§. 528.

Curanda re-  
rum utilium  
copia.

Dum res utiles dicuntur, quæ ad vitam commode de-  
gendam requiruntur (§. 500. P. I. Jur. nat.): patescit, ad-commodi-  
tatem vitæ consequendam & promovendam in civitate requiri procura-  
tionem abundantie rerum quarumque utilium. Rectori enim civita-  
tis quam optime prospiciendum est civium vitæ seu corporis  
commoditati (§. 520.). Quod non nisi copia rerum utilium tan-  
quam simul commodarum opportunarumque impetrari potest.

Opponuntur hic res utiles necessariis, quæ ad vitæ sanitatisque  
conservationem requiruntur, vel sine quibus vita & sanitas con-  
servari nequit (§. 499. P. I. Jus nat.). Utiles igitur res non  
sunt per se necessariae, dum necessitatibus vitæ & sine his pares  
su-



sumus. Vnde qui in simplicitate vitæ more quorundam barbarorum adquiescunt, illi commoditatem vitæ aut plane negligunt, aut parum tantum curant. Vitales igitur res aliæ sunt, ac prorsus necessariae, & antequam de utilibus iudicium feratur, necessariae sunt seponendæ, quæ non sola utilitas flagitat, sed ipsa necessitas vitæ. Nempe utiles non inserviunt nisi evitandæ cuidam status & actionum nostrarum molestiæ. Si quis eas aptiori vocabulo commodas dicere malit, suo is abundet ingenio arbitrioque. In verbis enim simus faciles, modo in rebus conveniamus. Latius acceptum utile pro eo, quod cuidam usui nostro inservit (§. 262. P. I. Phil. pract. univ.), comprehendit quoque res necessarias, uti liquet exemplo cibi ibidem allato. Pariter quoque necessaria comprehendunt utilia, tanquam ad vitæ commoditatem requisita (§. 302. 315. & 318. Ontol.). Sed non obstat latior significatus strictiori, ibi tantum obtinenti, ubi de commoditate vitæ sermo est; quemadmodum necessaria similiter ad vitæ hujus necessitatem restringuntur, quando de illa tantum agitur. In diversis disciplinis idem vocabulum differenti gaudere significato, usu receptum est, ut memoriæ consulatur, v. g. ratio, relatio, veritas, sensus, iudicium, aries, mundus, jus, & quæ non alia?

## §. 529.

*Fieri potest, ut res necessaria simul accommodentur vitæ con-*  
*moditati, ideoque simul sint utiles.* Res enim dicuntur entia, quæ *ria* quando  
 prodesse possunt ad quandam perfectionem nostram promo- *sint utiles.*  
 vendam, seu quæ nos perficere valent, sive ratione animi, sive  
 ratione corporis (§. 495. P. I. Jur. nat.). In primis ergo quæ-  
 cunque ita existunt, ut nostrum perficere queant statum, rerum  
 nomine censentur. Jam res necessariae perficiunt vitam sani-  
 tatemque nostram ita, ut sine illis neutra haberi possit, quam-  
 diu Deo placet (§. 499. *ibid.*). Enimvero nil obstat, quo mi-  
 nus salvis rebus necessariis aliquid accedat, aut jam adsit, quo  
 eadem accommodentur & profint nostræ commoditati, itaque  
 (Wolffii Politica P. III. S. II. C. II.) R r r simul

simul sint utiles (§. 300. *ibid.*) & (§. 528.), majorisque propterea æstimandæ.

Consultum voluit divina benignitas & beneficentia nostræ & necessitati & commoditati vitæ, ideoque res naturales aptas quoque nostræ commoditati largitur, & nos obligat ad studendum nostræ quoque commoditati (§. 466. *P. I. Jur. nat.*). Dantur res necessariæ, quæ non tantum latiori ambitu sunt utiles, ita quippe omnes simul utiles dici merentur (§. 495. *ibid.*), sed & strictius utiles & commodæ una sunt. Aër est necessarius ad respirandum, & quatenus temperatus est, liber est ab incommodis æstus & frigoris. Alimenta & medicameeta sunt necessaria, & quatenus hæc liberant a molestiis morborum, illa vires ad alacriter agendum præbent, una commoditati serviunt. De somno, vigiliis, sanitate, incolumitate, integritate membrorum, pulcritudine, aliisque ad commoditatem actionum nostrarum nonnihil conferentibus, idem esto judicium.

§. 530.

*Cura copia  
rerum simul  
commoda-  
rum.*

*Quatenus res necessaria simul commoditati sunt accommodata, & quatenus res artificiales simul ad commoditatem utiles esse possunt; eatenus, uti privata, ita & publica cura earum copia est eo magis provehenda.* Sunt enim res necessariæ vel propter vitæ necessitates ita colendæ & augendæ, ut omnium vitæ præfidiis sufficiant (§. 368. 394. & 450. *seqq.*). Quatenus vero & commoditati lenocinantur, utilitatemque insignem secum habent conjunctam; eatenus & ob hanc expetuntur, majorique in pretio habentur non immerito (§. 529.). Idcirco & singuli cives in earum copia & abundantia comparanda laborare (§. 466. *seqq. P. I. Jur. nat.*), & rectores civitatis ad ea adjicienda, quæ privatorum vires excedunt, obligantur (§. 520.).

Quoniam ars humana sapientem naturæ institutionem imitari, & generatim actiones humanæ ad eosdem fines comparari debent, ad quos tendunt naturales, ut collineent ad hominum

minum perfectionem (§. 49. & 55. P. I. Phil. pract. univ.): res quoque artificiales ad perfectionem animi, corporis & status nostri sunt conficiendæ & comparandæ a singulis (§. 261. P. I. Jur. nat.), & qui apti sunt ad hujusmodi artes inveniendas excolendasque, illi ad hoc ipsum obligantur (§. 264. *ibid.*). Vbi vero vires privatorum non sufficiunt ad illas sic tractandas, ibi rectorum civitatis est, publico ære, consilio & præsidio illas procurare & adjuvare, ut abundantes commercio cum peregrinis augendo destinentur (§. 520) & (§. 420. P. VIII. Jur. nat.).

## §. 531.

Quia res necessariae, quatenus fieri potest, arte quoque sunt instruendæ ad commoditatem (§. 530.): liquet, cur templa & ædes publicæ ac privatæ publica autoritate non firmæ tantum sed quoque commodæ sint extruendæ (§. 723. & 727. P. VIII. Jur. nat.), uti privato cuique id naturaliter incumbit (§. 469. & 644. P. I. Jur. nat.); cur superiori curæ esse debeat viarum publicarum, platearum, portuum, diversoriorum, muni-  
*Corollaria breviter indicata.*  
 mentorum, armorumque commoditas (§. 722. P. VIII. Jur. nat.); cur & vestimentorum, lectorum, utensilium, instrumentorumque omnis generis utilium & percommodorum copiae sit studendum (§. 396. *seq. ibid.*).

## §. 532.

Dantur quoque res naturales, aut præsertim, aut uni tantum commoditati litantes; quales & ars imitando naturam proferre consuevit officii jussu. Hujusmodi sunt, quibus necessitas vitæ facile caret, commoditas non æque. Recubare v. g. homines quoque possunt & solent super terra aut duro strato, minus moleste tamen super stragula, stramine & fœno; commodius vero in lecto & mollibus plumis. Sedent pariter super duro ligno, aut lapide, vel cespite terræ; commodius tamen super sella crinibus aut stramine facta; aut culcita mollioris materiae tecta.



Equitare possunt super dorso equi alteriusve jumenti; sed commodius id fit ephippio imposito convenienti. Iter faciunt quoque pedibus incedendo, at commodius navi, aut corruui apto insidendo. Hujus generis sunt omnia reliqua, sine quibus actio humana quidem fieri, sed haud satis commode potest.

Cum artis sit, imitari ac supplere & augere, quæ natura ostendit (§. 530.): illas quoque res augere, colligere, fervare, perficere magis, & ad commoditatem instruere non licet tantum, sed quoque in officio est erga nos & alios (§. 466. *seqq.* § 644. *seq.* P. I. *Jur. nat.*). Itaque etiam in officio civitatis est, quatenus vel singuli cives, vel singulæ quoque domus non sufficiunt ad res utiles hujusce modi sibi adquirendas efficiendasque (§. 1. P. VIII. *Jur. nat.*).

## §. 533.

Cur & harum affluen-  
tia sit studendum?

*Rerum aut potissimum aut tantum utilium copie abundanti itidem studendum est in civitate.* Dantur enim cum naturales tum naturalis, quarum præcipuus aut unicus usus est in vitæ commoditate (§. 532.). Sed harum quoque utilitas manifesta est in vitæ commoditate per hanc ipsam earum indolem. Est quoque in commercio promovendo, quoniam ditiores sibi amant comparare, quæ ad commoditatem vitæ suæ facere intelligunt, memores si fuerint suæ obligationis (§. 406. P. I. *Jur. nat.*). Est in ipso vitæ genere apud eos, qui multiplicato admodum hominum numero aliter sibi suisque aut melius consulere nequeunt, quam inserviando aliorum commoditati.

Quamobrem quia officia hominum in civitate sunt provehenda (§. 395. P. VIII. *Jur. nat.*), & quia singuli cives, quin & singulæ domus omni commoditati vitæ consequendæ non sufficiunt (§. 1. *ibid.*): rectoribus civitatum opera est navanda, ne desit in civitate rerum ad vitæ commoditatem facientium copia omnibus sufficiens, immo abundans (§. 420. *ibid.*) & (§. 520.).

## §. 534.

Quia abundantiae rerum utilium in civitate est studen- *Quomodo id*  
 dum (§. 533.); & operæ quoque æquiparantur rebus utilibus *fiat?*  
 (§. 437. P. II. Jur. nat.): curandum est in rep. ut & illæ res in pote-  
 statem redigantur, e quibus commoditas haberi potest (§. 532.), ut  
 opera & arte humana ea fiant, quæ civium commoditas vitæ efflagitat  
 (ibid.), & ut æquo pretio res utiles haberi possint, quo nec exercen-  
 tes operas & artes, nec iisdem ad commoda sua utentes, aut  
 operibus earum artium fruituri, lædantur, sed sibi invicem  
 commodare velint mutuo consensu (§. 319. P. IV. Jur. nat.).

## §. 535.

Vt in potestatem civitatis redigi possint, quæ commodi- *Uterior ejus*  
 tas postulat, disquirendum est rectori civitatis, quatenus facultatum, *explicatio*  
 virium & rerum domesticarum aut exterarum usu, aliorumque seu vul- *generalis.*  
 gari auxilio, seu opera artificiali, aut commercio externo ea obtineri vel  
 effici possint, quæ huc faciunt, ut, quæ agenda civibus sunt, sine molestia  
 peragantur, si quidem sua sit ea fors, ut licite potiri ista com-  
 moditate possint (§. 474. P. I. Jur. nat.). Ideoque ea instituenda  
 sunt: pro civitatis ope & dignitate, quæ praxin officiorum reddant  
 tam fac.lem, commo.iam, copiosam & certam, ac fieri rite potest, adden-  
 da quoque obligatio civilis, ubi naturalis negligitur, ut saltem ex-  
 terni actus commoditati aliorum adversi coërceantur (§. 396.  
 P. VIII. Jur. nat.).

## §. 536.

Quia & serviles operæ commoditati eorum civium in- *Specialis qua*  
 serviunt, qui illas rectius aliis committunt, ut ipsi nobiliores *operas ser-*  
 agere possint, teste experientia: pretium operarum civilium quo- *viles.*  
 que in civitate ex æquitate generatim est determinandum (§. 424. P. VIII.  
 Jur. nat.), nec permittendum est, ut, qui servire nolunt, otiosi  
 aut male agere discant. Potius adigendi sunt pigri homines ad ser-

viendum illis, qui æquam offerunt mercedem, nec oblatam dare detrectant (§. 396. & 422. P. VIII. Jur. nat.).

§. 537.

*Qua artes & opificia.*

Neque minus opera danda est, ut istiusmodi artes & opificia in civitate vigeant, quibus quam optime & abunde parentur ea, quæ commoditas vitæ optat. Quæ publico sumtu egent, ad ea ex æquo conferre omnes jubendi sunt, quæ necessaria sunt, ut ista fiant & obtineantur. V. g. ut milites & exercitus alantur, ne singulis civibus arma sint tractanda, ut vigiles nocturni coërceant fures aliosque sceleratos noctu abutentes, quo cives commode suis vitæ generibus per diem vacare, per noctem dormire possint; ut plateæ lapidibus stratae habeantur, ut viæ sint complanatae, rectae, tritæ & commodæ iter facientibus, cæt. (§. 531.). Quæ autem privato sumtu haberi, & ab his compensari possunt, qui ista commoditate uti cupiunt v. c. diversoria, popinae cæt.: ea ut a privatis bene curentur salutis publicæ causâ, & iustitiæ æquitatque nil adversum committatur, publica procurandum est autoritate (§. 530. & 533.), v. g. ut scalæ commodæ in ædibus habeantur.

§. 538.

*Qua justum ordinem.*

Ordinem quoque in negotiis publicis & privatis commoditati accommodari posse experimur, uti defectus ordinis & confusio haud parum molestiæ acturis affert, & optato eorum successui obstat. Curandum igitur quoque in civitate, ut publica pariter ac privata negotia justo ordine suscipiantur & peragantur, nec impune sit, illum turbare, & eos impedire, qui ordine debito utuntur, partibusque suis funguntur (§. 4. & 397. P. VIII. Jur. nat.), quemadmodum quilibet jure naturæ ad vitam ordinatam obligatur, qua statum suum perficit, & commode expedire singula negotia valet (§. 63. seqq. P. II. Phil. pract. univ.), & in domo quoque ordo requiritur (§. 775. Oecon.).

Quan-



Quantum molestiarum in agendo ordine evitetur & in bello & in pace, experientia luculenter testatur. Si libri in bibliotheca ordine sunt dispositi, & in catalogum relati, commode reperiri possunt, quando illis opus est. Quanta vero molestia quærendi sint, si nullus adsit catalogus, nullus ordo in eorum situ, nemini esse potest ignotum. Sic in re domestica si res quoque suo ordine & loco collocentur, commode illis utuntur, qui ordinem tenent & observant. In prælio si milites & duces recto ordine utantur, nec eundem turbati patiantur, omnia bene geruntur. Quod longe secus habet ordinibus perturbatis & in confusionem reductis.

## §. 539.

*Etiam in modis agendi ea præferenda, statuenda ac tuenda sunt Qua modos in civitate, quæ compendio quodam brevius, facilius & tutius ad scopo agendi compum perducunt.* Nemini enim obscurum esse potest, dari modos *modiores.* agendi eandem rem admodum diversos, & alios aliis esse longe commodiores. Jam homini jus est ad ea omnia, quæ ad vitæ commoditatem quomodocunque faciunt, & ad omnes actus & actuum modos huc requisitos (§. 468. P. I. Jur. nat.), & in civitate curandum est, ut sua salva sint cuique jura commoditatis, & ut abundant ea quoque, quæ ad commoditatem vitæ requiruntur una cum remediis eodem facientibus (§. 394. P. VIII. Jur. nat.). Cujusmodi cum sint modi agendi & degendi commodiores, qui compendio apto brevius, facilius & tutius ad finem ducunt, hos in civitate esse præferendos cæteris, & promovendos legibus & obligatione civili (§. 396. *ibid.*), hos esse tuendos, & impediendos, qui illis obsistunt, liquet.

Omnes omnino habitus artesque cujuscunque generis huc quoque tendunt, ut tollant molestias, ea agendi, quæ per facultatem humanam fieri possunt, & actiones reddant expeditas, faciles, commodioresque. Quare promovendo artes omnis generis, promoventur simul compendia & commoda in agendo & statu agentium, quæ reperiri possunt, ususque diuturnus & mul-  
torum

torum subministrat. Quo meliores perfectioresque magistri omnium artium procurantur, & in civitate perpetuantur, eo perfectior in ea florebit omnis vitæ commoditas, eoque magis incommoditas arcebitur profligabiturque.

## §. 540.

*Cura jucunditatis vitæ quid requirat?*

Quia jucunditas vitæ infert voluptatem innocuam ideoque licitam (§. 495.) & (§. 470. P. I. Jur. nat.), eaque in civitate procuranda est (§. 520.): *Et singulis civibus conferendum est, quid quid possunt ad suam aliorumque vitæ jucunditatem* (§. 471. sqq. P. I. Jur. nat.), & sicubi deficiunt vires privatæ ad eam plene consequendam (§. 1. P. III. Jur. nat.), ibi omnium h. e. civitatis est, ea abunde procurare, quæ ad vitam jucunde transigendam requiruntur (§. 9. ibid.), & ad curandum, ut unusquisque sua jucunditate quiete perfruat, nec in ea fruenda ab aliis impediatur (§. 4. & 17. ibid.). Quæ cura rectori civitatis recte demandatur, & ab eo sapienter gerenda est, ne desit cuiquam copia rerum ad eam expetendarum (§. 420. & 533. ibid.).

## §. 541.

*Cura commoditatis gratum munit ad jucunditatem.*

Ad jucunditatem vitæ viam quasi sternit vitæ commoditas. Ea enim removet molestiam vitæ, & tædia cum statu nostro actionibusque configentia (§. 495.). Sed molestia est contraria jucunditati, uti tædium repugnat voluptati, in qua jucunditas consistit (§. 511. & 518. Psychol. empir.). Remoto igitur contrario jucunditatis & impedimento, facilis ad eam aditus, seu facilior multo illius adquisitio redditur, quam si contrarium illi obsisteret repugnaretque. Quod cum sit viam sternere ad alterius adeptionem, oppido perspicitur, commoditatem vitæ ejusque curam viam quasi sternere ad ejus jucunditatem.

## §. 542.

*Jucunditas variat se-*

Dividi jucunditas vitæ potest ratione sensuum, quibus illa percipitur. Pertinent nempe ad illam innocuæ oblectationes oculo-

oculorum, aurium, narium, linguae & palati, denique & ipsius tactus. cundum sensus. Quando innocuam appello delectationem, eam innuo voluptatis perceptionem, quæ nocua non est, ideoque nec tædium parit, nec in tædium tandem abit (§. 383. *P. I. Phil. pract. univ.*): innocua enim nunquam tædium vel molestiam parit, nunquam in illam degenerat (§. 384. *ibid.*). Quod quando fit voluptas, tantum est apparens (§. 562. *Psych. empir.*): vera enim semper est innocua, semper constans, semper ex vero bono nascitur (§. 559 & 564. *ibid.*).

## §. 543.

Quia jucunditati vitæ inserviunt res voluptatem sensuum licitam creantes, quibus repugnant tædia sensuum gignentes (§. 552. *seq. Psychol. empir.*); & jucunditas vitæ in civitate est promovenda (§. 540.), ideoque & res ad jucunditatem vitæ facientes copiose procurandæ sunt (§. 540.): manifestum est, res tales in civitate esse procreandas, augendas & perficiendas, quantum fieri potest. quæ innocuam civibus quibusque pariunt voluptatem ex sensationibus profectam (§. 533.). Quæ cum dicantur res voluptariæ, vel gratæ, delectantes & suaves (§. 501. *P. I. Jur. nat.*): patet, procurandam esse in civitate abundantiam rerum gratarum, placentium, & voluptariarum (420. *P. VIII. Jur. nat.*)

## §. 544.

Visui & oculis placent, quæcunque in rebus pulcra sunt, Quænam sint & arrident, locorum amœnitas & feminarum venustas, cum res sensibus munditie & ornamentis, quæ observata sensibus, apta sunt ad acceptam voluptatem in nobis excitandam (§. 545. *Psychol. empir.*) & §. 476. *P. I. Jur. nat.*); auditui auribusque placet vox sonora, & blanda, ac (symphonia) consonantia tonorum egregia s. musica. Olfactui seu naribus placet fragrantia, sive suavitas odoris; gustui vel linguæ & palato dulcedo saporis, deliciæque. Tactui

(*Wolffii Politica P. III. Sect. II. C. II.*)

Sss

Tui



Etui denique, nervo & cuti omne delinimentum, ejusdem mulcedo & palpus placet, ut mollitudo, teneritas, & quidquid illum leviter grateque afficit vel titillat.

## §. 545.

*Arcendæ sunt  
res injucun-  
dæ.*

*Cura obtinendi affluentiam rerum gratarum, placentium & oblectantium simul involvit studium arcendi res ingratas, displicentes, injucundas & molestas.* Jucunditas enim & injucunditas, res gratæ & ingratae, placentes & displicentes sunt contrariae, quæ simul inesse eidem nequeunt, sed se mutuo expellunt, quod per se evidens est. Quapropter non potest non studium unius includere fugam alterius. Idcirco cura rerum gratarum & jucundarum continet simul curam abigendi & eliminandi res injucundas & molestas sensibus nostris.

Dum jucundæ res nos juvant & oblectant, injucundæ nos juvare & delectare nequeunt, pariunt igitur rædia, impediunt nostram perfectionem, ægre nos afficiunt, aut & dolore nos vexant, cruciantque.

## §. 546.

*Nexus jucunditatis  
commoditatisque.*

Quia cura rerum jucundarum simul infert fugam rerum injucundarum (§. 545.): patescit, curam jucunditatis vitæ includere simul ejus commoditatis curam, quæ removet molestiam illi jucunditati adversam. Obstat nempe jucunditati injucunditas, quæ est molestia (§. 523.). Sed molestiam fugiendam arcet commoditas vitæ (§. 495.). Hanc vero simul excludit jucunditas ei contraria. Quare cura jucunditatis vitæ eam continet curam commoditatis, quæ removet molestiam illi jucunditati adversam.

Non tamen una eademque est jucunditatis & commoditatis vitæ cura. Quod facile exemplis ostenditur. Ubi deformitas vel monstrositas abest, ibi propterea non adest pulcritudo, sed potest esse forma mediocris, nec pulchra dicenda, nec deformis. Ubi factor abest molestus, ibi non erit propterea suavitas odoris, sed

sed potest omnis abesse odor. Abesse potest calor, ubi nondum sentitur frigus, sed temperatus quidam status. Ita generatim si nulla sentitur molestia, propterea nondum sentietur jucunditas, sed quoddam inter utrumque medium, quod nec oblectet sensum, nec molestia afficiat, sed indolis sit neutrius. Interim latius patet injucunditas, quam molestia, quæ & statum medium notare ac includere potest, & molestiam. Posita vero jucunditate, tollitur una injucunditas eidem contraria, inde & molestia ei adversa, & sic ponitur commoditas illi respondens, quamdiu regnat jucunditas.

## §. 547.

Quemadmodum jucunde vitam transigit, quisquis ea Corollaria agit, ex quibus veram & constantem, saltem innocuam per-ex indolecipit voluptatem (§. 470. P. I. Jur. nat.): ita & in promovenda jucunditate vitæ civilis non alia sectanda est voluptas sensuum in actionibus suscipiendis, quam innocua licitaque. Inde quia voluptas apparens tantum seu nocua & illicita illi repugnat, tantum abest, ut huic sit patrocinandum, ut illa potius severe sit prohibenda puniendaque pro gradu culpæ admixtæ in abusu veræ, & studio prave sensuum voluptatis (§. 545 seq.).

## §. 548.

Vitæ jucunditas non est in civitatis potestate, nisi quatenus ea facultatum, virium & rerum suarum usu, aliorumque ope & auxilio efficienda vi-cere valet, ut ea agantur, e quibus voluptas vera, saltem innocua, percipi-tæ sit in pote-potest, & percipiatur. Est enim par ratio civitatis cujusque, ac state? hominis cujuscunque in statu naturali (§. 50 seqq. P. VIII. Jur. nat.), & (§. 2. Jur. Gent.). Sed eadem, quæ hic statuimus, valent de unoquoque in statu naturali (§. 475. P. I. Jur. nat.). Idem ergo quoque in statu civitatis est admittendum,

## §. 549.

Prout homini cuique, ita & civitati jus est ad ea omnia, Ad quænam que ad vitam jucunde transigendam faciunt (§. 472. P. I. Jur. nat.) jus det?

& (§. 548.), *æque ac ad omnes actus & gradus pro diversa civium sorte illuc comparandos.* Dantur enim & jucunditatis gradus uti commoditatis differentes (§. 526.) pro voluptatum sensualium numero, magnitudine, item certiori constantiorique fruitione. Sic civitati fas est, prohibere ea, quæ jucunditati civium vitæ adversantur, & punire, si nihilominus commissa fuerint; item stabilire artes & officinas, quibus res jucundæ voluptatique futura abunde formentur; nec non pro gradu operum perfectionis diverso illis conveniens statuere pretium. Fas est, abundantiam illarum rerum sapienter curare; sive domi nascantur, sive aliunde ope commercii petendæ sint, e quibus res voluptariæ conficiantur.

## §. 550.

*Publica pul-  
critudinis  
cura.*

Quia pulcritudo rerum oculos pascit (§. 544.), curandum in civitate, ut & pulcritudinis naturalis & artificialis, quæ vel naturalem imitatur, vel defectum naturalis supplet, ratio quam optime habeatur. De pulcritudine corporis humani id evicimus ex aliis rationibus (§. 503.), quæ hic confirmantur ex officio privato publicoque curandi, ut vitam jucunde transigamus (§. 471. P. I. Jur. nat.) & (§. 520.). Nunc & in genere de aliarum rerum, sive naturalium, sive artificialium, pulcritudine idem commonstramus. Est enim extra controversiam positum, & homines singulos obligari, & ferri instinctu naturali ad vitam in vera & constanti jucunditate transigendam (§. 471. *ibid.*); & civitatem obligari, ad præcipiendum, quid fieri debeat, ut in civitate abundant & illa, quæ ad vitæ jucunditatem requiruntur (§. 394. P. VIII. Jur. nat.), & ad cives suos in custodia officii sui juvandos, ne ab aliis impediuntur, item ad abhorrentes ab officio vi adigendos, ut minimum actus externos ad legem naturæ componant (§. 395. *ibid.*). Quapropter utique curandum esse intelligitur, ut pulcritudinis rerum tum naturalis, tum artificialis, quæ ex parte supplere potest, quod naturali deesse videtur,



ex parte adjuvare illi valet pulcritudinem artis rerumque arte  
factarum ad imitamentum formositatis naturalis.

## §. 551.

Cum formositas naturalis quaquaversum diffusa sit per *Quo usque*  
omnia naturæ opera, neque minus per omnia fere artis opera *cura pulcri-*  
elegantia extendi possit, licet in aliis major, in aliis minor eius *tudinis pa-*  
gradus locum habeat: *cura jucunditatis publica requirit, ut pulcra-  
tudo naturalis rerum civibus reddatur quam perspectissima cultissimaque;  
artificialis autem quam optime promoveatur in singulis artibus, quatenus  
in illis diversi ejus gradus locum habent.* Nimirum pulcritudo ne-  
minem jucunde afficere potest, nisi cui illa placet (§. 543. *psychol.*  
*emp.*). Placere nemini potest, nisi in ipso excitet voluptatem  
(§. 542. *ibid.*). Voluptatem excitare nequit, nisi ejus perfe-  
ctionem intueamur (§. 511. *ibid.*); intueri perfectionem non  
possumus, nisi eam adesse sat clare & certo cognoscamus (*ibid.*).  
Ergo ut cives jucunditate illa perfruantur, qua illos afficere  
potest pulcritudo rerum naturalis, opus est, ut & res naturales,  
& earum perfectionem pulcritudinemque probe cognitam ha-  
beant & perspectam, nec non ut eandem colant & perficiant,  
quam plurimum valent. Quo enim magis illam in omni sua ma-  
gnitudine, multitudine, & præstantia præ omni artificiali per-  
spectam habent, quoque magis certi & convicti de illa erunt,  
eo majori perfundentur voluptate constanti, eoque majori fruen-  
tur jucunditate (§. 549.).

Eadem quoque valent de pulcritudine artificiali, uti per  
se patet; & præterea illius præstatio & præstantia sapienti cu-  
ra artium & artificum publica est obtinenda, conservanda,  
& perficienda, quatenus in ipsa diversi ejus gradus pro  
diversa fortis civium indole locum habere possunt. Unde pa-  
tescit amplissimus hujus curæ campus, qui major vix esse potest.

Uti privato cuique in statu naturali jus est, pulcras sibi exstruendi ædes (§. 473. P. I. Jur. nat.); ita idem retinet in civitate, quæ id ipsum tueri ac promovere debet, ne a quopiam impediatur. Quid? quod curare ipsa civitas debet, ut ædes singulæ, quæ publicæ quæ privatæ, ea gaudeant pulcritudine, symmetria & eurythmia, quæ & omnium adspæctum delectet (§. 479. *ibid.*), & gradu pulcritudinis sorti inhabitatoris respondeat. Idem valet de pulcritudine vestimentorum plurimarumque rerum aliarum ad supellectilem domesticam, instrumenta, opes & quoscunque alios usus pertinentium. Tenenda quoque hic sunt, quæ ad §. 506. notavimus.

## §. 552.

Quid sint ornamenta, cultus & mundus.

Quia ornare corpus dicitur, qui factio quodam suo eidem pulcritudinem quandam conciliat (§. 476, P. I. Jur. nat.): ea ornamenta sunt, quæ tantum ornandi gratia parantur & adhibentur (§. 492. *ibid.*); quæ vero & vestiendo & ornando simul corpori inserviunt, cultus nomine venire solent. Mundus vero muliebris, munditiem, cultum ornatumque earum complectitur, si Livio credimus *Hist. L. XXXIV. c. 7.* Neque nostra tantum, sed & alia corpora mundari & ornari dicuntur, ut ædes dii.

## §. 553.

Quid curandum sit circa ornamenta?

Ornamenta dum inserviunt pulcritudini artificiali (§. 552.); quæ in civitate & licita est & provehenda (§. 551.): curandum quoque est in civitate, ut abundet ornamentis cujuscunque generis & sexus (§. 549.), & ut optima eorum habeatur ratio, ideoque alia alii hominum conditioni & sorti destinantur (§. 550.), neque impune arrogantur & usurpentur ab his, quibus non sunt destinata vel permissa pulcritudinis adscititia instrumenta documentaque.

Sic legibus sancendum, an, quinam & cujusmodi ornamentis, v. c. annulis, armillis, margaritis, gemmis, earumve simulacris, catenis, insignibus limbis, clavis &c. uti vel ornari possint aut de-

debeant, vel minus; ut sua cuique civium sorti ornamenta constent, quibus liceat uti, vel non liceat.

§. 554.

Pascunt oculos quoque pulcræ bestiae, aves, plumæ, effigies, statuae, sculpturae, picturae, scripturae, porticus; pulcra & oculorum amena nemora, virera, topiaria, tripudia, specula, ambulacra, oblectamenta & prospectuum oblectamenta; pulcri flores, fructus, colores, pisces, fontes salientes, ignes artificiales; pulcra musea naturalia & artificialia, numophylacia, cimeliarchia, armamentaria & spectacula varia & ludicra rariorumque; pulcræ & elegantes bibliothecæ, comediae, tragediae, praestigiæ, artes schenobaticæ & petauristarum &c. Quare & his sapienter in rep. locus est dandus, & harum rerum artifices opificesque in civitate requiruntur, & usus quidem innocuus illis indulgendus est, abusus vero prohibendus pœnisque cohibendus. (§. 550. seq.).

§. 555.

Teste experientia sunt & actiones decoræ jucundæ, indecoræ autem injucundæ. Eapropter jucunditatis quoque causa ras actiones; actiones decoræ privata publicaue cura sunt promovenda perficiendaeque; indecoræ autem impediendae, prohibendae & emendandae.

§. 556.

Aures demulcent concentus aurium, oscinum in primis, De curandis murmura aquarum praesertim in catarractis, lenes ventrum furri, sonitus campanarum consonarum, machinae sonoræ bedimentis. stiarum aemulae, ingeminans & reportans voces echo, tormentorum tonitrua, militum ordinatae displosiones, soni laborantium ad numerum compositi, numerus oratorius & poëticus, & egregia orationis declamatio, musica omnis generis vocalis & instrumentalis, ad quam & cantillatoria, horologia & automata musica alia referuntur. Cum & aurium voluptas innocua privato publicoque studio in civitate sectanda sit & perficienda,

ut.



ut vita jucunde transigatur (§. 540. & 542.): constat, & hac aurium blandimenta sapienter esse procuranda & ad promovendas virtutes, commovendos & regendos animos in hymnis, festivitibus solemnitatibusque privatis & publicis accommodanda (§. 420. seq. P. VIII. Jur. nat.), ut appetitus sensitivus cum rationali in consensum reducatur (§. 580. seq. P. II. Philos. pract. univ.). Ubi ars requiritur, ibi & ipsius artifices sunt alendi, tuendi provehendique. Molesti vero auribus fabri remotius sunt locandi.

## §. 557.

*Cura fragrantiae quid poscat.*

Olfactorium delectant suave olentia & fragrantia, uti flores & sylvae suavem spirantes halitum; item gummata gratorum effluviorum, moschus, ambra, balsama naturalia & artificialia variorum generum, suavium spirituum, pulverum & oleorum odoriamenta, thura, unguenta & aromata odorifera cæt. Propter studia jucunditatis vitæ ducuntur haud pauci hujusmodi pica nasi seu appetentia, neque usus modicus ratione caret, in vario corporis humani statu. Quare cura gratarum rerum publica (§. 543.) requirit & abundantiam suaviter fragrantium sive per se, sive per ustionem, ut obortus fœtor naribus molestus fugari possit, cæterique usus boni odoris in promptu habeantur. Neque minori curæ habenda est amotio fœtoris, rancoris, putredinis & corruptionis olidæ rerum frequentioris, diuturniorisque, ideoque & egestio sordium ex ædibus & ex urbe per cloacas, ejectio fumi, expurgatio latrinarum nocturna procuranda, & fœtida opificia cerdonum, carnificum, lanienæ cæt. pro gradu fœtoris vel ad extremos urbis angulos relegari, vel saltem a præcipuis plateis removeri debent; pariter ac stabula pecudum fœtida, & saginæ porcorum &c.

## §. 558.

Deliciæ linguæ & palati in dapibus, placentis mellitis, Cura rerum  
 saccharatis aliisque dulcedudinis & aromatum illecebris refertis *sapidarum*  
 ferculis, & eduliis sapidis cujuscunque nominis, in vinis, mu- & palato  
 sto mulso similibusque dulciculis, saltem gratis potionibus, & gratarum.  
 fumi suctionibus occurrunt Quare cum gustatus sit sensus ex  
 omnibus maxime voluptarius & exquisitus, quo plurimi varie  
 capiuntur, & sapida præferunt alimenta insipidis haud im-  
 merito: utique & ejus jucunditati livandum privato publicoque stu-  
 dio, modo coërceatur intra consensum cum ratione, seu lege veræ  
 voluptatis ab apparente recte discernendæ (§. 580. P. II. Phil.  
 pract. univ.) & (§. 538. Psychol. empir.), ne sanitati noceatur, &  
 luxus oriatur invalescatque. Opus igitur est, ut alimentorum  
 per se saporum cultura in re agraria, hortensi, venatione,  
 piscatione, apiaria, floreat, & exterorum in commercio justa  
 ratio habeatur, uti sacchari, syrupi, aromatum; cæterarum au-  
 tem cupediarum causa conditores, dulciarii, lactarii, coqui, zy-  
 thopectæ, musti mulsi vinique &c. pararii adsint pro sanis, &  
 pharmaceutæ pro ægris præsertim reficiendis, ope gelatina-  
 rum, julapiorum, analepticorum, condimentorum, confectio-  
 num, anodynorum, cæt. Præterea & corruptioni alimento-  
 rum medicamentorumque remedia sunt quærenda & adhiben-  
 da, ne illa v. c. rancida, putida, fracida &c. fiant (§. 545.).

## §. 559.

Tactui demulcendo quæcunque inserviant, ea ut abundant in ci- Cura jucun-  
 vitate, privata publicaue opera est navanda (§. 543 seqq.). Qua- dorum ta-  
 propter ut lanæ, pilorum, plumarum varii generis, lini, canna- tui.  
 bis, gossypii, serici, pellium, corii, cæt. copia habeatur, procu-  
 randum est, item ut textores, pelliones, cerdones, futores, sar-  
 tores &c adsint, qui inde jucunda conficiant, ut varia amictuum,  
 lectorum, stragularum, culcitarum, ephippiorum, cadurcorum,  
 (Wolffii Politicæ P. III. S. II. C. III.) Tit pul.

pulvinorum genera diversæ civium forti in vario vitæ statu & usu accommodata; & ut illa æquo pretio venumdentur. Excessus tamen prohibendus & a morum formatoribus, & corrigendus, quo cives evadant justo delicatiores tenerioresque & inepti ad officia. Prouti aliis vestimentis utendum æstivo, aliis hyberno tempore, quorum illa calorem arceant & mitigent, hæc frigus. Sic & umbraculis, & conclavibus diversis in domiciliis, hypocaustis, frigidariisque; & umbra nemorum, gestationum, cryptoporticorum, xystorum cæt. gaudet recreaturque tactus (§. 545). Neque minus huc pertinet cura faciliū matrimoniorum, in quibus voluptas venerea rite percipiatur; ne facile opus sit permissione lupanarium (§. 243. P. VII. Jur. nat.), sed potius castitas & pudicitia intra & extra conjugium promoveatur, & libidinis excessus severe arceantur in stupris, scortationibus, adulteriis, pellicatu, concubinato, aliisque nefandis libidinibus (§. 244 seqq. 312 seqq. 332 seqq. ibi.).

§. 560.

*Recreatio-  
num & lu-  
dorum.*

Quia animus quoque jucunditati se dat relaxatione intentionis virium diuturnæ, remissione laboris defatigantis, curarum inutilium fuga, requie corporis debita, gaudis, jocis, ludisque, quibus admissis reparantur vires corporis & recreantur: oppido liquet, curam jucunditatis pertingere etiam ad recreationes corporis quascunque, innocuam voluptatem parientes, & ad procuranda copiose illa, quæ ad easdem percipiendas faciunt, prohibendos vero, corrigendos & pro re nata puniendos eorum abusus & torporem. Quem admodum ludi quidem relaxandi animi causa, & ad debitam attentionem, ingeniosamque deliberationem acuendam, probabilitatem æstimandi peritiam, corporis motionem, sanitatis causa, & virtutum exercendarum gratia concedendi; qui autem tantum quæstus ergo suscipiuntur, & prodigalitati, otio, fraudibus, rixis, cædi aliisque vitiis fomitem subministrant, severe compescendi sunt & proscribendi (§. 754 757. P. VIII. Jur. nat.).

SECT.



## SECTIO II.

## CAPUT III.

DE

## Sapienti cura fortunæ civium.

§. 561.

**Q**uia bona fortunæ statum hominis externum perficiunt *Necessitas*  
 (§. 556. *Psychol. empir.*) suntque bona externa (§. 555. *curanda ci-*  
*ibid.*); & lex naturæ nos obligat ad nostrum aliorumque *vium fortu-*  
 statum externum, quantum licet, perficiendum (§. 167. & 222. *P. I. na.*  
*Phil. pract. univ.*), & ad fugienda ea, quæ & externum nostrum  
 aliorumque statum deteriore reddunt (§. 168 & 231. *seq. ibid.*):  
 liquido apparet, cur & in civitate sapienter curandum sit, ut  
 status civium externus conjunctis viribus, & quidem facilius,  
 quam in statu naturali, perficiatur (§. 397. *P. VIII. Jur. nat.*). Re-  
 quiritur ergo in civitate sapiens cura bonorum fortunæ; vel brevius,  
 cura fortunæ civium est necessaria.

Fortuna quidem non notat nisi eventum improvisum, ideo-  
 que & inopinatum (§. 540. *P. I. Theol. nat.*). Qui quando ho-  
 minis statum perficit, dicitur fortuna secunda, vel fortuna (*κατὰ*  
*εὐχὴν* & simpliciter); quando eundem deteriore reddit, ap-  
 pellatur fortuna adversa, aut infortunium. Quando bona fortu-  
 næ dicuntur, nulla restat ambiguitas in bonis fortuitis innuen-  
 dis. Brevitatis studio fortunam hic appellamus eam, quæ secun-  
 da vel prospera alias vocatur: uti & in unum caput contrahi-  
 mus, quæ integram *sectionem tertiam*, *tribus capitibus bona ex-*  
*terna complectentem*, efficere potuissent, si fusius de fortuna dis-  
 serere lubuisset.

§. 562.

Fortunare dicitur alterum, quisquis in causa est, ut bono- *Cives sunt*  
 rum fortunæ potiatur, sive ipse ea illi largiatur & conferat, sive *quam optime*  
 Tit 2 *oc fortunandi.*

occasionem, jus & habitum illa acquirendi ipsi conciliet. Dum fortuna civium sapienter est procuranda (§. 561.): quin sapienter fortunandi sint cives, dubio caret, & quidem omnes conjunctis viribus, & quam optime maximeque fieri possit (§. 612 seq. P. I. Jur. nat.). Quæ cura cives reddendi fortunatos complectitur curam cavendi, ne fiant aut reddantur ab aliis infortunati, vel aver-  
tendi ab ipsis mala fortuna.

## §. 563.

Tria sunt  
fortuna bo-  
na.

Dividuntur bona fortuna in benevolentiam, honores & opes, seu divitias. Etenim illa perficiunt statum hominis externum, s. constant ex bonis externis (§. 561.), redduntque homines & cives fortunatos (§. 562.). Sed status hominum externus vel dependet ab aliis hominibus, seu personis, vel ab aliis rebus corporibusque. Qui ab aliis hominibus dependet, is eorum aut amorem & benevolentiam (§. 550. & 655. æconom.) Gewogenheit, aut existimationem Hochachtung & honorem infert, ac pro fonte habet. Qui vero ab aliis rebus dependet, is corporum & jurium nobis utilium dominium (§. 959 seq. P. I. Theol. nat.), eorumque abundantiam includit, h. e. divitias opesque (§. 380. æconom.).

Opes nimirum, quæ & bona vulgo dicuntur, sunt res dominio nostro subjectæ (§. 448. P. II. Jur. nat.), quarum universitas quæ cuiquam est, appellatur ejus patrimonium (§. 452. ibid.). Sed opum vel patrimonii abundantia divitiarum nomine venit (§. 240. P. IV. Jur. nat.). Dum nempe patrimonium superflua continet, abundare dicitur. Res vel sunt corporales, quæ sensu percipi possunt h. e. corpora; vel incorporales, quæ intellectu tantum concipiuntur, h. e. jura (496. seq. P. I. Jur. nat.). Aliud esse aliorum hominum erga nos amorem, aliud honorem, & utrumque statum nostrum exteriorem perficere, liquet ex §. 633. & 765. seqq. Psychol. empir. & §. 538. P. I. Jur. nat. Amor & honor cum gloria, confusæ; benevolentia & existimatio, distinctæ debentur cognitioni.

## §. 564.

Pariter triplex datur malum fortune; malevolentia & odium, Tria fortune  
ignominia & contemptus, inopia denique & paupertas. Obstat enim mala.  
malevolentia benevolentiae, tollit odium amorem (§. 661. Psychol.  
emp.) & (§. 617. P. I. Jur. nat.). Existimationem denegat læ-  
ditque ignominia, contemptus honorem, & contrarium utrius-  
que sistit (§. 787. & 811. P. I. Jur. nat.). Inopia defectum, &  
contrarium opum paupertas divitiarum ponit. Quæ licet sex  
nomina sint, tres tamen tantum norant res gradu differentes  
parumper, & tribus fortune bonis adversas.

## §. 565.

Curandum est, ut inter cives vigeat, quanta potest, mutua bene- Curanda est  
volentia, existimatio vel veneratio, & opulentia invicem promota. Sa- mutua bono-  
pienter enim in civitate procuranda sunt bona fortune (§. 561.). rum fortune  
Sed ea sunt triplicis generis, nimirum benevolentia, existima- provectio.  
tio & divitiæ, seu opulentia (§. 563.). Quare intelligitur, sa-  
pienter procurandam esse mutuam civium benevolentiam, ex-  
istimationem venerationemque (§. 520. æconom.), & opulentiam  
communi studio provectam alterius tutioremque, quam in  
statu naturali fieri potest (§. 397. P. VIII. Jur. nat.). Nec tan-  
tum procuranda, sed & ut segura sit, vigeatque, quantum fieri  
potest, quæra, tutaque illius fruitio, amplificatioque (§. 9. 15.  
17. & 20. P. VIII. Jur. nat.).

## §. 566.

Avertenda e contrario est mutua malorum fortune causa, scilicet Avertenda  
malevolentia, contentio & diminutio opum. Etenim cura reddendi malorum  
cives fortunatos involvit curam cavendi, ne fiant infortunati, fortune illa-  
& averruncandi ipsorum mala fortune (§. 562.). Sed mala tio.  
fortune sunt malevolentia, ignominia & inopia (§. 564.). Ho-  
rum igitur causæ, quantum licet, sunt arcendæ, extincta malevo-



rentia, despicientia, & opum præreptione aut ereptione, vel generatim deminutione.

## §. 567.

Quid bene-  
volentia  
complecti de-  
beat.

*Mutua civium benevolentia includere debet mutuam eorum amorem & favorem, mutuam dilectionem, charitatem, amicitiam gratiam.* Est enim benevolentia voluntas erga alterum tam benigna ac erga se, eaque constans & perpetua, seu est virtus alteri nonnisi bene cupiens ac sibimet ipsi, itaque prona in ejus bona promovenda (§. 550. *Oecon.*). Nititur ergo distincta cognitione alterius, per quam propter Deum dignus judicatur tam benigno nostro de ipso ac de nobis sensu, & in ipsum eodem animo studioque (§. 63. *P. V. Ethic.*). Quia sic non nisi bene de ipso sentimus, perfectionem ejus una confuse concipimus, placetque is nobis propterea, h. e. amamus ipsum (§. 633. & 649. *Psych. empir.*). Atque sic includit benevolentia amorem alterius. Quoniam vero quæ in homine sunt, ejusque appetitus sensitivus & rationalis, inter se consentire debent, & sensitivus ad hunc consensum est reducendus (§. 581. *seq. P. II. Phil. pract. univ.*), benevolentia mutua includere amorem civium mutuam debet (§. 609. *P. I. Jur. nat.*).

Quoniam favor vulgo non est nisi amor personæ ob singularia ejus bona, quæ nobis placent (§. 691. *seqq. Psych. empir.*), eadem de illo valent, quæ jam de amore in aprico sunt.

Quisquis alteri est benevolus, is benigne de ipso judicat, esse videlicet illum sua benevolentia æque ac se ipsum dignum, ideoque nec nisi bene erga ipsum animatus, quævis bona ipsi cupit, vult, ac precatur optatque animo suo ut sibimet, per modo ostensa. Hinc primum in ejus bona juvanda non potest non sequi constans ac perpetua volitio, ejus felicitatem promovendi, quæ est dilectio ejus (§. 617. *P. I. Jur. nat.*). Ideoque mutua benevolentia includere debet mutuam civium dilectionem.

Habi-

Habitus diligendi alterum tanquam se ipsum, est charitas (§. 620. *P. I. Jur. nat.*). Quia, ut modo deduximus, mutua benevolentia includit mutuam dilectionem, quæ, ut sit, qualis esse debet, ex virtute debet proficisci: constat, simul mutuam civium benevolentiam includere & complecti quoque debere mutuam civium charitatem.

Denique quia amicitia est mutuus plurium amor, & mutua eorum erga se invicem charitas (§. 675. *P. I. Jur. nat.*), & per demonstrata mutua benevolentia continere debet mutuum hominum amorem, mutuam dilectionem charitatemque; relinquitur, mutuam civium benevolentiam parere etiam mutuam eorum amicitiam.

Gratia notare solet cum amorem & favorem immeritum, tum præsertim dilectionem, charitatem & amicitiam, nulli nostro operi debitam, vel præter meritum nostrum nobis sapienter testatam. Eo quod mutua civium benevolentia in confuse cognoscentibus affectibusque, amorem & favorem mutuum sibi adjunctum habet; & in distincta cognitione dilectionem, charitatem amicitiamque mutuam parit, per evicta: cogitur jam, eam quoque includere mutuam civium erga se invicem gratiam, quæ in primis superioribus erga inferiores tribui solet.

Est benevolentia fecunda mater plurium mentis facultatum, dispositionum & habituum alterius cujusque statui externo perficiendo inhiantium & inservientium. Neque inepte mater amoris & favoris (*Gunst*); ut affectus, diceretur, quatenus in his vel neglecta tantum est distincta cognitio & directio intellectus, quæ adhiberi potuisset; vel si quondam adhibita est, in celeritate actionis non attenditur, sive sit oblivioni data, sive tantum mora desit, ad illam distincte in animum revocandam sufficiens. Vti v. g. quando legimus, non amplius distincte memoria recolimus omnes atque singulas recte legendi regulas, sed per habitum illis promte utendi adquisitum, deproperamus lectionem,

in confusa regularum legendi notitia adquiescentes. Plures vero dari hujusmodi filias benevolentiae genuinas, infra ostendetur in misericordia mutua, concordia mutua, lenitate, mansuetudine mutua, similibusque. *Plerumque nec abs re hoc genus bonorum poni solet in amicis & amicitia.*

## §. 568.

*Modus mutua-  
tuam civium eos,  
benevolentia-  
am obtineu-  
di.*

*Mutua benevolentia inter cives excitanda & tuenda est tum per quorum & in civitate obligatio est & officium docendi & perficiendi alios in virtutibus; tum per leges ad eam obligantes, earumque sapientem executionem.* Scilicet mutua civium benevolentia est virtus (§. 567.). Quæ si excitanda est in animis hominum, eorum facultas bene volendi & cupiendi aliis traducenda est in habitum, ut is animo ingeneretur, & in illo oriatur; si tuenda est, is habitus est conservandus, ut constans maneat & perpetua illa voluntas virtusque. Jam virtutes naturales non adquiruntur, nisi leges divinas doceant hi, quorum hoc est officium, uti in domo patres & matres familias, in scholis præceptores & professores, in templis concionatores, in curia & tribunali magistratus & iudices; nisi convincant animos de suo officio legibus obsequendi, ut viva cognitione earum actiones suas ipsis conformare suum arbitrentur; nisi modum legibus satisfaciendi ostendant, exemplis præluceant eundem; nisi exempla imitari, & leges exercere curent; exercitia vero emendent & continuent, donec quam optime succedunt. Eadem non conservantur nisi continuato subinde exercitio, & remotis earum depravationis causis. Quod satis superque ex moralibus constat. Eapropter mutua benevolentia & in civitate excitanda tuendaque est per eos, qui & civiliter obligantur ad virtutes sua doctrina, auctoritate publica, & exemplo instillandas aliis, perficiendasque.

Sed quia hi, qui cum imperio sunt, plurimum in civitate valent, & naturali obligationi civilem per præmia morigeris



geris pro meritis largienda, & pœnas immorigeris infligendas addere possunt ac debent, quoties id salus publica requirit (§. 396 P. VIII. Jur. nat.); & leges ferendæ sunt de his, quæ fieri a civibus debent, aut omitti, seu non fieri (§. 582. *ibid.*): mutua benevolentia civium quoque legibus civilibus est inculcanda, & quando actiones civium secundum illas leges sunt adjudicatæ, sententia est exsequenda (§. 555. *seqq.* P. VIII. Jur. nat.).

## §. 569.

*Omnium atque singulorum civium est, mutuam benevolentiam Modus provocare, & fovere suis persuasionibus factisque huc comparatis, hoc est tholicus. sua erga alios benevolentia exemplis indubitatis.* Omnes enim atque singuli cives quodam gaudent commercio cum aliis civibus suæ & peregrinæ civitatis, saltem possunt eo gaudere, idonea ratione id flagitante. Quo hic utimur postulato. Sed dum rem cum ipsis habent, possunt ea ipsis persuadere, quæ mutua perfectionis felicitatisque ratio commendat, possunt jubere, consulere, commendare, laudare, rogare, adhortari, allicere (§. 983. *seqq.* P. I. Theol. nat.) & (§. 125. *seqq.* P. II. Phil. pract. univ.). Cum vero nihil in moralibus efficacius & vulgatius sit, quam exemplo suo docere, & inducere alios ad idem agendum (§. 275. & 277. P. II. Phil. pract. univ.) & æmulandum (§. 289. *ibid.*): mutua quoque civium benevolentia optime provocatur, conciliatur, colitur & fovetur exemplis benevolentia aliis quibusque præbendis. Sua nempe benevolentia quilibet accendit & fovet benevolentiam aliorum erga se omnium optime validissimeque.

Non potest non unicuique placere, alterius in se benevolentia, quam experitur, uti malevolentia per se displicet. Sensu igitur benevolentia alterius commoveretur: duciturque naturaliter quilibet, ad vicissim alteri bene cupiendum, idque pariter declarandum ita, ut & alter id sentiat & indubie experiatur. *Suc-*  
*(Wolffii Politica P. III. Sect. II. C. III.)* U u u *currit*

currit ipsi lex æquitatis naturalis: quidquid merito vis, ut alii tibi faciant, id fac & ipsis (§. 99. & 102. P. I. Jur. nat.). Jam cupiunt merito, ut alii erga ipsos potius sint benevoli, quam malevoli. Idcirco vident, & se benevolentia sua complecti alios debere. Hæc est illa regula vulgaris: si vis vel cupis, ut alii sint benevoli erga te, anteverte eos tua in ipsos benevolentia, vel esto ipse benevolus erga eosdem, & fac, ut id reapse experiantur.

## §. 570.

*Et in aliis  
similibus  
procedens.*

Quæ de benevolentia mutua comparanda exposuimus, eadem quoque valent de dilectione, charitate, amicitia, gratia, clementia, humanitate, officiositate, justitia, æquitate, fide, patientia, mansuetudine, placabilitate, de liberalitate, beneficentia, misericordia, grata mente, lenitate, sinceritate, veracitate, taciturnitate, urbanitate, concordia, mutuis reddentibusque vicem. Sunt enim hæ omnes virtutes ad aliorum statum externum perficiendum, augendam eorum felicitatem, quod suum est, vel symbolam suam, conferentes haud secus ac benevolentia, uti ex *Jure Naturæ & Ethices P. V.* constat. Quapropter quæ de benevolentia ostendimus (§. 568. seq.), eadem ob rationis paritatem de ipsis iridem sunt admittenda atque tenenda. Conf. de humanitate Rectoris erga cives §. 273-276. P. VIII. Jur. nat. Licet vero amor, commiseratio & favor vulgaris non sint virtutes, sed nudi affectus; quatenus tamen regi ab intellectu, & in consensum cum virtutibus redigi possunt, eatenus & modus excitandi fovendique hos affectus non discrepat ab eo, quo istæ virtutes gignuntur, nisi in cognitionis gradu inferiori h. e. in confusa tantum sententia eorum, quæ in virtutibus distincte & plenius perspiciuntur (§. 1078-1083. P. VIII. Jur. nat.).

Hinc dici consuevit, si vis amari, ama; si cupis aliorum favorem, faveas & ipsis; si commiserationem mereri cupis, commiserator ipso vicem uti tuammet. Quæ locum in bestiis itidem

dem habere intelliguntur, quæ & ipsæ amant se amantes, & quos amant pullos, eos & protegunt ac defendunt, quanta vi possunt; uti vice versa oderunt se odio habentes, irascunturque sibi iratis, atque vicem reddunt in cæteris, ut v. g. equus equum, mulus mulum scabat &c. Commune ergo hoc genus agendi & naturale est animalibus, nec homini proprium, multo minus singulare quiddam est in hominibus, sed vel sceleratis usitatum, *Matthæi V, 46. seq. Lucæ VI, 31. seqq.* Multo magis igitur in virtutibus id est frequentandum excolendumque.

## §. 571.

Quia civium concordia est promovenda (§. 570.), *discordia eorum privata publicaue autoritate est præcavenda, & si qua obor-civium dis-ta fuerit, mature in prima herba suffocanda.* Vti enim concordia cordia. eandem circa officia plurium voluntatem, qua unus idem vult, quod vult alter, & idem non vult, quod non vult alter (§. 132. P. 7. *Jur. nat.*): sic discordia diversitatem seu repugnantiam animorum circa officia sistit (§. 133. *ibid.*), ut dissideat plurium voluntas circa officia erga se invicem, itaque unus id velit, quod non vult alter; & alter nolit, quod alter vult. Quoniam cives obligantur ad legum observantiam, pariter ac socii (§. 60. *ibid.*), & ad eadem officia charitatis, humanitatisque sibi invicem præstanda (§. 618. *seqq. P. I. Jur. nat.*), civiliter quoque obligandi sunt (§. 396. P. VIII. *Jur. nat.*), providendumque, ut facilius idem fieri possit, quam in statu naturali (§. 397. *ibid.*): oppido patet omnibusque, discordiam, per quam alii detrectant ea aliis præstare officia, quæ sibi tamen ab illis præstari cupiunt, aut jam præstita sunt, privata pariter aliorum civium, ac publica magistratus autoritate esse præcavendam, ne oboritur (§. 562); si tamen irrepsit, eam quantocyus esse tollendam extinguendamque (§. 566.).

Civitates, inquit *Aristoteles Nicomach. IX. c. 6.* concordēs sunt, cum de conducentibus consentiunt & eadem eligunt agenda; ut,



cum omnibus placet, magistratus esse eligendos, cæt. Discordes autem sunt, cum non consentiunt circa illa, sed alii alia fieri cupiunt.

## §. 572.

*Et dissidia.*

Cum dissidia & sententiarum divortia pariant dissensionem & discordiam circa mutua officia, locuplete experientia teste: apparet, ob discordiam inter cives evitandam (§ 571.), curandum pariter esse in civitate, ne irripant dissidia, invalescant, & augeantur; sed potius, ut civium circa mutua officia consensus obtineatur foveaturque, & ut oborta dissidia e medio quantocyus tollantur, interposita præter naturalem & civili obligatione (§. 568.).

## §. 573.

*Litesque sopiende.*

Quia lites & controversiæ civium, de suis rebus & jurbus privatis ex dissidiis eorum circa illa oriuntur: manifestum est per §. 572, eas aut amica ratione esse componendas, adhibitis, pro ut consultum deprehenditur, arbitris & conciliatoribus æqualis aut superioris conditionis; aut, si id fieri nequit, a judicio publica autoritate, rite excussis omnibus momentis, decidendas, ut quantocyus cessent (§. 983. seqq. P. VIII. Jur. nat.). Quod eo diligentius curandum, quo plures cives aut familiæ litibus implicantur.

## §. 574.

*Præcavendæ factiones &c.*

Multo magis cavendum est, ne inter complures cives de rebus publicis oriantur dissidia, diversa studia & factiones, emulatione quadam de principatu contendentes, indeque tumultus & seditiones contra magistratum. Etenim si dissident cives de re publ. dissentiant de illius constitutione (§. 16. P. VIII. Jur. nat.), v. c. circa onera & jura civium, quorum illa minui, hæc augeri sibi que tribui cupiunt, idque aut jure suo se facere arbitrantur, aut, si jure destituuntur, vi tamen aliove modo id impetratum eunt. Multos igitur sibi adjungunt socios adjuutoresque, & sic nascitur multitudo civium ab aliis dissidentium, quorum commoda & jura

jura in se derivari cupiunt, quæ factio audit, & plerumque in partem malam accipitur. Factionum obortarum contentione pravaque æmulatione de victoria reportanda, quam sperant, ipsa salus publica in discrimen adducitur, sæpeque multum patitur detrimenti, quod tristitia docent earum exempla. Ab-eunt illæ haud raro in tumultus, sive repentinos concursus fa-ctiosorum ad res suas vi urgendas contra alios, qui cum ingenti periculo, timore, trepidatione & perturbatione status civitatis conjuncti esse solent. Nec desunt exempla, ubi seditiones & rebelliones contra Rectores civitatis & bella intestina cum in-signi clade aut everfione reip. inde propullularunt. Quæ cum sint delicta & crimina graviora, majusque ac alia nocumentum & periculum afferant civitati, majori etiam cura & sapientia sunt præcavenda, & graviore pœna, si admittantur nihilo feci-us, coercenda (§. 626. seqq. P. VIII. Jur. nat.) pro meritorum ratione.

## §. 575.

Mutua benevolentia & concordia requiritur inter omnes *Promovenda* societates minores quæ in rep. requiruntur, earumque omnes *societatum* socios (§. 136. P. II. Jur. nat.), qua quippe fieri solet, ut res *minorum* parvæ crescant, uti discordia vel maximæ dilabuntur. Cum *concordia.* societates minores & familiæ segreges in civitatem coëant, ac velut in unum corpus consociatione coalescant, propter suam & indigentiam vitæ cultioris affluentiaque rerum omnium sic melius adipiscendam, & propter impotentiam arcendi aliorum injurias, ut illis depellendis, vindicandis & fini suo rectius & ex asse consequendo pares evadant (§. 1. seqq. P. VIII. Jur. nat.): manifestum est, concordiam in societatibus minoribus quibuscunque in se ac inter se & privata sociorum singulorum, & publica cura esse querendam tuendamque; & præcavendam cum sociorum in qualibet, tum & societatum illarum inter se discordiam (§. 565. seqq.).

## §. 576.

*Uti civita-  
tum mino-  
rum & pro-  
vinciarum.*

Inter societates minores referuntur provinciæ (§ 125. P. I. Polit.), & civitates minores, quæ majori compositæ quomodocunque subsunt (§ 143. & 149. *ibid*); item ordinum reip. omnium (§. 126. *seq.* P. II. Polit.). Quia civitati curanda est concordia minorum societatum, quæ in illa dantur, aut cum illa confociantur, & præcavenda earum discordia in se atque inter se invicem (§. 575.): *conficitur inde officium civitatis procurandi & singularum provinciarum seorsum spectatarum, & earundem quoque confociatarum inter se omniumque reip. ordinum mutuam benevolentiam, concordiamque (§. 569. seq.); & avertendi sapienter earum separatim aut conjunctim sumtarum discordiam diffidiumque.* Si civitates minores diversis gaudent provinciis, uti provinciæ diversis gaudent oppidis, urbibus, pagis, vicisque & familiis segregibus: partium quoque harum concordiam in se atque inter se esse promovendam; discordiam vero præcavendam, litesque exortas tollendas, indubitatum est (§. 571.).

## §. 577.

*Societatum  
literariarum  
& civilium.*

Argumentis iisdem, quæ attulimus §. 576, constat quodque, curandam esse concordiam, avertendam vero discordiam in societatibus inventricibus pariter ac doctricibus omnium scientiarum & artium, liberalium & illiberalium, quocunque nomine appellentur, tum in universa civitate, tum in singulis ejus partibus confociatis, provinciis, urbibus, pagis, vicisque. Neque tantum in unaquaque hujusmodi societate inter socios ejusdem, verum quoque inter diversas quascunque societates, vel inter quoscunque diversarum societatum socios idem est observandum (§. 575.). Includi hisce societates mercatorum majores, cujusmodi sunt Indiæ eisque similes, & minores, cujusunque generis mercaturæ; tribus opificum, artificumque; facultates diversas eruditionis, academias qualescunque &c. vel me tacente liqueret.

## §. 578.



## §. 578.

Neque aliis opus est rationibus, ad ostendendum civita- *Familiarum*  
tis officium procurandi concordiam & avertendi discordiam *familiarum, & domorum.*  
sæpe longe lateque diffusarum, nobilium & plebejarum, atque  
*domorum singularum,* urbanarum rusticarumque, seorsim & con-  
junctim spectatarum (§. 575.).

## §. 579.

Ob parem rationem procuranda quoque est concordia *Societatum*  
herilium, paternarum & conjugalium, e quibus domus coalescere *heril. pat. &*  
solent. Avertenda autem earum discordia, & si qua oborta *conjugalium.*  
est, propediem sopienda, aut in judicio decidenda (§. 573.).

## §. 580.

Quia amicitia majorem infert mutuam benevolentiam, Cur amici-  
quam concordia, uti patet ex definitionibus & consuetudinibus in- *amicitia magis sit*  
ter se comparatis (§. 625. seqq. P. I. Jur. nat.) & (§. 132. seqq. P. studendum?  
VII. Jur. nat.): majori quoque cura incumbendum est in illius inter  
cives frequentiam constantiamque. Eapropter & contraria amicitia  
inimicitia parili cura est avertenda (§. 566.). Cum utrumque pro-  
pter majorem gradum salutis publicæ, ad quam omnia in civi-  
tate constitui & collineare debent (§. 394. P. VIII. Jur. nat.), cu-  
randum sit (§. 565.): evidens est, quo major est amicitia aut inimi-  
citia, eo majori quoque studio illam esse fovendam augendamque, hanc  
minuendam delendamque modis (§. 568. seq.) præscriptis.

Benevolentiam similem esse amicitia, non tamen ipsam amicitia-  
am, bene observavit *Aristoteles Nicomach. IX. c. 5.* his verbis:  
*Ευνοια Φιλία μὲν εἰσὶν, & μὴν ἐστὶ γὰρ Φιλία. Cap. 6.* vero addit,  
pertinere concordiam ad amicitiam vulgarem, dum ait *Φιλικὸν δὲ*  
*ἢ ὁμόνοια φαίνεται . . . πολιτικὴ δὲ φαίνεται ἢ ὁμόνοια,* cum ver-  
setur circa conducentia societati, & quæ ad vitam communem  
requiruntur, nec nisi inter probos permanens sit. Neque enim  
necesse est, ut, qui concordēs sunt, iidem & sint inter se amici.  
Possunt enim sui causa concordēs agere, quidquid agunt, quate-

nus eorum commodum commune est; sed amici agunt alterius potissimum causa, quod agunt, dum ex amore alterius & charitate felicitatem ejus quærunt, & alterius felicitate tamquam suamet delectantur. *Foveri* hic dicitur, cujus ortum, progressionem, conservationemque nostro favore complectimur, nostroque dignamur auxilio præsidioque.

## §. 581.

*Et amicitia  
arctiori con-  
sanguineo-  
rum.*

Cum inter parentes & liberos tam arcta intercedat societas, a qua per educationem omnis liberorum felicitas (§ 710. seq. P. VII. Jur. nat.), & per successionem in patrimonium omnis fere eorum fortuna post Deum dependet (§. 975. seqq. § 982. *ibid.*): arctior inter parentes & liberos consanguineosque intercedere debet mutua benevolentia, concordia & amicitia, quam inter cæteros cives (§ 733. § 804. *ibid.*) & (§. 506. *Oeconom.*). Quare cum concordia & amicitia in civitate sit fovenda & procuranda, discordia vero proscribenda (§. 565. seqq. § 570. § 575.): patet, amicitiam mutuam inter parentes & liberos, omnesque consanguineos eo magis esse fovendam, quo arctior illa esse, atque ideo, quo plus prodesse & civibus inter se & civitati ipsimet debet (§. 580.). Eo majori studio quoque discordia inter eosdem est præcavenda atque tollenda.

## §. 582.

*Præcipue  
conjugum.*

Inprimis arctissima dari debet amicitia & familiaritas inter conjuges, quorum bonorum, corporumque intima datur communicatio (§. 98. *Oeconom.*). Quæ cum, quo arctior est, eo magis profit & conjugibus inter se, & eorum soboli, & domo, & ipsi civitati universæ, per sobolis procreationem, qua morientium civium numerus & supplementa nanciscitur & incrementa (§. 270. seqq. P. II. Polit.): illa & eo majori studio & doctrina & autoritate publica ac potestate magistratus procuranda, fovenda & amplianda est in civitate, & discordia atque inimicitia conjugum præcavenda terminandaque (§. 580.).

§. 583.

## §. 583.

Quoniam conjuges arctissima inter se non solum amici- *Hinc expedi-*  
tia sed & unione gaudent (§ 98. *Oecon.* & §. 469. *P. VII. Jur. ta sint ma-*  
*nat.*), ita, ut omnes eorum res secundæ adversæque sint com- *trinitia.*  
munes; consequens est, ut ea omnia, quæ quis sibi debet, de-  
beat & alteri, & quæ alteri obtingunt, sibi obtigisse statuatur (§.  
470. *P. VII. Jur. nat.*), & perpetua inter eos esse debeat vitæ  
consuetudo (§. 473. *ibid.*). *Insignis illa cura amicitie conjugal*  
*in rep. quam optime fovendæ augendæque (§. 582.), requirit, ut*  
*civibus facillimæ reddantur conditiones conjugiorum, & impedimenta*  
*eorum tollantur, quantum licet & sapienter fieri potest (§. 273. & 826.*  
*seqq. P. VII. Jur. nat.) & (§ 561.). Idem valet de incolis, mer-*  
*cenariis, servisque (§. 196. P. II. Polit.).*

## §. 584.

Redduntur autem conditiones matrimoniorum expedi- *Modi matri-*  
tæ, si, quantum naturaliter & moraliter fieri potest, in civitate *monia expe-*  
licitæ sint societates conjugales; si, temere consensum denegan- *diendi.*  
tibus, vel parentibus vel tutoribus, is publica autoritate sup-  
pleatur; si favore & præmiis conjuges etiam propter prolem  
aptam foveantur laudabiles; si suppetant ac suppedientur ipsis  
facile & gratis fere, quantum fieri potest, ea, quibus opus est ad  
recte ineundum gerendumque matrimonium, ut alere se & li-  
beros honeste pro sua sorte in eodem possint; si obligentur  
ad ineundum matrimonium, vel quando jus civitatis & com-  
moda civium obtinere cupiunt, vel quando cæteræ rationes ci-  
viles non obstant; si denique dissolutio matrimonii non ad-  
mittatur, nisi quando eam postulant rationes gravissimæ Quæ  
subsidia conciliandi conjugii, ejusque impedimenta tollendi,  
cum cuilibet facile pervia videantur, neque ab usu abhorreant,  
non videntur egere ulteriori discussione moralis necessitatis (§.  
941. *Ontol.*) & (§. 583.).

(Wolffii Politicæ P. III. S. II. C. III.)

Xxx

§. 585.



## §. 585.

*Quomodo fe-* Vt pariter durante ac finito matrimonio sexus sequioris  
*minarum* & imperitiæ & imbecillitati consulatur, *concedi eidem debent tum cu-*  
*viduarum* ratores litis & graviorum negotiorum, tum privilegia restitutionis in  
*fortuna pro-* integrum, salutis publicæ non adversa. Quoniam imperium civile  
*spiciendum* ? ita exercendum, ut bonum publicum, quantum fieri potest, pro-  
 moveatur (§. 809. P. VIII. *Jur. nat.*): privilegia quoque non re-  
 mere, sed salutis publicæ causa sunt danda (§. 872. *ibid.*). Qua-  
 re curandum est, ut & muliebres actus, saltem externi, in civi-  
 tate ad salutem publicam & legem naturæ componantur (§.  
 395. *ibid.*). Quod quatenus præ imperitiæ & sexus sui infir-  
 mitate fieri nequit sine privilegiis ipsis indultis, concedenda  
 ipsis sunt privilegia eodem comparata; quatenus vero egent  
 curatoribus negotiorum & causarum suarum, quibus per se  
 impares sunt, præsertim litigiosarum, ne præter rem in foro  
 protrahantur (§. 985. *ibid.*), ipsisque injuria fiat (§. 532 *seqq.*  
*ibid.*): dandi ipsis sunt curatores, obligandique ad earum res  
 fortunasque recte gerendas.

Hujusmodi privilegium apud Romanos erat *senatusconsultum*  
*Vellejanum*, quo cavebatur, ne feminæ pro alio intercedant, itaque  
 fidejussiones temerariæ & noxiæ earum irritæ declarabantur. Si-  
 militer, ne aliis contractibus virgines viduæque callide circum-  
 veniantur lædanturque, aliis juribus prohibetur, ne obligentur  
 nisi adhibito curatore; neque in foro quidquam valide suscipi-  
 ant, sine curatore litis, ubi in periculum vel damnum ignoræ  
 deducerentur. Æquum enim erat, ut infirmitati earum publica  
 subveniret tutela, ne emungantur rebus suis.

## §. 586.

*Uti promo-* Parentum officium erga liberos amandos fortunandosque promo-  
*vendum sit* vendum est obligatione & potestate civili, ut liberi immorigeri rite coër-  
*parentum* ceantur. Parentum quippe est summa σοφῶν, liberos & recte  
 edu-

educare & pro viribus fortunare, item operam dare, ut liberi officium liberis consequantur vel ea fortunæ bona, quibus ipsimet carent (§. 395. P. VII. Jur. nat.). Quod uti rationes jubent privatæ (§. 400. Oecon.): ita publicæ jubent rationes, ut illud parentum officium publica autoritate & obligatione juvetur, præsidioque publico, quoties eo indigent (§. 396. P. VIII. Jur. nat.), firmetur, ad liberos vel immorigeros melius compescendos, vel morigeros ultra id, quod soli valent, fortunis tractandos, superiore ob præclara in rep. vel in ipsummerita beneficium parentibus in liberis reddente (§. 659. P. VIII. Jur. nat.). Eadem rationes quoque jubent, negligentes officii sui parentes, vel eidem contraria molientes, vi cohibere, pœnisque promeritis ad officium suum sapienter revocare, saltem qua actiones externas (§. 395. *ibid*); ne tamen negligatur & internarum inculcatio per publicos doctores (§. 459. *ibid*).

## §. 587.

*Liberorum virtutes erga parentes & fortunæ eo magis publice Cura libertuenda augendaque sunt, quo magis id merentur; ceteris ad militares rum fortunæ & mercenarias operas adactis, vel ad opera publica damnatis, unde suas ex meritis stententur, ut a sceleribus avocentur. Est enim status civium per totum juvandi. ficiendus, quantum sapienter fieri potest (§. 561.), fortunis eorum secundis defensis & adauctis, adversis profligatis (§. 562.). Pertinet autem ad liberorum fortunam parentum in liberos amor & charitas, tum cæterorum consanguineorum, affinium, amicorum, civium, patronorum & superiorum benevolentia gratiaque, unde sperare patrimonium, auxilium, dignitates, & redditus in suo vitæ genere recte instituto possint (§. 563.). Hæc mereri rectius nequeunt, quam summa erga parentes pietate, cæterisque virtutibus effulgentes (§. 785. P. I. phil. præf. univ.). Quam ob rem accendendi sunt liberi, & obligandi ad sua erga parentes cæterosque cives omnes officia*

virtutibus rite obeunda. Bene animati dum sunt, merentur; ut eorum fortunæ in tuto sint, incrementisque subinde altius evehantur; idque eo magis, quo magis id merentur.

Qui autem minus aut parum merentur, hi tamen operis militaribus aliisque mercenariis dicari poterunt, ut pro suo quoque modulo alios sibi reddant benevolos, & in se alendum propensos, quando aliter rectius fortunæ suæ consulere nesciunt nequeuntque. Nam & hujusmodi operis indiget salus publica, unde, qui eas aliorum causa subeunt, ab iis alendi sunt, qui ipsorum operis indigent. Magistratus igitur est, curare, ut id ex æquitate fiat sine cujusquam læsione, & adigantur ad eas subeundas, qui mallent otiosi aut mendicare (§. 395. P. VIII. *Jur. nat.*).

Male animati autem & ad scelera proclives ab iisdem severe avocandi sunt, & si pœnas jam meruere, damnandi ad opera publica pro tenui victu subeunda, ut, si fieri possit, sicrescipiscant, & vitæ genus emendent. (§. 616. P. VIII. *Jur. nat.*).

Ita olim degeneres & scelerati damnabantur ad pistrinum, ad triremes, ad metallum, quod & inter nonnullos hodieque usu venit. Plerique tales hodie damnantur ad alia opera publica, v. c. ad ergastula, ad fodinas, ad munimenta publica, ad cloacas repurgandas, ad ministeria carnificum, & quæ his sunt affinia, laborum duriorum & continenter extorquendorum genera diversa.

§. 588.

Uti pupillo-  
rum fortunæ  
consulatur. Pupillis quando nulli sunt parentes vicarii, aut, qui sunt, male  
ipsis consulunt, merito rectius consulit magistratus tutelaris, dando ipsis  
tutores, eosdem ad officium tutelare obligando, ad rationes reddendas  
vocando, nocentes ad restitutionem damni adigendo ac puniendo remo-  
vendoque, paratam vero pecuniam, quæ tuto usuris dari non potuit, loco  
publico secure conservando. Videlicet superiori in civitate curan-  
dum est, ut pupillis sint tutores, qui eorum & educationi &  
fidei



fideli bonorum administrationi diligenter præsent (§. 758. P. VIII. Jur. nat.), ideoque non admittendi sunt ad tutelam nisi idonei viri; si tales sint testamento instituti vel legitimi, hi prævia cognitione sunt confirmandi, vel alii meliores ipsis dandi (§. 759. *ibid*); instituendus est magistratus tutelarior, qui in id inquirat, qui confirmer, det & suppleat tutores, quique ceu tutor superior curet, ut recte educationi & administrationi bonorum pupillarium præsent (§. 760. *ibid.*). Ne magistratus tutelarior suo defit officio, ab eo provocatio concedenda ad magistratum superiorem (§. 549. *ibid.*).

Magistratus igitur tutelarior est, tutores legitimos vel a parentibus electos, si idonei deprehenduntur, confirmare, in contrario casu eos non admittere, sed æque ac si nulli essent, meliores dare, hos ad officium suum & ad rationes reddendas obligare, eorum educationi & administrationi attendere, quæ minus recte fiunt, emendare, damnorum datorum restitutionem imperare & exsequi, corrigi nescios remove, melioribus suffectis, paratam pupillorum pecuniam, quando deficit tuta usurarum conditio, in loco securo asservare, item cavere, ne immobilia eorum bona sine necessitate aut aperto pupilli emolumento alienentur, & finita recte tutela, rationibus examinatis, tutores absolvere ab ulteriori obligatione omnique impugnatione gestæ tutelæ causa. Patent hæc ex rationibus sub finem §. 584. memoratis.

## §. 589.

*Herilis societatis fortunis publice consulitur obligatione herilium Modus herilis societatis fortunæ con-*  
*servilium personarum per leges civiles ad mutua officia naturalia*  
*recte præstanda, & per pœnarum executionem in earum transgressores.*  
 Additur enim per leges civiles nova obligatio legibus naturalibus adversus eos, qui obligationi naturali haud obsequuntur (§. 395. P. VIII. Jur. nat.), quæ si naturalis tantum imperfecta est,

eam facere potest communis boni causa perfectam (§. 977. *ibid.*), ut invitis extorqueri possit. Quare sic saluti & fortunis herilis societatis publice consulendum esse liquet (§. 579.), ut publica autoritate & potestate desides & otiosi adigantur ad serviendum, & dum serviunt, in tuto collocetur herilium personarum fortuna, & defendatur justa animadversione in serviles personas a pacto societatis suæ desciscientes; vice versa quoque caveatur, ne injuria fiat servantibus a quoquam, aut, si qua facta sit, ea reparetur publica magistratus autoritate (§. 579.).

## §. 590.

*Quid curandum circa honorem.*

Quia curandum est in rep. ut bene de eadem merentes, a cæteris honorentur (§. 761. P. VIII. Jur. nat.): opera sapienter navanda est, ut cuncti virtutibus theoreticis practicisque intellectum & voluntatem perficiant, seu honorem mereri studeant (§. 565.), modis supra expositis; & qui obligationi naturali ac civili satisfecere, promerito honore afficiantur, ad ulteriora merita cum aliis incitentur, eoque magis ab omnibus honorentur, quo magis honorem virtutibus sunt promeriti, vel quo magis de rep. meriti sunt & meritori (§. 561.).

## §. 591.

*Quid circa ignominiam & injurias?*

Prout honore digni in rep. sunt honorandi, atque, ut illud fiat, publica curandum est autoritate (§. 590.): ita ferendum & injurias? in rep. non est, ut honore digni ignominia afficiantur (§. 769. P. VIII. Jur. nat.). Interdicendæ ergo non tantum sunt omnes injuriæ & verbales & reales, addita sanctione pœnali ad earum coercitionem suffectura; sed & illatæ vindicandæ pœnis sat gravibus (§. 770. *ibid.*). Hinc & eo gravius puniendi sunt in bene meritos injurii, quo majora illorum sunt merita, & quo majores eorum virtutes, horum autem injuriæ, pejoraque vitia, quibus male de rep. merentur (§. 626. *ibid.*). Idem quoque statui debet inter eruditos (§. 1021. *ibid.*).

## §. 592.

Fieri nequit, ut singuli cives merita aliorum in remp. distincte Quinam de agnoscant, & unumquemque tanti existiment, quanti meretur. Teste meritis in enim experientia maxima civium pars est rudis, ideoque nec remp. iudices distincte virtutes humanas novit, nec eas a vitiis satis discernere didicit, multo minus latentem aliorum animum ex factis æstimare. Sed quis honorem mereatur, nec ne, id ex perspectis accurate virtutibus & vitiis, & ex factis, tanquam insignibus judicandum est (§. 553. P. I. Jur. nat.). Solide eruditi ex factis certo, saltem probabiliter colligere virtutes animi possunt, sed tum demum, quum personarum & factorum certa & distincta gaudent cognitione (§. 540. *ibid.*) Quæ cum & pauci tantum eruditi gaudeant, usu rerum magistro; manifestissimum est, fieri non posse, ut singuli cives per se distincte norint, quænam sint aliorum de rep. merita, quæ virtutes, & quantæ? Propterea quoque fieri nequit, ut unusquisque alterum quemcunque civem tanti faciat, quanti fieri meretur, aut quanti revera est.

## §. 593.

Dum fieri nequit, ut singuli cives merita aliorum in remp. De quibus accurate per se explorata habeant (§. 592.): ut constet, quinam hoc publico singularibus in remp. meritis gaudeant, id publico declarandum est iudicio a superiore, vel magistratu, aliove, cui id delegavit superior, qui id habet compertum (§. 540. P. I. Jur. nat.). Pariter a peritissimis harum rerum iudicibus accedente publica autocritate declarandum est, quo gradu meritorum, hi vel illi cives gaudeant. Denique quia modi honorandi alium varii esse possunt, & si quid pluribus modis fieri potest, lege civili præcipiendum est, quo modo id fieri debeat (§. 978. P. VIII. Jur. nat.): actus quoque externi, quibus honor ob merita in remp. bene de eadem meritis & me-



merentibus exhibeatur, lege civili determinandi, & ad earum legum observantiam cives ceteri obligandi sunt (§. 762. *ibid.*).

§. 594.

*Quod jura largitur* Publica hæc declaratio fieri potest partim fructu jurium honoris-  
*officia alio-* corum præcipuo bene meritis attributo; partim officiis præcipuis ab aliis  
*rum infert.* tur ut personæ morales, quarum dantur tum jura tum officia  
 ipsis honorifica (§. 70. P. I. *Jur. nat.*). Publico judicio dum  
 declarandum est, quinam singularibus meritis sint conspicui,  
 & propterea honorandi, utique id aperte fieri potest largien-  
 do bene meritis jura quædam præcipua, quibus alii destituun-  
 tur; & obligando alios ad officia honorifica ipsis præstanda,  
 quæ aliis non debentur. Prærogativa igitur jurium & officio-  
 rum fruendorum sapienter declaratur publice virtutum meri-  
 torumque præstantia; simulque hoc præmium virtutis invita-  
 mentum est aliorum ad æmulationem (§. 590.).

§. 595.

*Quid sint ju- Jura honorifica sunt dignitates civiles.* Jura enim sunt fa-  
*ra honori-* cultates legitimæ s. morales (§. 156. P. I. *Phil. præf. univ.*), eaque  
*fica?* sunt honorifica, quatenus cum benigno aliorum judicio ejus-  
 que indiciis sunt conjuncta (§. 538. P. I. *Jur. nat.*). Sed digni-  
 tates civiles non sunt nisi præcellentia supra alios in rep. nec  
 nascuntur, nisi ex certis juribus, quæ quibusdam præ aliis con-  
 ceduntur (§. 205. P. VIII. *Jur. nat.*). Atqui jura, quæ cuipiam  
 præ aliis tribuuntur, innuunt ejus virtutem & profectorum ex  
 illis meritorum in rep. præstantiam, quæ benignum meretur  
 judicium aliorum ejusque significationem. Quare pater, jura  
 civitatum honorifica non esse nisi dignitates civiles.

§. 596.

*Sunt signa præstantiæ* Dum dignitates civiles publicam inferunt præstantiam  
*recepta.* præ cæteris actibus externis declaratam (§. 205. P. VIII. *Jur.*  
*nat.*)

nat.), redeunt illæ ad signa præstantiæ recepta, quæ non promiscue omnibus tribuuntur, sed dum publica autoritate quibusdam tribuuntur, plurimis aliis denegantur, tanquam notæ præmiæque virtutum & meritorum tot eximiorum spectantur. Inde quot dantur signa præstantiæ recepta, tot dantur quoque diversa jura honorifica.

## §. 597.

Si honestamenta vocamus notas honestatis, vel virtutis & meritorum decora externa, ideoque in sensus incurrentia meritorum indicia; patet, honestamenta privata esse, quæ privata; publica autem, quæ publica autoritate & impensa constituuntur. Honestamenta præsertim publica in clypeis, scutis, armis, vexillis, sigillisque conspicua, insignia (Wapen) dici solent. Quibus accenseri quoque possunt alia virtutis insignia & decora, quæ in statuis, imaginibus, monumentis, numismatibus, torquibus, catenis, fasciis & ordinum signis pretiosis, annulis, similibusque consistere solent.

Decus nempe externum convenire debet cum internis virtutum decoribus (§. 332. P. I. Theol. nat.), vel decus externum est, quidquid animi honestatis documentum & indicium neutiquam dubium esse potest. Prout ornamenta pulchritudinem artificialem imitando naturalem, addunt. Apud Romanos honoris causa fasces præferebantur & secures a lictoribus, in usu erant prætexta tunica, angustus & latus clavus, trabea, paludamentum, sella curulis, carruca, rheda argentata, purpura, torques, jus spectandi in orchestra, &c.

## §. 598.

Signa præstantiæ recepta sunt tituli, insignia, & jura ordinis, loci & apparatus præcipua. Etenim signa præstantiæ præcipuum quidpiam inferunt, quod virtutum meritorumque in remp. nota & præmium esse possit (§. 596.). Talia vero habentur

(Wolffii Politica P. III. S. II. C. III.)

Yyy

par-

Diviso si-  
gnorum præ-  
stantiæ.

partim in verbis, seu vocabulis honorificis, quæ tituli appellantur (§. 763. P. VIII. Jur. nat.), partim in rebus, ad arguendam præstantiam adhibitis. Hujusmodi res sunt indicia honoris publica, quæ insignia vocantur (§. 597), & similia honestamenta; nec non jura præcipua ordinis, & loci in conventibus, confessibusque, uti jus proëdriæ, præcedendi, prærogativa suffragii similesque partes priores potioresque (§. 192.).

Quando dignitates civiles in titulis & præcedentia consistere perhibentur, uti §. 765. P. VIII. Jur. nat.; tum sub præcedentia, tanquam jure prioritatis in ordine a pluribus observando (§. 104. P. I. Jur. nat.), omnia jura comprehenduntur, quæ honoris causa in rep. dari possunt, nec in nudis vocabulis adquiescunt, præsertim jura ordinis prioris. Huc pertinet satellitium famulitiumque splendidum, vestitus, ornatus, suppellex, omnisque apparatus eximius.

§. 599.

*Quid curandum de titulis.*

Tituli vel notant munera reip. saltem cum potestate quadam alios gratis regendi, vel tantum merita hujusmodi muneribus æquiparanda, aut jura ad ea in posterum capeffenda (§. 763. P. VIII. Jur. nat.). Prioribus gaudentes actu sunt, quod esse dicuntur; posterioribus præditi, non sunt, quod dicuntur esse, aut mereri ut sint. *Ambo cum sint dignitates civiles (§. 598.): non nisi publica auctoritate debent concedi insigniter merentibus, & quando concessi sunt, ceteri sunt obligati ad eos his tribuendos, quibus sunt concessi (§. 763. 764. & 768. P. VIII. Jur. nat.).*

Dari titulos, qui honores indicant gratis exercendos, non indiget operosa probatione. Tutores patria gaudent potestate, in pupillos non sine onere gratis exercenda. Ita quoque alii dantur honores publici gratis subeundi, v. c. vitricorum ecclesiæ, scholarcharum, tribuni plebis, ordo magistratus plebejus, alique. Sunt igitur & hi tituli veri. Nudi autem tituli sunt eorum, qui vel nondum sunt, vel esse desierunt, quod esse dicuntur.



tur. Quorum tamen hi sunt potiores illis, utpote, qui revera fuerunt, quod titulus eorum notat, v. g. si quis dicatur consiliarius, consul, episcopus, centurio, qui talis fuit vel esse meretur.

## §. 600.

*Nē tituli evilescent, cavendum est, ne fiant venales; neque aliis Quid cavendum, ne vi-*  
 & pluribus concedantur, quam est e re publica. Neque enim con-  
 ferendi sunt nisi præclare meritis & merentibus (§. 193. & 766. *lescant.*  
*P. VIII. Jur. nat.*), ideoque non debent esse venales (§. 767.  
*ibid.*), sed potius præmia insignia meritorum (§. 768. *ibid.*). Si  
 vel plus licitantibus conferuntur, vel certam pecuniæ summam  
 offerentibus, non amplius meritis sed pretio oblato debebun-  
 tur, nec poterunt non evilesceere tanquam res venales, cujus-  
 cunque emturi pecuniæ cedentes. Quod ne contingat, non  
 debent fieri aut haberi venales ac venditari.

Si aliis dantur tituli, quam quibus e rep. dari possunt,  
 non unum inde nasceretur incommodum damnumque. Nam  
 si inopibus meriti dantur tituli, quorum fors & splendor multos  
 requirit sumtus, neque redditus illis tribuuntur simul, unde splen-  
 dori sustinendo sufficiant: meritis illi quidem gaudebunt hono-  
 ribus, sed quoniam impares eorum sunt splendori, eundem aut  
 auspicari aut tueri diu haud poterunt. Itaque immerito ex-  
 uerentur tenui patrimonio, cujus vires sumtus transcederent, quo  
 ipso non præmio forent affecti, sed pœna quasi. Sive autem  
 nihil splendoris soliti admitterent, sive parum; contemneren-  
 tur a splendide se gerentibus consortibus, aliisque, præter me-  
 ritum, veluti ad ignominiam damnati, quod scopo repugnaret.  
 Aut ergo tollendus foret is splendor, quod vix consultum, si  
 talis est, qualis esse debet, aut non conferendus ipsis hujusmodi  
 titulus. Similiter censendum est de merito majoribus titulis  
 vel gratuite datis.

Si porro non quidem venditentur tituli, sed vel promiscue cuilibet appetenti, aut precario & commendato, aut ex affectu dentur cuilibet, etiamsi haudquaquam merenti, itidem nimia eorum divulgatio efficeret, ut parvi vel nihili fierent, itaque merentes eorum vanitatis puderet. Ita sane fit, ut virtutis studium meritorumque, quod debebat provehi, sufflaminetur & evanescat. Quare ut ceu vera meritorum præmia in pretio habeantur, nec evilescant, more rerum vulgarium, aut prostibulorum, non debent tituli pluribus concedi, quam his, qui eos omnino merentur, nec majores, ac merentur (§. 593.). His nempe ut tribuantur, nec aliis, aut alia de causa, e re publica esse, ipsa eorum indoles docet (§. 598. seq.).

Non est, cur vilipendium titulorum augeatur præsertim nudorum, cum vel propterea, quia non sunt, nisi vocabula, quæ sat multis magni fieri non solent, qui res externas mallent, quam sonos nil afferentes novi, sed notantes modo, quod jam adesse intelligebatur. Velut si quis videnti & audienti ingeminare vellet: oculis præditus es auribusque. Sola partorum mentio meritorum aliquid habet, quod placere & voluptatem creare possit recordantibus, suis illa deberi vitutibus, tanquam bonis verisimis, constantissimisque. Non repugnat his, quod monitum est §. 623. P. I. Polit. & §. 193. supra.

## §. 601.

*Applicatio  
ad titulorum  
species.*

Quæ de titulis in genere ostensa sunt, eadem quoque valent de omnibus titulorum speciebus, cujuscunque sint conditionis (§. 235. seqq. Log.). Vnde quod §. 600. docuimus, non tantum de veris, sed & de nudis titulis accipiendum (§. 599. seq.).

## §. 602.

*Et ad eorum  
varias clas-  
ses.*

Dantur merito in rep. tituli omnis civium ordinis & varietatis, itque & in quovis genere gradu diversi (§. 190.). Scilicet recte adhibentur tituli, civiles, sacri, militares, literarii, & technici. Civiles obtinent in administratione reip. pacatæ, cujuscunque formæ.

mæ. Inter quos primum locum tenent nobilitatis gradus dignitatesque aulicæ, summum majestas (§. 676. P. I. Polit.). Sacri dantur in rebus ecclesiasticis, & in cura sacrorum belli pacisque tempore recte gerenda (§. 677. *ibid.*). Militares requiruntur ad res bellicas recte administrandas, uti ad regendos milites dignitates variorum ducum, chiliarcharum, centurionum omniumque præfectorum copiis, tum equestribus, tum pedestribus, tum nauticis; ad curandum comæatum, tormenta, arma, cæterasque res bellicas & impedimenta. Literarii occurrunt in omnibus functionibus eruditorum cujuscunque generis, & in dignitatibus academicis diversis (§. 333. *b. seqq.* P. II. Polit.). Technici denique tituli differunt tum ratione artium inter se, siue nobiliores sint, siue ignobiliores, siue mixtæ (§. 313. *seq.* P. II. Polit.) & (§. 796. *seqq.* Oecon.); tum ratione præstantiæ in qualibet arte, ubi plurimi fiunt, qui in arte sua maxime excellunt, & in aulis foveri solent; juribusque pluribus gaudent magistri, vel quocunque alio nomine appellentur, eorumque præsertim seniores, quam sodales adjutoresque magistrorum (*conf. not. ad* §. 333. *b. P. II. Polit.*). De singulis in suo genere intelligendum est, quod præcipitur §. 601. Aliqua tamen autoritas his titulis conciliatur (§. 805. Oecon.).

## §. 603.

*Insignia vel sunt vulgaria seu ignobilia, vel nobiliora.* Inferunt *Insignia vel* enim honestamenta & signa, vel privata vel publica, quorum illa *vulgaria vel* efficiunt vulgaria & ignobilia civium insignia; cujusmodi dantur *nobiliora.* in sigillis privatis, insignis opificum, cauponum, tabernarum ante fores expositis; in signis mercatorum & opificum, quibus sua opera & mercimonia ab aliis differre ostendunt, & in similibus signis nudi discriminis. Hæc autem dignitatem publicam eximiam notant, ideoque sunt nobiliora, nec nisi publica autoritate haberi possunt (§. 597.). Cujus generis sunt quæ-



vis insignia nobilitatis cujuscunque, item functionum aulicarum, cæterarumque publicarum, quibus ea placuit adjungi, uti sigilla & insignia provinciarum, urbium, collegiorum publicorum, cæt. (§. 209).

## §. 604.

*Quid statu-  
endum sit de  
ambobus?*

*Vulgaria insignia recte permittuntur privatorum arbitrio, quatenus nihil in illis admittitur, quod esset reip. adversum; nobiliora autem publica privatorum arbitrio relinqui nequeunt, etsi licitis eorum desideriis publica autoritate indulgeri possit.* *Vulgaria enim fere tantum discrimini civium attendendo interserviunt, privataque nituntur autoritate (§. 603).* Recte igitur illa signa privatorum optioni & arbitrio permittuntur, quibus ab aliis cupiunt discerni. Quoniam tamen quilibet civis obligatur ad commune bonum pro virili sua parte promovendum (§. 18. P. VIII. Jur. nat.), nec quidquam committere debet, quod eidem adversatur (§. 21. *ibid.*), nec pati, ut ab aliis eidem officiat (§. 22. *ibid.*); & qui secus agere audent, vi adigendi sunt, ut minimum actus externos ad legem naturæ & commune bonum componant (§. 395. *ibid.*): oppido patet, insignia vulgaria eatenus esse privatorum arbitrio reliquenda, quatenus in illis nihil admittitur reip. adversum.

Nobiliora autem & publica insignia non nisi publica autoritate sunt constituenda (§. 597.). Quamobrem privatis in publica jura invadere nefas est, neque ideo ferendum est, ut talia sibi arrogent insignia, quæ non nisi publica concedi debent autoritate; potius puniendi sunt, ut violatores publicorum jurium, qui vel ipsi sibimet duntaxat, vel aliis quoque clanculum insignia publica fabricare & concedere audeant (§. 858. P. VIII. Jur. nat.), vel qui alienare & communicare sua insignia sine consensu superioris non verentur (§. 877. *ibid.*).

Qua-

Quatenus vero insignia debite quærentes ob rationes idoneas licite desiderant potius hæc, quam alia insignia; eatenus nihil obstat, quo minus justis eorum desideriis in conferendis insignibus optatis indulgeatur ab iis, qui publicam exercent autoritatem (§. 397. P. VIII. Jur. nat.). Similia quoque valent de insignibus gentilitiis, familiarum, linearum earundem, & terrarum, cæterarumque dignitatum, concessionum, successionumque.

## §. 605.

De ordinibus honoris causa institutis instituendisque sapienter eo- Quid de ordi-  
rumque insignibus, idem tenendum est, scilicet, ne in illos recipiantur, nisi nibus bono-  
meritorum præmiis afficiendi, ad ulteriora merita accendendi, eoque ipso rificis.  
aliorum virtutes ad emulationem provocaturi. Sunt enim & illi in  
eundem finem instituti instituendique, in quem tendere debet  
omnis circa honorem cura civilis (§. 590.). Valent ergo & de  
illis cætera §. 599. seqq. adducta. Conf. §. 213. seq.

## §. 606.

Ordinibus honorificis tam sapienter utendum est, ut omnibus, qui- Quomodo iis  
bus possunt, commodis rempublicam augeant. In rep. enim circum- sit utendum.  
spicienda sunt & suppeditanda civibus remedia, se statumque  
suum & aliorum quam optime perficiendi, & conjunctis viri-  
bus enitendum est, ut id facilius fiat, ac fieri potest in statu  
naturali (§. 397. P. VIII. Jur. nat.). Immo quia meliora quæ-  
que cæteris sunt præferenda (§. 192. P. I. Phil. pract. univ.): &  
optima quæque salutis publicæ præsidia sunt cæteris antepo-  
nenda, & in amplissimos quosque usus transferenda, haud se-  
cus ac facultates singulorum (§. 172. P. I. Jur. nat.). Quapro-  
pter cum gloria sit stimulus ad præclara præstanda absque ulla  
spe lucri (§. 771. Psychol. empir.), & ordines honoratiores glo-  
riam præcipue alant: relinquitur, ordinibus honorificis tam  
sapi-

sapienter utendum esse, ut omnibus, quibus possunt, commodis salutem publicam mactent (§. 215.).

§. 607.

*Vsus eorum  
speciales.*

Possunt autem ordines honorifici inservire præmiis virtutum meritorumque 1) sine ullis impensis publicis, dum nudo honore & fortassis quodam signo haud magni pretii absolvuntur; 2) possunt utrique sexui perficiendo adhiberi, solentque dudum; 3) valent quoque ad cives cujuscunque conditionis, dignationis & nobilitatis distinguendos præmiis propter merita, acuendos ad majora, & ad incitandos complures alios ad eorum virtutes æmulandas, & merita exæquanda aut superanda; 4) possunt quoque gradibus distingui tum ordines ipsi, ut per minores ad majores adscendantur; tum ordines singuli, ut & in eodem manentes ad altiores ejus gradus per merita promoveantur, quemadmodum in aliis honoribus & collegiis progressio ad superiores dignitatis gradus usurpatur ab omni ævo. Quapropter cunctis hisce emolumentis publicis aliisque pluribus accommodandos esse ordines honorificos, dispalescit (§. 606.).

Vergit verus honor, & gloria civium solerter promota, non solum ad privatorum felicitatem augendam, sed & ad communem salutem, quatenus cæterorum civium virtutem excitat, & ad civitatis universæ famam & celebritatem. Quare Cicero L. V. de Legg. & Lib. VIII. Epist. ad Atticum ait, uti gubernatori cursus secundus, medico salus, imperatori victoria: sic moderatori reip. beata civium vita proposita est, ut opibus firma, copiis locuples, gloria ampla, virtute honesta sit resp. Sic & ad Quintum fratrem scribit: eo referenda sunt omnia iis, qui præsentunt aliis, ut ii, qui erunt eorum in imperio, sint quam beatissimi. Priscis temporibus legerat sibi Cyrus milites & præfectos, quos a quinione ad decuriam, ab hac ad manipulum, ab hoc ad centuriam seu cohortem, a cohorte ad chiliadem regendam, honoribus & stipendiis auctis evehebat, postquam partes priores recte ges-



Et gesserant, teste *Xenophonte in Cyropædia*. In Græcia ludi erant varii generis, in quibus quinque potissimum artibus seu pancratio certabatur, & victores coronabantur laurea, olea, palma, lemniscis, aliisque præmiis & honoribus. Similes ludi sed sumptuosi erant apud Romanos. Certabant quoque musici, scenici, poëtæ, alique eruditi suis operibus disputationibusque.

## §. 608.

*Jam reliqua jura præcipua ordinis & loci prioris in suffragio, De loco & confessu, incessuque sapienter quoque adhibentur ad præmia meritorum & jure priori incitamenta, quando non conceduntur nisi merentibus pro gradu meritorum, & in usus indubios amplissimosque conferuntur.* Conveniunt nempe cum ordinibus honorificis magna ex parte, dum honorem præcipuum continent & præstant iis, qui eo pollent principatu seu priori jure. Vulgo quoque similibus inserviunt usibus in honoris testificationibus, multoque minus egent impensis publici æris. Quapropter recte huc applicantur, quæ (§. 605. seqq.) sunt præmissa, cavendumque simul, ne dubia relinquuntur, funestis litibus ansam datura.

## §. 609.

*Cavendum quoque, ne qui immerito aliis præferantur, & merentes postponentur.* Etenim qui immerito aliis præferuntur, his ideo alii merentes postponentur. Denegatur igitur meritis, quod ipsis tamen debetur, contra §. 922. *P. I. Jur. nat.*; daturque affectui, pecuniæ aut precibus & commendationi aliorum, quod ipsis dari minime debebat. Ita animi a virtutum studio avocantur, ducunturque ad ea, quæ meritis non egent. Alii, cernentes immerito istos melioribus præferri, & prælatos, & locum priorem ipsum incipiunt despiciere, ut illi debitus honor detrahatur (§. 370. seq. *ibid.*), & sensim cesset non sine insigni reip. detrimento. Immerito prælati aliis dignioribus externo splendore eos vincere nitendo facile contrahunt æs alienum

num, suos ad egestatem redigentes; aut ne id fiat, alios vexantes & emungentes, quibus possunt, fraudibus, vi & sceleribus, vel publicos redditus depeculantes. Effervat se facile per superbiam super præstantiores (§. 888. *ibid.*), eosque opprimere nituntur, saltem calumniari non verentur, ut videantur imperitis esse, quod non sunt, illi vero non esse, quod sunt revera. Quo pacto præstantiores injuria afficiuntur (§. 874 *ibid.*), nascitur passim odium, invidia, obrectatio, factio, persecutio virtutum, & vitiorum tyrannis. Inde præstantiores, præsertim impares adversariis, cives abire malent ad aliam civitatem, aut ad vitam privatam, quorum neutrum sine damno reip. contingere potest. Cum damna civitatis, ut singulorum, sint avertenda (§. 493. P. III. *Jur. nat.*), cumque damnum reip. ex indigni electione datum, ab eligente sit resarciendum (§. 897. P. VIII. *Jur. nat.*), cavendum esse patet, ne qui immerito aliis præferantur. Inde si paria sint merita, sorte (P. III. *Jur. nat.*), aut jure proximo ad locum vacaturum dirimenda.

Est quidem civitati jus prohibendi, ne discedat, qui in aliquo vitæ genere præclaram reip. operam præstare potest (§. 405. P. VII. *Jur. nat.*). Sed uti hoc jus nascitur ex obligatione damnum suum avertendi (§. 404. *ibid.*) & (§. 186. P. VII. *Jur. nat.*): ita & civis quisque obligatur ad damnum quodvis, quantum in se est, avertendum (§. 493. P. III. *Jur. nat.*), ideoque nec civitas ipsi damnum dare debet; dum suum avertere damnum nititur. Danda igitur est opera, ut resarciat damnum civi ex negato discessu oriundum, quod in nostro casu fit, si eum pro meritis præferat illis, quibus præferri meretur. Quod nisi fiat, uti in societate negotiatoria prævidenti, damnosam sibi fore societatem, renuntiare eidem licebit (§. 1397. P. IV. *Jur. nat.*). Nemo enim cum damno alterius fieri debet locupletior (§. 585. P. II. *Jur. nat.*), sed, quantum in se est, & alterius damnum avertere obligatur (§. 495. *ibid.*). Quodsi privatus negligat, peccat; mul-

multo igitur gravius civitas, ob plurium in idem peccatum consensus, peccaret.

## §. 610.

Quoniam ad præclara in rep. merita civiliter nemo *Summa* rectius fortiusque obligari & incitari potest, quam dignitatibus civilibus (§. 771. P. VIII. Jur. nat.): manifestum est, *admodum* cavendum esse, ne vel a superiore, ejusve ministris, vel ab aliis *elicendi* *vibus* quidquam admittatur, quod huic meritorum fomento & fomiti esset *adversum*. Ferendum igitur in rep. non est, quidquid facit admittiturque ad verum pretium dignitatum civilium minuendum, ad eas contemtui exponendas, ad denegandum, quidquid ipsis debetur & illis, qui ipsis sunt condecorati, pœnis in transgressores expeditis (§. 591.). Contra ea *quidquid* facit ad excitanda præclara merita & augenda ampliandaque, id, quocunque licet modo, adhibendum, tuendum & amabile reddendum est.

## §. 611.

Dum gravius puniendi sunt, qui bene meritos ignominia & injuriis afficiunt (§. 591.), & dignitatibus civilibus rite *coercenda* ornati, sunt meritis in rep. insignibus eas consequuti (§. 768. *fit ignominia* P. VIII. Jur. nat.); gravius puniendos esse, qui ignominia afficiunt dignitatibus civilibus ornatos, quam illis destitutos, liquet *vili illata?* (§. 770. *ibid.*). Cum vero duplum sit eorum peccatum, alterum in eorum personam privatam, alterum in publicam, quam ob dignitatem civilem gerunt, quo ipsa læditur resp. (§. 769. *ibid. in Schol.*): *duplam* minimum pœnam merentur, quia in rep. peccatum per se jam gravius est puniendum privato peccato (§. 627. P. VIII. Jur. nat.).

Aliud tamen est, an ignominia solum in dignitatem civilem tendat, an simul in personam, quæ ornata est illa dignitate. Priori casu tantum publicum esset peccatum, quanquam quodamtenus indirecte simul ad omnes refertur, qui ea ornati sunt.



Posteriori casu, de quo hic agimus, directe simul læditur certa persona isthac dignitate induta, præsertim quatenus autor ignominia eam illius dignitatem non ignoravit, vel ob eandem personam criminatus est. Attendenda tamen sunt reliquæ peccati conditiones, culpam aut malitiam ejus vel minuentes, vel augentes; item aliæ rationes, vel mitigationem pænæ, vel ejus remissionem, vel exasperationem urgentes, ut pæna peccati conditioni respondeat (§. 625. *seqq.* P. VIII. *Jur. nat.*). Sufficit hic, generalem regulam liquere, cur pæna, quæ esse posset privati peccati, dupla esse possit, si lædat simul dignitatem personæ civilem.

## §. 612.

*Limitatio*

*pænarum ne-  
cessaria.*

Quia dignitates civiles varii sunt generis, & in quovis genere gradu diversæ (§. 602.): sapienter moderanda sunt pæna ignominiarum dignitates civiles afficientium, ut & dignitatis diversitati & gradui respondeant, nec graviores adhibeantur, ubi mitiores sufficiunt (§. 637. P. VIII. *Jur. nat.*). Quod & gravitati injuriæ verbalis ac realis, æstimandæ ex nocumento, quod affertur, & periculo inde imminente (§. 625. *ibid.*), ex culpæ aut doli gradu, ex frequentia, & loci conditione (§. 629. 634. *ibid.*), & ex qualitate patientis (§. 635. *ibid.*), pænæ sint attemperandæ, patet ex §. 626. & 636. *ibid.*

Quo major v. g. est dignitas civilis, qua gaudet ignominia affectus, eo major quoque debet esse pæna auctoris ignominia, cæteris paribus; & quo minor illa est dignitas, eo & leviori pæna punienda est injuria, qua afficitur. Prout magister opificii injuria affectus tantam pænam exigere nequit, quantum doctor aut nobilis pari injuria affectus. Interim in quavis hominum sorte privata duplo fere levior erit pæna ejusdem injuriæ, ac si publica simul dignitas personæ sit læsa (§. 611.).

## §. 613.

*Quid statu-  
endum de*

*Quatenus injuria plerumque comparata esse solet, eatenus illius pæna legibus est definienda; quatenus vero ex rationibus rarius occurren-*

rentibus æstimanda, itaque vel mitiganda est, vel aggravanda, eatenus pœnis ordi-  
indefinita sancienda, at sapienti arbitrio determinanda est pro re nata, nariis?

§ in consuetudinem deducenda. Pœnæ enim legibus constitutæ  
civibus, iisdem ab injuria absterrendis, esse debent notæ (§. 662. P. VIII. Jur. nat.), ideoque una cum legibus sunt promul-  
gandæ (§. 258. P. I. Phil. pract. univ.), ac subinde inculcandæ,  
saltem earum executione promerita (§. 656. P. VIII. Jur. nat.),  
prout, quando vel remittitur vel mitigatur, rationes illius sunt  
publicandæ (§. 657. *ibid.*).

Quare cum injuriæ vel solito plerumque more admit-  
tantur, vel insolito, & illius pœnæ e rep. definiri ac denomi-  
nari possint; ut certiores fiant civibus, iisdemque validius obli-  
gentur, pœnæ illæ ordinariæ legibus sunt exprimendæ. Quæ  
vero ob insolitam casuum varietatem definiri legibus non po-  
tuerunt, eæ sapienti judicum arbitrio in casibus similibus ita  
definiri possunt, uti sufficere deprehenduntur ad legum trans-  
gressionem, quantum datur, cohibendam (§. 585. *ibid.*). Quo  
facto pœnæ consuetudine definiuntur, & ut notæ sint civibus,  
in consuetudinem sunt deducendæ. Licet ergo legibus non-  
dum definiantur, sed indefinite indicentur, fore scilicet, ut pro  
re nata injuria debite puniatur; ipsa tamen recepta consuetu-  
dine definiuntur & civibus innotescunt.

§. 614.

Pœnæ autem arbitrariæ atque extraordinariæ sapienti quidem ju- Quid de ex-  
dicis arbitrio definiendæ relinquuntur; ita tamen, ut, cui illa justæ gra- traordinariis  
vior videtur, provocatione gaudeat ad arbitrium judicis superioris. injuriarum  
Pœnæ enim arbitrariæ legibus aut consuetudine non sunt defi- pœnis?  
nitæ, ideoque arbitrio judicis demum pro re nata definiendæ  
(§. 623. § 636. *seq.* P. VIII. Jur. nat.). Sed arbitrium illud vel  
est judicis inferioris, vel superioris aut omnino supremi in rep.  
& si quis sententia judicis inferioris se gravatum existimat, ei

permissum esse debet, querelas suas ad superiorem deferre, ejusque arbitrio decisionem committere, donec, si res tanti sit, in summi judicis arbitrio adquiescendum est (§. 547. *seqq. ibid.*). Quare & in pœnis arbitrariis appellationem esse admittendam constat.

## §. 615.

*An judex punire possit injurias sibi illatas?*

*Ob præmissas rationes judex inferior vel contra injurias sibi illatas sententiam ferre potest.* Etenim si parens a liberis, dominus a servo, hera ab ancilla, nobilis a rustico suo, & alius judex ab eo, qui ipsius subest jurisdictioni, injuria afficitur; gaudet jure eam puniendi, & pœna, quam injuria meretur, aut est ordinaria, aut extraordinaria. Priori casu est definita, seu legibus, seu consuetudine (§. 613.). Posteriori quidem est arbitraria, sed si quis arbitratur, se eam non meruisse, jure gaudet appellandi (§. 614.). Ideoque si recte judicatum est, satisfecit legibus divinis & civilibus, atque idem est, acsi ipse non judicasset, sed legislator; nec habet reus, de quo conqueratur. Si secus judicatum est, emendabitur sententia judicis inferioris a superiori. Nil obstat igitur, quo minus judex in sua causa, utut inferior, citra ambages reum propter injurias ordinaria afficiat pœna, & dicet quoque extraordinariam, quam prævidet, a judice superiori non rejectum iri, si vel appellatio intercedat.

## §. 616.

*Et libellos famosos adversus se ipsum?*

Injuriae & contumeliae quo sunt graviores, eo gravius quoque sunt puniendae (§. 591.), sive fuerint verbales, sive reales (§. 651. *P. VIII. Jur. nat.*). Sed libelli famosi sat graves continent injurias, eorumque autores graviori pœna sunt coercendi, quam aliae injuriae verbales (§. 772. *ibid.*), & quo gravior est injuria, quam inferunt, eo graviolem merentur pœnam (§. 626. *ibid.*). Quare si libelli famosi divulgentur contra ornatos ob

*meriti*



merita sua dignitate civili, eorum quoque pœna duplo gravior statuen-  
da, quam si editi essent adversus civem privatum (§. 611.). Neque  
tantum eorum autores, sed & complices, ita sunt puniendi; cujusmodi  
sunt, qui eos affigunt, & in vulgus spargunt, inprimis typo-  
graphi illos suo prælo, vel & sumtu excudentes, bibliopolæ  
aliique eorum venditores, quique curant, ut vendantur, & cen-  
sores librorum, permittentes eorum impressionem, pro gradu  
seu culpæ seu malitiæ admittæ (§. 773. *ibid.*). Quæ cum liqui-  
di juris sint, judicem quoque in sua causa libellum famosum  
damnare ad flammæ carnificis manu subeundas, in autorem  
inquirera promisso præmio, & detectum pœnis usitatis afficere  
posse, controversia caret (§. 615.).

Videmus tamen, vel summos judices ea contra injurias præ-  
sertim verbales sapienter uti moderatione, ut quas nocere sibi  
non posse intelligunt, eas contemptu vindicent potius, quam pro-  
merita vindicta. Continent enim non nisi calumnias, quibus  
fides non habenda est non solum ab iis, qui contrarium habent  
compertum, sed & ab omnibus, quibus certum non est, illa  
esse vera, quæ in illis habentur (§. 1038. *P. I. Jur. nat.*). Quare  
cum nocere non possint calumniæ, nisi objecta in illis habeantur  
pro veris, contra calumnias manifestas, & nec manifestas  
plerumque, nulla opus est defensione (§. 1037. & 1042. *ibid.*);  
nec contra calumniatores nullius autoritatis apud viros intelli-  
gentes & cordatos (§. 1043. *seq. ibid.*); ne quidem contra spe-  
ciosas, fidem non reperturas, nisi apud imperitos, aut tales, qui  
nocere non poterunt, etiamsi illis fidem habeant; quatenus fa-  
ctis antegressis & futuris refutari rectius possunt, aut ne refutari  
quidem merentur, sed generose contemnendæ sunt (§. 104. *ibid.*).

## §. 617.

Eo, quod pœnæ injuriarum dignitates civiles afficien- *De gradibus*  
rium ita moderandæ sunt, ut & dignitatis diversitati & gradui *huiusmodi*  
respondeant (§. 612.), & gradui malitiæ, culpæ & injuriæ at- *pœnarum.*  
tem-

temperentur (§. 616.); gravior autem est injuria, quæ proficiscitur a viro intelligente & in magna dignitate constituto, quæ præmeditata est & speciose exornata, quæ reparari nequit, quæ occultato nomine infertur, & occultiora ac majora crimina, vel vitia objicit, haud facile diluenda vel ab innocentissimo, & quæ plura ac majora mala parere solet, ac ipsa in se est (§. 625-634. & 649. seqq. P. VIII. Jur. nat.): *statui aliter nequit, quam gravius puniendam esse injuriam & contumeliam irreparabilem auctoris eruditi, virilis aut senioris ætatis, magnæ auctoritatis ac dignitatis, in libello famoso nomen suum reticentis, occultiora & graviora vitia objicientis, & quæ graviora mala gignere consueverunt, quam alterius cujusquam, ab hisce immunis.*

Si cui libello famoso imputatur crimen graviore pœna dignum, fieri potest, ut auctor vel nomen suum addat, vel omittat. Uterque casus gravis est injuria & libellus famosus (eine Schmähe-schrift oder Pasquill). Nec opus est, ut in eo nomen omittatur, uti in *Constitut. crim. Carol. art. 10.* per errorem statuitur, correctum in *recessu imperii A. 1577. Tit. von Buchdruckern 2c.* Si nomen adjectum est, facilius se defendere & injuriarum causam agere potest diffamatus contra autorem convitiarum ejus; in contrario casu, id fieri nequit, saltem multo est difficilius inquirere in autorem calumniæ, eamque punire, ideo graviore opus pœna, scilicet infamiæ, qua notare alium voluit, in libellum exserendæ.

#### §. 618.

*Cavenda si-  
mul vindicta in rep.  
privata.*

*Punienda sunt injuriæ eo diligentius pro meritis, quia ferendum in rep. non est, ut vindicta privata exerceatur.* Etenim in civitate constituendi sunt judices, qui unumquemque adversus aliorum injurias defendant (§. 539. P. VIII. Jur. nat.), sententiam in controversiis ferant (§. 543. *ibid.*), eamque in rem judicatam transfundunt (§. 555. *ibid.*), & injurias puniant (§. 559. *ibid.*). Sed vindicta privata alterius malum cupit, propter injuriam factam, idque suis viribus infligere nititur, & cum odio

ac ira conjuncta esse solet (§. 871. seq. *Psychol. empir.*), affectuum impetu malum malo rependere studens. Quod cum sit prohibitum (§. 809. *P. I. Jur. nat.*), cumque affectibus sepositis saltem bellum privatum pariat, subinde latius serpens, multiplicatisque mutuis injuriis, in vulnera & cædes haud raro erumpens, quod pariter in civitate tolerandum non est (§. 560. *P. VIII. Jur. nat.*): conficitur luculenter, eo sollicitius pro meritis puniendas esse injurias contumeliasque, quo facilius alioquin ad vindictam privatam delabuntur, in rep. non ferendam, sed puniendam, etiamsi excessu careat.

Est hæc nova ratio, nec multo minoris momenti ea, quam supra attulimus in vita & sanitate civium tuenda, interdicens omne genus vindictæ & vis privatæ in civitate, ubi publicæ copia datur; cavendique duella & certamina quæque violenta, temere instituta. Unde & is, qui affectus est injuria, sed se ipsum ulturus in graviora incidit damna, dum dein magistratus officium implorat, ita tractari nequit, acsi a privata abstinuisset ultione vel tantum pœna sumenda; sed pro gradu culpæ minus satisfactionis accipiet, & si meretur, attentati privati pœnam subibit. Quem ad modum quoque in jure puniendi excedentes, excessus pœnam merito luunt.

## §. 619.

*Jam cura opum publica requirit, ut sapienter as alienum publici Officii cum caveatur, civibus autem quibuscunque procurentur & conserventur vitæ subsidia honeste ditescendi, atque opum jacturam avertendi, quantum cupletandi. conjunctis viribus fieri potest. Cives enim sapienter sunt fortunandi (§. 562.), & fortunæ pars haud exigui ad salutem publicam momenti sunt opes (§. 563.). Si resp. oneratur ære alieno, illud refundendum est, quibus debetur (§. 924. *P. I. Jur. nat.*). Si mutuum sit, reddendum est tantumdem ejusdem generis, quantitatis & qualitatis (§. 519. *P. IV. Jur. nat.*), & cives ad ejus restitutionem suas ratas conferre cum detrimento rei familiaris.*

(*Wolffi Politica P. III. Sect. II. C. III.*)

A a a a

mi-



miliaris debent, vix ullo mutuantе excepto, qui præterea usuras omnemque usum mutui amittit, antequam reddatur. Si ex æquitate contractus scnebris initus est, præter æs alienum contractum debentur quoque illius usuræ (§. 1424. *ibid.*), quæ intra haud longum temporis spatium, alterum tantum, triplum foris, & ob longiorem reddendi moram multo plus involvunt (§. 1427. *ibid.*), etiamsi usuræ moræ non exiguntur (§. 1428. *ibid.*). Hoc pacto multo plus onerari cives, quorum symbolis ista creditoribus solvenda sunt, in aprico est. Si tandem solvi nequeunt, creditores sorte sua injuste privantur, & ob tantum damnum vel emigrabunt, vel alia multa mala inde provenient, & resp. fidei fractæ notam subibit, intus extusque sibi contumeliosam. Sapienter igitur cavendum est, & diluendum quantumcunque æs publicum alienum.

Civitati cuique ejusque rectori curæ cordique esse debet, ut opes atque divitias civium augeat (§. 1027. *P. VIII. Jur. nat.*). Quod cum fieri nequeat, nisi civibus quibuscunque sapienter procuret & procurata conserveat subsidia licite ditescendi, & jacturam opum ab ipsis avertendi (§. 941. *Metaph.*): patescit oppido, curam opum publicam requirere, ut civibus quibusque suppedientur continuenturque subsidia honeste ditescendi, & jacturam opum avertendi, quantum conjunctis viribus fieri potest, nec tolerandi, quidquid minuere civium opes potest ac consuevit (§. 1028. *P. VIII. Jur. nat.*).

Est quidem in casu necessitatis, quando cives vel plane, vel tam cito, conferre nequeunt summam pecuniæ necessariam, utique opus, ut tantisper æs alienum contrahatur, donec dissolvi possit. Sed quamdiu fieri potest, ut a civibus opulentis, vel societatibus mercatorum domesticis obtineatur: tamdiu consultum non est, ut in externa quadam rep. quæratur, nisi usuræ multo sint minores domesticis. Etenim ita manent usuræ in civitate,

nec

nec cum illius detrimento exteris cedunt; neque cives importuna efflagitatione civitati molesti erunt; vel pericula creabunt, quod ab exteris verendum. Eorundem civium bona caduca lucratur quoque civitas, non exterorum. Nefas horrendum foret, ideo subire æs alienum exterorum, quia civitas paucis usuris solutis forti solvendæ impar erit. Adstringuntur quoque cives ad eo majorem civitati fidem præstandam, quo minus periculum sortis publico ærario creditæ jacturam adire audebunt. Haudquaquam vero consultum est obærare ærarium civitatis, nisi majus commodum inde sperandum, quam incommodum ex fœnebris contractu.

## §. 620.

*Subsidia operæ acquirendi privata sunt in omni scientia, arte, subsidia di-*  
*opificio, & labore licito seu vitæ genere honesto (§. 394. seqq.). tescendi pri-*  
*Quare curandum, ut illa & debite doceantur discanturque, & usu ex-vata sunt*  
*ercitioque indefesso in habitus ad salutem civitatis adolescant, floreatque promoven-*  
*artes chrematistica, quantum possunt; desides vero ac dissoluti ad facien-*  
*dum officium adigantur (§. 438. 449. seq. & 395. 422. P. VIII.*  
*Jur. nat.).*

## §. 621.

Quia curandum est, ut cives locupletentur (§. 619.), *Et civibus*  
 ideoque privatim quisque in suo vitæ genere ad rem facien- *submini-*  
 dam agat, quod debet (§. 620.): *superiori curandum est, ut suppedi-*  
 tet civibus ea, unde res industriales & artificiales ad vitæ necessitatem, *stranda.*  
 commoditatem & jucunditatem multiplicentur summopere (§. 421. *Jur.*  
*nat.*), quo non tantum proventus rerum naturalium labore &  
 industria perficiatur augeaturque, verum etiam ex illis res uti-  
 les, necessariae & voluptariae copiose conficiantur; item *ne facile*  
 cuiquam, qui laborare potest cupitque, labor desit (§. 422. *ibid.*).

Injungit hoc naturale officium, cuilibet privato, præsertim  
 patri matrique familias incumbens, ut circumspiciat laborem  
 honestum sibi que convenientem, unde se suosque alere possit.

Enimvero officia naturalia sunt in civitate perficienda ampliùs, ac in statu naturali fieri potest (§. 397. P. VIII. Jur. nat.). Idcirco, quod singuli facere nequeunt, id conjunctis viribus in civitate faciendum est. Possunt scilicet in civitate agri inculti, sylvæ inutiles, paludes, culturæ, juncta opera multorum subjici, ut sterilitate sublata incredibilis illis fertilitas concilietur. Possunt oppida & urbes condi, in quibus omnis generis opifices e rebus naturalibus fabricent indigenis & exteris profutura, & ex locis circumjectis emtores suorum operum reperiant pariter ac venditores alimentorum cæterarumque rerum, quibus ipsi indigent. Possunt commercia institui, quibus ad externos exportentur ea, quibus cives abundant, & ea importentur, quibus ipsi carent. De quibus nunc plura erunt addenda.

## §. 622.

*Circa domestica natura-* Ante omnia dispiciendum est, quid rerum naturalium in ipsa civitate procreari possit, & procurandum, ut illud quam optime & copiosius eruendaissime procreetur. Curandum enim est, ut civibus suppeditentur non solum ea, quibus indigent, vitæ præsidia (§. 406 seqq.); sed & unde locupletentur (§. 621.), h. e. omnis generis res pretiosæ. Enimvero quousque & quamdiu sufficere possunt civitati res domesticæ, eousque & tamdiu illæ peregrinis sunt præferendæ (§. 421.). Quapropter cum domesticæ haberi nequeant, nisi diligenter investigetur, quænam ferat aut ferre saltem possit natura rerum domesticarum, & quomodo illa quam optime, copiosissime, & constantissime haberi possint: manifestum est, publica intelligentissimorum cura & indagine utendum esse, ut investigetur, quid rerum naturalium & quomodo in ipsa civitate procreari possit; & tum injungendum procurandumque esse, ut, quidquid potest, & quod multis modis fieri potest, quam optime, copiosissime constantissimeque fiat (§. 378. P. VIII. Jur. nat.).



## §. 623.

Cum rector civitatis omnium maxime curare debeat, ut *In triplici re-*  
 agricultura, res pecuaria & omnis œconomia ruralis floreat (§. gno natura  
 1032. P. VIII. Jur. nat.); & ante omnia dispiciendum sit, ut res colendo.  
 naturales domesticæ quam optime & abundantissime procreen-  
 tur (§. 622.): cogitur inde, diligenter dispiciendum procurandumque  
 esse, ut fodinarum omnis generis, agrorum, hortorum, pratorum, pascuo-  
 rum, sylvarum cultura, & pecudum mansuetarum multiplicatio ac sagi-  
 natio, item avium, piscium & ferarum utilium & pretiosarum tum  
 procreatio, tum venatio & captura, succini quoque, margaritarum gem-  
 marumque quam optime floreat, & legibus sapienter adjuvetur regaturque.

Quia non omnis fert omnia tellus, & quæ melius alibi nascun-  
 tur, teste experientia, ope seminis & pecudum præstantiorum  
 transferri in alia loca sic possunt, ut ibi quoque simili modo, vel  
 constanter, vel sat diu, æque bene & copiosius habeantur, ac na-  
 turæ domesticæ cultura fieri potuisset: huc quoque intendenda  
 est cura publica, ut doceantur & juventur cives domesticis adji-  
 cere aut substituere semina & individua meliora aliunde coëmpta,  
 quo melior & major solita hujusmodi rerum ubertas procreetur,  
 unde cives ditescere, & ærarium publ. augeri queat.

## §. 624.

Ea est plurimarum rerum naturalium indoles, ut arte *Alliendi &*  
 demum ad omnis generis usus humanos sint aptandæ, experi- *fovendi sunt*  
 entia rerum magistra. Cum rectori civitatis opera danda sit, *artifices opi-*  
 ut res artificiales ex materia parentur, quibus illa adhiberi pot- *ficesque exi-*  
 est (§. 1032. P. VIII. Jur. nat.); oppido patet, curandum quoque *mii.*  
 esse, ut civitati suppeditentur opifices artificesque, qui & possint quam  
 optime illas res usibus civium accommodare, & ut hoc faciant, obligen-  
 tur & adigantur. Quales si domi non habeantur, aliunde sunt præ-  
 miis pactisque alliciendi, & ut inter cives aptos ad talia tirones  
 ipsis suppeditandos erudiant (§. 621.).

## §. 625.

Quid de va-  
lidis mendi-  
ci: statim  
cum

Quia desides & dissoluti homines, qui aliis molesti sunt & noxii, in rep. ferendi non sunt (§. 620.): tolerandi non sunt validi mendici cujuscunque sexus & ætatis, sed adigendi potius ad ea officia subeunda, quibus parere esse deprehenduntur. Neque enim permittendum est, ut mendicent, qui labore suo tantum acquirere possunt, quantum ad vitæ necessitatem requiritur (§. 735. P. VIII. Jur. nat.).

## §. 626.

Quomodo il-  
lis occasio la-  
borandi pri-  
vata detur?

Si cui vires suppetunt ad laborandum, ei ne mendicantis occasio laborandi sit, occasio laborandi est suppeditanda (§. 736. P. VIII. Jur. nat.). Hanc autem privatim suppeditare ipsi possunt debent-que parentes, consanguinei, consortes artis, amici, alique cives tali labore egentes; hanc quærere & ipse potest ac debet more recepto. & eligere sibi laborem, quo fungi commode potest. Quapropter jubendus est, qui temere mendicare otiosi-que audet, ut intra statum tempus ipse occasionem laborandi quærat; jubendi sunt & parentes, si quos habet, consanguinei, consortes opificii, amici alique cives, tali labore egentes, quo fungi potest, ut occasionem laborandi ipsi ostendant, ad quam captandam compellendus est, si non nisi frivolas obtendat excusationes, tergiversationesque (§. 625. & cit. §. 736.).

Sic Deus vetuerat, ne quis inter Judæos mendicus esset, Deuter. XV, 4, procul dubio, ut otandi & male agendi libidini eo ipso occurreretur, & labore suoungeretur, quicumque laborare posset. Serviendum enim illis, qui se suo Marte sustentare non poterant in annum usque Sabbathicum, qui septimus quisque erat. Tunc enim libertatem recuperabat, nisi mallet in sua servitute manere. Deut. XV, 2. 12-17.

## §. 627.

Quomodo

Si revera desit privata laborandi occasio sponte laboraturo, ei in consulendum publicis laboribus, propterea instituendis, dari potest, quod agat; aut his, quibus tantisper stipe cogenda succurrendum; aut migrandum est in alia loca.

Si

Si cui desit laborandi occasio, qui laborare cupit valetque, is *desit laboris* in nostro casu necessariis destituitur vitæ præfidiis, labore suo *privati occa-* tantum adquirendis. Quapropter aut suppeditandus ipsi est *sio.* labor, unde adquirere alimenta possit, isque publicus, quando privatus plane deficit (§. 612. P. I. Jur. nat.); aut suppeditanda illi sunt precario alimenta, itaque concedendum, ut stipem cogat (§. 748. *ibid.*); aut, si id ob graves rationes fieri nequit, aliorum migret (§. 727. P. VIII. Jur. nat.) & (§. 154. Jur. Gent.).

Primus casus habetur, quando quidpiam in commune bonum ope laboris effici potest aut debet, ad quod sumtus suppetunt. Tunc enim pares labori publico, & qui eo fungi cupiunt, omnino sunt admitrendi. Secundus casus, ut alibi, ita & in opificibus occurrere solet, qui, dum circumspexere laborem, & reperire necdum possunt, vel ali communi ære ad aliquot dies solent, vel mendicare. Quæ mendicatio tamen ne in abusum vertatur, cavendum (§. 745. P. VIII. Jur. nat.). Tertius denique casus in iisdem opificibus occurrit, quando migrare alio jubentur, ubi laborem sint habituri; item in aliis mendicis impudentibus & laborem illicite tergiversantibus.

## §. 628.

Si qui nolint laborare, ut par est, qui nisi labore se honeste alere Item his, qui nequeunt, illi compellendi sunt ad duriores labores publicos, ideoque nolunt laborumque licite consequi nequeunt, illi, si nolint laborare, vel sentque. temere & illicite mendicando, vel oriando & ludendo male agere, aut prorsus sceleribus operam dare conantur, locuplete experientia teste. Sed mendicandi libido promiscua toleranda non est in rep. (§. 735 & 745. P. III. Jur. nat.), verum illicita mendicatio punienda (§. 746). Ex eadem causa & oriandi & ludendi libido, qua bona dilapidantur, compefcenda (§. 753. *ibid.*). Multo magis, qui vitiis sceleribusque se dedunt, pænis



nis coercendi sunt (§. 654 seq. *ibid.*). Quare cum hujusmodi pœna, appositum huic vitio remedium afferens detur in ergastulis similibusque institutis: compingendi sunt hi, de quibus nobis sermo est, in ergastula (§. 737. *ibid.*), aut damnandi ad metalla, ad remos, ad pistrinum, & in genere ad duriora opera publica pro tenui victu subeunda (§. 616. *ibid.*) & (§. 587.).

Dantur & in his laboribus gradus partim ex duritie laboris, partim ex numero annorum, per quos exantlandi sunt, partim per numerum horarum, quæ illis quotidie impendendæ sunt, æstimandi. Damnatio longissima est, quæ perpetua dicitur, ac per omnem vitam durat. Valde dura est catenis ad transtra triremium adstringens, remigumque mancipia noctu diuque, concessa tantum per pauca quiete, exercens. Nec desunt alia laborum genera ex parte etiam periculosa & satis molesta illis, quibus imponuntur in pœnam, quæ percensere nihil attinet.

## §. 629.

*Exploranda* Prout rectori civitatis curandum est, ut subditorum opes *commercia* divitiasque augeat (§. 1027. P. III. *Jur. nat.*); ideoque ut floreant lucrosa *commercia* interna & externa, & caveantur, quæ *utilia* & no- aut lucrosa *commercia* interna & externa, & caveantur, quæ *xia*, ut illa iisdem obesse possunt (§. 1029. *ibid.*): ita diligenter *explorandum* provehan- est, quænam *commercia* interna civitati expedire; quæ nocere illi publice *tur*, hæc im- aut privatim possint ac soleant, ut illa excolantur & provehantur, hæc *pediantur*. *damnosa* autem probibeantur & tollantur. Inde & quo magis profunt quædam *commercia* reip. eo magis illorum flori & perpetuitati studendum; & quo plus nocent, eo magis sunt inhibenda, arcenda & abroganda (§. 63. seq. *Jur. Gent.*).

## §. 630.

*Quid curandum*, ut lu- plures res naturales & factæ ex illis artificiales exportentur minori sum- *crosa* sint ex- tu, quam importentur, saltem ut nos plus lucri ab exteris habeamus, *terna* com- quam exteris a nobis adquiritur. Quando enim civitas *commer-* *mercium* *cium*

cium cum exteris exercet, ea non nisi propter lucrum inde censetur esse ditior facta (§. 613. P. III. *Jur. nat.*) & (§. 427. P. I. *Polit.*). Iam si ponamus, res, quæ importantur & exportantur, æqualis esse copię & pretii, neutra inde locupletata dici potest, qualibet tantumdem obtinente ante & post commercium illud. Facta tum non est nisi permutatio æquabilis rerum utrinque abundantium uni, deficientium aliis civitatibus (§. 902. P. IV. *Jur. nat.*). Enimvero si una civitas peracto commercio plus inde lucrata est, quam alias fuisset habitura, illa recte dicetur inde ditata & locupletior facta esse. Quapropter si commercia externa debent esse lucrosa, oportet, ut vel plures res naturales, factæque inde artificiales, minori sumtu & vectigali ex ea exportentur, quam importantur, si æqualis circiter pretii res inter se sunt, vel saltem plus lucri percipiat civitas exportans seu vendens, quam importantes sua vicissim.

Hoc scilicet fieri potest, etiam si pauciores res exportentur, quam importantur, quando illæ his sunt pretiosiores. Ponamus, in quadam civitate dari auri argentique copiam abundantem, per se parum utilem, & rebus ad victum, amictumque, vitæque & sanitatis tutelam facientibus postponendam! Quis illi vitio daret, si loco tam pretiosorum per humanum arbitrium metallorum, ipsi sat vilium, antequam sciret, quid illis aliorum populorum arbitrio pretii assignatum sit, res alias sibi utiliores, quibus ipsa carebat, acceperit, aut alicubi hodieque acciperet? Ipsa raritas horum metallorum, durabilitas, aliæque dotes, ob quas haud immerito tantum illis valoris tributum est, ut pro communi pretiorum mensura commode adhiberentur, facit, ut ratione molis multo plus pro illis detur, quam accipiatur in illis, licet valor æquiparetur. Dantur & aliæ rationes, ob quas commercia externa negligenda non sunt, etiam si civitati lucrosa quidem non sunt, sed talia tamen præstant, quibus ægre careret, vel in communi vita, vel in medicina aliisque artibus. De quibus dictum est P. I. *Politica*.

## §. 631.

*Alius casus  
idem obti-  
nendi.*

*Possunt commercia externa hoc quoque modo lucrosa fieri, si quidem parum vel nihil exportatur, præter paratam pecuniam ejusve materiam, sed res importata aliis civitatibus lucrose venduntur. Etenim si res importatae, seu aliunde pro parata pecunia emtae & accersitæ, partim civibus, magna autem & majori ex parte exteris civitatibus majori pretio venduntur, quam quo stant mercatoribus, non earum mercator tantum, sed & civitas inde lucrum ad se rediens sentit (§. 613. P. III. Jur. nat.). Qua rem ipsam, vel si mavis, qua effectum, idem est, ac si fuissent res domesticæ abundantes, aliis non sine lucro vendendæ (§. 630.). Quapropter & sic commercia externa sapienter lucrosa fieri, dubio carer (§. 63. Jur. Gent.).*

Non Belgis tantum, sed & aliis civitatibus dudum æque, ac nostra ætate, hic modus lucrandi est receptus; nec paucis plus retulit lucri, quam alter in rerum domesticarum exportatione lucrosa consistens. Si uterque jungatur, non potest id non civitati eo esse conducibilis fructuosiusque. Hinc est, quod cultiores civitates utrique operam navare, quanta adhiberi potest, deprehendantur; teste circumcirca obvia observatione.

## §. 632.

*Curanda est  
copia rerum  
quæstiosa-  
rum sapien-  
ter.*

*Quia commercia utilia provehenda sunt (§. 629.); & rerum aliis necessariarum abundantiam requirunt (§. 630.): oportet, ut rerum naturalium constanti abundantia (§. 623.), & peregrinarum, quæ his substituantur (§. 631.), acquisitioni advectionique lucrosa opera detur haud vulgaris. Vnde publica autoritate & protectione commerciorum cum exteris libertas & securitas procuranda est, & tuenda; opus est societatibus complurium, aut conferendis ratis quibuscunque fere concessis (actien vulgo) ad remotiora exterorum commercia, velut indica, propter sumtum & periculorum multitudinem magnitudinemque; opus est legibus & limitibus, ne monopolii abusus invalescat; opus deni-*



denique est, ut & publicum ærarium, non vero soli privati, ex commercio externo eo plus emolumenti capiat, quod illud est quæstuosius (§. 214. *Jur. Gent.*).

Requirunt illud vectigal & portoriorum sumtus, commercii obtinendi & tuendi causa impendendi; requirit illud æquitas, ut resp. in partem tanti lucri veniat. Quod fit, dum privilegia acquirit, dum vectigalia & portoria accurate solvit, dum tempore necessitatis æris sui copia reip. subvenit, ut e periculis eripiat, quibus facile subverteretur. Ne monopolio noceret societas Anglica Indiæ orientalis, addita nova & liberiori ampliata est, quæ centum milliones librarum sterlingicarum publicæ rei bellis gravissimis credidit, effecitque, ne exteris obæraretur Anglia, & usuris majoribus attereretur. Similia Galliæ præstitit Gallica societas Indica, item Belgio Belgica &c. In Suecia vectigal nauticum antea fuit 100 thalerorum ex onere navis universo; jam 50 millium thalerorum esse fertur pro quavis nave oneraria, quod tamen certis conditionibus restrictum esse opinor. Vid. *Bened. a Schening Diss. 1756. Upsaliæ ed. Handels Compagnies tilli in sättning och natur beskrefne.*

## §. 633.

Sapienti opus est moderamine societatum commercii externi circa Cautela circa voluptati tantum & ambitioni, luxuique inservientes, & pretium ca commerciorum domesticarum intus extusque minuentes, ne illa commercia damnosa cia externa. evadant. Etenim ut divitum ac dignitate præfulgentium opes aliorum quoque civium alimentis commodisque inserviant, concedendum ipsis est, ut lautius cæteris & ornatius se gerere possint, quo & inde ipsorum fors ab aliorum inferiori sorte discernatur (§. 205. 761. seq. §. 1027. seq. P. VIII. *Jur. nat.*). Enimvero quia luxus, ex vana voluptate & ambitione oriundus, civibus nocet (§. 732. *ibid.*), itaque tolerandus non est (§. 733. *ibid.*): is non tantum doctrina morali in scholis templisque damnandus est solidis argumentis, ut de ejus vitiositate

& noxa animi convincantur (§. 433-436. & 456. *seqq. ibid.*), sed & commercia, quæ sine luxu civium consistere non possunt, multiplicanda non sunt (§. 1030. *ibid.*). Ideoque sapienti opus est moderamine illorum, ne excessu & abusu reip. plus damni afferant & vitiositatis, quam emolumenti (§. 48. *seqq. P. I. Polit.*).

Colliduntur hac in re interdum officia, quibus curandum est, ut res necessariae sint cuique parabiles, ideoque pretii vilioris, & tamen, ne ita evilescant, ut, qui illas parare & suo Marte procreare, aut naturalem procreationem sua industria juvare debent, inde ali & fortunari nequeant. Quare sapienter curandum, ut omnibus bene sit in rep. nec plus noceatur plurimis, quam paucis commodetur. Sunt ergo hic sapientiae, sunt & prudentiae partes recte obeundae. In quo commercio externo multiplicato simul & illud cavendum, ne, dum exterarum rerum pretium augefcit, domesticarum, quæ forsitan exportantur ad exterarum civitates, decrefcant subinde magis magisque. Sed hæc difficillima est curatio, accedente indomita lucri aliis præripiendi cupidine & invidia, quæ aliis animum addit, pretium suarum rerum in infinitum augendi, & mirandi, cur exteri his adeo inhient.

## §. 634.

*De usu tessera-  
rarum char-  
tacearum.*

*In coloniis commerciorum externorum causa institutis haud sine commo-  
publico adhibentur tesserae chartaceae loco auri & argenti.*  
Etenim minus damni inde imminet coloniae, cujus pecuniae vicini exteri imminere nequeunt, dum inter ipsos chartacea tessera nullius est valoris, & ob res promercales quotannis exportatas, parum est inter colonos, quod aliis salivam possit movere, ad illud ipsis eripiendum, id quod res ipsa loquitur evincitque. Sed coloni ipsi nihilo inde sunt deteriores, quando tessera istis inter se & inter suos v. c. Britannos haud secus utuntur, ac parata pecunia, cujus jacturae periculum tantum sic commode depellunt, experientia & ratione edocti. Reliquis

quis commerciis sufficiunt coloni fere ope permutationis mercimoniorum, antiquissimo hominum instituto.

Qui plura de his cupit, evolvere poterit A. 1755. Londini editam *Historiam & commercium coloniarum Anglicarum in America septentrionali*, in forma octipertita; item *Les Elemens du commerce*, in quibus chartacei istius commercii uberior enarratio continetur. Cambia seu collybi mercatorum simili de causa frequentantur, ne scil. pecunia facile periclitetur.

§. 635.

*Exportatio & importatio mercimoniorum sapienter domesticis De modis exportandi & importandi & alia reportandi, vel tantum exportandi ea, quibus indigent. Diligenter enim explorandum est, quænam regendis.* commercia, & quomodo civitati prodesse vel obesse possint, ut illa promoveantur, hæc, quantum fieri potest, impediantur (§. 633.). Prodest autem civitati, si domesticis plaustris navibusque suas merces exportare, & alienas reportare possit, partim securitatis & diligentiae majoris ita sperandæ, partim lucri causa, quod aurigæ & nautæ domestici alique cives inde percipere possunt; cujus gratia exteri vecturam lubenter recipiunt. Quare cum & inter civitates sua cuique salus prior esse debeat aliena (§. 229. P. I. Phil. pract. univ.) & (§. 206. Jur. Gent.), nec alteri præstandum sit, quod cum neglectu officii erga se ipsam est conjunctum (§. 610. P. I. Jur. nat.): sapienter curandum est, ut exportatione suarum mercium, & reportatione alienarum civitas alias anteverrat (§. 208. Jur. Gent.).

Quoniam vero aliis civitatibus idem jus est circa suas merces exportandas, & quærendas alienas in loco natali, ubi minimo parari pretio possunt (§. 31. seqq. Jur. Gent.): relinquendus est æquitati naturali locus, ut quælibet civitas conferat ad commercia mutua promovenda, quæ conferre potest (§.



211. *Jur. Gent.*), & libertati commerciorum externorum idem illud indulgeat, quod sibi indulgeri ab aliis cupit (§ 95. *seqq.* P. I. *Jur. nat.*). Quare & exteris civitatibus salva relinquenda est potestas, sua mercimonia importandi, & reportandi aliena, vel tantum quærendi aliena, si vicissim studeant tuendæ commerciorum libertati æquali.

## §. 636.

*De emporiis  
& portibus  
curandis.*

Cum commercia hæc florere nequeant, nisi illis omnis præstetur securitas, commoditasque, quam usquam alibi habent (§. 213. *Jur. Gent.*), & nisi æqua sint vectigalia (§. 214. *ibid.*), & pretia rerum hujusmodi, quibus alliciantur civitates extræ ad hæc commercia aliis præferenda: liquet, hæc omnia sapienter in civitate qualibet esse instituenda, tuenda, &, quæ illis repugnant, prohibenda & severe punienda. Eapropter emporia quam optime sunt erigenda locis opportunitissimis, aptanda, conservanda; omnisque & mercibus & mercatoribus indulgenda securitas, commoditasque, & expedita justitiæ administratio, quando ea est opus, item privilegia innocua & commerciorum flori inservitura (§. 217. *seq.* *Jur. Gent.*). Maritimorum vero commerciorum causa portus sunt condendi tuti commodique, iidemque conservandi, muniendi, & pharis noctu longe lucentibus instruendi (§. 220. *seq.* *ibid.*).

## §. 637.

*Procuranda  
est abundan-  
tia rerum,  
aliis deficien-  
tium.*

Externorum commerciorum causa dispiciendum est, quibusnam rebus aliæ civitates careant inbientque; & curandum, ut hæc quam copiosissime, optimeque colantur & perficiantur, ipsisque æquius quam alibi vendantur. Explorandum nempe est, quænam commercia civitati prodesse queant (§. 629), & quænam externa lucrosa esse queant (*ibid.*). Sed illa sunt lucrosa, quibus res domesticæ naturales artificialesve aliis civitatibus, quæ illis indigent & inhiant, quibus nostra abundat, venduntur (§. 630.). Opera igitur

igitur danda est, ut constet, quasnam res aliæ civitates cupide in nostra quærant, & ut hæc, quam optime abundantissimeque constanter fieri potest, natura & arte procreentur, ipsisque æquius, ac alibi, vendantur (§. 622. *seqq.*).

Alibi tellus in visceribus suis procreat metalla, hic nobiliora, aurum & argentum, illic ignobiliora, ut platinam, stannum, cuprum, ferrum, plumbum, quibus accedunt factitia aurichalcum, tambacum, Robertinum, campanum; alibi semimetalla, ut argentum vivum, cinnabarim, vitriolum, stibium seu antimonium, cobaltum vel bismuthum, Zincum, magnetem; alibi sales fossiles, ammoniacum, nitrum, alumen, boracem, & factitios, marinum, fontanum, saccharum &c.; alibi sulphur, auripigmentum, arsenicum, naphtham, petrobeum, bitumen, pissasphaltum, lithanthracem, succinum, & factitia affinia, sebum, ceram, olea, alcohol &c.; alibi lapides pretiosos, seu gemmas, uti adamantes, rubinos, smaragdos, saphiros, topazios, carneolos, jaspides, achates, carbunculos, beryllos, amethystos, granatos, hyacinthos, chrysolithos, sardios, chalcedonios, onychos, sardoniches &c., aliosque minus pretiosos, ut marmor, hæmatitem, gypsum, specularem, lydium, alabastrum, smiridem, talcum, lazulum, cores, pyrites, filices &c.; alibi terras, uti pingues v. c. bolos, argillas, cimoliam, fulloniam, luteam, rubricam, cat. & macilentas, ochram, cretam, margam. Omitto varia ex his arte facta cimelia ornamenta, anaglypha, coronas, monilia, inanes, armillas, annulos, statuas, instrumenta, monumenta, numismata, medicamenta, & quid non? Transeo mercimoniorum genera ex arboribus, plantisque terrestribus & aquatilibus; ex animalibus nantibus, volantibus, gradientibus, repentibusque, uti corallia, margaritas, uniones, bezoar, moschum, thus, myrrhum, balsamum, mannam calabrinam; & innumera alia.

§. 638.

*Propter commercia interna & res naturales excolenda sunt quam Quid com-  
optime & in copia abundanti, & artificiales elaboranda quam optime mercii inter-  
abun.*

ni causa cu-abundanterque, curandumque, ut minori inter cives & æquiori pretio, randum sit? quam apud exteros, haberi possint, ubicunque illis est opus. Etenim commercia interna exercentur ab illis, qui eidem imperio sub-sunt (§. 61. *Jur. Gent.*), ideoque intra civitatem eandem & a civibus inter se exercenda sunt, ut eorum ope unusquisque civis & incola, item degens in civitate, ea habere possit, quæ ad vitæ necessitatem, commoditatem & jucunditatem requiruntur (§. 62. *ibid.*). Quamobrem, quia curæ esse debet rectori civitatis, ut floreant commercia inter cives, & solícite caveantur, quæ illis obesse possunt (§. 1029. *P. VIII. Jur. nat.*); quia studendum, ut res. in commercium venientes, quam optime copiosissimeque perficiantur (§. 515.), ante omnia vero inter cives minori pretio habeantur, & æquius, quam apud exteros, vendantur (§. 637.): patescit, propter commercia interna promovenda (§. 629), excolendas, parandas & perficiendas esse quam optime constantissimeque res & naturales & artificiales (§. 623.), easque civibus, ubicunque illis indigent, æquiori pretio esse vendendas, quam quo ab exteris emendæ essent, superfluis tantum ad peregrinos transeuntibus (§. 808. *P. VIII. Jur. nat.*).

Imperari quidem civibus potest, ne apud exteros quærant, quæ domi emere possunt, etiamsi aliquanto meliores res pro eadem pecunia, aut pares quidem, sed minori pretio ibi emere possent: quia civium est, se mutuo potius & prius perficere ac juvare, quam exteros. Enimvero quia cives inviti ita adstringuntur, & facile clam faciendi occasionem reperiunt, quod aperte non audent: præstat, ita potius omnia instituere, ut nec meliora, nec viliora, sumtibus computatis, alibi comparare sibi possint.

#### §. 639.

*Quid sanc-  
endum de  
propolio.*

Quia prohibenda & tollenda sunt puniendaque, quæ commerciorum flori & æquitati obsunt (§. 629.); propolia autem



autem præter necessitatem pretia rerum augment, ideoque concedenda non sunt (§. 226. *Jur. Gent.*): patet, propolia in civitate esse prohibenda, & si contra vetitum admittantur, punienda; ut cives quam minimi a primis venditoribus emere possint res præsertim necessarias. Quatenus vero aliunde afferenda necessaria vitæ præsidia, & eodem pretio venduntur a primo quam a secundo venditore, præsertim, si hic ea semper præsto habeat aut alat, quæ aliunde tantum statis temporibus inferri possunt: eatenus præter necessitatem propolia non augment rerum pretia; ideoque & hoc casu, & quando reportanda alias mercimonia emunt, & in futurum asservant, civibus jam satiatis, locus illis est relinquendus.

## §. 640.

*In detrimentum reip. aut multorum civium vergentia monopolia Quid de monopolis non sunt indulgenda, sed tollenda, si irrepserint; quæ autem ita limitantur, ut merces bonæ nec majori, quam si nullum sit monopolium, sed vendum. potius viliori pretio comparari possint, ea admitti foverique merentur.* Priori enim casu monopolia nocent reip., ideoque nec concedenda sunt illorum privilegia quæsituris (§. 875. P. VIII. *Jur. nat.*), nec toleranda, si introducta sint; saltem eorum abusus penitus tollendus (§. 629.). Posteriori autem bono publico non tantum non nocent, sed quoque profunt, ideoque publicæ salutis causa concedenda sunt & tuenda (§. 876. P. VIII. *Jur. nat.*).

De monopolis noxiis prohibendis tollendisque nullum superest dubium. Augent illa præter necessitatem rerum pretia, ineptasque merces civibus obtrudunt pretio iniquo; eripiuntque aliis civibus jus honeste ex earundem rerum æquiori commercio rem faciendi. Sed quatenus nihil nocent reip. sed potius ea cautione adhibentur, ut meliores merces requirantur, æquiori pretio civibus vendendæ, ac in commercio plurium vago habebantur; eatenus haud secus comparata est monopolii concessio, ac si sapienter non plures in societatem opificii aut artis admittantur,

tur, quam honeste inde ali possunt, & qui ad æquitatem in vendendis illis rebus vitandisque fraudibus sunt adstricti.

## §. 641.

Quid contra  
dardanarios  
& annonæ  
caritatem  
procuran-  
dum?

Quoniam ferendum in rep. non est, ut annona flagellatur, h. e. præter necessitatem carior efficiatur in civium & pauperum insigne detrimentum (§. 727. P. VIII. Jur. nat.); & dardanarii appellantur, qui annonam, qua abundant, ideo vendere nolunt, ut quam carissime tandem eam vendere possint (*ibid. in not.*): manifestum est, dardanarios in civitate non esse ferendos, sed, si post exhausta granaria publica & communitatum, vendere nolint annona abundantes, compellendos esse ad eam æquo pretio vendendam; aut, si nolint parere, vel clam retineant annonam, convictos malitiæ pro meritis puniendos esse. Pariter quoque aliis quibuscunque licitis modis in annonæ caritate, seu domesticis, seu aliunde petitis & conquisitis vitæ præfidiis, ex publico aere & ditiorum liberalitate inopiæ succurrendum est, ne annonæ caritas civitati valde periculosa evadat (§. eod.). Idem quoque de ligno tenendum & similibus (§. 729. *ibid.*).

Dardanarii nostratibus Korn-Juden vel Hobler appellantur, & vel propolæ sunt, vel mercatores, vel domini annonam in suis prædiis adepti. Omnium horum avaritia & injustitia, cum aliorum damno se locuplerandi hoc casu manifesta est, ut dardanariatus inter crimina publica a Romanis haud immerito censeatur. l. 6. Tl. de extraord. crimin. Natum inde est problema civile, quomodo effici possit, ut constans esset, si non omnis annonæ, saltem frumenti pretium; cujus solutionem quantovis præmio condecorandam censuit ill. B. de Wolff. nota cit. sed & monuit, habere illud admodum difficilem explicationem, cum rerum civilium & naturalium idem hic sit nexus, & facile alia in parte noceatur, si huic opem ferre velis. Vnde subjiciemus nonnulla.

## §. 642.

Optandum quidem videtur, quod nonnulli non consultum *Nequit idem*  
 tantum judicarunt, sed & efficiendum in civitate putarunt, ut sci. *semper esse*  
 licet nutrimentorum idem semper pretium obtineret, modi- *annonæ pre-*  
 cum scilicet, quo æquitas eadem inter emtores venditoresque *tium.*  
 nunquam non servaretur. Hi vero non pensitant, quod fieri  
 cupiunt, id non esse in hominum potestate. Manente enim  
 eodem civium numero, quia injustum esset, propter annonæ  
 caritatem cives plerosque ejicere ex civitate, totidem in anno-  
 næ caritate essent eodem pretio alendi, quo in annonæ vilitate.  
 Sed ob sterilitatem deficit annona sæpe non tantum in una, sed  
 in multis vicinis civitatibus. Ecquid vero est, quod substitui  
 ordinariis alimentis in magna aut summa sterilitate possit?  
 Qua arte sibi procurabit alimoniam, quam natura denegavit,  
 & quidem pretio non majore, quam in annonæ affluentia?  
 Num artem esuriendi, & inedia quoque vitam prorogandi ci-  
 ves pro lubitu suam facere & exercere poterunt? Si vel in  
 alia civitate annona abundet, quod plerumque non nisi in valde  
 remota contingit, num illi imperare ulla alia potest, ut eo, quo  
 famelica cuperet, pretio ipsi tantum annonæ vendat, quanto  
 jam indiget? Aut num pactum tale inter omnes civitates re-  
 ciperetur, ut propter idem semper alimonie pretium re fru-  
 mentaria abundantes, tantum cæteris eodem pretio vendant,  
 quo vellent, id in pari casu sibi ab aliis vendi? Quæ omnia  
 si fieri, si sperari nequeunt; *patescit, institutum stabiliendi idem sem-*  
*per annonæ pretium excedere vires humanas, ideoque frustra optari*  
*commendarique.*

Constat quoque ex lege naturæ, ne quidem in eadem civitate  
 pretium rerum necessariarum idem semper esse posse, sed mutata  
 rerum facie aliter atque aliter esse determinandum (§. 304. seqq. &  
 326. P. IV. Jur. nat.). Multo minus igitur, quæ ex alia civitate  
 petendæ sunt, eodem semper pretio gaudere & haberi possunt.



## §. 643.

Occurren-  
dum tamen  
pro viribus  
annonæ ca-  
ritati.

Hoc tamen non obstat, quo minus, introducto licet dominio, sapienti providentia, quantum fieri potest, futuræ occurratur annonæ caritati publico privatoque ære, & conservatione annonæ abundantis quam optima in annos steriliores. Facit hoc simul ad studia, civium vitam, sanitatem, copiam & opes tuendi, quæ in officio civitatis esse, satis superque evictum est. Quapropter dum experimur, fertiles annos sterilesque mixtos sapienter esse a Deo; ex observationibus discendum est, qua circiter lege id in diversis climatibus regionibusque usu veniat, ut granariis publicis & privatis, cæterisque modis, seu jam inventis, seu inveniendis in posterum, abundantia quæque quam optime diutissimeque ferventur in futuras necessitates (§. 641.), parsimonia rite administrata, & lege luxum proscribente (§. 382. P. IV. Jur. nat.), (§. 431. P. IV. Ethic.) & (§. 733. P. VIII. Jur. nat.).

Ipsa fertilitas anni, ipsa annonæ copia nutum continet divinum, & indicium, ex ea prospiciendum esse nobis, uti actu prospicitur a Deo, præteritæ futuræque sterilitati. Quare quotquot sapiunt civitates earumque rectores, sibi in medium consulendum, & de futura necessitate levanda cogitandum esse merito sciscunt. Memini me legere, in Gallia observatum esse, intra decennium fere 6 esse annos mediocres, 2 fertiles, & 2 circiter steriles. Si ex illis, quæ Gedani emta & vendita sunt intra sæculum frumentorum genera, colligendum est de Poloniæ tum fertilitate, tum sterilitate;prehenduntur in eo 27 anni, in quibus nondum 20 Sexagenarum (last) frumenti millia invecta sunt, inter quos 6 sunt, qui nondum myriadem dedere. Sed plerumque distant a se invicem varie, raro duo vel 4 continenter se excipiunt. Fœcundiores autem feracioresque 14 anni interea 50 &, quod excedit, millia sexagenarum frumenti modiorum dedere abundantia sua; inter quos duo anni sexaginta & amplius millia, unus 77 millia largitus est. Reliqui in mediocritate substitere.

## §. 644.

Si qua in civitate saltem maxima omnia fere essent communia, Casus subla-  
 unoquoque officium suum recte faciente, possent ejus rectores sua cuque te fere pri-  
 vite presidia ita suppeditare & assignare, ut omnibus bene esset, & cum vatorum  
 futuris necessitatibus abunde prospexissent, residua peregrinis vendere pro proprietatis.  
 aliis, quæ desunt ibi, parandis. Hoc enim casu velut in commu-  
 nione primæva, pretio haud esset opus inter cives (§. 273. P.  
 IV. Jur. nat.), aut pecunia (§. 290. *ibid.*), singulis cuncta, qui-  
 bus egent, pro voto large consecutis (§. 107. P. II. Jur. nat.);  
 sufficeretque, si rectores tantum in commercio cum exteris  
 dominio rerum communium ut suarum gaudentibus, ea ute-  
 rentur, quando sola permutatione scopo potiri non possent (§.  
 937. P. IV. Jur. nat.). Ibi ergo ob pretiorum defectum res,  
 quæ in usu sunt, quasi semper eodem h. e. nullo gauderent pre-  
 tio, usuque solo æstimarentur (§. 26. *seqq.* P. II. Jur. nat.), atque  
 sic quoddam quasi analogum ejusdem semper annonæ pretii  
 ibi daretur, modo id, quod ponimus, posset præstari.

Scilicet natura non dantur res singulorum (§. 8. P. II. Jur.  
 nat.), sed omnes sunt communes (§. 7. & 24. *ibid.*). Lex na-  
 turæ homini cuque tribuit usum rerum necessariorum, utilium  
 & jucundarum (§. 14. *ibid.*), ut is usus promiscue pateat omni-  
 bus (§. 19. & 27. *ibid.*), nec præter usum jus quoddam in res  
 corporales datur in ista communione primæva (§. 21. *ibid.*).  
 Ipsæ quoque res industriales & artificiales ibi sunt communes (§.  
 29. *seqq.* *ibid.*), & cuque patent indigenti illis ad satisfaci-  
 dum obligationi naturali (§. 33. *ibid.*), neque cuiquam jus est  
 eam recte adhibenti & prius occupanti eripiendi (§. 35. *seqq.*  
*ibid.*). Nemo tamen rebus utitur, ut suis, sed uti communibus  
 (§. 37. *ibid.*), unde finito usu unius, idem aliis patet (§. 38. *ibid.*).  
 Omnibus tamen communis utilitatis causa rite laborandum, ne-  
 mini oriandum est (§. 41. *seq.* *ibid.*). Omnibus quoque est jus  
 resistendi illis, qui ipsos in usu rerum communium impedire,

aut eundem ipsis eripere conantur (§. 52. *ibid.*), idque jus se defendendi infinitum est (§. 53. *ibid.*), & jus puniendi infinitum (§. 56. *ibid.*), ac jus belli iusti infert (§. 57. *seqq. ibid.*). Num communio bonorum inter primos Christianos hierosolymitanos, aut aliud institutum ordinis cujusquam in hunc censum vocandum sit, nec ne, in medio relinquam; cum ea discussio non sit hujus loci. Hoc ex disputatis evidens est, nisi tale institutum sufficeret in sempiternum, illud male imitaturum esse divinum illud institutum, in omni animantium ratione destitutarum genere manifestum.

## §. 645.

Cur agris vicina dari debeant oppida.

Quoniam commercium internum promovendum est (§. 629.): *passim oppida dari debent in regionibus, ad quæ nullo negotio agricola suas fruges, fructus & pecudes venales deferant, & vendant civibus, his destitutis rebus, easve sponte in pagis conquirentibus; & uade vicissim rusticola petant opificum opera, quibus ipsi egent.* Ita facilius & in proclivi non tantum erit commercium internum; sed & minori pretio res erunt parabiles, acsi longo itinere eo apportandæ aut devehendæ essent, ubi emtores darentur (§. 638.). Cavebitur simul hoc pacto, ne, cum civium damno, ad propiora exterorum oppida & nundinas merces exportentur, quibus ipsi cives eguissent, & minori pretio potiri potuissent (§. 638.).

## §. 646.

Occurrendum damnis monetæ vilioris.

*Ejusdem commercii causa cavendum quoque est, ne vili moneta, præsertim peregrina, cives in diminutionem opum incidant, & venalia evadant cariora.* Vtrumque enim vergit in detrimentum commercii manifestum, quod studiosè evitandum est (§. 629.). Sentiant id detrimentum non solum redditus privati, verum & publici, quorum neutri sine alio incremento pares erunt illis salutis præfidiis comparandis tuendisque, quibus antea sufficiebant. Neque facile erit, damna sic oborta aliis incrementis repa-



reparare, cum pretio majori emtores absterreantur, deteriori accepto venditores damna incurrant, aut decipiantur, si inscii deteriori moneta circumveniantur.

## §. 647.

Caveri nequit, ne viliori moneta cives opibus diminu- *Proscribenda*  
antur (§. 646), nisi vilior moneta peregrina aut plane prohi- *pecunia re-*  
beatur, & melior domestica abundet; vel si desit melior dome- *proba, aut*  
stica, aut emtores peregrini alia non gaudeant moneta, vilior *estimanda*  
illa ad iusti pretii valorem revocetur, luculenta teste rerum *verius.*  
magistra. Quare cum curandum sit, ne desit moneta ad res  
operasque comparandas sufficiens (§. 801. seq. P. VIII. Jur. nat.),  
& moneta proba utendum sit (§. 803. ibid.): *prohibendam* prorsus  
esse patet *monetam reprobam*, in primis peregrinam, domestica  
proba abundante, nec exportanda; *saltem allatam aliunde deterio-*  
*rem ad justum valorem esse redigendam*, ne plus pro illa detur, quam  
revera cum probiori comparata valet.

Si interdicatur pecunia deterior, nec melior domestica adsit  
& abundet, interdictum erit irritum, & per necessitatem cives  
adigentur ad eam accipiendam, si quid rerum suarum vendere  
velint, & propter rationes domesticas debeant. Neque cives tan-  
tum privati sic ingens habebunt damnum, sed & ipsa provincia  
aut integra civitas deteriori pecunia tanto subjicietur damno,  
quantum est detrimentum deterioris pecuniæ, loco melioris  
furrogatæ.

## §. 648.

Opus est, ut pecunia proba in civitate habeatur & retineatur, Cujusmodi  
ejusque exportatio severe interdicatur puniaturque; minores autem numi opus sit pecu-  
circumforanei vicinis circiter equiparentur, & iusta ad auream & ar- *nia & nu-*  
genteam pecuniam gaudeant proportionem. Curandum enim sedulo *mis?*  
est, ut pecunia sit proba, ejusque bonitas externa respondeat  
internæ (§. 803. P. VIII. Jur. nat.). Vnde a rectore civitatis  
monetariis rigoroſe præſcribendum est, quantum metalli vilio-  
ris

ris auro & argento puro in numis cudendis addere liceat, & quantum ponderis numis quibusque esse debeat; nec permitrendum, ut ab ista lege recedatur, manentibus fraudem adhibitam gravissimis pœnis (§. 804. *ibid.*). Quia vero parum hoc prodesset civitati, si melior pecunia ad externos exportaretur, pari pœna ejus exportatio est coërcenda. Liquet ergo, locupletandæ, saltem non attenuandæ, civitatis causâ procurandam conservandamque in ea constanter esse pecuniam probam, qualis in prudentissimis civitatibus usitatur.

Quod autem attinet ad numos minutos circumforaneosque quotidie, hi si essent ejusdem bonitatis, ad squamarum minutias redirent, perfacilique jactura magis nocerent civibus, quam prodesse in commercio quotidiano, teste usu inter quosdam populos olim recepto. Rectius ergo hi ex viliori metallo cuduntur, eoque vel puro e. g. cupro, vel mixto cum quadam parte præstantioris metalli, more vicinarum civitatum & peræqua ad probiorem pecuniam proportionem. Posterius attestatur experientia receptius esse & commodius, quam prius, modo fraudibus obex ponatur.

Siræenses aliquæ non utuntur nisi argento & auro puro, quantum ejus puritatem explorare didicerunt, more antiquissimo populorum, nec ideo sumtuum signati auri & argenti rationem habent ullam. Pleræque tamen civitates commodius, & si omnia rite curentur, tutius contra fraudes signata utuntur pecunia, vel ex puro auro, argentove, vel ex tantillo adjuncto viliori, quod sumtus signationis circiter æquet. Paucissimorum enim est, puritatem nobiliorum metallorum obrussa accurate explorare, & fraudes dolosorum hominum evitare, quod in numis signatis ope magistrorum rei monetariæ multo rectius certiusque fit. In Suecia usu habetur & moneta mere cuprea, sed non ignorantur incommoda in tanta mole cupri secum vehenda aut ferenda. Quod incommodum admisso argento ex præscripta norma justæ pro-

proportionis cessat, ideoque pluribus arrisit, quam nudum fer-  
rum Spartanorum, æ Romanorum, aut cuprum Suecorum &c.

§. 649.

Quod de numis ostensum est (§. 648.): idem quoque te- Item aurum  
nendum de vasis rebu- que aliis ex auro argentove conficiendis (§. 804. & argentum  
P. VIII. Jur. nat.), ne in his simili fraude civium opes minuantur. in aliis rebus,  
Analogâ ratione id quoque valet, de aliis metallis, fraudulentè cum &c.  
civium & commercii damno depravatis, nec non de mercibus  
quibuscunque carioribus præsertim, signandis ideo, ut fraudis ad-  
missæ autor facile detegi possit.

§. 650.

Prout in rep. ferendum non est, ut quilibet pro lubitu Numi adul-  
monetam, utut bonam, cudat: ita multo minus monetæ adul- terini & cor-  
teratores & corruptores ferendi sunt (§. 806. seq. P. VIII. Jur. rupti vetan-  
nat.). Necesse igitur est, ut periti juratique monetarii autoritate publi- di, eorumque  
ca monetam cudant ex lege præscripta (§. 648.), explorentque numos autores pu-  
seu peregrinos, seu adulterinos, seu pondere diminutos nefaria manu, ne niendi.  
cives illis decipiantur, & ut autores adulterationis & corruptionis  
investigantur, & promeritis afficiantur poenis.

§. 651.

Quoniam proba pecunia in civitate est conservanda (§. Pecunia non  
648.): ferendum non est, ut ea destruat, & operibus mechanicis au- est destruen-  
riscum limbolariorum, &c. consumatur. Quid? quod generatim da, nec aliud  
opera mechanica, quæ aurum argentumque non signatum con- aurum ar-  
sumunt, commerciorum causa provide instituenda sunt, ne ex- gentumque  
cessu noceant (§. 1031. P. VIII. Jur. nat.). per excessum.

Multi sunt modi, quibus aurum argentumque sensim perdi-  
tur, destruitur, ineptèque consumitur a variis. Quod cum no-  
ceat opulentia civium & civitatis, utique cavendum est, quan-  
tum fieri potest. Multum argenti aurique dissipari, dum vul-  
gari modo ustulatur; dum volatile redditur & in auras abit,  
quod quomodo fiat, chemia docet; dum igne vehementiori diu  
(Wolffii Politice P. III. S. II. C. III.) D d d d urge-



urgetur; dum longo usu atteritur, uti in annulis monetisque, apparet. Multum perditur, dum amalgamantur, aliisque metallis inducuntur hæc metalla, dum in lamellas ducuntur, & in fila, dum deaurata & argento obducta sensim perdunt, quod illis adhæserat; dum intexuntur, aut nentur in pannis, lintheaminibus, limbis, fasciis, tæniis aliisque ornamentis. Vbi accedente viliori metallo ingens lucrum ex multorum damno capiant venditores.

## §. 652.

*Nec otiose*

*abscondenda: ingenti copia includatur, vel in terra & muris recondatur; sed potius curandum, ut secure vel mutua detur, vel fœnori exiguo, saltem æquo, ut ea carentes inde lucrum facere possint. Pecunia enim non prodest civitati, nec privato ulli, nisi per usum legitimum, cum non inventa nec necessaria sit, nisi propter obtinendam communem pretiorum mensuram (§. 290. seqq. & 320. P. IV. Jur. nat.). Inde nec per se appetenda est (§. 412. ibid.), sed usu consumenda (§. 348. & 471. ibid.). Quapropter ea inutilis red- datur, si plus, quam futura necessitas postulat, ut in promptu sit, otiose recondatur in thesauro, specu, muro, aut sub terra defodiatur, ut mortuis dominis per reliquorum ignorantiam omni careat usu, quasi nihil ejus superesset, nisi fortuito casu a quoquam detegatur reperiaturve jam detecta. Ita enim cives multi nequeunt præstare civitati, quæ debent, defectu pecuniæ, & commercia minuuntur. Si igitur dentur cives tam avari, ut ex solo adspectu vel dominio occultam quærant voluptatem, illi adigendi ad officium erunt (§. 395. P. VIII. Jur. nat.), ne pecuniam suam reddant inutilem, præstita ipsis securitate pro usu seu gratuito, seu quadamtenus lucroso, aliis concedendo.*

*Si quis enim ita abundet pecunia, ut magna ejus parte uti nequeat & nolit, alii supererunt, illius copia & usu egentes, quibus ea mutuo dari poterit, ut gratis eadem utantur,*  
fini-

finitoque usu concessio sibi, eam dominio restituant, intercedente magistratus autoritate & liberalitatis cohonestatione (§. 346. *seqq.* & 182. *seqq.*). Erunt quoque alii, qui usus fructusque pecuniæ partem æquam, seu leviores usuras domino præter fortem dent contractu scænebri (§. 1412. P. IV. *Jur. nat.*). Sed in rep. opera est danda, ut opifices, aliena pecunia indigentes, & eadem vix tantum acquirentes, quantum valent usuræ legitimæ, usum illius pro levioribus usuris obtineant (§. 750. P. VIII. *Jur. nat.*). Quare proscribendam esse usurariam pravitatem (§. 748. P. VIII. *Jur. nat.*), & sic usura vel nulla vel exigua quoque ditandis, quantum licet, civibus litandum esse, innotescit (§. 1027. *ibid.*).

## §. 653.

Propterea, quod ferendum non est, ut pecunia privato- *De usu pecu-*  
rum temere otiosa & inutilis reddatur (§. 652.), *conspicuum est, niæ promo-*  
operam esse navandam, ut pecunia in perpetuo amplissimoque usu versetur; *vendo.*  
*ut inter omnes justa proportionem distribuatur; ideoque ope commer-*  
cii interni eadem pecunia ab alio in alium subinde transferatur,  
in plurimorum commodum convertenda (§. 62. *Jur. Gent.*).

Quia pecunia usu consumitur, h. e. definit esse nostra, dum erogatur, vel gratis vel pro re alia comparanda, manifestum est, usum pecuniæ non nisi debita & legitima ejus erogatione absolvi. Ut vero debite erogari & in alios transferri possit, utique opus est, ut ab omnibus pro suo modulo adquiratur, administretur recte, custodiaturque in dictos usus. Quare promovendus usus hæc simul includit. Neque sufficit, pecuniam in civitate manere, cum tributa pleraque non requirant determinatam patrimonii partem, sed ut tantum cuique sit, quantum est dandum.

## §. 654.

Ut questuosus sit pecuniæ usus, & ipsi rectores civitatum pro di- *Quomodo id*  
gnitate erogare debent pecuniam ex officio in personas alendas meritisque *fiat.*

D d d d 2 præ-

premiis afficiendas, resque sibi comparandas decoras, & incitare opulentos ac dignitatibus fulgentes, ut eos pro gradu suo imitentur. Est enim rectorum civitatum, cives suos locupletare (§. 1027. P. VIII. Jur. nat.) & (§. 629.). Sed hoc fieri non posset, si accepta tributa vellent in thesauris recondere, & parum vel nihil erogare. Quapropter ad majestatis suae splendorem pro officii ratione sapienter erogare opes suas debent in personas & res se dignas, ut commercium internum provehant (§. 629. & 653.). Simul quoque suo exemplo nuncque incitare debent honoratiores opulentioresque, ad imitandum pro gradu suo id officii genus. Qui vicissim alios mediocris fortunae cives incitant ad imitamenta pro sortis suae conditione, ut sic per hos reliqui, omnesque adeo, ad commerciorum florem augendum prout fiant.

Non repetimus hic remotiora subsidia commerciorum juveniorum, de quibus supra dictum est (§. 629. seqq.). Minus recte igitur rectores civitatum a peregrinis petunt emuntque, quibus splendorem suae majestatis ostendere & tueri possunt, quando illa in sua civitate a civibus habere possunt. Neque enim vanitati, sed felicitati & fortunacioni civium augendae studendum est. Est quidem & thesauro publico opus in casum necessitatis; sed is tantum superflua continebit, quae nocerent potius saluti publicae, quam prodescent (§. 429. seqq. P. I. Polit.). Nimia enim pecuniae copia aequè nocet ac inopia.

§. 655.

De modis locupletandi  
cives tenuiores.  
res.

Ut cives tenuioris sortis rem facere possint, curandum est, ut vel nulla vel leviori usura frui possint pecunia aliena (§. 750. P. VIII. Jur. nat.). Quod fieri poterit, si partim ex thesauro publico illis pecunia, in eo otiose recondita, credatur, ea lege, ut, si minus recte ea utantur, vel publicae salutis causa thesauro utendum sit, credita illico recuperetur; vel, si ex privatorum superfluis opibus & symbolis ararium pium (mons pietatis vulgo dictus), constitutur simili lege, ut indigentes suis ratis, eas confestim in prom-



promptu habeant, seu ex reservata semper certa summa parata, seu ex aliis eorum loco symbolas inferentibus. Legatis enim piis obtineri potest impendium, in receptionem, erogationem & administrationem ratarum ærarii tutam faciendum.

Dantur passim æraria mutuaticia pietate duce ad alia aliave bona publica provehenda instituta, quæ exemplo & in aliis casibus esse possunt. Amplificandum enim est bonum publicum, quibuscunque modis honeste fieri potest.

§. 656.

Juvandorum eorum causa, qui non nisi ex usuris patrimonii sui honeste ali & fortunari possunt, instituenda sunt æraria sceneraticia præbri usu per vulgares & privatas scenoris rationes, ab usuraria tamen pravitate immunes (§. 748. seq. P. VIII. Jur. nat.), quæ cum ærario majorum societatum mercatoriarum commode connectuntur. In civitate enim obligant se singuli universis, quod commune bonum promoveri velint, & universi se obligant singulis, quod vitæ ipsorum affluentia, tranquillitati & securitati prospicere velint (§. 28. P. VIII. Jur. nat.). Curandum igitur, ut & illorum fortunæ consulatur, qui aliunde, quam ex usuris patrimonii honeste ali & fortunari nequeunt (§. 1414. P. IV. Jur. nat.). Sed his consuli semper nequit privatis scenerandi conditionibus, ideoque & publico opus est ærario scenebri, ubi pecunia tuto & cum emolumento publico privatoque locari possit. Cujusmodi alias melius dari nequit, quam in majoribus mercatorum societatibus, a quibus scenus lautius non sine insigni suo & civitatis incremento haberi ac dari potest (§. 352. seqq.).

Ita usitatum est, ut ingentes summæ societatum mercatoriarum colligantur ex collatis multorum ratis, non tantum indigenarum, verum & peregrinorum: quia lucrum, quod societas inde capit, ditat societatem simulque civitatem ipsam. Indigent enim ejusmodi societates multis millionibus vel pecunia imensa, ad tantos sumtus faciendos, sine quibus ingens lucrum

fieri nequit. Conf. P. Jac. Marpergeri montes pietatis, & Klockius de arario.

## §. 657.

De arariis  
pauperum.

In eundem finem quoque faciunt pauperum arari, instituta tontina, vitalitia & vidualitia. Continent enim araria pauperum legata, e quorum usuris pauperibus subvenitur per dona. Continet vitalitium reditus ad vitæ dies consortibus subministrandos, & si crescant illi pro numero consortium demortuorum, æqua lege tontinum appellatur institutum. Viduis debitum vitalitium vocarunt vidualitium. Vti hæc instituta iustitiæ conformari sic possunt, ut e vitalitia & tontino loco ratæ suæ plus accipiant participes, quam ex ea sola rata alias fuissent habituri, e vidualito autem fortunandis viduis vel & orphanis prospiciatur: ita ad augendas senum, viduarum, aliorumque egenorum opes recte adhiberi possunt, & si bene administrantur, magno cum fructu in perpetuum conservari. Quæ omnia passim ita comprobata dedit fidissima rerum magistra, ut aliis vix egeamus argumentis, de quibus vid. P. V. Jur. nat. §. 430. seqq. & Diss. nostr. de questu Tontino.

## §. 658.

Cur sortilegia  
rarius  
sint concedenda?

Rarius quoque sortilegiis, in quæ symbola conferuntur sub spe lucrorum sorte addicendorum, subveniri potest brephotrophiis, nosocomiis, aliisque pauperum & miserorum hospitaliis & necessitatibus publicæ rei. Quando enim in sortilegia symbola sponte conferuntur, quædamtenus ducuntur conferentes spe magno lucro pro sua symbola potiundi, & simul norunt bene, multos nihil esse inde reportaturos. Consentunt ergo in antecessum omnes, qui perdituri sunt, in jacturam suæ symbolæ, quoniam illa jactura exigua & fere nulla dicenda est, eo quod & publicæ rei simul consulunt, cui certa pars summæ v. c. decima cedit, & privato.

vatorum haud raro inopum, fortunis locupletandis, quibus lucra obveniunt. Hæc enim in officia pecuniam, qua carere possumus, conferre licet (§. 324. P. V. Jur. nat.).

Quatenus vero solus lucrandi animus allicit ad sortilegia, vitia iisdem nascuntur, aluntur, diffunduntur, quod utique est illicitum (§. 323. *ibid.*). Accedit haud raro, ut in sortilegia peregrina multorum lucri cupiditate multo plus pecuniæ exportetur, quam per lucra reportatur, sæpe exigua aut plane nulla. Quod cum opes civium minuat, ipsique civitati noceat, tolerandum non est (§. 1028. P. VIII. Jur. nat.). Neque lucrorum abusus ab illis facile evitatur, qui tam facili negotio potiti illo sunt, vana haud raro spe majorum in posterum similiter consequendorum. Non igitur nisi rarius urgente officio melius non explendo, hujusmodi sortilegia majora præsertim vel in gratiam ptochotrophiorum, orphanotrophiorum, templorum condendorum & similium causa, ita erunt instituenda, ut vitiis istis, quantum fieri potest, simul occurratur (§. 654. *ibid.*).

De olla rotaque fortunæ emtione spei, & id genus aliis modis se locupletandi, similiter statuendum est, etiam si pecunia intra civitatem consumitur, quæ inde obtinetur. Conf. P. V. Jur. nat. §. 340. *seqq.*) & §. 755. P. VIII. Jur. nat.

#### §. 659.

*Vt necessitatibus egenorum aliisque piis causis extra ordinem subveniatur, colligendæ sunt publica autoritate donatæ ceterorum civium dis extra pecuniæ, prout consultum videtur. Vti enim opes civium sunt auctendæ (§. 1027. P. VIII. Jur. nat.): ita & inopia eorum, qui in civitate degunt, est levanda (§. 641.). Quod si ordinariis modis fieri nequit, in extraordinariis casibus, cujuscunque sint generis, ipsis quoque extra ordinem erit subveniendum.*

Quare



Quare cum magistratus gaudeat jure extraordinariis quoque necessitatibus degentium in civitate consulendi (§. 936. P. VIII. Jur. nat.), ejusdem est, extra ordinem colligendi pecuniam modos comminisci, & sapienter administrare, prout e re nata consultius videtur.

Copiæ rerum & divitiis contraria est inopia. Nec ditescere quisquam potest, nisi sublata prius inopia. Vnde in casibus extraordinariis, illi quoque extra ordinem est medendum. Nec tantum in his jure colligendi extraordinaria subsidia uti licet, verum & tunc, quando eorum collectio facere potest ad bene meritos præmiis afficiendos locupletandosque; item ad varios casus alios, piarumque causarum emolumenta locupletiora. Cæterum idem hoc præceptum quoque ad necessitates vitæ procurandas valere, me non monente patet.

§. 660.

*Alii modi divitiis civitatis & civium consulendi.*

Quia civitatibus studendum est, ut sint potentes (§. 70. Jur. Gent.), & potentia quoque in divitiis consistit (§. 69. *ibid.*), & civitas dives est, in qua multæ familiæ seu multi cives sunt divites (§. 66. *ibid.*): tolerandum non est, ut cives bona sua dilapident (§. 751. P. VIII. Jur. nat.), ideoque prodigis dandi sunt curatores, qui eorum bona sic administrent, ne dilapidari possint (§. 752. *ibid.*); prohibendi quoque sunt ludi, quibus bona dilapidantur (§. 753. *ibid.*), & puniendi, qui eis operam dant, ut cum aliorum damno evadant locupletiores, vel periclitantur pecuniam potius sibi ad necessaria ac utilia reservandam (§. 365. P. V. Jur. nat.) & (§. 395. P. VIII. Jur. nat.). Nec permittendum, ut divites temere discedant, cum opibus in civitate partis, nisi damnum inde oriturum refarciant, æqua bonorum parte, quæ decima plerumque esse solet, relicta (§. 404. *ibid.*), & census emigrationis, vel detractus dicitur; ad quem ex eadem ratione quoque obligantur hereditatem ad peregrinos exportaturi divitum mortuorum hæredes.

Ex

Ex eadem quoque ratione *luxus perniciosus non est tolerandus* (§. 733. *ibid.*); nec permittendæ sunt in foro litigioforum infinitæ contentiones (§. 984. *seq. ibid.*), *furta autem & latrocinia, rapina, raptus similiaque scelera vel pœnis capitalibus sunt coercenda* (§. 840. § 1028. *ibid.*), si modis mitioribus compesci nequeunt. Facit in eundem finem, si opum civium augendarum causa (§. 1027. *ibid.*), onera eorum, quantum fieri potest, minuantur, ex æquo distribuuntur, nec alia imponantur, quam quæ necessaria reip. administratio & defensio exigit (§. 676. *seqq. ibid.*), nec usquam non usitata & paria habentur. *Idem quoque valet de multis irrogandis, & pro re nata mitigandis, remittendisve* (§. 656. *seqq. ibid.*).

## §. 661.

Quandoquidem permittendum non est, ut parata pecunia temere copioseque ex civitate exportetur (§. 404. P. VIII. *regrinationi- Jur. nat.*), quod sine manifesto rei privatæ & simul publicæ detrimento dispendioque fieri nequit: *ferendæ non sunt ineptæ sumptuoseque divitum juvenum peregrinationes, quæ & vitia potius peregrina reportant in civitatem, quam virtutes; etsi concedi viris nonnullis potest facultas, non nisi modicis sumtibus, publicis aut privatis, sagaci mente accurate perscrutandi, quæ ibi in natura, arte & scientiis egregia & utilia sunt, transferendique secum in patriam. Opificum autem artificumque excursions ad peregrinos, cum nullis fere sumtibus fiant, cum advenæ ibi arte sua alantur & in eadem perficiantur; facile concedendæ & ad bonum publicum accommodandæ sunt. Vtrumque in finem diligenter præparandi sunt optima educatione animi, & virtutibus satis imbuendi, ut recte se gerere, & virtutes inter externos augere studeant, nequaquam autem ad vitam dissolutam & vitia se abduci patiantur* (§. 369. *seq. Oecon.*).

Quæ hic in genere de peregrinationibus dicuntur, ea illustrantur per ea, quæ de alio fine peregrinationum dicta sunt (§. 377. & 398. P. I. Polit.), & de mercatorum, literatorumque peregrinationibus præcipue valent, quibus magna pecuniæ copia exportari continenter ad externos solet. Vnde condendas esse academias domesticas, & sic instruendas, ut omnes scientiæ & artes humaniores haud secus ibi disci possint ac inter externos, manifestum est (§. 373. seqq. P. II. Polit.). Ita enim similiter ac in artibus vulgaribus tum demum permitti poterunt peregrinationes, quum profuturæ potius sunt civitati, quam nocituræ, & cum vel nullo vel exiguo sumtu id emolumentum inde percipi poterit, quod intelligitur futurum esse salutare. Hoc cultioribus civitatibus in usu esse, res ipsa ubique docet.

## §. 662.

*Sapienter  
evitandum  
est bellum.*

*Summopere abhorrendum est a bello omni, quod non requirit manifesta necessitas officiorum.* Rector enim civitatis nihil tolerare & admittere in rep. debet, quo subditorum divitiæ & opes minuuntur (§. 1028. P. VIII. Jur. nat.). Sed teste experientia tristi eaque indubitata nihil magis opes divitiasque civium & civitatis atterit & exhaurit, quam bellum (§. 482. P. I. Polit.). Quare id ipsum summopere vel hoc nomine evitandum esse innotescit (§. 483. seqq. ibid.).

Licet accurata disciplina removeatur a bello vel iusto, quidquid ab eo abesse potest, quod utique est difficillimum; ipsum tamen in se ita comparatum est, ut, ubicunque geratur, sine sumptibus immensis, multarumque rerum pretiosarum detrimento & jactura, & sine ingenti fortunarum ruinageri nequeat; ne quid hic de tot hominum strage, mutilatione, captivitate, vulneratione & miseria hinc nascente addam.

## §. 663.

*Aut quam  
primum fini-  
endum.*

*Omnino autem necessarium bellum ita gerendum est, ut quamprimum pace firma componatur.* Si enim bellum evitari non potuit, gerendum utique est (§. 629. seqq. Jur. Gent.), sed ita, ut tendat ad inju-



injuriā avertendam, factamve reparandam, aut ad satisfaciendum pro ea, quæ reparari nequit (§ 619. *ibid.*), & ut exitum habere possit, curandum est (§ 886. *ibid.*), ideoque a rigore juris naturæ tunc recedendum, quando salvo illo finis belli obtineri nequit (§. 887. *ibid.*), ut pax quam primum coalescere, & ruina fortunarum cessare possit.

## §. 664.

*Evitanda sunt, quantum datur, incendiorum pericula; oborta tamē tempestive restinguenda, & damna inde nata complurium consortium incendia pro symbolis reparanda.* Incendia enim, quod nemini ignotum est, *Quid contra incendia pro-*  
multum damni inferunt civibus, & quo illa sunt majora, eo plus *videndum.*  
opum civibus auferunt. Quare ad avertenda tanta damna comparanda sunt, quæcunque in viribus humanis continentur, videlicet, ut ipsa constructio murorum, tectorum, focorum, fornacum & caminorum periculum incendii arceat, ut negligentia omnium circa ignem legibus severis coërceatur, nec occultetur incendium subortum, ut vigilēs nocturni alantur, ut instrumenta ad illico restinguendum idonea præsto sint, cum aqua & hominibus promissis & peritis, ut admodum caveatur, ne incendium vicina ædificia corripiat, latiusque serpat (§. 724. *P. VIII. Jur. nat.*). Si quæ tamen damna incendii averti non potuerunt, ne in egestatem vel mendicitatem incidant incendium passi, opera danda (§. 726. *ib.*). Ideoque opus est, ut instituto quodam consortio damnum ex incendio oriundum reparetur pro certa pensione annua (§. 375. *P. V. Jur. nat.*), vel pro ratis in damna incendii reparanda conferendis. Cujusmodi in pagis, quorum domus præsertim dispersæ sunt, usitantur instituta, & appellantur vulgo Feuer- vel Brand-Ordnungen. Aut illorum loco colligendæ sunt certis regionibus aut provinciis symbolæ ex misericordia suppeditatæ.

## §. 665.

*Cum & ex inundationibus & pecudum contagiis opes multum De averten-*  
Ee ee 2 *dimi- dis eluvioni-*

*būs & peco-* diminuantur, consentientibus cunctis id expertis, & opum iactu-  
*ris contagiis.* ra sapienter avertenda sit (§ 619): illis *occurrendum est aggeribus*  
*robustis,* diligenter conservatis, &, quoties opus est, reparatis, vigi-  
 liisque hominum glaciei defluentis coarcevationem pro viribus  
 impredientium, defluxumque adjuvantium; his autem avertendis  
*omnibus, quæ contagium armentorum gregumque differre & communicare*  
*possunt, validisque remediis tempestive infectis pecudibus adhiben-*  
*dis, & causis contagiorum tollendis (§ 719. P. VIII. Jur. nat.)* Quæ  
 in his damna averti non potuerunt, ea remissione onerum, sym-  
 bolisque aliorum collectis minuenda sunt, si prorsus reparari ne-  
 queunt.


Possent hic complura alia commemorari, uti de alliciendis in  
 civitatem peregrinis opulentis, de itineris commoditate transitu-  
 ris præstanda, ut non pauca interim consumant, de nundinis so-  
 lennioribus frequentioribusque, de agyrtis, histrionibus & cir-  
 cumforaneis &c. non nisi caute admittendis &c. Sed ea facile in-  
 telligi possunt, ex P. II. Polit. Sect. II. cap. i. §. 230. seqq. & ex  
 aliis hic disputatis.

## §. 666.


*Omnes &*  
*singuli sunt*  
*honeste for-*  
*tunandi.*


Tandem opera navanda est, ut cives ad unum omnes, cujuscun-  
 que sint vitæ generis, pro sua quisque sorte, & pro suis meritis, in civi-  
 tate fortunentur, saltem ditescere licite possint, modo velint. Curan-  
 dum enim est, ut singulis civibus bene sit (§. 230. P. II. Polit.), &  
 ut singuli honeste possint ditari (§. 619.). Quapropter danda  
 est opera, ut cives, cuicunque vitæ generi sint addicti, ad unum  
 omnes, pro sua quisque sorte & pro suis meritis honeste for-  
 tunari & locupletari possint, modo velint omnes &  
 singuli suis officiis recte fungi.



















Biblioteka Jagiellońska



stdr0026899







POLITICA  
WOLFH.

TOM. III.

A S